

রাষ্ট্রবিজ্ঞান

(Political Theory)

[কলিকাতা ও বর্ধমান বিশ্ববিদ্যালয়ের ত্রিবার্ষিক ডিগ্রী
কোর্সের পাঠ্যক্রম অনুসারে লিখিত ।]

(ডিগ্রী কোর্সের প্রথম পত্র)

ফণীন্দ্রনাথ ভট্টাচার্য এম. এ.

অুরেন্দ্রনাথ কলেজের (সাক্ষ্য) উপাধ্যক্ষ

ও

শচীন্দ্রনাথ ভট্টাচার্য এম. এ.

খড়্গপুর কলেজের অধ্যাপক



ইণ্ডিয়ান প্রোগ্রেসিভ পাবলিশিং কোং প্রাইভেট লিঃ

২০৬, কর্নওয়ালিস স্ট্রীট, কলিকাতা-৬

১৯৬০

প্রকাশক :

সি. ভট্টাচার্য বি. এ. ; বি. টি.

সম্পাদক :

ইণ্ডিয়ান প্রোগ্রেসিভ পাবলিশিং কোং প্রাঃ লিঃ

২০৬, কর্ণওয়ালিশ স্ট্রীট, কলিকাতা-৬

মূল্য : সাত টাকা

মুদ্রাকর :

কাতিকচন্দ্র পাণ্ডা

মুদ্রণী

৭১, কৈলাস বসু স্ট্রীট, কলিকাতা-৬

ভূমিকা

কলিকাতা বিশ্ববিদ্যালয়ের ত্রিবার্ষিক স্নাতক পাঠ্যক্রম (Three Years Degree Course) অমুসারে গ্রন্থখানি রচিত হইয়াছে। নূতন পাঠ্যসূচী অমুসারে স্নাতকস্তরে রাষ্ট্রবিজ্ঞান বিষয়টি অত্যাশ্চর্য বিষয়ের হ্রায় একটি স্বতন্ত্র বিষয়রূপে গ্রহণযোগ্য হইয়াছে। বর্তমানে রাষ্ট্রবিজ্ঞান বিষয়টিকে তিনটি পত্রে বিভক্ত করা হইয়াছে। পুরাতন পাঠ্যসূচী অমুসারে বি.এ. পরীক্ষাত্রীকে যেখানে রাষ্ট্রবিজ্ঞান বিষয়ে একটি মাত্র পত্রে পরীক্ষা দিতে হইত, বর্তমানে উক্ত বিষয়ে তিনটি পত্রে পরীক্ষা দিতে হইবে। বলা বাহুল্য, পূর্বেকার একশত নম্বরের স্থলে বর্তমানে তিনশত নম্বরের জ্ঞান ছাত্র-ছাত্রীদের প্রস্তুত হইতে হইবে। ফলে রাষ্ট্রবিজ্ঞানের আলোচনা একটু দীর্ঘতর ও উন্নত ধরনের করিতে হইয়াছে।

বর্তমানে স্নাতক পাঠ্যক্রমে রাষ্ট্রবিজ্ঞান বিষয়ের প্রথম পত্রে রাষ্ট্রতত্ত্ব (Political Theory) অন্তর্ভুক্ত হইয়াছে। দ্বিতীয় পত্রে অন্তর্ভুক্ত হইয়াছে মার্কিন যুক্তরাষ্ট্র, ব্রিটেন, রুশিয়া ও স্নাইজারল্যান্ডের শাসন-ব্যবস্থা আর তৃতীয় পত্রে অন্তর্ভুক্ত হইয়াছে ভারতবর্ষের শাসন-ব্যবস্থা।

বর্তমান গ্রন্থে রাষ্ট্রবিজ্ঞান বিষয়ের প্রথম পত্রের অন্তর্গত রাষ্ট্রতত্ত্বের আলোচনা করা হইয়াছে। রাষ্ট্রতত্ত্বের বিষয়গুলি বিতর্কমূলক হইলেও আমরা ইহার কোন অংশকেই উপেক্ষা করি নাই। একদিকে যেমন ভাববাদী সমাজ-দর্শনকে সন্নিবিষ্ট করিয়াছি আবার অপরদিকে মার্কসীয় মতবাদকেও যথাযোগ্য স্থান দিয়াছি। ব্যক্তিগত মতামতে ভারাক্রান্ত না করিয়া সম্পূর্ণ নিরপেক্ষ দৃষ্টিভঙ্গী লইয়া প্রতিটি বিষয়ের সম্যক আলোচনা করিয়াছি।

রাষ্ট্রবিজ্ঞানের পরিভাষার অপ্রতিতুলতার জ্ঞান বহুক্ষেত্রে আমাদের পরিভাষা সৃষ্টি করিতে হইয়াছে এবং সেক্ষেত্রে শব্দার্থ ও ভাবার্থ উভয়েরই সঙ্গতি রক্ষা করিবার চেষ্টা করা হইয়াছে। এই গ্রন্থে আমরা ইংরেজী ভাষায় লিখিত গ্রন্থ হইতে উদ্ধৃতি করিবার কালে প্রয়োজনামুসারে আক্ষরিক অনুবাদ করিয়াছি। আবার কখনও কখনও আক্ষরিক অনুবাদের পরিবর্তে মর্মাহুবাদ করাই যুক্তিসঙ্গত মনে করিয়াছি।

এই গ্রন্থের উপকরণ সংগ্রহ করিতে হইয়াছে কলিকাতা বিশ্ববিদ্যালয়ের তালিকাভুক্ত ইংরেজী ভাষায় লিখিত পুস্তকাবলী হইতে। বিলাতি উপকরণে দেশী-খাবার প্রস্তুত করা যে কতটা কষ্টকর তাহা রচনাকালে পদে পদে অহুভব করিয়াছি। আমরা বাঙালী বটে, কিন্তু চর্চার অভাবে স্থানে স্থানে হয়ত বাক্যবিছাসে ত্রুটি রহিয়া গিয়াছে। পরবর্তী সংস্করণে সহকর্মী অধ্যাপকবৃন্দের ও পাঠক সাধারণের সাহায্য পাইলে গ্রন্থখানিকে সর্বান্ধস্বন্দর করিবার চেষ্টা করিব।

পুস্তকখানিকে ছাত্র-ছাত্রীদের উপযোগী করিবার জন্ত প্রতিটি অধ্যায়ের শেষে সংশ্লিষ্ট অধ্যায়ের একটি সারসংক্ষেপ ও প্রশ্নোত্তরের ইংগিত দেওয়া হইয়াছে। আবার ডিগ্রী পরিক্ষায় সমালোচনামূলক প্রশ্ন থাকে বলিয়া প্রশ্নোত্তরকালে সমালোচনা করিবার সুবিধার্থে রাষ্ট্রবিজ্ঞানের একটি সংক্ষিপ্ত ইতিহাস গ্রন্থের প্রথমেই দিয়াছি।

আমাদের এই গ্রন্থের প্রতিপাল্য বিষয় যদি কোন রাষ্ট্রবিজ্ঞানের ছাত্র-ছাত্রীর চিন্তাকে উদ্ভুদ্ধ করিয়া নূতন মত গঠন করিতে সাহায্য করে তাহা হইলে আমাদের সমস্ত প্রচেষ্টা সার্থক হইবে।

এই গ্রন্থখানি লিখিবার সময় খড়াপুর কলেজের উপাধ্যক্ষ ভবতোষ বারুদী ও অধ্যাপক গোপাল বসাক এবং সুরেন্দ্রনাথ কলেজের অর্থনীতির প্রধান অধ্যাপক প্রশান্ত রায় ও অধ্যাপক অনিল তেওয়ারী; ডায়মণ্ড হারবার ফকিচাঁদ কলেজের অধ্যাপক দিলীপ দে, বাগনান কলেজের অধ্যাপক শিশির সাহা, পাঁশকুড়া কলেজের অধ্যাপক হরিশাধন গোস্বামী ও তারানন্দর ব্যানার্জী; টেংড়াখালী বঙ্কিম সরদার কলেজের অধ্যাপক বাসব সরকার এবং অধ্যাপক সুজিত ভট্টাচার্য আমাদের কাছে গ্রন্থরচনার কার্যে উৎসাহিত করিয়া আমাদের কৃতজ্ঞতা পাশে আবদ্ধ করিয়াছেন।

ছাত্রদের অহরোধ ও সহকর্মী অধ্যাপকবৃন্দের উৎসাহে এই গ্রন্থ লিখিত হইল। এই গ্রন্থের উন্নতিসাধনে বিভিন্ন কলেজে অধ্যাপনায় নিযুক্ত সহকর্মী ও বন্ধুদের সাহায্য পাইবার আশা রাখি।

বিনীত

ফণীন্দ্রনাথ ভট্টাচার্য
শচীন্দ্রনাথ ভট্টাচার্য

সূচীপত্র

প্রথম অধ্যায় :

পৃষ্ঠা

রাষ্ট্রবিজ্ঞানের ইতিহাস (History of the Political Science) : প্রাচ্য জগতের রাষ্ট্রচিন্তা ; ইউরোপীয় রাষ্ট্রচিন্তা । ১—১১

দ্বিতীয় অধ্যায় :

রাষ্ট্রবিজ্ঞানের সংজ্ঞা ও আলোচনাক্ষেত্র (Political Science—Its Definition and Scope) : রাষ্ট্রবিজ্ঞানের আলোচনাক্ষেত্র ; রাষ্ট্রবিজ্ঞান—আলোচনার মূল্য ; রাষ্ট্রবিজ্ঞানের নাম ; রাষ্ট্রবিজ্ঞান ও শাসন-পদ্ধতি ; রাষ্ট্রবিজ্ঞানকে বিজ্ঞান বলা যায় কি ? রাষ্ট্রবিজ্ঞানের অনুসন্ধান-পদ্ধতি ; অত্যাগত বিজ্ঞানের সহিত রাষ্ট্রবিজ্ঞানের সম্পর্ক । ১২—৫৩

তৃতীয় অধ্যায় :

রাষ্ট্রের সংজ্ঞা, প্রকৃতি ও প্রয়োজনীয়তা (Definitions, Nature and Purpose of the State) : রাষ্ট্রের সংজ্ঞা ; প্রকৃতি ও উদ্দেশ্য ; রাষ্ট্রের উপাদান ; রাষ্ট্র ও সরকার, রাষ্ট্রের ভাবগত ও ধারণাগত রূপ ; সমাজ ও রাষ্ট্র ; আন্তর্জাতিক ও শাসনতান্ত্রিক আইনের দৃষ্টিতে রাষ্ট্র ; সম্মিলিত জাতিপুঞ্জ, পশ্চিমবঙ্গ এবং নিউ ইয়র্ককে কি রাষ্ট্র বলা যাইতে পারে ? ৫৪—৮৩

চতুর্থ অধ্যায় :

রাষ্ট্র ও জাতিতত্ত্ব (State and Theories of the Nation) : জাতি কাকে বলে ? জাতিগঠনের বিভিন্ন উপাদানগুলি ; জাতি সম্বন্ধে ফরাসী দার্শনিক রোঁশো, বিস্মকবি রবীন্দ্রনাথ, ম্যাক্ আইভার ও মার্কসবাদী মতবাদ ; জাতির আত্মনিয়ন্ত্রণাধিকার ; একজাতি এক রাষ্ট্র ; জাতির অধিকার-সমূহ ; জাতীয়তাবাদ । সাম্রাজ্যবাদ ; বিকৃত জাতীয়তাবাদ ; আন্তর্জাতিকতা ; ভারতবর্ষের জাতীয় চরিত্র । ৮৪—১১২

পঞ্চম অধ্যায় :

রাষ্ট্রের উৎপত্তি সম্বন্ধে মতবাদ (Theories of the origin of the State) : ঐশ্বরিক উৎপত্তিবাদ ; রাজার ঐশ্বর্যদত্ত অধিকার বনাম সামাজিক চুক্তি মতবাদ ; সামাজিক চুক্তি মতবাদ ; সাধারণ বা সমষ্টিগত ইচ্ছা ; বলপ্রয়োগ মতবাদ ; পরিবার সম্প্রসারণের মতবাদ (মাতৃতান্ত্রিক ও পিতৃতান্ত্রিক মতবাদ) ; ঐতিহাসিক মতবাদ বা বিবর্তনবাদ । ১১৩—১৮৪

ষষ্ঠ অধ্যায় :

পৃষ্ঠা

রাষ্ট্রের প্রকৃতি সম্বন্ধে মতবাদ (Theories of the Nature of State) : ব্যক্তিস্বাতন্ত্র্যমূলক মতবাদ ; জৈব মতবাদ ; রাষ্ট্রের ভাববাদী বা আদর্শবাদী ব্যাখ্যা ; রাষ্ট্রের আইনমূলক মতবাদ ; প্রকৃত সম্বন্ধে বলপ্রয়োগবাদ ; ঐশ্বরিক ব্যাখ্যা ; মার্কসীয় মতবাদ ।

১৮৫-২০৮

সপ্তম অধ্যায় :

মার্কসীয় রাষ্ট্রদর্শন (Marxian Theory of the State) : মার্কসীয় দর্শনের মূলকথা ; রাষ্ট্র সম্পর্কে মার্কসীয় মতবাদ ; সমালোচনা ।

২০৯-২২০

অষ্টম অধ্যায় :

রাষ্ট্রের সার্বভৌমিকতা (Sovereignty of the State) : সার্বভৌমিকতার স্বরূপ ; সার্বভৌমিকতার তত্ত্বের বিকাশ ; সার্বভৌমিকতার বৈশিষ্ট্য ; সার্বভৌমিকতার বিভিন্নরূপ ; সার্বভৌমিকতা সম্বন্ধে অস্টিনের মতবাদ ; সীমাবদ্ধ সার্বভৌমিকতার তত্ত্ব ; সার্বভৌমিকতার ক্ষমতা কি বিভাজ্য ; সার্বভৌমিকতার অবস্থিতি ও যুক্তরাষ্ট্রের স্থান সার্বভৌমিকতা ; একত্ববাদ বনাম বহুত্ববাদ ।

২২১-৩৭৯

নবম অধ্যায় :

আইন (Law) : আইনের সংজ্ঞা ও প্রকৃতি ; আইনের উৎস ; আইনের শ্রেণীবিভাগ ; আন্তর্জাতিক আইন, ইহার সংজ্ঞা ও প্রকৃতি ; আন্তর্জাতিক আইন কি আইন ? স্বাভাবিক বা প্রাকৃতিক আইন ; আইন কি সমষ্টিগত ইচ্ছার প্রকাশ ? লোকে আইন মাত্র করে কেন ? আইন ও নৈতিক বিধি ; আইন, রাষ্ট্র-কর্তৃত্ব, জনমত ও অধিকার ; অগ্রাগ্রহ কয়েকটি আইন ।

২৮০-৩১১

দশম অধ্যায় :

নাগরিকতা (Citizenship) : নাগরিকতার সংজ্ঞা ; নাগরিকতা অর্জন ও বর্জনের পদ্ধতি ; সূনাগরিকতা ; সূনাগরিকতার পথে প্রতিবন্ধক ; সূনাগরিকতার পথে প্রতিবন্ধক দূরীকরণের পন্থা ।

৩১২-৩২০

একাদশ অধ্যায় :

পৃষ্ঠা

অধিকার, স্বাধীনতা ও সাম্য (Rights, Liberty and Equality) : অধিকারের সংজ্ঞা ও স্বরূপ ; স্বাভাবিক অধিকার সম্বন্ধে মতবাদ ; নৈতিক ও আইনসঙ্গত অধিকার ; সামাজিক, রাষ্ট্রনৈতিক ও অর্থনৈতিক অধিকার ; স্বাধীনতা : স্বাধীনতার সংজ্ঞা ও স্বরূপ ; স্বাধীনতার বিভিন্ন রূপ ; স্বাভাবিক, সামাজিক ও আইনসঙ্গত স্বাধীনতা ; স্বাধীনতার রক্ষাবচ ; স্বাধীনতা, কর্তৃত্ব ও আইন ; সাম্য ও স্বাধীনতার আদর্শের ইতিহাস ও গুরুত্ব ; মৌলিক অধিকার ; অধিকার ও কর্তব্য ; নাগরিকের মূল কর্তব্যগুলি ।

৩২২—৩৫১

দ্বাদশ অধ্যায় :

আন্তর্জাতিকতা (Internationalism) : আন্তর্জাতিক আদর্শের ইতিহাস ; জাতিসংঘ ; সম্মিলিত জাতিপুঞ্জ ; জাতিপুঞ্জের উদ্দেশ্য ; গঠন ; নিরাপত্তা পরিষদ ও ভেটো ; জাতিপুঞ্জের ভবিষ্যৎ ।

৩৫২—৩৬১

ত্রয়োদশ অধ্যায় :

রাষ্ট্রের লক্ষ্য ও কর্মক্ষেত্রের পরিধি (End and Sphere of the State Action) : রাষ্ট্রের লক্ষ্য, কর্মক্ষেত্রের পরিধি ; বিভিন্ন রাষ্ট্রের কার্যাবলীর ইতিহাস ; কর্মক্ষেত্রে বৃদ্ধি পাইবার কারণ : কার্যাবলীর শ্রেণী বিভাগ ; কার্যাবলী সম্বন্ধে বিভিন্ন মতবাদ (ক) নৈরাজ্যবাদ ; (খ) ব্যক্তি স্বাতন্ত্র্যবাদ ; (গ) [redacted] বাদ (ঘ) সমাজতন্ত্রবাদ ও তাহার প্রকার ভেদ ।

৩৬২—৩৮৪

চতুর্দশ অধ্যায় :

শাসনতন্ত্র (Constitution) : শাসনতন্ত্রের ইতিহাস ; শ্রেণী বিভাগ ; লিখিত ও অলিখিত ; সুপরিবর্তনীয় ও দুস্পরিবর্তনীয় ; বিভিন্ন রাষ্ট্রের শাসনতন্ত্রের সংশোধনের প্রণালী ; শাসনতন্ত্রের উপাদান ।

৩৮৫—৩৯৪

পঞ্চদশ অধ্যায় :

রাষ্ট্রক্ষমতার পৃথকীকরণ (Theory of Separation of Powers) : রাষ্ট্রক্ষমতার পৃথকীকরণ নীতি ; মতবাদের সংক্ষিপ্ত ইতিহাস ; মতবাদের সমালোচনা ।

৩৯৫—৪০৪

ষোড়শ অধ্যায় :

সরকারের বিভিন্ন বিভাগ (Different Organs of government) : ব্যবস্থা বিভাগ ; দ্বিপরিষদ ব্যবস্থাপক সভা ; শাসন বিভাগ ; বিচার বিভাগ ; বিচার বিভাগীয় স্বাধীনতা ; সার্বভৌম ও অ-সার্বভৌম আইনসভা ।

৪০৫—৪২১

সপ্তদশ অধ্যায় :

পৃষ্ঠা

✓ **সরকারের বিভিন্নরূপ (Forms of Government) :**

রিপাব্লিকের শ্রেণীবিভাগ ; রাষ্ট্রের অগ্রাগ্র শ্রেণী বিভাগ ;

রর শ্রেণীবিভাগ ; রাজতান্ত্রিক স্বেচ্ছাতন্ত্র ।

৪২২—৪২৯

অষ্টাদশ অধ্যায় :

গণতন্ত্র ও একনায়কতন্ত্র (Democracy and Dictatorship) :

গণতন্ত্রের সংজ্ঞা ; গণতান্ত্রিক সমাজের বিভিন্নরূপ ;

প্রত্যক্ষ ও পরোক্ষ বা প্রতিনিধিমূলক গণতন্ত্রের বৈশিষ্ট্য ;

গুণাগুণ ; গণতন্ত্রের সাফল্যের শর্তাবলী ; গণতন্ত্রের ভবিষ্যৎ ;

গণতন্ত্র একনায়কতন্ত্র ও স্বৈরতন্ত্র ; গণতন্ত্র ও সোভিয়েত

ইউনিয়ন, ফ্রান্স-ক্যাসিষ্ট একনায়কতন্ত্র ; অভিজাততন্ত্র । ৪৩০—৪৩৭

উনবিংশ অধ্যায় :

পার্লিমেণ্টারী ও রাষ্ট্রপতি-শাসিত সরকার

(Parliamentary and Presidential Government) :

পার্লিমেণ্টারী শাসন-ব্যবস্থার বৈশিষ্ট্য ; পার্লিমেণ্টারী শাসন-

ব্যবস্থার গুণাগুণ ; রাষ্ট্রপতি-শাসিত সরকার ; গুণাগুণ । ৪৪৮—৪৫৪

বিংশ অধ্যায় :

এককেন্দ্রিক ও যুক্তরাষ্ট্রীয় শাসন-ব্যবস্থা (Unitary

and Federal Government) : এককেন্দ্রিক শাসন-ব্যবস্থার

বৈশিষ্ট্য ; পার্থক্য ; যুক্তরাষ্ট্রীয় শাসন-ব্যবস্থা ; যুক্তরাষ্ট্রের

বৈশিষ্ট্য ; যুক্তরাষ্ট্রের ইতিহাস ; পার্থক্য : রাষ্ট্র সমবায় ;

শক্তিমৈত্রী ; ব্যক্তিগত ও প্রকৃত রাজ্যসংঘ ; যুক্তরাষ্ট্রের প্রকার

ভেদ ; যুক্তরাষ্ট্রের সাফল্যের উপাদান কি ভারতবর্ষে বর্তমান ?

যুক্তরাষ্ট্রের ভবিষ্যৎ ; যুক্তরাষ্ট্রের সাফল্যের পূর্বশর্ত । ৪৫৫—৪৬৯

একবিংশ অধ্যায় :

রাষ্ট্রনৈতিক দল (Political Parties) : ইতিহাস ;

সংজ্ঞা ; বৈশিষ্ট্য ; কার্যাবলী ; গুণাগুণ ; দ্বি-দলীয় ও বহুদলীয়

ব্যবস্থা ; একদলীয় ব্যবস্থাও গণতন্ত্র ।

৪৭০—৪৭৯

দ্বাবিংশ অধ্যায় :

জনমত (Public Opinion) : সংজ্ঞা ; সমালোচনা ; গুরুত্ব ;

জনমত প্রকাশের মাধ্যম ।

৪৮০—৪৮৬

ত্রয়বিংশ অধ্যায় :

নির্বাচকমণ্ডলী (Electorate) : সমস্তাবলী ; সার্বিক প্রাপ্ত-

বয়স্কের ভোটাধিকার ; স্ত্রীলোকের ভোটাধিকার ; ভোটদানের

পদ্ধতি ; প্রত্যক্ষ ও পরোক্ষ ; সংখ্যালঘিষ্ঠের প্রতিনিধিত্ব ; এক

হস্তান্তর যোগ্য ভোট ; আনুপাতিক নির্বাচন ; ইত্যাদি । ৪৮৭—৫০০

রাষ্ট্রবিজ্ঞান

প্রথম অধ্যায়

রাষ্ট্রবিজ্ঞানের ইতিহাস

(History of the Political Science)

সৃষ্টির আদিম যুগে মানুষ ছিল অসহায় ও দুর্বল। তার জীবনযাত্রা-প্রণালী ছিল দুর্বল; বন-বনাস্তরে সে ঘুরিয়া বেড়াইত। আর বর্তমানের মানুষ সভ্যতার সুউচ্চশিখরে আরোহণ করিয়াছে; উন্নত তার জীবনযাত্রা-প্রণালী। জ্ঞান-বিজ্ঞানের ক্ষেত্রে, শিল্প ও বাণিজ্যের ক্ষেত্রে এবং সুশৃঙ্খল সমাজ-ব্যবস্থায় মানুষ এক সার্বিক উন্নতি সাধন করিয়াছে। অবশ্য, এই বিরাট উন্নতিসাধন, এই সুষ্ঠু ও সুন্দর সমাজ-ব্যবস্থা একদিনের প্রচেষ্টায় হয় নাই। মানুষের সহস্র সহস্র বৎসরের অক্লান্ত পরিশ্রমের ফলে স্থাপিত হইয়াছে বর্তমান সভ্যসমাজের ভিত্তিপ্রস্তর। প্রতিকূল পরিবেশে-ঘেরা মানুষ নিজ বুদ্ধি ও যুক্তির বলে নিজের প্রয়োজনের তাগিদেই নূতন নূতন উদ্ভাবনের সাহায্যে প্রতিকূল প্রকৃতিকে নিজের বশে আনিয়া **পরিবেশের (Environment)** পরিবর্তন করিয়াছে। আর এই বিরাট পরিবর্তন যে কোন একটি মাত্র লোকের চেষ্টা-প্রসূত নয়, তাহা বলাই বাহুল্য। এই পরিবর্তনের পশ্চাতে রহিয়াছে অসংখ্য মানুষের সংঘবদ্ধ-প্রচেষ্টা! সংঘবদ্ধতাই সমাজ-জীবনের মূল ভিত্তি।

বর্তমান সভ্যসমাজ
বহুদিনের সংঘবদ্ধ
প্রচেষ্টার ফল

বিখ্যাত গ্রীক দার্শনিক **এ্যারিস্টটল** বলিয়াছেন যে, স্বভাবগত কারণেই মানুষ সমাজবদ্ধ জীব। এই সংঘবদ্ধ জীবনযাপনের প্রবণতা মানুষকে সমাজ-গঠনের প্রেরণা যোগাইয়াছে। ফলে আদিম কাল হইতেই মানুষ দল ও পরিবার গঠন করিয়াছে। স্বভাবগত কারণেই হউক বা প্রয়োজনের তাগিদেই হউক মানুষ দীর্ঘে দীর্ঘে গড়িয়াছে বহু সংঘ ও সামাজিক প্রতিষ্ঠান। মানুষের গড়া এই প্রতিষ্ঠানগুলির মধ্যে রাষ্ট্রই সর্বপ্রধান। রাষ্ট্র মানুষের

সমাজবদ্ধ জীবনের চরম অভিব্যক্তি। সমাজ-বিবর্তনের এক বিশেষ স্তরে ইহার জন্ম।

আবার সমাজ ও রাষ্ট্রের বিবর্তনের পশ্চাতে রহিয়াছে অর্থনৈতিক পরিবেশের এক গুরুত্বপূর্ণ ভূমিকা। রাষ্ট্রচিন্তাবীরগণ অর্থনৈতিক দিক হইতে সমাজ-বিবর্তনের ইতিহাসকে চারিটি যুগে ভাগ করিয়াছেন; যথা, (১) শিকারের যুগ, (২) পশুপালনের যুগ, (৩) কৃষিকার্যের যুগ ও (৪) বর্তমান শিল্পের যুগ।

সমাজ-বিবর্তনের বিভিন্ন যুগে রাষ্ট্র আবার বিভিন্ন রূপ ধারণ করিয়াছে। যেমন, দাসপ্রথার যুগে সমাজ ও রাষ্ট্র একটি বিশেষ রূপ গ্রহণ করে। এই যুগে রাষ্ট্রের কর্তৃত্ব করে দাস-মালিকগণ। তাহাদের স্বার্থকে কায়মনে করার জন্তই সৃষ্টি হয় রাষ্ট্রনীতি। কৃষিযুগে জমিদারগণ বা সামন্তগণ ছিলেন ধনোৎপাদন ক্ষেত্রে প্রধান এবং রাষ্ট্রের কর্ণধার। শিল্পযুগে শিল্পপতিগণই রাষ্ট্রের মালিক, কারণ তাহাদের হস্তেই ছিল অর্থনৈতিক শক্তি। অতএব অত্যন্ত স্বাভাবিক কারণেই রাষ্ট্রের শ্রেণীচরিত্র এবং রাষ্ট্রচিন্তার রূপ বিভিন্ন যুগের শ্রেণীস্বার্থের রূপ অনুসারে পরিবর্তিত হয়। সামন্তযুগে সামন্তগণ রাজতন্ত্র প্রতিষ্ঠা করিয়াছে। এই যুগের রাষ্ট্রচিন্তা ছিল রাজতান্ত্রিক। আবার শিল্পযুগে শিল্পপতিগণ অধিকতর ধনশালী হইয়া; সামন্তদিগের স্থান অধিকার করে এবং রাষ্ট্রক্ষমতা দখল করে। এই যুগে আন্তঃরাষ্ট্রিক ব্যবসা-বাণিজ্য চালু হয় এবং রাজতন্ত্র সাম্রাজ্যবাদের রূপ গ্রহণ করে। কারণ শিল্পপতিগণ স্বরাষ্ট্রের বাহিরেও ব্যবসা-বাণিজ্য বিস্তার করিবার মানসে পররাজ্য গ্রাস করে। সামন্তযুগেও যে সাম্রাজ্যবাদ বিস্তৃতি লাভ করে নাই তাহা নহে। প্রাচ্যের প্রাচীন সাম্রাজ্য এবং পাশ্চাত্যের রোমান সাম্রাজ্যের দৃষ্টান্ত হইতে বলা যায় যে, শিল্পযুগের পূর্বেও দিগ্বিজয়ের উচ্চাকাঙ্ক্ষায় রাজত্ববর্গ পররাজ্য জয় করিয়া সম্রাটের উপাধিতে ভূষিত হইয়াছেন। অবশ্য, ইহা বলা বাহুল্য যে, এই সকল যুগে ব্যবসায়ী শ্রেণীর ব্যবসাকে প্রসারিত করিবার প্রচেষ্টাও রাজ্যব্যবর্গের দিগ্বিজয়ে কম সাহায্য করে নাই। অতএব দেখা যায় যে, রাষ্ট্র ও রাষ্ট্রচিন্তার বিবর্তনের পশ্চাতে এক বিরাট অর্থনৈতিক ভূমিকা রহিয়াছে। নিম্নে এই অর্থনৈতিক দিক হইতে সমাজ-বিবর্তনের বিভিন্ন যুগের আলোচনা করা হইল।

(১) **শিকারের যুগে** মানুষ বন-বনান্তরে ঘুরিয়া বেড়াইত। বন জঙ্গল হইতে তাহারা খাদ্য আহরণ করিত। আবার শিকারলব্ধ ফলমূল, পশুপক্ষী

দলের সকলেই সমানভাবে ভাগ করিয়া ভোগ করিত। এই যুগে মানুষ বনে ও বনের নিকটবর্তী অঞ্চলেই বাস করিত। তখনও তাহারা সঞ্চয় করিতে শেখে নাই। লাঠি ও প্রস্তরখণ্ডই তাহাদের হাতিয়ার ছিল। শিকারের যুগে পারিবারিক জীবনও গঠিত হয় নাই। ব্যক্তির কোন স্বাতন্ত্র্য ছিল না; ব্যক্তির পরিচয় ছিল গোষ্ঠীর একজন হিসাবে। আবার এই যুগে ধন-সম্পত্তিরও উদ্ভব হয় নাই। আদিম গোষ্ঠী-জীবনে পূর্ণ সাম্য ও প্রকৃত

গণতন্ত্রের সন্ধান পাওয়া যায়। গোষ্ঠী-জীবনে লোকসংখ্যা বৃদ্ধি পাওয়ায় খাদ্যভাব দেখা দিলে মাঝে মাঝে এক গোষ্ঠীর সহিত অপর গোষ্ঠীর শিকারক্ষেত্রের মালিকানা লইয়া যুদ্ধ হইত। এই যুদ্ধের সময় একজন গোষ্ঠীনোয়ক নির্বাচিত হইত। গোষ্ঠীনোয়ক প্রথমে যুদ্ধের সময় গোষ্ঠীর নেতৃত্ব করিত। কিন্তু পরবর্তীকালে দেখা গেল এই গোষ্ঠীনোয়ক শাস্তির সময়েও গোষ্ঠীর নেতৃত্ব দিত।

(২) মানব ইতিহাসের দ্বিতীয় যুগ হইল **পশুপালনের যুগ**। এই যুগে মানুষ বন হইতে যে সকল পশু ধরিয়া আনিত তাহাদের সবটাই খাইয়া ফেলিত না। তাহাদের মধ্যে কতকগুলিকে তাহারা লালন-পালন করিত। পূর্বে শিকারের যুগে খাদ্যের সরবরাহ ছিল অনিশ্চিত। পশুপালনের যুগে শিকার না করিতে পারিলে গৃহপালিত পশুর মাংস খাইয়া ক্ষুধা নিবৃত্তি করিত। ইহা ছাড়া পশুর পশম পরিচ্ছদরূপে ব্যবহৃত হইত। আবার পশু হইতে দুগ্ধও পাওয়া যাইত এবং তাহাকে ভারবহনের কাজেও ব্যবহার করা হইত। শিকারের যুগে এবং পশুপালনের যুগে মানুষ ছিল যাযাবর। কিন্তু পশুপালনের যুগে মানুষ সঞ্চয় করিতে শেখে এবং এই যুগেই ব্যক্তিগত ধন-সম্পত্তির উদ্ভব হয়।

(৩) মানব ইতিহাসের তৃতীয় যুগ হইল **কৃষিকার্যের যুগ**। শিকারের যুগে পুরুষেরা যখন শিকারে বাহির হইত, স্ত্রীলোকেরা তখন কৃষিযোগে ধনবৈষম্য, অস্থায়ী বাসস্থানে থাকিয়া বীজ সংগ্রহ করিয়া বীজ বপন করিত। এই বীজ হইতে যেদিন শস্য উৎপন্ন হইল সেদিন মানব ইতিহাসে এক নূতন অধ্যায়ের সূচনা হইল। চাষ-আবাদ শুরু হইয়া গেল। মানুষ তার চাষের ক্ষেত্রকে কেন্দ্র করিয়া গড়িয়া তুলিল তার স্থায়ী বাসস্থান। তার খাদ্য আহরণের জীবন

(food-gathering life) খাত্তোৎপাদনের জীবনে (food-producing life) রূপান্তরিত হইল। মানুষ ইচ্ছামুত্রে তখন খাদ্য উৎপাদন করিতে শিখিল। ফলে তাহাকে আর অদৃষ্টের উপর নির্ভরশীল হইয়া চাতকপক্ষীর মত কালান্তিপাত করিতে হইত না। পুরাতন সমাজ-ব্যবস্থা সম্পূর্ণ বিলুপ্ত হইয়া গেল। আর তারই ধ্বংসাবশেষের উপর গড়িয়া উঠিল নূতন সমাজ-ব্যবস্থা। এই সমাজ-ব্যবস্থায় মানুষ গৃহনির্মাণ করিতে শিখিল। গড়িয়া উঠিল পারিবারিক জীবন। প্রচলিত হইল বিবাহ-প্রথা। পূর্বে বিবাহ-প্রথা বলিয়া কিছু ছিল না। এই পরিবার-প্রথাকে দুইভাগে ভাগ করা যাইতে পারে; যথা, মাতৃতান্ত্রিক (Matriarchal family) এবং পিতৃতান্ত্রিক (Patriarchal family) পরিবার-প্রথা। মাতৃতান্ত্রিক পরিবার-প্রথায় মাতার কর্তৃত্ব এবং পিতৃতান্ত্রিক পরিবার-প্রথায় পিতার কর্তৃত্ব প্রতিষ্ঠিত হয়।

কৃষিকার্যের যুগে মানুষ স্থায়ীভাবে একস্থানে বসবাস করিতে আরম্ভ করে। নির্দিষ্ট স্থানে বসবাস করার ফলে গ্রাম্য-ব্যবস্থার উদ্ভব হয়। এই গ্রাম্য সমাজ সম্পূর্ণ গণতান্ত্রিক উপায়ে শাসিত হইত। গ্রামে ছিল গ্রাম্য সমিতি বা পঞ্চায়েত। পঞ্চায়েতের নির্দেশেই গ্রাম্য জীবন পরিচালিত হইত। এই যুগের মানুষ চাষ-আবাদে উৎপন্ন ফসল সঞ্চয় করিত এবং সঞ্চিত ফসল বাজারে বিনিময় করিত। এই গ্রাম্য বাজারকে কেন্দ্র করিয়াই গড়িয়া উঠিয়াছিল নগর।

ব্যক্তিগত ধন-সম্পত্তির উদ্ভব হয় শিকারের যুগে। উহা আরও স্পষ্ট রূপ ধারণ করে কৃষিযুগে। আবার কৃষিযুগেই পণ্য বিনিময় সূত্র হয় এবং শ্রমবিভাগের সূত্রপাত হয়। মানুষেরা স্বেচ্ছায় পাইলেই সঞ্চয় বৃদ্ধি করিয়া বিত্তবান হইবার চেষ্টা করে; ফলে ধনবৈলম্য বাড়িয়া যায়। সমাজে দেখা দেয় চৌর্যবৃত্তি ও স্বার্থের সংঘাত। একশ্রেণীর সহিত অপরশ্রেণীর দ্বন্দ্ব অনিবার্য হইয়া উঠে। ধন-মীমাংসকের ভূমিকায় রাষ্ট্রের উদ্ভব হয়। রাষ্ট্র তাহার আইন-আদালত, আমলা প্রভৃতি লইয়া এক বিশেষ শক্তিরূপে সমাজে আবির্ভূত হইল। আর এই রাষ্ট্রের ক্ষমতার অধিকারী হয় বিত্তবান জমিদার বা সামন্তশ্রেণী। ফলে সামন্ততান্ত্রিক সমাজ-ব্যবস্থা প্রতিষ্ঠিত হয়।

(৪) চতুর্থ যুগ হইল বর্তমান শিল্পের যুগ। শিল্প-বিপ্লবের ফলে পুরাতন গ্রাম্য সমাজ-ব্যবস্থা ভাঙিয়া পড়িল। আর তারই ধ্বংসাবশেষের উপর

গড়িয়া উঠিল বর্তমান শিল্প-সমাজ। রাষ্ট্রই এই সমাজের **সর্ববিধ উন্নতির নিয়ামক**। বর্তমান শিল্প-সমাজে ধনবৈষম্য আরও প্রকট রূপ ধারণ করিয়াছে। ফলে রাষ্ট্রকে **দ্বন্দ্ব-মীমাংসকের** ভূমিকায় অবতীর্ণ হইতে হইয়াছে। এই যুগে অধিকতর বিস্তৃতিশীল শিল্পপতিগণের হস্তে রাষ্ট্রের কর্তৃত্ব হস্তান্তরিত হয় এবং পূঁজিতান্ত্রিক সমাজ-ব্যবস্থা প্রতিষ্ঠিত হয়।

রাষ্ট্রের এই বিরাট ভূমিকার তাৎপর্য উপলব্ধি করিয়া যুগে যুগে রাষ্ট্রনায়কগণ রাষ্ট্র সম্বন্ধে বিভিন্ন মতবাদ লিপিবদ্ধ করিয়াছেন। রাষ্ট্র সম্বন্ধে এই মতবাদগুলিকেই রাষ্ট্রচিন্তা বলা হয়। **রাষ্ট্রচিন্তা** নূতন নহে। ইহা সেই আদিম মানুষের সমাজস্থিতির কাল হইতেই সুরু হইয়াছে। আদিম মানুষ প্রকৃতির উপদ্রব হইতে নিজেকে রক্ষা করিবার জন্ত আদিম পুরোহিতের আদেশে প্রকৃতিকে দেবতা-জ্ঞানে পূজা করিত। তাহারা নিজেদের আত্মরক্ষার জন্ত আদিম নেতার নেতৃত্ব মানিয়া লইত। আদিমকালের মানুষের এই আত্মগত্যা স্বীকার, কোন নেতার নেতৃত্বকে স্বীকৃতি দেওয়া এবং প্রকৃতিকে দেবতা-জ্ঞানে পূজা করা প্রভৃতির মধ্যেই বর্তমান রাষ্ট্রচিন্তার গোড়াপত্তন হয়।

আদিমকালে যে সমাজচিন্তা সুরু হইয়াছে তাহা আদিমকালের **সামাজিক সম্পর্কেরই প্রতিফলন**। কারণ সমাজচিন্তা শূন্যে সৃষ্টি হইয়া না। সমাজের বাস্তব অবস্থাই সমাজচিন্তার মূল বস্তুবোয় স্বরূপ নির্ধারণ করিয়া দেয়। বিভিন্ন যুগে রাষ্ট্রবিজ্ঞানীরা সমাজের বাস্তব সমাধানেরই দর্শন রচনা করিয়াছেন। সমাজের অন্তর্নিহিত শক্তির ঘাত-প্রতিঘাত এবং বাস্তব সমস্যাই প্রতিফলিত হইয়াছে রাষ্ট্রদর্শনে। এইজন্য রাষ্ট্রদর্শনের তাৎপর্য বুঝিতে হইলে সমকালীন সমাজের পটভূমিতে ইহা বুঝিতে হইবে।

কারণ বিভিন্ন কালের রাষ্ট্রদর্শনের উপর তৎকালীন সমাজচিন্তা সামাজিক সম্পর্কেরই প্রতিফলন যুগধর্ম আপন প্রভাব বিস্তার করিয়াছে। অতএব

কোন রাষ্ট্রদর্শনের তাৎপর্য বুঝিতে হইলে সেই যুগের অর্থনৈতিক, সামাজিক, রাজনৈতিক অবস্থার পরিপ্রেক্ষিতে ইহাকে বুঝিতে হইবে। প্লেটো ও এ্যারিস্টটলের রাষ্ট্রদর্শন বুঝিতে হইলে গ্রীসের ঋস্টপূর্ব পঞ্চম শতাব্দীর অর্থনৈতিক ও সামাজিক সম্পর্কের পরিপ্রেক্ষিতে বুঝিতে হইবে। রুশোর সাম্যবাদ বুঝিতে হইলে ফরাসী-বিপ্লবের পূর্বে ফরাসীদেশের অর্থনৈতিক ও রাষ্ট্রিক অবস্থাটি বুঝিতে হইবে। হব্‌সের প্রতিক্রিয়াশীল

রাষ্ট্রচিন্তার পশ্চাতে রহিয়াছে স্বেচ্ছাচারী রাজার সমর্থন। অতএব রাষ্ট্রচিন্তা সমসাময়িক সমাজ-ব্যবস্থার প্রতিফলন।

রাষ্ট্রদর্শনের ঐতিহাসিকেরা রাষ্ট্রদর্শনের ইতিহাস রচনা করিয়াছেন দার্শনিকগণের গ্রন্থাবলী, বিভিন্ন দেশের শাসন-ব্যবস্থা, বিভিন্ন যুগের রাষ্ট্রনায়কগণের বক্তৃতা-বলী, সাহিত্য, কলা, স্থপতি এবং সরকারী দলিল হইতে। রাষ্ট্রচিন্তার ইতিহাসকে সাধারণতঃ দুইভাগে ভাগ করিয়া দেখানো যাইতে পারে; যথা—(ক) প্রাচ্যজগতের রাষ্ট্রচিন্তা ও (খ) ইউরোপীয় রাষ্ট্রচিন্তা।

(ক) প্রাচ্যজগতের রাষ্ট্রচিন্তা (Political Thought of the East)—

প্রাচ্যজগতেই রাষ্ট্রচিন্তা সর্বপ্রথম সূর্য হইয়াছে। এই ক্ষেত্রে প্রাচীন ভারত ও মহাচীনের অবদান নগণ্য নহে। বর্তমানের প্রগতিশীল গণতান্ত্রিক মতবাদ, সাম্য ও স্বাধীনতার আদর্শ রাষ্ট্রচিন্তা-জগতে নূতন নহে। প্রাচীন হিন্দু ও চৈনিক গ্রন্থসমূহে এই সকল রাষ্ট্রদর্শন বহুপূর্বেই লিপিবদ্ধ হইয়াছে। ঋগ্বেদে যুদ্ধের অস্ত্রসমূহের বর্ণনা, অনার্যদের সঙ্গে আর্যদের যুদ্ধ-বিগ্রহ, রাজার অভিযেকমন্ত্র, সভা ও সমিতির উল্লেখ আছে। আবার ঋগ্বেদের যুগে রাজাকে নির্বাচন করার রীতিরও উল্লেখ আছে।

প্রাচীন হিন্দু ও
চৈনিক গ্রন্থে প্রাচ্যের
সাম্রাজ্যের উল্লেখ ও
রাষ্ট্রচিন্তা লক্ষ্য
করা যায়

ঐতরেয় ব্রাহ্মণে রাষ্ট্রের উদ্ভব সম্বন্ধে কয়েকটি মতবাদের উল্লেখ দেখিতে পাওয়া যায়। ইহা ছাড়া, কোটিল্যের শাস্ত্রগ্রন্থে রাষ্ট্রবিজ্ঞানের আলোচনা আছে। শুক্রনীতিসার গ্রন্থে রাষ্ট্রচিন্তার সুস্পষ্ট আভাস

পাওয়া যায়। আবার প্রাচ্যদেশেই সর্বপ্রথম স্থায়ী ও নিয়মতান্ত্রিক শাসন-ব্যবস্থা প্রতিষ্ঠিত হয় এবং উহা দীর্ঘকাল অব্যাহতও ছিল। প্রাচীন মিশর, আসীরীয়া, ব্যাবিলনীয়া ও পারস্যের স্থায়ী শাসন-ব্যবস্থাই তার উদাহরণ। প্রাচীনকালে এই সকল দেশগুলি ছিল এক একটি বিরাট সাম্রাজ্য। আবার সাম্রাজ্যের অধীনে করদরাজ্যও ছিল; সাম্রাজ্যবাদ ও রাজতন্ত্রের উল্লেখ প্রাচীন গ্রন্থে লক্ষ্য করা যায়। অবশ্য ইহা স্বীকার করিতে হইবে যে, ভারত ও চীন ছাড়া প্রাচ্যের অল্প কোন দেশে রাষ্ট্রদর্শন বলিতে যে সূক্ষ্ম চিন্তাধারাকে সূচিত করে তাহা বড় একটা লক্ষ্য করা যায় না।

(খ) ইউরোপীয় রাষ্ট্রচিন্তা (European Political Thought)—

রাষ্ট্রচিন্তাক্ষেত্রে যদিও প্রাচ্যজগৎ অগ্রদূতের ভূমিকা গ্রহণ করিয়াছে, তথাপি

ইহা স্বীকার করিতে হইবে যে, রাষ্ট্রচিন্তাকে বৈজ্ঞানিক উপায়ে প্রকাশ করিবার প্রচেষ্টায় ইউরোপের অবদানও কম নহে। প্রাচীন গ্রীসে প্লেটো ও এ্যারিস্টটলের প্রভাবে রাষ্ট্রদর্শন একটি বৈজ্ঞানিক রূপ গ্রহণ করিয়াছিল। প্রাচীনকালে গ্রীসে ক্ষুদ্র ক্ষুদ্র নগররাষ্ট্র (City State) গড়িয়া উঠে। “গ্রীক নগররাষ্ট্র ছিল রাষ্ট্র ছাড়াও অনেক কিছু; ইহা ছিল নৈতিক সমাজ, উৎপাদন ও ব্যবসা-বাণিজ্যের অর্থনৈতিক প্রতিষ্ঠান, সুন্দর ও সত্য-সন্ধানী সাংস্কৃতিক প্রতিষ্ঠান।” সত্যই গ্রীসকে বর্তমান রাষ্ট্রনীতির জন্মভূমি বলা যাইতে পারে।

ইউরোপীয় রাষ্ট্রচিন্তাকে আবার নিম্নলিখিত কয়েকটি অধ্যায়ে বিভক্ত করা যাইতে পারে :

প্রথম অধ্যায় : গ্রীসীয় রাষ্ট্রচিন্তার যুগ : এই যুগের প্রধান চিন্তানায়কদের মধ্যে সক্রেতিস, প্লেটো ও এ্যারিস্টটলের নাম বিশেষ উল্লেখযোগ্য। প্লেটোর সাম্যবাদের নীতি এই যুগের মানুষের জীবনে এক নূতন আশার সঞ্চার করে। এই যুগের অগ্রতম চিন্তানায়ক এ্যারিস্টটল যদিও প্লেটোর সাম্যবাদের নীতি গ্রহণ করেন নাই, কিন্তু তিনি প্লেটোর রাষ্ট্রকেন্দ্রিকতাবাদে বিশ্বাসী ছিলেন। রাষ্ট্রের প্রাধাত্যকে উভয়েই স্বীকার

করেন। তাঁহারা রাষ্ট্রকে মানুষের সামাজিক ক্ষেত্রে
রাষ্ট্রকেন্দ্রিকতা বনাম
ব্যক্তি-স্বাধীনতা হইতে উদ্ভূত একটি স্বাভাবিক সংগঠনরূপে রূপায়িত

করেন। এই দুই রাষ্ট্রচিন্তাবীরের প্রভাবমুক্ত গ্রীসের সোফিস্ট (Sophist), স্টোইক (Stoic), এপিকিউরিয়ান দার্শনিক সম্প্রদায়গুলি রাষ্ট্রকেন্দ্রিকতার নীতির প্রতিবাদ করেন। তাঁহারা ছিলেন ব্যক্তি-স্বাধীনতার পূজারী। সোফিস্টগণ রাষ্ট্রকে প্রাকৃতিক আইনবিরুদ্ধ মহন্য-স্রষ্ট একটি কৃত্রিম উপকরণ বলিয়া অভিহিত করেন।

দ্বিতীয় অধ্যায় : রোমক রাষ্ট্রচিন্তার যুগ : এই যুগের প্রধান চিন্তানায়কদের মধ্যে সিসেরো এবং পলিবিয়াসের নাম বিশেষ উল্লেখযোগ্য। এই সকল চিন্তানায়কদের চিন্তার উপর গ্রীসীয় দার্শনিকদের প্রভাব

ছিল প্রচণ্ড। রোমের উন্নত শাসনপ্রণালী, আইন এবং
বোমান আইন ও
সাম্রাজ্যবাদী রাষ্ট্রদর্শন সাম্রাজ্যবাদী রাষ্ট্রদর্শন পরবর্তীকালে ইউরোপীয় রাষ্ট্র-
দর্শনকে বিশেষ ভাবে প্রভাবিত করিয়াছিল। রোমক

যুগকেও রাষ্ট্রকেন্দ্রিকতার যুগ বলা যাইতে পারে।

তৃতীয় অধ্যায় : মধ্যযুগের রাষ্ট্রাদর্শ : এই যুগে পোপগণ সমগ্র পশ্চিম ইউরোপে খৃষ্টধর্মসম্বন্ধে এক ধর্মরাজ্য প্রতিষ্ঠা করার চেষ্টা করেন। **পোপ সপ্তম গ্রেগরী** এই মতাবলম্বীদের নায়ক ছিলেন। **ধর্মকেন্দ্রিক রাষ্ট্রপ্রতিষ্ঠার** প্রচেষ্টায় রাষ্ট্রকেন্দ্রিক-নীতির অবলুপ্তি ঘটে। আবার এই যুগেই গণতন্ত্রের পূজারী **মারসিগ্লিও** এবং বিশ্বশান্তি-কামী **ডাভেন্তে** প্রভৃতি মনীষিগণ রাষ্ট্রের স্বাধীনতাকামী রাষ্ট্রদর্শনের প্রচার শুরু করেন। এই যুগের অবসান ঘটে **রেনেসাঁ**র আবির্ভাবের ফলে।

মধ্যযুগ হইল
ধর্মকেন্দ্রিকতার যুগ

চতুর্থ অধ্যায় : রেনেসাঁ যুগের রাষ্ট্রচিন্তা (Renaissance) : এই যুগের বিশেষ বৈশিষ্ট্য হইল ভৌগোলিক ও বৈজ্ঞানিক আবিষ্কার। এই ভৌগোলিক ও বৈজ্ঞানিক আবিষ্কারের ফলে মধ্যযুগের পর্যাক্রান্ত ও কুসংস্কার মুক্ত হইয়া মানুষ প্রাচীন গ্রীস ও রোমের আদর্শে উদ্বুদ্ধ হইয়া ওঠে। এই যুগের শ্রেষ্ঠ দার্শনিক **মেকিয়াভেলি** ইটালিকে জাতীয়তাবাদে উদ্বুদ্ধ করেন। **মেকিয়াভেলি**র মতে জাতীয় একতা ও মঙ্গলসাধনের জন্ত যে কোন ঘণ্য নীতি গ্রহণ করা যাইতে পারে। এই যুগেই আবার ইংলণ্ডের বিখ্যাত দার্শনিক **থমাস মোর** সাম্যবাদের নীতি প্রচার করিতে থাকেন।

জাতীয়তাবাদ এই
যুগের উল্লেখযোগ্য
রাষ্ট্রচিন্তা

পঞ্চম অধ্যায় : রিফরমেশন যুগের রাষ্ট্রচিন্তা (Reformation) : এই যুগের বৈশিষ্ট্য হইল রাজত্ববর্গের **ঐশ্বর্যদত্ত ক্ষমতার নীতি** (Theory of Divine Right) প্রচার। এই নীতি প্রচারের ফলে রাজত্ববর্গ স্বৈচ্ছাচারী হইয়া ওঠে। পোপের একনায়কত্বের বিরুদ্ধে পর্মযুদ্ধ ঘোষণা করা হয়। আবার হল্যান্ডে স্পেনীয় নৃপতিবর্গের স্বৈচ্ছাচারের বিরুদ্ধে **ওলন্দাজেরা** বিদ্রোহ করে। এই যুগের রাষ্ট্রচিন্তা-নায়কদের মধ্যে **প্রটেস্ট্যান্ট নেতা লুথারের** নাম বিশেষ উল্লেখযোগ্য। এই যুগের আর একটি বৈশিষ্ট্য হইল সার্বভৌম রাষ্ট্রের সৃষ্টি। ফরাসী দার্শনিক **বোডিন** (Bodin) **সার্বভৌমত্বের** নীতি প্রচার করেন।

Theory of Divine
Right নীতির প্রচার
শুরু হয়

ষষ্ঠ অধ্যায় : বিপ্লবের যুগ : এই যুগে দুইটি বিপ্লব সংঘটিত হয়। একটি সপ্তদশ শতাব্দীর মধ্যভাগে আর একটি ঐ শতাব্দীর শেষভাগে। **মিল্টন, লক্** প্রভৃতি দার্শনিকেরা ব্যক্তি-স্বাধীনতা ও গণসার্ব-

ভৌমত্বের বাণী প্রচার করেন। **চুক্তিবাদের** অত্যন্ত প্রণেতা লক্ (Locke) রাজার স্বৈচ্ছাচারিতার বিরুদ্ধে প্রচার শুরু করেন। লকের বিরুদ্ধ মত প্রচার করেন ইংলণ্ডের রাজা **প্রথম জেমস** এবং স্মার বরাট ফিলমার প্রভৃতি। **হব্‌স্** (Hobbes) তাঁহার বিখ্যাত লেভায়াথান গ্রন্থে চুক্তিবাদ প্রচার করেন এবং রাজার সার্বভৌম ক্ষমতার পক্ষে যুক্তি প্রদর্শন করেন। জেমস প্রচার করেন যে রাজার বিধিদত্ত ক্ষমতা আছে।

অষ্টাদশ শতাব্দীতে ব্যক্তি-স্বাধীনতার বাণী ও গণ-সার্বভৌমত্বের নীতি (Popular Democracy) ফরাসীদেশের ও আমেরিকার রাষ্ট্রনীতির উপর প্রভূত প্রভাব বিস্তার করে।

আমেরিকা ও ইংলণ্ডের মধ্যে সপ্তবর্ষব্যাপী যুদ্ধ এই যুগের উল্লেখযোগ্য ঘটনা। এই যুগেই **মন্টেস্কিউয়ে** (Montesquieu) ও **রুশো** (Rousseau) সাম্য, মৈত্রী ও স্বাধীনতার বাণী প্রচার করেন। এই যুগের বিপ্লব ও যুদ্ধবিগ্রহ সমাজতান্ত্রিকতার মূলে কুঠারাঘাত করে এবং ক্রমে গণতান্ত্রিক যুগের সূত্রপাত হয়।

সপ্তম অধ্যায় : শিল্পবিপ্লবের যুগ : ইউরোপের বিভিন্ন দেশে শিল্পবিপ্লব এই যুগের উল্লেখযোগ্য ঘটনা। শিল্পবিপ্লবের ফলে রাষ্ট্রের ক্ষমতা সামন্তবর্গের হাত হইতে শিল্পপতিগণের হাতে চলিয়া যায়। **মিল**, **স্পেনসার** প্রভৃতি মনীষিগণ ব্যক্তি-স্বাধীনতা ও গণতন্ত্রের বাণী প্রচার করিতে থাকেন। এই সময়ে জার্মান দার্শনিক **হেগেল** বহুধাবিভক্ত জার্মানীর জাতীয় ঐক্যের গুরুত্ব উপলব্ধি করিয়া **রাষ্ট্রের**

প্রাধান্য ও শ্রেষ্ঠত্বের বাণী প্রচার করেন। হেগেলের একদিক ব্যক্তি-স্বাধীনতা আর একদিকে হেগেলের রাষ্ট্র-কেন্দ্রিকতা এই যুগের বৈশিষ্ট্য। রাষ্ট্রদর্শনে প্লেটো ও অ্যারিস্টটলের প্রভাব লক্ষ্য করা যায়। ব্যক্তি-স্বাধীনতার পতাকাকে পদদণ্ডিত করিয়া রাষ্ট্রকে সর্বময় নিয়ন্তা হিসাবে গ্রহণ করেন হেগেল।

এই যুগের শেষভাগে ও ঊনবিংশ শতাব্দীর প্রথমভাগে শিল্পবিপ্লবের ফলে সমাজ কাঠামোর আমূল পরিবর্তন ঘটে।

শিল্পপতি ও মজুর শ্রেণীর মধ্যে সংঘর্ষ উপস্থিত হয়। ১৮৪৮ সালে প্রকাশিত হয় **কার্ল মার্কস্ ও ফ্রেডারিক এঞ্জেলসের** ঐতিহাসিক কম্যুনিষ্ট মেনিফেস্টো (Communist Manifesto) ; মার্কস্ প্রচার করিতে শুরু করেন

সাম্যবাদের নীতি। মার্কসের সাম্যবাদ ছাড়াও বিবর্তনবাদী সমাজতন্ত্র, গিল্ড-সমাজতন্ত্র, সিল্ডিক্যালিজম প্রভৃতি রাষ্ট্রাদর্শও প্রচারিত হইতে থাকে। এই সকল মতবাদে পুষ্ট হইয়া শ্রমিকশ্রেণী বিভিন্ন দেশে ধনিকতন্ত্রের বিরুদ্ধে আন্দোলন শুরু করে।

অষ্টম অধ্যায় : বিশ্বযুদ্ধের যুগ : বিংশ শতাব্দীতে দুইটি বিশ্বযুদ্ধ সংঘটিত হয়। এই যুগে জাতীয়তাবাদ ধনতন্ত্রবাদের সহিত মিলিত হইয়া সাম্রাজ্যবাদের রূপ গ্রহণ করে। এই যুগের উল্লেখযোগ্য ঘটনা হইল একদিকে সাম্রাজ্যবাদের নগ্ন শোষণনীতি ও বর্বর জাতীয়তাবাদের প্রসার, আর অপরদিকে তারই প্রতিবাদস্বরূপ রুশিয়ায় মার্কসবাদের বিজয় অভিযান। রুশদেশের বিপ্লব এই যুগের এক স্মরণীয় ঘটনা। রুশবিপ্লবে রুশদেশ হইতে ‘জারতন্ত্র’ বা রাজতন্ত্র চিরদিনের জন্ত অস্তিত্ব হইত।

নবম অধ্যায় : ফাশীবাদের যুগ : প্রথম ও দ্বিতীয় বিশ্বযুদ্ধের মধ্য-ভাগে ফাশীবাদ-এর আত্মপ্রকাশ হয়। ইটালির মুসোলিনি ছিলেন এই মতবাদের প্রবর্তক। এই যুগে একদিকে ব্যক্তি-স্বাধীনতাবাদ ও জনসাধারণের সার্বভৌমত্ব এবং অতীত মার্কসবাদের আন্তর্জাতিকতাবাদকে বানচাল করিয়া দিয়া ফাশীবাদ উগ্র জাতীয়তাবাদ ও ধনতন্ত্রবাদকে প্রজ্জ্বলিত করিবার চেষ্টা করে। **হিটলার**-প্রবর্তিত নাৎসীবাদ এই নীতির এক উগ্র প্রকাশ। ইটালি, জার্মানী ও জাপান এই নীতির প্রচার করে এবং বিশ্বজয়ের উগ্র নেশায় দ্বিতীয় বিশ্বযুদ্ধ আরম্ভ করে। এই বিশ্বযুদ্ধ একদিকে গণতন্ত্রের পূজারী ইংলণ্ড, সাম্যবাদী রুশিয়া ও পুঁজিবাদী মার্কিন যুক্তরাষ্ট্র একত্রে নাৎসীবাদের বিরুদ্ধে সংগ্রামে অবতীর্ণ হয় এবং ফাশীবাদের পতন ঘটায়।

ফাশীবাদ ধ্বংস হইয়াছে বটে, কিন্তু বর্তমানে ধনতন্ত্রবাদের সহিত সাম্যবাদের আদর্শগত সংগ্রাম চলিতেছে। একদিকে ধনতন্ত্রের শিবির অপরদিকে সাম্যবাদের শিবির। চীনের বিপ্লবের পর ৭০ কোটি মানুষ সাম্যবাদের শিবিরে চলিয়া যাওয়ায় ধনতন্ত্রবাদ অতিমাত্রায় বিপন্ন হইয়া পড়িয়াছে।

দশম অধ্যায় : আন্তর্জাতিকতাবাদের যুগ : আন্তর্জাতিকতাবাদ ও বিপ্লবীদের একনায়কত্ব এবং উদারনৈতিক গণতন্ত্র হইল বর্তমান যুগের মূলীভূত আদর্শ। এই সকল আদর্শ বর্তমান জগতের রাষ্ট্র ও রাজনৈতিক মতবাদকে বিশেষভাবে প্রভাবিত করিয়াছে। এই যুগের

দুইটি বিশ্বযুদ্ধ মানব সভ্যতাকে ধ্বংস করিয়াছে। মানুষ অভিজ্ঞতার সাহায্যে উপলব্ধি করিতে পারিয়াছে যে, সভ্যতার অগ্রগতিতে আন্তর্জাতিক প্রতিষ্ঠানের প্রয়োজনীয়তা রহিয়াছে। তাই **জাতিসংঘ (League of Nations)**, **সম্মিলিত জাতিসংঘ (United Nations)** প্রভৃতি আন্তর্জাতিক প্রতিষ্ঠান গড়িয়া উঠিয়াছে। এই সকল আন্তর্জাতিক প্রতিষ্ঠানগুলিই আন্তর্জাতিকতাবাদের ভিত্তি।

বর্তমানে বিজ্ঞানের অভূতপূর্ব উন্নতির ফলে মানুষ গ্রহ হইতে গ্রহান্তরে যাইবার জন্ত নিয়ত প্রচেষ্টা চালাইয়া যাইতেছে। আণবিক শক্তি, হাইড্রোজেন বোমা প্রভৃতির সন্ধান পাইয়াছে মানুষ। বর্তমান যুগে সর্ববিশ্বংসী মারণাস্ত্র হস্তে লইয়া বিশ্বশান্তি প্রতিষ্ঠা করিবার প্রয়াস দেখিতে পাওয়া যায়। রুশিয়ার সমাজতন্ত্রের বিস্তৃতির প্রয়াস এবং মার্কিন যুক্তরাষ্ট্রের ধনতন্ত্রবাদের প্রসারের প্রচেষ্টার মধ্যে ক্রমবর্ধমান বিরোধ শান্তির আশাকে ক্ষীণ করিয়া দিতেছে।

সারসংক্ষেপ

রাষ্ট্রবিজ্ঞানের ইতিহাস : আদিম যুগে মানুষ ছিল অসহায় ও দুর্বল। সংঘবদ্ধ প্রচেষ্টার সাহায্যে মানুষ সমাজ গড়িয়াছিল। সমাজ-বিবর্তনের ফলে রাষ্ট্রের উদ্ভব হইয়াছে। রাষ্ট্র হইল মানুষের সমাজবদ্ধ জীবনের চরম অভিব্যক্তি। রাষ্ট্র-যন্ত্র পৃথক পৃথক রাষ্ট্রের মধ্যে রহিয়াছে মানুষের অর্থনৈতিক পরিবেশের এক গুরুত্বপূর্ণ ভূমিকা। মানব ইতিহাসকে অর্থনৈতিক দিক হইতে চারিটি ভাগে বিভক্ত করা যায়; যথা, (১) শিকারের যুগ, (২) পশুপালনের যুগ, (৩) কৃষিকার্যের যুগ, (৪) বর্তমান শিল্পের যুগ।

সমাজচিন্তা নূতন নহে। সমাজচিন্তা আদিমকাল হইতেই স্বল্প হইয়াছে। রাষ্ট্রচিন্তাকে দুইভাগে বিভক্ত করা হয়, যথা, প্রাচ্য ও ইউরোপীয় রাষ্ট্রচিন্তা। পাশ্চাত্য রাষ্ট্রচিন্তাকে আবার বিভিন্ন যুগে বিভক্ত করিয়া দেখানো যায়; যথা,—গ্রীসীয়, রোমান, মধ্যযুগের রাষ্ট্রচিন্তা, রেনেসাঁ যুগের রাষ্ট্রচিন্তা, রিফরমেশনের যুগ, বিপ্লবের যুগ, শিল্পবিপ্লবের যুগ, বিশ্বযুদ্ধের যুগ এবং আন্তর্জাতিকতাবাদের যুগ।

প্রশ্নাবলী

1. Briefly narrate the history of the European Political Thought (৬-১১ পৃষ্ঠা)

অতিরিক্ত পাঠ্য

- Barker, E.—Political Thought in England : Spencer to Present Day—Chs. 5 and 6.
 Pollock, G.—Introduction to the History of the Science of Politics—Ch. 1.
 Halloowell, H. J.—Main Currents in Modern Political Thought—Chs. 1-3..

দ্বিতীয় অধ্যায়

রাষ্ট্রবিজ্ঞানের সংজ্ঞা ও আলোচনাক্ষেত্র

(Political Science—Its Definition and Scope)

রাষ্ট্রবিজ্ঞানের আলোচনাক্ষেত্র অত্যন্ত ব্যাপক। মানুষ ও রাষ্ট্রের বহুবিধ দিক ও সম্পর্কের আলোচনা করে রাষ্ট্রবিজ্ঞান। রাষ্ট্র হইল সমাজবদ্ধ মানুষের সংঘবদ্ধ জীবনের মূর্ত প্রকাশ। এই রাষ্ট্রকে কেন্দ্র করিয়াই যুগ যুগান্তর পরিয়া মানুষ তাহার আত্মবিকাশের সন্ধান খুঁজিতেছে। **মানুষের রাষ্ট্রনৈতিক জীবনের** আলোচনাই রাষ্ট্রবিজ্ঞানের প্রধান বিষয়বস্তু। আবার রাষ্ট্র ও মানুষের (Man and the State) আলোচনা করিতে গেলে বহু সংশ্লিষ্ট আলোচনার অবতারণা করিতে হয়; যেমন, রাষ্ট্রের উৎপত্তি ও ক্রমবিকাশের ধারা, স্বরাষ্ট্রের সহিত অন্যান্য রাষ্ট্রের সম্পর্ক, রাষ্ট্রের গঠন ও প্রকৃতি, রাষ্ট্রনীতি ও কার্যাবলী, রাষ্ট্রের তাৎপর্য ও কর্তব্য, শাসনপদ্ধতি, রাষ্ট্রিক ও আন্তর্জাতিক সমস্তাবলী প্রভৃতি। মানুষ ও রাষ্ট্রের আলোচনাকালে রাষ্ট্রবিজ্ঞান এই সকল সংশ্লিষ্ট বিষয়েরও আলোচনা করে; কারণ এই সকল বিষয়গুলির সহিত মানুষের রাষ্ট্রনৈতিক জীবন অত্যন্ত ঘনিষ্ঠভাবে সম্পর্কিত।

আলোচনাক্ষেত্রের
সারসংক্ষেপ

গ্রীক দার্শনিক এ্যারিস্টটল বলিয়াছেন যে, মানুষ সমাজবদ্ধ জীব। সে একাকী বাস করিতে পারে না বলিয়া তাহাকে সমাজবদ্ধভাবে বাস করিতে হয়। সমাজবদ্ধ জীবনে ব্যক্তির সহিত সমষ্টির একটি নিবিড় সম্পর্ক স্থাপিত হয়। আবার মানুষের এই সমাজজীবনের ক্রমোন্নতির বিশেষ স্তরে

রাষ্ট্রবিজ্ঞান ব্যক্তির
সহিত সমষ্টির ও রাষ্ট্রের
সম্পর্ক এবং আন্ত-
র্জাতিক সমস্তাবলীর
আলোচনা করে

রাষ্ট্রনৈতিক সংগঠনের উৎপত্তি হয়। এই রাষ্ট্রনৈতিক সংগঠন ব্যক্তির আত্মবিকাশের সুযোগ সৃষ্টি করে। ফলে স্বাভাবতঃই রাষ্ট্রবিজ্ঞানে একদিকে যেমন রাষ্ট্রের বিভিন্ন দিক ও সম্পর্কের আলোচনা হয়, অপরদিকে ব্যক্তির সহিত সমষ্টির ও রাষ্ট্রের সম্পর্ক সম্বন্ধেও আলোচনা

চলে। বর্তমান যুগ আন্তর্জাতিকতাবাদের যুগ। আধুনিক মানুষ শুধু রাষ্ট্রের গভীর ভিতর আবদ্ধ থাকে না। স্বরাষ্ট্রের সীমা অতিক্রম করিয়া

আন্তর্জাতিক সমস্যা লইয়াও তাহাকে আলোচনা করিতে হয়; কারণ আন্তর্জাতিক ঘটনা তাহার ব্যক্তিগত জীবনযাত্রার উপর প্রতিক্রিয়া সৃষ্টি করে এবং রাষ্ট্রের কার্যাবলীও অনেক সময় আন্তর্জাতিক রীতিনীতির দ্বারা নির্ধারিত হয়। ফলে রাষ্ট্রবিজ্ঞানে **আন্তর্জাতিক সমস্যা** ও সম্পর্কের আলোচনা হয়।

রাষ্ট্র ও মানুষের এই বহুবিধ দিক ও সম্পর্কের আলোচনা স্তূর্ভভাবে করিতে গেলে স্বভাবতঃই রাষ্ট্র যাহার মধ্য দিয়া মূর্ত হইয়া উঠে সেই সরকারকেও (Government) বুঝিতে হইবে; কারণ সরকারের মাধ্যমেই রাষ্ট্র কার্যকর করে তাহার মহান উদ্দেশ্যকে। **সরকারই রাষ্ট্রের মূর্ত**

প্রকাশ। অতএব রাষ্ট্রের আলোচনাকালে সরকারের রাষ্ট্রবিজ্ঞানে সরকারের আলোচনা আসিয়া পড়ে। সরকারকে রাষ্ট্রবিজ্ঞানের অন্তর্ভুক্ত করার বিষয়ে মতভেদ

অন্তর্ভুক্ত করার বিষয়ে রাষ্ট্রবিজ্ঞানীদের মধ্যে যথেষ্ট মতবিরোধ আছে। অধ্যাপক গার্নার (Garner), ব্লন্টস্‌লি (Bluntschli) প্রভৃতি চিন্তাবীর সরকারকে রাষ্ট্রবিজ্ঞানের অন্তর্ভুক্ত করার বিরোধী। অধ্যাপক গার্নার বলেন, “রাষ্ট্রবিজ্ঞানের আরম্ভ ও শেষ হইল রাষ্ট্রকে লইয়া।”* আবার, সরকারকে রাষ্ট্রবিজ্ঞানের অন্তর্ভুক্ত করিবার পক্ষে যাহারা আছেন তাঁহাদের মধ্যে গেটেল (R. G. Gettell), গিলক্রাইস্ট (Gilchrist), ল্যাস্কি (Laski), উইলসন (F. G. Wilson) প্রভৃতির নাম বিশেষ উল্লেখযোগ্য। অধ্যাপক গিলক্রাইস্ট বলেন, “রাষ্ট্রবিজ্ঞান রাষ্ট্র ও সরকারের আলোচনা করে” (Political science deals with the State and Government)। অধ্যাপক গেটেল রাষ্ট্রবিজ্ঞানের সংজ্ঞা নিরূপণ করিতে গিয়া প্রথমে বলেন, “রাষ্ট্রবিজ্ঞানকে রাষ্ট্রের বিজ্ঞান বলিয়া অভিহিত করা যায়।” অবশ্য, তাঁহার এই উক্তির বিশ্লেষণ করার সময় তিনি বলেন যে, এই বিজ্ঞান রাষ্ট্ররূপী মানুষের সংগঠন, তার শাসনযন্ত্র অর্থাৎ সরকার এবং

তার কার্যাবলীর আলোচনা করে; ইহা ছাড়া রাষ্ট্রবিজ্ঞান রাষ্ট্র, সরকার ও আইন—এই তিনটি সরকার প্রণীত আইনকেও অন্তর্ভুক্ত করে। সংক্ষেপে বিষয়ের আলোচনা বলা যায়, রাষ্ট্রবিজ্ঞান যে তিনটি বিষয়ের বিশেষ আলোচনা করে তাহা হইল, “**রাষ্ট্র, সরকার ও আইন**” (State, Government and Law)।

বস্তুতঃ, সরকার ছাড়া রাষ্ট্রের কল্পনাও করা যায় না। সরকার রাষ্ট্রের প্রতিনিধিত্ব করে, রাষ্ট্রের পক্ষে আইন প্রণয়ন করে, শাসনকার্য পরিচালনা করে এবং রাষ্ট্রের শান্তি ও শৃঙ্খলা বজায় রাখে। সরকারের মাধ্যমেই রাষ্ট্র তাহার উদ্দেশ্যের বাস্তব রূপ দান করে। ভাববাদী দার্শনিকদের মধ্যেও কেহ কেহ সরকারকে রাষ্ট্রবিজ্ঞানের অন্তর্ভুক্ত করিবার পক্ষপাতী। এখানে ভাববাদী দার্শনিক উইলসনের মত উল্লেখ করা যাইতে পারে। অধ্যাপক উইলসন বলেন, “নাগরিকদের রাষ্ট্র সম্বন্ধে ধারণা সম্পূর্ণ ভাবগত। সমগ্র রাজনৈতিক জীবন সম্পূর্ণ ভাবের মধ্যে কখনই ধরা পড়ে না। সুতরাং নাগরিককে তত্ত্বগত ধারণা লইয়া সন্তুষ্ট থাকিতে হয়। নাগরিকেরা রাষ্ট্রের প্রতিনিধির সংস্রবে আসে, কিন্তু রাষ্ট্রের সংস্রবে আসিতে পারে না।”

অতএব দেখা যাইতেছে, রাষ্ট্র ও সরকার ওতপ্রোতভাবে জড়িত। রাষ্ট্রের উৎপত্তির ইতিহাসের সহিত ঘনিষ্ঠভাবে জড়াইয়া আছে সরকারের জন্মের ইতিহাস। আবার রাষ্ট্রের প্রকৃতি বুঝিতে হইলে সরকারের প্রকৃতিকে বুঝিতে হইবে; কারণ, সরকারের রূপ ও প্রকৃতির মধ্যেই রাষ্ট্রের রূপ ও প্রকৃতি প্রকাশিত হয়। উদাহরণস্বরূপ বলা যায়,—ভারত সরকারের গণতান্ত্রিক নীতি ভারত-রাষ্ট্রের রূপ ও প্রকৃতির নির্দেশ দেয়। বস্তুতঃ,

সমাজের শান্তি ও শৃঙ্খলা এবং সার্বিক উন্নতিসাধন রাষ্ট্রের সরকার রাষ্ট্রের প্রতিষ্ঠা পক্ষে সরকারই করিয়া থাকে। অতএব সরকারের ও রাষ্ট্রবিজ্ঞানের অন্তর্গত কার্যাবলী রাষ্ট্রের কার্যাবলীর নামান্তর মাত্র। সরকারের

নীতি ও রাষ্ট্রের নীতি অভিন্ন। কারণ রাষ্ট্রের নীতি অমুসৃত হয় সরকারের মাধ্যমে। আবার রাষ্ট্র-কর্তৃত্বের আওতায় ব্যক্তি-স্বাধীনতার স্থান নির্ণয় করিতে হইলে সরকারকে আলোচনাক্ষেত্রে উপস্থিত করিতেই হয়। অতথায় নাগরিকের ব্যক্তি-স্বাধীনতার অধিকারকে বিশ্লেষণ করা যায় না। সুতরাং নিঃসন্দেহে বলা যাইতে পারে যে, রাষ্ট্রবিজ্ঞানে সরকারের আলোচনা শুধু অন্তর্ভুক্তই হয় না, রাষ্ট্রবিজ্ঞানের এক বিরাট অংশ জুড়িয়া আছে সরকারের আলোচনা।

রাষ্ট্রবিজ্ঞানের এই বিস্তৃত বিষয়বস্তুর কতকটা ঐতিহাসিক আলোচনা, কতকটা বর্তমানের সমালোচনা এবং কতকটা ভবিষ্যতের ইংগিত। অতীতে আলোচনা করিতে হয় বর্তমানকে বুঝিবার জন্ত। ঐতিহাসিক পটভূমিকায় বর্তমানের রাষ্ট্রনৈতিক সমস্যাবলীর সমালোচনা না করিলে

সমস্তাবলীর বিশ্লেষণ ও গুরুত্ব উপলব্ধি করা সম্ভব নয় এবং তাহাদের সমাধানের পথ নির্দেশ করাও সম্ভব নয়। সুদূর অজ্ঞাত অতীতে মানুষের জগতে যে চিন্তা ও ধারণার সৃষ্টি হইয়াছিল তাহা কিভাবে ধীরে ধীরে পরিবর্তিত হইয়াছে, তাহা না জানিতে পারিলে বর্তমানের রাষ্ট্রদর্শনকে সঠিকভাবে বোঝাও সম্ভব নয়। এই প্রসঙ্গে ল্যাস্কির মন্তব্য বিশেষ প্রণিধানযোগ্য। ল্যাস্কি বলেন, “ইতিহাসের ক্রমোন্নতির

রাষ্ট্রবিজ্ঞানের

আলোচনার

ঐতিহাসিক দিক

ধারাবাহিক বিশ্লেষণ ব্যতীত আমাদের অহুস্কান-ক্ষেত্রকে সঠিকভাবে বুঝিতে পারা যায় না”।*

উদাহরণস্বরূপ

বলা যায়,—সাম্যবাদের ইতিহাস আলোচনা না করিলে বর্তমানের সাম্যবাদের বিভিন্ন রূপ সম্বন্ধে সঠিক ধারণা করা সম্ভব নয়।

আদিম কাল হইতে শুরু করিয়া বর্তমান কাল পর্যন্ত মানুষ নিজের প্রয়োজনের তাগিদে, পুরাতন কাঠামোর সংস্কার সাধন করিয়া সমাজব্যবস্থার বহু পরিবর্তন করিয়াছে। এই পরিবর্তন মানুষের আত্মবিকাশের কতটা স্বেযোগ সৃষ্টি করিয়াছে তাহার পর্যালোচনা করে রাষ্ট্রবিজ্ঞান। ঐতিহাসিক বিশ্লেষণ ও তুলনামূলক পদ্ধতিতে বর্তমান কালের রাষ্ট্র-নীতির ও কার্যাবলীর পর্যালোচনা করিয়া ক্রটি-বিচ্যুতির নির্ণয় এবং সমস্তা সমাধানের উপায় নির্ধারণ করে রাষ্ট্রবিজ্ঞান। আবার বর্তমানের রাষ্ট্র-সংগঠন, রাষ্ট্রতত্ত্ব ও তাহার অহুসৃত নীতি ও কার্যাবলী মানুষকে আত্মবিকাশের কতখানি স্বেযোগ দেয় তাহার বিচার-বিশ্লেষণও রাষ্ট্রবিজ্ঞান করিয়া থাকে।

রাষ্ট্রবিজ্ঞানের বিষয়বস্তু শুধু অতীত ও বর্তমানকে লইয়াই নয়। অতীতের অভিজ্ঞতার ভিত্তিতে যেমন বর্তমানের নীতি নির্ধারিত হয়, তেমনি আবার অতীতের আলোচনা ও বর্তমানের সমালোচনার ভিত্তিতে ভবিষ্যতের ইংগিত দেয় রাষ্ট্রবিজ্ঞান। গেটেলের ভাষায় বলা যায়,—“এইরূপ অতীত, বর্তমান ও ভবিষ্যৎ-রাষ্ট্রের আলোচনা হইল রাষ্ট্রবিজ্ঞান”।†

* “Nothing in the field of investigation is capable of being rightly understood save as it is illustrated by the process of its development”.—Laski.

† “It is thus a study of the State in the past, present and future”.
—R. G. Gettell.

রাষ্ট্রবিজ্ঞানের বিস্তৃত আলোচনাক্ষেত্র এই কথাই প্রমাণ করে যে, রাষ্ট্রবিজ্ঞান শুধু সমালোচনাই করে না ; রাষ্ট্রবিজ্ঞান রাষ্ট্রনৈতিক জীবনের গতি-নির্ধারক। অতীত ও বর্তমানের সাহায্যে নির্ণয় করে রাষ্ট্রনৈতিক জীবনের গতি কোন্‌দিকে প্রবাহিত হইতেছে। কোন্‌দিকের গতি কোন্‌দিকে প্রবাহিত

হইলে উহা ব্যক্তির আত্মবিকাশে ও মানুষকে সুখী করিতে
রাষ্ট্রবিজ্ঞান জীবনের
গতি-নির্ধারক
কতদূর সমর্থ হইবে, তাহারও ইংগিত রাষ্ট্রবিজ্ঞান নীতি-
শাস্ত্রের দ্বারা দিয়া থাকে। এই ক্ষেত্রে রাষ্ট্রবিজ্ঞান নীতি-
শাস্ত্রের ভূমিকা গ্রহণ করে। এই কারণেই অধ্যাপক গেটেল রাষ্ট্রবিজ্ঞানের

সংজ্ঞা নিরূপণ করিবার সময় বলিয়াছেন, “রাষ্ট্রবিজ্ঞান হইল রাষ্ট্র কি ছিল তার ঐতিহাসিক অনুসন্ধান, বর্তমান রাষ্ট্রের বিস্তৃত বিশ্লেষণ ও ভবিষ্যৎ রাষ্ট্রের কি হওয়া উচিত তার রাষ্ট্রনৈতিক নীতিশাস্ত্র-সম্মত আলোচনা”।*

উপসংহারে বলা যায় যে, রাষ্ট্রের রাষ্ট্রনীতি নির্ধারিত হয় সামাজিক ও অর্থনৈতিক পরিবেশের পরিপ্রেক্ষিতে। সুতরাং রাষ্ট্রবিজ্ঞানের আলোচনা শুধু রাষ্ট্রের আলোচনাতেই সীমাবদ্ধ থাকিতে পারে না। রাষ্ট্র হইল সামাজিক বহু প্রতিষ্ঠানের মধ্যে একটি বিশেষ প্রতিষ্ঠান। সমাজের অন্যান্য প্রতিষ্ঠানের সহিত তাহার সম্পর্ক ওতপ্রোতভাবে জড়িত। সমাজের অন্যান্য প্রতিষ্ঠানের শাস্ত্রের আলোচনার প্রধান বস্তু হইল মানুষ ; রাষ্ট্রবিজ্ঞানও অতীতম সামাজিক বিজ্ঞান হিসাবে এই মানুষেরই রাষ্ট্রনৈতিক জীবনের আলোচনা করে ; ফলে মুখ্য আলোচ্য বিষয় এক হওয়ায় রাষ্ট্রবিজ্ঞানকে সমাজের অন্যান্য প্রতিষ্ঠান হইতে সম্পূর্ণ পৃথক করিয়া আলোচনা করা যায় না। অতএব রাষ্ট্রবিজ্ঞানের আলোচনাকালে সমাজের আর্থিক ও নৈতিক দিকগুলি সম্বন্ধেও সচেতন থাকার একান্ত প্রয়োজনীয়তা আছে। আবার সমাজচিন্তা শূণ্যে সৃষ্টি হয় না। সমাজচিন্তা সামাজিক সম্পর্কেরই প্রতিফলন। অতএব রাষ্ট্রবিজ্ঞান যে সমাজচিন্তার আলোচনা করে, সেই আলোচনাকালে সামাজিক সম্পর্ক সম্বন্ধে সতর্ক থাকারও প্রয়োজনীয়তা আছে।

* Political Science is a historical investigation of what the State has been, an analytical study of what the State is, and a politico ethical discussion of what the State should be.”—R. G. Gettel.

রাষ্ট্রবিজ্ঞান-আলোচনার মূল্য (Utility of the study of Political Science) : রাষ্ট্রবিজ্ঞানের আলোচনা সমাজের বহু উপকারে আসে। প্রথমতঃ, রাষ্ট্রবিজ্ঞানের এই বিরাট তথ্যবহুল আলোচনা হইতে রাষ্ট্র-বিজ্ঞানী বিভিন্ন সূত্র আবিষ্কার করেন। এই সূত্রগুলি রাষ্ট্রের শাসনপদ্ধতির সংস্কারসাধনে বিশেষ সাহায্য করে।

দ্বিতীয়তঃ, মানুষ সমাজবদ্ধ জীব। রাষ্ট্রের সহায়তায় সে যুগ-যুগান্তর ধরিয়া আত্মবিকাশের সুযোগ খুজিতেছে। রাষ্ট্রবিজ্ঞানের আলোচ্য বিষয়বস্তুর অন্তর্ভুক্ত হয় রাষ্ট্র ও মানুষের রাষ্ট্রনৈতিক জীবন। অতএব রাষ্ট্রবিজ্ঞান পাঠ করিয়া মানুষ তার রাষ্ট্রনৈতিক জীবন সম্বন্ধে সচেতন হইয়া উঠে এবং নাগরিক তার দায়িত্ব ও কর্তব্য সম্বন্ধে অবহিত হয়। ইহার ফলে, মানুষ ক্ষুদ্র স্বার্থের গর্ভা অতিক্রম করিয়া সমাজে পরস্পর পরস্পরকে ভালবাসিতে শিক্ষালাভ করে।

তৃতীয়তঃ, রাষ্ট্রবিজ্ঞান যেহেতু নানা সমস্তার আলোচনা করে, সেইজন্য বলা যায়, রাষ্ট্রবিজ্ঞান-পাঠে মানুষ নানা বিষয়ে চিন্তাশীল হইয়া উঠে এবং মানুষ বিভিন্ন সামাজিক সমস্তা সমাধানের পথনির্দেশ পায়।

চতুর্থতঃ, রাষ্ট্রবিজ্ঞান রাষ্ট্র-সংশ্লিষ্ট মানুষের বিভিন্ন কার্যাবলীর আলোচনা করে। সমাজবদ্ধ মানবজীবনের চরম পরিণতি লাভ হয় রাষ্ট্রে। রাষ্ট্র-বিজ্ঞানের আলোচনার দ্বারা মানুষের রাষ্ট্রনৈতিক জীবনের গুরুত্বপূর্ণ অপ্যায়ের বিবরণ জানা যায় এবং রাষ্ট্রের ঐতিহাসিক ও গুরুত্বপূর্ণ তাৎপর্য সম্বন্ধে জ্ঞানলাভ করা যায়।

সংক্ষেপে বলা যায়, ব্যক্তির ব্যক্তিত্ব-বিকাশের সহায়ক হিসাবে, সমাজের নীতি-নির্ধারক হিসাবে, মানুষের মধ্যে আন্তর্জাতিকতা-বোধ এবং বিশ্ব-সৌহার্দ্যবোধ জাগ্রত করিয়া বিশ্ব-শান্তিরক্ষার সহায়ক হিসাবে রাষ্ট্রবিজ্ঞানের বিরাট ভূমিকাকে কেহই অস্বীকার করে না।

বর্তমানে ভারতবর্ষ স্বাধীন। ভারতীয় নাগরিকের প্রত্যেকেরই এই শাস্ত্রপাঠের প্রয়োজনীয়তা রহিয়াছে। আবার ভারতবর্ষের মানুষ আজ সার্বজনীন ভোটাধিকারের সুযোগ ভোগ করিতেছে; সুতরাং তাহাদের নাগরিক হিসাবে কর্তব্য ও দায়িত্ব সম্পর্কে বিশেষভাবে অবহিত হওয়া উচিত। ভারতবর্ষ তার নিজ সংবিধান রচনা করিয়াছে। এই সংবিধান প্রতিটি নাগরিককে তার দৈনন্দিন চলার পথে নির্দেশ দেয়। নাগরিক

যদি এই মূল্যবান সংবিধান সম্পর্কে অবহিত না হয়, তবে স্বাধীন দেশের নাগরিকের উপর যে দায়িত্ব ও কর্তব্য অর্পিত হইয়াছে তাহা পালন করা সম্ভব হইবে না। এই কারণেই রাষ্ট্রবিজ্ঞান-পাঠের গুরুত্বকে আজ কেহই অস্বীকার করে না।

রাষ্ট্রবিজ্ঞানের নাম (Name of the Subject) : আলোচ্য শাস্ত্রটি বিভিন্ন নামে পরিচিত। গ্রীক দার্শনিক এ্যারিস্টটল এই শাস্ত্রটিকে

চারটি নাম :	‘রাষ্ট্রনীতি’ (Politics) নামে অভিহিত করিয়াছেন।
১। রাষ্ট্রনীতি	আবার কেহ কেহ এই শাস্ত্রটিকে ‘রাষ্ট্রদর্শন’ (Political Philosophy) নামেও অভিহিত করিয়া থাকেন।
২। রাষ্ট্রদর্শন	
৩। রাষ্ট্রতত্ত্ব	‘রাষ্ট্রতত্ত্ব’ (Theory of the State) নামেও আমাদের
৪। রাষ্ট্রবিজ্ঞান	শাস্ত্রটি পরিচিত।

বর্তমানে আলোচ্য শাস্ত্রটি **‘রাষ্ট্র-বিজ্ঞান’ (Political Science)** নামেই বিশেষ পরিচিত। বিনয়বস্তুর আলোচনার পূর্বে এই চারটি নামের মধ্যে কোনটি উপযুক্ত এবং সর্বজনগ্রাহ্য তাহা নির্বাচন করা দরকার। নিয়ে এই চারটি নামের তুলনামূলক আলোচনা করা গেল :

(১) **রাষ্ট্রনীতি (Politics) :** রাষ্ট্র-সংক্রান্ত গ্রন্থকে এ্যারিস্টটল ‘রাষ্ট্রনীতি’ নামে অভিহিত করিয়াছেন। এই ‘রাষ্ট্রনীতি’ শব্দটি ব্যবহৃত হইত প্রাচীন গ্রীক নগর-রাষ্ট্র ও তার অন্তর্গত নীতিকে বোঝাইবার জন্ত। গ্রীক-রাষ্ট্রনীতিতে আলোচিত হইত শুধু গ্রীক নগর রাষ্ট্রের নীতি। বর্তমানে এই শাস্ত্রের আলোচনা-ক্ষেত্র ব্যাপক। শুধু নগর-রাষ্ট্রের রাষ্ট্রনীতিই ইহাতে আলোচিত হয় না। আর প্রাচীন গ্রীসের মতো ক্ষুদ্র ক্ষুদ্র নগর-রাষ্ট্রের স্থায় রাষ্ট্রের অস্তিত্বও আজ আর নাই। বস্তুতঃ, রাষ্ট্রনীতি বলিতে বর্তমানে বোঝায় সরকারের সাম্প্রতিক সমস্তাবলী ও তার সমাধানের জন্ত অন্তর্গত নীতিকে। কিন্তু আলোচ্য শাস্ত্রের আলোচনা-ক্ষেত্র যে শুধু সাম্প্রতিক কোন বিশেষ নীতির আলোচনার মধ্যেই সীমাবদ্ধ থাকিবে, এমন কথা নিশ্চয় করিয়া বলা যায় না। সমাজবদ্ধ মানুষের রাষ্ট্রনৈতিক জীবনের বহুমুখী আলোচনা করে রাষ্ট্রবিজ্ঞান। এই কারণেই জেলিনেক (Jellinek), সিডউইক (Sidgwick), স্যার ফ্রেডারিক পোলক (Sir Frederick Pollock) প্রমুখ রাষ্ট্রবিজ্ঞানিগণ এ্যারিস্টটল প্রদত্ত নামটিকে সম্পূর্ণভাবে সমর্থন করেন না। অবশ্য, এই সকল রাষ্ট্রবিজ্ঞানী-‘রাষ্ট্রনীতি’

শব্দটিকে ব্যাপক অর্থে ব্যবহার করিয়া রাষ্ট্রনীতিকে দুইটি শ্রেণীতে বিভক্ত করেন; যথা,—(১) তত্ত্বগত রাষ্ট্রনীতি (Theoretical Politics) এবং (২) ফলিত রাষ্ট্রনীতি (Applied Politics)। এই সকল লেখকের মতামতসারে তত্ত্বগত রাষ্ট্রনীতির অন্তর্ভুক্ত হয় রাষ্ট্রের আইন, সরকার,

রাষ্ট্রনীতিকে কেহ কেহ দুই ভাগে বিভক্ত করেন :

- (১) তত্ত্বগত রাষ্ট্রনীতি,
- (২) ফলিত রাষ্ট্রনীতি

রাষ্ট্রের কর্তব্য, তাৎপর্য, আন্তঃরাষ্ট্র সম্পর্ক এবং রাষ্ট্রের মধ্যে বিভিন্ন প্রকার সম্বন্ধ। আর রাষ্ট্রনীতির ফলিত বিভাগে আলোচিত হয় রাষ্ট্র ও সরকারের বিভিন্ন রূপ, কূটনৈতিক সম্বন্ধ এবং আন্তর্জাতিক চুক্তি ও সন্ধি প্রভৃতি। এই সকল লেখক এয়ারিস্টটল প্রদত্ত নাম-

করণটি অক্ষুণ্ণ রাখিয়া বিষয়বস্তুর শ্রেণী-বিভাগ করিয়া আলোচনা করিবার প্রয়োজনীয়তা উপলব্ধি করেন। এই শ্রেণী-বিভক্ত আলোচনায় কাহারও আপত্তি থাকিতে পারে না। কিন্তু অনেক লেখক আছেন যাহারা ‘রাষ্ট্রনীতি’ শব্দটি ব্যবহারের ঘোর বিরোধী। কারণ, সরকারের নীতি ও শাসন-ব্যবস্থা বিশ্লেষণ করা ব্যতীত রাষ্ট্র ও রাষ্ট্র-সংক্রান্ত অত্যন্ত বহু বিষয়ের আলোচনাও এই শাস্ত্রে হইয়া থাকে।

আবার, যেহেতু ‘রাষ্ট্রনীতি’ শব্দটির দ্বারা বর্তমানে সরকারের সাম্প্রতিক সমস্যাবলীর সমাধানের নীতিকে বোঝানো হয়, সেইজন্ত অনেকে রাষ্ট্রনীতিকে সমগ্র রাষ্ট্র-সংক্রান্ত আলোচনার অংশমাত্র মনে করেন। রাষ্ট্র-সংক্রান্ত সম্পূর্ণ ও সমস্ত বিষয়ের আলোচনা যদি কোন শাস্ত্রের অন্তর্ভুক্ত করিতে হয়, তবে ঐ শাস্ত্রের নামকরণ ‘রাষ্ট্রনীতি’ না হইয়া ‘রাষ্ট্রদর্শন’ হইবার পক্ষে কেহ কেহ যুক্তি প্রদর্শন করিয়া থাকেন।

(খ) রাষ্ট্রদর্শন (Political Philosophy) : রাষ্ট্রবিজ্ঞানিগণের মধ্যে কেহ কেহ বলেন যে, রাষ্ট্র-সম্বন্ধীয় তত্ত্বকথা আলোচনা করাই ‘রাষ্ট্রদর্শনের’ মুখ্য উদ্দেশ্য। রাষ্ট্রের উৎপত্তি, প্রকৃতি, তাৎপর্য, নাগরিকের দায়িত্ব ও কর্তব্য প্রভৃতি আলোচনা করা হয় এই শাস্ত্রে। এই আলোচনা হইতে রাষ্ট্রনৈতিক আদর্শ ও কতকগুলি মূলস্বত্র নির্ধারণ করা হয়। এইগুলিই আবার রাজনৈতিক প্রতিষ্ঠানগুলির ভিত্তিস্বরূপ। রাষ্ট্রনৈতিক প্রতিষ্ঠানেরও আলোচনা আমাদের আলোচ্য শাস্ত্রের অন্তর্ভুক্ত হয়। অতএব দেখা যায়, আমাদের আলোচ্য শাস্ত্রের নাম যদি রাষ্ট্রদর্শন দেওয়া হয়, তবে কতকগুলি অস্ববিধার সৃষ্টি হয়। রাষ্ট্রদর্শন বলিতে রাষ্ট্রের দার্শনিক

তত্ত্বকেই বোঝানো হয়। কিন্তু আমাদের শাস্ত্রে শুধু রাষ্ট্রের তত্ত্ব-
কথাই আলোচিত হয় না, এই শাস্ত্রে রাষ্ট্রনৈতিক প্রতিষ্ঠানেরও

আলোচনা হইয়া থাকে। এই কারণে অনেক লেখক
রাষ্ট্রদর্শন শুধু রাষ্ট্রের
তত্ত্বকথাই আলোচনা
করে

এই শাস্ত্রের নাম রাষ্ট্রদর্শন দিবার পক্ষপাতী নন।
আবার যে শাসনপদ্ধতিতে ও যে নীতিতে বিভিন্ন
রাষ্ট্র পরিচালিত হয় তাহা রাষ্ট্রদর্শনের অন্তর্ভুক্ত
নয়। উদাহরণস্বরূপ বলা যাইতে পারে, ভারতীয় যুক্তরাষ্ট্রের বর্তমান
শাসনপদ্ধতি রাষ্ট্রদর্শনের বিষয়বস্তু নহে। পূর্বেই বলা হইয়াছে যে,
আলোচ্য শাস্ত্রটিকে ‘তত্ত্বগত রাষ্ট্রনীতি’ ও ‘ফলিত রাষ্ট্রনীতি’—এই দুই
ভাগে বিভক্ত করা যাইতে পারে। রাষ্ট্রদর্শন বলিতে শুধু তত্ত্বগত রাষ্ট্র-
নীতিকেই বোঝানো হয়। ফলে ফলিত রাষ্ট্রনীতি আমাদের আলোচনার
বাহিরে থাকিয়া যায়। কেহ কেহ এই মত পোষণ করেন যে, ‘রাষ্ট্রতত্ত্ব’
বলিয়া এই শাস্ত্রটিকে আখ্যায়িত করিলে সমগ্র আলোচনা-ক্ষেত্রকেই
অন্তর্ভুক্ত করা যায়।

(গ) **রাষ্ট্রতত্ত্ব (The Theory of the State)** : রাষ্ট্রতত্ত্ব নামকরণটিকে
অনেকে ‘রাষ্ট্রদর্শন’ অপেক্ষা অধিকতর উপযুক্ত বলিয়া মনে করেন। রাষ্ট্র-
সম্বন্ধীয় তত্ত্বকথা আলোচনা করাই রাষ্ট্রদর্শনের মুখ্য উদ্দেশ্য। ‘রাষ্ট্রতত্ত্ব’
রাষ্ট্রের নীতিগত বিষয়গুলি লইয়া বেশীর ভাগ আলোচনা করিয়া থাকে।
‘রাষ্ট্রদর্শন’ আলোচনা করে রাষ্ট্রের দার্শনিক দিক আর ‘রাষ্ট্রতত্ত্ব’ আলোচনা
করে রাষ্ট্রের প্রয়োজনীয় উপাদানের। ইহা রাষ্ট্রের গঠন-বৈচিত্র্য সম্বন্ধে
আলোচনা করে না এবং বিভিন্ন শ্রেণীর সরকারের গুণাগুণের তুলনামূলক
বিচার-বিশ্লেষণও করে না। ‘রাষ্ট্রতত্ত্ব’ বর্তমান রাষ্ট্রের আলোচনা করে এবং
রাষ্ট্র সাধারণতঃ কি প্রকারের হইয়া থাকে তাহারও ইঙ্গিত দিয়া থাকে।
‘রাষ্ট্রতত্ত্ব’ রাষ্ট্রের উন্নতির ঐতিহাসিক দিকের আলোচনাও করে না বা আদর্শ
রাষ্ট্রের চিত্রও অঙ্কিত করে না। ইহা রাষ্ট্রের শাসনপদ্ধতিরও আলোচনা
করে না।

অতএব দেখা যায়, রাষ্ট্রতত্ত্ব নামকরণটি বিশেষ ব্যাপক অর্থে ব্যবহৃত হয়
না। এই কারণে, রাষ্ট্রবিজ্ঞানিগণের মধ্যে অনেকে মনে করেন যে, ‘রাষ্ট্রতত্ত্বের’
পরিবর্তে, এই শাস্ত্রের নাম ‘রাষ্ট্রবিজ্ঞান’ রাখা হইলে সমগ্র আলোচনা-ক্ষেত্রকে
অন্তর্ভুক্ত করিতে পারা যায়।

(ঘ) **রাষ্ট্রবিজ্ঞান (Political Science)** : বর্তমানে এই শাস্ত্রটি রাষ্ট্র-বিজ্ঞান নামেই সমধিক প্রসিদ্ধ। রাষ্ট্রবিজ্ঞান তত্ত্বগত ও ফলিত—এই দুই প্রকারের রাষ্ট্রনীতিরই আলোচনা করিয়া থাকে। রাষ্ট্রবিজ্ঞান একদিকে আলোচনা করে রাষ্ট্রের গঠন ও কার্যপদ্ধতি, আর অপরদিকে আলোচনা করে কতকগুলি মূলস্বত্রের, যাহার উপর ভিত্তি করিয়া দাঁড়াইয়াছে রাষ্ট্রনৈতিক প্রতিষ্ঠানসমূহ। আর তত্ত্বগত দিকে ইহা আলোচনা করে রাষ্ট্রের প্রকৃতি, তাৎপর্য ও রাষ্ট্রকর্তব্য সম্বন্ধে। আলোচনার এই অংশকে কেহ কেহ ‘রাষ্ট্রদর্শন, বলিয়া আখ্যায়িত করেন। আর আলোচনার অপর অংশে অন্তর্ভুক্ত হয় রাষ্ট্রের গঠন, রাষ্ট্রের কার্যাবলী, রাষ্ট্রনৈতিক প্রতিষ্ঠানের বিভিন্ন রূপ প্রভৃতি। আলোচনার এই অংশকে কেহ কেহ “তুলনামূলক রাষ্ট্রনীতি” (Comparative Politics) বলিয়া আখ্যায়িত করেন। রাষ্ট্রবিজ্ঞানের আলোচনা-ক্ষেত্র রাষ্ট্রদর্শনের আলোচনা-ক্ষেত্র অপেক্ষা ব্যাপকতর। রাষ্ট্রদর্শনের আলোচ্য বস্তু

মৌলিক। আর রাষ্ট্রবিজ্ঞান মৌলিক তত্ত্ব ও তার ব্যবহারিক রূপেরও আলোচনা করে। আবার কোন কোন ফরাসী লেখক রাষ্ট্রবিজ্ঞানকে একক শাস্ত্র না বলিয়া অনেকগুলি শাস্ত্রের সমষ্টি (Political sciences) বলিয়া অভিহিত করিয়াছেন। এই সকল ফরাসী লেখকদের মতে রাষ্ট্রবিজ্ঞান রাষ্ট্রের বিশেষ একটি দিকের আলোচনা করে। ফরাসী দার্শনিক পল জেনেট (Paul Janet) রাষ্ট্রবিজ্ঞানের সংজ্ঞা নির্দেশ করিবার কালে বলিয়াছেন যে, রাষ্ট্রবিজ্ঞান হইল সমাজবিজ্ঞানের সেই অংশ যাহা রাষ্ট্রের মৌলিক ভিত্তি ও সরকারের নীতিসমূহের আলোচনা করে।* রাষ্ট্রবিজ্ঞান হইল বিশেষীকৃত বিজ্ঞান। ইহা রাষ্ট্রের বিশেষ একটি দিকের আলোচনা করে। আবার রাষ্ট্র সম্বন্ধে আলোচনা শুধু রাষ্ট্রবিজ্ঞানই করে না, আন্তর্জাতিক আইন, শাসনতান্ত্রিক ইতিহাস প্রভৃতি শাস্ত্রগুলিও রাষ্ট্রবিজ্ঞানের হায রাষ্ট্রসম্বন্ধ আলোচনা করে। সুতরাং রাষ্ট্রবিজ্ঞান রাষ্ট্রসম্বন্ধীয় শাস্ত্রগুলির মধ্যে অত্যন্তম। ইহা রাষ্ট্রসম্বন্ধীয় একমাত্র শাস্ত্র নহে। অবশ্য, ইহা নিঃসন্দেহে বলা যাইতে পারে যে, যদিও আন্তর্জাতিক আইন প্রভৃতি পৃথকভাবে আলোচিত হয়, তথাপি তাহাদের আলোচনা রাষ্ট্রবিজ্ঞানের আলোচ্য বিষয় হইতে সম্পূর্ণ পৃথকভাবে করা সম্ভব

* “Political Science is that part of the social science which treats of the foundations of the State and the principles of the Government.”—Paul Janet.

নয়; স্তূতরাং ইহাদিগকে রাষ্ট্রবিজ্ঞানের এক একটি শাখা হিসাবে ধরা যাইতে পারে।

এই অধ্যায়ের গোড়ার দিকে রাষ্ট্রবিজ্ঞানের সংজ্ঞা ও আলোচনা-ক্ষেত্রের সীমানা সম্বন্ধে যে আলোচনা করা হইয়াছে, এখানে তার পুনরুক্তি না করিয়া বলা যায় যে, রাষ্ট্রবিজ্ঞান শুধু রাষ্ট্র ও সরকারের গঠন ও কার্যপদ্ধতির আলোচনা করে না, ইহা রাষ্ট্রের প্রকৃতি ও উদ্দেশ্যের আলোচনা করে এবং ইহা অতীত, বর্তমান ও ভবিষ্যতের আলোচনা করে।

অতএব দেখা যায়, ‘রাষ্ট্রনীতি’ বলিতে যাহা বোঝায় তার আলোচনাও রাষ্ট্রবিজ্ঞানে হয়; রাষ্ট্রের ‘দার্শনিক ব্যাখ্যা’ও ইহার অন্তর্ভুক্ত হয় এবং রাষ্ট্রতত্ত্বের বিষয়বস্তুও রাষ্ট্রবিজ্ঞানে আলোচিত হয়। ফলে আলোচ্য শাস্ত্রের নাম রাষ্ট্রবিজ্ঞান রাখা হইলে ইহা অত্যাশ্চর্য নামকরণের তুলনার অপেক্ষাকৃত ব্যাপক অর্থে ব্যবহৃত হইতে পারিবে এবং বিষয় অনুসারে বিশেষ উপযুক্ত হইবে।

রাষ্ট্রবিজ্ঞান ও শাসনপদ্ধতি (Political Science and Government) : রাষ্ট্রবিজ্ঞানিগণের মধ্যে কেহ কেহ শাসনপদ্ধতিকে রাষ্ট্রবিজ্ঞানের অন্তর্ভুক্ত করিতে চান। এয়ারিস্টটল, হব্‌স্‌, লক্‌, রুশো প্রমুখ চিন্তাবীর শাসনপদ্ধতিকে রাষ্ট্রবিজ্ঞানের অন্তর্ভুক্ত করার পক্ষপাতী। অংশকে বাদ দিয়া সমগ্র বস্তুকে কল্পনা করা যায় না। রাষ্ট্রবিজ্ঞান হইল সমগ্র বস্তু আর শাসনপদ্ধতি তার অংশমাত্র। অতএব রাষ্ট্রবিজ্ঞানের আলোচনাকালে শাসনপদ্ধতির আলোচনা করিতেই হয়। আবার রাষ্ট্র মূর্ত হইয়া উঠে শাসনপদ্ধতির মধ্যে।

এই শাসনপদ্ধতিই যদি রাষ্ট্রবিজ্ঞানে আলোচিত না হয়, শাসনপদ্ধতি রাষ্ট্র-
বিজ্ঞানের অংশ তবে রাষ্ট্রের প্রকৃতিকে বুঝিতে পারা যায় না। এই
প্রসঙ্গে পল জেনেট (Paul Janet) বলেন : “সমাজ-
বিজ্ঞানের যে অংশ রাষ্ট্রের সামগ্রিক ভিত্তিস্বরূপ শাসনপদ্ধতি সম্বন্ধে
আলোচনা করে তাহাকেই রাষ্ট্রবিজ্ঞান বলে।”

রাষ্ট্রবিজ্ঞানকে বিজ্ঞান বলা যায় কি ? (Can Political Science be called a Science ?) : রাষ্ট্রবিজ্ঞানিগণের মধ্যে সকলেই রাষ্ট্রবিজ্ঞানকে বিজ্ঞানের মর্যাদা দিতে চান না। এই বিষয়ে বিভিন্ন মতামত উল্লেখ করার পূর্বে বিজ্ঞানের সর্বজনগ্রাহ্য সংজ্ঞাটি আমাদের জানা একান্ত প্রয়োজন। কার। বিজ্ঞান কাহাকে বলে, তাহা না জানিতে পারিলে, রাষ্ট্রবিজ্ঞান বিজ্ঞান

পর্যায়ভুক্ত কিনা বলা সম্ভব নয়। বিজ্ঞান শব্দের অর্থ বিশেষরূপে জ্ঞান।

কোন বিষয়সম্বন্ধে বিশেষরূপে জ্ঞানলাভ করিতে হইলে পর্যবেক্ষণ, বিশ্লেষণ

প্রভৃতি বৈজ্ঞানিক পদ্ধতির সাহায্য গ্রহণ করিতে হয়।

বিজ্ঞানের সংজ্ঞা

আবার এই জ্ঞানকে সুশৃঙ্খল ও সুসংবদ্ধ হইতে হইবে ;

অত্যাধিক ঐ জ্ঞান অসম্পূর্ণ থাকিয়া যাইবে। সংক্ষেপে বলা যায় : “বিজ্ঞান

হইল কোন এক শ্রেণীভুক্ত বিষয়বস্তুর সুসংবদ্ধ জ্ঞান।” এই

সুসংবদ্ধ জ্ঞান হইতে বিজ্ঞানী কতকগুলি সাধারণ সূত্র বাহির করেন এবং

ক্ষেত্রবিশেষে এই সূত্রগুলি প্রয়োগ করিয়া বিষয়বস্তুর সত্যাসত্য নিরূপণ

করেন। রসায়ন, পদার্থবিজ্ঞা, জ্যোতিষশাস্ত্র প্রভৃতিকে বিজ্ঞানপদবাচ্য করা

যায়। কারণ, তাহাদের বিষয়বস্তুগুলির বিশ্লেষণ, শ্রেণী-বিভাগ ও পর্যবেক্ষণ

করিয়া একটি সুসংবদ্ধ জ্ঞানলাভ করা যায় এবং এই লব্ধ জ্ঞান হইতে আবার

কতকগুলি সূত্র নির্ধারণ করা যায়।

এক্ষণে প্রশ্ন হইল, রাষ্ট্রবিজ্ঞানকে বিজ্ঞানের মর্যাদা দেওয়া যায় কিনা—

ফার্সী দার্শনিক বাকুল (Buckle), কোঁট (Comte) এবং মেটল্যাণ্ড

(Maitland) প্রমুখ রাষ্ট্রবিজ্ঞানিগণ রাষ্ট্রবিজ্ঞানকে বিজ্ঞানপদবাচ্য করিতে

চান না। এই সকল রাষ্ট্রবিজ্ঞানী তাহাদের মতের সমর্থনে বিভিন্ন যুক্তি

প্রদর্শন করেন। নিম্নে এই যুক্তিগুলিকে দেখানো গেল :

(১) রাষ্ট্রবিজ্ঞানের বিষয়বস্তু অতিশয় জটিল এবং অনিশ্চয়তাপূর্ণ। ফলে
অত্যাধিক বিজ্ঞানের ক্ষেত্রে বিষয়বস্তুর পরীক্ষাকার্য্য, গবেষণা এবং শ্রেণীবিভক্তীকরণ
যতটা সহজ, রাষ্ট্রবিজ্ঞানের ক্ষেত্রে ততটা সহজ নয়।

(২) অত্যাধিক বিজ্ঞানের বিষয়বস্তুকে যতটা ক্ষুদ্র অংশে বিভক্ত করা সহজ,
রাষ্ট্রবিজ্ঞানের বিষয়বস্তুকে ততটা ক্ষুদ্র অংশে বিভক্ত করা সহজ নয়।

(৩) রাষ্ট্রবিজ্ঞানের বিষয়বস্তু অর্থাৎ মানুষের রাষ্ট্রনৈতিক জীবন এবং
রাষ্ট্রের বিভিন্ন সমস্যাবলীর সঠিক পরিমাপ করা বা অপরিবর্তনীয় অবস্থায়
রাখিয়া স্বরূপ নির্ণয় করাও সম্ভব নয়। ইচ্ছাশক্তি-সম্পন্ন মানুষকে লইয়া
গবেষণাগারে পরীক্ষা করা প্রায় অসম্ভব। গবেষকের গবেষণার বিষয় যদি
সকল অবস্থায়ই অপরিবর্তিত থাকে তবেই গবেষকের পক্ষে সাধারণ সূত্র
বাহির করা সম্ভব। রাষ্ট্রবিজ্ঞানের বিষয়বস্তু সর্বদা পরিবর্তনশীল। অতএব,
অত্যাধিক বিজ্ঞানের স্থায়ী ইহার পরীক্ষাকার্য্য চলে না। ফলে ইচ্ছা বিজ্ঞানের
পর্যায়ভুক্তও হয় না।

(৪) রাষ্ট্রবিজ্ঞানীকে **বাহ্যিক পরিবেশের** উপর নির্ভর করিয়া সিদ্ধান্তে পৌঁছাইতে হয়। এই সকল কারণে, রাষ্ট্রবিজ্ঞানীকে অহুমানের উপর নির্ভর করিতে হয়। এইজন্ত অনেকে রাষ্ট্রবিজ্ঞানের সিদ্ধান্তগুলিকে অহুমানসিদ্ধ বলিয়া আখ্যায়িত করেন। কিন্তু অতীত বিজ্ঞানের সিদ্ধান্তগুলি বাস্তব পরীক্ষা-নিরীক্ষার উপর নির্ভরশীল। ফলে রাষ্ট্রবিজ্ঞানকে অতীত বিজ্ঞানের পদবাচ্য করা যায় না। এখানে লর্ড ব্রাইস রাষ্ট্রবিজ্ঞানকে অসম্পূর্ণ বিজ্ঞানের মর্যাদা দিয়াছেন এবং ইহাকে আবহবিদ্যার (Meteorology) সঙ্গে তুলনা করিয়াছেন।

আবার রাষ্ট্রবিজ্ঞানিগণের মধ্যে যাহারা রাষ্ট্রবিজ্ঞানকে বিজ্ঞানের মর্যাদা দিতে চান, তাঁহাদের মধ্যে আছেন এয়ারিস্টটল, বোড্যা, হব্‌স্; মন্টেস্কিউয়ে, পোলক প্রভৃতি মনীষিগণ। স্থার ফ্রেডারিক পোলক বলেন : “যাহারা রাষ্ট্রবিজ্ঞানকে বিজ্ঞান বলিয়া অভিহিত করেন না, তাঁহারা বিজ্ঞান কাহাকে বলে, তাহা জানেন না”। এই মতাবলম্বীদিগের যুক্তি হইল :

(১) রাষ্ট্রবিজ্ঞানের পক্ষেও শ্রেণীবিভক্তীকরণ, বিশ্লেষণ প্রভৃতি বৈজ্ঞানিক পদ্ধতির সাহায্যে রাষ্ট্রবিজ্ঞানের অন্তর্গত বিষয়বস্তুর সুসংবদ্ধ জ্ঞানলাভ করিতে পারা যায়।

(২) লর্ড ব্রাইস এই মত পোষণ করেন যে, মাহুনের আচরণের মধ্যে একটি নামঞ্জুর লক্ষ্য করা যায় এবং এই সুসমঞ্জস আচরণ হইতে সুসংবদ্ধ জ্ঞানলাভও করা যায়। তাহা ছাড়া, মানুষের এই আচরণ হইতে রাষ্ট্রবিজ্ঞানী সাধারণ নিয়মও বাতির করিয়া থাকেন। আবার এই নিয়মগুলির সাহায্যে বিভিন্ন সামাজিক সমস্যারও সমাধান করা যায়।

(৩) ফলে, অধ্যাপক গার্নারের মতানুসারে বলা যায়, রাষ্ট্রনৈতিক বিষয়বস্তুর যেহেতু বিশ্লেষণ, শ্রেণীবিভক্তীকরণ, পর্যবেক্ষণ প্রভৃতি করা যায় এবং শ্রেণীবিভক্ত জ্ঞান হইতে সাধারণ সূত্রের প্রতিষ্ঠাও যেহেতু সম্ভব, সেই হেতু রাষ্ট্রবিজ্ঞানও বিজ্ঞানপদন্য।

উপসংহারে বলা যাইতে পারে, রাষ্ট্রনৈতিক বিষয়সমূহের মধ্যে একটি গভীর শৃংখলা দৃষ্ট হয় এবং রাষ্ট্রবিজ্ঞানী রাষ্ট্রনৈতিক বিষয়সমূহ হইতে কতকগুলি সূত্রও নির্ধারণ করিয়াছেন। এই সূত্রগুলি বিভিন্ন রাষ্ট্রনৈতিক সমস্যা সমাধানকল্পে প্রয়োগ করিয়াছেন।

তুলনামূলক, পরীক্ষামূলক, ঐতিহাসিক, আইনমূলক প্রভৃতি পদ্ধতির সাহায্যে রাষ্ট্রনৈতিক সমস্যার বিচার-বিশ্লেষণ করে রাষ্ট্রবিজ্ঞান। আদিম

যুগ হইতে বর্তমান যুগ পর্যন্ত মানবসভ্যতার ক্রম-
মন্তব্য : রাষ্ট্রবিজ্ঞান বিকাশের ইতিহাস* পর্যালোচনা করিলে দেখা যায়
যদিও ইহা সম্পূর্ণ নয় যে, মানুষের জীবনযাত্রা প্রণালী প্রগতিশীল। রাষ্ট্র-

বিজ্ঞান এই প্রগতিশীল মানবজীবনের আলোচনা করে। এই কারণেই লন্ডন রাইস বলিয়াছেন, রাষ্ট্রবিজ্ঞান প্রগতিশীল বিজ্ঞান।* আবার রাষ্ট্রবিজ্ঞানীও মানুষের এই ক্রমবর্ধমান উন্নত প্রণালীর রাষ্ট্রনৈতিক জীবন হইতে বহু অভিজ্ঞতা সঞ্চয় করিয়াছেন। ফলে বর্তমানে রাষ্ট্রবিজ্ঞানীর পক্ষে মানুষের জীবনযাত্রা সম্বন্ধে আলোচনা সহজতর হইয়াছে। অতীতের পটভূমিকায় বর্তমানের পরিপ্রেক্ষিতে রাষ্ট্রবিজ্ঞানী ভবিষ্যৎ সম্বন্ধে যে ইঙ্গিত দিয়া থাকেন তার অধিকাংশই নিম্নলিখিত প্রমাণিত হয়।

সর্বশেষে অধ্যাপক গেটেলের মন্তব্যটি উদ্ধৃত করা গেল। গেটেল বলিয়াছেন যে, “যদি বিজ্ঞান বলিতে এই বোঝায় যে, শৃংখলিত পর্যবেক্ষণ ও অভিজ্ঞতার সাহায্যে আহৃত কোন নির্দিষ্ট বিষয়ের সম্যক জ্ঞান ও আলোচনা এবং ইহা এক সুসংবদ্ধ বিষয়ের বিশ্লেষণ ও শ্রেণীবিভাজীকরণ, তবে রাষ্ট্র-বিজ্ঞানকে ও বিজ্ঞান বলা যাইতে পারে।”†

রাষ্ট্রবিজ্ঞানী যে কিস্তাবে স্বত্র নির্ধারণ করেন তাহা উদাহরণের সাহায্যে বোঝানো যাইতে পারে। বিপ্লব কেন হয়? শাসনতন্ত্রের পরিবর্তন কেন হইয়া থাকে? এই দুইটি বিষয়ের দিকে লক্ষ্য করা যাক। রাষ্ট্রবিজ্ঞানী একটি শাসনতন্ত্র চালু হইবার পর দেখেন যে, উহা জনসাধারণ কর্তৃক কি পরিমাণ সমর্থন লাভ করিয়াছে। যদি ঐ শাসনতন্ত্র সর্ব অবস্থায়ই অগ্রাহ্য হয়, তবে রাষ্ট্রবিজ্ঞানী ঐ শাসনতন্ত্রের রদবদল করেন এবং ঐ শাসনতন্ত্রকে বিপ্লবের কারণ বলিয়া গ্রহণা থাকেন। রাষ্ট্রবিজ্ঞানের পরীক্ষাক্ষেত্র বিরাট হইলেও অত্যন্ত বিজ্ঞানের ভায়ে এই শাস্ত্রে পরীক্ষাকার্য্য চলে এবং পরীক্ষার পর স্বত্র

* “Political science is a progressive science.”—Bryce

† “If, however, a science be described as a mass of knowledge concerning a particular subject, acquired by systematic observation, experience and study, and analysed and classified into a unified whole, then political science may justly claim to be a science.” Gettell, R. G.

নির্ধারিত হয়। আবার রাষ্ট্রবিজ্ঞানের কয়েকটি দিক আছে ; যথা, বিজ্ঞান, কলা, দর্শন ও আইন প্রভৃতি। এই সমস্ত বিষয়ের আলোচনায় সর্বদা বৈজ্ঞানিক উপায় অবলম্বন করা সম্ভব নয় বলিয়া এই শাস্ত্রকে কেহ কেহ **অসম্পূর্ণ বিজ্ঞান** বলিয়া অভিহিত করেন।

রাষ্ট্রবিজ্ঞানের অনুসন্ধান পদ্ধতি (Methods of Political Science) : রাষ্ট্রবিজ্ঞানকে বর্তমানে বিজ্ঞানের মর্যাদা দেওয়া হয়। বিজ্ঞান হিসাবে রাষ্ট্রবিজ্ঞানকে বিজ্ঞানসম্মত পদ্ধতিতে আলোচনা করিতে হইলে কতকগুলি বিজ্ঞানসম্মত পদ্ধতি অবলম্বন করিতে হয়। ঊনবিংশ শতাব্দীর প্রথমভাগ পর্যন্ত রাষ্ট্রবিজ্ঞানকে বিজ্ঞানের মর্যাদা দেওয়া হইত না। ফলে রাষ্ট্রবিজ্ঞানের আলোচনায় কোন বিজ্ঞানসম্মত পদ্ধতিও অবলম্বন করা হইত না। বর্তমানে রাষ্ট্রবিজ্ঞানকে বিজ্ঞানের মর্যাদা দেওয়া হইয়াছে এবং বিভিন্ন বিজ্ঞানসম্মত পদ্ধতির ব্যবহার করিয়া আলোচনাকে বিজ্ঞানসম্মত করা হইয়াছে।

রাষ্ট্রবিজ্ঞানকে বিজ্ঞান-
সম্মত পদ্ধতিতে
আলোচনা করিবার
প্রয়োজনীয়তা

এই পদ্ধতিগুলির মধ্যে নিম্নলিখিতগুলি বিশেষ উল্লেখ-

যোগ্য : (১) পরীক্ষামূলক পদ্ধতি, (২) পর্যবেক্ষণমূলক পদ্ধতি, (৩) পরিসংখ্যান-মূলক পদ্ধতি, (৪) তুলনামূলক পদ্ধতি, (৫) ঐতিহাসিক পদ্ধতি, (৬) জীব-বিজ্ঞানমূলক পদ্ধতি, (৭) সমাজবিজ্ঞানমূলক পদ্ধতি, (৮) আইনমূলক পদ্ধতি, (৯) মনোবিজ্ঞানমূলক পদ্ধতি ও (১০) দর্শনমূলক পদ্ধতি।)

(১) **পরীক্ষামূলক পদ্ধতি (Experimental Method) :** পরীক্ষামূলক পদ্ধতির সাহায্যে বৈজ্ঞানিক গবেষণা পরিচালনা করেন। এই পদ্ধতির বিশেষত্ব হইল, অমুসন্ধানের প্রতিকূল বিষয়গুলি বাদ দিয়া শুধু অমুকূল ঘটনাসমূহকে লইয়াই পরীক্ষা করা যায়। রসায়ন প্রভৃতি বিজ্ঞানের ক্ষেত্রে এই পদ্ধতি প্রয়োগ করা যায় ; কিন্তু রাষ্ট্রবিজ্ঞানের ক্ষেত্রে এই পদ্ধতি অবলম্বন করা যায় না। এই কারণে বৈজ্ঞানিক আবার অনেক কিছু সঠিক পরিমাপ করিয়া নির্ভুল সিদ্ধান্ত করিতে পারেন ; রাষ্ট্রবিজ্ঞানীর পক্ষে প্রতিকূল পরিবেশে ঘেরা ঘটনাসমূহের সঠিক পরিমাপ করিয়া বৈজ্ঞানিক সূত্র প্রতিষ্ঠা করা সম্ভব নয়। কারণ রাষ্ট্রবিজ্ঞানের বিষয়বস্তু ব্যাপক, জটিল ও দ্রুত পরিবর্তনশীল। এইজন্য স্যার জর্জ লিউ (Sir George Lewis) বলিয়াছেন যে, রসায়নবিদ রসায়নের ক্ষেত্রে যেভাবে পরীক্ষা করিতে পারেন রাষ্ট্রবিজ্ঞানের ক্ষেত্রে সেরূপ পরীক্ষা করা

রাষ্ট্রবিজ্ঞানীর পক্ষে সম্ভব নয়। উদাহরণস্বরূপ বলা যাইতে পারে, রাষ্ট্রবিজ্ঞানী যদি সমাজতন্ত্র লইয়া পরীক্ষা করিতে চান, তবে তাঁহাকে একটি রাষ্ট্র বাছিয়া লইতে হইবে, যেখানে সমাজতন্ত্র প্রবর্তিত করিয়া উহার ফলাফল লক্ষ্য করিয়া বৈজ্ঞানিক সূত্র নির্ধারণ করিতে পারেন। কিন্তু ইহা সহজসাধ্য নয়। কারণ, অন্তর্বিপ্লব, আর্থিক সংকট, ইত্যাদির দ্বারা উদ্দেশ্য বানচাল হইয়া যাইতে পারে। অতএব পরীক্ষার ফল সঠিক নাও হইতে পারে।

আবার বৈজ্ঞানিক যেভাবে দেশের উন্নতি, আর্দ্রতা প্রভৃতির পরীক্ষা করেন সেইরূপ গণবিপ্লবের শ্রোত কোন্দিকে প্রবাহিত হইবে তাহা রাষ্ট্র-চিন্তাবীরগণ সঠিকভাবে বলিতে পারেন না।

কিন্তু ইহা নিঃসন্দেহে বলা যায় যে, বর্তমানে বহুঅভিজ্ঞতাপূষ্ঠ রাষ্ট্র-বিজ্ঞানী এই গণবিপ্লবের গতি নির্ধারণ করেন। এবং রাষ্ট্রবিজ্ঞানের আলোচনাকালে পরীক্ষামূলক পদ্ধতির অবলম্বনের বহু অসুবিধা থাকা সত্ত্বেও, মানুষের রাষ্ট্রনীতিক জীবনে প্রতিনিয়তই পরীক্ষা চলিতেছে। রাষ্ট্রে নূতন নূতন আইন প্রণীত হয়। এই আইনের প্রয়োগ দ্বারা কি পরিমাণ সমাজের মঙ্গল সাধিত হয়, তাহা ধীরে ধীরে পর্যবেক্ষণ করা হয় এবং প্রয়োজন অনুসারে পরিবর্তন বা সংশোধন করা হয়। এইগুলিই রাষ্ট্রবিজ্ঞানের পরীক্ষামূলক পদ্ধতি। অতএব দেখা যায় রাষ্ট্রবিজ্ঞানীও বিজ্ঞানসম্মত পদ্ধতি অনুসরণ করেন।

(২) পর্যবেক্ষণমূলক পদ্ধতি (Observational Method) :

ব্রাইস, লাওয়েল প্রভৃতি রাষ্ট্রবিজ্ঞানীগণের মতে পর্যবেক্ষণমূলক পদ্ধতিই রাষ্ট্রবিজ্ঞানের অমূল্য পদ্ধতি হওয়া উচিত। এই পদ্ধতি অনুসারে রাষ্ট্র-বিজ্ঞানীকে বিভিন্ন রাষ্ট্রের অন্তর্গত নীতি ও কার্যাবলীর পর্যবেক্ষণ করিতে হইবে এবং অন্তর্দৃষ্টির সাহায্যে তাঁহাকে বিভিন্ন রাষ্ট্রের আভ্যন্তরীণ শাসন-

ব্যবস্থা, কার্যকলাপ, বিধিব্যবস্থা প্রভৃতিকে বুঝিতে হইবে
 পর্যবেক্ষণমূলক এবং বিশ্লেষণ করিতে হইবে। পর্যবেক্ষণকালে বিভিন্ন
 পদ্ধতির মারসংক্ষেপ রাষ্ট্রের বাহ্যসাদৃশ্য ও সামাজিকরণ ঘটাসম্ভব পরিচায়

করিতে হইবে। এই সকল বিষয় স্মরণ রাখিয়া রাষ্ট্রবিজ্ঞানীকে পর্যবেক্ষণমূলক পদ্ধতি ব্যবহার করিতে হইবে। পর্যবেক্ষণের পর রাষ্ট্রবিজ্ঞানী সূত্র নির্ধারণ করেন। এই মূলসূত্রগুলির ভিত্তিতে রাষ্ট্রকে রূপায়িত করিতে পারিলে

রাষ্ট্রবিজ্ঞানের আলোচনা সার্থক হইবে। লাওয়েল বলিয়াছেন, “রাষ্ট্রবিজ্ঞান পর্যবেক্ষণমূলক বিজ্ঞান, পরীক্ষামূলক নহে।”

উপসংহারে বলা যায় যে, পর্যবেক্ষণকারীকে স্মরণ রাখিতে হইবে যে, মানুষ সমাজবদ্ধ জীব। তার স্বভাবের মূল প্রবণতাগুলি সর্বত্রই সমান। কিন্তু পরিবেশের পার্থক্যের জন্ত অনেক সময় মানুষের রাষ্ট্রনৈতিক প্রকৃতি ও কার্যাবলী বিভিন্ন রূপ ধারণ করে। বিভিন্ন রাষ্ট্রের কার্যাবলীর পর্যবেক্ষণ করিয়া সূত্র নির্ধারণকালে মানুষের এই প্রবণতার কথা স্মরণ রাখিতে হইবে, অগ্রথায় নিভুল সিদ্ধান্ত করা রাষ্ট্রবিজ্ঞানীর পক্ষে সম্ভব হইবে না।

(৩) **পরিসংখ্যানমূলক পদ্ধতি (Statistical Method) :** পরিসংখ্যানমূলক পদ্ধতি অহুসারে রাষ্ট্রবিজ্ঞানী গণনাযোগ্য রাষ্ট্রনৈতিক তথ্য সংগ্রহ করেন। আবার এই সকল তথ্য হইতে রাষ্ট্রবিজ্ঞানী সাধারণ সিদ্ধান্তে পৌঁছান। এই সিদ্ধান্ত অহুসারে রাষ্ট্রবিজ্ঞানী অনেক সময় আবার সরকারকে নীতি-নির্ধারণে নির্দেশ দিয়া থাকেন।

বর্তমান যুগ পরিকল্পনার যুগ। এই যুগে পরিসংখ্যান পদ্ধতি বিশেষভাবে অহুসৃত হয়। পরিকল্পনার প্রয়োজনীয় তথ্য ও হিসাব পবিসংখ্যানমূলক পদ্ধতি বর্তমান যুগের এক উল্লেখযোগ্য পদ্ধতি ইত্যাদি পরিসংখ্যান পদ্ধতির উপর অনেক পরিমাণে নির্ভরশীল। আবার আদমশুমারী অর্থাৎ লোকসংখ্যা গণনাকালে এই পদ্ধতি অবলম্বন করিয়া দেশের লোকসংখ্যা বৃদ্ধি বা হ্রাসপ্রাপ্তি সম্বন্ধে সঠিক ধারণা করা যায়। অতএব দেখা যায়, রাষ্ট্রবিজ্ঞানের এই সকল বিষয়বস্তু আলোচনাকালে পরিসংখ্যান পদ্ধতি বিশেষভাবে অহুসৃত হয়।

(৪) **তুলনামূলক পদ্ধতি (Comparative Method) :** গ্রীক দার্শনিক প্লেটো ও এ্যারিস্টটল এই পদ্ধতি ব্যবহার করিয়া সমসাময়িক রাষ্ট্রের কার্যাবলীর পর্যালোচনা করেন এবং দোষ-ত্রুটি নির্ণয় করেন। শোনা যায়, এ্যারিস্টটল ১৫৮টি রাষ্ট্রের শাসন-ব্যবস্থা আলোচনা করিয়াছিলেন এবং তাহাদের মধ্যে তুলনামূলক বিচার-বিশ্লেষণ করিয়া তাঁহার রাষ্ট্রনীতির সিদ্ধান্তগুলি স্থির করেন। এই পদ্ধতি অহুসারে অতীত ও বর্তমান রাষ্ট্রসমূহের শাসনব্যবস্থা ও কার্যাবলীর পর্যালোচনা করা হয়। এই পদ্ধতি অবলম্বন করিয়া অনেকগুলি রাষ্ট্রের কার্যাবলীর মধ্যে তুলনামূলক

বিচার-বিশ্লেষণ করিয়া দোষ-ত্রুটি নির্ণয় করা যায় এবং একটি আদর্শ রাষ্ট্রের পন্নিকল্পনা করা সহজতর হয়।

এই পদ্ধতি ব্যবহারকালে শুধু তুলনীয় বিষয়গুলিই গ্রহণ করিতে হয় এবং যে বিষয়গুলি তুলনীয় নয়, সেগুলিকে বাদ দিতে হয়। তুলনামূলক পদ্ধতির ব্যবহারকে সাধারণতঃ দুইদিক হইতে দেখা যাইতে পারে। প্রথমতঃ, রাষ্ট্রবিজ্ঞানী ঐতিহাসিক পদ্ধতির মতো অতীতের রাষ্ট্রসমূহের শাসন-ব্যবস্থার পর্যালোচনা করেন। আবার অতীতের রাষ্ট্রনৈতিক কার্যাবলীর সহিত বর্তমান কালের রাষ্ট্রনৈতিক কার্যাবলীর তুলনামূলক বিচার-বিশ্লেষণ করেন।

দ্বিতীয়তঃ, বর্তমান কালের বিভিন্ন রাষ্ট্রের কার্যাবলীর মধ্যে তুলনা করিয়া দোষত্রুটি নির্ণয় করা যায়। এইভাবে রাষ্ট্রবিজ্ঞানী তুলনামূলক পদ্ধতির ব্যবহার করিয়া দোষত্রুটি পর্যালোচনা করিয়া একটি আদর্শ রাষ্ট্রের চিত্র অঙ্কন করেন।

আধুনিক কালে এই পদ্ধতির সমর্থন করেন, মণ্টেস্কিউয়ে, টকভিল, লর্ড ব্রাইস প্রভৃতি রাষ্ট্রবিজ্ঞানিগণ। লর্ড ব্রাইস বিভিন্ন গণতান্ত্রিক রাষ্ট্রের কার্যকলাপ ও শাসন-ব্যবস্থা তুলনামূলকভাবে আলোচনা করিয়া গণতন্ত্রের গুণাগুণ নির্ণয় করিয়াছেন।

উপর্যুক্ত আলোচনার ভিত্তিতে বলা যায়, এই পদ্ধতি অনুসরণকালে রাষ্ট্রবিজ্ঞানীকে অতুলনীয় বিষয়গুলিকে বাদ দিয়া তুলনীয় বিষয়গুলি লইয়াই আলোচনা করিতে হয়। ফলে তাঁহাকে অত্যন্ত সতর্কতার সহিত অগ্রসর হইতে হয়। রাষ্ট্রবিজ্ঞানী এই বিষয় নির্বাচনকালে ভুলবশতঃ যদি অতুলনীয় বিষয়গুলি গ্রহণ করেন, তবে তাঁহার সিদ্ধান্তে ভুল হইবার সম্ভাবনা থাকে।

(৫) ঐতিহাসিক পদ্ধতি (Historical Method) : রাষ্ট্রবিজ্ঞান ও ইতিহাস যে অঙ্গাঙ্গিভাবে জড়িত, তাহা আমরা পূর্বেই দেখিয়াছি। ইতিহাসই হইল রাষ্ট্রবিজ্ঞানের গোড়াপত্তন। ইতিহাসের পটভূমিকাতেই রাষ্ট্রনৈতিক প্রতিষ্ঠানসমূহের সম্যক আলোচনা সম্ভব। বর্তমান দাঁড়াইয়াছে

অতীতের অস্তিত্বের উপর। আবার বর্তমান ইঙ্গিত দেয় ঐতিহাসিক পদ্ধতির ভবিষ্যতের। অতএব ঐতিহাসিক পদ্ধতির সারকথা হইল,
—ঐতিহাসিক পটভূমিকায় এবং ঐতিহাসিক তথ্যের

ভিত্তিতেই বর্তমান রাষ্ট্রনীতি পর্যালোচনা করা।

এই পদ্ধতি অমুসারে দেখা যায় যে, বর্তমান রাষ্ট্রনৈতিক প্রতিষ্ঠানসমূহ বহু বিবর্তনের মধ্য দিয়া কিভাবে গড়িয়া উঠিয়াছে। আবার অতীত কালে এই সকল প্রতিষ্ঠানের রূপ কি ছিল তাহাও এই পদ্ধতি অমুসরণ করিয়া দেখা যায়। রাষ্ট্রের বর্তমান অবস্থা ও তাহার ভবিষ্যৎ গতি-প্রকৃতি সম্বন্ধে জ্ঞান লাভ করিতে হইলে ঐতিহাসিক অমুসন্ধান পদ্ধতির মাধ্যমেই করা সম্ভব। কারণ, রাষ্ট্রনৈতিক প্রতিষ্ঠানগুলি বর্তমান অবস্থায় একদিনে আসিয়া পৌঁছায় নাই। ইতিহাস আলোচনা করে কিভাবে এই রাষ্ট্রনৈতিক প্রতিষ্ঠানগুলি বর্তমান অবস্থায় আসিয়া পৌঁছাইয়াছে। ইতিহাসের এই আলোচ্য অংশ হইতে রাষ্ট্রবিজ্ঞানী তথ্য সংগ্রহ করিয়া তাহার ব্যাখ্যা করেন। উদাহরণস্বরূপ বলা যাইতে পারে যে, রাষ্ট্রের উদ্ভবের মতবাদগুলি পারিপার্শ্বিক অবস্থায় মাহুকের রাষ্ট্রনৈতিক প্রয়োজনের তাগিদে আবিস্কৃত হইয়াছিল। এই সকল মতবাদের সঠিক তাৎপর্য বুঝিতে হইলে সমসাময়িক সামাজিক, অর্থনৈতিক প্রভৃতির পরিবেশকে জানিতে হইবে। ইতিহাসপাঠে আমরা এই পরিবেশ সম্বন্ধে জানিতে পারি। আবার স্মৃতির অতীতে যে রাষ্ট্রচিন্তা সূরু হইয়া ধীরে ধীরে প্রগতির পথে অগ্রসর হইয়াছে, রাষ্ট্রবিজ্ঞানীকে ঐতিহাসিক অমুসন্ধিৎসা লইয়া তাহা বিশ্লেষণ করিতে হয়।

ঐতিহাসিক পদ্ধতিতে অমুসন্ধান করিতে হইলে রাষ্ট্রবিজ্ঞানীকে কতকগুলি সতর্কতা অবলম্বন করিতে হইবে। ঐতিহাসিক পদ্ধতি ঐতিহাসিক পদ্ধতি অমুসরণকালে বাহ্যসাদৃশ্যকে অভিন্নতা মনে হইতে পারে। অবলম্বনকালে বিশেষ সাবধানতা অবলম্বন করিতে হইবে। এই বাহ্যসাদৃশ্যকে অভিন্নতা মনে করিলে ভুল সিদ্ধান্ত হওয়া স্বাভাবিক। আবার ব্যক্তিগত ধারণার উর্ধ্বে উঠিয়া তাহাদের গুণাগুণ নিরপেক্ষভাবে বিচার করিতে হইবে। ব্যক্তিগত ধারণার দ্বারা প্রভাবান্বিত হইয়া ইতিহাসের গতি ব্যাখ্যা করিলে ভুল হইবার সম্ভাবনা থাকে।

(৬) জীববিজ্ঞানমূলক পদ্ধতি (Biological Method) :

অমুসারে রাষ্ট্রকে একটি জীবদেহের সহিত তুলনা করা হয়। রাষ্ট্র ও জীবদেহের মধ্যে সাদৃশ্য বর্ণনা দ্বারা রাষ্ট্রের গতি বিবর্তনবাদ অমুসারে ব্যাখ্যা করা হয়। ইহা সত্য যে, রাষ্ট্রের সহিত জীবদেহের কোন কোন বিষয়ে সাদৃশ্য থাকিতে পারে। কিন্তু বাহ্যসাদৃশ্যের

জীববিজ্ঞান-মূলক
পদ্ধতি সতর্কতার
সহিত ব্যবহার
করিতে হইবে

দ্বারা রাষ্ট্রনৈতিক জীবনের ব্যাখ্যা করিলে অনেক সময় সম্পূর্ণ ভ্রান্ত মতবাদের সৃষ্টি হইতে পারে। ফলে এই পদ্ধতি অহুসরণকালে রাষ্ট্রবিজ্ঞানীকে বিশেষ সতর্কতা অবলম্বন করিতে হয়। পূর্বে এই পদ্ধতি অহুসরণ করিয়া বহু মতবাদের সৃষ্টি হইয়াছিল, কিন্তু তাহা ভ্রান্ত বলিয়া পরে প্রমাণিত হওয়ায় বর্তমানে এই পদ্ধতি আর অহুসরণ করা হয় না।

(৭) **সমাজবিজ্ঞানমূলক পদ্ধতি (Sociological Method) :** এই পদ্ধতি জীববিজ্ঞানমূলক পদ্ধতিরই মতো আর একটি পদ্ধতি। এই পদ্ধতি অহুসারে রাষ্ট্রকে একটি সমাজদেহ বলিয়া কল্পনা করা হয়। সমাজ-দেহের কোষ হইল ব্যক্তি। দেহের কোষগুলির গুণাগুণের উপর যেমন সম্পূর্ণ দেহের গুণাগুণ নির্ভর করে, সেইরূপ নাগরিকগণের গুণাগুণের উপর সমগ্র রাষ্ট্রের গুণাগুণ নির্ভরশীল। সমাজবিজ্ঞানমূলক পদ্ধতি জীববিজ্ঞান-মূলক পদ্ধতির হ্রায় বিবর্তনবাদ অহুসারে রাষ্ট্রনৈতিক সমাজের ক্রমবিকাশের ব্যাখ্যা করে।

(৮) **আইনমূলক পদ্ধতি (Juridical Method) :** এই পদ্ধতি বিশেষভাবে অহুসরণ করিয়াছেন জার্মান ও ফরাসী রাষ্ট্রবিজ্ঞানিগণ। অধ্যাপক গার্নার এই পদ্ধতির ব্যবহার সম্পর্কে মন্তব্য করিবার কালে বলিয়াছেন যে, এই পদ্ধতি অহুসারে রাষ্ট্রকে প্রধানতঃ একটি আইনমূলক ব্যক্তি বা প্রতিষ্ঠান হিসাবে ধরা হইয়াছে এবং রাষ্ট্রবিজ্ঞানকে আইনের নীতির বিজ্ঞান বলিয়া ধরা হইয়াছে (It regards the state primarily as a corporation or juridical person and views Political science as a science of legal norms.—Garner)। এই ধারণা অহুসারে রাষ্ট্র সামাজিক ও রাষ্ট্রনৈতিক প্রতিষ্ঠান নহে। এই পদ্ধতি অহুসারে রাষ্ট্রের প্রধান কাজই হইল আইন প্রণয়ন করা ও প্রণীত আইনকে কার্যকর করা। রাষ্ট্রের কার্যকলাপসমূহের ব্যাখ্যা এই পদ্ধতি অহুসারে করিলে, আইনের আইনমূলক পদ্ধতি সংকীর্ণতা দোষে দুষ্ট গতির বাহিরে সামাজিক বাহা কিছু আছে তাহা সবই বাদ পড়িয়া যায়। এই কারণে এই পদ্ধতি সংকীর্ণতা দোষে দুষ্ট।

(৯) **মনোবিদ্যামূলক পদ্ধতি (Psychological Method) :** রাষ্ট্র-বিজ্ঞানের আলোচনায় অন্তর্ভুক্ত হয় মানুষের রাষ্ট্রনৈতিক আচরণ; তাহার দলগঠনপ্রণালী এবং জনমতগঠন প্রভৃতি। কিন্তু এই সকল বিষয়ের

আলোচনাকালে রাষ্ট্রবিজ্ঞানী অনেক সময় এই পদ্ধতির ব্যবহার করিয়া

থাকেন। আবার মনোবিজ্ঞান স্বত্র অনুসারে রাষ্ট্রনৈতিক মনোবিজ্ঞানমূলক পদ্ধতি বর্তমানে কার্যকর নহে। ঘটনাবলীর ব্যাখ্যাও করা হয়। মাহুষের কর্মের পশ্চাতে

যে উদ্দেশ্য থাকে তার ব্যাখ্যা করে মনোবিজ্ঞান। মনোবিজ্ঞানের স্বত্রগুলি আলোচনা করিলে জানা যায় কিভাবে সমাজবদ্ধ মাহুষের রাষ্ট্রনৈতিক কার্যাবলী প্রভাবান্বিত হয়। গৃহযুদ্ধ ও আন্তর্জাতিক যুদ্ধবিগ্রহের কারণগুলি মনোবিজ্ঞানমূলক পদ্ধতির সাহায্যে বিশ্লেষণ করা যায়।

অধ্যাপক গার্নারের মতানুসারে সমাজবিজ্ঞানমূলক, জীববিজ্ঞানমূলক এবং মনোবিজ্ঞানমূলক—এই তিনটি পদ্ধতি রাষ্ট্রবিজ্ঞানের অহুসন্ধানের উপযুক্ত পদ্ধতি নহে। এই পদ্ধতিগুলি কতকগুলি বাহ্যসাদৃশ্য বর্ণনার উপর নির্ভর করে। কিন্তু ইহা স্মরণ রাখা দরকার যে, বাহ্যসাদৃশ্য বর্ণনা করিলেই অভিন্নতা প্রমাণ করা যায় না। অভিন্নতা এই প্রকারে প্রমাণ করাও সম্ভব নহে। অভিন্নতা প্রমাণ করিবার নিয়ম হইল, জীবদেহ ও রাষ্ট্রের মধ্যে যে সকল অপরিহার্য বিষয়সমূহের সমতা রহিয়াছে তাহা দেখানো।

আবার এই পদ্ধতিগুলি রাষ্ট্রকে একটি বিশেষ দিক হইতে ব্যাখ্যা করিবার প্রয়াস পাইয়াছে। অতএব এই পদ্ধতিগুলি এক একটি বিশেষ দৃষ্টিভঙ্গি মাত্র।

(১০) **দর্শনমূলক পদ্ধতি (Philosophical Method) :** এই পদ্ধতি অনুসারে প্রকৃতি সম্বন্ধে একটি মনঃকল্পিত ধারণা করা হয়। এই ধারণার উপর ভিত্তি করিয়া রাষ্ট্রের প্রকৃতি, উদ্দেশ্য, কর্তব্য সম্বন্ধে বিভিন্ন নীতি স্থির করা হয়। আবার এই স্থিরীকৃত নীতিগুলির সহিত রাজনৈতিক জীবনের ঘটনাগুলির সামঞ্জস্য রক্ষা করিবার চেষ্টা করা হয়। এই পদ্ধতির সমর্থক হইলেন রুশো, মিল প্রভৃতি মনীষিগণ।

এই পদ্ধতির প্রয়োগবিধি বাস্তব রাষ্ট্রনৈতিক জীবনের সহিত সম্পর্কশূন্য হইবার ফলে এই পদ্ধতির প্রয়োগ অনেক সময় ভ্রান্ত মতবাদের সৃষ্টি করিয়াছে। এই কারণে বর্তমানে এই পদ্ধতির ব্যবহার খুবই বিরল।

সমালোচনা :

উপরে দশটি অহুসন্ধান পদ্ধতির আলোচনা করা হইয়াছে। এই অহুসন্ধান পদ্ধতিগুলি স্বয়ংসম্পূর্ণ নহে। ইহাদের ব্যবহার এককভাবে করা বিশেষ

বিপজ্জনক। ফলে এককভাবে এই পদ্ধতিগুলি রাষ্ট্রবিজ্ঞানের অমুসন্ধান পদ্ধতি হিসাবে ব্যবহৃত হইতে পারে না। রাষ্ট্রবিজ্ঞানের মূল স্বত্বগুলির সন্ধান পাইতে হইলে, এই পদ্ধতিগুলির কতকগুলি বিষয়ের মধ্যে সমন্বয় সাধন করিতে হইবে। অত্যাশা, আশাপ্রদ ফল পাওয়া যাইবে না। উদাহরণস্বরূপ বলা যায়, ঐতিহাসিক পদ্ধতির ব্যবহারকালে তুলনামূলক পদ্ধতি ও পরীক্ষা-মূলক পদ্ধতির সাহায্য গ্রহণ না করিলে আশাপ্রদ ফল লাভ হইবে না। স্তত্রাং রাষ্ট্রবিজ্ঞানের মূল স্বত্বগুলির সন্ধান পাইতে হইলে এবং এই স্বত্বগুলির সাহায্যে স্থির সিদ্ধান্তে উপনীত হইতে হইলে বিভিন্ন অমুসন্ধান পদ্ধতির মধ্যে সমন্বয় সাধনের দ্বারাই পাওয়া সম্ভব।

অন্যান্য বিজ্ঞানের সহিত রাষ্ট্রবিজ্ঞানের সম্পর্ক

(Relation of Political science to other sciences)

প্রাকৃতিক বিজ্ঞান ও সামাজিক বিজ্ঞান—এই দুইভাগে মানুষের জ্ঞানকে বিভক্ত করা যায়। মানুষ যে প্রাকৃতিক পরিবেশে বাস করে, সেই পরিবেশের বিশ্লেষণ করে **প্রাকৃতিক বিজ্ঞান (Natural Sciences)**, আর সমাজবদ্ধ মানুষের সমাজ-জীবনের আলোচনা করে **সামাজিক বিজ্ঞান (Humanistic Sciences)**। প্রাকৃতিক বিজ্ঞানের অন্তর্ভুক্ত হয় প্রাণিবিদ্যা, ভূবিজ্ঞান, রসায়নবিদ্যা, জ্যোতির্বিদ্যা, পদার্থবিদ্যা এবং উদ্ভিদবিদ্যা প্রভৃতি। আর সামাজিক বিজ্ঞানের অন্তর্ভুক্ত হয় রাষ্ট্রবিজ্ঞান, ধনবিজ্ঞান ইত্যাদি। প্রাকৃতিক বিজ্ঞানের অন্তর্ভুক্ত সকল বিজ্ঞানই রাষ্ট্রবিজ্ঞানের সহিত ঘনিষ্ঠভাবে সম্পর্কযুক্ত নয়। এইজন্য, বর্তমান আলোচনায় সকল প্রাকৃতিক বিজ্ঞানের আলোচনা নিম্নপ্রয়োজন। প্রাকৃতিক বিজ্ঞানের অন্তর্গত প্রাণিবিদ্যা ও ভূবিজ্ঞান মানুষের রাষ্ট্রনৈতিক কার্যকলাপকে বিশেষভাবে প্রভাবান্বিত করে। প্রাণিবিদ্যা

কতিপয় প্রাকৃতিক
বিজ্ঞান ও সকল
মানবীয় বিজ্ঞান
পরস্পর সম্পর্কযুক্ত

আলোচনা করে প্রাণিহিসাবে মানুষের শরীরতত্ত্ব, স্বাস্থ্য প্রভৃতি। আর ভূবিজ্ঞান আলোচনা করে মানুষের বাসভূমির আয়তন, অবস্থান, জলবায়ু ও সম্পদ প্রভৃতি যাঁহা মানুষের কার্যাবলীর উপর বিশেষ প্রভাব বিস্তার করে।

আবার সামাজিক বিজ্ঞানের অন্তর্গত রাষ্ট্রবিজ্ঞানে আলোচিত হয় মানুষের রাষ্ট্রনৈতিক জীবন, নীতিশাস্ত্রে আলোচিত হয় মানুষের নৈতিকজীবন, আর ধনবিজ্ঞানে আলোচিত হয় মানুষের আর্থিক জীবন। এই ভাবে

মানবজীবনের বিভিন্ন দিকের আলোচনা কোন কোন প্রাকৃতিক বিজ্ঞানে এবং সকল সামাজিক বিজ্ঞানে হইয়া থাকে বলিয়া ইহারা সকলে ঘনিষ্ঠভাবে সম্পর্কযুক্ত।

এই প্রসঙ্গে সিড্‌উইকের (Sidgwick) মন্তব্যটি উল্লেখ করা যায়। সিড্‌উইক একস্থানে বলিয়াছেন যে, কোন শাস্ত্র সম্বন্ধে পূর্ণ ধারণা লাভ করিতে হইলে অত্যাশ্রয় শাস্ত্রের সহিত আলোচ্য শাস্ত্রের সম্পর্কটি ভালোভাবে বুঝিতে হইবে। আবার ইহাও দেখিতে হইবে যে, কোন শাস্ত্র অপরাপর শাস্ত্র হইতে কতকখানি দানও গ্রহণ করিয়াছে। অত্যাশ্রয় বিজ্ঞান সম্বন্ধে এই মন্তব্য কতদূর সত্য তাহা এখানে বলা নিশ্চয়োজ্ঞান, তবে ইহা নিঃসন্দেহে বলা যায় যে, রাষ্ট্রবিজ্ঞানের সহিত অত্যাশ্রয় বিজ্ঞানের সম্বন্ধ অত্যন্ত ঘনিষ্ঠ। কারণ, অত্যাশ্রয় বিজ্ঞানের মুখ্য আলোচ্য বিষয় হইল মানুষের জীবন। মানবজীবনের বিভিন্ন দিক আবার

কতিপয় প্রাকৃতিক ও
সকল সামাজিক
বিজ্ঞানের সহিত রাষ্ট্র-
বিজ্ঞান ঘনিষ্ঠভাবে
সম্পর্কিত

পরস্পর ঘনিষ্ঠভাবে সম্পর্কিত। অতএব রাষ্ট্রবিজ্ঞান আলোচনাকালে অত্যাশ্রয় বিজ্ঞানের সহিত রাষ্ট্রবিজ্ঞানের সম্পর্ক সম্বন্ধে আলোচনা করা একান্ত প্রয়োজন। রাষ্ট্রবিজ্ঞানের এই সম্পর্ককে দুই দিক হইতে দেখানো যাইতে পারে; যথা,—(ক) রাষ্ট্রবিজ্ঞানের সহিত প্রাকৃতিক

বিজ্ঞানের অন্তর্ভুক্ত প্রাণিবিজ্ঞান এবং ভূবিজ্ঞান প্রভৃতির সম্পর্ক এবং (খ) রাষ্ট্রবিজ্ঞানের সহিত সামাজিক বিজ্ঞানের অন্তর্ভুক্ত দর্শনবিজ্ঞান, নীতিশাস্ত্র প্রভৃতির সম্পর্ক।

(ক) প্রাকৃতিক বিজ্ঞানের অন্তর্ভুক্ত :

(১) রাষ্ট্রবিজ্ঞান ও ভূবিজ্ঞান (Political Science and Geography) :

মানুষের প্রাকৃতিক পরিবেশের আলোচনা করে ভূবিজ্ঞান। মানুষের বাসস্থান, তাহার আয়তন ও অবস্থান, তাহার জলবায়ু ও প্রাকৃতিক সম্পদ প্রভৃতি যাহা মানুষের রাষ্ট্রনৈতিক জীবনকে বিশেষ ভাবে প্রভাবান্বিত করে, তাহা ভূগোল-

শাস্ত্রের অন্তর্ভুক্ত হয়।
ভৌগোলিক অঙ্গাণু ও
রাষ্ট্রের প্রকৃতি

রাষ্ট্রের প্রকৃতি, শক্তি, কার্যাবলী
অনেকাংশে তাহার ভৌগোলিক পরিস্থিতির উপর
নির্ভরশীল। এয়ারিস্টটল, বোড'য়া, ক্রুশো, মঁতেস্কিউয়ে ও

বাক্‌ন প্রভৃতি রাষ্ট্রবিজ্ঞানীদের লেখায় ভৌগোলিক পরিবেশের সহিত মানুষের রাষ্ট্রনৈতিক জীবনের ঘনিষ্ঠ সম্পর্কের কথা উল্লিখিত হইয়াছে। এয়ারিস্টটল এই

মত পোষণ করেন যে, রাষ্ট্রের নাগরিকগণের চরিত্র অনেকটা তাহার ভৌগোলিক অবস্থানের উপর নির্ভরশীল। রুশোর লেখায়ও দেশের জলবায়ুর সহিত সরকারের বিভিন্ন প্রকৃতির সম্পর্ক লক্ষ্য করা যায়। তিনি প্রমাণ করিতে চেষ্টা করিয়াছেন যে, উষ্ণ জলবায়ুতে স্বেচ্ছাচারিতা, নাতিশীতোষ্ণ জলবায়ুতে কাম্য শাসন-ব্যবস্থা, এবং শীতপ্রধান দেশে বর্বরতার উদ্ভব হয়। মঁতেস্কিউয়ে ভৌগোলিক পরিবেশের প্রভাব সম্বন্ধে আলোচনা করিয়াছেন। তিনি বলেন যে, শীতপ্রধান দেশে মানুষ বেশী কাজ করিতে পারে; গ্রীষ্মপ্রধান দেশে মানুষ হয় অলস প্রকৃতির। ফলে শীত-প্রধান দেশের লোক স্বাধীনতা রক্ষা করিতে সক্ষম হয়, আর গ্রীষ্ম-প্রধান দেশের লোক স্বাধীনতা হারায়। আবার সমতল দেশের স্বাধীনতা রক্ষা করা অপেক্ষা অসমতল দেশের স্বাধীনতা রক্ষা করা সহজ। কারণ, পার্বত্যদেশে আক্রমণকারী শত্রুকে প্রতিরোধ করিবার প্রাকৃতিক সুর্যোগ অধিকতর। তিনি এই মত পোষণ করেন যে, ক্ষুদ্র রাষ্ট্রের পক্ষে গণতন্ত্র এবং বৃহৎ রাষ্ট্রের পক্ষে রাজতন্ত্রই সর্বোৎকৃষ্ট শাসনব্যবস্থা হওয়া উচিত। ঊনবিংশ শতাব্দীর মধ্যভাগে থমাস বাকুল তাঁহার সভ্যতার ইতিহাস গ্রন্থে এই মন্তব্য করেন যে, মানুষের রাষ্ট্রনৈতিক জীবনের উপর ভৌগোলিক প্রভাব অত্যাশ্চর্য বিষয়ের তুলনায় অনেক বেশী। বাকুলের এই মত অত্যাশ্চর্য বহু রাষ্ট্রবিজ্ঞানী সমর্থন করেন।

এই সকল রাষ্ট্রবিজ্ঞানীদিগের মত যদিও অতিশয়োক্তি দোষে দুষ্ট, তথাপি ইহা স্বীকার করিতে হইবে যে, রাষ্ট্রনৈতিক জীবনের উপর ভৌগোলিক বিষয়সমূহের প্রভাব গুরুত্বপূর্ণ। আবার ইহাও সত্য যে, অতীতে মানুষের রাষ্ট্রনৈতিক জীবনের উপর ভৌগোলিক প্রভাব যতটা ছিল, বর্তমানে আর ততটা নাই। কারণ, বর্তমানে মানুষ প্রকৃতিকে বৈজ্ঞানিক আবিষ্কারের সহায়তায় অনেক পরিমাণে নিয়ন্ত্রণ করিয়াছে।

(২) প্রাণিবিজ্ঞা ও রাষ্ট্র বিজ্ঞান (Zoology and Political Science):

মানুষ অত্যাশ্চর্য প্রাণীর হায এক প্রকারের প্রাণী। প্রাণিবিজ্ঞা প্রাণীহিসাবে মানুষের দেহতত্ত্বের (anatomy) আলোচনা করে। মানুষের জন্ম, মৃত্যু, জাতি, বংশগতি প্রভৃতি বিষয়ও প্রাণিবিজ্ঞার অন্তর্ভুক্ত হয়। আবার এই মানুষ প্রাণী যখন সংঘবদ্ধ হইয়া বাস করে, তখনই সে রাষ্ট্রবিজ্ঞানের আলোচনার অন্তর্ভুক্ত হয়। রাষ্ট্রবিজ্ঞানের আলোচনায় প্রয়োজন হয় মানুষের জন্ম, মৃত্যু, জাতি ও বংশ-গতি সম্বন্ধে বিভিন্ন তথ্য। উত্তরাধিকারের আইন, জাতিতত্ত্ব

প্রভৃতির আলোচনায় প্রাণিবিদ্যা প্রভূত পরিমাণে সাহায্য করে। অতএব দেখা যায়, প্রাণিবিদ্যা ও রাষ্ট্রবিজ্ঞান অত্যন্ত ঘনিষ্ঠভাবে সম্পর্কিত।

প্রাচীন গ্রীক দার্শনিকেরা রাষ্ট্রনীতির ব্যাখ্যায় প্রাণিবিদ্যার সাহায্য গ্রহণ করিতেন। ঊনবিংশ শতাব্দীতে বিবর্তনবাদের আবিষ্কারক **ডারউনের**

সময় হইতে এই নীতি বিশেষভাবে অহুম্মত হয়।
 প্রাণিবিদ্যা প্রাণি- ডারউনের বিবর্তনবাদ সমগ্র চিন্তা-জগতে এক বিরাট
 হিসাবে মানুষের দেহ- ডারউনের বিবর্তনবাদ সমগ্র চিন্তা-জগতে এক বিরাট
 তত্ত্বের আলোচনা আলোড়ন সৃষ্টি করিয়াছে। রাষ্ট্রবিজ্ঞানীদিগের মধ্যে কেহ
 করে। কেহ বিবর্তনবাদ অহুসারে (Theory of Evolution)

রাষ্ট্রের উৎপত্তি ও প্রকৃতির ব্যাখ্যা করিয়াছেন। রাষ্ট্র সম্বন্ধে যে **জৈব মতবাদের (Organic Theory)** উদ্ভব হইয়াছে তাহাও বিবর্তনবাদের প্রভাবাধীন। জৈব মতবাদ অহুসারে রাষ্ট্র প্রাণীর ন্যায় জন্মায়, বাড়ে ও ক্ষয় প্রাপ্ত হয়। এই মতবাদের সমর্থক হইলেন ইংরেজ দার্শনিক হার্বার্ট স্পেনসার (Herbert Spencer) ও জার্মান দার্শনিক ব্লুন্টসলী (Bluntschli) এবং আরও অনেকে। এই সকল দার্শনিকদিগের মতাহুসারে প্রাণিবিদ্যার স্ত্রুণ্ডলি রাষ্ট্রবিজ্ঞান আলোচনায় সম্পূর্ণভাবে প্রয়োগ করা চলে।

উপসংহারে বলা যাইতে পারে, হার্বার্ট স্পেনসার প্রভৃতি দার্শনিকদিগের মতবাদ সকল রাষ্ট্রবিজ্ঞানী সমর্থন করেন না। **রাষ্ট্রবিজ্ঞানের প্রকৃতি সম্পূর্ণ প্রাণিবিদ্যার মতো নহে।** প্রাণীদের মধ্যে মানুষ সর্বশ্রেষ্ঠ। মানুষের যে সকল গুণ আছে, অত্যাগ প্রাণীদের তাহা নাই। মানুষ বাকুশক্তির অধিকারী। এই বাকুশক্তি তাহাকে অত্যাগ প্রাণী হইতে পৃথক করিয়াছে। আবার মানুষ প্রজ্ঞাশীল জীব। সে চায় উন্নততর জীবন। ফলে মানুষের জীবন আলোচনার একটি স্বতন্ত্রতা আছে। অবশ্য, এই সকল পার্থক্য থাকা সত্ত্বেও ইহা স্বীকার করিতে হইবে যে, বিবর্তনবাদ ও জৈববাদ রাষ্ট্রবিজ্ঞানের অন্তর্গত বিভিন্ন তত্ত্বের ও রাষ্ট্রনৈতিক চিন্তাধারার উপর এক বিরাট প্রভাব বিস্তার করিয়াছে।

৪. (খ) সামাজিক বিজ্ঞানের অন্তর্গত :

(১) **রাষ্ট্রবিজ্ঞান ও সমাজবিজ্ঞান (Political Science and Sociology) :** সমাজবদ্ধ মানুষের জীবন বহুমুখী ও বৈচিত্র্যময়। এই বহুমুখী জীবনের আলোচনা করে সমাজবিজ্ঞান। আদিম যুগ হইতে শুরু করিয়া

বর্তমান কাল পর্যন্ত মানুষের কার্যকলাপ, সংগঠন ও তার ক্রমবিকাশের আলোচনা করিয়া সমাজ সম্বন্ধে সাধারণ সূত্র ও তত্ত্ব নির্ধারণ করে **সমাজ-বিজ্ঞান (Sociology)**। সমাজবিজ্ঞানে মানুষের সামাজিক জীবনের সকল রকম অবস্থার আলোচনা হয়। আর রাষ্ট্রবিজ্ঞানে মানুষের রাষ্ট্রনৈতিক জীবনের আলোচনা হয়; অর্থাৎ সমাজবিজ্ঞানে যে বিভিন্ন দিকের আলোচনা হয়, তাহার মধ্যে সমাজবদ্ধ মানুষের রাষ্ট্রনৈতিক জীবন অগ্রতম। সমাজ-বিজ্ঞান ও রাষ্ট্রবিজ্ঞান ওতপ্রোতভাবে জড়িত। নিম্নে ইহাদের তুলনামূলক আলোচনা করা হইল :

(ক) সমাজবিজ্ঞানের আলোচনা-ক্ষেত্র অত্যন্ত ব্যাপক। ইহা সামাজিক মানুষের সমগ্র জীবনের আলোচনা করে। আর রাষ্ট্রবিজ্ঞানের আলোচনা-ক্ষেত্রের পরিধি সমাজবিজ্ঞানের আলোচনা-ক্ষেত্রের পরিধির তুলনায় ক্ষুদ্রতর।

রাষ্ট্রবিজ্ঞান আলোচনা করে সামাজিক মানুষের শুধু রাষ্ট্রনৈতিক জীবন। গিলক্রাইস্টের ভাষায় বলা যায় : “সমাজবিজ্ঞান সমাজের বিজ্ঞান। আর রাষ্ট্রবিজ্ঞান রাষ্ট্র বা রাষ্ট্রনৈতিক সমাজের বিজ্ঞান। সমাজবিজ্ঞান আলোচনা করে সামাজিক মানুষের জীবন এবং একপ্রকার বিশিষ্ট সামাজিক সংগঠন হিসাবে রাষ্ট্রনৈতিক সংগঠনের আলোচনাও সমাজবিজ্ঞানের অন্তর্ভুক্ত হয়। রাষ্ট্রবিজ্ঞান সমাজবিজ্ঞান অপেক্ষা অধিকতর বিশেষীকৃত বিজ্ঞান”।*

(খ) সমাজবিজ্ঞান শুধু সমাজবদ্ধ মানুষের জীবনই আলোচনা করে না। ইহা অসংগঠিত অবস্থায় মানবসম্প্রদায়কে লইয়াও আলোচনা করে। রাষ্ট্র-বিজ্ঞান শুধু সমাজবদ্ধ রাষ্ট্রনৈতিক চেতনাসম্পন্ন মানুষকে লইয়াই আলোচনা করে। মানুষের রাষ্ট্রনৈতিক জীবন তাহার সমাজবদ্ধ জীবন অপেক্ষা নবীনতর। কারণ, রাষ্ট্র সমাজ প্রতিষ্ঠিত হইবার অনেক পরে সমাজ বিবর্তনের এক বিশেষ স্তরে জন্মলাভ করিয়াছে। এই কারণে, সমাজবিজ্ঞানকে রাষ্ট্রবিজ্ঞান অপেক্ষা পুরাতন বিজ্ঞান বলা হয়।

(গ) সমাজবিজ্ঞানের আলোচনা আরম্ভ হয় সমাজজীবনের সূত্রপাত

* “Sociology is the science of society. Political science is the science of the state, or political society. Sociology studies man as a social being, and as political organisation is a special kind of social organisation, political science is a more specialised science than sociology”.—Gilchrist.

হইতে। কিন্তু রাষ্ট্রবিজ্ঞানের আলোচনা আরম্ভ হয় রাষ্ট্রনৈতিক জীবনের স্তরপাত হইতে।

(ঘ) রাষ্ট্রবিজ্ঞান মানুষকে রাষ্ট্রনৈতিক জীব হিসাবে গ্রহণ করে, আর সমাজবিজ্ঞান আলোচনা করে মানুষের সামাজিক জীবের পরিণতি সম্বন্ধে।

উভয় শাস্ত্রের আলোচনা-ক্ষেত্রের মধ্যে এইভাবে সীমারেখা টানা গেলেও রাষ্ট্রবিজ্ঞান ও সমাজবিজ্ঞান ওতপ্রোতভাবে জড়িত। মানুষের সম্পূর্ণ পরিচয় জানিতে হইলে আমাদের সমাজবিজ্ঞানের দ্বারস্থ হইতে হয়; কারণ, সমাজবিজ্ঞানে মানুষের রাষ্ট্রনৈতিক, অর্থনৈতিক, নৈতিক প্রভৃতি সমগ্র

জীবনের আলোচনা হয়। এই কারণে, রাষ্ট্রবিজ্ঞানকে রাষ্ট্রবিজ্ঞান সমাজ-বিজ্ঞানের একটি শাখা সমাজবিজ্ঞানের একটি শাখা হিসাবে কল্পনা করা হয়।

রাষ্ট্রবিজ্ঞানের মূল আলোচ্য বিষয় হইল রাষ্ট্র (The state)। রাষ্ট্রবিজ্ঞান বহু আলোচনায়-বিধৃত সমাজবিজ্ঞান হইতে বিভিন্ন উপাদান সংগ্রহ করিয়া মানুষের রাষ্ট্র-সংশ্লিষ্ট কার্যাবলীর আলোচনা করে। এই কারণে, প্রত্যেক রাষ্ট্রবিজ্ঞানীকে প্রথমে সমাজবিজ্ঞানী হইতে হইবে। এই প্রসঙ্গে বিখ্যাত সমাজবিজ্ঞানী অধ্যাপক গিডিংস (Giddings) বলেন : “যাহারা সমাজবিজ্ঞানের মূল স্তরগুলি জানেন না তাহাদিগকে রাষ্ট্রতত্ত্ব শিক্ষা দেওয়া, আর নিউটনের গতি সম্বন্ধে অজ্ঞাত ব্যক্তিকে, জ্যোতির্বিজ্ঞা শিক্ষা দেওয়া, একই কথা।”

আবার সমাজবিজ্ঞান উপাদান যোগায় রাষ্ট্রবিজ্ঞানের এবং রাষ্ট্রবিজ্ঞানও উপাদান যোগায় সমাজবিজ্ঞানের। উদাহরণস্বরূপ বলা যাইতে পারে, রাষ্ট্রবিজ্ঞান সমাজবিজ্ঞান হইতে গ্রহণ করে রাষ্ট্রজীবনের গোড়ার কথা, এবং সমাজবিজ্ঞানের বিভিন্ন স্তরাবলী। আর সমাজবিজ্ঞান রাষ্ট্রবিজ্ঞান হইতে সংগ্রহ করে রাষ্ট্রের গঠনপ্রকৃতি ও কার্যাবলী প্রভৃতি। অতএব দেখা যায়, **উভয়েই উভয়ের কাছে স্বামী।**

অবশ্য, এই দুই শাস্ত্র ওতপ্রোতভাবে জড়িত হওয়া সত্ত্বেও গিডিংস এই মত পোষণ করেন যে, রাষ্ট্রবিজ্ঞানের আলোচনা-ক্ষেত্র সমাজবিজ্ঞানের আলোচনা-ক্ষেত্রের সহিত মিশিয়া যায় নাই। উভয়ের মধ্যে এক সীমারেখা টানা যাইতে পারে। ইহাই বর্তমানে রাষ্ট্রচিন্তার ক্ষেত্রে সর্বশ্রেষ্ঠ উদ্ভাবন।

সংক্ষেপে বলিতে পারা যায়, সমাজবিজ্ঞানের পরিধি ব্যাপক। ইহা

মৌলিক সামাজিক বিজ্ঞান। সমাজ-জীবনের আলোচ্য বিষয় হইল মানুষের সামগ্রিক সমাজ-জীবন। আর রাষ্ট্রবিজ্ঞান সামগ্রিক সমাজ-জীবনের একটি দিকের অর্থাৎ রাষ্ট্রনৈতিক জীবনের বিশেষ আলোচনা করে। যদিও বর্তমান যুগে রাষ্ট্রবিজ্ঞানের আলোচনা-ক্ষেত্র অত্যন্ত ব্যাপক এবং সমাজ-বিজ্ঞানের অংশ হিসাবে আর ইহার আলোচনা চলে না। তথাপি ইহা স্বীকার করিতে হয় যে, রাষ্ট্রবিজ্ঞান সমাজবিজ্ঞানেরই একটি বিশেষীকৃত শাখা।

(২) ইতিহাস ও রাষ্ট্রবিজ্ঞান (History and political Science) :

রাষ্ট্রবিজ্ঞান ইতিহাসের সহিত ঘনিষ্ঠভাবে সম্পর্কযুক্ত। ইতিহাস লিপিবদ্ধ করে অতীতের ঘটনাবলী, অতীতের আন্দোলন এবং তার কারণ ও ফলাফল। ইতিহাসে আলোচিত হয় মানবসমাজের ক্রমবিকাশের ধারা, অর্থনৈতিক ও ধর্মসম্বন্ধীয় চিন্তা, এবং বিভিন্ন সামাজিক সম্পর্ক। রাষ্ট্রবিজ্ঞানী তার প্রয়োজনীয় উপাদান সংগ্রহ করেন ইতিহাস হইতে। আবার এই সংগৃহীত তথ্য হইতে রাষ্ট্রবিজ্ঞানী রাষ্ট্রনৈতিক হ্রদ নির্ধারণ করেন। ইতিহাস আবার রাষ্ট্রবিজ্ঞান

হইতে উপাদান সংগ্রহ করে সমাজবদ্ধ মানুষের রাষ্ট্রনৈতিক জীবন ও তার কার্যকলাপের বর্ণনা যাহা ইতিহাসে পৰস্পর সম্পর্কযুক্ত

লিপিবদ্ধ হয়, তাহা রাষ্ট্রবিজ্ঞান হইতেই গৃহীত। অতএব এই দুই শাস্ত্র পরস্পর অত্যন্ত ঘনিষ্ঠভাবে সম্পর্কযুক্ত। এই প্রসঙ্গে স্মার জন সিলির (John Seeley) মন্তব্য উল্লেখযোগ্য। জন সিলির মতে, “রাষ্ট্রবিজ্ঞান ব্যতীত ইতিহাস আলোচনা নিষ্ফল এবং ইতিহাস ব্যতীত রাষ্ট্রবিজ্ঞান ভিত্তিহীন”।*

বর্তমান সভ্যসমাজের জন্ম সূদূর অতীতের কোন এক অজ্ঞাত দিনে হইয়াছে। সেইদিন হইতে বর্তমান কাল পর্যন্ত মানবসমাজের ক্রমবিকাশের ও মানবসভ্যতার বহুমুখী কাহিনীর আলোচনা পারাবাহিক ভাবে হইয়া থাকে ইতিহাসে। অবার সমাজ-বিবর্তনের বিশেষ স্তরে রাষ্ট্রনৈতিক সংগঠনের উৎপত্তি হইয়াছে। রাষ্ট্র হইল মানবসমাজের একটি বিশেষ প্রতিষ্ঠান। সামাজিক প্রতিষ্ঠান হিসাবে রাষ্ট্রের ক্রমবিকাশের কাহিনী ইতিহাস-পাঠে জানা যায়। কারণ, ইতিহাস লিপিবদ্ধ করে মানুষের সামাজিক, রাষ্ট্র-

* “History without Political Science has no fruit, Political Science without History has no root.”—John Seeley.

নৈতিক, অর্থনৈতিক ও সাংস্কৃতিক জীবনের কাহিনী। যুগ-যুগান্তর

সমাজবিরতনের

ধারাবাহিক

আলোচনা ইতিহাস

হইতে জানা যায়

ধরিয়া মানুষ যে অভিজ্ঞতা সঞ্চয় করিয়াছে তাহাও

লিপিবদ্ধ হয় ইতিহাসে। বর্তমান মানুষের রাষ্ট্রনৈতিক

জীবন বই অভিজ্ঞতায় পুষ্ট। ইতিহাস পাঠ করিয়া মানুষ

যে অভিজ্ঞতা অর্জন করে, তার ভিত্তিতেই সে নূতন সমাজ

গড়িয়া তোলে। ইতিহাসের সহায়তা ছাড়া বিভিন্ন যুগের রাষ্ট্রনৈতিক সংগঠন

ও তার কার্যাবলী সম্বন্ধে সত্যক ধারণা করা সম্ভব নয়। এই কারণেই

জেলিনেক বলিয়াছেন যে, শুধু রাষ্ট্রনৈতিক প্রতিষ্ঠানসমূহের নয়, সামাজিক

প্রতিষ্ঠানসমূহের সংগঠন ও কার্যকলাপের অগ্রদূতের জ্ঞানও ইতিহাস-পাঠের

প্রয়োজনীয়তা আছে। অতএব দেখা যায়, ইতিহাস রাষ্ট্রবিজ্ঞানকে বহু

উপাদান সরবরাহ করে।

রাষ্ট্রবিজ্ঞানের আলোচনা উদ্দেশ্যমূলক। রাষ্ট্রবিজ্ঞানের আলোচনার

উদ্দেশ্য হইল বর্তমান রাষ্ট্রের ঐতিহ্যবাহিতার সমালোচনা করিয়া সংশোধনের

উপায় নির্ধারণ করা। বর্তমানকে সমালোচনা করিতে হইলে প্রয়োজন হয়

ঐতিহাসিক তথ্যের। কারণ, ঐতিহাসিক পটভূমিকা ব্যতীত বর্তমানের রাষ্ট্র-

কাঠামো ও শাসন-পদ্ধতির স্বরূপ উপলব্ধি করা সম্ভব নয়। ইহা ছাড়া, বর্তমান

কালের রাষ্ট্রনৈতিক সমস্যাগুলিকে বুঝিতে হইলে অতীতকালের সমস্তাবলীর

সহিত তুলনা করিয়াই বুঝিতে হইবে। রাষ্ট্রবিজ্ঞানী ঐতিহাসিক তথ্য সংগ্রহ

করেন এবং অতীতের অভিজ্ঞতার ভিত্তিতেই রাষ্ট্রনৈতিক স্রষ্টা নির্ধারণ

করেন। অতএব ইহা বলা বাহুল্য যে, যত বেশী তথ্য সংগৃহীত হইবে

রাষ্ট্রবিজ্ঞানীর আলোচনা ততই গভীর হইবে। এই কারণেই সম্ভবত উইলোবী

(Willoughby) বলিয়াছেন : “ইতিহাস রাষ্ট্রবিজ্ঞানের গভীরত্ব দান করে”।

রাষ্ট্রবিজ্ঞানের

আলোচনার উদ্দেশ্য

হইল আদর্শ রাষ্ট্র ও

সমাজ প্রতিষ্ঠা করা

রাষ্ট্রবিজ্ঞানের আলোচনার উদ্দেশ্য হইল আদর্শ রাষ্ট্র ও

সমাজ প্রতিষ্ঠা করা। এই উদ্দেশ্য সাধন করিবার জন্তই

তত্ত্বসন্ধানী রাষ্ট্রবিজ্ঞানীর ঐতিহাসিক তথ্যের প্রয়োজন

হয়। আবার ইতিহাসের আলোচনার উদ্দেশ্য হইল আদর্শ

সমাজপ্রতিষ্ঠা করা এবং অতীতের ঘটনাবলীর পরিপ্রেক্ষিতে ভবিষ্যতের

ঘটনাবলী সম্বন্ধে ইংগিত দিয়া মানুষকে কল্যাণের পথে পরিচালিত করা।

ইতিহাসের এই উদ্দেশ্য সাধন করিতে হইলে রাষ্ট্রনৈতিক ঘটনাবলীর

পরিপ্রেক্ষিতে ইতিহাসের আলোচনা করিতে হইবে। উদাহরণস্বরূপ বলা

বাইতে পারে যে, ভারতবর্ষের ইতিহাস হইতে যদি কংগ্রেস ও আজাদ হিন্দু ফৌজের স্বাধীনতা-আন্দোলনের ইতিহাস বাদ দেওয়া যায়, তবে ইতিহাস অসম্পূর্ণ হইবে। অতএব নিঃসন্দেহে গেটেলের ভাষায় বলা যায় যে, “বস্তুত-পক্ষে, উভয়ের আলোচনাই পরস্পর সহায়ক ও পরিপূরক।”

সাম্যবাদী নীতির প্রবক্তা কার্ল মার্কসের (Karl Marx) সকল রাষ্ট্রনৈতিক ও অর্থনৈতিক সিদ্ধান্তই ইতিহাস-ভিত্তিক। মার্কস এই মত পোষণ করেন যে, সমাজের এক একটা স্তরে ক্রমবিবর্তনের ফলে এক বিশেষ অর্থনৈতিক সম্পর্কের সৃষ্টি হয়। এই অর্থনৈতিক সম্পর্কই রাষ্ট্র ও সমাজের গতি নির্ণয় করে।

উপরিউক্ত আলোচনার পরিপ্রেক্ষিতে বলা যায় যে, ইতিহাস ও রাষ্ট্র-বিজ্ঞান অত্যন্ত ঘনিষ্ঠভাবে সম্পর্কযুক্ত বটে, কিন্তু রাষ্ট্রবিজ্ঞান ও ইতিহাসের আলোচনা-ক্ষেত্রের মধ্যে অনেক পার্থক্য দৃষ্ট হয়। নিম্নে এই পার্থক্যগুলিকে বর্ণনা করা হইল :

(১) ইতিহাসের সবটাই প্রাচীন রাষ্ট্রনীতি নহে। ইহার অন্তর্ভুক্ত হয় কলা, সাহিত্য, আচার, ব্যবহার, রাষ্ট্রনীতি ও রাষ্ট্রনৈতিক সমস্তাবলী। অতএব দেখা যায় যে, এই বিরাট আলোচনা-ক্ষেত্রের সবকিছুই রাষ্ট্রবিজ্ঞান গ্রহণ করে না। রাষ্ট্রবিজ্ঞানী শুধু সেই সকল মূলতথ্যই সংগ্রহ করেন যাহা রাষ্ট্রনৈতিক সংগঠন ও রাষ্ট্রনৈতিক জীবনকে প্রত্যক্ষভাবে প্রভাবান্বিত করে। এই প্রসঙ্গে লিয়াককের মন্তব্য উল্লেখযোগ্য। তিনি বলেন : “ইতিহাসের কিছুটা রাষ্ট্রবিজ্ঞানের অংশ (সবটা নয়)।”*

(২) আবার ইহাও বলা হয় যে, “ইতিহাস অতীতকালের রাষ্ট্রনীতি। আর রাষ্ট্রনীতি বর্তমান কালের ইতিহাস” (History is the past politics, and politics is the present History) কিন্তু এই উক্তিটিও সম্পূর্ণ সত্য নয়। কারণ, রাষ্ট্রবিজ্ঞান শুধু কোন এক সময়ের মানুষের রাষ্ট্রনৈতিক জীবনের আলোচনাই করে না, রাষ্ট্রবিজ্ঞান মানুষের ভবিষ্যৎ রাষ্ট্রনৈতিক জীবনেরও ইংগিত দিয়া থাকে এবং অতীত ও বর্তমান রাষ্ট্রের সমালোচনা করাই ইহার বিষয়বস্তু নহে, ইহা ভবিষ্যৎ রাষ্ট্রেরও প্রকৃতি কি রকম হওয়া উচিত তাহারও কাল্পনিক চিত্র রচনা করে। রাষ্ট্রবিজ্ঞানের এই কল্পনা-প্রসূত চিত্র-অঙ্কন এবং দার্শনিক তত্ত্বের অবতারণা ঐতিহাসিকদের

আলোচনার বিষয়বস্তু নয়। এই প্রসঙ্গে অধ্যাপক বার্কার বলেন যে, রাষ্ট্রবিজ্ঞানের এমন অনেক মতবাদ আছে যাহা ইতিহাস-ভিত্তিক নয়। উদাহরণস্বরূপ বলা যায় যে, প্লেটোর সাম্যবাদ তৎকালীন গ্রীক নগর-রাষ্ট্রের বাস্তব বর্ণনা নয়। ইহা একটি আদর্শ মাত্র। অবশ্য, ইতিহাসের পটভূমিকায় যদিও রাষ্ট্র গড়িয়া উঠে, তথাপি ইহা স্বীকার করিতে হইবে যে, এমন অনেক রাষ্ট্রচিন্তা আছে যাহা শুধু কল্পনাপ্রসূত। আবার রাষ্ট্রবিজ্ঞান নীতিশাস্ত্রের জ্ঞায় কি হওয়া উচিত তাহারও নির্দেশ দিয়া থাকে। অতএব সিলীর উক্তি যে, রাষ্ট্রবিজ্ঞান ও ইতিহাস পরিশেষে পরস্পর সাদৃশ্য হইবে, তাহাও ঠিক নয়।

(৩) ইতিহাসের আলোচনা-ক্ষেত্রের পরিধি ব্যাপক। আর রাষ্ট্রবিজ্ঞানের আলোচনা-ক্ষেত্রের পরিধি ইতিহাসের তুলনায় ক্ষুদ্রতর। ইতিহাসের আলোচনা তথ্যবহুল, আর রাষ্ট্রবিজ্ঞানের আলোচনা তত্ত্ববহুল। আলোচনা-ক্ষেত্রের পার্থক্য থাকা সত্ত্বেও ইহা নিঃসন্দেহে বলা যায় যে, এই দুই শাস্ত্র বিশেষভাবে সম্পর্কিত। রাষ্ট্রবিজ্ঞানের অবস্থা সম্বন্ধে লর্ড ব্রাইসের মন্তব্য বিশেষ উল্লেখযোগ্য। লর্ড ব্রাইসের ভাষায় বলা যায়, “রাষ্ট্রবিজ্ঞান ইতিহাস ও রাষ্ট্রনীতি, অতীত ও বর্তমানের মধ্যস্থলে দাঁড়াইয়াছে। ইহা ইতিহাস হইতে মালমসলা সংগ্রহ করিয়া অন্তত তাহা ব্যবহার করে।”*

উপসংহারে বলা যায়, ইতিহাস ও রাষ্ট্রবিজ্ঞান পরস্পরের সহিত ঘনিষ্ঠ-ভাবে সম্পর্কিত হইলেও বর্তমানে ইহাদের স্ব স্ব আলোচনা-ক্ষেত্রের পরিধি এত ব্যাপক হইয়া পড়িয়াছে যে, এই দুই শাস্ত্রের আলোচনা-ক্ষেত্র পরস্পর হইতে অনেকাংশে পৃথক হইয়া পড়িয়াছে।

(৪) **ধনবিজ্ঞান ও রাষ্ট্রবিজ্ঞান (Economics and Political Science)** : প্রাচীন গ্রীক দার্শনিকদের যুগ হইতে শুরু করিয়া অষ্টাদশ শতাব্দীর চিন্তাবীরদিগের সময় পর্যন্ত ধনবিজ্ঞানকে একটি পৃথক শাস্ত্র হিসাবে গণ্য করা হইত না। গ্রীক দার্শনিকগণ ইহাকে রাষ্ট্রনৈতিক অর্থবিজ্ঞা (Political Economy) হিসাবে অভিহিত করিয়াছেন। তাঁহাদের ধারণায় পারিবারিক অর্থ-ব্যবস্থার মতোই রাষ্ট্রের একটি অর্থ-ব্যবস্থা আছে।

* “Political Science stands midway between history and politics, between the past and present. It has drawn its materials from the one, it has to apply them to the other.”—Bryce.

রাষ্ট্র এই অর্থ-ব্যবস্থার মাধ্যমে রাষ্ট্রের আয় বৃদ্ধি করিয়া রাষ্ট্রকে অর্থনৈতিক দিক দিয়া শক্তিশালী করে। তাঁহারা মনে করিতেন, ধনবিজ্ঞান বা রাষ্ট্রনৈতিক অর্থ-ব্যবস্থা রাষ্ট্রবিজ্ঞানের একটি উল্লেখযোগ্য শাখা মাত্র। অষ্টাদশ শতাব্দী পর্যন্ত এই মতবাদই বিশেষভাবে চালু ছিল। এই মতের পশ্চাতে এই যুক্তি ছিল যে, রাষ্ট্রকে আভ্যন্তরীণ শান্তি-শৃঙ্খলা বজায় রাখিতে হয় এবং বৈদেশিক আক্রমণ হইতে দেশকে রক্ষা করিতে হয় বলিয়া রাষ্ট্রের প্রভূত রাজস্বের প্রয়োজন। অতএব ধনবিজ্ঞানের আলোচনার অন্তর্ভুক্ত হয় বিভিন্ন অর্থনৈতিক নীতি এবং রাষ্ট্রের রাজস্ববৃদ্ধির বিভিন্ন উপায়। এই জ্ঞান পূর্বে ধনবিজ্ঞানকে রাষ্ট্রের অর্থ-ব্যবস্থা বলিয়া অভিহিত করা হইত।

অর্থবিদ্যার প্রধান লক্ষ্য ছিল দুইটি; যথা,—(ক) শাসনকার্য পরিচালনা করার জন্য রাজস্ব আদায় করার নীতি নির্ধারণ করা; (খ) জনসাধারণের আর্থিক সচ্ছলতার জন্য যাহাতে প্রচুর অর্থ সংগ্রহ করা যায় তার বিবিধ উপায় নির্ধারণ করা। সংক্ষেপে বলা যায়, রাষ্ট্র ও জনসাধারণকে ধনশালী করিয়া তোলাই অর্থবিদ্যার প্রধান লক্ষ্য ছিল।

উপরিউক্ত ধারণাগুলি বর্তমানে বিশেষভাবে পরিবর্তিত হইয়াছে। বর্তমানে ধনবিজ্ঞানের আলোচনা-ক্ষেত্রের পরিধি অত্যন্ত ব্যাপক। এই শাস্ত্রের আলোচনা শুধু রাজস্বসংক্রান্ত বিষয়ের মধ্যেই সীমাবদ্ধ থাকেনা। বর্তমানে ধনবিজ্ঞান ধনের উৎপাদন, ভোগ, সঞ্চয়, বিনিময় ও বণ্টন-সংক্রান্ত

সমস্তা লইয়া আলোচনা করে। ধনবিজ্ঞানের এই সমস্ত বর্তমানে এই দুই শাস্ত্র পৃথকভাবে আলোচিত হইলেও ইহারা অত্যন্ত ঘনিষ্ঠভাবে সম্পর্কিত। বিষয়ের সহিত রাষ্ট্রের সম্পর্ক থাকা সত্ত্বেও বিশ্লেষণ ও অমুধাবনের সুবিধার জন্য রাষ্ট্রবিজ্ঞান ও ধনবিজ্ঞানকে পৃথকভাবে আলোচনা করা হয়। অর্থবিদ্যা ও রাষ্ট্রবিজ্ঞান পৃথকভাবে আলোচিত হইলেও ইহারা অত্যন্ত ঘনিষ্ঠভাবে সম্পর্কযুক্ত। এই দুই শাস্ত্রই মানুষের সমাজজীবনের কাজ-কারবার লইয়া আলোচনা করে। আবার উভয়েরই লক্ষ্য মানুষের কল্যাণ সাধন করা। রাষ্ট্রবিজ্ঞান দেশের শান্তিরক্ষার বিভিন্ন পদ্ধতি সম্বন্ধে আলোচনা করে। আবার দেশের ধনোৎপাদন ব্যবস্থা দেশের শান্তিরক্ষার উপর অনেক পরিমাণে নির্ভরশীল। আবার ধনোৎপাদন ব্যবস্থার উপরও নির্ভর করে দেশের শান্তি। কারণ, ধনের বণ্টন-ব্যবস্থায় অসাম্য দেখা দিলে অন্তর্বিগ্রহ হইবার সম্ভাবনা থাকে। ধনোৎপাদন ব্যাহত হইলেও সমাজে বিশৃঙ্খলা দেখা দেয়।

অতএব দেখা যায়, রাষ্ট্রবিজ্ঞানের আলোচনার অন্তর্ভুক্ত বিষয়বস্তু ধন-বিজ্ঞানের আলোচনার অন্তর্ভুক্ত বিষয়বস্তুকে যেমন প্রভাবান্বিত করে, সেইরূপ ধনবিজ্ঞানের আলোচ্য বিষয়ও রাষ্ট্রবিজ্ঞানের আলোচ্য বিষয়কে প্রভাবিত করে। স্মরণ্য ইহারা বিশেষভাবে সম্পর্কিত। আবার রাষ্ট্র-বিজ্ঞানের প্রধান আলোচ্য বিষয় রাষ্ট্র, পূর্বে ছিল পুলিশ রাষ্ট্র। রাষ্ট্রের প্রধান কাজ ছিল শান্তি রক্ষা করা। অতএব ধনবিজ্ঞানের সহিত ইহার কোন সম্পর্ক ছিল না। কিন্তু বর্তমানে রাষ্ট্র হইল কল্যাণকর রাষ্ট্র। এই কল্যাণকর রাষ্ট্র সমাজের সঠিক উন্নতি বিধান করে। রাষ্ট্র আজ নিজেই ব্যবসা করে, ধনোৎপাদনক্ষেত্রে সক্রিয় অংশ গ্রহণ করে। এই রাষ্ট্রের আলোচনা প্রসঙ্গে রাষ্ট্রবিজ্ঞান একদিকে কর ধার্য করিয়া কিভাবে অর্থনৈতিক ব্যবস্থা নিয়ন্ত্রণ করা যায়, তাহারও আলোচনা করে। ইহা ছাড়া, আর্থিক অবস্থা ও শাসন-ব্যবস্থার সুবিধার্থে বিভিন্ন আইন প্রণয়নের মৌলিক তত্ত্ব আলোচনা করে।

অতএব দেখা যায়, অর্থবিদ্যার বিষয়বস্তু রাষ্ট্রের কার্যকলাপ ও তার নীতি-নির্ধারণে বিশেষভাবে প্রভাবিত করে। ফলে রাষ্ট্রবিজ্ঞানে আলোচিত সমভোগবাদ, সাম্যবাদ, সমাজতন্ত্রবাদ প্রভৃতি ধনবিজ্ঞানেরও আলোচনার বিবন্ধীভূত হয়। উপসংহারে বলা যায়, এই দুই শাস্ত্রের মধ্যে প্রভূত পার্থক্য থাকা সত্ত্বেও ইহারা ঘনিষ্ঠভাবে সম্পর্কিত।

(৫) নীতিশাস্ত্র ও রাষ্ট্রবিজ্ঞান (Ethics and Political Science) :

প্রাচীন দার্শনিকগণ নীতিশাস্ত্রকে বিশেষ প্রাধান্য দিয়াছিলেন। তাঁহাদের মতে নীতিশাস্ত্রই মূল শাস্ত্র, আর রাষ্ট্রবিজ্ঞানকে তাঁহারা শাখারূপে কল্পনা করিয়া-ছিলেন। প্লেটো তাঁহার রিপাবলিক (Republic) গ্রন্থে যে আদর্শ সমাজ-ব্যবস্থার কল্পনা করিয়াছিলেন, তাহা নৈতিক আদর্শ-ভিত্তিক। এ্যারিস্টটল তাঁহার রাষ্ট্রনীতি (Politics) গ্রন্থে লিখিয়াছেন যে, মঙ্গলময় সুন্দর জীবন সম্ভব করিবার জন্মই রাষ্ট্রের সৃষ্টি হইয়াছে এবং রাষ্ট্রের অস্তিত্ব মানুষের এই সুন্দর জীবনের মধ্য দিয়াই মূর্ত হইয়া উঠে। রাষ্ট্রই নাগরিকের চরিত্র নির্ণয় করে। সুরাষ্ট্রের মধ্যেই সুনাগরিকের সন্ধান পাওয়া যায়। পূর্বে রাষ্ট্র পরিচালনার মূলস্বত্রগুলি নীতিশাস্ত্রের ভিত্তিতেই নির্ধারিত হইত।

ওধু প্রাচীন গ্রীসেই রাষ্ট্রাদর্শ নৈতিক আদর্শভিত্তিক ছিল না। প্রাচীন ভারতের গ্রন্থসমূহেও দেখা যায়, প্রাচীন ভারতে রাজা ও প্রজার দায়িত্ব ও

কর্তব্য নৈতিক আদর্শের ভিত্তিতেই প্রতিষ্ঠিত হইত। রাষ্ট্রের এই নৈতিক-

ভিত্তির পরিবর্তন ঘটে ষোড়শ শতাব্দীতে। এই

রাষ্ট্রবিজ্ঞানের সহিত
নীতিশাস্ত্রের সম্পর্ক
অতিশয় ঘনিষ্ঠ

শতাব্দীর অত্যন্ত শ্রেষ্ঠ দার্শনিক মেকিয়াভেলি (Machiavelli) সর্বপ্রথম রাষ্ট্রনীতিকে নীতিশাস্ত্র হইতে পৃথক

করিয়া সুবিধাবাদের আদর্শের উপর প্রতিষ্ঠিত করেন।

আবার রাষ্ট্রের উৎপত্তি সম্বন্ধে বলপ্রয়োগের মতবাদ, সামাজিক চুক্তির মতবাদ প্রভৃতি প্রচারের ফলে রাষ্ট্রবিজ্ঞান নীতিশাস্ত্র হইতে সম্পূর্ণ পৃথক হইয়া পড়িয়াছে। মেকিয়াভেলির পরবর্তী কালে হবস্, লক্, রুশো প্রমুখ দার্শনিক তাঁহাদের সামাজিক চুক্তির মতবাদ প্রভৃতি প্রচার করিয়া রাষ্ট্রবিজ্ঞানকে একটি স্বতন্ত্র শাস্ত্র হিসাবে রূপদান করেন। কিন্তু ইহা সন্দেহাতীত ভাবে বলা যায়, রাষ্ট্রবিজ্ঞান ও নীতিশাস্ত্র ভিন্ন ভিন্ন শাস্ত্র হিসাবে পরিগণিত হইলেও ইহাদের মধ্যে ঘনিষ্ঠ সম্পর্ক বজায় আছে। রাষ্ট্রবিজ্ঞান ও নীতিশাস্ত্রের মধ্যে পার্থক্য ও মিল কোথায় নিম্নে তাহার আলোচনা করা হইল :

(১) নীতিশাস্ত্র আলোচনা করে মানুষের মনের চিন্তা ও তাহার বাহ্যিক আচরণের। রাষ্ট্রবিজ্ঞান আলোচনা করে শুধু বাহ্যিক আচরণের। মনের চিন্তা লইয়া তাহার কারবার নহে। আবার মানুষের সকল প্রকার বাহ্যিক আচরণই রাষ্ট্রবিজ্ঞানের আলোচনার অন্তর্ভুক্ত হয় না। রাষ্ট্রবিজ্ঞান আলোচনা করে মানুষের রাষ্ট্রনৈতিক আচরণের।

(২) নীতিশাস্ত্রের নীতি শ্রায়-ভিত্তিক আর রাষ্ট্রবিজ্ঞানের নীতি শ্রায়-অশ্রায়ের ভিত্তিতে নির্ধারিত হয় না। ইহা রাষ্ট্রের সুবিধা (expediency) দ্বারাই নির্ধারিত হয়।

(৩) নীতিশাস্ত্রের বিষয়বস্তু ব্যাপক, কারণ ইহা মানুষের সমগ্র জীবনের আলোচনা করে। আর রাষ্ট্রবিজ্ঞান আলোচনা করে শুধু মানুষের রাষ্ট্র-নৈতিক জীবন, রাষ্ট্রের কার্যাবলী প্রভৃতি। অতএব দেখা যায়, নীতিশাস্ত্রের তুলনায় রাষ্ট্রবিজ্ঞানের আলোচ্য বিষয়বস্তু সংকীর্ণতর।

(৪) নীতিশাস্ত্রের নীতিপালন বাধ্যতামূলক নহে; কিন্তু রাষ্ট্রবিজ্ঞানের আইন বাধ্যতামূলক। পিতা মাতাকে ভক্তি না করিলে দৈহিক শাস্তি পাইতে হয় না; কিন্তু রাষ্ট্রের আইন লঙ্ঘনকারীকে দৈহিক শাস্তি পাইতে হয়।

উপরিউক্ত পার্থক্য থাকা সত্ত্বেও রাষ্ট্রবিজ্ঞানকে নীতিশাস্ত্র হইতে সম্পূর্ণ

ভাবে পৃথক করা যায় না। রাষ্ট্রবিজ্ঞান ও নীতিশাস্ত্রের উদ্দেশ্য একই হওয়ায় উভয়ের সম্পর্ক অত্যন্ত ঘনিষ্ঠ। উভয় শাস্ত্রই মানুষকে সুন্দর করিয়া গড়িতে চায় এবং মানুষকে ত্রায়-অত্রায় সম্বন্ধে অবহিত করে। রাষ্ট্র যে সকল আইন প্রণয়ন করে, তাহার বৈধতা নীতিশাস্ত্রের মানদণ্ডে স্থির করা হয়। রাষ্ট্র-প্রণীত আইন যদি নীতি-বিরুদ্ধ হয়, তবে তাহা জনগণ মাছ করিতে চায় না। রাষ্ট্রের প্রধান কাজ হইল স্নাগগরিক সৃষ্টি করা। এইভাবে রাষ্ট্র আইন প্রণয়ন করিয়া জনমতের পরিবর্তন করে। উদাহরণস্বরূপ বলা যায়, পূর্বে ভারতবর্ষে সতীদাহ প্রথা চালু ছিল এবং উহা নীতিশাস্ত্র-সম্মত বলিয়া বিবেচিত হইত। কিন্তু পরে যখন রাষ্ট্র আইন প্রণয়ন করিয়া এই প্রথা রদ করে, তারপর ধীরে ধীরে জনগণের নৈতিক জ্ঞানের পরিবর্তন ঘটে। বর্তমানে সতীদাহ প্রথাটি নীতি-বিগর্হিত হইয়া দাঁড়াইয়াছে। রাষ্ট্র ব্যক্তি ও সমষ্টির কল্যাণসাধনকারী। সমাজকল্যাণকর রাষ্ট্রমাত্রই নৈতিক আদর্শ-ভিত্তিক। এই প্রসঙ্গে অধ্যাপক আইভর ব্রাউন একস্থানে বলিয়াছেন যে, নীতিশাস্ত্রের ধারণাসকল প্রতিফলিত না হইলে রাষ্ট্রনৈতিক মতবাদ অর্থহীন, আবার রাষ্ট্রনৈতিক মতবাদ-বর্জিত নৈতিক মতবাদ অসম্পূর্ণ। রাষ্ট্রের উদ্দেশ্য হইল এমন এক সুন্দর সমাজ ব্যবস্থার সৃষ্টি করা যেখানে মানুষ তাহার সমাজকে পূর্ণভাবে বিকশিত করিতে পারে। এই আদর্শকে কার্যকরী করার জন্ত রাষ্ট্র যে সকল কার্য করে তাহার অধিকাংশই নীতিশাস্ত্রের নির্দেশে সম্পাদিত হয়। অতএব, ইহা সন্দেহাতীত ভাবে বলা যায় যে, রাষ্ট্রবিজ্ঞান ও নীতিশাস্ত্র পরস্পরের পরিপূরক। রাষ্ট্রবিজ্ঞান নীতিশাস্ত্র হইতে বিচ্ছিন্ন হইতে পারে না।

নীতিশাস্ত্রের নৈতিক আদর্শ যখন মানুষের আচার ও ব্যবহারের মধ্যে প্রকাশ পায় এবং উহা সমাজবদ্ধ মানুষের দৈনন্দিন জীবনের রীতি-নীতি হইয়া দাঁড়ায়, তখন তাহা মানুষের সামাজিক ও রাষ্ট্রনৈতিক আচরণকেও নিয়ন্ত্রিত করে। সমাজে যখন নীতিশাস্ত্রের শ্রুতগুলি বদ্ধমূল হইয়া যায়, তখন আবার এইগুলি আইন-রূপেও প্রণীত হয়। রাষ্ট্র-প্রণীত আইন যদি নৈতিক আদর্শ-বর্জিত হয়, তবে তাহা বেশী দিন স্থায়ী হয় না। অধ্যাপক গেটেলের ভাষায় বলা যায়, রাষ্ট্রের কার্যাবলী নির্ধারিত হয় ব্যক্তিগত ও সমষ্টিগত মঙ্গলসাধনের জন্ত নৈতিক আদর্শের ভিত্তিতে। সুতরাং দেখা যায়, রাষ্ট্রবিজ্ঞান ও নীতিশাস্ত্র পরস্পর ঘনিষ্ঠভাবে সম্পর্কিত।

এবং ইহা আশা করা যায় যে, এই সম্পর্ক চিরকাল থাকিবে। কারণ, অগ্ৰথায় নৈতিক আদর্শ-বর্জিত সমাজ ধ্বংসস্থাপে পরিণত হইবে।

(৬) মনোবিজ্ঞান ও রাষ্ট্রবিজ্ঞান (Psychology and Political Science) : মানুষ অত্যন্ত ভাবপ্রবণ। ভাবের আবেগে উচ্ছ্বসিত হইয়া সে অনেক কাজ করে। মনোবিজ্ঞান আলোচনা করে মানুষের সেই সকল কার্যাবলীর যাহা মানুষ ভাবের আবেগে উচ্ছ্বসিত হইয়া করিয়া থাকে। আর রাষ্ট্রবিজ্ঞানে আলোচিত হয় মানুষের রাষ্ট্রনৈতিক কার্যাবলীর। এই রাষ্ট্রনৈতিক কার্যাবলীর মধ্যে কতকগুলি আবার মানুষ ভাবের আবেগে করিয়া থাকে। এই ভাব-ভিত্তিক ও উত্তেজনা-প্রসূত কার্যাবলীও রাষ্ট্রবিজ্ঞানে আলোচিত হয়। বর্তমান রাষ্ট্র-কাঠামোগুলি সাধারণত গণতান্ত্রিক।

মনোবিজ্ঞানে
গুরুত্ব

গণতান্ত্রিক রাষ্ট্রে জনমতের এক গুরুত্বপূর্ণ ভূমিকা রহিয়াছে। এক কথায় বলা যায়, বর্তমান গণতান্ত্রিক শাসন-

ব্যবস্থা জনমতের উপর নির্ভরশীল। এইজন্য জনমতকে ব্যক্ত করিবার জন্ত নানাবিধ উপায় উদ্ভাবন করা হইয়াছে। জনমত আবার মানুষের মানসিক অবস্থার উপর নির্ভরশীল। এই কারণে, ব্যক্তিগত ও সমষ্টিগত মনস্তত্ত্বের অধ্যয়ন প্রয়োজন। সুতরাং দেখা যাইতেছে যে, রাষ্ট্রবিজ্ঞান ও মনোবিজ্ঞান অত্যন্ত ঘনিষ্ঠভাবে সম্পর্কিত।

রাষ্ট্রের প্রতিভূ হইল সরকার। গণতান্ত্রিক শাসন-ব্যবস্থায় সরকারের স্থায়িত্ব নির্ভর করে জনসাধারণের মানসিক ধারণা ও নৈতিক বিশ্বাসের উপর। মনোবিজ্ঞান পাঠ করিয়া মানুষের মানসিক ধারণা সম্বন্ধে জানিতে, পারা যায়। এইজন্য, প্রত্যেক রাষ্ট্রবিজ্ঞানীকে মানুষের মানসিক পারণা, মনোবৃত্তি ও ভাবপ্রবণতা সম্বন্ধে সম্যক জ্ঞান লাভ করিতে হয়। অগ্ৰথায়, তাঁহারা রাষ্ট্র বিজ্ঞানের স্বত্র নির্ধারণ করিতে সমর্থ হয় না। এই কারণেই লর্ড ব্রাইস বলিয়াছেন, “রাষ্ট্রবিজ্ঞানের শিকড় আছে মনোবিজ্ঞানের মধ্যে।”*

বর্তমানে জাতীয়তাবাদ রাষ্ট্রবিজ্ঞানের একটি উল্লেখযোগ্য আলোচ্য বস্তু। এই জাতীয়তাবাদ সংক্রান্ত সমস্যাসমূহের সমাধানের স্বত্রগুলি মনোবিজ্ঞানে আলোচিত হয়। মানুষের ভাবপ্রবণতা, মনোবৃত্তি, ধর্মীয় বিশ্বাস ও ঐতিহাসিক ঐতিহ্যের গৌরব যাহা মনোবিজ্ঞানে আলোচিত হয়, তাহাই

* “Political science has its roots in Psychology”—Lord Bryce.

আবার জাতীয়তাবাদের শ্রষ্টা। অতএব দেখা যায়, রাষ্ট্রবিজ্ঞানের আলোচ্য বিষয়বস্তু মনোবিজ্ঞানের আলোচ্য বিষয়বস্তুর মধ্যে নিকট সম্পর্ক আছে।

আবার দল ছাড়া গণতান্ত্রিক সরকার গঠিত হয় না। এই দলগঠনের পশ্চাতে মানুষের মনের ভাব ও সহজাত প্রবৃত্তি সক্রিয় অংশ গ্রহণ করে। সুতরাং রাষ্ট্রবিজ্ঞানের বিষয়বস্তু মনস্তত্ত্বের প্রভাব হইতে সম্পূর্ণ মুক্ত নয়।

আধুনিক যুগে দলগঠনে, সেনাবাহিনীগঠনে, বিচারালয়ে বহু মনস্তাত্ত্বিক পদ্ধতি ব্যবহৃত হইতে দেখা যায়। এই প্রসঙ্গে বার্কোর মন্তব্য উল্লেখ করা যাইতে পারে। তিনি বলেন : “রাষ্ট্রনৈতিক সমস্যাবলীর ব্যাখ্যায় মনোবিজ্ঞানের সমাধানসমূহের ব্যবহার যেন বর্তমান দিনের রীতি হইয়া দাঁড়াইয়াছে।” বেজহট (Bagehot), ম্যাক ডুগাল (Mc Dougall), লেবঁ (Le Bon), গ্রাহাম ওয়ালাস (Graham Wallas), স্পেন্সার প্রভৃতি আধুনিক মনস্তত্ত্ববিৎ পণ্ডিতগণ দেশের শাসন-ব্যবস্থার উপর মনস্তত্ত্বের প্রভাব ও গুরুত্বের উল্লেখ করিয়াছেন। রাজনৈতিক এবং বিভিন্ন সংস্কারের দাবিতে যে গণ আন্দোলন শুরু হয়, তাহা কি ভাবাবেগ প্রসূত, না সত্যই কোন প্রকৃত সংস্কারের প্রয়োজনীয়তা আছে, তাহা রাষ্ট্রবিজ্ঞানীকে বিশ্লেষণ করিয়া দেখিতে হইবে। এই বিশ্লেষণকার্যে মনস্তত্ত্বের জ্ঞান বিশেষভাবে সহায়তা করে। আবার বিভিন্ন দেশের শাসন-ব্যবস্থার পার্থক্যের পশ্চাতে রহিয়াছে বিভিন্ন জাতির গঠন, প্রকৃতি ও মনোভাবের পার্থক্য। উদাহরণস্বরূপ বলা যায়, সুইজারল্যান্ডে বা ইংলণ্ডে যে শাসন-ব্যবস্থা সাফল্যমণ্ডিত হইয়াছে তাহা অত্র দেশে সাফল্য লাভ করিতে পারে নাই। কারণ, অত্র দেশের জনসাধারণের গঠন, প্রকৃতি ও মনোভাবের সহিত এই দুই দেশের জনসাধারণের গঠন প্রকৃতি ও মনোভাবের পার্থক্য আছে। সুতরাং রাষ্ট্রবিজ্ঞানের আলোচনা কালে মনস্তত্ত্বের সাহায্য গ্রহণ করা বাঞ্ছনীয়।

উপসংহারে বলা যায়, মনোবিজ্ঞান ও রাষ্ট্রবিজ্ঞান অত্যন্ত ঘনিষ্ঠভাবে সম্পর্কিত বটে, কিন্তু মনোবিজ্ঞানের পদ্ধতি রাষ্ট্রনীতির ক্ষেত্রে সর্বত্র প্রযোজ্য নহে। মনোবিজ্ঞান আলোচনা করে অবস্থার। আর রাষ্ট্রবিজ্ঞান আলোচনা করে আদর্শের। মনোবিজ্ঞান রাষ্ট্রের কার্যাবলীর উচিত্য বা অনৌচিত্য লইয়া আলোচনা করে না। রাষ্ট্রবিজ্ঞান আলোচনা করে অবস্থা, ও আদর্শের এবং নির্দেশ দেয় কি হওয়া উচিত বা কি হওয়া উচিত নয়। অতএব

রাষ্ট্রবিজ্ঞান মনোবিজ্ঞান হইতে উপাদান সংগ্রহ করিয়া প্রয়োজন অনুসারে তাহার ব্যবহার করে কিন্তু অন্ধভাবে তাহা অনুসরণ করে না।

(৭) রাষ্ট্রবিজ্ঞান ও আন্তর্জাতিক আইন (Political Science and International Law) : সমাজজীবনে প্রত্যেক ব্যক্তিই পরস্পর নির্ভরশীল। একের সহিত অত্রের সম্পর্ক রাষ্ট্রের আইন দ্বারা নিয়ন্ত্রিত হয়। আবার রাষ্ট্রান্তর্গত মানুষের সম্পর্ক যেমন রাষ্ট্রের আইন দ্বারা নিয়ন্ত্রিত হয়, সেইরূপ আন্তঃরাষ্ট্রের সম্পর্কও কতকগুলি আইন দ্বারা নিয়ন্ত্রিত হয়। আন্তর্জাতিক আইন হইল সেই সকল আইন যাহা এক রাষ্ট্রের সহিত অত্র রাষ্ট্রের সম্পর্ক নিয়ন্ত্রিত করে। আন্তর্জাতিক আইনের প্রধান বিষয়বস্তু হইল রাষ্ট্রের বহিমুখী কার্যকলাপ সম্বন্ধে আলোচনা করা এবং এই বহিমুখী কার্যকলাপের একটা আদর্শ মান স্থির করা। রাষ্ট্রবিজ্ঞান আলোচনা করে আভ্যন্তরীণ শাসন-ব্যবহার; এবং রাষ্ট্রের আন্তর্জাতিক সম্পর্কও নির্ণয় করে রাষ্ট্রবিজ্ঞান। আদর্শ রাষ্ট্রের শাসন-ব্যবস্থার দুইটি দিক আছে। একটি হইল জাতীয়, আর অপরটি হইল আন্তর্জাতিক। বর্তমান যুগে মানুষের জীবন বহুমুখী ও বৈচিত্র্যময়। কর্মের ক্ষেত্র যেমন প্রসারিত হইয়াছে, অত্য়দিকে মানুষের জীবনও সেইরূপ জটিল হইয়া উঠিয়াছে। একাধারে মানুষ যেমন স্থানীয় প্রতিষ্ঠানের সমস্তা লইয়া বিব্রত, তেমনি আধুনিক সভ্য রাষ্ট্রের সভ্য হিসাবে শুধু রাষ্ট্রের গণ্ডীর ভিতর সে আর আবদ্ধ থাকিতে পারে না। আন্তর্জাতিক সমস্তা লইয়াও তাহাকে আলোচনা করিতে হয়। শুধু আলোচনাতেই তাহার কার্যকলাপ সীমাবদ্ধ থাকে না। জাতীয় ও আন্তর্জাতিক ঘটনা তাহার ব্যক্তিগত জীবনযাত্রার উপর প্রতিক্রিয়াও সৃষ্টি করে। এইজন্তই বর্তমানে রাষ্ট্রবিজ্ঞান আন্তর্জাতিক সমস্তাবলীরও আলোচনা করে।

রাষ্ট্রের উদ্দেশ্যকে কার্যকরী করিতে হইলে একদিকে যেমন আভ্যন্তরীণ শাসন-ব্যবস্থার উন্নতি সাধন করিতে হইবে, অপরদিকে আবার আন্তঃরাষ্ট্র সম্পর্ক স্থাপনের একটি আদর্শ মান ঠিক করিতে হইবে। এই আদর্শ মান স্থির করিতে হইলে পারস্পরিক সদিচ্ছা ও সহযোগিতার ভিত্তিতেই ইহা করিতে হইবে। স্মরণ্য সন্দেহাতীত ভাবে বলা যাইতে পারে, আন্তর্জাতিক আইন রাষ্ট্রবিজ্ঞানের সহিত অঙ্গাঙ্গিভাবে জড়িত।

বর্তমান যুগ আন্তর্জাতিকতাবাদের যুগ। এই যুগে প্রতিটি মানুষই আন্তর্জাতিক আইনের আওতার মধ্যে বাস করে। অতএব এক রাষ্ট্রের

সহিত অপর রাষ্ট্রের সম্পর্ক, এবং এক দেশের অধিবাসীর সহিত অপর দেশের অধিবাসীর সম্পর্ক যে আইন দ্বারা নির্ণীত হয়, তাহা যে রাষ্ট্রবিজ্ঞানের আলোচনার প্রধান আলোচ্য বিষয়বস্তু হইবে, তাহা বলাই বাহুল্য। কিন্তু স্বরণ রাখিতে হইবে যে, জাতীয় আইনগুলির মতো আন্তর্জাতিক আইনগুলি অতটা সুস্পষ্ট নয় এবং অতটা সহজে বলবৎ করা যায় না।

(৮) রাষ্ট্রবিজ্ঞান ও ব্যবহারশাস্ত্র (Political Science and Jurisprudence) : রাষ্ট্রবিজ্ঞান আলোচনা করে রাষ্ট্রের কার্যাবলী ও আভ্যন্তরীণ শান্তি ও শৃঙ্খলা রক্ষা করার বিধিসমূহ ও রাষ্ট্রের শাসনকার্য প্রভৃতি। রাষ্ট্র দেশের শান্তিশৃঙ্খলা বজায় রাখার জ্ঞান কতকগুলি আইনকানুন প্রণয়ন করে। ব্যবহারশাস্ত্রে আলোচিত হয় রাষ্ট্রপ্রণীত এই সকল আইনকানুন এবং ইহাদের প্রয়োগবিধি। অতএব ইহা বলা বাহুল্য যে, রাষ্ট্রবিজ্ঞান ও ব্যবহারশাস্ত্র অত্যন্ত ঘনিষ্ঠভাবে সম্পর্কিত।

বর্তমান রাষ্ট্র হইল সমাজ-কল্যাণকর রাষ্ট্র। রাষ্ট্র আইনের মাধ্যমে তাহার বহু সমাজ-কল্যাণকর কার্যগুলি করিয়া থাকে। রাষ্ট্রবিজ্ঞান আলোচনা করে এই সমাজ-কল্যাণকর আইনগুলির। ব্যবহারশাস্ত্র এই আইনগুলির প্রকৃতি, প্রয়োগবিধি প্রভৃতি আলোচনা করে। অতএব দেখা যায়, রাষ্ট্রবিজ্ঞানের আলোচনা-ক্ষেত্রের পরিধির মধ্যেই রহিয়াছে ব্যবহারশাস্ত্রের আলোচ্য বিষয়বস্তু। এই দিক দিয়া দেখিতে গেলে ব্যবহারশাস্ত্রের আলোচ্য বিষয় সংকীর্ণতর এবং এই শাস্ত্রকে রাষ্ট্রবিজ্ঞানের একটি অংশ বলিয়া অভিহিত করা যাইতে পারে।

সারসংক্ষেপ

রাষ্ট্রবিজ্ঞানের আলোচ্য বিষয় হইল রাষ্ট্র—ইহার আলোচনা-ক্ষেত্র বিশেষ ব্যাপক। ইহা রাষ্ট্রের বিভিন্ন দিক ও সম্পর্কের আলোচনা করে। রাষ্ট্রবিজ্ঞান আলোচনা করে রাষ্ট্রের উৎপত্তি ও ক্রমবিকাশের ধারা, স্বরাষ্ট্রের সহিত অস্থান্য রাষ্ট্রের সম্পর্ক, রাষ্ট্রের গঠন ও প্রকৃতি, রাষ্ট্রনীতি ও কার্যাবলী, রাষ্ট্রের তাৎপর্য ও কর্তব্য, রাষ্ট্রের শাসনপদ্ধতি, রাষ্ট্রিক ও আন্তর্জাতিক সমস্তাবলী প্রভৃতি। রাষ্ট্রবিজ্ঞান সরকারকে লইয়াও আলোচনা করে। রাষ্ট্রবিজ্ঞান অতীত ও বর্তমানকে আলোচনা করিয়া ভবিষ্যতের ইঙ্গিত দিতে চেষ্টা করে। রাষ্ট্রবিজ্ঞানের প্রধান আলোচ্য বিষয় হইল মানুষের রাষ্ট্রনৈতিক জীবন।

রাষ্ট্রবিজ্ঞানের আলোচনার মূল্য নানাবিধ। রাষ্ট্রবিজ্ঞান-পাঠে মানুষের মধ্যে আন্তর্জাতিকতা-বোধ জাগ্রত হয়।

নামকরণ : রাষ্ট্রবিজ্ঞানিগণ এই শাস্ত্রটিকে বিভিন্ন নামে আখ্যায়িত করেন ; যথা—রাষ্ট্রনীতি (Politics), রাষ্ট্রদর্শন (Political Philosophy), রাষ্ট্রতত্ত্ব (Theory of the State), রাষ্ট্রবিজ্ঞান (Political Science)। সাম্প্রতিক দারণামুসারে ইহাকে রাষ্ট্রবিজ্ঞান বলিয়াই আখ্যায়িত করা উচিত।

রাষ্ট্রবিজ্ঞানকে বিজ্ঞানের মর্যাদা দেওয়া যায় কিনা ? এই বিষয়ে রাষ্ট্রবিজ্ঞানিগণ একমত নহেন। অধুনিক লেখকগণের মধ্যে অনেকে রাষ্ট্রবিজ্ঞানকে বিজ্ঞানের মর্যাদা দিয়া থাকেন। অবশ্য, ইহা বিজ্ঞানপদবাচ্য হইলেও ইহা সম্পূর্ণ বিজ্ঞান নহে। প্রকৃতপক্ষে কোন সামাজিক বিজ্ঞানই সম্পূর্ণ বিজ্ঞান নহে।

রাষ্ট্রবিজ্ঞানের অহুসন্ধান পদ্ধতি : (১) পরীক্ষা-মূলক পদ্ধতি, (২) পর্যবেক্ষণমূলক পদ্ধতি, (৩) পরিসংখ্যান-মূলক পদ্ধতি, (৪) ভুলনামূলক পদ্ধতি, (৫) ঐতিহাসিক পদ্ধতি, (৬) জীববিজ্ঞানমূলক পদ্ধতি, (৭) সমাজবিজ্ঞান-মূলক পদ্ধতি, (৮) আইনমূলক পদ্ধতি, (৯) মনোবিজ্ঞান-মূলক পদ্ধতি, (১০) দর্শনমূলক পদ্ধতি। এই পদ্ধতিগুলি এককভাবে অবলম্বন করা বিশেষ বিপদজনক। রাষ্ট্রবিজ্ঞানের মূলতত্ত্বগুলির সন্ধান পাইতে হইলে বিভিন্ন অহুসন্ধান-পদ্ধতির সমন্বয় সাধন করিতে হইবে।

অগ্রাগ্রা বিজ্ঞানের সহিত রাষ্ট্রবিজ্ঞানের সম্পর্ক : এই সম্পর্কে দুইদিক হইতে দেখানো যায় ; যথা—(১) প্রাকৃতিক বিজ্ঞানের সহিত রাষ্ট্রবিজ্ঞানের সম্পর্ক, (২) সামাজিক বিজ্ঞানের সহিত রাষ্ট্রবিজ্ঞানের সম্পর্ক। প্রাকৃতিক বিজ্ঞানের অন্তর্ভুক্ত করা হয়, ভূবিজ্ঞান এবং প্রাণিবিজ্ঞান। সামাজিক বিজ্ঞানের অন্তর্ভুক্ত করা হয়, সমাজবিজ্ঞান, ইতিহাস, ধন-বিজ্ঞান, নীতিশাস্ত্র, মনোবিজ্ঞান, আন্তর্জাতিক আইন ও ব্যবহাবশাস্ত্র।

রাষ্ট্রবিজ্ঞান ও ভূবিজ্ঞান : রাষ্ট্রনৈতিক প্রতিষ্ঠান ও মানুষের রাষ্ট্রনৈতিক জীবন একমাত্র ভৌগোলিক বিষয়সমূহ দ্বাৰাই নিয়ন্ত্রিত হয় না। অবশ্য, মানুষের রাষ্ট্রনৈতিক জীবনে ভৌগোলিক বিষয়সমূহের প্রত্যেক সম্পূর্ণ স্বাধীনতাও কখনো হয় না।

রাষ্ট্রবিজ্ঞান ও প্রাণিবিজ্ঞান : এই দুই শাস্ত্রের মধ্যে কতকটা সঙ্গতি আছে ; কিন্তু উভয়ের প্রকৃতির মধ্যে যথেষ্ট পার্থক্যও পবিলক্ষিত হয়।

রাষ্ট্রবিজ্ঞান ও সমাজবিজ্ঞান : সমাজবিজ্ঞানের একটি শাখারূপে কল্পনা করা হয় রাষ্ট্রবিজ্ঞানকে।

রাষ্ট্রবিজ্ঞান ও ইতিহাস : উভয় শাস্ত্র পরস্পরের পবিপূর্বক হইলেও ইতিহাসের সবটা রাষ্ট্রবিজ্ঞান নহে এবং সমগ্র রাষ্ট্রবিজ্ঞান ইতিহাস নহে। অবশ্য ইহা স্বীকার কবিত হইবে যে, ইতিহাসের কিছুটা রাষ্ট্রবিজ্ঞানের অংশ। কিন্তু সমগ্র বস্তু উহার অংশ অপেক্ষা বৃহত্তর। অতএব অংশকে সমগ্র বলিয়া ভুল করা সমীচীন নহে।

রাষ্ট্রবিজ্ঞান ও অর্থবিজ্ঞান : পূর্বে অর্থবিদ্যাকে রাষ্ট্রবিজ্ঞানের অংশমাত্র বলিয়া ধরা হইত। কিন্তু বর্তমানে উভয় শাস্ত্র স্ব স্ব ক্ষেত্রে স্বাধীন হইলেও ইহাদের সম্পর্ক ওতপ্রোতভাবে জড়িত।

রাষ্ট্রবিজ্ঞান ও মনোবিজ্ঞান : এই দুই শাস্ত্রের মধ্যে ঘনিষ্ঠ সম্পর্ক আছে। কিন্তু রাষ্ট্রবিজ্ঞান মনোবিজ্ঞানকে অস্বাভাবিক অঙ্গকরণ করে না।

রাষ্ট্রবিজ্ঞান ও নীতিশাস্ত্র : 'রাষ্ট্রবিজ্ঞান আদর্শমূলক বিজ্ঞান। নৈতিক ভিত্তির উপরই ইহা দাঁড়াইয়া আছে। ফলে এই দুই শাস্ত্রের মধ্যে অতিশয় ঘনিষ্ঠ সম্পর্ক আছে।

রাষ্ট্রবিজ্ঞান ও আন্তর্জাতিক আইন এবং ব্যবহারশাস্ত্র।

প্রশ্নাবলী

1. Discuss the scope of Political Science (C. U. 1959)

(১২-১৬ পৃষ্ঠা)

2. Do you agree with the view that there is a Science of Politics ?

(২২-২৬ পৃষ্ঠা)

3. Discuss the relation of Political Science to History and Ethics. (C. U. 1950)

(৩২-৪২, ৪৪-৪৭ পৃষ্ঠা)

4. "History without Political Science has no fruit ; Political Science without History has no root."—Seeley. Examine the statement. (C. U. 1950, '59)

[উত্তর-সংকেত : এই উক্তিটি করিয়াছেন স্যার জন সিলী (Seeley)। রাষ্ট্রবিজ্ঞান ও ইতিহাস অত্যন্ত ঘনিষ্ঠভাবে সম্পর্কযুক্ত। এই দুইটি শাস্ত্র পরস্পর পরস্পরের পরিপূরক। ঐতিহাসিক পটভূমিকার এবং ইতিহাস হইতে সংগৃহীত তথ্যের তুলনামূলক বিচার-বিশ্লেষণের সাহায্যে রাষ্ট্রবিজ্ঞানী সাধারণ সূত্র নির্ধারণ করেন। ইতিহাসের আলোচনা করিতে গেলে রাষ্ট্রবিজ্ঞানের সাহায্য গ্রহণ করাও দরকার। ইতিহাসে মানবসভ্যতার সব দিকই আলোচনা হয়। রাষ্ট্র-সমূহের সংগঠন ও তাহাদের ক্রমবিকাশের ধারা প্রভৃতির আলোচনা ইতিহাসের অঙ্গীভূত। অতএব ইতিহাসকে বুঝিতে হইলে উহাকে রাষ্ট্রনৈতিক দৃষ্টিকোণ হইতেও বুঝিবার আবশ্যকতা আছে। কিন্তু এই কথা ভাবিলে ভুল হইবে যে, ইতিহাসের সবটাই রাষ্ট্রবিজ্ঞান। ইতিহাসের মধ্যে এমন অনেক কিছু আছে, যেমন ভাষা, আচার, ব্যবহার, সংস্কৃতি ইত্যাদি যাহার সহিত রাষ্ট্রবিজ্ঞানের কোন প্রত্যক্ষ সম্পর্ক নাই। অপরদিকে বলা যায়, সমগ্র রাষ্ট্রবিজ্ঞানকে বর্তমান ইতিহাস বলা যায় না। রাষ্ট্রবিজ্ঞানের মধ্যে এমন অনেক কিছু আছে যাহা কালজনি। ইতিহাস কল্পনাপ্রসূত কোন কিছুরই আলোচনা করে না।

(৩২-৪২ পৃষ্ঠা)

5. Define Political Science. Indicate the relation of Political Science to (a) Sociology, (b) Economics and (c) Ethics.

(C. U. 1940, '58, '60)

(১২-১৬, ৩৬-৩৯, ৪২-৪৭ পৃষ্ঠা)

6. Bring out the relation between (a) Political Science and History (C. U. 1957, '58) and (b) Political Science and Economics (C. U. 1958)

[উত্তর-সংকেত : মানুষের অর্থনৈতিক জীবনযাত্রা অনেকাংশে রাষ্ট্রনীতির দ্বারা নির্ধারিত হয়। পূর্বে অর্থবিজ্ঞা রাষ্ট্রবিজ্ঞানের অংশমাত্র ছিল। বর্তমানে এই দুই শাস্ত্র পরস্পর

পৃথক হইলেও উভয়ের মধ্যে ঘনিষ্ঠ-সম্পর্ক বিদ্যমান। ধনবিজ্ঞানের মূল উদ্দেশ্য হইল সমাজের অর্থনৈতিক মান উন্নয়ন করা। আবার এই উন্নয়ন-ব্যবস্থা রাষ্ট্রের অন্তর্ভুক্ত নীতির উপর অনেকাংশে নির্ভরশীল। বর্তমান সমাজকল্যাণ রাষ্ট্রে এই সম্পর্ক ঘনিষ্ঠতর হইতেছে। অর্থবিদ্যা-সম্পর্কবিহীন রাষ্ট্রনীতি কোন সফল দিতে পারে না। রাষ্ট্রের গঠন ও কার্যাবলী অনেকাংশে দেশের অর্থনৈতিক ব্যবস্থার উপর নির্ভরশীল। (৩২-৪৪ পৃষ্ঠা)

7. To what extent is Politics a Science ? Give reasons for your answer. (C. U. Hons. 1948) (২২-২৬ পৃষ্ঠা)

8. (a) "Politics is not an experimental Science".

(b) "Political (so far as it is a science) is an experimental Science." (Bryce)

(c) "Politics is an observational and not experimental Science."—Lowell. Examine these statements. (২২-২৮ পৃষ্ঠা)

অতিরিক্ত পাঠ্য

R. G. Gettell : Political Science—Chs. I and II.

R. N. Gilchrist : Principles of Political Science—Ch. I.

Catlin : The Science and Method of Politics—Chs. I—III.

Pollock : Introduction to the History of the Science of Politics—Ch. I.

Seeley : Introduction to Political Science—Lectures 1-2.

Sidgwick : Elements of Politics—Ch. I.

তৃতীয় অধ্যায়

রাষ্ট্রের সংজ্ঞা, প্রকৃতি ও প্রয়োজনীয়তা

(Definitions, Nature and Purpose of the State)

রাষ্ট্রের সংজ্ঞা, প্রকৃতি ও উদ্দেশ্য (Definitions, Nature and Purpose) : রাষ্ট্রবিজ্ঞানের প্রধান আলোচ্য বিষয় হইল রাষ্ট্র। স্মরণ্য রাষ্ট্রের একটি সংজ্ঞা প্রথমেই নির্দিষ্ট হওয়া প্রয়োজন। রাষ্ট্রকে অনেক রাষ্ট্র-বিজ্ঞানী সমাজের সংঘবদ্ধ জীবনের একটি চরম অভিব্যক্তি বলিয়া বর্ণনা করিয়াছেন। অতীত কাল হইতে স্মরণ্য করিয়া আধুনিক কাল পর্যন্ত বিভিন্ন রাষ্ট্রবিজ্ঞানী বিভিন্ন দৃষ্টিভঙ্গী লইয়া রাষ্ট্রের বিভিন্ন সংজ্ঞা নিরূপণ করিয়াছেন। এই প্রসঙ্গে একজন জার্মান লেখক এই মন্তব্য করিয়াছেন যে, প্রায় প্রত্যেক রাষ্ট্রবিজ্ঞানীই রাষ্ট্রের একটি করিয়া সংজ্ঞা দিয়াছেন। ফলে সংজ্ঞাগুলির মধ্যে সঙ্গতির অভাব পরিলক্ষিত হয়।

প্রাচীন গ্রীক ও রোমানগণ ক্ষুদ্র ক্ষুদ্র রাষ্ট্রে বাস করিত। তাহাদের এই ক্ষুদ্র ক্ষুদ্র রাষ্ট্রগুলি এক-একটি নগরের মধ্যেই সীমাবদ্ধ থাকিত বলিয়া ইহাদের বলা হইত নগর-রাষ্ট্র (City States)। এই নগর-রাষ্ট্রগুলিকে বুঝাইতে প্রাচীন গ্রীক ও রোমানগণ যথাক্রমে ‘পলিস’ ও ‘সিভিটাস’ শব্দ দুইটি ব্যবহার করিত। পরবর্তী কালে রোমানগণ নগর-রাষ্ট্রকে বুঝাইত জনসংখ্যা বৃদ্ধি পাওয়ায় এবং অত্যাচার কারণে রাষ্ট্রের আয়তনও বৃদ্ধি পাইল। টিউটন যুগ হইতে বৃহদায়তন রাষ্ট্রগুলিকে বোঝানোর জন্ত ‘স্ট্যাটাস’ (Status) শব্দটি ব্যবহৃত হইত। রাষ্ট্র শব্দ প্রথম ব্যবহার করেন ষোড়শ শতাব্দীর ইতালীয় চিন্তাবীর ম্যাকিয়াভেলী। আধুনিক কালে রাষ্ট্র শব্দটি বিভিন্ন অর্থে ব্যবহৃত হইয়া থাকে ; যেমন যুক্তরাষ্ট্রের অঙ্গরাজ্যগুলিকেও রাষ্ট্র বলা হয়। উদাহরণ স্বরূপ বলা যাইতে পারে, ভারতীয় যুক্তরাষ্ট্রের অঙ্গরাজ্য ‘পশ্চিমবঙ্গ’ (The State of West Bengal), মার্কিন যুক্তরাষ্ট্রের অঙ্গরাজ্য ফিলাডেলফিয়া ইত্যাদি। আবার রাষ্ট্র শব্দটির দ্বারা অনেক সময় জাতি, সমাজ, দেশ ও সরকার প্রভৃতিকেও বোঝানো হয়।

রাষ্ট্রের উদ্দেশ্য ও সংজ্ঞা (Aims and Definition of the State) :

প্রকৃতপক্ষে রাষ্ট্রের সংজ্ঞা সংখ্যাভীত। গ্রীক দার্শনিক এ্যারিস্টটল হইতে শুরু করিয়া বর্তমান কালের রাষ্ট্রবিজ্ঞানিগণ পর্যন্ত বিভিন্ন চিন্তাবীর রাষ্ট্রের বিভিন্ন সংজ্ঞা দিয়াছেন। এই সংজ্ঞাগুলি আলোচনা করিলে দেখা যাইবে যে, রাষ্ট্রবিজ্ঞানিগণ রাষ্ট্রের উদ্দেশ্য ও প্রকৃতির প্রতি বিভিন্ন দৃষ্টিভঙ্গী লইয়া রাষ্ট্রের সংজ্ঞা নিরূপণ করিয়াছেন। রাষ্ট্র একটি বিশিষ্ট সামাজিক সংগঠন। প্রত্যেক সামাজিক সংগঠনেরই এক-একটি করিয়া লক্ষ্য নির্দিষ্ট থাকে ; যেমন ধর্মীয় প্রতিষ্ঠানের উদ্দেশ্য হইল ধর্ম রক্ষা করা ; শ্রমিক সংগঠনের উদ্দেশ্য হইল শ্রমিকের স্বার্থ রক্ষা করা। এই সকল সামাজিক প্রতিষ্ঠানের মতো রাষ্ট্ররূপ বিশিষ্ট সামাজিক প্রতিষ্ঠানেরও একটি উদ্দেশ্য আছে। এই উদ্দেশ্য হইল বিশৃঙ্খল সমাজকে সুশৃঙ্খল করিয়া মানুষের জীবনকে সুন্দর হইতে সুন্দরতর পর্যায়ে উন্নীত করা। এই উদ্দেশ্য সাধনের জন্মই রাষ্ট্রের উদ্ভব হইয়াছে।

রাষ্ট্রের আলোচনা
সমাজ হইতে শুরু
করিতে হয়

আবার রাষ্ট্র যেহেতু অত্যন্ত সামাজিক প্রতিষ্ঠান, সেইজন্ম রাষ্ট্রের আলোচনা করিতে গেলে স্বভাবতঃই সমাজের আলোচনা আসিয়া পড়ে। এই কারণেই ট্রং (C. F. Strong) বলিয়াছেন, রাষ্ট্র সম্বন্ধে যে-কোন

আলোচনা সমাজ হইতে শুরু করিতে হয় ; কারণ রাষ্ট্র হইল অত্যন্ত সামাজিক সংগঠন। রাষ্ট্রের জন্মতিহাস আলোচনা করিলে দেখা যাইবে যে, জীবিকার্জনের তাগিদে বা প্রকৃতিগত কারণে যখনই কিছুসংখ্যক লোক পরস্পরের সহিত স্বেচ্ছায় সম্পর্ক স্থাপন করিয়াছে তখনই সমাজের আবির্ভাব হইয়াছে। আবার এই সমাজের বিবর্তনের এক বিশেষ স্তরে রাষ্ট্রের উৎপত্তি হইয়াছে। সমাজসৃষ্টির মূলে ছিল মানুষের এক বিশেষ সামাজিক উদ্দেশ্য। এই সামাজিক উদ্দেশ্য হইল সামাজিক উন্নতি। উন্নত সমাজ-জীবনে মানুষের জীবন উন্নততর হইবে। এই উন্নততর, সুন্দর জীবনের চির আকাঙ্ক্ষাই মানুষকে সঙ্গপ্রিয় করিয়াছে। এই সঙ্গপ্রিয়তা মানুষের প্রকৃতিগত। অত্যাচ্ছ জীবের যেমন ক্ষুধাতৃষ্ণা আছে মানুষেরও তেমন ক্ষুধা-তৃষ্ণা আছে। মানুষ কিন্তু এই ক্ষুধাতৃষ্ণার পরিপূর্তিতেই সন্তুষ্ট নয়। সে প্রজ্ঞাশীল জীব, সে চায় জীবনকে সুন্দর হইতে সুন্দরতর করিতে, সে চায় উন্নত জীবনকে উন্নততর জীবনে পরিণত করিতে। এই কাজ তার একার পক্ষে করা সম্ভব নয় বলিয়া সে সম্মবদ্ধ হয়। আদিম যুগের পরিবার এই

সংঘবদ্ধ জীবনের একটি ধাপ। রাষ্ট্রবিজ্ঞানীদের মধ্যে কেহ কেহ বলেন প্রথমে সংগঠিত হইয়াছিল সমাজ এবং পরে আসিয়াছিল পরিবার। আবার কেহ কেহ ইহার বিপরীত ধারণাও পোষণ করেন।

পরিবারে বিকশিত সমাজে মানুষের জীবন ছিল বিশৃঙ্খল। পরিবারের পর আসিল মানুষের গোষ্ঠী-জীবন। পূর্বপুরুষের বংশধরগণ এক-একটি গোষ্ঠীর অন্তর্ভুক্ত হইত। গোষ্ঠী-জীবনেও মানুষের জীবন বিশৃঙ্খল ছিল। গোষ্ঠীর পর সমাজ-বিবর্তনের তৃতীয় স্তরে আসিল উপজাতি। এই স্তরেই রাষ্ট্রের আবির্ভাব হয়। সমাজ-বিবর্তনের পূর্ববর্তী স্তরে সমাজ ছিল বিশৃঙ্খল। এই বিশৃঙ্খল জীবনকে সুশৃঙ্খল করার জন্ত এবং মানুষের জীবনকে পূর্ণাঙ্গ রূপ দিবার জন্তই রাষ্ট্রের উদ্ভব হইয়াছে। সার্বিক উন্নতিসাধন এবং মানুষের জীবনকে সর্বাঙ্গসুন্দর করার জন্তই রাষ্ট্রের অস্তিত্ব। বিখ্যাত আন্তর্জাতিক আইনামুগ অধ্যাপক হলের (Hall) ভাষায় বলা যায় : “রাষ্ট্র হইল রাষ্ট্রনৈতিক উদ্দেশ্য সাধনের নিমিত্ত নির্দিষ্ট ভূখণ্ডে স্থায়িভাবে প্রতিষ্ঠিত, বহিঃশক্তির শাসন হইতে সর্বপ্রকারে মুক্ত জনসমাজ”। অধ্যাপক হল রাষ্ট্রের উদ্দেশ্যকে ‘রাষ্ট্রনৈতিক উদ্দেশ্য’ নামে অভিহিত করিয়াছেন। রাষ্ট্রনৈতিক উদ্দেশ্য বলিতে বোঝায় সুশৃঙ্খল সমাজজীবনের প্রতিষ্ঠা। এই উদ্দেশ্যকে সাফল্যমণ্ডিত করিবার জন্তই রাষ্ট্রের উদ্ভব হইয়াছে।

আবার রাষ্ট্রের উদ্দেশ্যের দিকে লক্ষ্য রাখিয়া গ্রীক দার্শনিক এ্যারিস্টটল রাষ্ট্রের এইরূপ সংজ্ঞা দিয়াছেন : “স্বয়ংসম্পূর্ণ জীবনযাপনের উদ্দেশ্যে যখন অনেকগুলি পরিবার ও গ্রাম একত্রিত হয়, তখনই তাহাকে রাষ্ট্র বলা হয়।” এ্যারিস্টটল নগর-রাষ্ট্রকে মানুষের সমাজ-সংগঠনের এক চরম বিকাশ বলিয়া মনে করিয়াছিলেন। গ্রীক নগর-রাষ্ট্র ছিল রাষ্ট্র ও সমাজ উভয়ই। বার্কার বলেন : “গ্রীক নগর-রাষ্ট্র শুধু রাষ্ট্রই ছিল না, ইহা ছিল নৈতিক সমাজ, উৎপাদন ও ব্যবসায়-বাণিজ্যের জন্ত অর্থনৈতিক প্রতিষ্ঠান, ইহা ছিল সুন্দর ও সত্যসন্ধানী সাংস্কৃতিক প্রতিষ্ঠান”। এ্যারিস্টটল স্বয়ংসম্পূর্ণ জীবন

এ্যারিস্টটলের মত-
বাদের সমালোচনা।

বলিতে মানবচরিত্রের নৈতিক উৎকর্ষের উপর গুরুত্ব প্রদান করেন। আর এই মানব-জীবন চরম নৈতিক উৎকর্ষ লাভ করে রাষ্ট্রের সভ্য হিসাবে। অনেক

রাষ্ট্রবিজ্ঞানী এ্যারিস্টটল-প্রদত্ত রাষ্ট্রসংজ্ঞার সমালোচনা করিয়াছেন। এই সকল সমালোচকের মতে, রাষ্ট্রের এলাকার মধ্যে বহু পরিবার থাকে, এবং

শিক্ষা-মূলক, ধর্মীয় ও সাংস্কৃতিক সংগঠনও থাকে। এই সকল প্রতিষ্ঠানের সমবায়ে রাষ্ট্রের সৃষ্টি হয় নাই। আবার রাষ্ট্রকে বিভিন্ন পারিবারিক ও সামাজিক সংগঠনের স্বার্থের রক্ষক বলিয়া ধরিয়া লওয়াও ঠিক নয়। রাষ্ট্রের উদ্দেশ্য শুধু পারিবারিক ও সামাজিক সংগঠনের স্বার্থরক্ষার গণ্ডীর মধ্যেই সীমাবদ্ধ নয়। ইহার উদ্দেশ্য আরও মহত্তর। রাষ্ট্র হইল সমাজের কেন্দ্রীয় ও মৌলিক প্রতিষ্ঠান। ইহা সমাজজীবনের সমস্ত গলদ দূরীভূত করিয়া সমাজজীবনকে নিয়ন্ত্রিত করিয়া মানুষের জীবনকে সুন্দরতর ও সুশৃঙ্খল করিয়া তোলে।

আবার এই উদ্দেশ্যকে সাফল্যমণ্ডিত করিবার জন্ত রাষ্ট্রকে এক বিশেষ ক্ষমতা প্রদান করা হইয়াছে। এই ক্ষমতার নাম হইল সার্বভৌম ক্ষমতা। এই ক্ষমতাকে 'সমাজের সম্মিলিত ক্ষমতা' রূপে বর্ণনা করিয়াছেন অধ্যাপক ম্যাকআইভার (Mac Iver)। রাষ্ট্র এই ক্ষমতাবলে আইন প্রণয়ন করেন। এই রাষ্ট্রপ্রণীত আইন বাধ্যতামূলক। রাষ্ট্র আইন প্রণয়ন করিবার অধিকারী বলিয়া রাষ্ট্রপতি উইলসন বলিয়াছেন, "রাষ্ট্র হইল রাষ্ট্র সার্বভৌম ক্ষমতার অধিকারী আইনানুসারে সংগঠিত নির্দিষ্ট ভূখণ্ডের অধিকারী এক জনসমষ্টি।" রোমান দার্শনিক সিসেরোর মতে : রাষ্ট্র হইল "বিপুল সংখ্যক জনসমষ্টি যাহারা অধিকার সম্বন্ধে সমচেতনায় ~~এ~~ স্বেচ্ছায় স্বেচ্ছায় পারস্পরিক অংশ গ্রহণে ঐক্যবদ্ধ হয়" ("a numerous society united by a commonsense of right and a mutual participation in advantages")।

গ্রেনেসাঁ যুগের লেখক গ্রোটিয়াস বলেন : "সকলের উপকার ও অধিকারের সুবিধাভোগের জন্ত ঐক্যবদ্ধ স্বাধীন মানুষের পূর্ণাঙ্গ সমাজকেই রাষ্ট্র বলা হয়" ("a society of free men united for the sake of enjoying the advantages of right and the common utility.")

বোড'য়া ১৫৭৬ সালে রাষ্ট্র সম্বন্ধে এইরূপ সংজ্ঞা দিলেন : "রাষ্ট্র হইল পরিবারসমূহ ও তাহাদের সাধারণ ধনসম্পত্তির একটি মিলিত সংস্থা যাহা একটি চূড়ান্ত ক্ষমতা ও যুক্তির দ্বারা পরিচালিত হইতেছে" ("an association of families and their common possessions governed by a supreme power and by reason")।

ভাববাদীদের ধারণায় রাষ্ট্র হইল "ব্যক্তি-নিরপেক্ষ আত্মার প্রমূর্তরূপ";

("the incarnation of the objective spirit"); "মর্ত্যে ঈশ্বরের জয়যাত্রা" ("March of God on Earth"); "ত্রুটিহীন যুক্তির প্রকাশ" (perfected rationality); "নৈতিক চেতনার বাস্তবরূপ" ("the realisation of the moral idea"); "প্রকৃত স্বাধীনতার প্রকাশ" (actualisation of concret freedom") ।

ম্যাকআইভার বলেন : রাষ্ট্র হইল একটি সংগঠন যাহা পীড়নমূলক ক্ষমতার অধিকারীর দ্বারা ঘোষিত আইনের মারফত কার্য করিয়া নির্দিষ্ট ভূখণ্ডবাসী সমাজে সামাজিক শৃঙ্খলার সার্বজনীন ও বাহ্যিক উপকরণগুলি বজায় রাখে ।*

ল্যাক্সি বলেন : বর্তমান রাষ্ট্র হইল একটি স্থানে বসবাসকারী জনসমাজ, যাহা শাসকমণ্ডলী ও প্রজার মধ্যে বিভক্ত, যাহা নিজস্ব নির্ধারিত প্রাকৃতিক অঞ্চলের মধ্যে অত্যন্ত সকল প্রতিষ্ঠানের উপর চরম ক্ষমতা দাবী করে । বস্তুতঃ, ইহা সামাজিক ইচ্ছার চূড়ান্ত আইনগত আধার । ইহা অত্যন্ত সর্ববিধ সংগঠনের পটভূমিকা পূর্বেই নির্দিষ্ট করিয়া দেয় । ইহা যে মানবিক কর্মকাণ্ডকে স্বকীয় নিয়ন্ত্রণে আনা বাঙ্কনীয় বোধ করে সে সকলকেই নিজ এলাকার মধ্যে আনয়ন করে । আবার এই চরম ক্ষমতার যুক্তির পরোক্ষ অর্থ হইল যে, যাহা কিছু ইহার নিয়ন্ত্রণ-বাহিত্ব রহিল, তাহা ইহার অসুমতি-সিদ্ধ রূপে রহিল । রাষ্ট্র হইল সমাজের মূল ভিত্তি । ইহা অসংখ্য মানুষের জীবনধারণের দায়িত্ব গ্রহণ করে । ইহা মানবজীবনের আকৃতি ও তাৎপর্যকে রূপায়িত করে ।

মার্কসীয় মতবাদ অনুসারে রাষ্ট্র হইল, "অত্যন্ত শ্রেণীর উপর একটি শ্রেণীর প্রভুত্ব করিবার সংগঠন মাত্র" ("an organisation of one class dominating over the other classes") ।

জার্মান দার্শনিক বুণ্টসলি ও সিডেল রাষ্ট্রের সংজ্ঞা নির্দেশ করিয়াছেন । বুণ্টসলির মতে রাষ্ট্র হইল "কোন নির্দিষ্ট ভূখণ্ডে রাষ্ট্রনৈতিক ভাবে সংগঠিত জনসমাজ ।" সিডেলের মতে, "রাষ্ট্রের সূত্রপাত তখনই হয়, যখন বহুসংখ্যক

* "The state is an association which, acting through law as promulgated by a government endowed to this end with coercive power, maintains within a community territorially demarcated, the universal external conditions of social orders."—Mac Iver—The Modern State.

লোক পৃথিবীর কোন নির্দিষ্ট ভূখণ্ড অধিকার করিয়া কোন উচ্চশক্তির অধীনে সম্মিলিত হয়।” আধুনিক রাষ্ট্রবিজ্ঞানী বার্জেস বলেন : “রাষ্ট্র হইল কোন নির্দিষ্ট ভূখণ্ডে রাষ্ট্রনৈতিকভাবে সংগঠিত জনসমাজ।” অত্যাশ্চর্য্য বহু রাষ্ট্রবিজ্ঞানী রাষ্ট্রের বহুবিধ সংজ্ঞার নির্দেশ করিয়াছেন। কিন্তু এই সংজ্ঞাগুলির মধ্যে অনেকগুলিই অস্পষ্টতা দোষে দুষ্ট। অনেকের মতে সুস্পষ্ট ধারণা লাভ করা যায় গার্গারের সংজ্ঞা হইতে। ডাঃ গার্গার যে সংজ্ঞা নির্দেশ করিয়াছেন তাহা আধুনিক সংজ্ঞাগুলির সমন্বয় মাত্র।

গার্গার রাষ্ট্রের এইরূপ সংজ্ঞা দিয়াছেন : রাষ্ট্রবিজ্ঞান ও শাসনতাত্ত্বিক আইনের দিক দিয়া বিচার করিলে দেখা যায়, রাষ্ট্র হইল অল্পবিস্তর বহুসংখ্যক জনসমষ্টি লইয়া গঠিত এমন একটি জনসমাজ যাহা নির্দিষ্ট ভূখণ্ডে স্থায়িভাবে বাস করে, যাহা বহিঃশক্তির নিয়ন্ত্রণ হইতে সর্বপ্রকারে মুক্ত এবং যাহার একটি সুসংগঠিত শাসন-ব্যবস্থা আছে—যে শাসন-ব্যবস্থার প্রতি অধিবাসীদের অধিকাংশই স্বভাবগত আনুগত্য স্বীকার করে।*

রাষ্ট্রের উপাদান (Elements of the State) : গার্গার-প্রদত্ত সংজ্ঞা বিশ্লেষণ করিলে রাষ্ট্রের চারিটি উপাদানের সন্ধান পাওয়া যায়; যথা—(১) জন-সমষ্টি বা ঐক্যবদ্ধ মনুষ্য সম্প্রদায়, (২) নির্দিষ্ট ভূভাগ, (৩) শাসন-প্রতিষ্ঠান বা সরকার যাহার মাধ্যমে রাষ্ট্র আইন-প্রণয়ন ও তাহাকে কার্যকরী করে, (৪) সার্বভৌম ক্ষমতা। রাষ্ট্রের সৃষ্টি হয় এই চারিটি উপাদানের সমবায়। ইহাদের মধ্যে কোন একটি উপাদানের অভাব হইলে, সংশ্লিষ্ট প্রতিষ্ঠানকে রাষ্ট্রের পর্যায়ভুক্ত করা যায় না। রাষ্ট্র সম্বন্ধে একটি পরিষ্কার ধারণা সৃষ্টি করিবার জন্ত রাষ্ট্রের এই উপাদানগুলিকে নিয়ে আলোচনা করা হইল।

(১) জনসমষ্টি (Population) : সমাজের মধ্য হইতে রাষ্ট্রের উদ্ভব হইয়াছে। মনুষ্য ব্যতিরেকে সমাজের সৃষ্টি হয় না। সংঘবদ্ধভাবে মানুষ যখন বাস করিতে আরম্ভ করে তখনই সমাজ গড়িয়া উঠে। অতএব সমাজ ও রাষ্ট্রগঠনে প্রথম প্রয়োজন হয় মানুষের। বস্তুতঃ জনসমাজ ছাড়া রাষ্ট্রের

* “The state, as a concept of political science and Public Law is a community of persons more or less numerous permanently occupying a definite portion of territory, independent or nearly so, of external control, and possessing an organised government to which the great body of inhabitants render habitual obedience.” —Garner

কল্পনাও করা যায় না। অবশ্য, রাষ্ট্রের জনসমষ্টিকে আবার কয়েকটি শ্রেণীতে বিভক্ত করা যায়; যথা, পূর্ণ নাগরিক (full-fledged citizen), অসম্পূর্ণ নাগরিক (Semi-citizen) অর্থাৎ যাহারা ভোট দিতে পারে না, বিদেশী (Alien) এবং প্রজা (Subject)। এই কয়েক প্রকার জনসমষ্টির

জনসমষ্টি ব্যতীত
রাষ্ট্রের চিন্তা করা
যায় না

মধ্যে যাহারা রাষ্ট্রের আইসম্মত সভ্য এবং যাহারা রাষ্ট্রের প্রতি আনুগত্য স্বীকার করে তাহারা হইল নাগরিক, আর এই নাগরিকদের মধ্যে যাহাদের ভোটাধিকার নাই, তাহারা হইল অসম্পূর্ণ নাগরিক; যেমন—শিশু, পাগল

ইত্যাদি। বৈদেশিকগণ অনেক সময় অস্থায়িভাবে কোন রাষ্ট্রে বাস করে। এই বৈদেশিকদের বলা হয় বিদেশী (alien)। ইহাদেরও সাধারণতঃ কোন ভোটাধিকার নাই। উপনিবেশের জনসাধারণকে প্রজা বলা যাইতে পারে। ভারতবর্ষ যখন ইংরেজের অধীনে ছিল, তখন ভারতবাসীরা ছিল তাহাদের প্রজা। অনেক লেখক আবার ভোটাধিকার-প্রাপ্ত নয় এমন ব্যক্তিদের ‘প্রজা’ আখ্যা দিয়া থাকেন। বর্তমানে এই প্রজাদিগকে নাগরিক বলিয়া অভিহিত করার একটা প্রচলন দেখা যায়। ১৯৪৮ খৃষ্টাব্দে ব্রিটিশ শাসনানালিটি আইন (British Nationality Act, 1948) নামে একটি আইন বিধিবদ্ধ হয়। এই আইন অনুসারে ইংলণ্ডের ও তাহার উপনিবেশ এবং ডোমিনিয়নগুলির নাগরিককে ব্রিটিশ প্রজা বা কমনওয়েলথ নাগরিক (Commonwealth citizens) রূপে আখ্যা দেওয়া হইয়া থাকে। এই আইন বলে যে-কোন কমনওয়েলথের সভ্যরাষ্ট্রের নাগরিক যুক্তরাজ্য বা উপনিবেশে থাকাকালীন ব্রিটিশ প্রজা বলিয়া অভিহিত হন। কিন্তু স্বদেশে থাকাকালে তাহারা যুক্তরাজ্যের নাগরিকরূপে অভিহিত হন না। আবার বিদেশী বা alien এবং নাগরিক এই দুই শ্রেণীর অন্তর্ভুক্ত নয় এমন লোকদের বলা হয় স্বজাতীয় (national)।

পূর্ণ নাগরিক, অসম্পূর্ণ
নাগরিক, বিদেশী এবং
প্রজা এই চারটি
শ্রেণীতে জনসমষ্টিকে
ভাগ করা হয়।

উদাহরণস্বরূপ বলা যায় যে মার্কিন যুক্তরাষ্ট্রের প্রতি যাহারা আনুগত্য স্বীকার করেন তাহারা ই মার্কিন যুক্তরাষ্ট্রের স্বজাতীয়, কিন্তু ইহাদের মধ্যে সকলেই মার্কিন যুক্তরাষ্ট্রের নাগরিক নহেন। ভারতবর্ষের ক্ষেত্রেও ইহা প্রযোজ্য। ১৯৫০

খৃষ্টাব্দে বিদেশী রাষ্ট্র-সম্পর্কিত ঘোষণা (The Declaration as to Foreign States Order, 1950) দ্বারা কমনওয়েলথের সভ্যরাষ্ট্রগুলির নাগরিকেরা

ভারতে অবস্থানকালে বিদেশী নয়। কারণ, কমনওয়েলথের সভ্যরাষ্ট্রগুলিকে ভারত বিদেশী রাষ্ট্র বলিয়া গণ্য করে না।

রাষ্ট্রগঠনে জনসমষ্টির প্রয়োজন, কিন্তু কতসংখ্যক লোক লইয়া রাষ্ট্র গঠিত হইবে তাহার কোন প্রচলিত বিধি নাই। প্রাচীন কালে গ্রীক ও রোমকগণ ক্ষুদ্র ক্ষুদ্র নগর-রাষ্ট্রে বাস করিত; তাই এ্যারিস্টটল, রুশো প্রভৃতি

দার্শনিকেরা স্মশাসনের জন্ম নির্দিষ্টসংখ্যক জনসাধারণের কত লোক লইয়া রাষ্ট্র নির্দেশ দিয়াছিলেন। পূর্বে দশ হাজার জনসংখ্যাকে হইবে তাহার কোন কাম্য বলিয়া মনে করা হইত। কিন্তু বর্তমানে এই সকল বিধি নাই।

মতবাদ পরিত্যক্ত হইয়াছে। বর্তমানে যুক্তরাষ্ট্রীয় শাসনব্যবস্থা, বিকেন্দ্রীয়করণ প্রভৃতি চালু হওয়ায় চল্লিশ কোটি জনসাধারণ লইয়া রাষ্ট্র গঠিত হইলেও কাম্য জনসংখ্যা মনে করা যায়। সুতরাং দেখা যায় জনসংখ্যার পরিমাণের উপরই একমাত্র স্মশাসন নির্ভর করে না। জনসংখ্যার প্রয়োজনীয় আর্থিক সম্পদ দেশের আছে কিনা তার উপরও জনসংখ্যা কাম্য, কি অকাম্য নির্ভর করে। উদাহরণস্বরূপ বলা যায় যে, বেলজিয়াম, সুইজারল্যান্ড প্রভৃতি রাষ্ট্রে অল্পসংখ্যক জনসমষ্টি লইয়া রাষ্ট্র গঠিত এবং স্মশাসিত হইতেছে। আবার ভারত, চীন, রুশিয়া ও মার্কিন যুক্তরাষ্ট্র প্রভৃতি দেশে বিরাট জনসংখ্যা থাকা সত্ত্বেও স্মশাসন প্রতিষ্ঠিত হইয়াছে। অতএব সরকারের গঠনপ্রণালী, দেশের অর্থনৈতিক অবস্থা ও জনসংখ্যার পরিমাণ প্রভৃতির পরিপ্রেক্ষিতে কাম্য জনসংখ্যার বিচার করা প্রয়োজন। বর্তমানে কাম্য জনসংখ্যার ধারণার অনেক পরিবর্তন হইয়াছে।

(২) রাষ্ট্রের ভূভাগ (Territory of the State) : শুধু জনসমষ্টি দ্বারা একটি রাষ্ট্র গঠিত হয় না। সংঘবদ্ধ জনসমষ্টি যদি সংঘবদ্ধভাবে ঘুরিয়া বেড়ায়, তাহা হইলে রাষ্ট্র গঠিত হয় না। যাযাবরেরা রাষ্ট্র গঠন করিতে পারে না। এই কারণেই যতক্ষণ পর্যন্ত না জনসমষ্টি নির্দিষ্ট ভূখণ্ডের অধিকারী হয়, ততক্ষণ পর্যন্ত রাষ্ট্র গঠিত হয় না। তাই যাযাবরদের কোন রাষ্ট্র নাই। জনসমষ্টি স্থায়ীভাবে কোন ভূখণ্ডে বাস করিলে রাষ্ট্র গঠিত হয়।

উদাহরণ হিসাবে যাযাবরদের ধরা যায়। পূর্বে ইহুদিরা সারা পৃথিবীতে ছড়াইয়া ছিল। ইহারা যখন প্যালেস্টাইনে স্থায়ীভাবে বাস করিতে আরম্ভ করিল তখনই রাষ্ট্র প্রতিষ্ঠিত হইল। সমাজ-বিবর্তনের ইতিহাস পর্যালোচনা করিলে দেখা যায় যে, সমাজ-বিবর্তনের শিকারের

যুগে ও পশুপালনের যুগে রাষ্ট্র গড়িয়া উঠে নাই। কারণ, এই দুই স্তরেই মানুষ ছিল যাযাবর। রাষ্ট্র গড়িয়া উঠিল সেই স্তরে যখন মানুষ কৃষিকার্য শুরু করিয়া একটি নির্দিষ্ট ভূখণ্ডে স্থায়ীভাবে বসবাস করিতে আরম্ভ করিল। এই কারণে রাষ্ট্র ও ভূমির মধ্যে ওতপ্রোতভাবে সম্পর্ক গড়িয়া উঠিয়াছে। এই কারণেই রাষ্ট্রের বৈশিষ্ট্য নিরূপণ প্রসঙ্গে গেটেল বলেন যে ভূমিগত সার্বভৌমিকতা (territorial sovereignty) ও রাষ্ট্রের সীমানা বর্তমান রাষ্ট্রচিন্তার সহিত বিশেষভাবে সম্পর্কিত।

নির্দিষ্ট ভূভাগ বলিতে একটি নির্দিষ্ট ভৌগোলিক সীমা বুঝায়। কিন্তু এই নির্দিষ্ট ভূখণ্ড বলিতে শুধু ভূমির উপরিভাগকেই বোঝায় না, ইহা এক ব্যাপক অর্থে ব্যবহৃত হয়। রাষ্ট্রের অন্তর্গত সমস্ত ভূমিতল, নদনদী, ভূগর্ভস্থ সমুদ্র পদার্থ, আকাশপথ, গিরিপর্বত, এবং সাধারণতঃ তিন মাইল পর্যন্ত সমুদ্রোপকূল প্রভৃতি রাষ্ট্রের অন্তর্ভুক্ত হয়।

উপরিউক্ত রাষ্ট্রান্তর্গত জলস্থল, অন্তরীক্ষ সম্বন্ধে বিস্তৃত আলোচনা প্রয়োজন; কারণ বর্তমানে রাষ্ট্রান্তর্গত ভূমি সম্বন্ধে ধারণা অনেক বদলাইয়াছে। যেমন উপকূলবর্তী সমুদ্রের কিছু অংশ (territorial waters) ঐ রাষ্ট্রের সীমানার মধ্যে ধরা হয়। কিন্তু সমুদ্রের কত মাইল পর্যন্ত রাষ্ট্রান্তর্গত হইবে তাহা এখনও নির্ধারিত হয় নাই। এই প্রসঙ্গে আন্তর্জাতিক আইনবিদ ড্রায়ারলি বলেন যে, দূরত্ব উপকূল সীমারেখা হইতে ১২ মাইল পর্যন্ত বিস্তৃত হওয়াই যুক্তিযুক্ত। সমুদ্রের নিম্নতম জল-রেখা (low water mark) হইতে তিন মাইলের অধিক সমুদ্রের যে-অংশের উপর এইরূপ বিশেষ অধিকার দাবি করা হয় তাহাকে বলে সংলগ্ন অঞ্চল ("Contiguous Zone")। ব্যবসা-বাণিজ্য সংক্রান্ত নিয়মকানুনাদি অক্ষুণ্ণ রাখিবার জন্য সংলগ্ন অঞ্চলের অধিকারকে স্বীকার করিয়া লওয়া হইয়াছে।

আবার, রাষ্ট্রের সীমা শুধু জল ও স্থলের মধ্যেই সীমাবদ্ধ নয়। রাষ্ট্রের উপরিভাগে যে বায়ুমণ্ডল রহিয়াছে তাহার উপর সংশ্লিষ্ট রাষ্ট্রের সার্বভৌম ক্ষমতা রহিয়াছে। সুতরাং অপর কোন রাষ্ট্রকে সংশ্লিষ্ট রাষ্ট্রের বায়ুমণ্ডলের উপর দিয়া যাতায়াত করিতে হইলে উক্ত রাষ্ট্রের আদেশ লইতে হইবে। অবশ্য বর্তমানে

বর্তমানে স্পুটনিকের যুগে ধারণার পরিবর্তন হইয়াছে

স্পুটনিকের যুগে এই অধিকার বহু পরিমাণে খর্ব হইয়াছে -

এবং বায়ুমণ্ডল সম্পর্কে আন্তর্জাতিক নিয়ন্ত্রণ-প্রতিষ্ঠানও প্রচেষ্টা চলিতেছে।

কত লোক লইয়া রাষ্ট্র গঠিত হইবে ইহার কোন নির্দিষ্ট কোন সংখ্যা স্থির হয় নাই, সেইরূপ রাষ্ট্রের ভূখণ্ডের আয়তনেরও কোন নির্দিষ্ট সীমা স্থিরীকৃত হয় না। প্রাচীন গ্রীকদের রাষ্ট্র ছিল ক্ষুদ্র। আবার রোমানদের সাম্রাজ্য ছিল বিরাট। আধুনিক কালের ধারণা হইল যে, প্রাকৃতিক সীমা ও ভৌগোলিক অবস্থার দ্বারা রাষ্ট্রের ভূখণ্ডের সীমা নির্ধারিত হওয়া উচিত। এই ক্ষেত্রে একটি কথা স্মরণ রাখা প্রয়োজন যে, রাষ্ট্রের প্রাধান্য ও মর্যাদা সব সময়েই এই ভূখণ্ডের আয়তনের উপর নির্ভর করে। বর্তমান যুগে যোগাযোগ-ব্যবস্থার উন্নতি হওয়ায় বৃহদায়তন রাষ্ট্রের আবির্ভাব হইয়াছে। বৃহদায়তন ও ক্ষুদ্রায়তন রাষ্ট্র সম্বন্ধে বিভিন্ন রাষ্ট্রবিজ্ঞানী বিভিন্ন মত পোষণ করেন। নিম্নে তাহার তুলনামূলক আলোচনা করা গেল।

(১) রাষ্ট্রের আয়তন যদি বিশাল হয় এবং লোকসংখ্যাও যদি অধিক হয়, তবে তাহাকে বিশাল রাষ্ট্র বলা যায়। আর রাষ্ট্রের আয়তন যদি ক্ষুদ্র হয় এবং লোকসংখ্যাও যদি সামান্য হয়, তবে তাহাকে ক্ষুদ্র রাষ্ট্র বলা যায়। মার্কিন যুক্তরাষ্ট্রকে বিশাল রাষ্ট্রের পর্যায়ে ধরা যাইতে পারে, আর প্রাচীন গ্রীক রাষ্ট্র বা বর্তমান সুইজারল্যান্ডকে ক্ষুদ্র রাষ্ট্রের পর্যায়ভুক্ত করা যায়।

(২) রুশো ও অত্যাচার আরও অনেকে এই মত পোষণ করেন যে, ক্ষুদ্রায়তন রাষ্ট্র বৃহদায়তন রাষ্ট্র অপেক্ষা অধিকতর শক্তিশালী। বর্তমানের রাষ্ট্রগুলির তুলনামূলক বিচার করিলে রুশোর এই উক্তিকে সমর্থন করা যায় না। বর্তমানে দুইটি রাষ্ট্র—মার্কিন যুক্তরাষ্ট্র ও সোবিয়েত ইউনিয়ন আয়তনে ও লোকসংখ্যায় বিশাল। আবার বিপরীতক্রমে দেখানো যায় সুইজারল্যান্ড, ঘানা, পাকিস্তান প্রভৃতি ক্ষুদ্র রাষ্ট্রগুলি এই দুইটি রাষ্ট্রের তুলনায় দুর্বল।

(৩) প্রাচীনকালে এই ধারণা ছিল যে, ক্ষুদ্রকায় রাষ্ট্রেই গণতন্ত্র সম্ভব। কিন্তু বর্তমানে ভারতবর্ষের মতো বিরাট রাষ্ট্রে গণতন্ত্র প্রতিষ্ঠিত হইয়াছে। অবশ্য বলা যাইতে পারে যে, প্রত্যক্ষ গণতন্ত্র বৃহৎ রাষ্ট্রে সম্ভব নহে। কিন্তু পরোক্ষ গণতন্ত্র যে বৃহৎ রাষ্ট্রেও প্রতিষ্ঠিত হইতে পারে ভারতবর্ষ ও যুক্তরাষ্ট্রই তাহার সাক্ষ্য বহন করে।

(৪) পূর্বে ইউরোপের ক্ষুদ্র ক্ষুদ্র রাষ্ট্রগুলির বহু উপনিবেশ ছিল। এই উপনিবেশগুলি হইতে তাহারা সম্পদ লুণ্ঠন করিয়া নিজেদের শক্তি বৃদ্ধি করিত। ফলে আপাতদৃষ্টিতে ক্ষুদ্র রাষ্ট্রগুলিকে বৃহৎ রাষ্ট্রের তুলনায় অধিকতর

শক্তিশালী বলিয়া মনে হইত। কিন্তু বর্তমানে এই উপনিবেশগুলি স্বাধীন হইয়াছে এবং ক্ষুদ্র রাষ্ট্রগুলির শক্তি বহুল পরিমাণে খর্ব হইয়াছে।

লর্ড এ্যাকটনের মত উদ্ধৃত করিয়া বলা যায় যে, রাষ্ট্র ক্ষুদ্র হইলে রাষ্ট্রের অধিবাসীরা নানা কারণে সংকীর্ণ মনোভাব-সম্পন্ন হয়। সমাজের প্রগতি বিশেষভাবে ব্যাহত হয় এবং এই ধরনের রাষ্ট্রে ব্যক্তি-স্বাধীনতা রক্ষা করাও কঠিন। জার্মান দার্শনিক ট্রিটস্কে বলেন : রাষ্ট্রের ক্ষুদ্রত্ব রাষ্ট্রের পাপেরই প্রতীক ("it is a sin for the state to be small")।

বর্তমান যুগের গতি হইল শক্তির দিকে। যেদিকে শক্তি সেইদিকেই গতি। বর্তমান রাজনীতির ক্ষেত্র দুই শিবিরে বিভক্ত। একদিকে বিশাল মার্কিন যুক্তরাষ্ট্র আর অপরদিকে সোভিয়েত ইউনিয়ন। ইহারা উভয়েই আয়তন ও জনসংখ্যার দিক দিয়া বিশেষ শক্তিশালী। এই দুই রাষ্ট্রশক্তির কবল হইতে ক্ষুদ্র রাষ্ট্রগুলির পক্ষে স্বাভাবিক বজায় রাখা কঠিন। ফলে ক্ষুদ্র ক্ষুদ্র রাষ্ট্রগুলি আঞ্চলিক জোট বাঁধিয়া বা যুক্তরাষ্ট্রের প্রতিষ্ঠা করিয়া নিজেদের অস্তিত্ব বজায় রাখে।

(৩) সরকার বা রাষ্ট্রের শাসনযন্ত্র (Government of the State) : নাবিকহীন পোত যেমন অচল, শাসনযন্ত্রহীন রাষ্ট্রও তেমন বিচ্ছিন্ন জনসমষ্টি ছাড়া আর কিছুই নহে। রাষ্ট্রের প্রধান বৈশিষ্ট্য হইল ইহার শাসন-যন্ত্র। এই শাসনযন্ত্রের মাধ্যমেই রাষ্ট্র কার্যকরী করে তার মহান উদ্দেশ্যকে। এই শাসনযন্ত্রই হইল রাষ্ট্রের কর্ণধার। মানুষ যখন যাযাবর ছিল তখন রাষ্ট্রের জন্ম হয় নাই। রাষ্ট্রের জন্ম হইয়াছে তখনই, যখন বিচ্ছিন্ন মানুষ সুসংবদ্ধ হইয়াছে। মানুষকে সুসংবদ্ধ করিয়াছে এই শাসনযন্ত্র। শাসনযন্ত্র হইল রাষ্ট্রের একটি বিশেষ শক্তি। রাষ্ট্র ও শাসনযন্ত্র এমনভাবে মিশিয়া আছে যে অনেক রাষ্ট্রবিজ্ঞানী রাষ্ট্রকে সরকার হইতে পার্থক্য করেন নাই। এই সকল রাষ্ট্র-বিজ্ঞানীদের মধ্যে হব্‌সের (Hobbes) নাম উল্লেখ করা যায়।

আবার যাহারা রাষ্ট্রযন্ত্র পরিচালনা করেন তাঁহাদিগকেই শাসক বলা হয়। অর্থাৎ যে সকল ব্যক্তি সার্বভৌম ক্ষমতা ব্যবহার করেন তাঁহাদিগকেই শাসক বলা হয়। শাসনযন্ত্রের সাধারণতঃ তিনটি বিভাগ আছে; যথা, ব্যবস্থা-বিভাগ, শাসনবিভাগ ও বিচারবিভাগ। এই তিন বিভাগের কর্তৃত্ব সমষ্টিতে লইয়াই রাষ্ট্রের শাসনযন্ত্র গঠিত হয়। আবার সাধারণ নির্বাচকদিগকেও শাসকগোষ্ঠীর অন্তর্ভুক্ত করা হয়। কারণ, রাষ্ট্রের সার্বভৌম ক্ষমতা যাহারা

ব্যবহার করেন তাঁহাদের নির্বাচন করার সম্পূর্ণ ক্ষমতা ইহাদের হাতে।

ইতিপূর্বে বলা হইয়াছে যে, রাষ্ট্র স্বন্দ-মীমাংসার ভূমিকায় অবতীর্ণ হয়। রাষ্ট্র সামাজিক সম্পর্কে নিয়ন্ত্রিত করিয়া সমাজে শৃঙ্খলা বজায় রাখে। রাষ্ট্র রাষ্ট্রের সমগ্র অধিবাসীদের মঙ্গল বিধান করে এবং সকল ব্যক্তির মধ্যে যে স্বার্থের সংঘাত সৃষ্টি হয় তাহার মীমাংসা করে। আবার স্বরাষ্ট্রের সহিত অগ্ন্যস্ত্র রাষ্ট্রের সম্বন্ধ নির্ধারণ করে। কিন্তু রাষ্ট্র শুধু একটি তত্ত্বগত ধারণা কিনা, এই লইয়া মতবিরোধ থাকিলেও, বাস্তব দৃষ্টিতে সরকারই যে রাষ্ট্র, ইহা স্বীকার করিতে হইবে। সরকারের মধ্যেই রাষ্ট্র মূর্ত হইয়া উঠে। অবশ্য, এই মতবাদ সকলে স্বীকার করেন না।

(৪) রাষ্ট্রের সার্বভৌমিকতা (Sovereignty of the State) : রাষ্ট্রের উপাদানগুলির মধ্যে সর্বপ্রধান উপাদান হইল ইহার সার্বভৌম ক্ষমতা। রাষ্ট্রের উদ্দেশ্য সাধন করিতে হইলে রাষ্ট্রকে একটি অপ্রতিহত ক্ষমতার অধিকারী হইতে হইবে। এই চূড়ান্ত, অপ্রতিহত ক্ষমতাকেই বলা হয় রাষ্ট্রের সার্বভৌম ক্ষমতা। আবার এই ক্ষমতা শুধু আভ্যন্তরীণ ক্ষমতা নহে, বহিঃ-শক্তির অধীনতা পাশ হইতে মুক্ত অবস্থা বুঝাইবার জ্ঞাতও এই 'সার্বভৌম ক্ষমতা' কথাটি ব্যবহার করা হয়। এই ক্ষমতার বলে রাষ্ট্র রাষ্ট্রের অন্তর্গত

রাষ্ট্র সার্বভৌম
ক্ষমতার মালিক

সকল জনসাধারণের নিকট হইতে একক ও পূর্ণ আনুগত্য দাবি করিতে পারে। এই ক্ষমতাবলে রাষ্ট্র রাষ্ট্রান্তর্গত অগ্ন্যস্ত্র সামাজিক প্রতিষ্ঠানগুলির উপরও প্রভুত্ব করে।

রাষ্ট্রের মধ্যে এমন অস্ত্র কোন শক্তি থাকিতে পারে না, যে শক্তি রাষ্ট্রের কোন কার্যকে অবৈধ বলিয়া অমান্য করিতে পারে। রাষ্ট্রের এই আভ্যন্তরীণ ক্ষমতাকে আভ্যন্তরীণ সার্বভৌমিকতা (Internal Sovereignty) বলা হয়। আবার আভ্যন্তরীণ সার্বভৌমিকতার অধিকারী রাষ্ট্র যদি বাহ্যিক সার্বভৌমিকতার অধিকারী হয় তবে সে রাষ্ট্র অস্ত্র রাষ্ট্র কর্তৃক নিয়ন্ত্রিত হয় না। রাষ্ট্রের এই বহিঃশক্তির নিয়ন্ত্রণ হইতে মুক্ত অবস্থাটিও রাষ্ট্রের সার্বভৌম ক্ষমতার অপর একটি প্রকাশ। এই অংশটিকে বলা হয় বাহ্যিক সার্বভৌমিকতা (External Sovereignty)।

কিন্তু আবার এমন কতকগুলি রাষ্ট্র আছে ; যেমন,—কানাডা, অস্ট্রেলিয়া প্রভৃতি যেগুলি আভ্যন্তরীণ ব্যাপারে সম্পূর্ণ স্বাধীন ও সার্বভৌম এবং

বৈদেশিক ব্যাপারেও ইহারা প্রায় সম্পূর্ণরূপে ইংলণ্ডের শাসনপাশ হইতে মুক্ত। এই রাষ্ট্রগুলিকে রাষ্ট্রপদবাচ্য করা যায়। এই প্রসঙ্গে বিশ্লেষণ করিবার জন্ত গার্গার স্পষ্ট করিয়াই বলিয়া দিয়াছেন যে, বহিঃনিয়ন্ত্রণ হইতে সম্পূর্ণরূপে অথবা প্রায় অনুরূপভাবে মুক্ত হইলেই তাহাকে রাষ্ট্র বলা যায়।

উপসংহারে বলা যায়, বর্তমান যুগে কোন রাষ্ট্রই বহিঃশক্তির নিয়ন্ত্রণ-মুক্ত নয়। কেহ কেহ বলেন বিশ্ব আজ দুই শিবিরে বিভক্ত; এক শিবিরের পরিচালনা করে মার্কিন যুক্তরাষ্ট্র আর এক শিবিরের পরিচালনা করে সোভিয়েত ইউনিয়ন। এই সকল লেখকের মতে এই বিশ্ব আজ দুই শিবিরে বিভক্ত দুইটি রাষ্ট্র ছাড়া অপরাপর রাষ্ট্রগুলি এই দুইটি রাষ্ট্রের কোন-না-কোন একটির দ্বারা নিয়ন্ত্রিত। এই সকল লেখকের মতামুসারে রাষ্ট্রের সার্বভৌমিকতা বহুলাংশে নিয়ন্ত্রিত। আবার দ্বিতীয় বিশ্বযুদ্ধের পর সম্মিলিত জাতিপুঞ্জ সংগঠনের পর রাষ্ট্রের সার্বভৌমিকতা বহুলাংশে ধ্বংস হইয়াছে। যাহারা এই সম্মিলিত জাতিপুঞ্জের সভ্য তাহাদের বৈদেশিক নীতি সম্মিলিত জাতিপুঞ্জের নিয়ন্ত্রণাধীন। অতএব দেখা যায়, অধ্যাপক গার্গারের সংজ্ঞামুসারে রাষ্ট্র উপরোক্ত চারটি উপাদানের সমবায় গঠিত একটি সামাজিক সংগঠন বটে; কিন্তু এই উপাদানগুলির প্রকৃতি পরিবর্তিত হইয়াছে।

রাষ্ট্র ও সরকার (State and Government) : রাষ্ট্রের ধারণা নাধারণতঃ তত্ত্বগত। রাষ্ট্রের বাস্তব রূপ প্রকাশ পায় সরকারের মাধ্যমে। সেইজন্য রাষ্ট্র ও শাসনযন্ত্র প্রায় প্রতিশব্দ হিসাবে ব্যবহৃত হয়। প্রাচীন কালের রাষ্ট্রবিজ্ঞানিগণ রাষ্ট্র ও সরকারের মধ্যে কোন পার্থক্য নির্দেশ করেন নাই। হব্‌স্‌ তাঁহার ‘লেভায়াথান’ গ্রন্থে ‘রাষ্ট্র’ ও ‘সরকার’ শব্দ দুইটিকে একই অর্থে ব্যবহার করিয়াছেন। ফরাসী সম্রাট চতুর্দশ লুই বলিয়াছিলেন, “আমিই রাষ্ট্র” (I am the State)। কিন্তু রাষ্ট্রবিজ্ঞানের সংজ্ঞা হিসাবে এই দুইটি শব্দের অর্থ সম্পূর্ণ পৃথক। রাষ্ট্র ও সরকারের মধ্যে যে সকল বাস্তব প্রভেদ আছে তাহা নিম্নে দেওয়া গেল :

(১) রাষ্ট্র হইল সার্বভৌম ক্ষমতা-সম্পন্ন ও নির্দিষ্ট ভূখণ্ডের অধিকারী— মুক্ত সংগঠিত জনসমষ্টি যাহার একটি শাসনযন্ত্র থাকিবে; অর্থাৎ, রাষ্ট্র হইল নির্দিষ্ট ভূখণ্ডের অধিকারী, বহিঃশাসন হইতে মুক্ত, সংগঠিত জনসমাজ।

আর সরকার হইল এই রাষ্ট্রের একটি বস্তুবিশেষ, যাহার মাধ্যমে রাষ্ট্র তাহার উদ্দেশ্যকে কার্যকরী করে।

(২) রাষ্ট্র গঠিত হয় দেশের সমগ্র জনসমষ্টি লইয়া। আর সরকার গঠিত হয় অল্পসংখ্যক লোক লইয়া। রাষ্ট্রের শাসনকার্য পরিচালনার কার্যে যাহারা নিযুক্ত থাকে অর্থাৎ, আইনসভার সদস্য, শাসনবিভাগীয় কর্মচারী ও বিচারবিভাগীয় কর্মচারীদের লইয়া শাসনযন্ত্র গঠিত হয়। এইদিক দিয়া বিচার করিলে রাষ্ট্র সরকার অপেক্ষা ব্যাপকতর।

(৩) রাষ্ট্র একটা নির্দিষ্ট ভূখণ্ডে সীমাবদ্ধ আর সরকার বলিতে কোন ভূখণ্ডকে বোঝায় না।

(৪) রাষ্ট্র একটি চিরন্তন প্রতিষ্ঠান ; কিন্তু সরকার চিরন্তন নয়। আজ গণতান্ত্রিক সরকার আছে, কালই হয়ত স্বৈরতান্ত্রিক সরকার প্রতিষ্ঠিত হইতে পারে। অবশ্য, রাষ্ট্রও যখন অপর কোন রাষ্ট্র দ্বারা বিজিত হয় তখন আর সে রাষ্ট্র থাকে না। অতএব রাষ্ট্রকেও চিরন্তন বলা চলে না।

(৫) রাষ্ট্র চারিটি উপাদান লইয়া গঠিত ; যথা,—জনসমষ্টি, নির্দিষ্ট ভূভাগ, শাসনযন্ত্র ও সার্বভৌম ক্ষমতা। এই চারিটি উপাদানের মধ্যে সরকার হইল একটি। অতএব সরকার রাষ্ট্রের একটি অংশ মাত্র। অংশ যেমন কখনই সমগ্রের সমান হইতে পারে না, তেমনি সরকারও রাষ্ট্রের সমান হইতে পারে না।

(৬) রাষ্ট্রের কোন বাস্তব রূপ নাই। রাষ্ট্র হইল একটি মনঃকল্পিত ধারণামাত্র। কিন্তু সরকারের একটি বাস্তব রূপ আছে।

(৭) সরকারের মধ্যেই রাষ্ট্র মূর্ত হইয়া উঠে। রাষ্ট্রের বিরুদ্ধে রাষ্ট্রের অধিবাসীদের কোন অভিযোগ থাকিতে পারে না। সরকারের বিরুদ্ধে তাহাদের অভিযোগ থাকিতে পারে।

(৮) অধ্যাপক গার্নার রাষ্ট্রকে জীবদেহ ও যৌথ প্রতিষ্ঠানের সহিত তুলনা করিয়াছেন। রাষ্ট্রকে জীবদেহ মনে করিলে সরকার হয় উহার মস্তিষ্ক। মস্তিষ্কের পরিচালনায়ই রাষ্ট্র পরিচালিত হয়। যদিও মস্তিষ্কদ্বারা মানুষ পরিচালিত হয় তথাপি মস্তিষ্ক বলিতে যেমন সমগ্র মানুষটিকে বোঝায় না, সেইরূপ রাষ্ট্রযন্ত্র শব্দটির দ্বারা সমগ্র রাষ্ট্রসংজ্ঞাটির সম্যক পরিচয় পাওয়া যায় না।*

* The Government is an essential element or mark of the state, but it is no more the state itself than the brain of an animal is itself the animal, or the board of directors of a Corporation is itself the Corporation."—Garner.

(৯) আবার রাষ্ট্রকে যৌথ ব্যবসায় প্রতিষ্ঠান বলিয়া মনে করা হইলে, সরকারকে ইহার পরিচালকমণ্ডলী বলিয়া গণ্য করিতে হইবে। পরিচালক-মণ্ডলীর নির্দেশে যেমন যৌথ ব্যবসায় প্রতিষ্ঠান পরিচালিত হয়, তেমনি সরকারের নির্দেশে রাষ্ট্র পরিচালিত হয়। এক্ষেত্রেও পরিচালকমণ্ডলীকে যৌথ ব্যবসায়ের সবকিছু মনে করিলে ভুল হইবে।

উপসংহারে বলা যায় যে, রাষ্ট্র চিরন্তন নয়। এমন এক সময় ছিল যখন রাষ্ট্র ছিল না। সমাজবিবর্তনের এক বিশেষ স্তরে যখন সমাজ শোষক ও শোষিত এই দুই শ্রেণীতে বিভক্ত হইয়া পড়িল তখনই রাষ্ট্রের উদ্ভব হইল।* শ্রেণীবিভক্ত সমাজে রাষ্ট্র দ্বন্দ্ব-মীমাংসার ভূমিকায় অবতীর্ণ হয় এবং ইহা আর্থিক প্রতিপত্তিশালীদের যন্ত্ররূপ কাজ করিয়া বিস্তারিতদের স্বার্থ সংরক্ষণ করে। আবার সমাজের অর্থনৈতিক সম্পর্ক যখন পরিবর্তিত হয়, যখন একশ্রেণীর স্থলে আর একশ্রেণী শক্তিশালী হইয়া দাঁড়ায় তখন রাষ্ট্র-কাঠামোও পরিবর্তিত হয়। যেমন রুশিয়ায় সামন্ততান্ত্রিক সম্পর্ক পরিবর্তিত হইয়া যখন সমাজতান্ত্রিক সমাজ-সম্পর্ক স্থাপিত হইল তখন রাষ্ট্র-কাঠামোও পরিবর্তিত হইল। অবশ্য, কেহ কেহ বলেন রাষ্ট্র পরিবর্তিত হয় না, শুধু রাষ্ট্রের রূপ বদলায়। কেহ কেহ আবার এইরূপ পরিবর্তনকেই রাষ্ট্রের পরিবর্তন বলিয়া ধরিয়া লন। রাষ্ট্র যদি পরিবর্তিত হয় সরকারও পরিবর্তিত হয়। অবশ্য, রাষ্ট্র অপরিবর্তিত থাকিয়াও সরকারের পরিবর্তন হইতে পারে; যেমন, মার্কিন যুক্তরাষ্ট্রের রিপাবলিকান দলের সরকারের পরিবর্তে গণতান্ত্রিক দলের সরকার গঠিত হইতে পারে। কিন্তু, ল্যান্সি বলেন, ইহার দ্বারা রাষ্ট্রের প্রকৃতি পরিবর্তিত হয় না, কারণ অর্থনৈতিক সম্পর্ক বা সামাজিক সম্পর্কে পরিবর্তন আসে না।

আবার রাষ্ট্রকে অবিদ্যমান বলাও ভুল। কারণ রাষ্ট্রের অস্তিত্ব ততদিনই বজায় থাকে যতদিন রাষ্ট্র সার্বভৌমিকতার অধিকারী। এইভাবে রাষ্ট্র ও সরকারের ধারণার বহু পরিবর্তন হইয়াছে।

রাষ্ট্রের ভাবগত ও ধারণাগত রূপ (Idea vs Concept of the State) : ভাবগত ও ধারণাগত এই দুইটি দিক হইতে রাষ্ট্রসংজ্ঞার বিশ্লেষণ করা চলে।

* "There was a time when there was no state. It appears wherever and whenever a division of society into classes appears, whenever exploiters and exploited appear."—Lenin.

এই প্রসঙ্গে ব্লুন্টস্‌লি (Bluntschli) বলেন : “রাষ্ট্রের ধারণা বলিতে বোঝায় বাস্তব রাষ্ট্রগুলির প্রাকৃতিক ও অপরিহার্য গুণাগুণ ; আর রাষ্ট্রের ভাব বলিতে বোঝায় এক ক্রটিহীন ওজ্জ্বল্যপূর্ণ কল্পিত চিত্র যাহা অর্জিত হয় নাই ; কিন্তু তাহাকে অর্জন করিবার অল্প প্রয়াস চালাইয়া যাইতে হইবে।” ব্লুন্টস্‌লির এই মত-সমর্থনকারীদিগের মধ্যে বার্জেসের (Burgess) নাম বিশেষ উল্লেখযোগ্য।

ভাববাদী রাষ্ট্রবিজ্ঞানীদের মতে রাষ্ট্র বস্তুনিরপেক্ষ একটি বিমূর্ত ভাব ব্যতীত আর কিছুই নহে। হেগেলের (Hegel) মতে সংগঠনে মূর্ত হইবার পূর্বে ভাবের মধ্যেই রাষ্ট্রের অস্তিত্ব ছিল।

আবার রাষ্ট্রের উপাদানের মাধ্যমে রাষ্ট্রের বাস্তব অথবা ধারণাগত (Concept) রূপটিকে বুঝিতে পারা যায়। ইতিপূর্বে রাষ্ট্রের চারিটি উপাদানের আলোচনা করা হইয়াছে। এই উপাদানগুলির মধ্যে জনসমষ্টি ও ভূখণ্ড রাষ্ট্রের বাস্তব রূপকে প্রকাশ করে। এই দুইটি উপাদানের মধ্যে রাষ্ট্রের অস্তিত্ব মূর্ত হইয়া উঠে।

কিন্তু রাষ্ট্রের অবাস্তব বা ভাব (Idea) রূপ ইহার বাস্তব উপাদান ব্যতীত কল্পনা করা যাইতে পারে। ভাববাদী রাষ্ট্রবিজ্ঞানীদিগের মধ্যে কেহ কেহ রাষ্ট্রের এই অবাস্তব রূপকে যৌথ কারবারের সহিত তুলনা করেন।

আবার কোন কোন রাষ্ট্রবিজ্ঞানী পূর্বকল্পিত আদর্শ রাষ্ট্রের মাপকাঠিতেও রাষ্ট্রসংজ্ঞাকে বিশ্লেষণ করেন। এখানে আদর্শ রাষ্ট্র বলিতে বোঝানো হয় ভবিষ্যতে রাষ্ট্র কি প্রকারের হওয়া উচিত। অর্থাৎ ইহা হইল এক ক্রটিহীন ওজ্জ্বল্যপূর্ণ কল্পিত ভবিষ্যৎ রাষ্ট্রের চিত্র অঙ্কন এবং রাষ্ট্রের ভাবগত রূপ। এই শ্রেণীর রাষ্ট্রচিন্তাবীরদিগকে অনেকে আদর্শ রাষ্ট্রের কল্পনাকারী বলিয়া আখ্যায়িত করেন। এই সকল চিন্তা-

বীরদিগের মতে বর্তমান রাষ্ট্রগুলি ক্রটিপূর্ণ এক মানবীয় প্রতিষ্ঠান। প্রাচীন গ্রীক দার্শনিকদিগের মধ্যে কেহ কেহ এবং থমাস মুর (Thomas Moor) প্রমুখ রাষ্ট্র-চিন্তাবীরগণকে আদর্শ রাষ্ট্রের কল্পনাকারী হিসাবে গণ্য করা হয়। অবশ্য, এই আদর্শ রাষ্ট্রের কল্পনার রূপ সকল যুগেই এক-প্রকারের ছিল না।

আদর্শ রাষ্ট্রের কল্পনার
ভিত্তিতে রাষ্ট্রসংজ্ঞার
বিশ্লেষণ

প্রেটো ও এয়ারিস্টল নগর-রাষ্ট্রের (City-States) ভিত্তিতে আদর্শ রাষ্ট্রের কল্পনা করিয়াছিলেন। কিন্তু তাঁহাদের আদর্শ রাষ্ট্র ছিল ক্রটিপূর্ণ। তাঁহাদের পরিকল্পনা রাষ্ট্রের সমগ্র জনসাধারণের কল্যাণের জন্ত করা হয় নাই। গ্রীক নগর-রাষ্ট্রে যে ক্রীতদাস শ্রেণী ছিল তাহাদের স্ব-স্ববিধার কথা মোটেও ভাবা হয় নাই। শুধু মুষ্টিমেয় নাগরিকদিগের স্ব-স্ববিধার জন্তই এই আদর্শ রাষ্ট্রের পরিকল্পনা রচিত হইয়াছিল। এই কারণে, কেহ কেহ মনে করেন, তাঁহাদের আদর্শ রাষ্ট্র বাস্তবে রূপায়িত হয় নাই। এই আদর্শ রাষ্ট্র ছিল রাষ্ট্রের অবাস্তব রূপ।

রাষ্ট্রের অবাস্তব বা ভাবগত রূপের আর একটি দৃষ্টান্ত হইল বিশ্বরাষ্ট্র (World State) গঠনের কল্পনা। মহাবীর আলেকজান্ডার হইতে শুরু করিয়া হিটলার পর্যন্ত বহু বীর যোদ্ধা বিশ্বরাষ্ট্র গঠনের কল্পনা করিয়াছিলেন। ইহাদের কল্পনাকে বাস্তব রূপ দিবার জন্ত চেষ্টাও করা হইয়াছিল। কিন্তু এই সকল বীরগণের প্রচেষ্টা ফলবতী হয় নাই, কারণ ইহাদের প্রচেষ্টা ছিল শক্তি-নির্ভর। বাহুবলে বিশ্বরাষ্ট্র প্রতিষ্ঠার ছায় কল্যাণরূপী আদর্শ রাষ্ট্র স্থাপিত হইতে পারে না।

অষ্টাদশ ও উনবিংশতি শতাব্দীতে জাতীয়তাবোধ তীব্রতর আকার ধারণ করে। ‘এক জাতি এক রাষ্ট্র’—এই ছিল রাষ্ট্রসৃষ্টির পশ্চাতে একমাত্র আদর্শ। এই আদর্শের ভিত্তিতে বহু রাষ্ট্রও সৃষ্টি হইয়াছে। কিন্তু জাতিগত বৈষম্যের জন্ত বিভিন্ন জাতি আত্মঘাতী যুদ্ধে লিপ্ত হইয়াছে। ফলে বিশ্ব-রাষ্ট্রগঠনের প্রয়াস স্তিমিত হইয়াছে। বিশ্বরাষ্ট্রগঠনের প্রয়াস আবার শুরু হইয়াছে বর্তমান যুগে। বর্তমানের মানুষ জাতিগত বৈষম্যের কুফল উপলব্ধি করিতে পারিয়াছে। বর্তমানে জাতিসংঘের মাধ্যমে একটি আদর্শ আন্তর্জাতিক পরিবার (Family of Nations) গঠন করিবার চেষ্টা চলিতেছে। কিন্তু এই কল্পনা এখনও বাস্তবে পরিণত হয় নাই। ইহাও রাষ্ট্রের অবাস্তব রূপ।

রাষ্ট্রের বাস্তব বা ধারণাগত রূপের একটি উদাহরণ হইল রাজা কর্তৃক শাসিত রাষ্ট্র। এই রাষ্ট্র বংশানুক্রমিক শাসন-ব্যবস্থার (Dynastic State) ভিত্তির উপর প্রতিষ্ঠিত। উদাহরণস্বরূপ বলা যায়, ইংলণ্ড, নেপাল, ইথিওপিয়া প্রভৃতি রাষ্ট্রগুলি শাসিত হয় বংশানুক্রমিক শাসন-ব্যবস্থার ভিত্তিতে, রাজা বা রাণী কর্তৃক। এই সকল রাষ্ট্রের আইনগত

সার্বভৌম হইতেছেন এই সকল রাষ্ট্রের রাজত্ববর্গ। অবশ্য, বর্তমানে পার্লামেন্টারী (Parliamentary) গণতন্ত্র প্রবর্তিত হইবার ফলে অনেক রাজা শুধু নিয়মতান্ত্রিক শাসনকর্তা হিসাবেই শাসন করিয়া থাকেন।

উপসংহারে বলা যায়, রাষ্ট্রের ভাবগত (Idea) ও ধারণাগত (Concept) রূপের মধ্যে পার্থক্য খুবই কম। এই প্রসঙ্গে ডাঃ গার্নার বলেন : “এই সকল অতিপ্রাকৃত দার্শনিক সূক্ষ্ম বিভাগীকরণের বাস্তব মূল্য খুব কমই” (“This distinction is largely metaphysical or Philosophical and has little practical value”)। ডাঃ গার্নারের এই উক্তির সমর্থনে বলা যায়, সমাজতান্ত্রিক রাষ্ট্রের কল্পনা যখন করা হইয়াছিল তখন রাষ্ট্রের রূপ ছিল অবাস্তব কল্পনা। আর বর্তমানে রুশিয়াতে, নয়া চীনে যখন সমাজতন্ত্র প্রতিষ্ঠিত হইয়াছে, তখন বলা যায় যে, পূর্বের কল্পনা বাস্তব রূপ গ্রহণ করিয়াছে। আবার বাস্তবও যে অবাস্তবে পরিণত হয় তাহারও দৃষ্টান্ত বিরল নহে। বর্তমানে দেখা যায়, একদিন যে রাজতান্ত্রিক ও সাম্রাজ্যবাদী রাষ্ট্র ছিল বাস্তব, তাহা আজ অবাস্তবের শ্রেণীভুক্ত হইয়াছে। সাম্রাজ্যবাদ ধীরে ধীরে স্তিমিত হইয়া আসিতেছে, এবং অদূরভবিষ্যতে ইহা অতীতের ইতিহাসের বিষয় হইয়া দাঁড়াইবে। আর সমাজতান্ত্রিক রাষ্ট্র হইবে রাষ্ট্রের বাস্তব চেহারা। অতএব দেখা যায়, অতীতে যাহা বাস্তব ছিল, বর্তমানে উহা অবাস্তবে পরিণত হইয়াছে, আবার বর্তমানে যাহা অবাস্তব, ভবিষ্যতে উহা বাস্তবে রূপায়িত হইতে পারে। সুতরাং রাষ্ট্রসংজ্ঞা বিশ্লেষণের এই দুইটি দিকের মধ্যে পার্থক্য খুব কমই।

সমাজ ও রাষ্ট্র (State and Society) : প্রয়োজনের তাগিদেই মানুষ একতাবদ্ধ হয়। একজন লোকের পক্ষে তাহার সকল চাহিদা মিটানো সম্ভব নয় বলিয়া পারস্পরিক নির্ভরশীলতার ভিত্তিতে তাহাকে একসঙ্গে বাস করিতে হয়। এই একসঙ্গে বাস করার অর্থই সামাজিক শব্দটি ব্যবহৃত হয়। ঐক্যবদ্ধ ও সংঘবদ্ধভাবে বাস করিবার জন্য মানুষ বিভিন্ন সংগঠন সৃষ্টি করিয়াছে। এইরূপ বিভিন্ন সংগঠনের সমবায়কেই সমাজ আখ্যা দেওয়া হয়। আবার সমাজবদ্ধ মানুষের সহিত মানুষের বিভিন্ন প্রকারের সমাজ-সম্পর্ক স্থাপিত হয়; এবং এই সমাজ-সম্পর্ক হইতে বহু প্রকারের প্রথা, আচার, রীতিনীতি আপনা হইতেই গড়িয়া উঠে। বহু সংগঠনের সমবায়

গঠিত সমাজের অন্তর্ভুক্ত হয় আলোচ্য ‘রাষ্ট্র’ নামক সংগঠনটি। এই ‘রাষ্ট্র’ সার্বভৌম ক্ষমতার অধিকারী বলিয়া ইহা সমাজের অন্তর্গত অত্যাশ্চর্য সংগঠন অপেক্ষা বলিষ্ঠতর সংগঠন। এই বলিষ্ঠতর বিভিন্ন সংগঠনের সমবায়কেই সমাজ আখ্যা দেওয়া হয়। সংগঠনের বাহ্যিক রূপ দেখিয়া অনেকে ইহাকেই সমাজ বলিয়া ভ্রম করেন। বার্ক (Edmund Burke)

তাঁহার *Reflections on the Revolution in France*

গ্রন্থে সমাজ ও রাষ্ট্রকে এক অভিন্ন ও অবিচ্ছিন্নরূপে কল্পনা করিয়াছেন। বার্ক বলেন : “সমাজ একটি চুক্তিগত প্রতিষ্ঠান ; কিন্তু রাষ্ট্রকেও সম্প্রদায়ের সমস্ত ব্যবসায়-বাণিজ্য, সমস্ত বিজ্ঞান, সমস্ত ললিতকলা, সমস্ত সংগঠন এবং সমস্ত সার্থকতায় অংশীদারী প্রতিষ্ঠান ব্যতীত আর অশ্রু কোনরূপে গণ্য করা যায় না।” বার্কের মতে সমাজ ও রাষ্ট্রের এই অভিন্ন ব্যবস্থা মানুষের সমাজ-সংগঠনের সকল উদ্দেশ্যকে কার্যকরী করে। এই ধরনের সমাজ-সংগঠনকে সমাজ-রাষ্ট্র (Society-State) বলা যাইতে পারে। গ্রীকদের নগর-রাষ্ট্র (City-State) ছিল এই ধরনের সমাজ-রাষ্ট্র। গ্রীক দার্শনিকগণের মধ্যে অনেকেই রাষ্ট্র ও সমাজকে অভিন্নরূপে কল্পনা করিয়াছিলেন।

● বর্তমানে সমাজ ও রাষ্ট্র সম্পর্কে আর একটি নূতন ধারণা লক্ষ্য করা যায়। বর্তমানে সমাজ ও রাষ্ট্র এই দুইটি ধারণাই ‘জাতি’ (Nation) শব্দের সহিত ঘনিষ্ঠভাবে সম্পর্কযুক্ত। এই কারণে বর্তমানে কেহ কেহ সমাজকে ‘জাতীয় সমাজ’ (National Society) বলিয়া আখ্যায়িত করেন। অবশ্য, এই জাতীয় সমাজ শব্দটির দ্বারা যে সমাজকে বোঝানো হয়, তাহা দ্বারা মানুষের যে-কোন সংগঠনকে বোঝায় না। এই প্রসঙ্গে বার্ক আর এই মন্তব্য করেন যে, এই জাতীয় সমাজ শব্দটির দ্বারা কোন জাতি বা সম্প্রদায়ের অন্তর্গত স্বেচ্ছায় প্রতিষ্ঠিত সংঘের সমষ্টিকে বোঝানো হয়। বার্ক আর সমাজের সংজ্ঞা এইভাবে দিয়াছেন : “সমাজ বলিতে আমরা বুঝি কোন জাতি বা সম্প্রদায়ের অন্তর্গত স্বেচ্ছায় প্রতিষ্ঠিত সংঘের সমষ্টি” (“By society, we mean the whole sum of voluntary bodies, or associations contained in the nation.”—Barker)। জাতীয় সমাজের উদাহরণস্বরূপ বলা যায়, অর্থনৈতিক সংগঠন, ধর্মীয় সংগঠন ও সাংস্কৃতিক সংগঠন প্রভৃতি সমষ্টিগতভাবে জাতীয় সমাজ।

বর্তমানে সমাজ-রাষ্ট্রের বা নগর-রাষ্ট্রের ধারণার অনেক পরিবর্তন হইয়াছে। রাষ্ট্রকে এখন আর সমাজ বলা হয় না, বা সমাজকে রাষ্ট্র বলা

হয় না। সমাজ ও রাষ্ট্রের মধ্যে পার্থক্য স্পষ্ট হইয়া পড়িয়াছে। সমাজ ও রাষ্ট্রের মধ্যে যে সকল পার্থক্য আছে তাহা নিম্নে দেওয়া গেল :

(১) রাষ্ট্র সমাজের অন্তর্গত একটি প্রতিষ্ঠান। সমাজ নিয়ন্ত্রণ করে মানুষের সমগ্র জীবন ; আর রাষ্ট্র নিয়ন্ত্রণ করে মানুষের রাষ্ট্রনৈতিক জীবন। অতএব সমাজের তাৎপর্য রাষ্ট্র অপেক্ষা ব্যাপকতর।

(২) সমাজবিবর্তনের এক বিশেষ স্তরে রাষ্ট্রের জন্ম হয়। রাষ্ট্রসৃষ্টির বহুপূর্বেই সমাজগঠনের সূত্রপাত হয়। সমাজসৃষ্টির বহু পরে রাষ্ট্রনৈতিক প্রয়োজনের তাগিদে রাষ্ট্রের জন্ম হয়।

(৩) সরকার রাষ্ট্রের একটি প্রধান উপাদান ; কিন্তু সমাজের ঐক্য কোন শাসনযন্ত্র নাই। সরকারই রাষ্ট্রের শাসনযন্ত্র। এই সরকারের মাধ্যমেই রাষ্ট্র তার কাজ করিয়া থাকে।

(৪) ভূখণ্ড রাষ্ট্রের অপর আর একটি উপাদান ; কিন্তু সাধারণভাবে বলিতে গেলে ভূখণ্ড সমাজসংজ্ঞার সহিত বিশেষভাবে সম্পর্কযুক্ত নয়। নির্দিষ্ট কোন ভূখণ্ডকে কেন্দ্র না করিয়াও সমাজ গড়িয়া উঠিতে পারে।

(৫) রাষ্ট্রের উপাদানগুলির মধ্যে সার্বভৌমিকতা বিশেষ উল্লেখযোগ্য। সার্বভৌমিকতা ব্যতীত রাষ্ট্রের কোন অস্তিত্বই স্বীকৃত হয় না। সমাজ যদিও রাষ্ট্র অপেক্ষা ব্যাপকতর তথাপি সার্বভৌমিকতার মতো কোন উপাদান সমাজের নাই। সার্বভৌমিকতা ব্যতীতই সমাজের অস্তিত্ব স্বীকৃত হয়।

(৬) “মানুষের স্বেচ্ছায় প্রতিষ্ঠিত সংগঠনের সমষ্টিকে” বলা হয় সমাজ ; আর রাষ্ট্র হইল একটি “বিশেষ উদ্দেশ্যসাধনের জন্ত আবশ্যিক সংগঠন।” রাষ্ট্র-প্রণীত আইন বাধ্যতামূলক এবং উহা অমান্য করিলে দৈহিক শাস্তি পাইতে হয় ; কিন্তু সামাজিক রীতিনীতি ও প্রথা প্রভৃতি বাধ্যতামূলক নহে এবং উহা অমান্য করিলে সমাজ কোন দৈহিক শাস্তি দিতে পারে না।

(৭) সমাজের উদ্দেশ্য ব্যাপকতর। ইহার উৎপত্তি হয় জৈব ধর্মের প্রেরণায়। সমাজ নিয়ন্ত্রণ করে মানুষের সমগ্র জীবনকে। আর রাষ্ট্র মানুষের বহির্জীবনের আচরণ স্থির করে এবং মানুষের রাষ্ট্রনৈতিক জীবনকেই শুধু নিয়ন্ত্রণ করে : অবশ্য, উভয়ের উদ্দেশ্যই মহান্ এবং নৈতিক ভিত্তির উপর প্রতিষ্ঠিত।

(৮) অধ্যাপক ম্যাক্ আইভার বলেন যে, রাষ্ট্রকে সমাজ এবং সমাজকে রাষ্ট্র বলিয়া গ্রহণ করিলে ভুল হইবে। ম্যাক্ আইভার এই মত পোষণ

করেন যে, সমাজে যে সকল ধর্মীয় সংগঠন, সাংস্কৃতিক সংগঠন আছে তাহা রাষ্ট্র হইতে উদ্ধৃত হয় নাই। আবার সমাজ-ব্যবস্থা রাষ্ট্রের শাসনযন্ত্রের নিয়ন্ত্রণের বাইরে।

উপরে রাষ্ট্র ও সমাজের মধ্যে যে সকল পার্থক্য আছে তাহার আলোচনা করা হইয়াছে। এক্ষণে রাষ্ট্র ও সমাজের মধ্যে যে সকল সম্বন্ধ আছে তাহার আলোচনা নিম্নে করা গেল :

(১) রাষ্ট্র যদিও সমাজের অন্তর্গত একটি বিশেষ প্রতিষ্ঠান, কিন্তু সমাজের অন্তর্গত সকল প্রতিষ্ঠানের মধ্যে এই প্রতিষ্ঠানটিই একমাত্র সার্বভৌম ক্ষমতার অধিকারী। এই ক্ষমতার বলে রাষ্ট্র সকল সামাজিক সংগঠনকেই নিয়ন্ত্রণ করে। অবশ্য, সামাজিক রীতি-নীতির বিরুদ্ধে দাঁড়াইয়া রাষ্ট্র সর্বদা চলিতে সক্ষম হয় না। মানুষের রাষ্ট্রনৈতিক জীবনের উপর এই সামাজিক রীতি-নীতির প্রভাবও কম নহে। এইদিক হইতে সমাজও রাষ্ট্রকে নিয়ন্ত্রণ করে। অতএব নিঃসন্দেহে বলা চলে, উভয়ের মধ্যে সম্পর্ক অতি গভীর।

(২) অধ্যাপক বার্কারের মতে সমাজ ও রাষ্ট্রের উদ্দেশ্য একই; যদিও বিভিন্নভাবে সম্পাদিত হয়; কিন্তু ইহা নিঃসন্দেহে বলা যায় যে, উভয়েই পরস্পরের সহিত সহযোগিতার সূত্রে আবদ্ধ। অধ্যাপক ল্যাস্কি (H. J. Laski) বলেন : “রাষ্ট্র সমাজজীবনের মূলসূত্র নির্ধারণ করিতে পারে, কিন্তু রাষ্ট্র ও সমাজজীবন অভিন্ন নহে।” সামাজিক প্রতিষ্ঠানগুলিকে রাষ্ট্র প্রমোজনবোধে অবৈধ বলিয়া ঘোষণা করিতে পারে। আবার সামাজিক প্রথাগুলির উপর রাষ্ট্র শ্রদ্ধা প্রদর্শন না করিলে মানুষ রাষ্ট্র-প্রণীত আইনকে মান্য করিতে চাহিবে না। ফলে উভয়ের মধ্যে সংঘর্ষ অনিবার্য হইয়া উঠিবে। এই সংঘর্ষকে এড়াইবার জ্ঞান রাষ্ট্র ও সমাজ পরস্পর সহযোগিতার সূত্রে আবদ্ধ হয়।

(৩) অধ্যাপক ল্যাস্কি রাষ্ট্রকে মানুষের সামাজিক ও রাষ্ট্রনৈতিক ব্যবহার নিয়ন্ত্রণের যন্ত্র বলিয়া আখ্যায়িত করিয়াছেন। সমাজজীবনে মানুষের ব্যবহার রাষ্ট্রের পরিপন্থী হইতে পারে না। রাষ্ট্রের উদ্দেশ্য হইল ব্যক্তির আত্মবিকাশের পথ সুগম করিয়া তোলা। এই উদ্দেশ্যকে সাফল্য-মণ্ডিত করিতে হইলে হয়ত অনেক সময় সামাজিক কুসংস্কারগুলিকে নিয়ন্ত্রণ করিতে হয়। অবশ্য, নিয়ন্ত্রণ-ব্যবস্থা যদি ছায়াবোধের উপর ভিত্তি করিয়া গঠিত হয়, তবে উহা সমাজের উন্নতি বিধানই করিবে। আর যদি উহা

অকল্যাণকর অত্যাচারের উপর ভিত্তি করিয়া গঠিত হয়, তবে উহা উভয়ের মধ্যে সংঘর্ষকে অনিবার্য করিয়া তুলিবে।

উপসংহারে বলা যায়, সমাজের সার্বিক রূপ যদিও রাষ্ট্রের মধ্যে ধরা পড়ে না; কিন্তু সামাজিক শক্তির প্রতিকলন রাষ্ট্রের মধ্যে ধরা পড়িতে বাধ্য। একদিকে রাষ্ট্র যেমন সমাজকে নিয়ন্ত্রণ করে, তেমন আবার সামাজিক প্রেরণা, প্রথা ও ঐতিহ্য রাষ্ট্রের গতিপথ নির্দেশিত করে। রাষ্ট্রের আইন, রাষ্ট্রের প্রকৃতি প্রভৃতিকে বুঝিতে হইলে সমাজ-সম্পর্কে বুঝিতে হইবে। এই সমাজ-সম্পর্ক ধরা পড়ে রাষ্ট্রের প্রতিটি কার্যের মধ্যে। এইভাবে পারস্পরিক ক্রিয়া-প্রতিক্রিয়ার স্বন্দমূলক সম্পর্কের মধ্য দিয়াই উভয়ের প্রকাশ হইয়া থাকে। অতএব রাষ্ট্র ও সমাজকে সম্পূর্ণ পৃথকভাবে চিন্তা করা যায় না।

রাষ্ট্র ও বিভিন্ন সামাজিক সংগঠন (State and other associations) : উপরে রাষ্ট্র ও বহু সংগঠনের সম্বন্ধে গঠিত সমাজের মধ্যে মৌলিক সম্বন্ধ ও পার্থক্য সম্বন্ধে আলোচনা করা হইয়াছে। এক্ষণে সমাজের অন্তর্গত বিভিন্ন সংগঠনের সহিত রাষ্ট্রের সম্বন্ধ ও পার্থক্য সম্বন্ধে আলোচনা করা হইতেছে। এই সম্বন্ধ ও পার্থক্য সম্বন্ধে আলোচনাকালে আমাদিগকে কয়েকটি বিষয়ের দিকে লক্ষ্য রাখিতে হইবে; যথা,—এই সকল সংগঠনের **গঠনবৈচিত্র্য**, ইহাদের **উদ্ভবের ইতিহাস**, ইহাদের **ক্ষমতা**, **কার্যপদ্ধতি ও উদ্দেশ্য**। নিয়ে বিভিন্ন সামাজিক সংগঠন ও রাষ্ট্রের মধ্যে পার্থক্য ও সম্পর্ক সম্বন্ধে আলোচনা করা হইল :

(১) রাষ্ট্রের উদ্ভব হয় ঐতিহাসিক বিবর্তনের কোন এক বিশেষ স্তরে। আর সামাজিক সংগঠন জন্মলাভ করে মানুষের স্বেচ্ছামূলক পরিকল্পনার মাধ্যমে। রাষ্ট্রের প্রতি মানুষের আনুগত্য বাধ্যতামূলক। আর অত্যাচার সংগঠনের সদস্যপদ মানুষের ইচ্ছাধীন।

(২) মানুষ একযোগে বহু সংগঠনের সদস্য হইতে পারে; কিন্তু একই সময়ে সে একটির বেশী রাষ্ট্রের নাগরিক হইতে পারে না।

(৩) রাষ্ট্রের একটি নির্দিষ্ট ভূখণ্ড আছে। কিন্তু অত্যাচার সংগঠনের কোন নির্দিষ্ট ভূখণ্ডের সহিত সম্পর্ক নাও থাকিতে পারে। যেমন, রোমান চার্চ পৃথিবীব্যাপী সর্বত্রই দৃষ্ট হয়।

(৪) সামাজিক সংগঠনগুলির নির্দিষ্ট একটি উদ্দেশ্য থাকে; আর রাষ্ট্রের উদ্দেশ্য ব্যাপক ও বহুবিধ।

(৫) সামাজিক সংগঠনগুলির তুলনায় রাষ্ট্র অনেক বেশী স্থায়ী প্রতিষ্ঠান। অবশ্য, ক্যাথলিক প্রতিষ্ঠানের মতো সামাজিক প্রতিষ্ঠান শত শত রাষ্ট্রের উত্থান ও পতনের সাক্ষ্য বহন করিয়া আজও তাহার অস্তিত্ব বজায় রাখিয়াছে।

(৬) রাষ্ট্র সার্বভৌম ক্ষমতার অধিকারী। রাষ্ট্রপ্রণীত আইন সকলকেই মান্য করিতে হইবে। যাহারা রাষ্ট্রপ্রণীত আইন মান্য করিবে না, তাহাদিগকে রাষ্ট্র শাস্তি দিতে পারে। অতএব এইদিক হইতে রাষ্ট্রকে পীড়নমূলক ক্ষমতার অধিকারী বলা যাইতে পারে। অত্যাচার প্রতিষ্ঠানের আইনভঙ্গকারীকে শাস্তি দিবার ক্ষমতা নাই।

(৭) সর্বশেষে বলা যায়, অত্যাচার সামাজিক সংগঠনগুলির কার্যক্রম রাষ্ট্রের সম্মতিসাপেক্ষ, কিন্তু রাষ্ট্র কাহারো নিয়ন্ত্রণাধীন নহে।

উপসংহারে বলা যায়, রাষ্ট্র ও অত্যাচার সামাজিক সংগঠনের মধ্যে বহুবিধ পার্থক্য থাকা সত্ত্বেও ইহারা ঘনিষ্ঠ ভাবে সম্পর্কিত।

আন্তর্জাতিক ও শাসনতান্ত্রিক আইনের দৃষ্টিতে রাষ্ট্র (The State in International and Constitutional law) : আইনের দৃষ্টিতে রাষ্ট্রের একটি বিশিষ্ট রূপ প্রকাশ পায়। আবার সকল আইনই রাষ্ট্রকে একই ভাবে বিচার করে না। রাষ্ট্র বিভিন্ন আইনের দৃষ্টিতে বিভিন্ন রূপ ধারণ করে এবং বিভিন্ন ধরনের গুণাবলীর অধিকারী হয়। শাসনতান্ত্রিক আইনের দৃষ্টিতে রাষ্ট্রকে শুধুমাত্র আভ্যন্তরীণ সার্বভৌমিকতার অধিকারী হইতে হইবে ; অর্থাৎ—বহিঃশক্তির নিয়ন্ত্রণ মুক্ত হইবার প্রয়োজন নাই। আর আন্তর্জাতিক আইনের দৃষ্টিতে কোন প্রতিষ্ঠানকে রাষ্ট্র নামে আখ্যায়িত হইতে হইলে তাহাকে সর্বপ্রকারে বহিঃশক্তির নিয়ন্ত্রণ হইতে মুক্ত হইতে হইবে। আন্তর্জাতিক আইন অঙ্গারে রাষ্ট্রকে স্বতন্ত্রভাবে আন্তর্জাতিক দায়িত্ব পালন করিতে হইবে এবং অপরাপর রাষ্ট্রের সহিত সন্ধির শর্তাদি পালনের অধিকারী হইতে হইবে। আন্তর্জাতিক আইনের দৃষ্টিতে রাষ্ট্রের বর্তমান অবস্থা সম্বন্ধে গার্গারের মত এখানে উল্লেখ করা বিশেষ প্রয়োজন। ডাঃ গার্গারের মতে, “আন্তর্জাতিক আইনের দৃষ্টিতে রাষ্ট্রকে সার্বভৌম ও স্বাধীন হইতে হইবে। আন্তর্জাতিক-সম্পর্ক স্থাপন করিবার আইনসম্মত যোগ্যতার অধিকারী হইতে হইবে এবং রাষ্ট্রপুঞ্জের সদস্যবৃন্দের নিকট হইতে আন্তর্জাতিক আইন যে সকল দায়িত্ব পালন করা কর্তব্য বলিয়া দাবি করে তাহা করিবার

ইচ্ছা ও ক্ষমতা অর্জন করিতে হইবে। ইহা ছাড়া, অমুরূপ স্বীকৃতি লাভ করিয়া অস্তিত্ব রাষ্ট্রের সহিত সম-মর্যাদা-বিশিষ্ট আন্তর্জাতিক রাষ্ট্র সমাজের অন্ততম রাষ্ট্র বলিয়া গৃহীত হওয়া প্রয়োজন।”*

আন্তর্জাতিক আইনবিদ অধ্যাপক হল (Hall) রাষ্ট্রকে “বহিঃশক্তির নিয়ন্ত্রণাধীন হইতে সর্বপ্রকারে মুক্ত জনসমাজ” বলিয়া আন্তর্জাতিক আইনের দৃষ্টিতে রাষ্ট্রকে সার্ব-ভৌম ও স্বাধীন হইতে অভিহিত করিয়াছেন। অতএব দেখা যায় আন্তর্জাতিক আইনের দৃষ্টিতে সকল দেশই রাষ্ট্র-সংজ্ঞা প্রাপ্ত হয় না। আন্তর্জাতিক আইনের দৃষ্টিতে রাষ্ট্র হইতে হইলে দেশে এক উন্নত পর্যায়ের সভ্যতা থাকা চাই এবং বড় বড় রাষ্ট্র কর্তৃক স্বীকৃতি লাভ করা চাই।

সংক্ষেপে বলা যায়, আন্তর্জাতিক আইনের দৃষ্টিতে রাষ্ট্র হইতে হইলে প্রথম প্রয়োজন বহিঃশক্তির নিয়ন্ত্রণ হইতে মুক্ত অবস্থা ;

দ্বিতীয়তঃ, আন্তর্জাতিক সম্পর্ক-স্থাপনের যোগ্যতা অর্জন করা ;

তৃতীয়তঃ, আন্তর্জাতিক দায়িত্ব পালন করার ইচ্ছা ও ক্ষমতা অর্জন করা ;

চতুর্থতঃ, দেশে এক উন্নত পর্যায়ের সভ্যতা থাকার প্রয়োজনীয়তা এবং পঞ্চমতঃ, কয়েকটি বৃহৎ রাষ্ট্র কর্তৃক স্বীকৃতি লাভ করা। সম্মিলিত রাষ্ট্রপুঞ্জ কোন রাষ্ট্রকে স্বীকৃতি দিবার পূর্বে এই উপরোক্ত বিষয়গুলির অস্তিত্বের দিকে বিশেষ দৃষ্টি নিবদ্ধ করিয়া থাকেন।

অবশ্য, অনেক সময় এই সকল গুণাবলী থাকা সত্ত্বেও অনেক দেশকে সম্মিলিত জাতিপুঞ্জ (U. N.) রাষ্ট্র বলিয়া স্বীকৃতি দেয় নাই। উদাহরণস্বরূপ বলা যায়, নয়া চীনের কথা। ইহার কারণ হিসাবে বলা হইয়াছে, রুশিয়া ও মার্কিন যুক্তরাষ্ট্রের আদর্শের যুদ্ধই এইজন্ত দায়ী। নয়া চীন রুশিয়ার সমর্থক বলিয়া মার্কিন যুক্তরাষ্ট্রের সমর্থকগণ ভোটের জোরে নয়া চীনকে জাতিপুঞ্জের সদস্যপদ-প্রাপ্তিতে বাধার সৃষ্টি করিতেছে।

* “A State in the sense of International law must be a fully sovereign and independent community with a legal capacity to enter into international relations and must possess the power and will to fulfil the obligations which international law requires of all members of the family of nations.

Furthermore, it must have been recognised as such and thereby admitted to membership in the international community on a footing of equality with other nations.”—Garner.

উপসংহারে বলা যায়, বর্তমানে রাষ্ট্রসংজ্ঞার আমূল পরিবর্তন ঘটানো হচ্ছে। পূর্বে যে চারটি উপাদানে রাষ্ট্র গঠিত হইত তাহাদের মধ্যে সার্বভৌমিকতা অত্যন্ত। বর্তমানে জাতিপুঞ্জের সদস্য রাষ্ট্রসকল অনেক পরিমাণে এই সার্বভৌমিকতা স্বেচ্ছায় জাতিপুঞ্জের হস্তে সমর্পণ করিয়া রাষ্ট্রকে জাতিপুঞ্জের নিয়ন্ত্রণাধীন করিয়াছে। আবার রাষ্ট্র ভূখণ্ডের অধিকারী, কিন্তু বায়ুমণ্ডলের উপর তাহার পূর্বে যে নিয়ন্ত্রণ ছিল তাহা বৈজ্ঞানিক আবিষ্কারের ফলে অনেক পরিমাণে পরিবর্তিত হইয়াছে। বর্তমানে এক দেশের উপর দিয়া রকেটবাহী জাহাজ উড়িয়া যায়। ইহাতে বাধা দিবার শক্তি খুব কম রাষ্ট্রেরই আছে।

সম্মিলিত জাতিপুঞ্জ (U. N.), পশ্চিমবঙ্গ (The State of West Bengal) এবং নিউ ইয়র্ককে (New York) কে কি রাষ্ট্র বলা যাইতে পারে ? : (ক) সম্মিলিত জাতিপুঞ্জ (U. N.) : ইহা বহু সার্বভৌম রাষ্ট্রের মিলিত একটি আন্তর্জাতিক সংস্থা। এই প্রতিষ্ঠানের উদ্দেশ্য হইল বিশ্বের বিভিন্ন রাষ্ট্রের মধ্যে যে যুদ্ধের সম্ভাবনা দেখা দেয় তাহা প্রশমিত করা এবং বিশ্বশান্তি প্রতিষ্ঠায় সহযোগিতা করা। আর এই বিশ্বশান্তি প্রতিষ্ঠার উদ্দেশ্যে পারস্পরিক সম্প্রীতি বৃদ্ধি করাই ইহার উদ্দেশ্য।

রাষ্ট্রবিজ্ঞানীদিগের মধ্যে কেহ কেহ এই সম্মিলিত জাতিপুঞ্জ প্রতিষ্ঠানটিকে রাষ্ট্রপর্যায়ভুক্ত করেন। আবার কোন কোন রাষ্ট্রবিজ্ঞানী ইহাকে অভিভাবক রাষ্ট্র (Super State) রূপে গণ্য করেন। সাধারণ রাষ্ট্রগুলির মতো এই প্রতিষ্ঠানের আইনবিভাগ, শাসনবিভাগ, বিচারবিভাগ রহিয়াছে। আবার ইহার একটি প্রধান কর্মকেন্দ্র বা

সম্মিলিত জাতিপুঞ্জ
(U.N.) প্রকৃত রাষ্ট্র-
সংজ্ঞার পদব্যাচ্য
নহে।

রাজধানী এবং একটি কোষাগারও আছে। জাতিপুঞ্জে প্রত্যেক সদস্য রাষ্ট্রেরই কূটনৈতিক প্রতিনিধি আছে।

এই প্রতিষ্ঠান বিশ্ব-শান্তি রক্ষাকল্পে যে কোন রাষ্ট্রের বিরুদ্ধে যুদ্ধ ঘোষণা করিতে পাবে এবং যুদ্ধশেষে শান্তিচুক্তিও করিতে পারে। বর্তমানে কঙ্গোতে সম্মিলিত জাতিপুঞ্জ যুদ্ধ চালাইতেছে। আবার যুদ্ধশেষে সন্ধি স্থাপন করিবার অধিকারও ইহার আছে।

উপরোক্ত সাধারণ রাষ্ট্রের কতকগুলি বৈশিষ্ট্য থাকা সত্ত্বেও সম্মিলিত জাতিপুঞ্জকে সাধারণ রাষ্ট্রের পর্যায়ভুক্ত করা যায় না। কারণ যে কয়টি উপাদান লইয়া রাষ্ট্র গঠিত হয় তাহার কোনটিই প্রকৃতপক্ষে এই প্রতিষ্ঠানের

নাই। নিয়ে রাষ্ট্রের উপাদানগুলিকে বিশ্লেষণ করিয়া রাষ্ট্রপুঞ্জের অবস্থাটি আলোচনা করা হইল :

(১) রাষ্ট্রপর্যায়ভুক্ত হইতে হইলে একটি নির্দিষ্ট ভূখণ্ড থাকা চাই; কিন্তু রাষ্ট্রপুঞ্জের এমন কোন নির্দিষ্ট ভূখণ্ড নাই। আবার ইহার কোন নিজস্ব নাগরিকও নাই।

(২) বলা হয় যে, রাষ্ট্রপুঞ্জের অগ্রাগ্র রাষ্ট্রের স্থায় শাসনযন্ত্র আছে; কিন্তু এই শাসনযন্ত্রের বিধি-নিষেধগুলির প্রয়োগ অগ্রাগ্র সদস্য রাষ্ট্রের সম্মতি-সাপেক্ষ।

(৩) সমমর্যাদা-বিশিষ্ট সকল রাষ্ট্র নিজস্ব সার্বভৌমত্ব পরিত্যাগ না করিয়া এবং নিজস্ব স্বাধীনতা বজায় রাখিয়া সম্মিলিত জাতিপুঞ্জ গঠন করিয়াছে। ফলে ইহাকে কাজ করিতে হয় প্রত্যেকটি স্বাধীন ও সার্বভৌম রাষ্ট্রের সম্মতি লইয়া এবং তাহাদেরই মারফত। এই কারণে স্বাধীন ও সার্বভৌম ক্ষমতা-সম্পন্ন রাষ্ট্রের উপর চরমতম কোন আইনগত ক্ষমতা রাষ্ট্রপুঞ্জের নাই। কাজেই রাষ্ট্রপুঞ্জকে রাষ্ট্র বলিয়া আখ্যায়িত করা অযৌক্তিক।

(৪) রাষ্ট্রপুঞ্জের যে যুদ্ধ ঘোষণা করিবার ক্ষমতার কথা পূর্বে বলা হইয়াছে, তাহার অর্থ হইল, ইহা সদস্য রাষ্ট্রগুলিকে কোন রাষ্ট্রের বিরুদ্ধে যুদ্ধ পরিচালনা করিবার জন্ত বা যুদ্ধের মাল-মশলা সরবরাহ করিবার জন্ত সুপারিশ করিতে পারে। কিন্তু সদস্য রাষ্ট্র যে এই সুপারিশ মানিয়া লইবে, তাহা নিশ্চয় করিয়া বলা যায় না। কারণ, সদস্য রাষ্ট্রগুলি রাষ্ট্রপুঞ্জে তাহাদের সার্বভৌমিকতা সম্পূর্ণভাবে সমর্পণ করে নাই। আবার প্রত্যেক সদস্য রাষ্ট্রেরই জাতিপুঞ্জের সহিত সম্পর্ক ছেদ করিবার সম্পূর্ণ অধিকার আছে।

উপসংহারে বলা যায়, সম্মিলিত জাতিপুঞ্জ রাষ্ট্রসংজ্ঞার মর্যাদা লাভ করে নাই। ইহা সদস্য রাষ্ট্রগুলির মধ্যে বিবাদে মধ্যস্থতা করিতে পারে। কিন্তু তার এই মধ্যস্থতা সদস্য রাষ্ট্রগুলি ইচ্ছা করিলে উপেক্ষাও করিতে পারে। অর্থাৎ রাষ্ট্রপুঞ্জের এমন কোন আইনগত সার্বভৌম ক্ষমতা নাই, যাহার বলে ইহা তাহার সালিশীকে মান্ত করিতে বাধ্য করিতে পারে। আবার যাহারা রাষ্ট্রপুঞ্জকে অভিভাবক রাষ্ট্র বলেন, তাহারাও রাষ্ট্রপুঞ্জের ক্ষমতা সম্বন্ধে সন্দেহান। রাষ্ট্রপুঞ্জ হইল স্বেচ্ছায় প্রতিষ্ঠিত একটি সংঘ (voluntary association)। ইহা বিশেষ উদ্দেশ্য সাধনের জন্ত সার্বভৌম রাষ্ট্রগুলির

একটি আন্তর্জাতিক সংস্থা। পরিশেষে বলা যায় যে, রাষ্ট্রপুঞ্জের আইনগত ক্ষমতা যদিও সীমাবদ্ধ কিন্তু বর্তমানে এই সংস্থা ধীরে ধীরে প্রবলতর হইতেছে। পৃথিবীর মানুষ আজ উপলব্ধি করিতে পারিতেছে যে, এমন একটি আন্তর্জাতিক সংস্থা থাকা বাঞ্ছনীয় বাহা বিধে শান্তি স্থাপন করিবার সকল চরম ক্ষমতার অধিকারী হইয়া বিধে শান্তি রক্ষা করিতে সক্ষম হয়। এই কারণেই বিশ্বসৌভ্রাতৃত্বের আদর্শের ভিত্তিতে প্রতিষ্ঠিত বিশ্ব-সংগঠনের মাধ্যমেই বিশ্ব-শান্তি রক্ষা করা সম্ভব বলিয়া অনেক রাষ্ট্রবিজ্ঞানী মত প্রকাশ করিয়াছেন।

(খ) **পশ্চিমবঙ্গ কি রাষ্ট্র (Is the State of West Bengal a State ?)** : কোন নির্দিষ্ট অঞ্চলকে রাষ্ট্রপদবাচ্য হইতে হইলে রাষ্ট্রের গুণাবলীর অধিকারী হইতে হইবে; অর্থাৎ, জনসমষ্টি, নির্দিষ্ট ভূখণ্ড, সরকার, স্বায়িত্ব ও সার্বভৌমিকতা এই কয়টি গুণ আলোচ্য অঞ্চলের থাকা চাই। আলোচ্য পশ্চিমবঙ্গের প্রথম চারিটি বৈশিষ্ট্য আছে কিন্তু পঞ্চম বৈশিষ্ট্য; অর্থাৎ,—সার্বভৌমিকতা ইহার নাই। এই কারণে পশ্চিমবঙ্গকে রাষ্ট্রপর্যায়ভুক্ত করা যায় না। ভারতীয় সংবিধানের পশ্চিমবঙ্গ রাষ্ট্র-
পদবাচ্য নহে ইংরাজী সংস্করণে যুক্তরাষ্ট্রের অংশগুলিকে (Units) স্টেট (State) শব্দ দ্বারা তর্জমা করা হইয়াছে কিন্তু রাষ্ট্রবিজ্ঞানের

রাষ্ট্রসংজ্ঞা অনুসারে এই অঙ্গরাজ্যগুলিকে রাষ্ট্র বলা চলে না। তাই বাংলায় সংবিধানের তর্জমাকালে দেখা যায় এই অঙ্গরাজ্যগুলিকে রাষ্ট্র না বলিয়া রাজ্য বলা হইয়াছে। সুতরাং পশ্চিমবঙ্গ মূলতঃ রাষ্ট্র নহে।

আবার আভ্যন্তরীণ ব্যাপারে পশ্চিমবঙ্গের নিয়ন্ত্রণ-ক্ষমতা অর্থাৎ স্বায়ত্ত-শাসনের অধিকার থাকিলেও ইহার সার্বভৌমিকতা নাই। এই সার্বভৌমিকতা সামগ্রিক ভাবে একমাত্র কেন্দ্রীয় সরকারের অর্থাৎ ভারত রাষ্ট্রেরই রহিয়াছে। অতএব পশ্চিমবঙ্গ বা ভারতীয় যুক্তরাষ্ট্রের সকল অঙ্গরাজ্যগুলিকে রাষ্ট্র বলা চলে না।

(গ) **নিউ ইয়র্ক কি রাষ্ট্র (Is New York a State ?)** : এই প্রশ্নের উত্তর দিতে হইলে উপরোক্ত প্রশ্নের পুনরুল্লেখ করিতে হয়। মার্কিন যুক্তরাষ্ট্রের একটি অঙ্গরাজ্য হইল নিউ ইয়র্ক। মার্কিন যুক্তরাষ্ট্রে ও ভারতবর্ষে এক যুক্তরাষ্ট্রীয় শাসন-ব্যবস্থা (federal constitution) চালু আছে। অতএব যে কারণে পশ্চিমবঙ্গকে রাষ্ট্র বলা যায় না, সেই একই কারণে নিউ ইয়র্কও

রাষ্ট্রপদবাচ্য নহে। যুক্তরাষ্ট্রীয় শাসন-ব্যবস্থায় যে অঙ্গরাজ্যগুলি থাকে তাহাদের অপরাপর রাষ্ট্রগুলির সহিত স্বাধীনভাবে যুক্ত করিবার বা স্বাধীন স্থাপন করিবার ক্ষমতা থাকে না এবং অপরাপর রাষ্ট্রের সহিত কূটনৈতিক সম্পর্ক স্থাপন করিবার ক্ষমতা থাকে না। এই অঙ্গরাজ্যগুলির রাষ্ট্রিক কাঠামো থাকিলেও ইহারা যেহেতু কেন্দ্রীয় সরকারের নিয়ন্ত্রণাধীন, সেইজন্য স্বাধীন ও সার্বভৌম রাষ্ট্র হিসাবে ইহাদিগকে পরিগণিত করা যায় না।

এই প্রসঙ্গে সোভিয়েত ইউনিয়নের অঙ্গরাজ্যগুলির সহিত অত্যাশ্চর্য যুক্ত-রাষ্ট্রের অঙ্গরাজ্যগুলির কতকগুলি পার্থক্য লক্ষ্য করা যায়। সোভিয়েত ইউনিয়নের অঙ্গরাজ্যকে রাষ্ট্রপদবাচ্য করা হয়। কারণ সোভিয়েত ইউনিয়নের অঙ্গরাজ্যগুলির সার্বভৌমিকতা অনেক পরিমাণে অক্ষুণ্ণ আছে। রাষ্ট্রপুঞ্জে ইহাদের মধ্যে কোন কোন অঙ্গরাজ্যের স্বতন্ত্র প্রতিনিধি আছে এবং অপরাপর রাষ্ট্রের সহিত ইহাদের কূটনৈতিক সম্পর্ক রহিয়াছে। আবার এই অঙ্গরাজ্যগুলি ইচ্ছা করিলে সোভিয়েত ইউনিয়নের সহিত সম্পর্ক ছিন্ন করিতে পারে। এই সকল কারণে অনেকে এই অঙ্গরাজ্যগুলিকে রাষ্ট্রের মর্যাদা দিয়া থাকেন। কিন্তু ইহা সত্ত্বেও রাষ্ট্রবিজ্ঞানের সংজ্ঞাহসারে এই অঙ্গরাজ্যগুলি রাষ্ট্রপদবাচ্য নহে। কারণ প্রকৃত সার্বভৌমিকতা বলিতে যাহা বুঝায় তাহা ইহাদের নাই।

সারসংক্ষেপ

মানুষ সমাজবদ্ধ জীব। সে একা তাহার সকল চাহিদা মিটাইতে পারে না। তাই তাকে অপরের উপর নির্ভর করিতে হয়। পরস্পর-নির্ভরশীলতার ভিত্তিতে মানুষ সমাজে বাস করে। আর সমাজ-বিবর্তনের এক বিশেষ স্তরে রাষ্ট্রের জন্ম হয়।

রাষ্ট্রের উদ্দেশ্য স্বল্পে বিভিন্ন মতবাদ প্রচলিত আছে। সমাজজীবনকে হ্রস্ব ও স্থূলকরিয়াজোলাই ইহার প্রধানতম উদ্দেশ্য।

রাষ্ট্রের সংজ্ঞা সংখ্যাতীত। এই সংজ্ঞাগুলির মধ্যে সর্বাধুনিক সংজ্ঞা প্রদান করিয়াছেন ডাঃ গার্নার। ডাঃ গার্নারের সংজ্ঞা বিশ্লেষণ করিলে দেখা যায় যে, রাষ্ট্র চারিটি উপাদানে গঠিত; যথা,—(১) জনসমষ্টি, (২) নির্দিষ্ট ভূখণ্ড, (৩) শাসনব্যবস্থা বা সরকার, (৪) সার্বভৌমিকতা।

জনসমষ্টি : রাষ্ট্র হইল বহুসংখ্যক ব্যক্তি লইয়া গঠিত একটি জনসমাজ। অতএব একটি রাষ্ট্র সংগঠিত হইতে হইলে জনসমষ্টি একান্তভাবে প্রয়োজনীয়। অর্থাৎ জনসমষ্টি ব্যতিরেকে রাষ্ট্রের কল্পনা নিরর্থক।

নির্দিষ্ট ভূখণ্ড : রাষ্ট্র আকাশে সংগঠিত হইতে পারে না। ইহার গঠনের জন্য প্রয়োজন

নির্দিষ্ট একটি ভূখণ্ড। অবশ্য, এই নির্দিষ্ট ভূখণ্ডের উপরিভাগের উপর রাষ্ট্রের কর্তৃত্ব স্বীকৃত হয়। আবার এই ভূখণ্ডের কোন নির্দিষ্ট সীমা ঠিক করা নাই। ইহা ক্ষুদ্র ঐক্য রাষ্ট্রের জ্ঞানও হইতে পারে, আবার নয়া চীন ও ভারতবর্ষের জ্ঞান বৃহৎ হইতে পারে। বর্তমানের বৌক হইল বৃহৎ রাষ্ট্রের দিকে।

সরকার : কোন শাসনযন্ত্রের মাধ্যম ছাড়া কার্য পরিচালনা করা যায় না। অতএব রাষ্ট্রের কার্যপরিচালনার জন্য একটি শাসনযন্ত্রের প্রয়োজন হয়। এই শাসনযন্ত্র রাষ্ট্রের একটি অপরিহার্য উপাদান।

সার্বভৌমিকতা : ইহা হইল রাষ্ট্রের চরম ক্ষমতার নাম। সার্বভৌমিকতার দুইটি দিক আছে, যথা,—(১) আভ্যন্তরীণ চরম ক্ষমতা; (২) বাহ্যিক চরম ক্ষমতা। বর্তমানে বাহ্যিক সার্বভৌমিকতাকে ‘স্বাধীনতা’ শব্দটির দ্বারা প্রকাশ করা হয়।

সরকার ও রাষ্ট্র এক ও অভিন্ন নহে। সরকার রাষ্ট্রের অংশমাত্র। সরকারের মধ্যেই রাষ্ট্র মূর্ত হইয়া উঠে।

রাষ্ট্রবিজ্ঞানিগণ দুইভাগে রাষ্ট্রের রূপ প্রকাশ করেন :

(১) রাষ্ট্রের বাস্তব রূপ ও (২) অবাস্তব রূপ।

রাষ্ট্র ও সমাজ এক ও অভিন্ন নহে। পূর্বে অবশ্য, রাষ্ট্র ও সমাজকে এক ও অভিন্ন রূপে কল্পনা করা হইত। ঐক্য নগর-রাষ্ট্র প্রভৃতি বর্ণনার ঐক্য দার্শনিকগণ সমাজ ও রাষ্ট্রকে একই অর্থে প্রকাশ করিয়াছেন। বর্তমানের সমাজ হইল জাতীয় সমাজ। এই জাতীয় সমাজ হইল জাতি বা সম্প্রদায়ের স্বচ্ছার প্রতিষ্ঠিত সংঘের সমষ্টি। আর রাষ্ট্র হইল একটি আবৃত্তিক সংগঠন। ইহা সমাজের অন্তর্গত একটি বিশিষ্ট সংগঠন মাত্র। অবশ্য, রাষ্ট্র সার্বভৌমিকতার অধিকারী। এই সার্বভৌমিকতার বলে রাষ্ট্র সমাজের অন্তর্গত প্রতিষ্ঠানকে নিয়ন্ত্রণ করে। কিন্তু রাষ্ট্রকেও সমাজের মূলনীতিগুলিকে মান্য করিয়া চলিতে হয়। অতএব উভয়ে বিশেষভাবে সম্পর্কিত।

আন্তর্জাতিক ও শাসনতাত্ত্বিক আইনের দৃষ্টিতে রাষ্ট্রের একটি বিশিষ্ট রূপ লক্ষ্য করা যায়। শাসনতাত্ত্বিক দৃষ্টিতে কোন সংগঠনকে রাষ্ট্র বলিয়া পরিগণিত হইতে হইলে উহাকে আভ্যন্তরীণ সার্বভৌমিকতার অধিকারী হইতে হইবে। আর আন্তর্জাতিক আইনের দৃষ্টিতে রাষ্ট্র বলিয়া পরিগণিত হইতে হইলে বহিঃশক্তির নিয়ন্ত্রণ হইতে মুক্ত হইতে হইবে এবং অপরাপর রাষ্ট্র কর্তৃক স্বীকৃতি লাভ করিতে হইবে।

সম্মিলিত জাতিপুঞ্জ, পশ্চিমবঙ্গ এবং নিউইয়র্ক রাষ্ট্রপদবাচ্য নহে।

প্রশ্নাবলী

1. Define a State. Distinguish between State and Society.

[উত্তর-সংকেত : রাষ্ট্র হইল কোন নির্দিষ্ট ভূখণ্ডে স্থায়ীভাবে বসবাসকারী জনসমষ্টি এবং ইহা বহিঃশক্তির নিয়ন্ত্রণ হইতে সর্বপ্রকারে মুক্ত এবং এই জনসমাজের এমন একটি সংগঠিত শাসন-ব্যবস্থা আছে যাহার প্রতি অধিবাসীদের অধিকাংশই স্বাভাবতঃই আনুগত্য

স্বীকার করে। রাষ্ট্রের এই সংজ্ঞা বিশ্লেষণ করিলে চারিটি উপাদান পাওয়া যায়; যথা,— (১) জনসমষ্টি, (২) নির্দিষ্ট ভূখণ্ড, (৩) শাসনব্যবস্থা বা সরকার, (৪) সার্বভৌমিকতা। এই চারিটি উপাদানের অস্তিত্ব যে সংগঠনে দৃষ্ট হয় তাকে রাষ্ট্র আখ্যা দেওয়া যায়।

রাষ্ট্র ও সমাজ এক ও অভিন্ন নহে। পূর্বে অবশ্য, রাষ্ট্র ও সমাজকে এক ও অভিন্ন বলিয়া কল্পনা করা হইত। গ্রীক নগর-রাষ্ট্র প্রভৃতির বর্ণনায় গ্রীক দার্শনিকগণ সমাজ ও রাষ্ট্রকে একই অর্থে প্রকাশ করিয়াছেন। বর্তমানের সমাজ হইল জাতীয় সমাজ। এই জাতীয় সমাজ হইল কোন জাতি বা সম্প্রদায়ের অন্তর্গত খেচ্ছার প্রতিলিপি সংঘের সমষ্টি। এই অর্থে সকল সামাজিক সংগঠনকেই জাতীয় সমাজের অন্তর্ভুক্ত করা হয়। রাষ্ট্র হইল এই জাতীয় সংগঠনগুলির মধ্যে একটি অত্যন্ত সংগঠন। রাষ্ট্র সার্বভৌমিকতার অধিকারী। কলে সমাজের মধ্যে ইহার স্থান সর্বোচ্চে। সমাজ হইল খেচ্ছার প্রতিলিপি সংগঠনের সমষ্টি আর রাষ্ট্র হইল একটি আবশ্যিক সংগঠন। অতএব রাষ্ট্র ও সমাজ এক ও অভিন্ন নহে। অবশ্য ইহা স্মরণ রাখা বাঞ্ছনীয় যে, রাষ্ট্র যদিও সমাজজীবন নিয়ন্ত্রণ করে, কিন্তু সমাজের মূলনীতিগুলিকে সে মান্য না করিয়াও চলিতে পারে না। অতএব উভয়ে অত্যন্ত ঘনিষ্ঠভাবে সম্পর্কিত। (৫৪-৬৬, ৭১-৭৫ পৃষ্ঠা)।

2. Discuss the significance and meaning of 'territory' as a constituent element of the State. What are the exceptions to the principle of exclusive jurisdiction of a State over its own territory? (C. U. 1960) (৬১-৬৪ পৃষ্ঠা)

3. How do you distinguish the State from other kinds of Associations. (C. U. 1955) (৭৫-৭৬ পৃষ্ঠা)

4. Differentiate between the idea of the State and the Concept of the State. In which category would you place the following : (a) City-State, (b) World-State, (c) Dynastic State and (d) United Nations? (C. U. Hon. 1951) (৬৮-৭১, ৭৮-৮০ পৃষ্ঠা)

5. How do you define a State? Do the following come under your definition of the State : (a) Hyderabad, (b) New York, (c) League of Nations? Give reasons for your answer. (C. U. 1936) (৫৪-৫৯, ৭৮-৮১ পৃষ্ঠা)

6. Distinguish between State and Government. (৬৬-৬৮ পৃষ্ঠা)

অতিরিক্ত পাঠ্য

R. G. Gettell—Political Science—ch. III-IV

Garner—Political Science and Government.

Mac Iver—The Modern State.

H. J. Laski—Grammar of Politics.

চতুর্থ অধ্যায়

রাষ্ট্র ও জাতিতত্ত্ব

(State and Theories of the Nation)

জাতি কাকে বলে ? (What is meant by Nation ?) : জাতি শব্দটি বিভিন্ন অর্থে ব্যবহৃত হয় ; যেমন, বর্ণ (Caste), কুল (Race), এবং জাতীয় জনসমাজের একটি রাষ্ট্রনৈতিক রূপ (Nation) ইত্যাদি। ‘বর্ণ’ (Caste) অর্থে জাতি শব্দের প্রয়োগের উদাহরণস্বরূপ বলা যায়, ব্রাহ্মণজাতি, বৈশ্যজাতি, বৈশ্যজাতি প্রভৃতি। আবার ‘কুলের’ (Race) অর্থেও জাতি শব্দের ব্যবহার দেখিতে পাওয়া যায় ; যেমন, আর্যজাতি, দ্রাবিড় জাতি ইত্যাদি।

বিভিন্ন অর্থে জাতি ইংরেজী ‘নেশন’ শব্দটিকে বাংলায় বোঝাইবার জন্তও শব্দের প্রয়োগ, যথা, জাতি শব্দটি প্রয়োগ করা হয়। এই জাতি শব্দটি বিভিন্ন বর্ণ, কুল, নেশন ইত্যাদি। অর্থে ব্যবহৃত হওয়ায় ইহার একটি অর্থবিভ্রাট ঘটয়াছে।

এই অর্থবিভ্রাটের জন্তই রবীন্দ্রনাথ প্রমুখ বিভিন্ন লেখক

‘জাতি’ শব্দটি ব্যবহার না করিয়া ইংরেজী ‘নেশন’ শব্দটিকেই বাংলায় চালু করিয়াছেন। এই ইংরেজী ‘নেশন’ শব্দটি বাংলায় চালু হইবার ফলে ‘রাষ্ট্রনৈতিক আলোচনাক্ষেত্রে ‘জাতি’ শব্দের অর্থগত ও ভাবগত সমস্তা অনেক পরিমাণে অন্তর্হিত হইয়াছে। এই প্রসঙ্গে আরও কতকগুলি শব্দের ব্যবহার সম্বন্ধে বাংলা প্রতিশব্দগুলি প্রথমেই স্থির করা প্রয়োজন। এই শব্দগুলি হইল—People, Nation, Nationality এবং Nationalism। ইহাদের বাংলা প্রতিশব্দগুলি হইল যথাক্রমে ‘জনসমাজ’, ‘জাতি’, ‘জাতীয় জনসমাজ’ ও ‘জাতীয়তাবাদ’।

বর্তমান আলোচনায় ইংরেজী ‘নেশন’ শব্দের বাংলা প্রতিশব্দ হিসাবে ‘জাতি’ শব্দটি ব্যবহৃত হইয়াছে। এই প্রতিশব্দের তত্ত্বগত রূপটি বিশ্লেষণ না করিলে জাতি শব্দের প্রকৃত তাৎপর্য উপলব্ধি করা যাইবে না। অর্থাৎ, রাষ্ট্রবিজ্ঞানে জাতি শব্দের যে একটি বিশেষ অর্থ আছে তাহারই ব্যাখ্যা করা দরকার। আবার রাষ্ট্রবিজ্ঞানের দৃষ্টিতে জাতির সংজ্ঞা নিরূপণ করিতে হইলে ‘জনসমাজ’ (People), ‘জাতীয় জনসমাজ’ (Nationality) এর সংজ্ঞাটি

প্রথমে নিরূপণ করিতে হইবে। কারণ, জনসমাজের মধ্যে রাষ্ট্রনৈতিক চেতনা জাগ্রত হইলে উহা জাতীয় জনসমাজে রূপান্তরিত হয়। আবার জাতীয় জনসমাজের ক্রমোন্নতির এক বিশেষ স্তরে জাতির উদ্ভব হয়। অতএব জনসমাজ ও জাতীয় জনসমাজ কাহাকে বলে তাহাই প্রথমে বিশ্লেষণ করা প্রয়োজন।

(ক) জনসমাজ (People) : জনসমাজের একটি সংজ্ঞা এইরূপ ভাবে দেওয়া যায়। যদি একই ভূখণ্ডে এমন কিছুসংখ্যক লোক বাস করে যাহাদের ভাষায়, সাহিত্যে, ইতিহাসে, আচার-ব্যবহারে, অধিকারবোধে এবং অভিযোগে একটি ঐক্যের সন্ধান পাওয়া যায় তবে তাহাকেই জনসমাজ বলা হয়। এই সংজ্ঞা বিশ্লেষণ করিলে দেখা যায় জনসমাজের কতগুলি বৈশিষ্ট্য আছে ; যথা,—(১) ভাষাগত ঐক্য, (২) ঐতিহাসিক ঐক্য, (৩) অধিকারবোধে ঐক্য, (৪) ভৌগোলিক সান্নিধ্য, (৫) অভাব-অভিযোগবোধে ঐক্য।

মানুষ সমাজবদ্ধ জীব। সামাজিক বন্ধন ব্যতীত তাহার চলে না। এই বৈশিষ্ট্যগুলি মানুষকে সমাজবন্ধনে আবদ্ধ করে। জনসমাজের ঐক্যবদ্ধ হইবার পশ্চাতে আর একটি স্তরের কথাও কেহ কেহ বলেন। তাহা হইল উদ্ভবগত ঐক্য। সুতরাং দেখা যায় যে, কিছুসংখ্যক লোক এই সমাজবন্ধনের স্ত্রে আবদ্ধ হইয়া বসবাস করিলেই তাহাকে জনসমাজ বলা হয়।

(খ) জাতীয় জনসমাজ (Nationality) : জাতীয় জনসমাজ হইল জনসমাজের এক উন্নত স্তরবিশেষ। জনসমাজের মধ্যে রাষ্ট্রনৈতিক চেতনা জাগ্রত হইলে জাতীয় জনসমাজের উদ্ভব হয়। ইংরেজী Nationality শব্দটির দ্বারা জাতীয় ঐক্যের চেতনা বা জাতীয় ভাবকেও বোঝানো হয়। জনসমাজের মধ্যে রাষ্ট্রনৈতিক চেতনা জাগ্রত হইলে তাহারা একই সরকারের অধীনে বাস করিতে চায়। অর্থাৎ তাহারা নিজেদের সরকার গঠন করিতে চায় ; অতএব জনসমাজ ও জাতীয় জনসমাজের মধ্যে পার্থক্য হইল এই যে, জনসমাজের মধ্যে রাষ্ট্রনৈতিক চেতনা জাগ্রত হইলে উহা জাতীয় জনসমাজে পরিণত হয়। এই কারণে রাষ্ট্রবিজ্ঞানীদিগের মধ্যে কেহ কেহ জাতীয় জনসমাজকে রাষ্ট্রনৈতিক চেতনা-সম্পন্ন জনসমাজ বলিয়া আখ্যায়িত করেন।

(গ) জাতির (Nation) জন্ম হয় তখনই যখন জাতীয় জনসমাজের মধ্যে রাষ্ট্রনৈতিক চেতনা আরও গভীরতর হয়। আবার জাতির গভীরতর

রাষ্ট্রনৈতিক চেতনা পরিণতি লাভ করে রাষ্ট্রে। বার্জেস (Burgess) জাতি সম্বন্ধে একটি সংজ্ঞা নিরূপণ করিয়াছেন। তিনি বলেন : “পরস্পর সন্নিহিত কোন ভৌগোলিক অঞ্চলে বসবাসকারী এক জনসমাজ যদি একই ভাষা ও সাহিত্য, একই ইতিহাস ও ঐতিহ্য, একই আচার-ব্যবহার, একই ধরনের শ্রায়-অশ্রায় ও সুখ-দুঃখের চেতনায় উদ্ভূত হয়” তবে তাহাকে জাতি বলা চলিবে (A nation is a people “having a common language and literature, a common tradition and history, common customs and a common consciousness of rights and wrongs inhabiting a territory of geographical unity.”)। লর্ড ব্রাইস এই জাতি ও জাতীয় জনসমাজের মধ্যে পার্থক্য নির্দেশ করিয়া বলেন : “জাতীয় জনসমাজ হইল ভাষা, সাহিত্য, ধ্যান-ধারণা, রীতি-নীতি ও ঐতিহ্য প্রভৃতির বন্ধনে ঐক্যবদ্ধ এমন এক জনসমষ্টি যাহা অসুস্পষ্ট ভাবে ঐক্যবদ্ধ জনসমষ্টি হইতে নিজেকে

জনসমাজ, জাতীয়
জনসমাজ ও জাতির
মধ্যে পার্থক্য নির্ণয়

পৃথক বলিয়া মনে করে। জাতি হইল রাষ্ট্রনৈতিক ভাবে সংগঠিত এক জনসমাজ যাহা বহিঃশাসন হইতে মুক্ত হইবার চেষ্টা করিতেছে।” জনসমাজ, জাতীয় জনসমাজ ও জাতির মধ্যে পার্থক্য বোঝানোর জন্য

এখানে একটি উদাহরণ দেওয়া গেল— ভারতবাসীদের একটি জনসমাজ হিসাবে ধরা যাইতে পারে। একই ইংরেজ শাসনাধীনে সমগ্র ভারতবাসী শাসিত হইবার ফলে এবং একই ধরনের নিপীড়ন ভোগ করার ফলে সমগ্র ভারতবাসীর মধ্যে একটি ঐক্য-সূত্র স্থাপিত হয় এবং এই ঐক্য-সূত্রের ভিত্তিতে ইহার স্বাধীনতা সংগ্রাম শুরু করে। বিভিন্ন সূত্রে ঐক্যবদ্ধ রাজনৈতিক চেতনা-সম্পন্ন স্বাধীনতাকামী ভারতবাসীকে জাতীয় জনসমাজ বলা যাইতে পারে। ভারতবর্ষের স্বাধীনতা আন্দোলনকালে ভারতীয় জনসমাজেরই এক অংশ মোসলমানগণ সংঘবদ্ধ ভাবে আন্দোলন করিয়াছে। এই সংঘবদ্ধ আন্দোলনকারী মোসলমানগণকে পৃথক জাতীয় জনসমাজ হিসাবে ধরা হয় নাই। কিন্তু পরে মোসলমানগণ যখন তাহাদের সম্প্রদায়-গত ঐক্য সম্বন্ধে সচেতন হইয়া সমগ্র ভারতবাসী হইতে নিজেদেরকে পৃথক মনে করিয়া পৃথক রাষ্ট্রের দাবি করিতে লাগিল তখন তাহাদিগকে একটি পৃথক জাতীয় জনসমাজ হিসাবে গণ্য করা হয় এবং এই মোসলমানগণ যখন পাকিস্তানের প্রতিষ্ঠা করিল তখন তাহারা একটি জাতিতে পরিণত হইল।

উপরোক্ত এই সংজ্ঞাষয় বিশ্লেষণ করিলে জাতির যে কতকগুলি উপাদানের সন্ধান পাওয়া যায় তাহা নিয়ে দেওয়া গেল :

জাতিগঠনের বিভিন্ন উপাদানগুলি (Elements of Nationality)

এইরূপ : প্রথমতঃ, মানবসমাজ যখন একই অর্থনৈতিক স্বার্থ-বন্ধনে যুক্ত হয়, একই ভৌগোলিক সান্নিধ্যে আবদ্ধ হয়, একই ধর্ম, ভাষা, সাহিত্য, সংস্কৃতি, সভ্যতা, ইতিহাস ও ঐতিহ্যের সূত্রে আবদ্ধ হয় এবং মানুষ যখন রক্তের সম্বন্ধে আবদ্ধ বা কুলগত ভাবে ঐক্যবদ্ধ হয় তখনই জাতীয় জনসমাজের জন্ম হয়। এই উপাদানগুলিকে বিশ্লেষণ করিয়া বলা যায় যে, রক্তের সম্বন্ধে মানুষ যখন সম্পর্কিত হয় তখন তাহাদের আকৃতিতে কতকগুলি বৈশিষ্ট্য লক্ষ্য করা যায় এবং অত্যন্ত সাধারণ কারণেই সমগ্র গোষ্ঠীর লোকেরা প্রত্যেকে প্রত্যেককে আত্মীয় বলিয়া মনে করে। আবার ধর্মগত ঐক্যের জন্ত এবং একই উপাসনা পদ্ধতির জন্ত পরস্পর পরস্পরকে আরও নিকটে টানিয়া আনে। এই নৈকট্যবোধ আরও গাঢ় হয় ভাষার ঐক্যে। ভাষা ভাবের বাহক। ভাষার সাহায্যে পরস্পর পরস্পরের মনের ভাব ব্যক্ত করে। ভাষার ঐক্যের জন্ত মানুষের রঙ্গ-রসিকতাও সংকেতের মধ্যেও একটা গভীর ঐক্যবোধ জাগ্রত হয়। এই ঐক্যবোধ সমগ্র গোষ্ঠীকে এক সূত্রে আবদ্ধ করে। ভাষার ঐক্যের জন্ত সাহিত্য ও সংস্কৃতির মধ্যেও ঐক্য লক্ষ্য করা যায়।

দ্বিতীয়তঃ, ভৌগোলিক সান্নিধ্যও গোষ্ঠীসমূহের মধ্যে এক বন্ধন আনিয়া দেয়। মানুষ একই ভূখণ্ডে বাস করার কালে একই ধরনের প্রাকৃতিক সুবিধা ও অসুবিধা ভোগ করে। একই পরিবেশের মধ্যে বাস করিয়া যে শিশু বাড়িয়া উঠে স্বভাবতঃই তাহাদের মধ্যে একটি গাঢ় ঐক্যবোধ জাগ্রত হয়। আবার ঐ বাসভূমির সহিত জড়াইয়াছে তাহাদের পিতৃপুরুষগণের অতীত স্মৃতি। মানুষের চিন্তা-ভাবনা, ধ্যান-ধারণা, শিক্ষা-দীক্ষা, সংস্কৃতি, সভ্যতা সবই মাতৃভূমিকে কেন্দ্র করিয়া গড়িয়া উঠিয়াছে। মাতৃভূমির সহিত উহার মিশিয়া গিয়াছে। এই দেশের জমি হইতে তাহারা সংগ্রহ করিয়াছে তাহাদের আহার্য। দেশের জল, মাটি, আলো-বাতাস তাহাদের দেহের প্রতিটি অঙ্গের সহিত মিশিয়া গিয়াছে। দেশের ভৌগোলিক পরিবেশের সহিত তাহাদের আকৃতিও একটি বিশিষ্ট রূপ গ্রহণ করিয়াছে। অতএব অত্যন্ত স্বাভাবিক কারণেই দেশের প্রতি তাহাদের ভালবাসা

তাহাদের স্বভাবজাত। সুতরাং বলা যায়, ভৌগোলিক সান্নিধ্য মানুষকে এক নিবিড় ঐক্যের বন্ধনে আবদ্ধ করিয়াছে।

তৃতীয়তঃ, আবার দেশগত, কুলগত, ভাষাগত, ধর্মগত ঐক্য ছাড়াও অর্থনৈতিক সুখ-সুবিধা ও অভিযোগের ভিত্তিতেও গোষ্ঠীসমূহ ঐক্যবদ্ধ হয়। অর্থনৈতিক অসুবিধার বিরুদ্ধে দাড়াইয়া একই সাথে সংগ্রাম করার জন্ত জন-সমাজের মধ্যে এক গাঢ় ঐক্যবোধ জাগ্রত হয়। বর্তমানে শ্রমিক শ্রেণীর আন্দোলনের পশ্চাতে এই অর্থনৈতিক ঐক্য এক বিরাট অংশ গ্রহণ করে।

চতুর্থতঃ, উপরোক্ত কুলগত, দেশগত, ধর্মগত, ভাষাগত এবং অর্থনীতিগত ঐক্যবোধে যখন জনসমাজ আপ্লুত হয় তখন যে একাত্মবোধের সৃষ্টি হয়, সেই একাত্মবোধ হইতে এক জাতীয়তার অমুভূতির সৃষ্টি হয়। আবার এই জাতীয়তার অমুভূতিতে আপ্লুত জাতীয় জনসমাজ যখন নিজেরাই নিজেদের ভাগ্য নির্ণয় করিতে চায় এবং তাহা নিজেদের সরকারের মাধ্যমে কার্যকরী করিতে অগ্রসর হয় তখনই জাতির উদ্ভব হয়। এই একাত্মবোধকে কেহ কেহ ভাষাগত ঐক্য বলিয়া অভিহিত করেন।

পঞ্চমতঃ, জাতি ও রাষ্ট্র ওতপ্রোতভাবে জড়িত। রাষ্ট্রের উদ্ভব হইলেই জাতির সৃষ্টি হইবে। কিন্তু এই মতবাদ সকলে সমর্থন করেন না। প্রথম মহাসমরের পূর্বে অস্ট্রিয়া-হাঙ্গেরী এক শক্তিশালী রাষ্ট্র ছিল, কিন্তু তাহারা জাতি ছিল না, কারণ তাহাদের মধ্যে রাষ্ট্রনৈতিক বন্ধন ছাড়া অপর কোন বন্ধন ছিল না। আবার, দ্বিতীয় মহাসমরের পর জার্মান ও জাপান সার্বভৌমিকতা হারাইয়া ফেলে। তাহাদের রাষ্ট্র লোপ পায়; কিন্তু, তাহাদের জাতি বিলুপ্ত হয় নাই। অবশ্য ১৯২০ সাল হইতে ‘জাতি’ ও ‘রাষ্ট্র’ শব্দদ্বয় যথার্থভাবে ব্যবহৃত হইতেছে। ‘জাতিসংঘ’ ও ‘সম্মিলিত জাতিপুঞ্জ’ নাম দুইটি হইতে তাহা বোঝা যায়।

সমালোচনাঃ উপরে জাতির কতকগুলি উপাদানের কথা বলা হইয়াছে। কিন্তু রাষ্ট্রবিজ্ঞানীদিগের মধ্যে কেহ কেহ এই মত পোষণ করেন যে, এই সকল উপাদানগুলিকে জাতিগঠনের ক্ষেত্রে অপরিহার্য বলিয়া ধরা উচিত নহে। বর্তমানে ইহা প্রমাণিত হইয়াছে যে, জাতিগঠনে কোথাও কুলগত পবিত্রতা (Racial purity) রক্ষিত হয় নাই। কারণ, বর্তমানের জাতিগুলির চরিত্র লক্ষ্য করিলে দেখা যায় যে, প্রায় অধিকাংশ ক্ষেত্রেই জাতিগুলি বহু কুলের সংমিশ্রণে গঠিত হইয়াছে। ধর্মের ক্ষেত্রেও এই

একই কথা খাটে। এশিয়ায় ভারতীয় জনগণের মধ্যে হিন্দু, মোসলমান, বৌদ্ধ ও জৈন প্রভৃতি ধর্মাবলম্বী একই সঙ্গে মিশিয়া বাস করিতেছে। জাপানে শিটোমতাবলম্বীদের সহিত বৌদ্ধ ও খ্রীষ্টান পাশাপাশি বাস করিতেছে। ধর্মবিশ্বাসে পার্থক্য থাকা সত্ত্বেও দেখা যায় ভারতবাসী এক জাতি গঠন করিয়াছে। জাপানীদের ক্ষেত্রেও দেখা যায় ধর্মবিশ্বাসে পার্থক্য থাকা সত্ত্বেও তাহারা একজাতি গঠন করিয়াছে। আবার একই বৌদ্ধধর্মাবলম্বী চীনা ও জাপানী দুইটি পৃথক জাতিতে বিভক্ত হইয়াছে।

কুল, ধর্ম, ভাষা,
ভৌগোলিক ও
অর্থনীতিগত বৈষম্য
থাকিলেও একজাতি
গঠিত হইতে পারে

ভাষার ক্ষেত্রেও দেখা যায় বিভিন্ন ভাষাভাষী মানুষ
একটি জাতি গঠন করিয়াছে; যেমন, জার্মান, ফরাসী,
ইতালীয়ান, এবং রোমান্স (Romansch) ভাষাভাষী
মানুষ সুইজারল্যান্ডে সুইস জাতি গঠন করিয়াছে।
আবার মার্কিন যুক্তরাষ্ট্রের মানুষ যদিও ইংরেজী
ভাষাভাষী তথাপি তাহারা একটি স্বতন্ত্র জাতি।

এই সকল উদাহরণ হইতে বলা যায় যে, এক ভাষায় কথা বলিলেই এক জাতি হয় না। আবার একই ভৌগোলিক পরিবেশের মধ্যে বাস করিলেও এক জাতি হয় না এবং বিভিন্ন ভৌগোলিক পরিবেশে বাস করিয়াও যে এক জাতি গঠিত হইতে পারে তাহারও নিদর্শন পাওয়া যায়। অর্থনৈতিক সমস্বার্থের উপর গুচ্ছ প্রাচীর (Tariff Wall) ঝাড়া করিলে বা তুলিয়া দিলেও অনেক সময় দেখা যায়—জাতীয় মনোভাবের সৃষ্টি হয় নাই। অতএব যদি মন্তব্য করা যায় যে, জাতিগঠনের উপাদানগুলি জাতিগঠনের পক্ষে অপরিহার্য নহে, তবে মন্তব্যটি অতিশয়োক্তি দোষে ছুঁষ্ট হইবে না।

‘জাতি’ সম্বন্ধে ফরাসী দার্শনিক রেনাঁ, বিশ্বকবি রবীন্দ্রনাথ, ম্যাক্ আইভার ও মার্কসবাদী মতবাদ (Renan, Tagore, Mac Iver and Marxian Theory of Nation) :

(ক) রেনাঁর (Renan) জাতি সম্বন্ধে মতটি ব্যাখ্যা করেন বিশ্বকবি রবীন্দ্রনাথ। তিনি বলেন : “রেনাঁ বলেন,—মানুষ জাতি (Race), ভাষা, ধর্মমত বা নদী-পর্বতের দাস নহে। অনেকগুলি সংযত-মনা ও ভাবোত্তপ্তকণ্ঠ সম্পন্ন মহুষ্যের মহাসংঘ যে একটি সচেতন চরিত্র সৃষ্টি করে, তাহাই নেশন”। জাতীয়তা-বোধকে একটি মানস পদার্থ বলিয়া ধরা হয়। নেশনকে বলা হইয়াছে একটি

জাতি সম্পর্কে

রেনাঁর মত

সজীব সত্তা। দুইটি জিনিস একটি মানস পদার্থের অন্তঃপ্রকৃতি গঠন করিয়াছে। এই দুইটি জিনিসের মধ্যে একটি হইল জনসাধারণের প্রাচীন স্মৃতি ; আর অপরটি হইল সকলের একত্রে বাস করিবার ইচ্ছা। আবার বর্তমানকে বিশ্লেষণ করিতে হইলে অতীতকে স্মরণ করিতে হইবে ; কারণ, বর্তমান লুকাইয়াছে অতীতের গম্বারে। অতীতের ঐতিহ্য, অতীতের ত্যাগ ও নিষ্ঠা, অতীতের বীর্য ও কীর্তি, অতীতের মহত্ব ও মানুষের অক্লান্ত পরিশ্রম এই সকলের উপরই স্থাপিত হইয়াছে জাতীয়তাবোধের ভিত্তি-প্রস্তর। “অতীত কালের মানুষের একত্রে কাজ করিবার গৌরব যখন বর্তমান কালের মানুষের কাজ করিবার সংকল্পের ভিত্তি স্থির করে, তখনই জনসম্প্রদায় গঠনের মূল পত্তন হয়” (Renan)—Mac Iver।

(খ) বিশ্বকবি রবীন্দ্রনাথ রেণার মত বিশ্লেষণ প্রসঙ্গে এই মন্তব্য করিয়াছেন, “অতীতে সকলে মিলিয়া ত্যাগ হুঃখ স্বীকার এবং পুনর্বাস সকলে মিলিয়া ত্যাগ হুঃখ স্বীকার করিবার জন্ত প্রস্তুত থাকিবার ভাব হইতে জনসাধারণকে যে একটি নিবিড় অভিব্যক্তি দান করে, তাহাই ‘নেশন’। আবার ইহার পশ্চাতে একটি অতীত আছে বটে, কিন্তু তাহার প্রত্যক্ষগম্য লক্ষণটি বর্তমানে পাওয়া যায়। তাহা আর কিছু নহে সাধারণ সম্মতি, সকলে মিলিয়া একত্রে এক জীবন বহন করিবার সুস্পষ্ট পরিব্যক্ত ইচ্ছা।” “অতীতের গৌরবময় স্মৃতি ও সেই স্মৃতির অহরূপ ভবিষ্যতের আদর্শ, একত্রে হুঃখ পাওয়া, আনন্দ করা, আশা করা, এইগুলিই আসল জিনিস, জাতি ও ভাষার বৈচিত্র্য সত্ত্বেও এইগুলির গুরুত্ব কম নহে—একত্রে মানুষলখানা স্থাপন বা সীমান্ত নির্ণয়ের অপেক্ষা ইহার মূল্য অনেক বেশী। একত্রে হুঃখ পাওয়ার কথা এইজন্য বলা হইয়াছে যে, আনন্দের চেয়ে হুঃখের বন্ধন দৃঢ়তর”।

মানুষ নিজেকে একদিনের চেষ্টায় তৈরি করিতে পারে না। বহুদিনের প্রচেষ্টার ফলে মানুষ নিজেকে তৈরি করে। নেশনও মানুষের মতো সুদীর্ঘ অতীতকালের প্রয়াস, ত্যাগস্বীকার এবং নিষ্ঠা হইতে অভিব্যক্ত হইয়া থাকে। রেণা ও রবীন্দ্রনাথ উভয়েই নেশনের গঠনের ব্যাপারে অতীতের ফলবতী প্রচেষ্টার উপর গুরুত্ব আরোপ করিয়াছেন। রেণার মত অহুসরণ করিয়া জিমাৰ্ণ (Zimmern A. E.) বলিয়াছেন, “যে জনসমাজের মধ্যে জাতীয় জনসমাজের চেতনা উদ্ভূত হইয়াছে, তাহাই জাতীয় জনসমাজ” (“If a people feels itself to be a nationality, it is a nationality.”)

(গ) ম্যাক্ আইভার (Mac Iver) রোঁণা, জিয়ার্ণ প্রমুখ চিন্তাবীর, যাহারা জাতীয়তাবোধের সৃষ্টির জন্ত কোন বাস্তব উপাদানের প্রয়োজন নাই বলিয়া মনে করেন, যাহাদের কাছে মানসিক প্রবণতাই যথেষ্ট বলিয়া মনে

হয়, তাঁহাদের সমালোচনা প্রসঙ্গে এই প্রশ্ন করিয়াছেন
 রোঁণা, জিয়ার্ণ যে, “ইহারা কাহারা যে একসাথে বড় কাজ সম্পন্ন
 প্রভূতির মতের করিয়াছে বলিয়াই নিজেদের জাতি বলিয়া মনে
 সমালোচনা ও করিতেছে? এই শর্ত একটি পরিবার, একটি জাহাজের
 ম্যাক্ আইভারে মত

নাবিকগণ বা একদল ষড়যন্ত্রকারীও সম্পাদন করিতে পারে, কিন্তু সেই কারণে, তাহারা একটি জাতিতে পরিণত হয় না।” * ম্যাক্ আইভার এই মত পোষণ করেন যে, জাতীয়তাবোধ (Nationality) হইল সেই সামাজিক বোধ যাহা এক বিশেষ সামাজিক যুগের ঐতিহাসিক পরিবেশের ভিতরে রাষ্ট্র গঠন করিয়াছে অথবা রাষ্ট্রের মাধ্যমে আপন অভিব্যক্তির এখনও অতুসন্ধান করিতেছে। ম্যাক্ আইভারের মতে সামাজিক পরিবেশের মধ্যে এবং রাষ্ট্রের নিজস্ব কার্যাবলীর মধ্যেই জাতীয় চেতনার সৃষ্টি হয়।

উপরিউক্ত আলোচনার ভিত্তিতে বলা যায়, রোঁণার “জাতীয় জনসমাজ সম্বন্ধে ধারণা মূলতঃ ভাবগত” (“The idea of nationality is essentially spiritual in character”)। জাতীয় জনসমাজকে তিনি ‘প্রাণ’ বা ‘ভাবগত নীতি’ বলিয়া অভিহিত করিয়াছেন। ঐ একই কারণে গেটেল জাতীয় জনসমাজকে বিভিন্ন উপাদানের সংমিশ্রণে গঠিত ভাষাগত ঐক্য, ভৌগোলিক সান্নিধ্য, সম-অর্থনৈতিক জীবনের বন্ধন এবং সাংস্কৃতিক ঐক্যের ভাবগত উপলব্ধি বলিয়া বর্ণনা করিয়াছেন। বার্ট্রান্ড রাসেল (Bertrand Russel) বলেন, মনস্তাত্ত্বিক দিক হইতে জাতিকে শুভকের দল, বা কাকের ঝাঁক বা গোরুর পালের সঙ্গে তুলনা করা যায়। ভাষাগত, কৃষ্টিগত, বংশগত ও স্বার্থগত, যে-কোনটির জন্ত ঐক্যবোধ জাগ্রত হয়। জাতীয় ভাবসৃষ্টির পশ্চাতে ইহাদের প্রত্যেকেরই কিছু-না-কিছু অবদান আছে। এই ঐক্যবোধের জন্ত মানবগোষ্ঠীর মধ্যে স্বাজাত্যবোধ (Nationalism) জাগ্রত হয়। এই

* “But just who are they who, having accomplished great things in common feel themselves a nation? The condition may be fulfilled by a family or a ship's crew or a band of conspirators but they do not on that account become a nation”. Mac Iver.

স্বাধীনতাযোদ্ধার জন্ম তাহারা নিজেদেরকে অপরাপর মানব সম্প্রদায় হইতে পৃথক করিয়া দেখে। এই পার্থক্যবোধই জাতীয় ভাবের বৈশিষ্ট্য।

(ঘ) মার্ক্সবাদী (Marxian) ধারণায় জাতি ও জাতীয়তাবাদ একটি স্বতন্ত্র রূপ লাভ করিয়াছে। স্তালিন (Stalin) বলেন : জাতি হইল “ভাষাগত ঐক্য, ভৌগোলিক সান্নিধ্য, সম-অর্থনৈতিক জীবনের বন্ধন এবং সাংস্কৃতিক ঐক্যের ভিত্তিতে গঠিত ইতিহাস-বিবর্তিত স্থায়ী সমাজ” (A nation is a historically evolved, stable community of language, territory, economic life, and psychological make-up manifested in a community of culture)। স্তালিন প্রদত্ত সংজ্ঞাটি ভাববাদের উপর ভিত্তি স্থাপন করে নাই। ইহা একটি বাস্তব-ধর্মী সংজ্ঞা। এই সংজ্ঞায় জাতিকে একটি ইতিহাস-বিবর্তিত স্থায়ী সমাজ হিসাবে ধরা হইয়াছে।

ইতিহাসের দিক হইতে জাতিগঠন সম্বন্ধে আলোচনা করিলে দেখা যায়, মানবেতিহাসের সব পর্যায়েই জাতির উদ্ভব হয় নাই। রাষ্ট্রনীতিক্ষেত্রে জাতীয়তাবোধ সাম্প্রতিক ঘটনা। অতীতে গ্রীস, রোম ও পবিত্র রোমান সাম্রাজ্যের অধিবাসীরা নিজেদেরকে জাতি হিসাবে কল্পনা করিত না। সেই

যুগের যুগধর্ম ছিল ভিন্নপ্রকারের। সমাজ-ব্যবস্থা ছিল
জাতিগঠনের
ঐতিহাসিক দিক
এক স্বতন্ত্র প্রকৃতির। সেই যুগের সামাজিক চেতনা
বর্তমানের জাতীয় ভাবের আশ্রয় ছিল না। জাতির

অভ্যুত্থানের মধ্য দিয়া নূতন সমাজ-ব্যবস্থা স্থাপিত হইল। ভাস্কিয়া গেল মধ্যযুগের সমাজ-ব্যবস্থা, ফিউডালী প্রথা সমাজ-শাসন। আর তার স্থান দখল করিল ধনতান্ত্রিক সমাজ-ব্যবস্থা। সামন্তদিগের শোষণের বিরুদ্ধে সংগ্রামে অগ্রসর হইল বুর্জোয়াশ্রেণী। এই সংগ্রামের ফলে সমাজের মৌলিক পরিবর্তন হয়। এই সংগ্রামের মধ্য দিয়া জাতীয় রাষ্ট্রের (National State) গোড়াপত্তন হয়। স্পেনে ফার্ডিনান্ড ও ইসাবেলার রাজত্বের মধ্য দিয়া, ইংলণ্ডে টিউডর রাজবংশের অধীনে, ফ্রান্সে বুর্বো বংশের শাসনের ভিতর দিয়া জাতি-ভিত্তিক রাষ্ট্র গড়িয়া উঠে। সামন্তদিগের বিরুদ্ধে বুর্জোয়াদের সংগ্রামের পশ্চাতে শুধু অর্থনৈতিক কারণই ছিল না। এই সংগ্রামের পশ্চাতে তাহারাই বিশেষ করিয়া ঐক্যবদ্ধ হইয়াছে যাহারা ভাষাগত, কুলগত, ধর্মগত, ভৌগোলিক সান্নিধ্য ও সাংস্কৃতিক ঐক্যের

ভিতর দিয়া নিজেদেরকে সমগোত্রীয় বলিয়া মনে করিয়াছে। এইভাবে ইতিহাসের বিবর্তনের মধ্য দিয়া বিভিন্ন ঐক্যস্থত্রের বন্ধনে আবদ্ধ হইয়া বিভিন্ন জাতি গঠিত হইয়াছে। স্তালিনের সংজ্ঞাটিকে যান্ত্রিকভাবে বিশ্লেষণ না করিয়া বলা যায়, স্তালিন-প্রদত্ত জাতির উপাদানগুলির প্রত্যেকটিরই সাধারণ জাতীয় মনোভাব উদ্ভেদে কিছু-না-কিছু অবদান রহিয়াছে।

উপসংহারে বলা যায়,—(ক) জাতির উদ্ভব এক আকস্মিক ঘটনা নহে। ইহার পশ্চাতে বহুবিধ কারণ বিদ্যমান। জাতির উদ্ভব হয় ইতিহাসের ক্রমবিবর্তনের পথে মানবসমাজের মৌলিক পরিবর্তনের মধ্য দিয়া।

(খ) বহু উপাদান; যথা, ভাষা, সাহিত্য, ইতিহাস, সংস্কৃতি, আচার-ব্যবহার, রীতিনীতি, অতীত স্মৃতি, ঐতিহ্য, ধর্ম, সামাজিক প্রথা, কুলের সম্বন্ধ, অর্থনৈতিক স্বার্থের বন্ধন, সমন্বয়-দুঃখভোগের স্মৃতি, ভৌগোলিক সান্নিধ্য প্রভৃতি জাতীয় চেতনার বিকাশে সাহায্য করে।

(গ) অবশ্য, এই উপাদানগুলি যে একযোগে সকলেই সকল জাতির অস্তিত্বসাধনে সাহায্য করিবে, তাহা নিশ্চয় করিয়া বলা যায় না; তবে সামাজিক অবস্থার মৌলপরিবর্তন ও বিভিন্ন বাস্তব উপাদানের মিশ্রণ ব্যতীত জাতি গড়িয়া উঠিতে পারে না।

(ঘ) জাতি ও রাষ্ট্রকর্মতার মধ্যে সম্পর্ক অতিশয় ঘনিষ্ঠ। কাগজ, আত্মবিকাশের দাবিতে জাতি রাষ্ট্রকর্মতা অধিকার করিতে চায় অথবা রাষ্ট্রকর্মতা জাতির আয়ত্তে আসিলে রাষ্ট্রকর্মতার সাহায্যে সমাজের পুরাতন ব্যবস্থা ভাঙ্গিয়া নূতন সমাজ-ব্যবস্থা স্থাপন করে এবং তার প্রাধান্য বিস্তারের সুযোগ সন্ধান করে।

(ঙ) জাতি মানুষকে ঐক্যবদ্ধ করে বলিয়া যে উক্তি করা হয়, তাহা সম্পূর্ণ সত্য নহে। কারণ, 'জাতি' বলার সঙ্গে সঙ্গে একটি স্বতন্ত্রতা বোঝানো হয়। ইংরেজ বলার সঙ্গে সঙ্গে ইংরেজকে জার্মান, ফরাসী প্রভৃতি জাতি হইতে পৃথক করিয়া দেওয়া হয়।

(চ) একই রাষ্ট্রে একাধিক জাতির বাস অস্বাভাবিক নয়। অবশ্য, একই রাষ্ট্রে যখন দুইটি জাতি বাস করে তখন সংখ্যাগরিষ্ঠ জাতি কর্তৃক সংখ্যালঘিষ্ঠ জাতির নিপীড়িত হইবার সম্ভাবনা থাকে। উদাহরণস্বরূপ বলা যায়, রুশ সাম্রাজ্য ও অস্ট্রো-হাঙ্গারিয়ান সাম্রাজ্যের অত্যাচার-মূলক শাসন হইতে বিভিন্ন জাতি মুক্তির জন্য সংগ্রাম করিয়া আসিতেছে। এই

সংগ্রামের মধ্য হইতে বাহির হইয়া আসিয়াছে পোলিশ, হাঙ্গারিয়ান, চেকোস্লোভাক প্রভৃতি জাতীয় রাষ্ট্র (National State)। আবার এমন কতকগুলি রাষ্ট্র আছে যেখানে একটি বা দুইটি জাতি কর্তৃক রাষ্ট্র শাসিত হয় কিন্তু অপরপর সংখ্যালঘু জাতি তাহাদের মৌলিক অধিকারগুলি বজায় রাখিয়া একসঙ্গে বাস করিতেছে। উদাহরণস্বরূপ ইংলণ্ডের কথা বলা যায়; ইংলণ্ডে ইংরেজ, স্কটিশ, ওয়েল্শ, আইরিশেরা শান্তিতে বাস করিতেছে।

জাতির আত্মনিয়ন্ত্রণাধিকার (Rights of Self-determination) : জাতির আত্মনিয়ন্ত্রণাধিকারের অর্থ জাতির স্বতন্ত্র রাষ্ট্র গঠনের অধিকার। জাতি মূর্ত হইয়া উঠে রাষ্ট্রনৈতিক আকাজ্ঞা, স্বাধীনতার জ্ঞাত সংগ্রাম এবং স্বাধীন রাষ্ট্রগঠন করার ভিতর দিয়া। উদাহরণস্বরূপ বলা যায়, ১৭৭৬ সালে উত্তর আমেরিকায় বৃটিশ উপনিবেশগুলি স্বাধীনতা অর্জন করিবার জ্ঞাত সংগ্রাম শুরু করে এবং তাহাদিগকে স্বাধীন বলিয়া ঘোষণা করে। পূর্বে জার্মানী ছিল বিভাবিভক্ত; পরে ১৮৪৯ সালে ঐক্যবদ্ধ জার্মান রাষ্ট্র ইউরোপীয় রাষ্ট্রনীতিতে অংশ গ্রহণ করে। ১৮৩০ সালে বেলজিয়াম ওলন্দাজ শাসন অধীকার করিয়া স্বাধীনতা ঘোষণা করে। পোল্যান্ড ও ইতালী স্বাধীন রাষ্ট্র প্রতিষ্ঠা করিবার জ্ঞাত দাবি করিতে আরম্ভ করে ১৮১৫ সালে ভিয়েনা কংগ্রেস হইতে। পরে আন্দোলনের জোয়ারের মুখে বৈদেশিক শাসন যখন আর টিকিয়া থাকিতে পারিল না, তখন ইতালী ঐক্যবদ্ধ হইল। এই ভাবে ইউরোপে ঊনবিংশ ও বিংশ শতাব্দীতে বহু স্বাধীন রাষ্ট্র জন্মগ্রহণ করে। প্রথম ও দ্বিতীয় বিশ্বযুদ্ধের পর বহু স্বাধীন ও জাতীয় রাষ্ট্রের জন্ম হয়। অবশ্য, ইহা স্বীকার করিতে হইবে যে, যদিও প্রত্যেকটি জাতির স্বাধীন রাষ্ট্রগঠনের অধিকার ইতিহাস প্রমাণ করিয়াছে এবং স্বীকৃতি দিয়াছে, কিন্তু সকল জাতির আত্মনিয়ন্ত্রণাধিকারকে সকল অবস্থায়ই স্বীকার করিয়া লওয়া যায় না। রাষ্ট্রবিজ্ঞানীদিগের মধ্যে এই কারণে কেহ কেহ জাতির আত্মনিয়ন্ত্রণাধিকারের বিপক্ষে যুক্তি প্রদর্শন করিয়াছেন।

জাতির আত্মনিয়ন্ত্রণাধিকারের বা এক জাতি, এক রাষ্ট্রের যুক্তিসমূহ (One Nation, One State) : (১) প্রত্যেকটি জাতিরই একটি নিজস্ব সত্তা আছে। একটি নিজস্ব বৈশিষ্ট্য আছে। এই বৈশিষ্ট্যগুলির বিকাশ সম্ভবপর হয় এখনই, যখন ঐ জাতির একটি নিজস্ব স্বাধীন রাষ্ট্র থাকে। অতএব নিজস্ব বৈশিষ্ট্য প্রকাশের জ্ঞাত প্রয়োজন জাতির নিজস্ব রাষ্ট্রের।

(২) বৈচিত্র্যের মধ্যেই সৌন্দর্যের বাস। স্বতন্ত্র জাতির স্বতন্ত্র বৈশিষ্ট্যের প্রকাশের মধ্য দিয়াই এক বৈচিত্র্যের সৃষ্টি হয়। একই ধরনের চাল-চলন, একঘেয়েমিভাব সৃষ্টি করে। বিশ্বের সমগ্র মানুষ বাদ হাজার রকমের চাল-চলন, রীতিনীতিতে চলে তাহা সৌন্দর্যেরই এক প্রকাশ হইবে। বিভিন্ন জাতির বিভিন্ন বৈশিষ্ট্য ও বৈচিত্র্যের বিকাশ সমগ্র মানবসভ্যতাকে অধিকতর সম্পদময় করিয়া তোলে।

(৩) বর্তমান যুগ গণতান্ত্রিকতার যুগ। এই যুগে ব্যক্তিস্বাধীনতাকে স্বীকার করা হয়। ব্যক্তিস্বাধীনতা ও গণতন্ত্রের জন্মই যখন জাতীয় জনসমাজ আত্মবিকাশের দাবিতে স্বতন্ত্র ও স্বাধীন হইয়া বাঁচিতে চায়, তখন সে দাবিকে উপেক্ষা করা যায় না।

(৪) রাষ্ট্রবিজ্ঞানীদিগের মধ্যে কেহ কেহ এই মত পোষণ করেন যে, জাতির আত্মনিয়ন্ত্রণাধিকার স্বীকৃত হইলেই এক রাষ্ট্রের সহিত অপরাপর রাষ্ট্রের সংঘর্ষ অনিবার্য হইয়া উঠিবে, একথা ঠিক নহে। কারণ সমাজে যেমন এক ব্যক্তি অপর ব্যক্তির স্বাধীনতার উপর হস্তক্ষেপ করিতে পারে না, তেমন জাতির আত্মনিয়ন্ত্রণাধিকার স্বীকৃত হইলে এক রাষ্ট্র অপর রাষ্ট্রের অধিকারে হস্তক্ষেপ করিবে না বরং সম্মানই করিবে। স্ব স্ব প্রয়োজনীয়তার জন্ম বিরোধ করিবে না বরং সহযোগিতার ভিত্তিতেই পাশাপাশি অবস্থান করিবে। এই প্রসঙ্গে জন স্টুয়ার্ট মিলের উক্তিটি প্রণিধানযোগ্য। তিনি বলেন : “যেখানে জাতীয়তাবোধ কিছুটা পরিমাণে শক্তিশালী, সেখানেই জাতীয় জনসমাজের সকল মানুষকে একটি স্বতন্ত্র সরকারের শাসনাধীনে ঐক্যবদ্ধ করিবার প্রাথমিক যুক্তি রহিয়াছে”।

(৫) রাষ্ট্রপতি উইলসন বলিয়াছেন যে, আত্মনিয়ন্ত্রণের দাবিকে উপেক্ষা করিলে রাষ্ট্রনেতাগণ অমঙ্গলকেই আত্মান করিবেন। তিনি বহু জাতির সমবায়ে গঠিত রাষ্ট্রে (Poly-national state) সংখ্যালঘু সম্প্রদায়ের সমস্তাৱ চিরন্তন সমাধানের সম্ভান পাইয়াছিলেন। তাঁহার এই ধারণা ছিল যে, প্রত্যেক জাতিকে আত্মনিয়ন্ত্রণের স্বীকৃতি দিলে পৃথিবী হইতে যুদ্ধের দূষিত আবহাওয়া চিরতরে দূরীভূত হইবে। ১৯১৯ সালের শান্তি সম্মেলনে (Peace Conference) প্রত্যেক জাতীয় জনসমাজের রাষ্ট্রনৈতিক ভাগ্য নির্ধারণ করিবার দাবিকে সর্বসম্মতিক্রমে মানিয়া লওয়া হয় এবং এই নীতিকে কার্যকরী করিবার জন্ম ইউরোপকে নূতন করিয়া গঠনের চেষ্টা করা হয়।

(৬) এই জাতির আত্মনিয়ন্ত্রণাধিকারের সমর্থনে প্রখ্যাত দার্শনিক বার্ট্রান্ড রাসেল এই মন্তব্য করেন যে, “কোন জনসমাজকে তাহাদের নিজেদের জাতীয় সরকার ব্যতীত অথবা কোন সরকারের শাসনাধীনে থাকিতে বাধ্য করা, আর একটি নারীকে, যে পুরুষ তাহাকে ঘৃণা করে, তাহাকে বিবাহ করিতে বাধ্য করা, একই কথা।”

(৭) পরিশেষে বলা যায়, যখনই কোন জাতীয় জনসমাজ নিজের পৃথক সত্তা সম্বন্ধে সম্পূর্ণ সজাগ হয় তখনই ইহা নিজের পৃথক সত্তাকে একটি স্বাধীন রাষ্ট্রনৈতিক সংগঠনের মাধ্যমে বজায় রাখিতে সচেষ্ট হয়। প্রত্যেক জাতিই চায় নিজের জাতীয় চরিত্র বজায় রাখিতে এবং জাতীয় বৈশিষ্ট্যগুলি রক্ষা করিতে।

জাতির এই আত্মনিয়ন্ত্রণাধিকারকে অনেকে আবার সমর্থন করেন না। তাহাদের যুক্তিগুলি নিয়ে দেওয়া গেল :

(১) জাতির আত্মনিয়ন্ত্রণাধিকার ও স্বাধীনতাকে স্বীকার করিয়া যদি ‘এক জাতি এক রাষ্ট্র’ হিসাবে জনসমাজকে রাষ্ট্রনৈতিক সংগঠনের অধীনে আনয়ন করা হয় তবে সুদীর্ঘকালের সুপ্রতিষ্ঠিত সুশৃঙ্খল রাষ্ট্রকে ভাঙ্গিয়া চুরমার করিতে হয়। এই বিষয়ে ভৌগোলিক অসুবিধার কথা অনেকে বলিয়া থাকেন। উদাহরণ হিসাবে বলা হয়, প্রত্যেকটি জাতীয় জনসমাজ স্বাধীন রাষ্ট্র প্রতিষ্ঠা করিতে আরম্ভ করিলে ইংলণ্ডে কমপক্ষে চারটি রাষ্ট্রের সৃষ্টি হইবে; যথা,—ইংরেজ, স্কটিশ, ওয়েল্‌স্, নর্থ আইরিশ। জাতির আত্মনিয়ন্ত্রণাধিকার যথাযথভাবে প্রয়োগ করিতে গেলে ইউরোপে কমপক্ষে নাটটি এবং ভারতবর্ষে বহু রাষ্ট্রের সৃষ্টি হইবে।

(২) আবার, এইভাবে শত শত রাষ্ট্র সৃষ্টি করিলেও সমস্তার সমাধান হইবে না। কারণ, তখন দেখা যাইবে যে, একই ভৌগোলিক অঞ্চলের মধ্যে বহু জাতি এমনভাবে মিশিয়া বাস করিতেছে যে, তাহাদিগকে পৃথক করিলে, বহু অর্থনৈতিক, সামাজিক অসুবিধার সম্মুখীন হইতে হইবে। আবার এই সকল রাষ্ট্রেও সংখ্যালঘুদের সমস্তা থাকিয়া যাইবে। অবশ্য, কেহ কেহ এই মত পোষণ করেন যে, লোকসংখ্যা স্থানান্তরিত করিলে সমস্তার সমাধান হইবে। কিন্তু তাহাও সম্ভবপর নয়, কারণ ইতিহাস প্রমাণ করিয়াছে যে, লোকসংখ্যা স্থানান্তরিত করিলে মানুষকে বিরাট দুঃখের সম্মুখীন হইতে হয়।

(৩) আবার এই ক্ষুদ্র রাষ্ট্রগুলি অর্থনীতিক্ষেত্রে স্বয়ংসম্পূর্ণ হইবে বলিয়া আশা করা যায় না। ফলে তাহাদিগকে অর্থনৈতিক সাহায্যের জন্ত অপর রাষ্ট্রের মুখাপেক্ষী হইতে হইবে।

(৪) আবার ক্ষুদ্র রাষ্ট্রের অর্থ দুর্বল রাষ্ট্র। ক্ষুদ্র রাষ্ট্র বৃহত্তর রাষ্ট্র কতৃক যে-কোন সময়ে আক্রান্ত হইতে পারে। লর্ড অ্যাক্টন (Lord Acton) বলেন : “জাতিতত্ত্ব হইতেছে ইতিহাসের পশ্চাদগামী পদক্ষেপ” (“The theory of Nationality is a retrograde step in history”)। এই প্রসঙ্গে লর্ড কার্জন বলিয়াছিলেন যে, আত্মনিয়ন্ত্রণের অধিকার এমন একটি অস্ত্র যাহার দুইদিকে ধার। একদিকে ইহা যেমন ঐক্যবদ্ধ হইবার প্রেরণা যোগায়, অত্ৰদিকে আবার তেমনি বিচ্ছিন্ন হইতেও উদ্গাদিত করে (“The right of self-determination is a double-edged sword, it is and has been in the past a unifying force but it may be, and has recently become also a disintegrating force”—Lord Curzon.)। উদাহরণস্বরূপ বলা যায়, জাতিগুলির আত্মনির্ধারণ নীতি একদিকে জার্মানী, ইতালী প্রভৃতি জাতিকে ঐক্যবদ্ধ করিয়াছিল, অপরদিকে, অষ্ট্রিয়া, হাঙ্গেরী, তুরস্ক এবং কশিয়া প্রভৃতি রাষ্ট্রে ভাঙ্গন ধরায়।

যতন্ত্র রাষ্ট্র গঠন করিতে পারিলেই যে বিভিন্ন জাতি উন্নতি করিষ্ক আত্মনির্ভরশীল হইতে পারিবে এমন কথা নিশ্চয় করিয়া বলা যায় না। অধিকাংশক্ষেত্রেই দেখা যায় ক্ষুদ্র ক্ষুদ্র রাষ্ট্রগুলি বৃহত্তর রাষ্ট্রের তাবেদার হইয়া পড়ে।

(৬) পুনরায় লর্ড অ্যাক্টনের মত উল্লেখ করিয়া বলা যায় যে, বুদ্ধি ও জ্ঞানের দিক দিয়া উন্নত জাতির সংস্পর্শে আসিয়া অপেক্ষাকৃত অনগ্রসর জাতিগুলিও উন্নত হয়। তিনি এই মত পোষণ করেন যে, সমাজে জনসমষ্টি যেমন অত্যাৱশ্যক, সেই রকম সুসভ্য জীবনের একটি প্রয়োজনীয় শর্ত হইল একটি রাষ্ট্রে জাতিসমষ্টির বাস (The combination of different nations in one State is as necessary condition of civilized life as the combination of men in Society. Inferior races are raised by living in political union with races intellectually superior.)। এই সংমিশ্রণের ফলে মানবসমাজের একটি অংশের বীৰ্য, মহত্ব, জ্ঞান এবং ক্ষমতা অপর একটি অংশে সঞ্চারিত হয়।

উপসংহারে বলা যায় যে, প্রত্যেকটি জাতির জন্ত এক একটি রাষ্ট্রের প্রয়োজন হয় না। ইতিহাস একথাই প্রমাণ করিয়াছে যে, বহু জাতি একই রাষ্ট্রে শান্তিতে বসবাস করিতে পারে। অবশ্য, ইহা স্বীকার করিতে হইবে যে, এই বসবাসকালে যেন সংখ্যালঘু জাতি সংখ্যাগরিষ্ঠ জাতি কর্তৃক নিপীড়িত না হয়। ক্ষুদ্র ক্ষুদ্র জাতি যখন একসঙ্গে বসবাস করিবে, তখন যেন প্রতিটি জাতির আত্মবিকাশের জন্ত প্রয়োজনীয় সুযোগদান সম্পর্কে সর্বদা দৃষ্টি রাখা হয়। বর্তমানে সম্মিলিত জাতিপুঞ্জ গঠিত হইবার পর যদিও প্রতিটি ক্ষুদ্র রাষ্ট্রের রক্ষণাবেক্ষণের সুযোগ বৃদ্ধি হইয়াছে, তথাপি বিভিন্ন জাতি একত্রে বাস করিলে তাহাদের মধ্যে একত্রে সাংস্কৃতিক আদান-প্রদান প্রত্যেক জাতিকেই সাহায্য করিবে। রাষ্ট্রবিজ্ঞানিগণের মধ্যে কেহ কেহ এই মত পোষণ করেন যে, স্বাধীনতা জাতির অধিকার মাত্র নহে। ইহা অর্জন করিতে ও ইহাকে বজায় রাখিতে যথেষ্ট যোগ্যতার প্রয়োজন। এই প্রসঙ্গে বিশ্বকবি রবীন্দ্রনাথের মন্তব্যটি উল্লেখ করা প্রয়োজন। কবিবর বলেন, “আমার মধ্যে হিন্দু-মোসলমান-খ্রীষ্টান কোন সমাজের কোন বিরোধ নাই। আজ এই ভারতবর্ষের সকল জাতই আমার জাত। সকলের অগ্নি আমার অগ্নি।” জাতীয়তাবোধ মানুষের মধ্যে সকল রকমের বিরোধকে ছাপাইয়া উজ্জগতিতে যে অগ্নিসর হয় ভারতবর্ষের জাতীয় চেতনা তাহাই প্রমাণ করিতেছে। জাতীয় চেতনার সম্মুখে নান হইয়া যায় হিন্দু-মোসলমানের ভেদাভেদ, ধনী-নির্ধনের পার্থক্য। প্রাক-স্বাধীনতার যুগে ভারতবর্ষের জাতীয় চেতনা ইহা প্রমাণ করিয়াছে।

আবার ইহাও সত্য যে, বহু জাতি মিলিয়া এক উদ্দেশ্যে যখন আন্দোলন করে তখন বহু জাতিকে পৃথক পৃথক জাতি হিসাবে ধরা হয় না। কারণ, জাতীয়তাবোধের অর্থ একাত্মবোধের অহুভূতি। ভারতের হিন্দু, মোসলমান, বৌদ্ধ যখন ব্রিটিশের বিরুদ্ধে স্বাধীনতা সংগ্রাম শুরু করে, দেশপ্রেমের ভিত্তিতে তখন তাহারা সকলে এক জাতি হিসাবেই নিজেদের ধরিয়া লইত। এইরূপ প্রাক-স্বাধীনতাকালে বহু জাতি যখন একত্রে স্বাধীনতা সংগ্রামে লিপ্ত হয় তখন জাতির বৈশিষ্ট্য একপ্রকারের, আর স্বাধীনতা-প্রাপ্তির পর জাতির বৈশিষ্ট্য ভিন্নপ্রকারের হয়। স্বাধীনতা-প্রাপ্তির পর ভিন্ন ভিন্ন জাতি জাতির আত্মনিয়ন্ত্রণাধিকার দাবি করে।

বর্তমানে যুক্তরাষ্ট্রীয় শাসন-ব্যবস্থায় জাতি আত্মনিয়ন্ত্রণাধিকারের স্বীকৃতি

পাইয়া বহু জাতি একত্রে তাহাদের বৈচিত্র্যময় সংস্কৃতির বিকাশ সাধন করিতেছে। সুতরাং আত্মনিয়ন্ত্রণাধিকার পৃথক পৃথক রাষ্ট্রের মাধ্যমে না হইয়া যুক্তরাষ্ট্রীয় শাসন-ব্যবস্থায়ও হইতে পারে। এক্ষণে প্রশ্ন উঠে, বহু জাতিকে একসঙ্গে বাঁধিয়া রাখিতে হইলে জাতির কোন্ কোন্ অধিকারকে স্বীকৃতি দিতে হইবে। নিম্নে তাহার আলোচনা করা হইল।

জাতির অধিকারসমূহ (Rights of Nationality) : বহু জাতিকে একসঙ্গে বাঁধিয়া রাখিতে হইলে জনসমাজের কতকগুলি মৌলিক অধিকারকে স্বীকার করিতে হইবে। নিম্নে এই অধিকারগুলি লিপিবদ্ধ করা হইল :

(১) **রাষ্ট্রনৈতিক অধিকার (Political Rights) :** বহুজাতিক রাষ্ট্রে (Poly National State) প্রত্যেকটি জাতীয় জনসমাজের ধর্ম, ভাষা ও সংস্কৃতির যথাযথ বিকাশের সুযোগ নির্দিষ্ট করিয়া রাষ্ট্রনৈতিক অধিকারের ব্যবস্থা করিতে হইবে।

(২) **রাষ্ট্র পরিচালনা করার অধিকার (Rights to take part in Administration) :** রাষ্ট্রপরিচালনা ব্যাপারে এবং রাষ্ট্রীয় ব্যয়বরাদ্দের মধ্যে প্রত্যেকেরই গ্রাহ্য অংশ পাইবার বিধি-ব্যবস্থা করিতে হইবে। এই অধিকার রক্ষিত না হইলে নিপীড়নের গ্লানি ঘনীভূত হইয়া উঠিবে এবং জাতিতে জাতিতে দ্বন্দ্ব অনিবার্য হইয়া উঠিবে।

(৩) **সহ-অবস্থানের অধিকার (Right to co-exist) :** প্রতিটি জাতিকে সহ-অবস্থানের অধিকার দিতে হইবে। জাতিগুলিকে এই অধিকার দিতে হইবে যে, প্রতিটি জাতির ব্যক্তিত্ব যেন রক্ষিত হয়।

(৪) **ভাষার অধিকার (Right to language) :** প্রত্যেক জাতিকেই তাহাদের নিজ নিজ ভাষা ব্যবহারের অধিকার দিতে হইবে। কারণ, মাতৃভাষার মাধ্যম ব্যতীত সংস্কৃতির স্ফূরণ হয় না। এক জাতি এক ভাষাই হইল জাতির অস্তিত্ব বজায় রাখার উপায়। এই অধিকার ক্ষুণ্ণ হইলে জাতিসত্তার বিলোপের সম্ভাবনা দেখা দেয়। ফলে জাতির মধ্যে উন্মাদ দেখা দেয়।

(৫) **আচার ও প্রথা-রক্ষার অধিকার (Right to Retention of local laws) :** জাতির আঞ্চলিক রীতিনীতি ও প্রচলনগুলিকে স্বীকৃতি দিতে হইবে। অবশ্য, এই স্বীকৃতি দিবার কালে স্মরণ রাখিতে হইবে যে, উহা যেন রাষ্ট্রের প্রচলিত নীতির বিরুদ্ধে না দাঁড়াইয়াক।

(৬) সংখ্যালঘুদের রাজনৈতিক ও আইনগত সাম্যের অধিকার (Right to political and legal equality) : রাষ্ট্রের মধ্যে বহু জাতি বাস করিলে সংখ্যালঘুদের রাজনৈতিক ও আইনসম্মত অধিকারগুলিকে স্বীকৃতি দিতে হইবে। আইনের দরবারে প্রত্যেকের সমান অধিকার দান একান্ত প্রয়োজন। জাতি, কুল, ধর্ম, ভাষা নিরপেক্ষভাবে প্রত্যেকের ভোটাধিকার এবং গুণাগুণ অনুসারে রাষ্ট্রের চাকুরীতে সাম্যের অধিকার প্রভৃতি প্রদানের একান্ত প্রয়োজনীয়তা রহিয়াছে। এই অধিকারগুলি স্বীকৃত হইলে বহু জাতি একসাথে শান্তিতে বসবাস করিতে পারে।

জাতীয়তাবাদ, সাম্রাজ্যবাদ, আন্তর্জাতিকতা (Nationalism, Imperialism and Internationalism) : (ক) জাতীয়তাবাদ বা স্বাধীনতাবোধ একটা মানসিক অহুভূতির উপর প্রতিষ্ঠিত। এই জাতীয়তাবাদ মূর্ত হইয়া উঠে রাষ্ট্রনৈতিক আকাঙ্ক্ষার মধ্যে। জাতীয় জনসমাজ জাতিতে পরিণত হইলে জাতীয়তাবাদ যে রূপ ধারণ করে তাহাকে জাতির রাষ্ট্রনৈতিক আকাঙ্ক্ষা বলিয়া আখ্যা দেওয়া হয়। জাতির স্বাধীনতাবোধের অহুভূতির সক্রিয় বহিঃপ্রকাশের ফলে কতকগুলি জাতির সমন্বয়ে গঠিত রাষ্ট্র খণ্ডিত হইয়া এক জাতি, এক রাষ্ট্রের ভিত্তিতে ক্ষুদ্র ক্ষুদ্র রাষ্ট্রে পরিণত হয়। স্বাধীনতাবোধের অহুভূতি মানুষকে তাহার অধিকারগুলি সম্বন্ধে আত্মসচেতন করিয়া নিপীড়িত জাতিগুলির মুক্তি সাধন করে। এইভাবে নিপীড়িত জাতিগুলি মুক্ত হইয়া বিশ্বে তাহাদের স্ব স্ব স্থান অধিকার করিয়া লয়। স্বাধীনতাবোধ

জাতীয়তাবাদ একটা
মানসিক অহুভূতর
উপর প্রতিষ্ঠিত

প্রথমে স্বদেশিকতার (Patriotism) রূপ ধারণ করে। জাতীয়তাবোধ জাগ্রত হইবার সঙ্গে সঙ্গে মানুষ তার স্ব স্ব জাতির লোকদের প্রতি অধিকতর অহুরাগ প্রদর্শন করে। জাতীয়তাবাদ এই শিক্ষাই দেয় যে, জাতির প্রতিটি মানুষ জাতীয় জীবনের প্রতি নির্বিচারে আহুগত্য স্বীকার করিবে; কারণ জাতির স্বার্থের সহিত ব্যক্তির স্বার্থের এক অবিচ্ছিন্ন সম্বন্ধ আছে! এই কারণে বলা হয় যে, জাতীয় স্বার্থের সংরক্ষণ ও তাহার উন্নতিবিধান প্রতিটি মানুষের পবিত্র দায়িত্ব।

জাতীয়তাবাদে বিশ্বাসী মানুষ এই যুক্তি প্রদর্শন করে যে, ব্যক্তির ব্যক্তিগত বিকাশের জন্ত যদি ব্যক্তি-স্বাধীনতা অপরিহার্য হয়, তবে ব্যক্তি সমষ্টির সমন্বয়ে যে জাতি গঠিত হয়, সেই জাতির বিকাশের জন্ত জাতীয় স্বাধীনতাও

অপরিহার্য। জাতীয়তাবাদের মূলনীতি হইতেছে, “নিজে বাঁচ এবং অপরকে বাঁচিতে দাও।” এই আদর্শের ভিত্তিতে অপরায়ণ রাষ্ট্রের সহিত সৌহার্দপূর্ণ

ভাব সৃষ্টি করিতে পারা যায়। বর্তমান জগৎ হইল জাতীয়তাবাদের মূল-নীতি হইল “নিজে বাঁচ এবং অপরকে বাঁচিতে দাও”।

পারে না। কি রাষ্ট্রনৈতিক ক্ষেত্রে, কি অর্থনৈতিক ক্ষেত্রে, সকল ক্ষেত্রেই সকল রাষ্ট্রকেই পরস্পর-নির্ভরশীল হইতে হয়। অব্যাপক ল্যাস্কির ভাষায় বলা যায়, “বর্তমান জগতে বিভিন্ন রাষ্ট্র পরস্পরের উপর এত নির্ভরশীল হইয়াছে যে, কোন একটি রাষ্ট্রের অনিয়ন্ত্রিত ইচ্ছা অত্যন্ত রাষ্ট্রের পক্ষে মারাত্মক হইতে পারে” (“The world has become so inter-dependent that an unfettered will of a State may be fatal to the peace of others”—Laski.)।

জাতীয়তাবাদের জনক ইতালীয় দার্শনিক ম্যাটুসিনি এই মত পোষণ করিতেন যে, প্রত্যেক জাতির কোন-না-কোন বিষয়ে বিশেষ প্রতিভা আছে (Mazzini thought, “each nation possessed certain talents which take together, formed the wealth of the human race”—Lloyd,—Democracy and its Rivals)। এই কারণে তিনি মানবসমাজকে ‘স্বাজাত্যাভিমানী বিভিন্ন জাতির সমবায়’ বলিয়া বর্ণনা করিয়াছেন। বিভিন্ন জাতির একত্রে বাস এবং নিজেদের মধ্যে পারস্পরিক সহযোগিতা ও মিতালীর মধ্য দিয়া যদি স্ব স্ব জাতি স্বাধীনতা, মৈত্রী ও সাম্যের পথে অগ্রসর হয় তবে মানবসমাজ কল্যাণের পথে ও উন্নতির পথে অগ্রসর হইবে। অর্থাৎ, যে জাতীয়তাবোধ কোন রাষ্ট্রকে আক্রমণ করে না, সকলের সহিত সন্তাব রক্ষা করিয়া চলে সেই জাতীয়তাবোধে উদ্বুদ্ধ রাষ্ট্র যে-কোন আন্তর্জাতিক সংগঠনের সহিত মিতালী রক্ষা করিয়া চলিতে পারে।

আবার ইতিহাস একথা প্রমাণ করিয়াছে যে, জাতীয়তাবাদ বহুদেশে একনায়কত্বের অবসান করিয়া গণতন্ত্র প্রতিষ্ঠা করিয়াছে। এই প্রকারের জাতীয়তাবাদ বহুজাতি লইয়া গঠিত রাষ্ট্রে যুক্তরাষ্ট্রীয় সরকারের প্রতিষ্ঠা করে। জাতীয়তাবাদের এই দিকটিকে বলা হয় প্রকৃত জাতীয়তাবাদ (True Nationalism)।

বিকৃত জাতীয়তাবাদঃ জাতীয়তাবাদের আর একটি দিক হইল বিকৃত বা উগ্র জাতীয়তাবাদ (Perverted Nationalism)। এই উগ্র জাতীয়তাবাদই সভ্যতার সংকট (Nationalism is a menace to civilization)। বিশ্বকবি রবীন্দ্রনাথ বলেন : স্বার্থের প্রকৃতিই বিরোধ।” জাতির স্বার্থকে অক্ষুণ্ণ রাখিবার জন্ত অনেক সময় জাতিতে জাতিতে যুদ্ধ বাধে। এই জাতীয়তাবাদের সীমা বহুদূর পর্যন্ত বিস্তৃত। স্বজাতীয় সকলকে এক শাসনাধীনে আনয়ন করিবার আকাঙ্ক্ষা হইতে বিশ্বব্যাপী সাম্রাজ্য প্রতিষ্ঠা করা পর্যন্ত বিস্তৃত এলাকাব্যাপী ইহার পরিধি। এই অনিয়ন্ত্রিত জাতীয়তাবাদ উগ্র রূপ ধারণ করিলে দেখা দেয় সভ্যতার সংকট। সভ্যতার সংকট হিসাবে জাতীয়তাবাদের ইতিহাসকে বোঝা যায় ইতিহাসের পটভূমিকায়। জাতীয়তাবাদ ও জাতিগঠন শুরু হয় ধনতন্ত্রের উদ্ভব ও বিকাশ এবং সামন্ততন্ত্রের অবসানের মধ্যে। মধ্যযুগে যখন সামন্তগণ প্রজাবর্গের উপর উৎপীড়ন করিত এবং ব্যবসায়ীদিগকে করভারে প্রপীড়িত করিত তখন দেখা দেয় ব্যবসায়ী শ্রেণী ও প্রজাবর্গের মধ্যে বিক্ষোভ। এই বিক্ষোভের নেতৃত্ব দিল ব্যবসায়ী শ্রেণী। সামন্তযুগের অরাজকতা ও বিচ্ছিন্নতার বিরুদ্ধে বর্ধমান বুর্জোয়াশ্রেণী সংগ্রাম শুরু করে। এই সংগ্রামের মধ্যেই জাতীয়তাবাদের প্রতিষ্ঠা হয়। এই জাতীয়তাবাদ প্রথমে সামন্তদিগের বিরুদ্ধে সংগ্রামে বুর্জোয়াদের সহায়তা করে এবং পরে ধনতন্ত্রের বিকাশেও বুর্জোয়ারা এই জাতীয়তাবাদকে তাহাদের কাজে ব্যবহার করে। আবার দেখা যায় ধনতন্ত্রের বিকাশের ফলে ধনতন্ত্রের আভ্যন্তরীণ অসঙ্গতি প্রবল হইয়া উঠে। মুনাফার লোভে জাতীয় রাষ্ট্রগুলি বিদেশী বাজারের প্রসার, কাঁচামাল সংগ্রহ এবং বিদেশে মূলধন বিনিয়োগ করিয়া মুনাফা অর্জন করার জন্ত সাম্রাজ্য বিস্তারের দিকে ঝুঁকিয়া পড়ে। এই সকল জাতীয় রাষ্ট্রগুলি (National States) শক্তিমদে মত্ত হইয়া সাম্রাজ্য বিস্তারের জন্ত ব্যস্ত হইয়া পড়ে ফলে বিভিন্ন জাতীয় রাষ্ট্রের মধ্যে উপনিবেশের মালিকানা লইয়া যুদ্ধবিগ্রহ শুরু হইয়া যায়। অধ্যাপক ল্যাক্সির ভাষায় বলা যায়, যখন কোনও রাষ্ট্রের ক্ষমতা বাড়িয়া যায়, তখনই জাতীয়তাবাদ সাম্রাজ্যবাদে রূপান্তরিত হয় (“As power extends, nationalism becomes transformed into imperialism”)। সাম্রাজ্যবাদই জাতীয়তাবাদকে বিকৃত করিয়াছে। জাতীয়তাবাদ এক রাষ্ট্রকে অপর রাষ্ট্র গ্রাস করার প্রেরণা

বণিকের মানদণ্ড
দেখা দিল রাজদণ্ড
রূপে

করিয়া মুনাফা অর্জন করার জন্ত সাম্রাজ্য বিস্তারের দিকে
ঝুঁকিয়া পড়ে। এই সকল জাতীয় রাষ্ট্রগুলি (National
States) শক্তিমদে মত্ত হইয়া সাম্রাজ্য বিস্তারের জন্ত

যোগায়। এই প্রেরণার প্রথম রূপ নেয় অর্থনৈতিক ক্ষেত্রে, তারপর ইহা বিস্তৃতি লাভ করে রাজনৈতিক ক্ষেত্রে। কবি তাই বলিয়াছিলেন যে, ‘বণিকের মানদণ্ড দেখা দেয় রাজদণ্ডরূপে’। প্রথম অর্থনৈতিক ক্ষেত্রে নিজেদের আধিপত্য বিস্তার করিবার পর শক্তিশালী জাতীয় রাষ্ট্র দুর্বল রাষ্ট্রের শাসন-ব্যবস্থার উপর হস্তক্ষেপ করে। এই দুর্বল রাষ্ট্রগুলিই হয় সাম্রাজ্যবাদের উপনিবেশ। সুরু হয় সেখানে সাম্রাজ্যবাদের ঔপনিবেশিক শাসন-ব্যবস্থা। আর এই ঔপনিবেশিক শাসন-ব্যবস্থাকে অব্যাহত রাখার জন্ত সাম্রাজ্যবাদী রাষ্ট্রগুলি নূতন নূতন যুক্তির জাল বুনিতে সুরু করে। কিপলিং-এর “শ্বেতাঙ্গের বোঝা” (White man’s Burden), “নর্ডিক কুলের উৎকর্ষ” (Superiority of the Nordic Race) প্রভৃতি এই ধরনের যুক্তি। উদাহরণস্বরূপ বলা যায়, ইংরেজ ভারতবর্ষকে শাসন করার যুক্তি হিসাবে এই অজুহাত দেখাইত যে, ভারতবর্ষ অশিক্ষিত ও বর্বর। তাহাকে শিক্ষিত করিয়া সংঘবদ্ধ করিবার জন্তই ইংরেজ এদেশ শাসন করিতেছে। হিটলার তাহার নিজের জাতিকে অপরাপর জাতির তুলনায় শ্রেষ্ঠ বলিয়া প্রচার করিত। অতএব অপরাপর জাতিকে শাসন করার অধিকার তাহার আছে। এই অজুহাতেই সে অনেক রাষ্ট্রকে আক্রমণ করে এবং তাহার শাসন-ব্যবস্থা সেখানে প্রতিষ্ঠা করে। জাতীয়তাবাদের এই নগ্ন রূপকে

জাতীয়তাবাদের
নগ্ন রূপ

লক্ষ্য করিয়া হেজ এই উক্তি করেন যে, “আমাদের যুগে জাতীয়তাবোধ, জাতীয় রাষ্ট্র ও দেশপ্রেমের মিশ্রণ হইতে যে জাতীয়তাবাদের উদ্ভব হইয়াছে তাহা মারাত্মক অশ্রায় এবং অমঙ্গলের অঞ্চল উৎস হইয়া দাঁড়াইয়াছে”।

মানুষ নিজেকে ভালবাসে সত্য, কিন্তু তাই বলিয়া সে যদি স্বার্থপর হয়, তবে বুঝিতে হইবে ইহা তাহার মানসিক সংকীর্ণতার লক্ষণ। এই সংকীর্ণতা জাতির ক্ষেত্রেও লক্ষ্য করা যায়। স্বাধীনতাবোধ বা দেশপ্রেম অশ্রায় নহে। তাই বলিয়া দেশপ্রেমে উদ্বুদ্ধ মানুষ নিজের দেশকে অপরাপর দেশের তুলনায় শ্রেষ্ঠ বলিয়া মনে করিবে কেন। সংকীর্ণমনা জাতি নিজের জাতিকে অপরাপর জাতি হইতে শ্রেষ্ঠ মনে করে এবং অপরাপর জাতিকে উপেক্ষা করে। আবার ইহাও মনে করে যে, যেহেতু তাহার জাতি শ্রেষ্ঠ সেইহেতু অপরাপর জাতি তাহার জাতির বশ্যতা স্বীকার করিবে।

জাতীয়তাবাদ মানুষকে এই অন্ধ আবেগে উদ্বুদ্ধ করে যে, জাতির

সকলকেই একভাবে চলিতে হইবে। এই একভাবে চলিবার দাবি মানুষের সর্বপ্রকারের বৈশিষ্ট্যকে ও মতপার্থক্যকে দমন করে।

জাতীয়তাবাদ মানুষকে অন্ধ করিয়া তোলে। যদি কখনও বলা যায় যে, ইহা জাতীয়তা-বিরোধী তখন মানুষ আর কোন যুক্তিতর্কের অপেক্ষা না করিয়াই ইহাকে দমন করিবার উগ্র উদ্বেজনা উন্মত্ত হইয়া উঠে। জাতীয়তাবাদের এই ত্রাসসৃষ্টির ক্ষমতাকে মানুষ ভয় করে বলিয়া মানুষ তাহাদের সকল পার্থক্য, সকল বৈচিত্র্যকে ঢাকিবার চেষ্টা করে। জাতীয়তাবাদের এই আক্রমণমুখী রূপের শেষ পরিণতি হইল যুদ্ধ, সাম্রাজ্যবিস্তার, গণতন্ত্রের সমাধি-রচনা ও ফ্যাসিজম বা নাৎসীবাদের অভ্যুত্থান।

(খ) সাম্রাজ্যবাদ (Imperialism) : বিকৃত জাতীয়তাবাদ হইতেই সাম্রাজ্যবাদ জন্ম লাভ করে। জাতীয়তাবাদের বিকৃত রূপের আলোচনা কালে সাম্রাজ্যবাদের কথা বলা হইয়াছে। উক্ত আলোচনার স্বিকৃতি না করিয়া বলা যায় যে, জাতীয়তাবাদে উদ্ভুদ্ধ হইয়া শক্তিশালী জাতি তাহার দেশের লোকদিগকে যুদ্ধের দিকে পরিচালিত করে এবং দুর্বল রাষ্ট্রগুলিকে আক্রমণ করিয়া তাহাদের পরাজিত করিয়া নিজেদের শাসন ও শোষণ ব্যবস্থা চালু করে। বিজিত রাষ্ট্রগুলির স্বাধীনতা নষ্ট করিয়া, তাহাদের ঐক্য, ঐক্য, ঐক্য, শিক্ষা-দীক্ষা, শিল্প ও বাণিজ্য নিজেদের প্রয়োজন অনুসারে বিকৃত জাতীয়তাবাদ নিয়ন্ত্রণ করে এবং নিজেদের ব্যবহারে লাগায়। উদাহরণ-হইতেই সাম্রাজ্যবাদ স্বরূপ বলা যায়, ইংলণ্ড, জার্মানী, ইতালী, জাপান, জন্ম লাভ করে।

বেলজিয়াম, হল্যান্ড প্রভৃতি রাজ্যগুলি অপরের রাজ্য গ্রাস করিয়া সাম্রাজ্যবাদী শাসন প্রতিষ্ঠা করে। সাম্রাজ্যবাদীরা অপরকে শাসন ও শোষণ করিবার জন্ত বিভিন্ন যুক্তির অবতারণা করে। এই যুক্তিগুলির মধ্যে একটি হইল অপরকে তাহারা শাসন করিতেছে অপরের মঙ্গলের জন্ত। দুর্বল জাতিগুলি যেহেতু শিক্ষা-দীক্ষায় অনগ্রসর সেইহেতু সাম্রাজ্যবাদীরা তাহাদের শিক্ষিত ও সভ্য করিবার দায়িত্ব গ্রহণ করিয়াছে। আর যেহেতু তাহাদের জাতি শ্রেষ্ঠ, সুশিক্ষিত ও সভ্য সেইজন্ত অশিক্ষিতদের শিক্ষিত করিবার ভার তাহাদের উপর অর্পিত হইয়াছে।

সাম্রাজ্যবাদীদের এই যুক্তিগুলি শুধু মানুষকে শাসন ও শোষণ করার অজ্ঞাত বিশেষ। সাম্রাজ্যবাদের প্রসারের ফলে যুদ্ধ অনিবার্য হইয়া উঠে, বিশ্বের শান্তি বিঘ্নিত হয়। বিভিন্ন জাতির মধ্যে বিদ্বেষের ভাব সৃষ্টি

হয় এবং মানবসভ্যতাকে আরও সংকটময় করিয়া তোলে। বিগত দুইটি বিশ্বযুদ্ধ এই কথাই প্রমাণ করিয়াছে যে, সাম্রাজ্যবাদ ও উগ্র জাতীয়তাবাদ পৃথিবীর সভ্যতার পক্ষে বিপদস্বরূপ। এই কারণে পৃথিবীর সর্বত্র আজ এই ভয়াবহ সাম্রাজ্যবাদের বিরুদ্ধে যুদ্ধ চলিতেছে। উদাহরণস্বরূপ বলা যায়, জাতির স্বাধীনতা ও আত্মনিয়ন্ত্রণাধিকার প্রতিষ্ঠার জন্ত এশিয়া ও আফ্রিকার বিভিন্ন স্থানে যুদ্ধ চলিতেছে। বৈচিত্র্যময় জাতির মধ্যে সাম্রাজ্যবাদ প্রতিষ্ঠা করে এক নূতন ধরনের শাসন-ব্যবস্থা। বিভিন্ন কুল, ধর্ম, সংস্কৃতি, আচার-ব্যবহারের উপর চাপাইয়া দেয় এক ধরনের আইন ও এক ধরনের শাসন-ব্যবস্থা। সাম্রাজ্যবাদের বৈশিষ্ট্য হইল ইউনিফর্মিটি।

সাম্রাজ্যবাদের বহুবিধ দোষ থাকিলেও ইহা অনেক সময় অনগ্রসর জাতির অর্থনৈতিক ও রাষ্ট্রনৈতিক উন্নতি করে। সাম্রাজ্যবাদের শাসনে থাকিয়া বিভিন্ন জাতি রাজনৈতিক চেতনাসম্পন্ন হয়। ইহা ছাড়া সাম্রাজ্যবাদের অত্যাচার দোষগুলিকে সংশোধিত করা যায় যদি দেশে যুক্তরাষ্ট্রীয় শাসন-ব্যবস্থা চালু করা যায়। যুক্তরাষ্ট্রীয় শাসন-ব্যবস্থায় কেন্দ্রে একটি বলিষ্ঠ সরকার থাকে আর থাকে ক্ষুদ্র ক্ষুদ্র বিভিন্ন রাষ্ট্র ও তাহাদের সরকার। এই রাষ্ট্রগুলির ভাষা, সাহিত্য, সংস্কৃতি, আচার-ব্যবহার প্রভৃতি কতকগুলি অধিকারকে স্বীকার করিয়া লইলে সাম্রাজ্যবাদের অনেক দোষ তিরোহিত হয়।

(গ) **আন্তর্জাতিকতা (Internationalism)** : প্রশ্ন উঠে, উগ্র জাতীয়তাবাদ ও সাম্রাজ্যবাদের বিরুদ্ধে কি? উত্তর হইল, বিশ্বসৌভ্রাতৃত্ববোধে উদ্বীণ করিয়া মানুষের মধ্যে পারস্পরিক সহযোগিতা, প্রেম ও মৈত্রী প্রতিষ্ঠা করিয়া এক আন্তর্জাতিকতা বোধ জাগ্রত করিতে পারিলেই যুদ্ধের দূষিত আবহাওয়া তিরোহিত হইবে। অতীতে মানুষ আন্তর্জাতিকতা সম্বন্ধে বড় বেশী চিন্তা করে নাই। প্রথমতঃ বর্তমানে যন্ত্রসভ্যতার অগ্রগতির ফলে জাতিতে জাতিতে বিভেদের প্রাচীর ধসিয়া পড়িতেছে। বিশ্ববিশ্বংসী মারণাস্ত্রের ভয়ে মানবসভ্যতা আজ এক বিরাট বিপর্যয়ের সম্মুখীন হইয়াছে। অতএব ল্যান্সির মতে, “সম্পূর্ণ স্বাধীনতা ও সম্পূর্ণ পরাধীনতার মধ্যবর্তী শব্দ আমাদেরকে খুঁজিয়া বাহির করিতে হইবে” (“We have to find middle terms between complete dependence and complete independence.”)। এই প্রসঙ্গে ভারতের প্রধানমন্ত্রী শ্রীনেহরুর উক্তি

প্রশিধানযোগ্য। শ্রীনেহরু বলিয়াছেন : “শান্তিপূর্ণ সহ-অবস্থানের বিকল্প হইতেছে সম্মিলিত বিনষ্টি” (“The alternative to peaceful co-existence is co-destruction”)। দ্বিতীয়তঃ, বিকৃত জাতীয়তা-বিকৃত জাতীয়তাবাদ মানুষকে আন্তর্জাতিকতাবাদের দিকে প্রণোদিত করে বাদের হস্তে মানুষ যে তিক্ত অভিজ্ঞতা অর্জন করিয়াছে, সেই অভিজ্ঞতা হইতেই মানুষ একদিকে জাতীয়তাবাদের বিরুদ্ধে সংগ্রাম করিতেছে, আর অপরদিকে ধীরে ধীরে আন্তর্জাতিক আইন ও আন্তর্জাতিক সম্পর্কের রীতিনীতি প্রতিষ্ঠা করিতেছে।

প্রথম মহাসমরে বহুজাতি প্রভূত পরিমাণে ক্ষতিগ্রস্ত হয়। এই মহাসমরের তিক্ত অভিজ্ঞতা ও শিক্ষা হইতে লীগ অব নেশন্স (League of Nations) প্রতিষ্ঠিত হয়। কিন্তু লীগ অব নেশন্স-এর মাধ্যমে যে বিশ্বশান্তি প্রতিষ্ঠা করিবার আশা করা হইয়াছিল, তাহা পূর্ণ হয় নাই। আবার জাতিতে জাতিতে সংগ্রাম সুরু হয়। দ্বিতীয় বিশ্বসমর আরম্ভ হয়। দ্বিতীয় বিশ্বসমর শেষ হইয়াছে ; মানুষের উন্নতি করিবার ইচ্ছা, বাঁচিবার ইচ্ছা ও শান্তি প্রতিষ্ঠা করিবার ইচ্ছা তাহাকে আবার আন্তর্জাতিক প্রতিষ্ঠান গঠন করিবার দিকে প্রেরণা যোগাইয়াছে। দ্বিতীয় বিশ্বসমরের পর তাই পুনরায় মানুষ “জাতিসংঘ” (United Nations) প্রতিষ্ঠা করিয়াছে। এই প্রতিষ্ঠানের উদ্দেশ্য হইল সকল জাতির উন্নয়ন করা এবং যুদ্ধকে নিয়ন্ত্রণ করা। এই জাতিসংঘের বহুবিধ ক্রটি আছে, তথাপি ইহা স্বীকার করিতে হইবে যে, মানবসভ্যতার অগ্রগতির পথে ইহা এক গুরুত্বপূর্ণ পদক্ষেপ।

তৃতীয়তঃ, আন্তর্জাতিকতাবোধ একটি মানসিক অহুভূতি। এই মানসিক অহুভূতি বিশ্বসৌভ্রাতৃত্ববোধে মানুষকে উদ্বীপ্ত করে। আবার সকল মানুষের বিচিত্র অবদানে সমৃদ্ধ বিশ্বসভ্যতার রসাহুভূতিতে সজীবিত মানুষ আন্তর্জাতিকতায় বিশ্বাস করে। পৃথিবীর প্রতিটি জাতির কামনা হইল সুখী জীবন। এই সুখী জীবনকে গড়িয়া তোলা সম্ভবপর হয় তখনই যখন পৃথিবীর প্রতিটি জাতি তাহাদের বিকাশের জন্ত সর্ববিধ স্বেযোগ পাইবে। পরস্পর পরস্পরকে ঘৃণা করিবে না বরং ভালবাসিবে। উগ্র জাতীয়তাবাদের আতঙ্কময় পরিবেশকে বিসর্জন দিয়া, পরস্পর পরস্পরের স্বাধীনতাকে সম্মান করিয়া, সহযোগিতার ভিত্তিতে যখন বসবাস করিতে পারিবে তখনই বিশ্ব-

শান্তি প্রতিষ্ঠিত হইবে। এই বিশ্বশান্তিকে রক্ষা করিবার প্রহরী হিসাবে কাজ করিবে আন্তর্জাতিক সংগঠন। আন্তর্জাতিক সংগঠনের মাধ্যমেই স্বজাতিপ্রেম ও আন্তর্জাতিক মানবতাবোধ এক নূতন সভ্যতার সৃষ্টি করিবে।

চতুর্থতঃ, কার্ল মার্কস শতবর্ষ পূর্বে বিশ্বের সকল মেহনতী মানুষকে ঐক্যবদ্ধ ("workers of all lands unite") হইবার জন্ত আহ্বান জানাইয়াছিলেন। বাস্তবধর্মী চিন্তাবীর হিসাবে তিনি জাতীয়তাবাদের বিকল্প হিসাবে অর্থনৈতিক সমস্বার্থের ভিত্তিতে ঐক্যবদ্ধ হইবার আহ্বান জানান। সকল দেশেই ধনিকশ্রেণী শোষণের উপর ভিত্তি করিয়া বাঁচিয়া আছে। ফলে সকল দেশেই এক শ্রেণীর মানুষ শোষিত হইতেছে। এই সকল দেশের শোষিত মানুষ ঐক্যবদ্ধ হইয়া আন্দোলন করিলে জাতীয়তাবাদকে বুর্জোয়াশ্রেণী অপর দেশকে আক্রমণ করার কাজে লাগাইতে পারিবে না।

উপসংহারে বলা যায় যে, নিজের দেশের সব কিছুকেই গ্রহণ বা বর্জন উভয়ই অমঙ্গল সূচিত করে। নিজের দেশের যাহা ভালো ও শ্রেষ্ঠ তাহাকে গ্রহণ করিতে হইবে। আবার অপরদেশের যাহা শ্রেষ্ঠ তাহাকে গ্রহণ করিতে হইবে। সকল দেশের যাহা শ্রেষ্ঠ তাহা বিশ্বমানবের বেদীতে নৈবেদ্য হিসাবে দান করা সম্ভব এবং এই নৈবেদ্যের উপর সকলেরই সমান ভাগ। এইভাবে শ্রেষ্ঠত্বের আদান-প্রদানের মধ্য দিয়া নূতন সভ্যতার সৃষ্টি হইবে। এই সভ্যতা জাতীয়তাবাদের আতঙ্ক হইতে মানুষকে রক্ষা করিবে এবং বিশ্বশান্তিকে সুদৃঢ় করিবে।

ভারতবর্ষের জাতীয় চরিত্র (Character of Indian Nationality) : ভারতবর্ষের জাতীয় চরিত্র বিশেষ বৈশিষ্ট্যপূর্ণ। পাশ্চাত্য দেশের সমালোচকের চক্ষে ভারতবর্ষ একটি জাতি নয়। কারণস্বরূপ বলা হয় যে, ভারতে কুলগত, ভাষাগত ও ধর্মগত ঐক্য লক্ষ্য করা যায় না। আবার আচার-ব্যবহার ও প্রচলনের মধ্যেও ঐক্য নাই। ভারতের প্রধান অধিবাসী হিন্দু ও মোসলমান সম্প্রদায়ের মধ্যে রীতিনীতি, আচার-ব্যবহারের মধ্যে কোথাও ঐক্য নাই। এই কারণে মোসলমানগণ মনে করে যে, তাহারা হিন্দুগণ হইতে সম্পূর্ণ পৃথক। তাই মোসলমানগণ তাহাদের একটা স্বতন্ত্র রাষ্ট্রের দাবি করে। বর্তমানের পাকিস্তান এই স্বতন্ত্র রাষ্ট্রের দাবি ও আন্দোলনের ফল।

পশ্চিমী সমালোচকেরা বিষয়টির কেন্দ্রগামিতার (Centrifugal) দিকে লক্ষ্য নিবদ্ধ না করিয়া কেন্দ্রবাহিমুখিতার (Centripetal) দিকে

অধিকতর দৃষ্টি দিয়াছেন। অবশ্য, ইহা সত্য যে, ভারতে বহু ভাষার প্রচলন আছে, বহু ধর্ম আসিয়া এখানে মিলিত হইয়াছে, বহু কুল তাহাদের স্থায়ী বাসস্থান প্রতিষ্ঠা করিয়াছে। কিন্তু ইহাও স্বীকার করিতে হইবে যে,

এই বিরাট আয়তনের দেশে, এই বিরাট ঐতিহাসিক ভারতবর্ষে বহু ভাষা ও প্রথা প্রচলিত আছে। ঐতিহ্য বহনকারী দেশে বহুবিধ কথ্যভাষা, বহুবিধ ভাষা এখানে আচার-ব্যবহার, বহুবিধ প্রচলন থাকাটা অস্বাভাবিক এক জাতি গঠিত নয়। ইহাও স্বীকার করিতে দোষ নাই যে, ধর্ম এখানে হইয়াছে।

একটি বৈপরীত্য সৃষ্টি করিয়াছে। কিন্তু ইহা শুধু ভারতে কেন বহু দেশেই এই ধর্ম, প্রচলন, সংস্কৃতি, ভাষা প্রভৃতি বৈপরীত্যের ভাব ও বৈচিত্র্যের সৃষ্টি করিয়াছে। উদাহরণস্বরূপ বলা যায়, সোভিয়েত রুশিয়া, মার্কিন যুক্তরাষ্ট্র ও সুইজারল্যান্ডে বিভিন্ন কুল, ভাষা, ধর্মাবলম্বী মানুষ একত্রে বসবাস করে। অতএব বলা যায়, যদি এই সকল দেশে এক জাতির বৈশিষ্ট্যগুলি বিদ্যমান থাকে, তবে ভারতবর্ষের ক্ষেত্রে কেন দ্বিমত পোষণ করিব ?

আবার 'জাতি' অর্থে যদি মানসিক ও ভাবগত ঐক্যের ধারণা পোষণ করা যায় এবং ইহা যদি বাস্তব পার্থক্য অপেক্ষা ভাবগত ঐক্যের উপরই বেশী নির্ভরশীল হয় তবে ভারতের ইতিহাস পর্যালোচনা করিলে দেখা যাইবে যে, ভারতবর্ষের জনসাধারণের মধ্যে এই ভাবগত ঐক্য বিদ্যমান। এমন কি প্রতিক্রিয়াশীল সাইমন কমিশনও স্বীকার করিতে বাধ্য হইয়াছে যে, ভারতবর্ষে বহু ভাষা, বহু আচার এবং বহু ধর্ম থাকা সত্ত্বেও এখানে একটি মৌলিক ভাবগত ঐক্য আছে যাহা সকলকে একসূত্রে আবদ্ধ করিয়াছে ("It would be a profound error to allow geographical dimensions or statistics of population or complexities of religion, caste and language to be the little significance of what is called the Indian National movement.")। হিন্দু, বৌদ্ধ, মোসলমান, খ্রীষ্টান সকলেরই অবদান রহিয়াছে এই জাতীয় ঐক্য প্রতিষ্ঠা করার পশ্চাতে। হিন্দু ও মোসলমান শত শত বৎসর একই স্থানে বাস করিতেছে। তাহাদের ভাষাগত ঐক্য তাহাদের সাহিত্যের মধ্যে ঐক্য আনিয়া দিয়াছে। অনেক ক্ষেত্রে সংস্কৃতির মধ্যে ইহাদের ঐক্য দেখা যায়। অর্থনৈতিক সমস্বার্থে এই দুই ধর্মাবলম্বী মানুষ আবদ্ধ হইয়াছে। ইহাদের মধ্যে বর্তমানে যে ঝগড়া, ঘেষ

প্রভৃতি লক্ষ্য করা যায় তাহা সাম্প্রতিক। এই ঝগড়া ও হানাহানির পশ্চাতে রহিয়াছে কতিপয় স্বার্থাশ্রয়ী মানুষ, যাহারা জাতীয়তাবাদের নামে নিজেদের স্বার্থকে পূর্ণ করিয়া লয়।

আবার 'জাতি' বলিতে শুধু ধর্ম, ভাষা ও কুলের সম্পর্কের কথা ধরিলেই চলিবে না। জাতিতত্ত্বের ব্যাখ্যায় ঐতিহাসিক স্মৃতি ও ভবিষ্যতের আদর্শের ঐক্যকে বুঝিতে হইবে। এই ঐতিহাসিক স্মৃতি ও ভবিষ্যতের আদর্শগত ঐক্যের ভিত্তিতেই বহু ভাষাভাষী, বহুকুলোদ্ভব মানুষ রুশিয়াতে একই রাষ্ট্রীয় সার্বভৌমিকতার অধীনে বাস করিতেছে। ভারতের ক্ষেত্রেও এই একই কথা ঘাটে। অবশ্য, ইহা স্বীকার করিতে হইবে, ইংরেজ রাজত্বকালে সমগ্র ভারতে এক ধরনের শিক্ষা-ব্যবস্থা, এক ধরনের আইন, এক ধরনের শাসন-ব্যবস্থা সমগ্র দেশবাসীর মধ্যে একটা রাজনৈতিক চেতনা আনিয়া দিয়াছে এবং জাতীয়তাবোধে উদ্বুদ্ধ করিতে বিরাটভাবে সাহায্য করিয়াছে। আবার দেশপ্রেম ও স্বাধীনতা সংগ্রামের মধ্য দিয়া সমগ্র ভারতবাসী ঐক্যবদ্ধ হইয়াছে। নেতাজী সুভাষচন্দ্র বসুর 'আজাদ হিন্দু ফৌজ' ভারতবর্ষের জাতীয় ঐক্যের নিদর্শন। স্বাধীনতা লাভের পর আজও সেই ঐক্যবোধ ভারতবর্ষে একটি জাতীয় রাষ্ট্রের ভাব সৃষ্টি করিয়াছে এবং যুক্তরাষ্ট্রীয় ব্যবস্থা প্রতিষ্ঠিত হওয়ায় বিভিন্ন জাতির মধ্যে ভাঙ্গন ধরে নাই। তবে ইহা স্বীকার করিতে হইবে যে মিঃ জিনার দ্বি-জাতিতত্ত্ব (Two-Nation Theory) ভারতবর্ষকে দ্বিখণ্ডিত করিয়া লক্ষ লক্ষ মানুষের জীবনে বর্ণনাতিত দুঃখ ও কষ্ট আনিয়া দিয়াছে। এই দুঃখকষ্টের তিক্ত অভিজ্ঞতায় ভারতীয় মানুষ আরও ঐক্যবদ্ধ হইবে বলিয়া আশা করা যায়।

সারসংক্ষেপ

জনসমাজ, জাতীয় জনসমাজ, জাতি এবং রাষ্ট্র একই অর্থে ব্যবহৃত হয় না। কুল, সাহিত্য, ভাষা, আচার-ব্যবহার, অভাব-অভিযোগবোধ, ভৌগোলিক সান্নিধ্য প্রভৃতির দ্বারা ঐক্যবদ্ধ জনসমষ্টিকে জনসমাজ বলা হয়। জনসমাজ জাতীয় জনসমাজে রূপান্তরিত হয় তখনই যখন জনসমাজ রাষ্ট্রনৈতিক চেতনা-সম্পন্ন হয়। আবার রাষ্ট্রনৈতিক চেতনা গভীরতর হইলে জাতীয় জনসমাজ জাতিতে পরিণত হয়। জাতিগঠনের এই সকল উপাদানগুলির অধিকাংশই বাহ্যিক। কিন্তু আবার এই মত পোষণ করা হয় যে, জাতিগঠনে কোন বাহ্যিক উপাদান অপরিহার্য নহে। রেণা প্রমুখ চিন্তাবীর জাতীয় জনসমাজকে ভাবগত ধারণা বলিয়া অভিহিত করিয়াছেন।

অবশ্য, মার্কসের অনুগামীরা জাতিকে কতকগুলি অপরিহার্য উপাদানের সমন্বয়ে গঠিত জনসমষ্টির এক বিশেষ প্রকাশ হিসাবে বর্ণনা করিয়াছেন। মার্কসের অনুগামীরা ভাষাবাদী চিন্তাধারার বিখ্যাসী নহে। তাহাদের বক্তব্য বাস্তবধর্মী।

প্রত্যেক জনসমাজ নিজেদেরকে এক শাসনাধীনে আনয়ন করিতে চায়। নিজেদের মধ্যে ঐক্যবোধ অনুভব করে। ফলে তাহাদের মধ্যে স্বাতন্ত্র্যবোধের সৃষ্টি হয়। স্বাতন্ত্র্যবোধের দরুন তাহারা নিজেদের অস্ত্রাণ্ড সকল মনুষ্য সম্প্রদায় হইতে পৃথক মনে করে। এই স্বাতন্ত্র্যবোধের পক্ষে ও বিপক্ষে বহু যুক্তি দাঁড় করানো যায়। জাতীয় জনসমাজের রাষ্ট্রনৈতিক আকাজ্জকে জাতির আত্মনিয়ন্ত্রণাধিকার হিসাবে অবিহিত করা হয়। রাষ্ট্রবিজ্ঞানোদিগের মধ্যে কেহ কেহ এই মত পোষণ করেন যে, জাতির আত্মনিয়ন্ত্রণের অধিকার স্বীকার না করিলে প্রকৃত স্বাধীনতার আবহাওয়া সৃষ্টি করা যায় না এবং আত্মবাগী যুদ্ধের দূষিত আবহাওয়াও দূর করা যায় না। কিন্তু স্বাভাৱ্যবোধ বা জাতীয়তাবাদ অনেক সময় উগ্র রূপ ধারণ করে। উগ্র জাতীয়তাবাদ সভ্যতার এক সংকট-বিশেষ। জাতির আত্মনিয়ন্ত্রণাধিকার স্বীকৃত হইলে পর জাতি অনেক সময় জাতির স্বার্থের জন্য যুদ্ধ আরম্ভ করিতে পারে। অতএব জাতির আত্মনিয়ন্ত্রণাধিকার স্বীকৃত হইলেই যুদ্ধের আশঙ্কা দূরীভূত হয় না। আবার জাতির আত্মনিয়ন্ত্রণাধিকার স্বীকৃত হইলেও সংখ্যালঘুর সমস্তা থাকিয়াই যায়। এই সংখ্যালঘুদের সমস্তা অধিকতর ক্ষুণ্ণতর আকার ধারণ করে। অবশ্য, জাতির আত্মনিয়ন্ত্রণাধিকার যদি বিশ্বমোক্ষাত্বের বোধের ভিত্তিতে পরিচালিত হয় এবং আন্তর্জাতিক প্রতিষ্ঠানকে নিয়ন্ত্রিত করে তবে এই যুদ্ধের আশঙ্কা অনেক পরিমাণে দূরীভূত হইবে।

বিকৃত জাতীয়তাবাদ : আবার জাতির রাষ্ট্রনৈতিক আকাজ্জা প্রথমে দেশপ্রেমের মধ্যে প্রকাশিত হইয়া স্বজাতির প্রতি অমুরাগের সৃষ্টি-কুরিয়া পরে বিকৃত, উগ্র জাতীয়তাবাদে পরিণত হইতে পারে। উগ্র জাতীয়তাবাদ বিভিন্ন মিশ্রজাতীয় রাষ্ট্রে ভাঙ্গন ধরায় এবং সাম্রাজ্যবাদেও রূপান্তরিত হয়।

সাম্রাজ্যবাদ : উগ্র জাতীয়তাবাদ হইতেই সাম্রাজ্যবাদের উদ্ভব হয়। সাম্রাজ্যবাদের বহুবিধ দোষ থাকিলেও, ইহা পশ্চাদ্দপদ, অনগ্রসরমান দেশগুলিকে সংগঠিত করিতে, এবং রাজনৈতিক চেতনা-সম্পন্ন করিতে সহায়তা করে।

আন্তর্জাতিকতা : বর্তমানে যন্ত্রসভ্যতার অগ্রগতির ফলে জাতিতে জাতিতে বিভেদের প্রাণীর স্রসিয়া পড়িতেছে। আবার বিকৃত জাতীয়তাবাদের হস্তে মানুষ যে ভিত্ত অভিজ্ঞতা অর্জন করিয়াছে, সেই অভিজ্ঞতা হইতেই মানুষ একদিকে জাতীয়তাবাদের বিরুদ্ধে সংগ্রাম করিতেছে। দীর্ঘ অব নেশনস্, সম্মিলিত জাতিপুঞ্জ গঠিত হইয়াছে। বর্তমান জাতিসংঘের বহুবিধ ঠ্রুটি আছে। তথাপি ইহা স্বীকার করিতে হইবে যে, মানবসভ্যতার অগ্রগতির পথে ইহা এক গুরুত্বপূর্ণ পদক্ষেপ।

ভারতবর্ষের জাতীয় চরিত্র : ভারতবর্ষের জাতীয় চরিত্র বিশেষ বৈশিষ্ট্যপূর্ণ। এখানে শত শত ভাষাভাষী মানুষ একত্রে বাস করিয়াও এক স্বাভাৱ্যবোধের ভিত্তিতে এক জাতি গঠন করিয়াছে।

প্রশ্নাবলী

1. Discuss the importance of the 'principle of Nationality' in the organisation of modern States. [C. U. 1951-52]

(৮৪-৯৯ পৃষ্ঠা)

2. What is meant by the doctrine of self-determination? Discuss in this connection the value and limitations of this doctrine. [C. U. 1958, '61]

(৯৪-১০০ পৃষ্ঠা)

3. "Nationalism is a menace to civilization". Examine the statement.

অর্থের উত্তর-সংকেত : জাতীয়তাবাদ বা স্বাধীনতাবোধ একটা মানসিক অমুভূতির উপর প্রতিষ্ঠিত। এই জাতীয়তাবাদ প্রকাশ পায় জাতির রাষ্ট্রনৈতিক আকাঙ্ক্ষার মধ্যে। জাতীয় জনসমাজ জাতিতে পরিণত হইলে জাতীয়তাবাদ যে রূপ ধারণ করে তাহাকে জাতির রাষ্ট্রনৈতিক আকাঙ্ক্ষা বলিয়া আখ্যায়িত করা হয়। জাতির এই আকাঙ্ক্ষা স্বজাতীয় সকলকে এক শাসনাধীনে আনয়ন করার আকাঙ্ক্ষা হইতে পৃথিবীব্যাপী সাম্রাজ্য প্রতিষ্ঠা করার আকাঙ্ক্ষার পরিণত হইতে পারে। জাতীয়তাবাদের দুইটি রূপ আছে। একটি হইল জাতির আত্মনিয়ন্ত্রণাধিকার প্রতিষ্ঠা করা এবং অপরটির জাতির সহিত সৌহার্দ্যবোধ রক্ষা করিয়া চলা, আর অপরটি হইল বিকৃত জাতীয়তাবাদ। বিকৃত জাতীয়তাবাদ যুদ্ধকে অনিবার্য করিয়া তোলে। ফলে দেখা দেয় সভ্যতার সংকট; শিল্পবিপ্লবের পর এক দেশেব উদ্ভূত শিল্পজাত দ্রব্যগুলিকে বিদেশের বাজারে বিক্রি করার জন্য ব্যবসায়ীশ্রেণী বিদেশের বাজারগুলিকে দখল করার চেষ্টা করে। আবার শক্তিশালী জাতিগুলি জাতীয় সার্বভৌমিকতার সাহায্যে সংরক্ষণমূলক শক্ত প্রভৃতির দ্বারা নিজেদের আধিপত্য ও প্রভাব বিস্তার করিতে প্রয়াস পায়। এই কারণে ক্ষুদ্র ক্ষুদ্র জাতির সহিত বৃহত্তর জাতিগুলির মধ্যে হিংসা-বিদ্বেষ প্রভৃতি দেখা দেয়।

জাতীয়তাবোধ ভাবপ্রবণতায় পূর্ণ। জাতীয়তাবাদ জাতির স্বাভাবিক ও মর্যাদাপোষক প্রকাশ স্বরূপ। জাতীয়তাবাদ দেশপ্রেমের রূপে আত্মপ্রকাশ করে। স্বাধীনতাবোধশ্রেণী দেশপ্রেমের অভ্যুত্থানে দেশের সমগ্র জনসমাজকে সংগঠিত করে এবং নিজেদের সংকীর্ণ উদ্দেশ্যকে কার্যে পরিণত করে। বর্তমান সভ্যতার একটি বিরাট সমস্যা হইল এই উগ্র জাতীয়তাবাদ। বর্তমান সভ্যতার সংকট-সৃষ্টিকারী এই উগ্র জাতীয়তাবাদের হাত হইতে রক্ষা পাইতে হইলে বিশ্ব-সৌভ্রাতৃত্ববাদ প্রচার করিতে হইবে। পরস্পর-নির্ভরশীল জগতে সংকীর্ণ জাতীয়তাবাদ বিষময় ফল সৃষ্টি করিবে। অতএব বর্তমানের প্রধান কাজ হইল একদিকে যাহাতে বিভিন্ন জাতি আত্মনিয়ন্ত্রণাধিকার পাইয়া নিজেদেরকে উন্নত করিতে পারে তাহার দিকে সতর্ক দৃষ্টি রাখা আর অপরদিকে বিভিন্ন জাতির মধ্যে সহযোগিতা ও সৌহার্দ্যের ভিত্তি স্থাপন করিতে হইবে। তাহা হইলে আপনাপন বৈশিষ্ট্য রক্ষিত হইবে এবং বিশ্ব শান্তি প্রতিষ্ঠিত হইবে। এই কার্যগুলি একমাত্র সাধন করা যায় আন্তর্জাতিক সংগঠনের মাধ্যমে। অতএব দেখা যায় বিকৃত ও উগ্র জাতীয়তাবাদ সভ্যতার শত্রু আর প্রকৃত জাতীয়তাবাদ সভ্যতার প্রহরী।

(১০০-১০৭ পৃষ্ঠা)

4. What are the factors that tend to create a Nationality ? How does a nation come into being in a country of diverse nationalities ? [C. U. 1954, '57] (৮৪-৯৯ পৃষ্ঠা)

5. Discuss the factors that create a sense of unity in a State. [C. U. 1954] (৮৪-১০৯ পৃষ্ঠা)

6. "One Nation, one State." Discuss the underlying principle of the slogan and the part played by it in the formation of a modern State. Point out its limitations if any. (৮৪-১০০ পৃষ্ঠা)

7. What are the essential factors that contribute to the development of Nationalism in a country ? Do they exist in India. [C. U. 1935] (৮৪-৯৪, ১০৭-১০৯ পৃষ্ঠা)

8. Discuss the value and limitations of Nationalism as a political ideal. [C. U. Hons. 1955] (১০০-১০৭ পৃষ্ঠা)

9. What are the implications of the Ideal of Nationalism ? How far do you agree with the view, "this Ideal is necessarily wrong and obstructive to progress ?" [C. U. Hons. 1957.] (১০০-১০৭ পৃষ্ঠা)

10. What is meant by Nationalism ? Is the idea of Nationalism compatible with the existence of an International order ? Give reasons for your answer. [C. U. Hons. 1952] (১০০-১০৭ পৃষ্ঠা)

11. What are the rights of Nationality ? (৯৯-১০০ পৃষ্ঠা)

12. What are the basic elements of Nationality ? Is any one of them absolutely essential ? (৮৭-৮৯ পৃষ্ঠা)

অতিরিক্ত পাঠ্য

Delisle Burns,—Political Ideals.

Carlton, J. H. Hayes,—Essays on Nationalism.

Rabindranath,—Nationalism.

MacIver,—The Modern State.

Laski, H. J.—Grammar of Politics.

পঞ্চম অধ্যায়

রাষ্ট্রের উৎপত্তি সম্বন্ধে মতবাদ

(Theories of the origin of the State)

এক সংঙ্গে বাস করিবার ইচ্ছা এবং এক সংঙ্গে বাস করিবার প্রয়োজনীয়তা মানুষকে যখন সংঘবদ্ধ হইয়া বাস করিতে বাধ্য করিল তখনই সমাজ গড়িয়া উঠিল। সমাজ-সৃষ্টির পরে সমাজে বহুবিধ প্রতিষ্ঠানের উদ্ভব হয়। এই প্রতিষ্ঠানগুলির উদ্ভবের গোড়ার দিকে মানুষের প্রত্যক্ষ প্রচেষ্টার প্রয়োজন হইত না। কিন্তু ধীরে ধীরে মানুষ যখন এই প্রতিষ্ঠানগুলির প্রয়োজনীয়তা উপলব্ধি করিল তখন ইহাদিগকে পরিকল্পিত পথে পরিচালিত করিতে লাগিল। আবার মানুষ যখন এই সকল প্রতিষ্ঠানের উপযোগিতা ও কর্তৃত্ব সম্বন্ধে চিন্তা করিতে লাগিল তখন সামাজিক প্রতিষ্ঠানগুলি সম্বন্ধে অনেক মতবাদেরও সৃষ্টি হইল। রাষ্ট্র সামাজিক প্রতিষ্ঠানগুলির মধ্যে একটি উল্লেখযোগ্য প্রতিষ্ঠান। অন্যতম সামাজিক প্রতিষ্ঠান হিসাবে রাষ্ট্র সম্বন্ধেও বহু মতবাদের সৃষ্টি হইয়াছে।

রাষ্ট্রের উৎপত্তি সম্বন্ধে
মতবাদেব সৃষ্টি

রাষ্ট্র সম্বন্ধে মতবাদগুলিকে দুইভাগে ভাগ করা যায়; যথা,—
(ক) রাষ্ট্রের উৎপত্তি সম্বন্ধে মতবাদ, (খ) রাষ্ট্রের প্রকৃতি সম্বন্ধে মতবাদ। আবার রাষ্ট্রের উৎপত্তি সম্বন্ধে এমন কতকগুলি মতবাদ আছে যাহা রাষ্ট্রের উৎপত্তি ও প্রকৃতি উভয়েরই ব্যাখ্যা করে। উদাহরণস্বরূপ বলা যায় ঐশ্বরিক মতবাদ, বলপ্রয়োগের মতবাদ ইত্যাদি। এই কারণে অনেকে মতবাদগুলিকে বিভক্ত করার পক্ষপাতী নহেন।

আবার কোন কোন রাষ্ট্রবিজ্ঞানী রাষ্ট্রের উৎপত্তি সম্বন্ধে তাহাদের মতবাদ লিপিবদ্ধ করিবার কালে দুইটি পদ্ধতি অবলম্বন করিয়াছেন; যথা—

(১) দর্শনমূলক পদ্ধতি,

(২) ঐতিহাসিক পদ্ধতি।

দর্শনমূলক পদ্ধতির ভিত্তিতে রাষ্ট্রের উৎপত্তি বিষয়ে তিনটি মতবাদ প্রচলিত আছে; যথা,—

- (১) ঐশ্বরিক উৎপত্তিবাদ ;
- (২) সামাজিক চুক্তি মতবাদ ;
- (৩) বলপ্রয়োগের মতবাদ ;

আর ঐতিহাসিক পদ্ধতির ভিত্তিতে দুইটি মতবাদ আছে ; যথা,—

- (৪) পরিবার সম্প্রসারণের ফলে রাষ্ট্রের উৎপত্তি মতবাদ ;
- (৫) ক্রমবর্তনের ফলে রাষ্ট্রের উৎপত্তি মতবাদ ।

অতএব দেখা যায়, রাষ্ট্রের উৎপত্তি সম্বন্ধে পাঁচটি মতবাদ প্রচলিত আছে । পূর্বে রাষ্ট্রের উৎপত্তি সম্বন্ধে মতবাদগুলি ছিল কল্পনাপ্রসূত । কিন্তু বর্তমানে ভাষাতত্ত্ব, নৃতত্ত্ব, জাতিতত্ত্ব প্রভৃতির আলোচনা ও চর্চার ফলে রাষ্ট্রের উৎপত্তি সম্বন্ধে বৈজ্ঞানিক ব্যাখ্যা দেওয়া সম্ভবপর হইয়াছে । নিম্নে এই পাঁচটি মতবাদের আলোচনা করা গেল :

(১) ঐশ্বরিক উৎপত্তিবাদ

(Theory of Divine Origin)

৩

রাষ্ট্রের উৎপত্তি সম্বন্ধে ঐশ্বরিক উৎপত্তিবাদটি সর্বাপেক্ষা প্রাচীন । এই মতবাদ অনুসারে রাষ্ট্র ঈশ্বর কর্তৃক সৃষ্ট এবং তাঁহারই ইচ্ছায় পরিচালিত ।

ঈশ্বর রাষ্ট্র সৃষ্টি করিয়া মানুষকে সংঘবদ্ধ জীবন যাপন করিতে অনুপ্রেরণা দিয়াছেন । এই মতবাদ অনুসারে রাজাকে ঈশ্বরের প্রতিনিধি হিসাবে গ্রহণ করা হইত ।

বিশ্বাস করা হইত যে, রাজার মাধ্যমেই ঈশ্বর তাঁহার ইচ্ছাকে প্রকাশ করেন । আবার রাজার ইচ্ছায় যে রাজকার্য পরিচালিত হইত, তাহা ঈশ্বরেরই ইচ্ছাকে কার্যকরী করার নামান্তর মাত্র । কারণ, রাজার ইচ্ছা আর ঈশ্বরের ইচ্ছা অভিন্ন । সুতরাং প্রজাগণ কর্তৃক রাজার ইচ্ছাকে অমান্য করার অর্থ ঈশ্বরের ইচ্ছাকে অমান্য করা । বস্তুত, এই মতবাদ রাজদ্রোহিতাকে ধর্মদ্রোহিতা বলিয়া অভিহিত করে । এই মতবাদকে বিশ্লেষণ করিলে নিম্নলিখিত বৈশিষ্ট্যগুলি পাওয়া যায় :—

- (১) রাষ্ট্র ঈশ্বরের সৃষ্ট একটি সংগঠন ;

- (২) রাজা ঈশ্বরের প্রতিনিধি ;
- (৩) রাজতন্ত্রই একমাত্র ঈশ্বরানুমোদিত শাসন-পদ্ধতি ;
- (৪) রাজার অবর্তমানে তাঁহার পুত্র রাজা হইবেন ;
- (৫) রাজা তাঁহার কার্যের জন্ত একমাত্র ঈশ্বরের নিকটই দায়ী ;
- (৬) স্মরণ্য রাজা তাঁহার কার্যের জন্ত প্রজাদের নিকট দায়ী নহেন ;
- (৭) প্রজাগণকে বিনাবিচারে রাজ-আজ্ঞা পালন করিতে হইবে ;
- (৮) রাজা প্রজাদিগের মতবাদ ও আইনকাহ্ননের উর্ধ্বে ।

এই ঐশ্বরিক উৎপত্তিবাদ রাজতন্ত্রেই বিশেষভাবে প্রচলিত ছিল। কিন্তু, রাজাবিহীন রাষ্ট্রেও ঐশ্বরিক উৎপত্তিবাদের সন্ধান পাওয়া যায়। প্রাচীনকালে এমন বহু রাষ্ট্র ছিল যাহা ধর্মীয় অহুশাসনে পরিচালিত হইত। ধর্মীয় নীতির ভিত্তিতে প্রতিষ্ঠিত রাষ্ট্রে রাজতান্ত্রিক রাষ্ট্রেই বিশেষ ভাবে এই রাষ্ট্র-প্রধান নির্বাচিত হইত। ধর্মীয় নীতি অহুসারে মতবাদ প্রচলিত ছিল। রাষ্ট্র-প্রধান নির্বাচন হইত। ঐশ্বরিক মতবাদের ভিত্তিতে প্রতিষ্ঠিত রাজতান্ত্রিক শাসন-ব্যবস্থায় রাজা এবং ধর্মীয় নীতিতে নির্বাচিত রাষ্ট্রপ্রধানের প্রেরিচালনায় পরিচালিত রাষ্ট্রকে বলা হইত **ধর্মীয় রাষ্ট্র (Theocratic State)**।

রাষ্ট্রের উৎপত্তি সম্বন্ধে ঐশ্বরিক উৎপত্তিবাদটি সর্বাপেক্ষা প্রাচীন। এই মতবাদের অস্তিত্বের সন্ধান পাওয়া যায় ভারতবর্ষ, মিশর এবং চীন প্রভৃতি দেশে। প্রাচীন গ্রীস ও রোমে অবশ্য, এই মতবাদের প্রচলন দেখা যায় না। গ্রীসে সোফিস্ট (Sophist) নামে পরিচিত দার্শনিকগণ ঐশ্বরিক মতবাদে বিশ্বাসী ছিলেন না। ইউরোপে এই মতবাদের প্রচলন সুরু হয় খ্রীষ্টধর্ম প্রবর্তনের ফলে। মধ্যযুগেও ঐশ্বরিক মতবাদের প্রচলন দেখা যায়। ধর্মগুরু পোপ ও সম্রাটের মধ্যে রাষ্ট্রের সর্বাধিনায়কত্ব লইয়া বিরোধ সুরু হয়। এই বিরোধের সময় উভয়পক্ষই এই মতবাদটিকে স্ব স্ব পক্ষের স্বার্থ অহুসারে ব্যাখ্যা করিয়া প্রচার করিতে থাকেন। রাজাকে ঈশ্বরের প্রতিনিধি বলিয়া প্রচার করেন রাজার সমর্থকগণ। আর পোপের সমর্থকগণ পোপকেই ঈশ্বরের প্রতিনিধি বলিয়া প্রচার করেন। পরিশেষে পোপ ও সম্রাটের মধ্যে যুদ্ধ বাধে। এই যুদ্ধে পোপের পরাজয় হয়। পোপের পরাজয়ের পর সম্রাট

নিজ ক্ষমতায় সুপ্রতিষ্ঠিত হইলেন। এই যুগে রাজত্ববর্গ এক স্বেচ্ছাচারিতার ভূমিকা গ্রহণ করে।

এই মতবাদ মাহুষের ক্রববর্ধমান রাষ্ট্রনৈতিক চেতনা এবং গণতন্ত্রের উত্থানের বিরুদ্ধে ব্যবহৃত হইতে লাগিল এবং স্বৈরতন্ত্রকে সমর্থন করিতেছিল। অষ্টাদশ শতাব্দীর শেষ পর্য্যন্ত চূড়ান্তভাবে এই মতবাদ পরিত্যক্ত হয় নাই এবং অষ্ট্রিয়া, জার্মানী ও রাশিয়ায় এই মতবাদ আরও বেশ কিছুদিন পর্য্যন্ত প্রচলিত ছিল।

এই মতবাদের প্রচারকগণের মধ্যে সেন্ট পল (St. Paul), থমাস অ্যাকুইনাস (Thomas Aquinas), স্মার বরাট ফিল্মার (R. Filmer) এবং ইংলণ্ডের রাজা প্রথম জেমস প্রভৃতির নাম বিশেষ উল্লেখযোগ্য। অবশ্য, এই সকল চিন্তাবিদদিগের যুক্তির মধ্যে অনেক পার্থক্য পরিলক্ষিত হয়। থমাস অ্যাকুইনাস যদিও এই মতবাদকে সমর্থন করেন, কিন্তু তাঁহার মতবাদ অপরাপর সমর্থকদের মতো নয়। তাঁহার মতে রাজা অ্যাকুইনাসের মতবাদ ঈশ্বরের নিকট হইতে সকল ক্ষমতা পাইয়া থাকেন জনসাধারণের মাধ্যমে এবং জনসাধারণই তাহার ব্যবহার নিয়ন্ত্রণ করে। থমাস অ্যাকুইনাসের এই মতবাদ মধ্যযুগে প্রচলিত ছিল। ইহা হইতে বোঝা যায় যে, মধ্যযুগেও ঐশ্বরিক উৎপত্তিবাদ চরম রূপ ধারণ করে নাই। তখনও রাজার কর্তৃত্ব জনসাধারণ কর্তৃক নিয়ন্ত্রিত হইত।

ষোড়শ শতাব্দীতে ঐশ্বরিক উৎপত্তিবাদ এক চরম রূপ ধারণ করে। এই যুগে রাজাকে ঈশ্বরের প্রতিনিধি বলিয়া কল্পনা করা হইত এবং বিশ্বাস করা হইত যে, রাজা একমাত্র ভগবানের নিকটই দায়ী। প্রজাদিগের উপর তাঁহার কোন কর্তব্য বা দায়িত্ব নাই। এই বিশ্বাসের ফলে এই যুগে রাজত্ববর্গ চরম স্বেচ্ছাচারী হইয়া উঠে।

সপ্তদশ শতাব্দী হইতে এই মতবাদের প্রভাব ধীরে ধীরে হ্রাস-প্রাপ্ত হয়। আর এই মতবাদের স্থান দখল করে সামাজিক চুক্তি মতবাদ। তারপর ইউরোপে নবজাগরণ ও জাতীয়তাবাদ রাষ্ট্রনৈতিক চিন্তাজগতে এক প্রবল আলোড়ন সৃষ্টি করে। আবার জনগণের সার্বভৌমিকতার তত্ত্ব প্রচারিত হইবার ফলে ঐশ্বরিক মতবাদের মূলে কুঠার আঘাত পড়িল।

সমালোচনা : (১) এই মতবাদের বিপক্ষে বহু যুক্তি প্রদর্শন করা হইয়াছে। বর্তমানে কোন রাষ্ট্রবিজ্ঞানীই বিশ্বাস করেন না যে, রাষ্ট্র ঈশ্বর কর্তৃক সৃষ্ট। ইহা বলা হয় যে, রাষ্ট্র একটি মানবীয় প্রতিষ্ঠান। মানুষ নিজের ইচ্ছানুসারে এবং নিজের সুবিধার জন্ত ইহা সৃষ্টি করিয়াছে।

(২) এই মতবাদ রাজতন্ত্রকে সমর্থন করে এবং রাজাকে ঈশ্বরের প্রতিনিধি বলিয়া স্বীকার করে। ফলে রাজা এবং রাজ-আজ্ঞায় যে সকল আইন-কানুন প্রণীত হয়, তাহাকে সমালোচনার উদ্দেশ্যে রাখিতে হয়। এই মতবাদ

অত্যাচারী প্রজা-
পীড়ক রাজাকে
কেহই ঈশ্বরের
প্রতিনিধি বলিয়া
স্বীকার করে না।

অনুসারে রাজাকে দেবতুল্যজ্ঞানে পূজা করা হয়। কিন্তু অত্যাচারী, নির্ভর, খেচ্ছাচারী ও প্রজাপীড়ক রাজাকে কেহই ভক্তি করিতে চায় না। অত্যাচারী রাজার অত্যাচারে যখন মানুষ নিপীড়িত হয়, তখন কেহই

বিশ্বাস করিতে চায় না যে, রাজার ভোগ-বিলাসের জন্ত ঈশ্বর তাহাদের প্রতি এত নির্ভর আচরণ করিতে পারেন। মহাভারতে উল্লিখিত আছে যে, কল্যাণকামী রাজাকেই দেবতাজ্ঞানে পূজা করা হইত। কিন্তু যে রাজা প্রজারক্ষার আশ্বাস দিয়া প্রজা রক্ষা করেন না, তাহাকে ক্ষিপ্ত কুকুরের স্থায় বিনষ্ট করা উচিত।

(৩) বর্তমান শাসন-ব্যবস্থা গণতান্ত্রিক। বর্তমান যুগে রাজতন্ত্র প্রায় বিলুপ্ত হইয়াছে বলা যাইতে পারে। বর্তমান শাসন-ব্যবস্থার পরিপ্রেক্ষিতে এই মতবাদের বিচার করিলে দেখা যায় যে, ঐশ্বরিক মতবাদ একটি অবাস্তব কল্পনাবিশেষ।

(৪) ধর্মযাজকগণের মধ্যেও অনেকে এই মতবাদটি বিশ্বাস করেন না। এই প্রসঙ্গে হকারের (Hooker) নাম বিশেষ উল্লেখযোগ্য। হকার বলেন যে, ধর্মের ব্যাপারেই ঈশ্বরের কল্পনা করা যায়, লৌকিক ব্যাপারে নহে। যীশুখ্রীষ্টের মন্তব্যটিও এই প্রসঙ্গে উল্লেখযোগ্য। তিনি বলেন : “সীজারের (অর্থাৎ সম্রাটের) যাহা-কিছু প্রাপ্য, তাহা সীজারকে দাও ; আর ঈশ্বরের যাহা প্রাপ্য তাহা ঈশ্বরকে দাও (“Render unto Caesar the things that are Caesar’s, and render unto God the things that are God’s”)। অতএব রাজার ঈশ্বরের নামে যে সব-কিছু পাইবার অধিকার নাই, তাহা ধর্মযাজকগণও স্বীকার করেন।

(৫) এই মতবাদের সন্ধান পাওয়া যায় রাজতন্ত্রে। প্রজাতন্ত্রে ঈশ্বরের প্রতিনিধি কে তাহা ঐশ্বরিক মতবাদ অনুসারে খুঁজিয়া পাওয়া যায় না।

(৬) ঐশ্বরিক মতবাদ অনুসারে রাজত্ববর্গ শুধু মাত্র হুকুম দিবে। আর প্রজাগণ শুধু তাঁহার প্রতি বশ্যতা প্রদর্শন করিবে। এই মতবাদ রাজার কোন দায়িত্বের নির্দেশ দেয় না। যে নীতিতে একপক্ষ বিনাবিচারে অপর-পক্ষের হুকুম পালন করিবে তাহা বেশীদিন স্থায়ী হয় না। তাই দেখা যায়, পরবর্তীকালে চুক্তিবাদীদের যুক্তির আঘাতে এই মতবাদ রাষ্ট্রিক চিন্তাজগৎ হইতে বিদায় লইতে বাধ্য হইয়াছে। আবার ইতিহাসেও এমন কোন প্রমাণ নাই যে, ঈশ্বর একটির পর একটি রাজ্য গঠন করিয়া চলিয়াছেন এবং এক একজন রাজাকে রাজত্ব করিবার অধিকার দান করিয়াছেন। বরং ইহাই ইতিহাস সাক্ষ্য দেয় যে, কিভাবে যুদ্ধ, ষড়যন্ত্র, হিংস্রতা ও হীনতার ভিতর দিয়া রাজারা সিংহাসন দখল করিয়াছে। ইতিহাস প্রমাণ করিয়াছে যে, ইংলণ্ডের রাষ্ট্রবিপ্লব, রাজা প্রথম চার্লসের যুদ্ধে পরাজয়, তাঁহার বিচার ও মৃত্যুদণ্ড ঈশ্বরের আশীর্বাদপূত রাজকীয় মর্যাদায় দারুণ আঘাত হানিয়াছে। এই মতবাদের কোন বৈজ্ঞানিক ভিত্তি নাই। ইহা শুধু ঈশ্বরচারিতার পক্ষপাতী প্রতিক্রিয়াশীল যুক্তি প্রদর্শন করে। কালক্রমে রাষ্ট্র হইতে চার্চ যখন বিচ্ছিন্ন হইয়া পড়িল এবং গণতন্ত্রের আবির্ভাব হইল তখন এই মতবাদ বিদায় গ্রহণ করিতে বাধ্য হইল।

ঐতিহাসিক মূল্য : প্রথমতঃ, এই মতবাদ ভ্রান্ত বটে, কিন্তু সেই সূদূর অতীতে সরল ধর্মবিশ্বাসে ভর করিয়া রাজাকে ঈশ্বরের প্রতিনিধি বলিয়া স্বীকার করিয়া লওয়ায় বিশৃঙ্খল-সমাজ-জীবনে যে শৃঙ্খলা আনয়ন সহজতর হইয়াছিল, তাহাতে কোন সন্দেহ নাই।

দ্বিতীয়তঃ, এই মতবাদের সাহায্যে রাষ্ট্রশক্তি মধ্যযুগীয় ধর্মপন্থার নাগপাশ হইতে নিজেকে মুক্ত করিয়া পার্থিব ব্যাপারের নিয়ামকরূপে প্রতিষ্ঠিত হইতে সমর্থ হইয়াছে।

তৃতীয়তঃ, রাষ্ট্র একটি মানবীয় প্রতিষ্ঠান হইলেও ইহার একটি নৈতিক উদ্দেশ্য আছে। জনসাধারণের নৈতিক, আধ্যাত্মিক উন্নতি সাধন করাই রাষ্ট্রের উদ্দেশ্য। ঐশ্বরিক উৎপত্তিবাদ এই নৈতিক ভিত্তি সূচুত করে। অবশ্য, শাসকবর্গ যদি মনে করেন যে, আইনের গণ্ডীর বাহিরে

নীতি-ভিত্তিক দায়িত্ব তাহাদের আছে তবেই শাসন-ব্যবস্থা উন্নততর হইবে।

অতএব উপসংহারে মন্তব্য করা যায় যে, এই মতবাদের যখন স্রষ্টি হইয়াছিল তখন ইহার প্রয়োজনীয়তা ছিল। কিন্তু কালান্তরে ইহার প্রয়োজনীয়তা শেষ হইয়া যাওয়ায় বর্তমানে এই মতবাদের প্রয়োজনীয়তা অনেক পরিমাণে শেষ হইয়া গিয়াছে। অবশ্য, আজও পাকিস্তান, ইজরায়েল প্রভৃতি দেশ এই মতবাদে বিশ্বাসী। এই মতবাদ একধর্মবিশ্বাসী মানুষ লইয়া স্বতন্ত্র রাষ্ট্রগঠনের প্রেরণা যোগায়। পাকিস্তান ও ইজরায়েলের উদাহরণ হইতে বলা যায় যে, পশ্চাৎপদ চিন্তার প্রভাব মানুষের মনে আজও প্রবল। অতএব এই মতবাদ শুধু অতীত ইতিহাসের বস্তু নয়, ইহার প্রভাব আজও লক্ষ্য করা যায়।

রাজার ঈশ্বরদত্ত অধিকার বনাম সামাজিক চুক্তি মতবাদ (Divine Right Theory Vs. Social Contract Theory) : ষোড়শ শতাব্দীতে ঐশ্বরিক মতবাদ চরম রূপ ধারণ করে। ফলে রাজত্ববর্গ চরম স্বেচ্ছাচারী হইয়া উঠে। রাজা তাহার ঈশ্বরদত্ত ক্ষমতাবলে প্রজাদের উপর অত্যাচার করিত। ষোড়শ শতাব্দীতে রাজাকেই ঈশ্বরের প্রতিনিধি হিসাবে গ্রহণ করা হইত। বিশ্বাস করা হইত যে, ঈশ্বর রাজার মাধ্যমেই কার্য করিয়া থাকেন। রাজার শুধু ঈশ্বরের উপরেই দায়িত্ব আছে, প্রজার উপর তাহার কোন দায়িত্ব নাই। রাজ-আজ্ঞা আর ঈশ্বরের আজ্ঞাকে অভিন্ন মনে করা হইত। আর রাজ-আজ্ঞাই ছিল আইন। প্রজাগণকে বিনাবিচারে রাজ-আজ্ঞা পালন করিতে হইত। রাজার অত্যাচারের বিরুদ্ধে প্রজাদিগের বিদ্রোহ করার কোন অধিকার ছিল না। রাষ্ট্রদ্রোহিতাকে ধর্মদ্রোহিতা বলিয়া গ্রহণ করা হইত। কারণ, ধর্মকে রাষ্ট্রনীতি হইতে পৃথক করা হয় নাই।

রাজার এই ঈশ্বরদত্ত ক্ষমতার নীতির বিরুদ্ধে সপ্তদশ শতাব্দীতে সামাজিক চুক্তি মতবাদ প্রচার করেন হব্‌স্‌, লক্‌ এবং অষ্টাদশ শতাব্দীতে ফরাসী দার্শনিক রুশো। সামাজিক চুক্তি মতবাদের উদ্‌গাতা এই ত্রয়ী এই যুক্তি প্রদর্শন করেন যে, প্রাকৃতিক অবস্থায় মানুষের জীবন যখন অতিষ্ঠ হইয়া উঠিল তখন মানুষ নিরাপত্তার জন্ত নিজেদের মধ্যে এক চুক্তি সম্পাদন করিয়া সার্বভৌম ক্ষমতা-সম্পন্ন ব্যক্তি বা ব্যক্তি-সংসদ বা সমষ্টিগত ইচ্ছারূপ

রাজার ঈশ্বরদত্ত
ক্ষমতার বর্ণনা

সার্বভৌমের হস্তে ক্ষমতা অর্পণ করে। হব্‌সের মতে এই ক্ষমতা অর্পিত হইয়াছিল এক রাজা বা ব্যক্তি-সংসদের হস্তে। রাজা চুক্তিবাদীদের যুক্তির আঘাতে ঐশ্বরিক মতবাদ আর লুপ্ত হইয়াছে। যে চুক্তির মাধ্যমে ক্ষমতা পাইয়াছে তাহা জনমত দ্বারা নিয়ন্ত্রিত নয়। কিন্তু লকের মতে রাজা যদি এই ক্ষমতার সদ্ব্যবহার না করে তবে প্রজাগণ রাজাকে সিংহাসনচ্যুত করিতে পারিবে। রাজাকে তিনি চুক্তির উদ্দেশ্য স্থাপন করেন নাই। তাঁহার মতে চুক্তির একজন অংশীদার হিসাবে চুক্তির শর্ত পালন করার সম্পূর্ণ দায়িত্ব রাজারও রহিয়াছে। এইভাবে লক্ প্রজাদিগের বিদ্রোহ করার অধিকারকে সমর্থন করেন। রুশো সমষ্টিগত ইচ্ছাকে (General will) সার্বভৌম বলিয়া অভিহিত করেন। এই চুক্তিবাদিগণ বিশ্বাস করিতেন যে, আদিম মানুষের মধ্যে চুক্তির ভিত্তিতেই রাষ্ট্রের উদ্ভব হইয়াছে। রাষ্ট্র কোন ঈশ্বরের সৃষ্ট সংগঠন নয়। মানুষের প্রয়োজনেই মানুষ এই সংগঠনের প্রতিষ্ঠা করিয়াছে। আবার রুশো এই যুক্তি প্রদর্শন করেন যে, আদিম মানুষের মধ্যে পারস্পরিক চুক্তির ভিত্তিতে যখন রাষ্ট্রের উদ্ভব হইয়াছে তখন সার্বভৌম ক্ষমতাও মানুষের সমষ্টিগত ইচ্ছার মধ্যেই মূর্ত হইয়া উঠিয়াছে। এখানে রাজার কোন স্থান নাই। এইভাবে ত্রয়ী চুক্তিবাদী, হব্‌স্, লক্ ও রুশো প্রমাণ করিলেন যে, রাষ্ট্র ঈশ্বরের সৃষ্ট কোন সংগঠন নয়, ইহা মানুষেরই সৃষ্টি। রাজাকে ঈশ্বরের প্রতিনিধি বলিয়া গ্রহণ করা যায় না। রাজতন্ত্রই একমাত্র ঈশ্বরের অহুমোদিত শাসনপদ্ধতি নয়। রাজা তাঁহার ক্ষমতার অপব্যবহার করিলে প্রজাদিগের বিদ্রোহ করার অধিকার আছে। রাজার ক্ষমতা প্রজার স্বাধীনতা ও সম্মতির দ্বারা সীমিত হইয়াছে। রুশো ও লকের মতবাদের মধ্যে গণতন্ত্রের বীজ নিহিত ছিল। বলা হইয়াছে যে, রাজা শুধু ঈশ্বরের নিকটই তাঁহার কার্যের জ্ঞাত দায়ী নহেন; তিনি তাঁহার কার্যের জ্ঞাত প্রজাদিগের নিকটও দায়ী। প্রজাগণও চুক্তির অগ্রতম অংশীদার হিসাবে বিনাবিচারে রাজ-আজ্ঞা পালন করিবে না। আর রাজ-আজ্ঞাই আইন নহে। রাজা যেহেতু চুক্তির মাধ্যমে ক্ষমতা লাভ করিয়াছেন, সেইহেতু প্রজাদিগের সুবিধার্থে প্রজাদিগের বিদ্রোহ করিবার অধিকারকে ধর্মদ্রোহিতা হিসাবে ধরা চলিবে না। কারণ, ধর্মকে রাষ্ট্রনীতি হইতে পৃথক করিয়া গ্রহণ করিতে হইবে। এইভাবে সামাজিক চুক্তি মতবাদ রাষ্ট্রচিন্তাজগতে এক নূতন আলোড়ন সৃষ্টি করে এবং ইহা ঐশ্বরিক মতবাদের প্রধান প্রতিবাদ

হিসাবে কাজ করে (The Social Contract Theory was the chief antidote to the Divine Right Theory)। এই সামাজিক চুক্তি মতবাদকে

ঐশ্বরিক মতবাদের
প্রতিবাদ

ভিত্তি করিয়া বিভিন্ন দেশে রাজার স্বৈরচারিতার বিরুদ্ধে প্রজাদের বিদ্রোহ আরম্ভ হয়। ফরাসী রাজ লুইয়ের স্বৈরচারিতার প্রতিবাদ-স্বরূপ বিদ্রোহের আগুন ধীরে ধীরে সমগ্র ত্রাশে ছড়াইয়া পড়ে। আমেরিকায় যে বিপ্লব সংঘটিত হয় তাহারও প্রেরণা হিসাবে সামাজিক চুক্তি মতবাদ এক বিরাট দায়িত্বপূর্ণ অংশ গ্রহণ করে। ঈশ্বর যে-একের পর এক রাষ্ট্র গঠন করিয়া এক একজন রাজার হস্তে শাসনভার অর্পণ করেন নাই বা করিতে পারেন না, এই ধারণা মিথ্যা প্রমাণিত করিয়াছে চুক্তিবাদিগণ। আর প্রজার উপর রাজার যে বিন্দুমাত্রও দায়িত্ব নাই, রাজা শুধু নিজের ভোগবিলাসের জন্য প্রজাপীড়ন করিবে, এই বিশ্বাসও চুক্তিবাদীদের যুক্তির আঘাতে স্রিয়মাণ হইয়া গেল। ফলে, রাজার ঈশ্বরদত্ত ক্ষমতার নীতি ও ঐশ্বরিক উৎপত্তিবাদের ব্যাখ্যা ভ্রান্ত বলিয়া প্রমাণিত হইল।

অবশ্য, হব্‌স্‌ ঈশ্বরের সর্বময় কর্তৃত্বকে সম্পূর্ণভাবে অস্বীকার করেন নাই। তিনি ধর্ম ও রাজার কার্যের মধ্যে একটি সীমারেখা নির্দেশ করিয়া রাজাকে রাষ্ট্রনৈতিক সার্বভৌমিকতার অধিকারী করিয়াছেন। লব্‌ আবার এই রাজার ক্ষমতাকে নিয়ন্ত্রণ করিয়া সীমিত রাজতন্ত্র প্রতিষ্ঠা করিতে চাহিয়াছেন। রুশো চাহিয়াছেন সমষ্টিগত ইচ্ছাকে সার্বভৌম ক্ষমতারূপে প্রকাশ করিতে। অতএব দেখা যায় যে, ঐশ্বরিক মতবাদ যে রাজতন্ত্রকেই একমাত্র শাসন-ব্যবস্থা হিসাবে গ্রহণ করিয়াছে, চুক্তিবাদিগণের কেহ কেহ রাজতন্ত্রকে একমাত্র শাসন-পদ্ধতি নয় বলিয়া প্রমাণ করিয়া রাজতন্ত্রের মূলেও আঘাত করিয়াছেন।

(২) সামাজিক চুক্তি মতবাদ

(Social Contract Theory)

রাষ্ট্রের উৎপত্তি সম্বন্ধে যে সকল মতবাদ আছে তাহার মধ্যে সামাজিক চুক্তি মতবাদটি বিশেষ প্রসিদ্ধ। এই মতবাদ যে শুধু রাষ্ট্রের উৎপত্তিরই ব্যাখ্যা করে, তাহা নহে; ইহা রাষ্ট্রের প্রকৃতিরও ব্যাখ্যা করে।

মতবাদের সংক্ষিপ্ত ইতিহাস : সামাজিক চুক্তি মতবাদটি নূতন নহে। রাষ্ট্র যে মানবিক চুক্তির ফলপ্রসূত একটি সংস্থা, এই ধরনের চিন্তা বহু প্রাচীনকাল হইতেই চলিয়া আসিতেছে। মহাভারতের শান্তিপর্বে এই মতবাদের উল্লেখ আছে।

মতবাদটি
বহু প্রাচীন

কৌটিল্যের অর্থশাস্ত্রে উল্লিখিত হইয়াছে যে, রাষ্ট্রনৈতিক জীবন সুরু হইবার পর মানুষ অরাজকতার হাত হইতে রক্ষা পাইবার জন্ত এক রাজাকে নির্বাচিত করিল। এই রাজাকে প্রজাবর্গ নিয়মিতভাবে

কর প্রদান করিত। আবার রাজাও প্রজাবর্গের নিরাপত্তার ভার গ্রহণ করিত।

প্রাচীন গ্রীক দার্শনিকদিগের মধ্যে সোফিস্ট (Sophist) সম্প্রদায় মনে করিতেন যে, রাষ্ট্র চুক্তির ফলে উদ্ভূত হইয়াছে। গ্রীক দার্শনিক প্লেটো প্লেটো ও এ্যারিস্টটলের ও এ্যারিস্টটলের গ্রন্থেও চুক্তিবাদের উল্লেখ দেখা যায়। তবে এই দুই চিন্তাবীর চুক্তিবাদের যুক্তিকে ঋণ ক্রিয়ার জন্তই এই মতবাদের উল্লেখ করিয়াছেন।

প্লেটো ও এ্যারিস্টটল
এই মতবাদকে
সমর্থন করেন নাই

তাহার। এই মতবাদকে সমর্থন করেন নাই।

বাইবেলেও সামাজিক চুক্তিবাদের উল্লেখ আছে। রোমান ইনো (Roman Law) চুক্তির কথ্য বলা হইয়াছে। রোমক আইন অনুসারে জনগণই সমস্ত ক্ষমতার উৎস। রোমক আইনবিদ আলপিয়ানার মতে, “সম্রাটের ইচ্ছাই আইন : কারণ, জনগণ সমস্ত ক্ষমতাই সম্রাটকে সমর্পণ করিয়াছে।” রোমক যুগের পর সামন্ত যুগেও এই মতবাদের প্রভাব লক্ষ্য করা যায়। সামন্ত যুগে রাজা ও সামন্তদিগের মধ্যে চুক্তিই সামন্ত যুগের ভিত্তি রচনা করিয়াছে। মধ্যযুগেও বিভিন্ন লেখক বিভিন্ন আলোচনায় মতবাদকে উপস্থাপিত করেন। ষোড়শ শতাব্দীতে রিচার্ড হুকারের (Richard Hooker) Laws of Ecclesiastical Polity (১৫৯৪)

বাইবেলে, রোমক
আইনে, সামন্ত যুগ
ও মধ্যযুগে এই
মতবাদের সন্ধান
পাওয়া যায়

নামক গ্রন্থে সামাজিক চুক্তিবাদের উল্লেখ আছে। ষোড়শ শতাব্দীতে এই মতবাদ রাষ্ট্রনীতিক্ষেত্রে বিশেষ প্রভাব বিস্তার করে। তারপর সপ্তদশ শতাব্দীতে যাজক ম্যানিগোল্ডের (Manigold) রচনায় ইহা বিশেষ মতবাদ হিসাবে রূপ গ্রহণ করে। ম্যানিগোল্ড সামাজিক চুক্তি মতবাদ অনুসারে রাষ্ট্রের উৎপত্তির ব্যাখ্যা করেন। এইভাবে এই মতবাদ

বহু প্রাচীনকালে শুরু হইয়া ধীরে ধীরে রাষ্ট্রচিন্তাক্ষেত্রে প্রবাহিত হইয়া ষোড়শ শতাব্দী পর্যন্ত পৌঁছিয়াছে। কিন্তু এত দীর্ঘ ইতিহাস থাকা সত্ত্বেও মাত্র তিনজন দার্শনিকের লেখার মধ্য দিয়া এই মতবাদ সুদৃঢ় ভিত্তির উপর প্রতিষ্ঠিত হইয়াছে এবং অষ্টাদশ শতাব্দী পর্যন্ত রাষ্ট্রচিন্তাক্ষেত্রে বিরাট প্রভাব বিস্তার করিয়াছে এবং বর্তমানের প্রধান রাষ্ট্রাদর্শ গণতন্ত্রের ভিত্তি রচনা করিয়াছে। এই তিন দার্শনিক হইলেন ইংরেজ দার্শনিক হব্‌স্‌ (Hobbes), ইংরেজ দার্শনিক জন লক্‌ (John Locke) এবং ফরাসী দার্শনিক জঁ জাক রুশো (Jean Jacques Rousseau)। এই ত্রয়ী দার্শনিকদিগকে চুক্তিবাদী (Contractualists) বলিয়া অভিহিত করা হয়। এই তিনজন দার্শনিকের মতবাদই বর্তমান আলোচ্য বিষয়।

মতবাদের সংক্ষিপ্ত সার : সামাজিক চুক্তি মতবাদকে এইভাবে বর্ণনা করা যায় : রাষ্ট্রের উদ্ভবের পূর্বে আদিম মানুষ যে অবস্থায় বাস করিত, তাহাকে প্রাকৃতিক অবস্থা (State of Nature) বলিয়া অভিহিত করা হইয়াছে। হব্‌স্‌ের মতে এই প্রাকৃতিক অবস্থা ছিল প্রাক-সামাজিক (Pre-Social) অবস্থা ; অর্থাৎ, এই অবস্থায় সমাজের উদ্ভব হইয়াছে কিন্তু রাষ্ট্রের উদ্ভব হয় নাই। এই প্রাক-সামাজিক অবস্থা ছিল ঘৃণ্য, দরিদ্র ও পাশবিক। আবার অন্তিম চুক্তিবাদী লকের মতে এই প্রাকৃতিক অবস্থা ছিল প্রাক-রাষ্ট্রনৈতিক অবস্থা (Pre-Political)। লকের মতে এই অবস্থায় মানুষের জীবন হব্‌স্‌-বর্ণিত ঘৃণ্য ও কদর্য ছিল না। ইহা ছিল শান্তি, শুভেচ্ছা ও পারস্পরিক সহযোগিতার রাজ্য। আবার এই প্রাকৃতিক অবস্থাকে রুশো মর্ত্যের স্বর্গ বলিয়া অভিহিত করিয়াছেন। তবে এই প্রাকৃতিক অবস্থা সম্বন্ধে এই ত্রয়ীর মতের মধ্যে মোটামুটি একটি ঐক্য লক্ষ্য করা যায়, তাহা হইল প্রাকৃতিক অবস্থায় আর যাহা-কিছু হউক, কোন রাষ্ট্রের উদ্ভব হয় নাই।

আবার, এই অবস্থায় রাষ্ট্রের অস্তিত্ব ছিল না বলিয়া, রাষ্ট্রীয় কর্তৃত্ব ও আইন-কানুনও ছিল না। অতএব প্রাকৃতিক অবস্থায় মানুষ যথেষ্টভাবে জীবন যাপন করিত। এই যথেষ্টচারিতার উপর একমাত্র নিয়ন্ত্রণ ছিল স্বাভাবিক আইন (Natural Law)। প্রকৃতি হইতে মানুষ যে নিয়মশৃঙ্খলা বুঝিয়া জীবনে প্রয়োগ করিত, তাহাই স্বাভাবিক আইন। এই স্বাভাবিক আইন আবার মানুষের যে সকল

চারিত্রিক দোষগুলি ছিল যথা—হিংসা, কলহপ্রিয়তা প্রভৃতি তাহাদিগকে দমন করিত। স্বাভাবিক আইন সম্বন্ধে এই তিনজন চুক্তিবাদী এক ধারণা পোষণ করিতেন না। (প্রাকৃতিক অবস্থার বিধি ছিল—যাকে পাও তাকেই মার, আর যাহা পাও তাহাই কাড়িয়া লও (“Kill whom you can, take what you can”)) প্রাকৃতিক আইন প্রাকৃতিক অবস্থায় নির্ভর করিত পরিণামদর্শিতা ও প্রয়োজনীয়তার উপর (prudence and expediency)। লক্ষ অবশ্য, ভিন্ন মত পোষণ করিতেন। লকের মতে মানুষের সহজাত, প্রকৃতিজাত যে নৈতিক ভিত্তি মানবচরিত্রের মধ্যে বদ্ধমূল হইয়া মানুষকে চালিত করে তাহাই স্বাভাবিক আইনের প্রাণবস্তু। তিনি মানুষের নৈতিক কাণ্ডজ্ঞানকে স্বাভাবিক আইনের উৎস হিসাবে ধরিতেন। হব্‌সের মতে আদিম বিশৃঙ্খল প্রাকৃতিক অবস্থায় কোন আইন থাকিতে পারে না। কারণ আইনকে বলবৎ করিবার মতো রাষ্ট্র ও সরকার ছিল না।

প্রাকৃতিক অবস্থায় আবার কোন অধিকার ছিল না। যাহা ছিল তাহাকে বলা হইত **স্বাভাবিক অধিকার (Right of Nature)**। এই অবস্থায় মানুষ ছিল সদা স্বাধীন। প্রাকৃতিক অবস্থায়

স্বাভাবিক অধিকার প্রাকৃতিক আইন মানিয়া মানুষ যে স্বাধীনতা ও অধিকার ভোগ করিত তাহাই ছিল স্বাভাবিক অধিকার।

স্বাভাবিক অধিকার হইল জীবনের অধিকার ও সম্পত্তির অধিকার।

চুক্তিবাদের প্রবক্তাগণের মতে মানুষ এইভাবে প্রাকৃতিক অবস্থার মধ্যে বাস করিবার কালে স্বাভাবিক আইন ও অধিকার ভোগ করিয়া যখন বহুবিধ অসুবিধার সম্মুখীন হইল তখন মানুষ নিজেদের মধ্যে **স্বৈচ্ছাকৃত চুক্তির** মাধ্যমে রাষ্ট্রের সৃষ্টি করিয়া রাষ্ট্রীয় কর্তৃত্বের আওতায়, রাষ্ট্রীয় আইন-কাহনের নিয়ন্ত্রণে এক রাষ্ট্রীয় জীবন শুরু করিল। এখানে উল্লেখ করা প্রয়োজন যে, সকল চুক্তিবাদীই এই চুক্তি সম্বন্ধে এক মত পোষণ করিতেন না। হব্‌সের মতে চুক্তি হইয়াছিল প্রজাবর্গের মধ্যে এবং প্রজাবর্গ নিজেদের মধ্যে চুক্তি সম্পাদন করিয়া সকল ক্ষমতা ও অধিকার রাজার হস্তে সমর্পণ করে। লক্ষ আবার এই মত পোষণ করিতেন যে, চুক্তি হইয়াছিল দুইটি। প্রথম চুক্তি হয় জনসাধারণের মধ্যে এবং সকল ক্ষমতা সর্বসাধারণ্যে সমর্পণ করা হয়। প্রথম চুক্তিতে রাষ্ট্রের উদ্ভব হয়। আর দ্বিতীয় চুক্তিতে রাষ্ট্রশাস্ত্র বা সরকার গঠিত হয়। এই চুক্তি হইয়াছিল

ব্যক্তি-সংসদ বা রাজার সহিত। হব্‌স্ ও লক্ উভয়েই ছিলেন রাজতন্ত্রের উপাসক। হব্‌স্ ছিলেন চরম রাজতন্ত্রের সমর্থক আর লক্ ছিলেন নিয়ম-তান্ত্রিক রাজতন্ত্রের সমর্থক। অবশ্য, লক্ সকল ক্ষমতা সর্বসাধারণে সমর্পণের মাধ্যমে এবং সার্বভৌমের ক্ষমতা জনগণের অধিকার-দ্বারা নিয়ন্ত্রণের পক্ষপাতী ছিলেন। তিনি এমন কি প্রজার স্বার্থে প্রজাবিদ্রোহেরও সমর্থন করেন। এইভাবে লক্ জনগণের সার্বভৌমিকতার তত্ত্ব ও গণতন্ত্রের পথ উন্মুক্ত করেন এবং রাজাকে চুক্তির অংশীদার করিয়া রাজাকে চুক্তির শর্তপালনে বাধ্য করানোর পক্ষে যুক্তি উপস্থাপিত করেন।

রুশো যদিও হব্‌সের ঠায় বলেন যে, চুক্তি হইয়াছিল একটি, কিন্তু তিনি রাজাকে চুক্তির অংশীদার করেন না। কারণ তাঁহার ধারণায় রাজতন্ত্রের কোন স্থান নাই। **সমষ্টিগত ইচ্ছাকেই** (General will) তিনি সার্বভৌম বলিয়া আখ্যায়িত করেন। রুশোর মতে প্রাকৃতিক অবস্থায় মানুষ ছিল সুখী ও স্বাধীন। কিন্তু ক্রমে ক্রমে লোকসংখ্যা বৃদ্ধি পাইলে নানাবিধ সমস্তার সৃষ্টি হয়। এই সমস্তা সমাধানের জন্ত আদিম মানুষ নিজেদের মধ্যে একটি চুক্তি সম্পাদন করিয়া রাষ্ট্রের সৃষ্টি করে এবং নিজেদের মধ্যে চুক্তির দ্বারা প্রত্যেকে ব্যক্তিগতভাবে যে ক্ষমতার অধিকারী ছিল, তাহা সর্বদাই সমষ্টিগতভাবে প্রয়োগ করিত। অর্থাৎ ব্যক্তিগত ইচ্ছা

সামাজিক চুক্তির
মাধ্যমে প্রাকৃতিক
অবস্থা হইতে
অব্যাহতি লাভ ও
রাষ্ট্রের সৃষ্টি হয়

সমষ্টিগত ইচ্ছার অধীন থাকিবে। রুশো-বর্ণিত সামাজিক চুক্তি সমষ্টিগত ইচ্ছার ভিত্তির উপর প্রতিষ্ঠিত ছিল। এই সার্বভৌম ক্ষমতা-প্রয়োগ সমষ্টিগত ইচ্ছার উপর নির্ভরশীল ছিল। সার্বভৌম ক্ষমতা গুপ্ত করা হইল, হব্‌সের অভিমত অনুযায়ী, রাজার হস্তে নয়, অথবা লকের অভিমত

অনুযায়ী, সংসদের হস্তে নয়, ইহা গুপ্ত করা হইল সমাজের নিকট যে সমাজ ছিল সুবিপুল গণশক্তির আধার। রুশোর মতে সরকারও চুক্তির পক্ষ নহে। সুতরাং সরকারও সার্বভৌম ক্ষমতার অধিকারী নহে। গণ সার্বভৌম ইচ্ছা করিলেই সরকারকে অদল-বদল করিতে পারে।

অবশ্য, চুক্তির প্রকৃতি যাহাই হউক এবং চুক্তির সংখ্যা এক বা একাধিক হউক ইহা সকল চুক্তিবাদীই স্বীকার করিয়াছেন যে, প্রাকৃতিক অবস্থায় সকল অসুবিধার হাত হইতে অব্যাহতি পাইবার জন্তই আদিম মানুষ চুক্তির মাধ্যমে রাষ্ট্রের সৃষ্টি করিল।

১. সামাজিক চুক্তিবাদের উদ্দেশ্য ছিল দুইটি ; যথা—(১) রাষ্ট্রের উৎপত্তি ব্যাখ্যা করা আর, (২) শাসক ও শাসিতের মধ্যে সম্পর্কের নির্দেশ দেওয়া। চুক্তিবাদ যে সময়ে প্রচারিত হয় সেই সময়ে ইংলণ্ডে রাজতন্ত্রের বিরুদ্ধে আন্দোলন শুরু হয়। এই আন্দোলনের ফলে দেশে অরাজকতা আরম্ভ হয়। হব্‌স্‌ তাঁহার লেভিয়াথান গ্রন্থে রাজতন্ত্রের সমর্থনে যুক্তি প্রদর্শন করিবার জন্ত এই চুক্তিবাদ প্রচার করেন। চুক্তিবাদের উদ্দেশ্য তিনি চুক্তিবাদের ভিত্তিতে রাষ্ট্রের উৎপত্তির ব্যাখ্যা করেন এবং সেই প্রসঙ্গে রাজা ও প্রজার মধ্যে সম্পর্কের নির্দেশ দান করেন। হব্‌স্‌ ছাড়া অত্যান্ত চুক্তিবাদীরাও চুক্তিবাদের ভিত্তিতে রাষ্ট্রের উৎপত্তি ও প্রকৃতির ব্যাখ্যা করেন এবং শাসক ও শাসিতের মধ্যে সম্পর্কের নির্দেশ দান করেন। অতএব দেখা যায়, প্রধানতঃ উপরিউক্ত দুইটি উদ্দেশ্যকে সাফল্য-মণ্ডিত করার জন্তই চুক্তিবাদ প্রচারিত হয়।

এই মতবাদের প্রধান প্রধান বৈশিষ্ট্যগুলি হইল :

- (১) প্রাকৃতিক অবস্থার অস্তিত্ব স্বীকার করা ;
- (২) চুক্তি হইয়াছিল মানুষের স্বেচ্ছাকৃত ;
- (৩) প্রাকৃতিক অবস্থায় রাষ্ট্র ছিল না ;
- (৪) স্বাভাবিক আইন ছাড়া রাষ্ট্রনৈতিক আইন ছিল না ;
- (৫) স্বাভাবিক অধিকার ছাড়া রাষ্ট্রনৈতিক অধিকার বলিয়া কিছু ছিল না। কারণ, রাষ্ট্রের তখনও জন্ম হয় নাই ;
- (৬) পারস্পরিক চুক্তির মাধ্যমে রাষ্ট্র সৃষ্টি হইয়াছে।

একনে, এই তিনজন চুক্তিবাদী—হব্‌স্‌, লক্‌ ও রুশোর মতবাদ স্বতন্ত্র-ভাবে আলোচনা করা হইতেছে : 15

(ক) হব্‌স্‌ের অভিমত (Hobbes) : হব্‌স্‌ ছিলেন ইংলণ্ডের রাজা দ্বিতীয় চার্লসের গৃহশিক্ষক। ১৬৫১ সালে প্রকাশিত হয় তাঁহার বিশ্ববিখ্যাত লেভিয়াথান (Leviathan) গ্রন্থ। এই গ্রন্থ রাষ্ট্রনৈতিক চিন্তাজগতে এক বিশেষ আলোড়ন সৃষ্টি করে।

হব্‌স্‌ের সময়ে ইংলণ্ডে প্রজা-বিদ্রোহ এবং ক্রমওয়েলের সাধারণতন্ত্র ইংলণ্ডবাসীদের জীবন বিপর্যস্ত করিয়া তোলে। এই সময়ে রাজা ও পার্লামেন্টের মধ্যে সর্বোচ্চ ক্ষমতা লইয়া দ্বন্দ্ব উপস্থিত হয়। ফলে রাজতন্ত্র টিকিয়া থাকাই কঠিন হইয়া পড়ে। হব্‌স্‌ সমাজের এই পরিস্থিতিতে

সাধারণ মানুষের হুঃখ-কষ্টে ব্যাকুল হইয়া পড়েন। আবার ঐশ্বরিক মতবাদের মধ্যেও তিনি বিশেষ কোন যুক্তি খুঁজিয়া পান না। তিনি ছিলেন রাজতন্ত্রের উপাসক। সমাজের শাস্তি ফিরিয়া আনিতে হইলে রাজার মতো শাসকের প্রয়োজনীয়তা তিনি উপলব্ধি করিলেন। আবার প্রত্যেক স্বৈচ্ছাচারী রাজাকে ঈশ্বরের প্রেরিত প্রতিনিধি বলিয়া যুক্তিবাদী হব্‌স্‌ স্বীকার করিতে পারিলেন না। অথচ রাজাকে তাঁহার সমর্থন করিতেই হইবে। সুতরাং যুক্তির দরবারে তিনি চুক্তির মতবাদকে উপস্থাপিত করিলেন।

হব্‌স্‌ মতবাদের
ঐতিহাসিক
পটভূমিকা

হব্‌স্‌ মানুষের প্রকৃতির উপর তাঁহার মতবাদের ভিত্তি স্থাপন করিয়াছেন। তাঁহার মতে মানুষ চরিত্রগতভাবে স্বার্থপর, লোভী, ধূর্ত, নির্দয় ও আক্রমণমুখী। অতএব প্রাকৃতিক অবস্থায় মানুষ ছিল স্বৈচ্ছাচারী। “জোর যার মুল্লুক তার”, এই নীতিতেই স্বাভাবিক আইন পর্যবসিত হইয়াছিল। নিজের বলে সে যতটুকু অধিকার বজায় রাখিতে পারিত, ততটুকুই ছিল তাহার স্বাভাবিক অধিকার। অতএব এই স্বাভাবিক অধিকারও ছিল শক্তি-নির্ভর। হব্‌স্‌ বিশ্বাস করিতেন যে, প্রাকৃতিক অবস্থা হইতে আজ পর্যন্ত

মানুষের প্রকৃতির
উপর মতবার
রচনা করেন হব্‌স্‌

মানুষের এই প্রকৃতির কোন পরিবর্তন হয় নাই। হব্‌স্‌ মতে এই অবস্থা ছিল অতি ভয়াবহ। এই অবস্থায় মানুষের মধ্যে বিরোধ ও সংঘর্ষ লাগিয়াই ছিল। স্বার্থপর মানুষেরা প্রত্যেকেই ছিল প্রত্যেকের শত্রু। প্রত্যেকেই প্রত্যেকের ভয়ে ভীত। নিজেদের স্বার্থ চরিতার্থ করিবার জন্ত নিষ্ঠুর হত্যাকাণ্ড নিরবচ্ছিন্ন ভাবে চালাইত। প্রতিবেশীর হস্ত হইতে একমাত্র পরিত্রাণের উপায় ছিল নিঃসঙ্গ জীবন যাপন করা। আদিম মানুষ এই কারণে নিঃসঙ্গ জীবন যাপন করিতে লাগিল। সুতরাং তাহাদের জীবন হইয়া উঠিল নিঃসঙ্গ, ঘৃণ্য, দরিদ্র, পাশবিক এবং অনিশ্চিত (“Conditions in the state of nature made man's life solitary, poor, nasty, brutish and short.”—Hobbes)। হব্‌স্‌ মতে এই প্রাকৃতিক অবস্থা ছিল প্রাক্-সামাজিক (Pre-social)।

হব্‌স্‌-বর্ণিত
প্রাকৃতিক অবস্থা

অতএব অত্যন্ত স্বাভাবিক কারণেই মানুষ মুক্তির সন্ধান খুঁজিতে লাগিল। এই অসহনীয় অবস্থা হইতে অব্যাহতি পাইবার জন্ত, আত্মরক্ষার প্রয়োজনে

আদিম মানুষ নিজেদের মধ্যে একটি চুক্তিতে আবদ্ধ হইল। এই চুক্তি সম্পাদন করিয়াছিল প্রত্যেকে প্রত্যেকের সঙ্গে। এই চুক্তির মাধ্যমে প্রত্যেকে তাহার স্বাভাবিক অধিকার চূড়ান্তভাবে কোন এক ব্যক্তিবিশেষ বা ব্যক্তি-সংসদের (assembly of men) হস্তে সমর্পণ করিল। একজন আদিম মানুষ এই শর্তে তাহার নিজেকে চালাইবার অধিকার ত্যাগ করিল এবং সমস্ত ক্ষমতা কোন ব্যক্তি বা ব্যক্তি-সংসদের হস্তে সমর্পণ করিল যে অপর আর একজন আদিম মানুষ তাহার নিজেকে চালাইবার ক্ষমতা ত্যাগ করিয়া অহরূপভাবে সমস্ত ক্ষমতা এক ব্যক্তি বা ব্যক্তি-সংসদের হস্তে সমর্পণ করিবে এবং একই ভাবে উহার সকল কার্যের ক্ষমতা উহাকে প্রদান করিবে।* অতএব দেখা যায়, আদিম মানুষ যেদিন তাহার সকল ক্ষমতা ব্যক্তি বা ব্যক্তি-সংসদের হস্তে সমর্পণ করিলেন, তখন তাহার আর কোন অধিকার অবশিষ্ট রহিল না। আর এইভাবে জন্মগ্রহণ করিল সার্বভৌম ক্ষমতাসম্পন্ন ব্যক্তি বা ব্যক্তি-সংসদ। ইহাই বিশাল লেভায়াথান, বা শ্রদ্ধাভরে বলা যায় মরণশীল দেবতা, যিনি লোকের অভিপ্রায়ে ও নির্দেশে আমাদের শাস্তি ও নিরাপত্তার সর্বময় নিয়ন্তা।

হবসের মতবাদের কয়েকটি বৈশিষ্ট্য নিয়ে দেওয়া গেল :

(১) রাজা বা কোন ব্যক্তি-সংসদ হইলেন চরম ক্ষমতার অধিকারী। কারণ, আদিম মানুষ প্রাকৃতিক অবস্থায় হইতে অব্যাহতি পাইবার জন্ত নিজেদের মধ্যে চুক্তি সম্পাদন করিয়া, নিজেদের আত্মরক্ষার অধিকার ছাড়া বাকী সকল অধিকার রাজা বা ব্যক্তি-সংসদের হস্তে সমর্পণ করিয়াছেন।

(২) সার্বভৌম ক্ষমতার অধিকারী ব্যক্তি বা ব্যক্তি-সংসদ চুক্তির উদ্দেশ্যে। কারণ, তাহারা চুক্তির অংশীদার নহেন। চুক্তির ফলেই এই সার্বভৌম ক্ষমতাসালী ব্যক্তি বা ব্যক্তি-সংসদের উদ্ভব হইয়াছে, চুক্তির পূর্বে নহে। ('A superior, or sovereign exists by virtue of the pact, not prior to it'—Dunning)।

* "as if every man should say to every man, I authorise and give up my right of governing myself to this man or this assembly of men, on this condition that thou give up thy right to him and authorise his actions in like manner."

(৩) সার্বভৌম ক্ষমতার অধিকারী ব্যক্তি বা ব্যক্তি-সংসদের বিরুদ্ধে প্রজাদের বিদ্রোহ করার কোন অধিকার নাই; কারণ, ব্যক্তি বা ব্যক্তি-সংসদ চুক্তির অংশীদার নয় বলিয়া, চুক্তির শর্ত পালন করিবার দায়িত্বও তাহার বা তাহাদের নাই। অর্থাৎ, ব্যক্তি বা ব্যক্তি-সংসদ যদি অত্যাচারীও হয়, তথাপি তাহার বা তাহাদের বিরুদ্ধে বিদ্রোহ করার অধিকার প্রজাদের নাই।

এই যুক্তির দ্বারা তিনি ইহাই প্রমাণ করিতে চাহিয়াছিলেন যে স্টুয়ার্ট রাজাদের বিরুদ্ধে বিদ্রোহ করিবার অধিকার ইংলণ্ডের জনসাধারণের নাই। ইহাই ছিল হব্‌সের সকল বক্তব্যের সারকথা।

(৪) সার্বভৌম ক্ষমতার অধিকারী ব্যক্তি বা ব্যক্তি-সংসদ চুক্তি ভঙ্গ করিতে পারেন কিন্তু প্রজাসাধারণের চুক্তি ভঙ্গ করিবার কোন অধিকার নাই। তাহারা আত্মরক্ষার অধিকার ছাড়া সকল অধিকারই সার্বভৌম ক্ষমতার অধিকারীর হস্তে সমর্পণ করিয়াছেন। কারণ, আত্মরক্ষার অধিকার সমর্পণ করা যায় না। প্রজাসাধারণের চুক্তি ভঙ্গ করিবার অধিকার না থাকার কারণ হিসাবে হব্‌স বলেন যে, প্রজাসাধারণ চুক্তি ভঙ্গ করিলে প্রজাদের সমস্ত অধিকার ফিরিয়া আসিবে সত্য, কিন্তু তাহা সেই ভয়ঙ্কর প্রাকৃতিক অবস্থার পুনঃপ্রবর্তনের মধ্য দিয়াই ফিরিয়া আসিবে। (For Hobbes “there is no choice except between absolute power and complete anarchy, between an omnipotent sovereign and no society whatever.—Sabine.))

(৫) সার্বভৌম ক্ষমতার অধিকারী রাজা বা ব্যক্তি-সংসদের আদেশই হইল আইন।

(৬) প্রজাসাধারণের স্বাধীনতা সার্বভৌমের আজ্ঞা অথবা আইন দ্বারা সীমিত। অর্থাৎ সার্বভৌম যতটা প্রজাসাধারণের অধিকার দান করেন ততটাই তাহাদের স্বাধীনতা। অবশ্য, প্রজাদের আত্মরক্ষার অধিকার বা স্বাধীনতা সার্বভৌমের হস্তে সমর্পণ করে নাই বলিয়া বা হইতে পারে না বলিয়া, তাহাও প্রজাদের অস্বতন্ত্র স্বাধীনতা।

(৭) হব্‌সের মতে অবাধ রাজতন্ত্রই শ্রেষ্ঠ শাসন-ব্যবস্থা। তিনি ব্যক্তি-গোষ্ঠীর শাসন অপেক্ষা রাজতন্ত্রকে শ্রেষ্ঠ শাসন-ব্যবস্থা বলিয়া অভিহিত করিয়াছেন কারণ, রাজা শ্রেষ্ঠ আসনে বসিয়াছে, তাহার নূতন কিছু পাইবার

নাই। অপরদিকে একটি গোষ্ঠীর হস্তে শাসনক্ষমতা অর্পিত হইলে অন্তর্দ্বন্দ্ব ও অশান্তি সৃষ্টি হইবে।

হব্‌স্‌ীয় মতবাদের সমালোচনা : হব্‌স্‌ের মতবাদ সমালোচনা করিতে হইলে প্রথমেই উল্লেখ করা দরকার যে, হব্‌স্‌ চরমতন্ত্রের সমর্থক ছিলেন। কিন্তু এই চরমতন্ত্র রাজতন্ত্রের মাধ্যমেও হইতে পারে, আবার সাধারণতন্ত্রের মাধ্যমেও হইতে পারে। অবশ্য, চরম সাধারণতন্ত্রকে (assembly of men) সমর্থন করার উদ্দেশ্য তাঁহার ছিল না, কিন্তু কার্যক্ষেত্রে তিনি করিতে বাধ্য হইয়াছেন। হব্‌স্‌ ছিলেন চরম রাজতন্ত্রের সমর্থক। এই প্রসঙ্গে স্ত্রাবাইন বলেন : “হব্‌স্‌ চরম রাজতন্ত্রের সমর্থনে মতবাদ রচনা করিতে গিয়া কার্যক্ষেত্রে বিরুদ্ধ কার্যই করিয়াছেন”।

দ্বিতীয়তঃ, হব্‌স্‌ রাষ্ট্র ও সরকারের মধ্যে কোন পার্থক্যের নির্দেশ করেন নাই। রাষ্ট্রের ধ্বংসসাধন না করিয়াও যে সরকারের পরিবর্তন সম্ভব, তাহা তিনি, বুঝিয়া হউক বা না বুঝিয়া হউক, অহুমোদন করেন নাই।

তৃতীয়তঃ, হব্‌স্‌-কল্পিত চুক্তিতে একটিমাত্র পক্ষই ছিল। কিন্তু একটিমাত্র পক্ষ একাকী কোন চুক্তি করিতে পারে না। একজন লোক নিজেই নিজের সহিত কোন চুক্তি সম্পাদন করিতে পারে না। হব্‌স্‌ের চুক্তিতে তাহাকে অপর পক্ষ হিসাবে ধরা যাইতে পারে, তাহাকে আবার চুক্তির উল্লেখ স্থান দেওয়া হইয়াছে। ইহা বর্তমান ধারণার দ্বারা সমর্থিত হয় না।

উপসংহারে বলা যায় যে, হব্‌স্‌ের ধারণাকে সম্পূর্ণ ভ্রান্ত বলা অযৌক্তিক। আইডর ব্রাউন বলেন : হব্‌স্‌ হইলেন নিয়মানুবর্তিতার প্রথম দার্শনিক (Hobbes is the first philosopher of discipline)। গেটেলের মতে একদিকে চরম রাজতন্ত্র অপরদিকে ক্রমবর্ধমান রাষ্ট্রনৈতিক চেতনা-সম্পন্ন জনসাধারণই যে চূড়ান্ত ক্ষমতার অধিকারী—এই দুইটি মতবাদের মধ্যে সমন্বয় সাধনে হব্‌স্‌ের প্রচেষ্টা যে যুক্তিবিজ্ঞানের দিক দিয়া অন্তঃসাধারণ, তাহা সন্দেহাতীত। হব্‌স্‌ ছিলেন, লক্‌ ও রুশোর মতবাদের পদপ্রদর্শক।

পরিশেষে বলা যায়, নিয়মানুবর্তিতার দর্শন রচনাকালে হব্‌স্‌ (১) আইন-সঙ্গত সার্বভৌমিকতা ও (২) রাষ্ট্রনৈতিক আনুগত্যকে পরিষ্কৃত করিয়াছেন, যাহা পরবর্তীকালে অষ্টিনের সার্বভৌমত্বের ভিত্তি রচনা করিতে সাহায্য করে।

(খ) জন লকের অভিমত (John Locke) : হব্‌স্‌ ছিলেন নিরঙ্কুশ রাজতন্ত্রের সমর্থক। কিন্তু এই নিরঙ্কুশ রাজতন্ত্রের যুক্তি মানুষ সমর্থন করিতে

পারে নাই। লোকে প্রশ্ন করিতে লাগিল : যে চুক্তি অতীতে সম্পাদিত হইয়াছিল তাহা চিরকাল অপরিবর্তনীয় থাকিবে কেন ? আবার চুক্তির শর্ত পালন করিবার দায়িত্ব এক পক্ষের উপরই বা বর্তাইবে কেন ? লোকে

হব্‌স্‌সের মতবাদের
প্রতিবাদ

প্রশ্ন করিতে লাগিল হব্‌স্‌ প্রাকৃতিক অবস্থাকে যেভাবে বর্ণনা করিয়াছেন, প্রাকৃতিক অবস্থা কি এতই খারাপ ছিল ? রাষ্ট্র বজায় রাখিয়া রাজাকে পরিবর্তন করা

যাইবে না কেন ? এই সকল প্রশ্নে জর্জরিত হব্‌লীয় মতবাদের বিরুদ্ধে এবং এই সকল প্রশ্নের উত্তর দিবার জ্ঞান লক্‌ তাঁহার লেখনী ধারণ করিলেন। তিনি তাঁহার ১৬৯০ খ্রীষ্টাব্দে প্রকাশিত *Two Treatises on Civil Government* গ্রন্থে উপরিউক্ত প্রশ্নগুলির উত্তর দিলেন।

লকের সমসাময়িক ঐতিহাসিক ঘটনাগুলি ছিল বিপ্লবমুখর। ইংলণ্ডের জনসাধারণের অনেকে দ্বিতীয় জেমসের রাজ্যচ্যুতি ও বিদেশী উইলিয়ামের সিংহাসনারোহণকে সমর্থন করেন নাই। স্মরণ্য বিপ্লবের কারণ ব্যাখ্যা করার প্রয়োজন ছিল। এই সময়ে যে বিপ্লব ঘটে তাহা ১৬৮৮

ঐতিহাসিক
পটভূমিকা

খ্রীষ্টাব্দের বিপ্লব নামে খ্যাত। লক্‌ তাঁহার এই গ্রন্থে ১৬৮৮ খ্রীষ্টাব্দে সংঘটিত ইংলণ্ডের বিপ্লবের ব্যাখ্যা

প্রমাণ করেন। লক্‌ শুধু দ্বিতীয় জেমসের সিংহাসনচ্যুতিরই যৌক্তিকতা প্রমাণ করেন নাই। তিনি সকল অত্যাচারী রাজারই সিংহাসনচ্যুতির যৌক্তিকতা প্রমাণ করেন। লক্‌ তাঁহার এই গ্রন্থে এই যুক্তি প্রদর্শন করেন যে, রাষ্ট্রশাস্তি শাসিতের ইচ্ছার উপরই প্রতিষ্ঠিত (Consent of the governed)।

লকের মতে প্রাকৃতিক অবস্থা প্রাক্-সামাজিক অবস্থা অপেক্ষা অধিকতর প্রাক্-রাষ্ট্রনৈতিক ছিল। এই প্রাকৃতিক অবস্থায় এক প্রকারের সমাজ-জীবনের সন্ধান পাওয়া যায়। হব্‌স্‌সের মতে প্রাকৃতিক অবস্থা ছিল ভয়াবহ, বিশৃঙ্খল ও দুর্বিষহ। আর লকের মতে ইহা ছিল শান্তি, শুভেচ্ছা

প্রাকৃতিক অবস্থা

ও পারস্পরিক সহযোগিতার রাজ্য। লকের দর্শনে হব্‌স্‌সের ত্রায় মানুষকে ধূর্ত, নির্দয়, হিংস্রক বলিয়া কল্পনা করা হয় নাই। তাঁহার মতে মানুষ মূলতঃ আত্মসর্বস্ব, অসামাজিক জীব নহে। সে স্বাভাবিক আইন মানিয়া চলে।

হব্‌স্‌সের মতো লক্‌ও বিশ্বাস করিতেন যে, প্রাকৃতিক অবস্থায় কোন

রাষ্ট্রের উদ্ভব হয় নাই। অতএব রাষ্ট্রীয় আইন বলিতে যাহা বোঝায় তাহা প্রাকৃতিক অবস্থায় ছিল না। যাহা ছিল তাহাকে স্বাভাবিক আইন বলিয়া ধরা যাইতে পারে। এই **স্বাভাবিক আইনের (Law of Nature)** অর্থ

প্রাকৃতিক নিয়ম বা আইন। মানুষের সহজাত গ্রাম্যবোধের লকের মতে
স্বাভাবিক আইন উপর এই আইন প্রতিষ্ঠিত ছিল। লকের মতে স্বাভাবিক

আইনের উদ্দেশ্য ছিল সাম্য প্রতিষ্ঠা করা। এই প্রাকৃতিক অবস্থায় মানুষ যুক্তি ও বিবেকের অমুশাসন দ্বারা পরিচালিত হইত। গ্রাম্যবোধ ও প্রাকৃতিক আইনের দ্বারা মানুষের কার্য নিয়ন্ত্রিত হইত।

লকের মতে প্রাকৃতিক অবস্থায় সব মানুষই ছিল স্বাধীন। আবায় স্বাধীনতা সম্পর্কে হব্‌স্ ও লক্ ভিন্ন ভিন্ন মত পোষণ করিতেন। লকের মতে স্বাধীনতা হব্‌স্-বর্ণিত অনিয়ন্ত্রিত হিংস্র উচ্ছৃঙ্খলতা নহে। ইহা ছিল স্বাভাবিক আইন ও যুক্তির শৃঙ্খলে আবদ্ধ। লকের স্বাভাবিক অধিকার

মতে বন্দীশালার শৃঙ্খলা মানুষের কাম্য নহে। মানুষ চায় ব্যক্তিগত স্বাধীনতা, সম্পত্তির নিরাপত্তা ও গ্রাম্য বিচার। তাহার মতে প্রাকৃতিক অবস্থায় মানুষে মানুষে সাম্য ও সকল মানুষের সমান অধিকার স্বীকৃত হইত। এই অধিকার ছিল বাস্তব, সর্বজনীন, চিরন্তন এবং অবাধ ("objective, eternal, and universal")। স্বাভাবিক অধিকার (Natural Rights) বলিতে লক্ ব্যক্তিগত "নিরাপত্তার" উপরই বেশী জোর দিয়াছেন। এই অধিকার স্থান, কাল ও অবস্থানবিশেষে স্বীকৃত হয়। তিনি এই মত পোষণ করিতেন যে, প্রাকৃতিক অবস্থায় মানুষ প্রত্যেকে প্রত্যেকের এই অধিকারগুলিকে মাত্র করিয়া চলিত। ফলে প্রাকৃতিক অবস্থায় সাম্য, স্বাধীনতা, সুখ ও শান্তি বিরাজ করিত।

কিন্তু প্রশ্ন উঠে তবে কেন মানুষ এই অবস্থা হইতে অব্যাহতি পাইবার প্রয়োজনীয়তা উপলব্ধি করিল? লক্ এই প্রশ্নের উত্তরে বলিলেন যে, প্রাকৃতিক অবস্থার তিনটি অভাব ছিল; যথা—প্রথমতঃ, গ্রাম্য ও অগ্রাম্যের নির্দেশক সকল বিরোধ নিষ্পত্তির মানদণ্ড, সর্বসম্মতিক্রমে গৃহীত ও সর্বস্বীকৃত সুপ্রতিষ্ঠিত সুনির্দিষ্ট ও সুপরিজ্ঞাত আইন ছিল না; অর্থাৎ স্বাভাবিক আইনের কোন সুস্পষ্ট সংজ্ঞা ছিল না;*

*"First the want of an established, settled, known law received and allowed by common consent to be the standard of right and wrong and the common measure to decide all controversies between them."

দ্বিতীয়তঃ, পরিচিত ও নিরাসক্ত বিচারক ছিল না ; অর্থাৎ আইনের ব্যাখ্যার কোন ব্যবস্থা ছিল না ;

তৃতীয়তঃ, জাতি বিচারকে কার্যকরী করিবার মতো কর্তৃত্ব ছিল না ; অর্থাৎ আইন বলবৎ করিবার কোন উপায় ছিল না ।

অতএব জীবনকে সুন্দরতর ও নিরাপদ করিবার জন্ত এবং স্বাভাবিক অধিকারগুলিকে যথাসম্ভব ভোগ করিবার জন্ত মানুষ প্রতিষ্ঠা করিল রাষ্ট্রনৈতিক সমাজ । মানুষ আইন প্রণয়ন করিল । প্রতিষ্ঠিত হইল শাসনযন্ত্র । এই শাসনযন্ত্র মানুষের স্বাভাবিক অধিকার-
রাষ্ট্র, সরকার ও আইনের উদ্দেশ্য গুলিকে রক্ষার ব্যবস্থা করিল । লক্ষ্য এই মত ব্যক্ত

করেন যে, “প্রাকৃতিক অবস্থার দায়িত্ব সামাজিক জীবনে অবলুপ্ত হইয়া যায় না ।” * “আবার আইনের উদ্দেশ্য সম্বন্ধে তিনি বলেন, “আইনের উদ্দেশ্য হইল স্বাধীনতা রক্ষা করা এবং তাহার পরিধিকে বিস্তৃত করিয়া লওয়া, তাহাকে ধ্বংস করা বা খর্বিত করা নহে ।” †

এইভাবে প্রাকৃতিক অবস্থার হাত হইতে অব্যাহতি পাইয়া সুশৃঙ্খল সমাজ গড়িয়া তুলিবার জন্ত মানুষ যে রাষ্ট্রনৈতিক সমাজ প্রতিষ্ঠা করিল তাহা হব্‌সের মতো চুক্তিরই মাধ্যমে প্রতিষ্ঠিত হইয়াছে । অবশ্য, হব্‌সের মতে এই চুক্তি হইয়াছিল একটি । আর লকের মতে এই চুক্তি হইয়াছিল দুইটি ।

প্রথম চুক্তিতে
রাষ্ট্রের উদ্ভব হয়
মধ্যে । এই চুক্তির ফলেই রাষ্ট্রের উদ্ভব হয় । প্রথম চুক্তিতে, (ক) কতকগুলি মাত্র অধিকার সমর্পণ করা হয় ; (খ) এবং এই অধিকার সমর্পণ করা হয় সর্বসাধারণ্যে অর্থাৎ কোন ব্যক্তিবিশেষ বা ব্যক্তি-সংসদের হস্তে নহে ; (গ) আর এই চুক্তি হইয়াছিল কতকগুলি নির্দিষ্ট উদ্দেশ্য পূর্ণ করিবার জন্ত ।

দ্বিতীয় চুক্তি সম্পাদিত হয় সমগ্র সম্প্রদায়ের সহিত রাজা বা সম্প্রদায় কর্তৃক নির্বাচিত কোন প্রধানের সহিত । এই চুক্তিতেই রাষ্ট্রের শাসনযন্ত্র বা সরকারের প্রতিষ্ঠা হইল । বলা হয় যে, রাষ্ট্র তাহার সংঘটিত চরিত্রের সাহায্যে সরকার গঠন করিল এবং শাসক নির্বাচন করিল । অতএব দেখা যায়, লকের

* “The obligations of the law of nature cease not in society.”

† “The end of the law is not to abolish or restrain but to preserve and enlarge freedom.”

মতে শাসকের ক্ষমতা এই দ্বিতীয় চুক্তির দ্বারা সীমিত হইয়াছে। এই শাসককে সুপরিচিত, সুপ্রতিষ্ঠিত আইনকে বলবৎ করিতে হইবে। আর যে বিশেষ উদ্দেশ্যে ইহার প্রতিষ্ঠা হইয়াছে তাহাকে কার্যকরী করিতে হইবে। কিন্তু সরকার যদি এই উদ্দেশ্যসাধনে ব্যর্থ হয়, সরকার যদি অক্ষম হয় তবে নিশ্চয়ই জনসাধারণের এই সরকারকে গদীচ্যুত করিবার সম্পূর্ণ অধিকার থাকিবে। কারণ চুক্তির বলে যে গদীতে আসীন হইয়াছে, সে যদি চুক্তির শর্ত পালন করিতে না পারে, তবে যে আসনে সে আসীন হইয়াছে সেই আসনে বসিবার অধিকার আর তাহার থাকিবে না। এইভাবে লুক্ সম্প্রদায়ের ও ব্যক্তির বিদ্রোহ করিবার ও রাজাকে সিংহাসনচ্যুত করিবার অধিকারের সমর্থনে যুক্তি প্রদর্শন করিলেন। লুক্ তাহার যুক্তিজালের মধ্য দিয়া প্রমাণ করিলেন যে, সরকারের উদ্দেশ্য হইল জনসাধারণের কল্যাণ সাধন করা। আর সরকারের ভিত্তি হইল জনসাধারণের সম্মতি। অতএব প্রজার অধিকার ও স্বাধীনতার দ্বারা সরকারের ক্ষমতা সীমানদ্ধ। রাজ-আজ্ঞাকে লুক্ আইন বলিয়া স্বীকার করেন নাই। প্রচলিত প্রথাগত আইনকে বিধিসম্মত ব্যবস্থার মাধ্যমে রূপদান করিতে হইবে। চুক্তি সম্পাদনের পর যে মূল অধিকার সঙ্কলের হাতে রহিয়া গেল তাহা হইল জীবনের অধিকার আর স্বাধীনতা ভোগ করিবার অধিকার ও সম্পত্তি রক্ষার অধিকার।

লুক্ জনগণের সার্বভৌমিকতার নীতির একজন প্রধান প্রবক্তা। তিনি সংখ্যাগরিষ্ঠতার নীতি সমর্থন করেন। সরকারী কাজগুলি সুশৃঙ্খলভাবে পরিচালনা করার জন্ত সরকারী যন্ত্রকে তিনি তিনটি বিভাগে বিভক্ত করেন ; যথা,—(১) আইন প্রণয়ন বিভাগ, (২) কার্যকরী বিভাগ ; (৩) ফেডারেটিভ (Federative) বিভাগ (ভিন্ন রাষ্ট্রসম্পর্কিত কার্যাবলী)। এইভাবে লুক্ গণতন্ত্রের ভিত্তি রচনা করেন যাহা পরবর্তীকালে রুশো ও মন্টেসকিউয়ে প্রভৃতি চিন্তাবীরদের হস্তে পরিবর্ধিত ও পরিমার্জিত হয়।

লুক্কের মতবাদের বৈশিষ্ট্যগুলির সার সংক্ষেপ :

(১) প্রাকৃতিক অবস্থা জঘন্য ছিল না বটে, কিন্তু তাহাতে কতকগুলি অসুবিধা ছিল।

(২) প্রাকৃতিক অবস্থায় স্বাভাবিক আইন ও স্বাভাবিক অধিকার ছিল।

(৩) রাষ্ট্র গঠিত হইল চুক্তির মাধ্যমে। চুক্তি হইয়াছিল দুইটি। প্রথম চুক্তির দ্বারা রাষ্ট্র গঠিত হয় আর দ্বিতীয় চুক্তির দ্বারা সরকার গঠিত হয়।

(৪) চুক্তির মাধ্যমে প্রতিষ্ঠিত হইল নিয়ন্ত্রিত রাজতন্ত্র। রাজাকে চুক্তির অংশীদার হিসাবে ধরা হয়। অতএব চুক্তির অংশীদার হিসাবে তাঁহার সমাজের উপর দায়-দায়িত্ব রহিয়াছে।

(৫) রাজার আজ্ঞাই আইন নহে। আইনের ক্ষেত্রে প্রচলিত প্রথাগত আইন স্বীকৃত হইল।

(৬) রাজা প্রজার প্রতি কর্তব্য পালন না করিলে প্রজাগণ রাজার বিরুদ্ধে বিদ্রোহ করিতে পারিবে। কারণ রাজার রাজত্ব প্রজার সম্মতির উপর প্রতিষ্ঠিত।

(৭) জনগণের সার্বভৌমিকতার নীতি তিনি প্রচার করেন। সরকারী কার্যকে তিনভাগে বিভক্ত করেন। সংখ্যাগরিষ্ঠতার প্রাধান্য স্বীকৃত হয়। প্রজাবর্গ রাজাকে সকল অধিকার সমর্পণ করে না। এইভাবে গণতন্ত্রের নীতিপুঙ্ট লকের মতবাদ পরবর্তী কালে রাষ্ট্রচিন্তাক্ষেত্রে বিশেষ প্রভাব বিস্তার করে।

লকের মতবাদের সমালোচনাঃ প্রথমতঃ, লক্ রাষ্ট্র ও সরকারের মধ্যে পার্থক্য নির্দেশ করেন। হব্‌স্‌ কিন্তু রাষ্ট্র ও সরকারের মধ্যে কোন পার্থক্য নির্দেশ করেন নাই। হব্‌সের এই পার্থক্য না দেখানোর কারণ তিনি স্বৈরচারিতার সমর্থন করিতে গিয়া তিনি দেখাইতে চাহিয়াছেন যে, রাষ্ট্রীয় সার্বভৌম ক্ষমতা সরকারের সার্বভৌম ক্ষমতা মাত্র। লক্‌ কিন্তু অত্যন্ত স্পষ্ট করিয়াই বলিয়াছেন, রাষ্ট্রের সার্বভৌম

রাষ্ট্র আর
সরকারের মধ্যে
পার্থক্য নির্ণয়

ক্ষমতা সরকারের সার্বভৌম ক্ষমতা নহে এবং “রাষ্ট্রের ইচ্ছা সরকারের ইচ্ছা ও কার্যাবলীর সীমা নির্দেশ করে”

(“Sovereignty of the State is not sovereignty of the ruler” and, “the will of the State may limit the will and actions of a ruler.”)। এখানে যদিও তিনি রাষ্ট্রকে সরকারের উপরে স্থান দিয়াছেন কিন্তু রাষ্ট্র আর সরকার যে এক নয় তাহা তিনি পরিষ্কার ভাবেই বলিয়াছেন।

দ্বিতীয়তঃ, আবার রাষ্ট্রের ইচ্ছা হইল প্রজাসাধারণের ইচ্ছা—জনমত। রাজার ক্ষমতা জনমতের দ্বারা নিয়ন্ত্রিত হয়। কারণ, রাজা জনমতের অহুশাসন অহুসারে শাসনকার্য করিয়া থাকেন। অতএব জনমত যদি কখনও উপেক্ষিত

হয়, তবে জনসাধারণ ইচ্ছা করিলে রাজাকে সিংহাসনচ্যুত করিতে পারে। লক্ জনসাধারণকে রাজার বিরুদ্ধে আইনসঙ্গত ভাবে বিদ্রোহ করিবার অধিকার দিয়াছেন। এই প্রসঙ্গে ডানিং-এর মন্তব্য উল্লেখযোগ্য। তিনি

বলেন : “ব্যক্তির স্বাধীনতা ও নিরাপত্তার জন্ত সরকারের ডানিং এর মন্তব্য

অস্তিত্ব শুধু আবশ্যকীয়ই নহে, ইহা হইল সেই উদ্দেশ্য যাহা সাধন করিবার জন্ত সরকারের প্রতিষ্ঠা করা হইয়াছে”; অর্থাৎ, যে সরকার ব্যক্তিকে স্বাধীন করিতে পারিবে না এবং নিরাপত্তা রক্ষা করিতে পারিবে না সেই সরকারের অস্তিত্বের কোন প্রয়োজন নাই এবং তাহার পরিবর্তন আইনসঙ্গত ও যুক্তিসঙ্গত।

তৃতীয়তঃ, এইভাবে লক্ সরকারের ক্ষমতাকে সংকুচিত করেন এবং সরকারকে সাধারণের সম্মতির উপর প্রতিষ্ঠিত করেন। আর জনসাধারণের বিদ্রোহের ক্ষমতাকে স্বীকার করিয়া একদিকে যেমন স্বেচ্ছাচারিতাকে নিয়ন্ত্রিত করিয়াছেন আর অপরদিকে গণতন্ত্রের মতবাদকে প্রচার করিয়াছেন। সংখ্যা-গরিষ্ঠতার প্রাধান্যের নীতি স্বীকৃত হওয়ায় “জনতার সার্বভৌমিকতার নীতি উপস্থাপিত করা হইল।”

লকের মতবাদ আধুনিক রাষ্ট্রবিজ্ঞানীদের চিন্তা-ক্ষেত্রের উপর বিরাট প্রভাব বিস্তার করিয়াছে। কিন্তু ইহা সত্ত্বেও লকের মতবাদের কতকগুলি ত্রুটি ছিল।

প্রথমতঃ, লকের মতবাদের প্রধান ত্রুটি হইল এই যে, তিনি সার্বভৌমিকতার নীতির সুস্পষ্ট ব্যাখ্যা দেন নাই। তিনি যে সার্বভৌমিকতার নীতি প্রচার করিলেন তাহাকে রাষ্ট্রনৈতিক সার্বভৌমিকতা বলিয়া অভিহিত করা যায়। বর্তমানে যাহাকে আইনসঙ্গত সার্বভৌমিকতা বলা হয়—তাহার কোন উল্লেখ তিনি করেন নাই। রাষ্ট্রনৈতিক সার্বভৌমিকতা ও আইনসঙ্গত সার্বভৌমিকতার মধ্যে তিনি কোন পার্থক্য নির্ণয় করেন নাই। অবশ্য, ইহার কারণ হিসাবে বলা যায় যে, আইনসঙ্গত সার্বভৌমিকতাকে স্বীকার করিলে

তিনি বিপ্লবের অধিকারকে সমর্থন করিতে পারিতেন না।

সার্বভৌমিকতার
সুস্পষ্ট ব্যাখ্যা
পাওয়া যায় না

কারণ, আইনসঙ্গত সার্বভৌমিকতার বিরুদ্ধে বিদ্রোহ কাম্য নহে। হব্‌স্ প্রজাবিদ্রোহ সমর্থন না করার জন্তই

আইনসঙ্গত সার্বভৌমিকতার নীতিটি প্রচার করেন। এই

প্রসঙ্গে গেটেল বলেন : “বিপ্লব যতই আকাজক্ষিত হউক না কেন, ইহা যে কখনও আইনসঙ্গত নয়, তাহা লক্ উপলব্ধি করেন নাই” (Locke failed

to see that revolution, however desirable, is never legal.”—Gettel)।

দ্বিতীয়তঃ, লক্ চরম রাজতন্ত্রের সমর্থক ছিলেন না বটে, কিন্তু তিনি সীমাবদ্ধ রাজতন্ত্রকে সমর্থন করেন। আবার তিনি রাষ্ট্রশক্তিকেও সীমিত করিয়া দেখাইলেন।

তৃতীয়তঃ, আবার সাম্যের বিচারে লক্ স্বাধীনতার ধারণাকে অস্পষ্ট করিয়া ফেলিয়াছেন।

চতুর্থতঃ, দ্বিতীয় বা সরকারী চুক্তির কথাও লক্ পরিষ্কারভাবে বলেন নাই। বার্কার এই অভিমত ব্যক্ত করেন যে, লক্ কোন সরকারী চুক্তির কথা স্বীকার করেন নাই। তিনি একমাত্র সামাজিক চুক্তির কথাই উল্লেখ করেন। সামাজিক চুক্তির দ্বারা সমাজগঠনের পর জিম্মা (a fiduciary sovereign) সৃষ্টি করা হয়। অনেকের মতে এই জিম্মার ধারণার মধ্যেই সরকারী চুক্তির কথা নিহিত আছে। বার্কারের মতে লক্ অবশ্য এই ধারণা পোষণ করিতেন না। এই জিম্মার ধারণায় তিনটি পক্ষের সম্মান

দ্বিতীয় চুক্তি
সম্পর্কে লকের
ধারণা সম্বন্ধে
মতভেদ

পাওয়া যায়;—(১) বাহারী জিম্মা সৃষ্টি করে (trustor); (২) জিম্মাদার (trustee); এবং (৩) ঐ জিম্মার সুবিধা-ভোগকারী (the beneficiary of the trust)। এই জিম্মার ব্যাপারে প্রথম ও দ্বিতীয়

পক্ষ অর্থাৎ জিম্মার সৃষ্টিকারী ও জিম্মাদারের মধ্যে চুক্তি হয়; কিন্তু তৃতীয় পক্ষ অর্থাৎ সুবিধা-ভোগকারী সমাজ চুক্তির বাহিরে থাকে। রাষ্ট্রনৈতিক ক্ষেত্রে এই জিম্মার ধারণা প্রয়োগ করিলে দেখা যায় যে, সমাজ হইল জিম্মার স্রষ্টা এবং সুবিধা-ভোগকারী। অর্থাৎ সমাজ হইল প্রথম ও তৃতীয় পক্ষ। আবার জিম্মাদার হইল সরকার, এখন সমাজের যে পক্ষ জিম্মার স্রষ্টা এবং জিম্মাদার তাহাদের মধ্যেই চুক্তি হয়। কিন্তু বার্কার বলেন যে, লক্ জিম্মার সুবিধা-ভোগকারী হিসাবে সমাজের সহিত জিম্মাদার সরকারের চুক্তির কথা চিন্তা করেন নাই। লক্ সমাজকে প্রধানতঃ জিম্মার সুবিধা-ভোগকারী হিসাবেই দেখিয়াছেন। অতএব সমাজের সহিত সরকারের চুক্তির কথা তিনি ভাবেন নাই। সরকার একক ভাবেই দায়িত্ব গ্রহণ করিয়াছে। অবশ্য, বলা হইয়াছে যে, সরকারের হস্তে যে ক্ষমতা গচ্ছিত আছে তাহা অব্যবহৃত হইলে সরকারকে গদীচ্যুত করা যাইবে।

ব্যক্তি-স্বাধীনতার পূজায় তিনি লক্কেও অতিক্রম করিয়াছেন” (His sense of community was as keen as Plato's and his love for individual freedom was more consuming than Locke's. —Hearnshaw)।

রুশোর চিন্তার প্রধান বিষয় হইল সার্বভৌমিকতার সহিত ব্যক্তি-স্বাধীনতার সমন্বয় সাধন করা। আবার এই ব্যক্তি-স্বাধীনতাকে ভোগ করিবার জন্য প্রয়োজন হইল সার্বভৌম ক্ষমতা-সম্পন্ন রাষ্ট্রের। রুশো এই ব্যক্তি-স্বাধীনতা ও সার্বভৌমিকতার সহিত সমন্বয় সাধনের চেষ্টা করেন সাধারণ বা সমষ্টিগত ইচ্ছা মতবাদের (General will) মাধ্যমে।

রুশো হব্‌সের মতো প্রাকৃতিক অবস্থাকে ঘৃণ্য, পাশবিক ও দুর্বিসহ বলিয়া কল্পনা করেন নাই। সভ্যসমাজের কৃত্রিমতা, কুটিলতায় ক্ষুব্ধ রুশো প্রাকৃতিক অবস্থাকে শুভ ও কল্যাণময়রূপে কল্পনা করিলেন। রুশোর মতে

প্রাকৃতিক অবস্থা সম্বন্ধে রুশোর ধারণা এই প্রাকৃতিক অবস্থায় হিংসা, নির্ভরতা, হানাহানির দ্বন্দ্ব, কপটতা ও জটিলতার জটাজালের সন্ধান পাওয়া যায় না। এই অবস্থায় যাহারা বাস করিত, সেই আদিম

সরল মানুষের মধ্যে ছিল সরলতা, সৌহার্দ ও সৌভ্রাতৃত্ব। রুশোর ভাষায় বলা যায় মরজগতে যেন স্বর্গ নামিয়া আসিয়াছে। এই প্রাকৃতিক অবস্থায় মানুষ ছিল স্বাধীনচেতা, সরল ও সন্তুষ্ট। এই প্রাকৃতিক অবস্থায় মানুষের স্বাধীনতা, সাম্য ও মৈত্রীভাবের সন্ধান পাওয়া যায়। হব্‌স যে মানুষকে বলিলেন হিংস্র, স্বার্থান্বেষী তাহাকেই রুশো বলিলেন মহান্, মুক্ত ও বশ। হব্‌স মানুষকে প্রকৃতিগত ভাবেই ঘৃণ্য, হিংস্র হিসাবে বর্ণনা করিয়াছেন। রুশো মানুষের প্রকৃতিকেই মহান্ বলিয়া অভিহিত করিয়াছেন।

প্রাকৃতিক অবস্থা সম্বন্ধে এই ধারণার বশবর্তী হইয়া এবং সভ্যসমাজের কপটতায় ক্ষুব্ধ হইয়া তিনি মানবসমাজকে আত্মান করিয়া বলিলেন : “শুধু হইতে হইলে আদিম, সরল, সহজ ও স্বাভাবিক জীবনে ফিরিয়া যাও।” রুশোর এই আত্মানের অর্থ এই নয় যে রুশো রাষ্ট্রনৈতিক জীবনের অবসান ঘটাইয়া প্রাকৃতিক অবস্থায় ফিরিয়া যাইতে বলিতেছেন। ইহার অর্থ হইল প্রাকৃতিক অবস্থায় যাহা শুভ, সুন্দর ও সত্য, তাহার মানদণ্ডে সভ্যসমাজের গুণাগুণ বিচার করিয়া, তাহার ত্রুটি-বিচ্যুতির সংশোধন করিতে হইবে।

রুশো এই প্রাকৃতিক অবস্থা হইতে শুরু করিয়াছেন বটে, কিন্তু তিনি তাঁহার এই প্রাকৃতিক অবস্থার বর্ণনায় সঙ্গতি রক্ষা করিতে পারেন নাই।

এই প্রসঙ্গে মর্লের মন্তব্য প্রণিধানযোগ্য। মর্লে বলেন :
মর্লের মন্তব্য

রুশোর প্রাকৃতিক অবস্থা হইতে আলোচনা শুরু করিবার “কারণ, তাঁহার সময়ে সকলেই প্রাকৃতিক অবস্থা সম্বন্ধে চিন্তা করিত এবং প্রাকৃতিক অবস্থা সম্বন্ধে মতামত ব্যক্ত করিত”।

মানুষের সম্বন্ধে রুশো এই ধারণা পোষণ করিতেন যে, “জনসাধারণের কথাই ঈশ্বরের বাণী” (“Voice of the people is the voice of God”)। তিনি বিশ্বাস করিতেন যে, মানুষ স্বাধীন হইয়াই জন্মগ্রহণ করিয়াছে, কিন্তু সর্বত্রই মানুষ অধীনতাপাশে আবদ্ধ”। (“Man is born free, but everywhere he is in chains.”)।

স্বাধীনতা সম্বন্ধে
রুশোর ধারণা

স্বাধীনতা সম্বন্ধে রুশোর ধারণা বিশ্লেষণ করিলে দেখা যায় যে, মানুষের স্বাধীনতা জন্মগত। কিন্তু মানুষ স্বাধীন নয়। অতএব যে স্বাধীনতার অধিকার লইয়া সে জন্মগ্রহণ করিয়াছে সেই স্বাধীনতা তাহাকে অর্জন করিতে হইবে (Man is born for freedom)। অতএব যাহারা মানুষের জন্মগত স্বাধীনতাকে স্বীকার করিবে না তাহাদিগের বিরুদ্ধে বিদ্রোহ করিবার আভাস রুশোর এই ঘোষণার মধ্যে খুঁজিয়া পাওয়া যায়।

রুশোর এই স্বাধীনতার ঘোষণা বিপ্লবের রণধ্বনি হইয়া দেশে দেশে ছড়াইয়া পড়িল। আমেরিকার স্বাধীনতার ঘোষণায় (Declaration of Independence) এবং ১৭৮৯ সালের ফরাসী বিপ্লবে মানুষের অধিকার

সম্পর্কিত ঘোষণায় রুশোর এই ধ্বনিই প্রতিধ্বনিত হইল :
রুশোর মতবাদের
প্রভাব

“মানুষ জন্ম হইতেই স্বাধীন ও সমানাধিকার-সম্পন্ন” (“Men are from birth free and equal in rights”)।

বিংশ শতাব্দীতেও এশিয়া, আফ্রিকা, লাতিন আমেরিকার পরাধীন দেশের শোষিত, নিপীড়িত মানুষ মুক্তির আন্দোলনে এই একই বাণী, “স্বাধীনতা আমার জন্মগত অধিকার”—প্রচার করিতেছে।

রুশো-বর্ণিত এই স্বর্গরাজ্য হইতে মানুষকে দুইটি কারণে শীঘ্রই বিদায় গ্রহণ করিতে হইল। এই কারণ দুইটি হইল ; যথা,—(১) জনসংখ্যা বৃদ্ধি ও সম্পত্তির উদ্ভব, (২) মানুষের মধ্যে চিন্তার উদয় (dawn of reason)।

এই দুইটি কারণ, রুশোর কল্পিত স্বর্গরাজ্যের সুখ, শান্তি, সাম্য ও স্বাধীনতা ধ্বংস করিয়া দিল।

জনসংখ্যা বৃদ্ধির সঙ্গে সঙ্গে একদিন যে প্রাচুর্য ছিল তাহার স্থানে দেখা দিল অভাব। ফলে অরু হইয়া গেল সংঘাত। আর তারই সঙ্গে সঙ্গে দেখা দিল বহু জটিল সমস্যা। এই সকল সমস্যার সমাধানকল্পে মানুষকে বহু সামাজিক প্রতিষ্ঠান গড়িয়া তুলিতে হইল। আবার ব্যক্তিগত সম্পত্তি

প্রবর্তনের ফলে মানুষের আদিম সরলতা ও পূর্ণ সাম্য চুক্তিবদ্ধ হইয়া অস্তিত্ব হইল। রুশোর মতে যে মানুষ প্রথম এক-টুকরা জমি স্বতন্ত্র করিয়া নিজের বলিয়া দাবি করিল এবং অত্যন্ত সরল সহজ মানুষকে দিয়া তাহার দাবিকে স্বীকার করাইয়া লইল, সেই ব্যক্তিই নূতন ব্যবস্থা প্রথম প্রবর্তন করিল ("The first man, who after enclosing a piece of ground, bethought himself to say this is mine, and found people simple enough to believe him, was the real founder of civil society.")।

আবার **সম্পত্তির উদ্ভবের** ফলে মানুষের মধ্যে উচ্চনীচ ভেদবুদ্ধির আবির্ভাব হইল। এই ভেদবুদ্ধি মানুষের মধ্যে স্বার্থপরতা, আত্মকলহ ও নানারূপ নীচতার সৃষ্টি করিল। রুশোর মতে এই প্রাকৃতিক অবস্থা হইতে

ব্যক্তিগত সম্পত্তির সৃষ্টি অব্যাহতি পাইবার জন্ত আদিম মানুষ নিজেদের মধ্যে চুক্তি সম্পাদন করিয়া রাষ্ট্রের সৃষ্টি করিল। রুশোর

মতে মানুষ সকলে মিলিয়া চুক্তি করিয়া তাহাদের সকল অধিকার সমর্পণ করিল তাহাদের সামগ্রিক মিলিত, যৌথ ব্যক্তিত্বের হস্তে। এই যৌথ ব্যক্তিত্বকেই রুশো সাধারণ বা সমষ্টিগত ইচ্ছা (general will) নামে অভিহিত করিয়াছেন।

হব্‌সের মতো রুশোও এই ধারণা পোষণ করিতেন যে, চুক্তি হইয়াছিল একটি। ইহা মানুষের মধ্যে পারস্পরিক চুক্তি। অতএব এই চুক্তির মধ্যে রাজার কোন স্থান নাই। আবার হব্‌স্ যেমন রাজাকে চুক্তির উদ্দেশ্যে

প্রতিষ্ঠিত করিয়াছেন, রুশোও তাহার দৃষ্টিকোণ হইতে চুক্তির প্রকৃতি সার্বভৌমকে চূড়ান্ত, অপ্রতিহত বলিয়া অভিহিত করিয়াছেন এবং চুক্তির উদ্দেশ্যে প্রতিষ্ঠিত করিয়াছেন। রুশোর সার্বভৌম কোন রাজা নন। তাহার ধারণায় এই সার্বভৌম হইলেন সমষ্টিগত ইচ্ছা।

অতএব সাধারণ বা সমষ্টিগত ইচ্ছার বিশ্লেষণ না করিলে রুশোর মতবাদকে সম্পূর্ণভাবে বোঝা যাইবে না।

সাধারণ বা সমষ্টিগত ইচ্ছা (General Will) : পূর্বেই বলা হইয়াছে যে, পারস্পরিক চুক্তির ফলেই সাধারণ ইচ্ছার জন্ম হয়। এই পারস্পরিক চুক্তির দ্বারা আদিম ব্যক্তিসমূহের প্রত্যেকে, “তাহার নিজস্ব সত্তা ও সমস্ত ক্ষমতা সাধারণের ইচ্ছার চূড়ান্ত নির্দেশের অধীনে সমর্পণ করিয়াছিল।”* অর্থাৎ এই চুক্তির দ্বারা প্রত্যেক ব্যক্তি তাহার সমস্ত ক্ষমতা পরিহার করিয়া সাধারণ ইচ্ছায় সমর্পণ করিল। এই সমষ্টিগত ইচ্ছায়

ব্যক্তিগত ইচ্ছা বা ক্ষমতাকে সমর্পণ করিলেও ব্যক্তি-
সাধারণ ইচ্ছার সংজ্ঞা স্বাধীনতার অবসান ঘটিল না। কারণ, প্রত্যেকেই

আবার এই যৌথ ব্যক্তিত্বের অংশীদার হিসাবে এবং নবগঠিত রাষ্ট্রের অপরিহার্য অংশ হিসাবে তাহাদের সমর্পিত ক্ষমতাকে ফিরিয়া পাইবে। চুক্তির দ্বারা ব্যক্তিগত ক্ষমতা সমর্পণ করিয়া কেহই পরাধীন হইল না। সব-কিছু সমর্পণ করিয়াও কেহ নিঃস্ব হইল না। সামাজিক ও রাষ্ট্রিক জীবনে প্রত্যেকে ব্যক্তিগত প্রকৃত ইচ্ছার দ্বারা পরিচালিত হইতে লাগিল। কারণ ব্যক্তিগত ইচ্ছা সাধারণ ইচ্ছার অস্থবর্তী ও অঙ্গীভূত।

কিন্তু সাধারণ বা সমষ্টিগত ইচ্ছা কিভাবে গঠিত হয় তাহা বিশ্লেষণ না করিলে উপরোক্ত সিদ্ধান্তগুলিকে বোঝা যাইবে না। রুশোর মতে, আমরা যে-কোন সমাজে প্রত্যেকের ইচ্ছা (Will of All) অর্থাৎ প্রত্যেকের ব্যক্তিগত ইচ্ছা হইতে স্মরণ করিয়া সমষ্টিগত ইচ্ছায় পৌছাইতে পারি। সমাজের প্রত্যেক সভ্যই জাতীয় সমস্যাকে (Public Questions) তাহাদের ব্যক্তিগত দৃষ্টিকোণ হইতে বিচার করে। অতএব বিভিন্ন ব্যক্তির বিচারে জাতীয় সমস্যার বিচার-বিশ্লেষণ বিভিন্ন প্রকারের হইয়া থাকে। ফলে সমস্যার কোন সমাধান হয় না এবং অনেক সময় দ্বন্দ্ব উপস্থিত হয়। কারণ প্রত্যেক ব্যক্তির ব্যক্তিগত ইচ্ছা এক নয়। অতএব ব্যক্তিগত স্বার্থের দৃষ্টিকোণ হইতে যাহা-কিছুই বিচার করা হয় তাহা অপরাপর ব্যক্তির স্বার্থে আঘাত হানে। এই ব্যক্তিগত স্বার্থ-সম্বলিত ইচ্ছাকে বলা হয় অপ্রকৃত ইচ্ছা

*“Each of us puts his person and all his power in common under the supreme direction of the ‘general will’ and, in our corporate capacity we receive each member as an individual part of the whole”—Rousseau.

(unreal will)। একটি উদাহরণ দিলে বিষয়টি পরিষ্কার হইবে।
উদাহরণস্বরূপ ধরা যায়, ক এর যাহাতে স্বার্থ থা এত তাহাতে স্বার্থ নাও
থাকিতে পারে। আবার ক ও থ উভয়েরই কতকগুলি
সাধারণ ইচ্ছার
গঠনপ্রণালী সাধারণ স্বার্থ থাকিতে পারে। এক্ষেত্রে ক ও থ যদি একের
ব্যক্তিগত স্বার্থকে অপরের ব্যক্তিগত স্বার্থের সহিত
কাটাকাটি করে বা বাতিল (cancel) করে এবং উভয়ের যাহাতে সাধারণ
স্বার্থ তাহার সমন্বয় সাধন করে তবে সাধারণ ইচ্ছার জন্ম হয়। এইভাবে
প্রত্যেকের ইচ্ছা (Will of All) হইতে সাধারণ ইচ্ছায় পৌঁছানো যায়।

আবার সাধারণ ইচ্ছার অর্থ আপোস-নিষ্পত্তি (Compromise) বা
রফা নয়। সাধারণ ইচ্ছাকে সকলের ইচ্ছার সর্বনিম্ন সাধারণ গুণিতক বলিয়া
ধরিলেও ভুল হইবে। সাধারণ ইচ্ছা রাষ্ট্রের সমগ্র জনসাধারণের ইচ্ছার
যোগফলও (Total Will) নহে। অর্থাৎ ক+থ এর ইচ্ছা নহে। সাধারণ
ইচ্ছা হইল প্রত্যেকের সর্বাধিক সাধারণ প্রকৃত ইচ্ছার (Real Will) সমন্বয়।
এখন প্রশ্ন উঠে, প্রকৃত ইচ্ছা কাহাকে বলে? প্রত্যেক মানুষের ইচ্ছার
মধ্যে ‘সু’ এবং ‘কু’ উভয়ই থাকে। এই ‘সু’ বা সৎ, শুভ ও কল্যাণকামী
ইচ্ছাই হইল প্রকৃত ইচ্ছা। এই ইচ্ছার উদ্দেশ্য হইল সমষ্টির মঙ্গল সাধন
করা। এই সাধারণের মঙ্গল সাধন করা যে ইচ্ছার উদ্দেশ্য নয়, সে ইচ্ছা
সমষ্টিগত হইলেও তাহাকে রুশো সাধারণের ইচ্ছা বলিয়া মনে করেন না।
হব্‌সের মতো তিনি এই সাধারণ ইচ্ছাকেই সর্বশক্তিমান, অবাধ,
অপ্রতিহত কর্তৃত্বের আধার বলিয়াছেন। পূর্বেই বলা হইয়াছে, মানুষের

প্রকৃত ইচ্ছার
সংজ্ঞা

‘সু’ ইচ্ছার পাশে ‘কু’ ইচ্ছা বাসা বাঁধিয়া আছে। ‘কু’
ইচ্ছার অর্থ ব্যক্তিগত স্বার্থাধীন ইচ্ছা, যাহা অপরের
মঙ্গল কামনা না করিয়া শুধু নিজের স্বার্থকেই বজায়
রাখিতে চায়। এই ইচ্ছাকে বলা হয় অপ্রকৃত ইচ্ছা (unreal will)।
এক্ষেত্রে যদি ব্যক্তিগত ইচ্ছার সহিত সাধারণ ইচ্ছার সংঘর্ষ হয় তাহা হইলে
সাধারণ ইচ্ছাই বলবৎ হইবে। বুঝিতে হইবে ব্যক্তি তাহার প্রকৃত
ইচ্ছার দ্বারা পরিচালিত হইতেছে না। সে ভুল ইচ্ছার বশবর্তী হইয়াছে।
একরূপ স্থলে সাধারণ ইচ্ছা বলপ্রয়োগ দ্বারা ব্যক্তিকে বুঝাইয়া দিবে
যে সে ভুল ইচ্ছার বশবর্তী হইয়াছে এবং সাধারণ ইচ্ছার সহিত
ব্যক্তির প্রকৃত ইচ্ছার কোন অসঙ্গতি নাই, থাকিতে পারে না।

রুশো এই সমষ্টিগত ইচ্ছাতে সার্বভৌম ক্ষমতা আরোপ করিয়াছেন। এই ক্ষমতার বৈশিষ্ট্য হইল যে, ইহা অবিভাজ্য ও হস্তান্তরের অযোগ্য। একমাত্র সমষ্টিই প্রত্যক্ষভাবে এই ক্ষমতা প্রয়োগের অধিকারী। রাষ্ট্রের মধ্যে সমষ্টির এই ইচ্ছা হইল চূড়ান্ত ও অভ্রান্ত। একটি উদাহরণ দিলে বিষয়টি স্পষ্ট হইবে। ধরিয়া লওয়া হইল A, B, C, D প্রভৃতি তাহাদের স্বাভাবিক অধিকার চুক্তি অনুসারে সমর্পণ করে যৌথভাবে A+B+C+D প্রভৃতিকে, এই যৌথ সার্বভৌম ক্ষমতাতে প্রত্যেকেই অংশ আছে।

রুশোর সার্ব-
ভৌমিকতা সম্বন্ধে
ধারণা

এই A+B+C+D প্রভৃতির যৌথ সার্বভৌম ক্ষমতার অর্থ হইল প্রত্যেকের সর্বাধিক সাধারণ কল্যাণকামী শুভ ইচ্ছার সমন্বয়। এই সার্বভৌম যখন সাধারণের স্বার্থে কোন

কাজ করে, তখন সমষ্টিগত ইচ্ছার প্রকাশ হইবে। আইনকে প্রত্যেকেই মান্ত করিবে কারণ এই আইন তাহাদেরই সৃষ্ট (self-imposed law)। আবার আইন যদি সাধারণের স্বার্থের পরিপন্থী না হয় তবে বুঝিতে হইবে এই আইন সমষ্টিগত ইচ্ছারই প্রকাশ। অতএব সমষ্টিগত ইচ্ছা হইল সাধারণ স্বার্থকে বজায় রাখার ইচ্ছা। ইহা কখনও অমঙ্গলকর হইতে পারে না। ইহা সর্বব্যাপক, সর্বগ্রাসী ও সর্বকল্যাণকর।

বস্তুতঃ, এই সাধারণ ইচ্ছা জনগণের সরকারের মূলভিত্তি। এই সাধারণ ইচ্ছা যখন কার্যকরী হয়, তখন প্রত্যেক ব্যক্তিকে তাহার প্রকৃত ইচ্ছা বর্জন করিয়া প্রকৃত ইচ্ছার অনুবর্তী হইয়া চলিতে হয়।

স্বাধীনতা সম্বন্ধে রুশোর ধারণা হইল প্রাকৃতিক অবস্থায় ও সভ্যসমাজে একই ধরনের স্বাধীনতা মানুষ ভোগ করিত কারণ, সে বাইরের কোন ব্যক্তির হস্তে তাহার অধিকারকে সমর্পণ করে নাই। সে তাহার অধিকারকে সমর্পণ করে সমষ্টিগত ইচ্ছায় যে সার্বভৌম ক্ষমতার মধ্যে মূর্ত হইয়া উঠে, তাহার নিকট। রুশোর ভাষায় বলা যায়, তাহারা প্রত্যেকে তাহাদের ব্যক্তিগত সন্তা ও সমস্ত ক্ষমতা সমষ্টিগত ইচ্ছার নির্দেশে সমর্পণ করিয়াছিল

স্বাধীনতা সম্বন্ধে
রুশোর ধারণা

কিন্তু তাহাদের যৌথ ব্যক্তিত্বের ক্ষমতা তাহারা প্রত্যেকেই সমগ্র সমাজের সভ্যহিসাবে ফিরিয়া পাইল। যে-কোন নিয়ন্ত্রণই মানুষ তাহার নিজের উপর ধার্য করুক না কেন সে নিজের সৃষ্ট আইনকেই মান্ত করে, অতএব নিয়ন্ত্রণ থাকা সত্ত্বেও সে স্বাধীন। “আমাদের জন্ত প্রণীত আইনকে আমাদের

মান্য করার অর্থ স্বাধীনতা” (“Obedience to a law which we prescribe to ourselves is liberty.”)। এই স্বাধীনতার অর্থকে বিশ্লেষণ করিলে দেখা যায়, প্রকৃত ইচ্ছার অমুহূর্তী হইয়া চলার অর্থই স্বাধীনতা। কোন লোক যদি অপ্রকৃত ইচ্ছার বশবর্তী হইয়া চলে; অর্থাৎ, পরাধীন হইয়া থাকে, তবে তাহার অপ্রকৃত ইচ্ছার উপর নিয়ন্ত্রণ ধার্য করিয়া বা বলপূর্বক প্রকৃত ইচ্ছার অমুহূর্তী হইয়া চলিতে বাধ্য করিতে হইবে। অর্থাৎ তাহাকে জোর করিয়া স্বাধীন করানো (forced to freedom)। যেখানে সাধারণ ইচ্ছাই সার্বভৌম সেখানে অপ্রকৃত ইচ্ছাশীল মানুষ সাধারণ ইচ্ছার সহিত সংঘর্ষ করিলে সে তাহার স্বাধীনতা ভোগ করিতে পারিবে না। অতএব সাধারণের স্বার্থে এবং তাহার নিজের স্বার্থে তাহাকে প্রকৃত ইচ্ছার অমুহূর্তী হইয়া চলিতে বাধ্য করাইতে হইবে। অত্যাধিক অপ্রকৃত ইচ্ছাশীল ব্যক্তি নীচুস্তরের জীবনযাপন করিবে। তাহাকে সকলের মঙ্গলের জন্ত এবং তাহার নিজের মঙ্গলের জন্ত জোরপূর্বক উন্নত স্তরে উন্নীত করাইতে হইবে। এইভাবে রুশো হব্‌স ও লকের স্বাধীনতা ও সার্বভৌমিকতার ধারণাকে আমূল পরিবর্তন করিলেন এবং সাধারণ ইচ্ছার নেতৃত্বে রাষ্ট্রের পরিচালনার যৌক্তিকতা প্রমাণিত করিলেন। রুশোর ধারণায় এই সমষ্টিগত ইচ্ছা হস্তান্তরিত হইতে পারে না। কারণ, যে রাজতন্ত্রের সমর্থনে হব্‌স ও লক যুক্তি প্রদর্শন করিয়াছিলেন রুশোর ধারণায় সেই রাজতন্ত্র সমর্থনযোগ্য নহে। এতদ্ব্যতীত চুক্তি হইয়াছিল পরস্পরের মধ্যে; সেখানে রাজার কোন স্থান নাই। অতএব এই সার্বভৌমিকতার অধিকারী কোন রাজা বা সরকার হইতে পারে না।

পরিশেষে বলা যায়, সাধারণ ইচ্ছা জনমত নহে বা সংখ্যাগরিষ্ঠের ইচ্ছা নহে। রুশোর ভাষায় বলা যায় : “ইচ্ছাকে সমষ্টিগত হইতে হইলে ভোটদাতার সংখ্যা অপেক্ষা সাধারণ স্বার্থের সমন্বয়ের গুরুত্বকে অপেক্ষাকৃত অধিকতর স্বীকৃতি দিতে হইবে” (“What makes the will general is less the number of voters than the common interest uniting them”.—Rousseau)। অতএব দেখা যায় সাধারণ ইচ্ছার দুইটি দিক আছে, একটি হইল জনসংখ্যার পরিমাণ আর অপরটি হইল সাধারণ স্বার্থরক্ষা করার উদ্দেশ্য।

সাধারণ ইচ্ছার বৈশিষ্ট্য : (১) সাধারণ ইচ্ছার বৈশিষ্ট্য হইল ঐক্য (Unity)। এই ইচ্ছা পরস্পর-বিরোধী হইতে পারে না। কারণ, ইহা যুক্তির উপর প্রতিষ্ঠিত। ইহা বৈচিত্র্যকে অস্বীকার করে না। ইহা ব্যক্তির

বিভিন্নতা স্বীকার করিয়াই বৈচিত্র্যের মধ্যে ঐক্য প্রতিষ্ঠা করে। ইহা জাতীয় চরিত্রের ঐক্য রক্ষা করে এবং ইহা প্রত্যেক নাগরিকের সাধারণ স্বার্থকে প্রকাশ করে।

(২) চিরন্তনতা ইহার দ্বিতীয় বৈশিষ্ট্য। মানুষের চরিত্রের মধ্যেই ইহাকে খুঁজিয়া বাহির করা যায়।

(৩) রুশোর ভাষায় বলা যায় যে : “মানুষ সর্বদা তাহার নিজের ভালোটাই চায় ; কিন্তু, তাহা সে সর্বদা কোন প্রকারেই দেখিতে পায় না। সাধারণ ইচ্ছা সর্বদাই সত্যের পথে আছে ; কিন্তু, যে বিচার ইহাকে পরিচালিত করে, তাহা সর্বদা উন্নত ধরনের হয় না” (“of itself the people wills always the good, but of itself it by no means always sees it. The general will is always in the right, but the judgment which guides it is not always enlightened.”)। পূর্বেই বলা হইয়াছে যে, সাধারণ ইচ্ছা সর্বদাই সাধারণের মঙ্গলকর। কিন্তু ইহা সন্তোষ সাধারণের মঙ্গল সাধন করা যে ইচ্ছার উদ্দেশ্য নয়, সে ইচ্ছা সমষ্টিগত হইলেও তাহা সাধারণ ইচ্ছা বলিয়া অভিহিত হইবে না। অর্থাৎ সংখ্যাগরিষ্ঠতার ইচ্ছাকে সাধারণ ইচ্ছা হইতে হইলে মঙ্গলকর হইতে হইবে।

(৪) সাধারণ ইচ্ছার আরও দুইটি বৈশিষ্ট্য হইল ইহা চূড়ান্ত এবং অভ্রান্ত। ইহা চূড়ান্ত বলিয়া ইহাকে সর্বদাই ব্যক্তিগত ইচ্ছার উর্ধ্বস্থান দিতে হয়। আবার সাধারণ ইচ্ছা যেহেতু প্রকৃত ইচ্ছার সমন্বয় সেইহেতু ইহা অভ্রান্তও বটে।

(৫) ইহা হস্তান্তরিত হইতে পারে না। সরকার যে ক্ষমতা ব্যবহার করে তাহা হইল অর্পিত ক্ষমতা (delegated power)। প্রত্যক্ষ গণতন্ত্রেই এই সাধারণ ইচ্ছার প্রকাশ সম্ভব, কারণ সমষ্টিগত ইচ্ছা হস্তান্তরযোগ্য নয়। রুশোর মতামতানুসারে সরকারের কোন নিজস্ব ক্ষমতা নাই। সরকার সাধারণ ইচ্ছার দ্বারা প্রতিষ্ঠিত এবং সাধারণ ইচ্ছার নিয়ন্ত্রণাধীন শাসনযন্ত্র মাত্র। সরকার সাধারণ ইচ্ছার নির্দেশে সাধারণ ইচ্ছা-প্রদত্ত ক্ষমতা ব্যবহার করে।

রুশোর মতবাদেদের সমালোচনা : (১) ল্যাক্সি, হবহার্ডস্, ম্যাক্ আইভার এই মতবাদকে সমালোচনা করিয়াছেন। ইহাকে সংকীর্ণ বলিয়া অভিহিত করিয়াছেন অনেক সমালোচক। আবার সাধারণ ইচ্ছা যদি সংখ্যাগরিষ্ঠের ইচ্ছা না হয় তবে ইহা সাধারণও নয়, আর ইচ্ছাও নয় বলিয়া

সমালোচকগণ মন্তব্য করেন। এই মন্তব্যের উত্তরে এই মতবাদের সমর্থকগণ বলেন যে, ইহার মূল্য হইল এইদিক হইতে যে, ইহা সর্বসাধারণের স্বার্থকে অন্তর্ভুক্ত করে।

(২) রাষ্ট্রের মধ্যে সংখ্যালঘিষ্ঠের ইচ্ছা যদি সংখ্যাগরিষ্ঠের ইচ্ছার বিরুদ্ধাচরণ করে, তাহা হইলে তাহাদিগের উপর বল প্রয়োগ করিয়া তাহাদিগকে বুঝাইয়া দিতে হইবে যে, তাহারা তাহাদের প্রকৃত ইচ্ছার বিরুদ্ধে কার্য করিতেছে। অতএব দেখা যায় রুশোও বলপ্রয়োগের ক্ষেত্র প্রস্তুত করিয়াছেন। রুশোর মতবাদেও দমন করার প্রশ্ন আছে। বল প্রয়োগ করিয়া স্বাধীন করার অছিলায় সংখ্যাগরিষ্ঠ ইচ্ছা করিলে যে সংখ্যাগরিষ্ঠের স্বৈরতন্ত্র (tyranny of the majority) প্রতিষ্ঠা করিতে পারে, তাহা জন স্টুয়ার্ট মিল উল্লেখ করিয়াছেন।

(৩) হব্‌সের সহিত রুশোর পার্থক্য হইল এই যে, হব্‌স ব্যক্তিগত স্বৈরাচারিতাকে সমর্থন করেন আর রুশো সংখ্যাগরিষ্ঠের স্বৈরাচারিতাকে সমর্থন করেন। অতএব রুশোর প্রচেষ্টা যে সাধারণের স্বাধীনতা ও রাষ্ট্রের সার্বভৌমিকতার মধ্যে সমন্বয় সাধন করা, তাহা সম্ভব নহে। এইজন্যই হার্গস্‌ বলিয়াছেন : “রুশোর রাষ্ট্রের সার্বভৌমিকতার সহিত ব্যক্তি-স্বাধীনতার সমন্বয় সাধনের সমস্তার সমাধানের প্রচেষ্টা ব্যর্থ হইয়াছে” (“Rousseau's problem of combining state sovereignty with the freedom of the subject remained unsolved.”—Hearnshaw)।

উপসংহারে বলা যায়, রুশো তাঁহার সাধারণ ইচ্ছার বিশ্লেষণে এক অস্পষ্ট ধারণার সৃষ্টি করিয়াছেন সন্দেহ নাই এবং তিনি সার্বভৌমিকতা ও স্বাধীনতার মধ্যে সমন্বয় সাধন না করিতে পারিলেও রাষ্ট্রনৈতিক মতবাদ সৃষ্টিতে তাঁহার অবদান নগণ্য নহে। তিনি প্রমাণ করিয়াছেন যে, রাষ্ট্রনৈতিক মহত্ত্বের উৎস হইল জনগণ আর এই জনগণের কল্যাণসাধন করাই রাষ্ট্রের একমাত্র উদ্দেশ্য।

আবার রুশো গণতান্ত্রিক নীতিতে বিশ্বাসী ছিলেন। তিনি এই কথাও স্বীকার করিয়াছেন যে, বলপ্রয়োগ নয়, জনগণের সম্মতিই রাষ্ট্রনৈতিক আনুগত্যের ভিত্তি। তিনি আরও প্রমাণ করিতে চাহিয়াছিলেন যে, প্রতিটি ব্যক্তি হইল রাষ্ট্রের অবিচ্ছেদ্য অংশ। তিনি রাষ্ট্রকে প্রাণিদেহের সহিত তুলনা করিলেন। পরবর্তীকালে হার্বার্ট স্পেনসার যে জৈব মতবাদ প্রচার করেন তাহা ইতিপূর্বে রুশোই সূত্র করিয়া গিয়াছিলেন।

সামাজিক চুক্তি মতবাদের সমালোচনা ও মূল্যায়ন (Value and Limitation of the doctrine of Social Contract Theory) :

সপ্তদশ ও অষ্টাদশ শতাব্দীর রাষ্ট্রচিন্তাজগতে ‘সামাজিক চুক্তি মতবাদ’ এক বিশেষ উদ্দীপনা ও আলোড়ন সৃষ্টি করে। এই মতবাদের ত্রয়ী প্রবক্তা— হব্‌স্‌, লক্‌ ও রুশোর চিন্তাধারার দ্বারা বিশেষভাবে প্রভাবান্বিত হন স্পিনোজা (Spinoza), মন্‌তেসকিউয়ে, টমাস পেইন (Thomas Pain) ও জার্মান দার্শনিক ইমানুয়েল কান্ট (Emanuel Kant)। রুশোর মতবাদ ১৭৭৬ সালের আমেরিকার স্বাধীনতা সংগ্রামের উপর বিরাট প্রভাব বিস্তার করে এবং ১৭৮৯ সালের ফরাসী বিপ্লবের গোড়াপত্তন করে। কিন্তু ঊনবিংশ শতাব্দীর প্রথম ভাগ হইতেই যুক্তিবাদী চিন্তার আক্রমণে রাষ্ট্রনৈতিক চিন্তার আসরে সামাজিক চুক্তি মতবাদ পরাভব স্বীকার করিতে বাধ্য হয়। দার্শনিক হিউম, বেঙ্হাম, বার্ক, অস্টিন, লিবার, উলসি, মেইন, গ্রীণ, বুন্টস্‌লি এবং পোলক প্রভৃতি দার্শনিকের দ্বারা চুক্তির আধাতে সামাজিক চুক্তিবাদ পৰ্য্যুদন্ত হয়। এই সকল দার্শনিকের সমালোচনাগুলি নিয়ে দেওয়া হইল :

প্রথমতঃ, রুশোর ‘সামাজিক চুক্তি’ প্রকাশিত হইবার পূর্বেই হিউম (Hume) এই মন্তব্য করেন যে, সামাজিক চুক্তিবাদ একটি অনৈতিহাসিক কল্পনা মাত্র। শাসক-শাসিতের মধ্যে সম্পর্কের ভিত্তি হিসাবে সামাজিক চুক্তিকে কল্পনা করিয়া হব্‌স্‌ ইতিহাসকে অস্বীকার করিয়াছেন। অবশ্য, হব্‌স্‌

(১) ইহার পক্ষে
ইতিহাস সাক্ষ্য
দেয় না

স্বীকার করিয়াছেন যে, এইরূপ যে চুক্তি হইয়াছিল তাহার

কোন প্রমাণ খুঁজিয়া পাওয়া যায় না। অনেকে ইংলণ্ডে
হইতে ১৬২০ সালে ‘মে ফ্লাওয়ার’ (May Flower)

জাহাজযোগে যে অভিজাতী দল উত্তর আমেরিকায়
উপনিবেশ পত্তন করিতে যান, তাঁহাদের চুক্তিকে ইহার সাক্ষ্যরূপে
হাজির করেন। কিন্তু ইহাও গ্রহণযোগ্য নয় কারণ, ইহাদের মধ্যে কেহই
হব্‌স্‌ বর্ণিত প্রাকৃতিক অবস্থায় বাস করিতেন না। আবার সেই সূদূর
আদিম যুগে রাষ্ট্রনৈতিক চেতনাশূন্য জগতে যে মানুষেরা বাস করিত
তাঁহারা হঠাৎ একদিন পরস্পরের সহিত মিলিত হইয়া চুক্তির সাহায্যে রাষ্ট্র
গঠন করিয়াছিল বলিয়া ইতিহাস সাক্ষ্য দেয় না।

দ্বিতীয়তঃ, (ক) আবার এই ধরনের চুক্তি অসম্ভব। কারণ, আদিম

যুগে মানুষেরা চুক্তি কাহাকে বলে তাহা তাহারা ভালোভাবে জানিত না। বাণিজ্য-সমাজেই চুক্তি সম্বন্ধে ধারণা বিশেষ বিকাশ লাভ করে। কিন্তু আদিম মানুষের জগতে ব্যবসা-বাণিজ্যের ধারণা ছিল অসম্ভব। অতএব হব্‌স্‌, লক্‌, রুশো বর্ণিত চুক্তির মতো উন্নত পর্যায়ের চুক্তি সম্পাদন করা আদিম সরল লোকের পক্ষে অস্বাভাবিক। রাষ্ট্রনৈতিক চেতনা-সম্পন্ন মানুষের পক্ষেই রাষ্ট্রনৈতিক চুক্তি করা সম্ভব। কিন্তু আদিম যুগের মানুষ রাষ্ট্রনৈতিক চেতনা-সম্পন্ন ছিল না।

(খ) আর তাহাদের সামনে এমন কোন চুক্তির দৃষ্টান্তও ছিল না যাহা দেখিয়া আদিম মানুষ চুক্তি সম্বন্ধে শিক্ষা লাভ করিতে পারে। অতএব আদিম মানুষের চুক্তি সম্বন্ধে ধারণা কল্পনা-প্রসূত।

তৃতীয়তঃ, আবার এই মতবাদ অনুসারে প্রাকৃতিক অবস্থায় মানুষ ছিল পূর্ণ স্বাধীন। এই স্বাধীনতা সম্বন্ধে চুক্তি-বাদীদিগের ধারণা ছিল ভ্রান্ত। রাষ্ট্রনৈতিক আইন ছাড়া স্বাধীনতার অর্থ স্বেচ্ছাচারিতা। প্রাকৃতিক অবস্থায় যে স্বাভাবিক আইন (Natural Law) ছিল, তাহা ছিল নৈতিক আইন। আবাক্কো এই আইনকে মান্য করাইবার জন্ত কোন রাষ্ট্রশক্তি ছিল না। সুতরাং প্রাকৃতিক পরিবেশে স্বেচ্ছাচারিতা থাকিতে পারে, কিন্তু প্রকৃত স্বাধীনতা থাকা সম্ভব নয়।

চতুর্থতঃ, প্রাকৃতিক অবস্থায় যে স্বাভাবিক অধিকারের কল্পনা করা হইয়াছে তাহা নৈতিক অধিকার ছাড়া আর কিছু নয়। আবার অধিকার ও কর্তব্য অঙ্গাঙ্গিভাবে জড়িত। এই অধিকার ও কর্তব্যবোধ জন্মায় তখনই যখন মানুষ সমাজে বাস করে, তাহার পূর্বে নয়। এই প্রসঙ্গে গ্রীণের মত উল্লেখ করা যায়। গ্রীণ বলেন যে, যতক্ষণ পর্যন্ত মানুষ সাধারণ স্বার্থ সম্পর্কে সচেতন হইয়া না উঠে, ততক্ষণ পর্যন্ত কোন অধিকার প্রতিষ্ঠিত হয় না। আবার এই সাধারণ স্বার্থ সম্পর্কে সচেতনতা প্রতিষ্ঠা করা হয় সমাজ-জীবনের আরম্ভের পর, তাহার পূর্বে নয়। অতএব এই চুক্তিবাদ সমাজ-সৃষ্টির পূর্বে যে স্বাভাবিক অধিকারের কল্পনা করিয়াছে তাহা সম্পূর্ণ ভ্রান্ত।

আবার আইনই হইল স্বাধীনতার শর্ত (Law is the condition of liberty)। স্তত্রাং স্বাভাবিক অধিকারের সঙ্গে স্পষ্ট ও নির্দিষ্ট আইন থাকার প্রয়োজনীয়তা আছে। আবার আইনকে কার্যকরী করিবার জন্ত রাষ্ট্রকর্তৃক থাকাও প্রয়োজন। কিন্তু প্রাকৃতিক অবস্থায় রাষ্ট্রনৈতিক আইনের সন্ধান পাওয়া যায় না।

পঞ্চমতঃ, চুক্তি মানুষের ইচ্ছার উপর নির্ভরশীল। বলা হইয়াছে যে, আদিম মানুষেরা সকলেই চুক্তিতে স্বেচ্ছায় অংশ গ্রহণ করিয়াছিল। চুক্তির ভাষ্যকারদের এই কল্পনা অতিশয়োক্তি দোষে দুষ্ট।

(৫) বেছামের মত

আবার বেছাম সমালোচনা করিয়া বলেন যে, পূর্বপুরুষেরা যে চুক্তি সম্পাদন করিয়াছিল, তাহা শুধু তাহারা ই মানিতে বাধ্য, বর্তমানের মানুষ তাহা মান্ত করিবে কেন? অবশ্য বলা যায়, রাষ্ট্রকর্তৃক তথা চুক্তি না মান্ত করিলে সকলেরই ক্ষতি হইবে। এইজন্যই বর্তমানের মানুষেরা রাষ্ট্রকর্তৃককে মান্ত করে।

ষষ্ঠতঃ, মানুষের মধ্যে একটা স্বাভাবিক বৈষম্য লক্ষ্য করা যায়। অতএব প্রাকৃতিক অবস্থায় সব মানুষই সমান ছিল, এই কথা (৬) স্বাভাবিক সাম্য ও যুক্তিসঙ্গত বিশ্বাস করা যায় না। রুশো সামাজিক চুক্তি গ্রহে নহে ৯ এই বৈষম্যের কথা স্বীকার করিয়াছেন।

সপ্তমতঃ, চুক্তির নিয়মই এই যে, ইহা একদিকে যেমন স্বেচ্ছায় সম্পাদিত হয়, ঠিক তেমনি আবার ইচ্ছামূলক ভাবে সেই চুক্তির অবসানও করা যায়; কিন্তু, রাষ্ট্রের ক্ষেত্রে স্বেচ্ছা চুক্তিতে প্রবেশ করা বা উহা হইতে বাহির হইয়া আসা সম্ভব নয়। রাষ্ট্র একটি যৌথ (৭) চুক্তির বৈশিষ্ট্য আর রাষ্ট্রের বৈশিষ্ট্য এক নয় মালিকানা স্বত্বের ব্যবসায় প্রতিষ্ঠান নহে। রাষ্ট্রের প্রত্যেক নাগরিককেই রাষ্ট্রের প্রতি বশতা স্বীকার করিতে হইবে। বিপ্লবের মাধ্যমে সরকার বদলানো যায়; কিন্তু, রাষ্ট্রকে পাল্টানো যায় না।

অষ্টমতঃ, কেহ কেহ মনে করেন, সামাজিক চুক্তির মতবাদ বিপ্লবের পথ প্রশস্ত করে। ফলে তাহাদের মতে সামাজিক চুক্তির মতবাদ গ্রহণযোগ্য নহে। ইহা বিজ্ঞানসম্মত রাষ্ট্রের উৎপত্তির ব্যাখ্যাও দান করে না।

(৮) বিপ্লবের পথ প্রশস্ত করে

নবমতঃ, পরিশেষে বার্ক ও হুন্টস্লির মন্তব্য উল্লেখ করা যায়। বার্ক

সামাজিক চুক্তির মতবাদকে “অরাজকতার সংক্ষিপ্তসার” (digest of anarchy) বলিয়া অভিহিত করিয়াছেন। গার্গার

(২) সামাজিক চুক্তি মতবাদ সম্পর্কে বলেন : “ইহা মাহুষের কল্পনাপ্রসূত একটি নিছক মতবাদ ছাড়া আর কিছুই নহে”। ব্রুণ্টস্মিলির মতে : “এই মতবাদ রাষ্ট্রকে মাহুষের খেয়ালের ফলে সৃষ্ট, এইরূপ কল্পনা করে বলিয়া, ইহাকে যতটা কল্পনা করা যায় ততটাই বিপজ্জনক”।

ঐতিহাসিক মূল্য : সামাজিক চুক্তি মতবাদ যদিও রাষ্ট্রের উৎপত্তি ও প্রকৃতির ব্যাখ্যা হিসাবে সম্পূর্ণ মূল্যহীন, কিন্তু ইহার ঐতিহাসিক মূল্যকে অস্বীকার করা যায় না। নিম্নে এই মতবাদের ঐতিহাসিক মূল্য নির্ধারণ করা গেল :

প্রথমতঃ, বার্কোরের মতামুসারে বলা যায় যে, চুক্তিবাদের মধ্যে দুইটি অতিশয় গুরুত্বপূর্ণ ধারণা প্রকাশ পাইয়াছে। এই দুইটি ধারণার মধ্যে একটি হইল স্বাধীনতার আদর্শ আর অপরটি হইল **শ্রমের আদর্শ**।

দ্বিতীয়তঃ, এই মতবাদের বৃহত্তম কীর্তি হইল এই যে, ইহা রাষ্ট্রবিজ্ঞানকে গৃহ ধর্মতন্ত্রের জটিল জটাজাল হইতে মুক্ত করিয়া নূতন ধারায় প্রবাহিত করিয়াছে। চুক্তিবাদের যুক্তির আঘাতে ঐশ্বরিক উৎপত্তিবাদও শিথিল হইয়া পড়িল। এই মতবাদ অতিশয় দৃঢ়তার সহিত প্রচার করিল যে, রাষ্ট্র মূলতঃ মনুষ্যপ্রয়াস-উদ্ভূত মানবিক সংগঠন। এই প্রচারের সঙ্গে সঙ্গে অবাধ রাজতন্ত্রের মূল তাত্ত্বিক ভিত্তিপ্রস্তরও অপসারিত হইল। হব্‌স্‌ যদিও চরম রাজতন্ত্রের সমর্থক ছিলেন ; কিন্তু, তিনি যখন তাঁহার যুক্তিতে বলিলেন যে, প্রজার ইচ্ছায়ই রাষ্ট্রের সৃষ্টি হইয়াছে, এবং প্রজাদের নিরাপত্তা রক্ষাই এই চুক্তি সম্পাদনের উৎস, তখনই তিনি অবাধ রাজতন্ত্রের মূলে কুঠারাঘাত করিলেন। হব্‌সের পরবর্তীকালে লক্‌ ও রুশো হব্‌সেরই এই মতবাদকে আরও প্রসারিত করিয়া ঘোষণা করিলেন : শাসিতের সম্মতিই হইল রাষ্ট্রের ভিত্তি (Consent of the governed)। এই শাসিতের সম্মতির নীতির উপরই বর্তমানের গণতান্ত্রিক মতবাদের ভিত্তিপ্রস্তর প্রতিষ্ঠিত হইয়াছে।

তৃতীয়তঃ, এই মতবাদ রাষ্ট্র ও সরকারের মধ্যে পার্থক্য সম্পূর্ণ নির্দিষ্ট করিয়া দেয়। লকের পূর্বে আর কোন রাষ্ট্রবিজ্ঞানী রাষ্ট্র ও সরকারের মধ্যে পার্থক্য স্পষ্টাকারে নির্দিষ্ট করিয়া দেয় নাই।

চতুর্থতঃ, বর্তমানে সার্বভৌমিকতার যে সকল তথ্য রাষ্ট্রবিজ্ঞানে আলোচিত হয়, তাহার অধিকাংশই সামাজিক চুক্তি মতবাদের অবদান। হব্‌স্‌ প্রস্তুত

করেন আইনসম্মত সার্বভৌমিকতার পথ (Legal sovereignty)। লব্ধ বর্তমানে যাহাকে রাষ্ট্রনৈতিক সার্বভৌমিকতা বলা হয়, তাহার রূপদান করেন। রুশো ছিলেন জনপ্রিয় সার্বভৌমিকতার মন্ত্রের প্রধান প্রচারক। এই জনপ্রিয় সার্বভৌমিকতার নীতি প্রত্যক্ষ গণতন্ত্রের পথ প্রস্তুত করে। বর্তমানে গণভোট (Referendum), গণউদ্যোগ (Initiative), এবং পদচ্যুতি (Recall) প্রভৃতি যে সকল শাসন-ব্যবস্থার নীতি বিভিন্ন রাষ্ট্রে গৃহীত হইয়াছে তাহার দ্বারা অত্যন্ত স্পষ্টই বোঝা যায় যে, বর্তমানেও জনগণ প্রত্যক্ষভাবেই সরকারকে অর্থাৎ রাষ্ট্রযন্ত্রকে নিয়ন্ত্রণ করিতে চায়।

পঞ্চমতঃ, স্বাধীনতা, সাম্য, মৈত্রী, জনগণের সার্বভৌমিকতা, মানুষের অধিকার এবং স্ব-শাসনের মৌলিক অধিকার প্রভৃতি রাষ্ট্রনৈতিক ধারণার বিবর্তনে সামাজিক চুক্তি মতবাদ অত্যন্ত গুরুত্বপূর্ণ ভূমিকা গ্রহণ করিয়াছে।

উপসংহারে বার্কারের মন্তব্য অমুসারে বলা যায় যে, চুক্তিবাদের যুক্তির মধ্যে যে দুইটি মৌলিক ধারণা প্রকাশ পাইয়াছে, তাহাদের প্রতি মানুষের চিন্তা সর্বদা দৃঢ়ভাবে সংলগ্ন হইয়া থাকিবে। এই দুইটি ধারণার মধ্যে একটি হইল স্বাধীনতার আদর্শ অথবা এই ধারণা যে শক্তি নয়, জনগণের ইচ্ছাই রাষ্ট্রযন্ত্রের ভিত্তি। আর অপরটি হইল শ্রায়ের আদর্শ অথবা এই ধারণা যে শক্তি নয়, শ্রায়ই সকল রাষ্ট্রনৈতিক সমাজ ও প্রত্যেক রাষ্ট্রনৈতিক পদ্ধতির নিয়মশৃঙ্খলার ভিত্তি।*

এই দুইটি ধারণার সহিত আরও কয়েকটি ধারণা—যথা, জনগণের সার্বভৌমিকতা (Popular sovereignty), সাম্য, মৈত্রী ও স্বাধীনতার ধারণা, মানব অধিকার, মানুষের স্বাধীনতা জন্মগত ও ধর্মভিত্তিক রাষ্ট্র-কল্পনার অবসানের ধারণা প্রভৃতি যদিও তৎকালে চিন্তারাজ্যে অপরিচিত ছিল কিন্তু পরবর্তী চিন্তানায়কগণের হস্তে যখন এই ধারণাগুলি আরও বহুণ, আরও প্রোজ্জ্বল হইয়া উঠিল এবং আরও নানা ধারা আসিয়া এই ধারণাগুলির সহিত মিশিয়া ইহাকে পূর্ণতার দিকে আগাইয়া লইয়া গেল, তখন হয়তো প্রাথমিক ধারণাগুলি অস্পষ্ট আকার ধারণ করিল, কিন্তু আজিকার মানুষ নিশ্চয়ই

*"It was a way of expressing two fundamental ideas or values to which human mind will always cling—the value of Liberty, or the idea that will, not force, is the basis of government and the value of justice or the idea that right not might is the basis of all political society and of every system of political order."—Barker.

শ্রদ্ধাভরে স্মরণ করিবে সেই ত্রয়ী চুক্তিবাদীদের স্বাধাদের চিন্তারাজ্যেই প্রথম স্থান পাইয়াছিল এই মহান ধারণা সকলও এই মানব-অধিকারের ঘোষণাবলী।

হব্‌স্‌, লক্‌ ও রুশোর মতবাদের মধ্যে সাদৃশ্য ও বৈসাদৃশ্য
(Points of Agreement and Difference between Hobbes, Locke and Rousseau) : হব্‌স্‌, লক্‌ ও রুশো সামাজিক চুক্তি মতবাদের ভিত্তিতে রাষ্ট্রের উৎপত্তি ও প্রকৃতির ব্যাখ্যা করিয়াছেন বটে; কিন্তু, তাঁহাদের মতামতের মধ্যে অনেক সাদৃশ্য ও বৈসাদৃশ্য লক্ষ্য করা যায়। কারণ, এই তিনজন চিন্তাবীর বিভিন্ন দৃষ্টিকোণ হইতে সামাজিক চুক্তি মতবাদের বিশ্লেষণ করিয়াছেন। আবার এই তিনজনের মতবাদের আলোচনা করিলে দেখা যায় যে, হব্‌স্‌ ও লকের বিপরীতমুখী ধারণার মধ্যে এক সেতু রচনা করিয়াছেন রুশো। নিম্নে এই ত্রয়ী চিন্তাবীর মতবাদের তুলনামূলক আলোচনা করা গেল। *

(১) ঐতিহাসিক পটভূমিকা (Historical background) : সামাজিক চুক্তি মতবাদের প্রচারকদিগের চিন্তার উপর সমসাময়িক ঐতিহাসিক ঘটনাগুলি যথেষ্ট প্রভাব বিস্তার করিয়াছে। এই কারণে সমসাময়িক ঐতিহাসিক ঘটনাগুলি লক্ষ্য করার বিশেষ প্রয়োজনীয়তা রহিয়াছে।

(ক) হব্‌সের সময়ে ইংলণ্ডে প্রজা-বিদ্রোহ এবং ক্রমওয়েল্লের সাধারণতন্ত্র সাধারণ লোকের জীবনকে বিপর্যস্ত করিয়া তোলে। এই অশান্ত ইংলণ্ডে সামাজিক শান্তি আনয়ন করার জন্ত এবং মাহুমের দুঃখকষ্টের অবসান ঘটানোর জন্ত স্থায়ী শাসন-ব্যবস্থার প্রয়োজনীয়তা তিনি উপলব্ধি করেন। তাঁহার মতে স্থায়ী শাসন-ব্যবস্থা একমাত্র রাজতন্ত্রের মাধ্যমেই প্রতিষ্ঠা করা সম্ভব। এই কারণে তিনি রাজতন্ত্রকে সমর্থন করিয়া ১৬৫১ সালে প্রকাশিত লেভায়াথান গ্রন্থে বিভিন্ন যুক্তি প্রদর্শন করেন। আবার হব্‌স্‌ ছিলেন দ্বিতীয় চার্লসের গৃহশিক্ষক। চরম রাজতন্ত্রকে সমর্থন করাটা তাঁহার পক্ষে অস্বাভাবিক কিছু নয়।

(খ) লক্‌ ছিলেন ইংলণ্ডের ১৬৮৮ সালের রক্তহীন বিপ্লবের অগ্রতম প্রধান সমর্থক। সেই যুগে দ্বিতীয় জেমসের সিংহাসনচ্যুতি ও বিদেশী উইলিয়ামের সিংহাসনারোহণকে অনেকেই সমর্থন করেন নাই। সুতরাং লক্‌কে বিপ্লবের সমর্থনে ও বিপ্লবের কারণ ব্যাখ্যা করিয়া যুক্তি প্রদর্শন করিতে হয় এবং এই প্রসঙ্গে তিনি সকল অত্যাচারী রাজারই সিংহাসনচ্যুতির যৌক্তিকতা প্রমাণ

করেন। লক্‌ তাঁহার ১৬৯০ সালে প্রকাশিত *Two Treatises on Civil Government* নামক গ্রন্থে তাঁহার মতবাদ উপস্থাপিত করেন।

(গ) **রুশো** তাঁহার মতবাদ ব্যাখ্যা করেন দুইখানি গ্রন্থে; যথা,—
(১) *Contract Social* এবং (২) *Discourse on Inequality*।
রুশো কোন মতবাদের সমর্থনে তাঁহার মতবাদ প্রচার করেন নাই। তিনি ব্যক্তিগত ধারণার বশবর্তী হইয়াই এই মতবাদ প্রচার করেন। রুশোর চিন্তাধারা ফরাসী বিপ্লবের চিন্তারাজ্যে অবিস্মরণীয় হইয়া থাকিবে। তাঁহার মতে সুস্থ সামাজিক জীবনের জন্ম প্রয়োজন এক রাষ্ট্রের, যাহার চূড়ান্ত সার্বভৌম ক্ষমতা থাকিবে। আবার এই সার্বভৌমিকতার সহিত ব্যক্তি-স্বাধীনতার সমন্বয়-সাধনেরও তিনি চেষ্টা করেন।

(২) **প্রাকৃতিক অবস্থা সম্বন্ধে ধারণা (State of Nature) :**

(ক) **হব্‌সের** মতে প্রাকৃতিক পরিবেশে মানুষের জীবন ছিল দুর্বিষহ। জীবন ছিল এই অবস্থায় বীভৎস, পাশবিক ও স্বল্পস্থায়ী। তাঁহার মতে মানুষ স্বভাবতঃই দুর্বৃত্ত প্রকৃতির এবং সর্বদাই অস্ত্রের ক্ষতিসাধন করিয়া স্বীয় ইষ্টসাধনে তৎপর।

(খ) **লকের** মতে প্রাকৃতিক অবস্থায় মানুষের জীবন অন্তর্দ্বন্দ্ব দ্বারা দুর্বিষহ হয় নাই বরং মানুষ প্রাকৃতিক অবস্থায় সুখে শান্তিতে বাস করিত। তাঁহার মতে প্রাকৃতিক অবস্থা ছিল কল্যাণকর।

(গ) **রুশো** প্রাকৃতিক অবস্থাকে মতের স্বর্গ বলিয়া বর্ণনা করেন। তাঁহার মতে আদিম মানুষ এই অবস্থায় স্বাধীনতা, সাম্য ও মৈত্রীভাব বজায় রাখিয়া বাস করিত। রুশো এই মত প্রকাশ করেন যে, ধীরে ধীরে মানুষের চিন্তা-শক্তি বৃদ্ধি পাইল, জনসংখ্যা বৃদ্ধি পাইল। ফলে মানুষের জীবনযাত্রা জটিলতর হইল। আদিম সরলতা ও সাম্যভাবের স্থান দখল করিল সমাজের উচ্চনীচ ভেদ-জ্ঞান। ফলে মানুষকে হব্‌স-বর্ণিত প্রাকৃতিক অবস্থার সম্মুখীন হইতে হইল।

রুশো প্রাকৃতিক অবস্থা সম্বন্ধে একদিকে যেমন লকের মতকে সমর্থন করিলেন, আবার শেষ পর্যন্ত প্রাকৃতিক অবস্থা যে হব্‌স-বর্ণিত অবস্থার সম্মুখীন হইল তাহাও তিনি স্বীকার করিয়াছেন। এইভাবে রুশো হব্‌স ও লকের মতবাদের মধ্যে যোগাযোগ করিবার চেষ্টা করেন।

(৩) **স্বাভাবিক আইন সম্বন্ধে ধারণা (Natural Law) :**

(ক) **হব্‌সের** মতে প্রাকৃতিক পরিবেশে মনুষ্যকৃত কোন আইন ছিল না।

প্রাকৃতিক পরিবেশে যেহেতু কোন আইন ছিল না, সেইহেতু মানুষ ছিল অবাধ স্বাধীনতার অধিকারী। এই অবাধ, অনিয়ন্ত্রিত স্বাধীনতা মানুষের জীবনে এক উচ্ছৃঙ্খলতা ও স্বেচ্ছাচারিতা আনয়ন করিয়া মানুষের জীবনকে দুর্বিষহ করিয়া তোলে। এই অবস্থা ছিল প্রাক-সামাজিক অবস্থা। বাহুবলই ছিল একমাত্র অধিকার এবং প্রাণ বাঁচানোর মন্ত্রই ছিল স্বাভাবিক আইন।

(খ) লক্‌ মানুষের বিবেকে যে নীতিবোধ নিহিত রহিয়াছে তাহাকেই স্বাভাবিক আইন বলিয়া অভিহিত করিয়াছেন। এই নীতিবোধের দ্বারা স্বাধীনতা সীমিত হইত। অতএব প্রাকৃতিক স্বাধীনতা ছিল নীতি-নির্ভর। তাঁহার মতে প্রাকৃতিক পরিবেশে প্রাকৃতিক নিয়মে মানুষের জীবন পরিচালিত হইত। মানুষ স্বাধীনতা ও সাম্যের অধিকারী ছিল। এই অবস্থাকে লক্‌ প্রাক-রাজনৈতিক অবস্থা বলিয়া বর্ণনা করেন।

(গ) রুশোর মতে আইন ছিল কল্যাণের মন্ত্রে দীক্ষিত। স্বাভাবিক আইন কল্যাণকর মৌল প্রেরণা হইতে উদ্ভূত হয়। হব্‌সের প্রাণ বাঁচাইবার মন্ত্রকে কল্যাণের মন্ত্রে দীক্ষিত করিলেন রুশো। আর লকের নীতি-নির্ভর যে স্বাভাবিক আইন তাহা যে স্বেচ্ছাচারিতাকে সীমিত করিয়া কল্যাণের পথে পরিচালিত করে, তাহারও ব্যাখ্যা রুশোর হস্তে পূর্তি লাভ করে।

(৪) চুক্তির প্রকৃতি সম্বন্ধে ধারণা (The Nature of Contract) :

(ক) হব্‌সের মতে একটিমাত্র চুক্তি দ্বারা রাষ্ট্র ও শাসনযন্ত্র প্রতিষ্ঠিত হয়। হব্‌সের মতে মানুষের মধ্যে একতরফা চুক্তির ফলে রাষ্ট্রের উদ্ভব হয়। রাজাকে চুক্তির কোন পক্ষ হিসাবে ধরা হয় না। এই চুক্তির ফলেই রাজতন্ত্রের আবির্ভাব হয়।

(খ) লকের মতে চুক্তি হয় দুইটি, (১) সামাজিক চুক্তি (Social Compact); (২) রাজনৈতিক চুক্তি (Political or Governmental Compact)। তাঁহার মতে প্রথমে একটি সামাজিক চুক্তি হয়। এই চুক্তির দ্বারা রাষ্ট্র গঠিত হয়। তারপর রাজনৈতিক চুক্তির দ্বারা সসীম ক্ষমতাবিশিষ্ট একটি রাজতান্ত্রিক শাসন-ব্যবস্থা প্রতিষ্ঠিত হয়। লকের মতে রাজা চুক্তির অংশীদার।

(গ) রুশো এই বিষয়ে হব্‌সকে সমর্থন করেন। তিনি বলেন যে, প্রথমে একটিমাত্র চুক্তির দ্বারা রাষ্ট্র গঠিত হয়। পরে জনসাধারণ আইন প্রণয়ন করিয়া রাষ্ট্রের প্রতিনিধি হিসাবে একটি শাসনযন্ত্র গঠন করে।

এই প্রসঙ্গে রুশো একদিকে যেমন হব্‌সের একটি চুক্তি দ্বারা রাষ্ট্রের জন্মকে সমর্থন করেন, আবার পরে যে জনসাধারণ আইন প্রণয়ন করিয়া শাসনযন্ত্র প্রতিষ্ঠা করেন, যাহাকে লক্‌ রাজনৈতিক চুক্তি বলিয়া অভিহিত করিয়াছেন, তাহাকে সরাসরি দ্বিতীয় চুক্তি নাম-না দিয়া আইন প্রণয়নের রূপে ব্যাখ্যা করিয়াছেন। রুশোর চুক্তির প্রকৃতি ভিন্ন রূপ। হব্‌স বলেন, রাজা চুক্তি-বহির্ভূত, লক্‌ বলেন চুক্তি হয় রাজা ও প্রজার মধ্যে, কিন্তু রুশো বলেন, মানুষের মধ্যে একটি পারস্পরিক চুক্তি হয়। ইহাতে রাজতন্ত্রের কোন স্থান নাই। মানুষের অধিকার সবই সমর্পিত হয়, তবে উহা যৌথ ব্যক্তিত্বের হস্তে। আবার যেহেতু প্রত্যেকেই এই যৌথ ব্যক্তিত্বের অংশীদার, সেইজন্ম এই চুক্তির ফলে কাহারও স্বাধীনতা বা সাম্যের কোন ক্ষতি হয় নাই। এইভাবে রুশো হব্‌স ও লকের মতের মধ্যে সেতু তৈয়ারী করেন।

৩. সার্বভৌমত্ব সম্বন্ধে ধারণা (Sovereignty) : (ক) হব্‌সের মতে রাষ্ট্রের সার্বভৌমত্ব অবাধ, চূড়ান্ত, অপ্রতিহত, আদি ও অপরিসীম। রাজা বা সরকারই এই সার্বভৌমত্বের অধিকারী। আর রাজ-আজ্ঞাই আইন।

(খ) লকের মতে সার্বভৌমত্ব বিভাজ্য নহে। তাঁহার মতে সরকার 'সার্বভৌম ক্ষমতা' ব্যবহার করে, কিন্তু জনসাধারণের অধিকারের দ্বারা রাষ্ট্রের সার্বভৌমিকতা সীমাবদ্ধ। লকের মতে জনতার সার্বভৌমত্ব নিয়মিত ব্যবহৃত হয় না। অবশ্য, জনসাধারণের বিপ্লবের অধিকার রহিয়াছে। ফলে তাহারা প্রয়োজনবোধে বিপ্লবের দ্বারা সরকারের উচ্ছেদ সাধন করিতে পারে। সসীম রাজা এই সার্বভৌমত্বের মালিক।

(গ) রুশো হব্‌সকে অহসরণ করেন। তিনি নিরঙ্কুশ সার্বভৌমিকতায় বিশ্বাসী, অবশ্য, রুশোর সার্বভৌমত্বের মালিক কোন রাজা বা সরকার নহে। তাঁহার মতে এই সার্বভৌমিকতার অধিকারী হইল সক্রিয় সমগ্র জনতা, আইন হইল সমষ্টিগত কল্যাণকর ইচ্ছার প্রকাশ। হব্‌স তাঁহার ধারণায় সর্বজনীন সার্বভৌমকে উপেক্ষা করিয়া ব্যক্তি-স্বাধীনতাকে সমাধিস্থ করিয়াছেন, এবং আইনামুগ সার্বভৌমে সমস্ত ক্ষমতা অর্পণ করেন, লক্‌ তাঁহার মতবাদে আইনামুগ সার্বভৌমকে উপেক্ষা করিয়া সর্বজনীন সার্বভৌমত্বে সমস্ত ক্ষমতা আরোপ করেন। ফলে শাসনযন্ত্র দুর্বল হইয়া পড়ে এবং উহা জনসাধারণের খামখেয়ালোর বশবর্তী হয়। রুশো তাঁহার

মতবাদ দ্বারা স্বাধীনতা, সাম্য ও মৈত্রীর বাণী প্রচার করেন। তাঁহার সার্বভৌমত্বের ধারণা লকেরই মতো। তিনি রাজার হস্তে ক্ষমতা অর্পণ না করিয়া জনসাধারণের হস্তে সমর্পণ করিলেন।

শাসনব্যবস্থা সম্বন্ধে ধারণা (Nature of Government) :

(ক) হব্‌স্‌ সমর্থন করিলেন অবাধ রাজতন্ত্র এবং তিনি তাঁহার মতবাদ দ্বারা স্ট্যুয়ার্ট রাজবংশের স্বৈরাচারকে সমর্থন করেন।

(খ) লক্‌ সমর্থন করেন সীমাবদ্ধ রাজতন্ত্র। তিনি তাঁহার মতবাদ দ্বারা ১৬৮৮ সালের গৌরবময় বিপ্লবকে সমর্থন করেন।

(গ) রুশো প্রত্যক্ষ গণতন্ত্রকে সমর্থন করেন। তিনি তাঁহার মতবাদ দ্বারা ফরাসী বিপ্লবের গোড়াপত্তন করেন।

অধিকার সম্বন্ধে ধারণা (Rights) : (ক) হব্‌স্‌সের মতে রাজা চুক্তির অংশীদার নহেন। অতএব জনসাধারণের রাজার বিরুদ্ধে কোন অভিযোগ থাকিতে পারে না। রাজতন্ত্রের বিনাশ নাই। তাহার বিরুদ্ধে কাহারও বিপ্লব করিবার অধিকার নাই। কারণ, মানুষ পুনঃপ্রাপ্তির দাবি না করিয়া, বিনাশর্তে নিঃশেষে সকল ক্ষমতাই রাজার হস্তে সমর্পণ করিয়াছে। রাজার বিরুদ্ধে বিদ্রোহ করার অর্থ হইল চুক্তি ভঙ্গ করা এবং চুক্তি ভঙ্গ করিলে মানুষকে আবার প্রাকৃতিক অবস্থায় ফিরিয়া যাইতে হইবে। তাঁহার ধারণা বাহ্যবলই হইল একমাত্র স্বাভাবিক অধিকার। স্বাভাবিক অধিকারের অবশিষ্ট বিশেষ কিছু রহিল না। যাহা অবশিষ্ট থাকে তাহা হইল আইনপ্রদত্ত অধিকার এবং আত্মরক্ষার অধিকার।

(খ) লকের মতে রাজা চুক্তির অংশীদার। অতএব রাজা চুক্তির শর্ত দ্বারা আবদ্ধ। সুতরাং রাজা যদি অক্ষমতাবশতঃ চুক্তির শর্ত ভঙ্গ করে তবে রাজার বিরুদ্ধে বিদ্রোহ করার জনসাধারণের আইনসম্মত অধিকার আছে। অবশ্য, এই বিদ্রোহের দ্বারা শুধু সরকারই পরিবর্তিত হয়, রাষ্ট্রের পরিবর্তন হয় না। লকের মতে স্বাভাবিক অধিকার অনেকখানিই থাকিয়া যায়। লক্‌ জীবন, স্বাধীনতা, সম্পত্তি এবং বিপ্লবের অধিকারকে স্বীকার করেন।

(গ) রুশো বলেন, স্বাধীনতা ও সাম্য মানুষের জন্মগত অধিকার। তাঁহার মতে সরকার চুক্তির পক্ষ নহে। অতএব সার্বভৌম ক্ষমতার সহিত ইহার কোন সম্পর্ক নাই। সমষ্টিগত সার্বভৌম ইচ্ছা করিলেই সরকারকে পরিবর্তন করিতে পারেন। সমষ্টিগত ইচ্ছার প্রকাশের মধ্যেই স্বাধীনতা মূর্ত হইয়া উঠে।

রাষ্ট্রের উদ্ভব সম্পর্কে ধারণা (Origin of the State):

হব্‌স্‌, লক্‌ ও রুশো বিশ্বাস করিতেন যে, প্রথমে রাষ্ট্র বলিয়া কিছু ছিল না। হব্‌স্‌ের মতে প্রাকৃতিক পরিবেশের ভয়াবহ ও অনিশ্চতার হস্ত হইতে বাঁচিবার জন্তই মানুষ চুক্তির মাধ্যমে রাষ্ট্র সৃষ্টি করিল। লক্‌ যদিও হব্‌স্‌ের সকল অস্ববিধার কথা স্বীকার করেন নাই, কিন্তু তিনিও এই মত প্রকাশ করেন যে, মানুষ প্রাকৃতিক পরিবেশের কতকগুলি অস্ববিধা দূর করিবার জন্ত চুক্তির মাধ্যমে রাষ্ট্র সৃষ্টি করিল। রুশোর মতে প্রাকৃতিক পরিবেশের দ্বিতীয় পর্যায়ে যখন লোকসংখ্যা বৃদ্ধি পাওয়ায় সমাজ-জীবন জটিলতর হইল তখন মানুষ পারস্পরিক চুক্তির ভিত্তিতে রাষ্ট্র প্রতিষ্ঠা করিল। চুক্তি সম্বন্ধে তিনজন লেখকই একমত। রাষ্ট্রজন্মের পূর্বেও যে মানুষ প্রাকৃতিক পরিবেশে বাস করিত এসম্বন্ধেও ইঁহার একমত।

সামাজিক চুক্তিবাদের চূড়ান্ত বিকাশ হয় রুশোর মতবাদের ভিতর দিয়া। রুশো সার্বভৌমত্বের তত্ত্ব গ্রহণ করিয়াছেন হব্‌স্‌ের নিকট হইতে। কিন্তু তিনি এই সার্বভৌম ক্ষমতাকে সমষ্টিগত ইচ্ছার (General will) রূপে বর্ণনা করিয়াছেন। এই প্রসঙ্গে তিনি লকের নিকট হইতে জনতার অধিকার সম্পর্কে ধারণা গ্রহণ করিয়াছিলেন। জনতার ইচ্ছাপ্রসূত রাষ্ট্রের যে কল্পনা হব্‌স্‌ করিয়াছিলেন, আবার জনতার স্বীকৃতিতে ও সম্মতিতে রাষ্ট্রের অস্তিত্ব সম্পর্কে লকের যে মতবাদ প্রকাশিত হইয়াছে, তাহাই রুশোর হস্তে পূর্ণাঙ্গ রূপ ধারণ করিল জনতার প্রত্যক্ষ অংশগ্রহণের দ্বারা পরিচালিত রাষ্ট্রের তত্ত্বে। হব্‌স্‌ যে

জনতার স্বাধীনতাকে প্রায় অস্বীকার করিয়াছেন, এবং

রুশো হব্‌স্‌ ও
লকের মধ্যে সেতু
রচনা করিয়াছেন

রাষ্ট্রের হস্তেই সমস্ত ক্ষমতা অর্পণ করিয়াছেন, লক্‌ সেই
রাষ্ট্রক্ষমতা নিয়ন্ত্রিত করিবার পক্ষে যুক্তি প্রদর্শন
করিয়াছেন। রুশোর হস্তে সেই জনতার স্বাধীনতা

সমষ্টিগত ইচ্ছার মধ্যে রূপ গ্রহণ করিল। হব্‌স্‌, লক্‌ ও রুশোর মতবাদের মধ্যে যথেষ্ট পার্থক্য লক্ষ্য করা যায় বটে; কিন্তু, এই তিনজনের মতবাদের মধ্যে অনেক সাদৃশ্যও আছে। এই তিনজন লেখকই প্রাকৃতিক অবস্থার কল্পনা করেন, চুক্তির মাধ্যমে রাষ্ট্রের প্রতিষ্ঠার কল্পনা করেন। আর প্রাকৃতিক অবস্থার অনিশ্চয়তাই যে রাষ্ট্রসৃষ্টির মূল সে সম্বন্ধেও এই তিনজন একমত পোষণ করিতেন।

হুইল, লক্ ও রুশোর মতবাদের মধ্যে সাদৃশ্য ও বৈসাদৃশ্য

সাদৃশ্য

(১) এই তিনজন দার্শনিক, হব্‌স্‌, লক্ ও রুশো সামাজিক চুক্তি মতবাদের মাধ্যমে রাষ্ট্রের উৎপত্তি ব্যাখ্যা করিয়া শাসক ও শাসিতের মধ্যে সম্পর্ক নির্ণয় করেন।

(২) এই তিনজন দার্শনিক এই মত পোষণ করিতেন যে, প্রাকৃতিক অবস্থায় রাষ্ট্রের উদ্ভব হয় নাই।

(৩) প্রাকৃতিক অবস্থায় মানুষ যে বেশীদিন বাস করিতে পারে নাই এবং এই প্রাকৃতিক অবস্থার অনিশ্চয়তা ও অসুবিধার হাত হইতে অব্যাহতি পাইবার জন্ত সকলে একত্রিত হইয়া যে চুক্তির মাধ্যমে রাষ্ট্র প্রতিষ্ঠা করিয়াছিল সে বিষয়েও সকলে একমত পোষণ করিতেন।

(৪) এই তিনজন লেখকই স্বীকার করিয়াছিলেন যে, চুক্তির মাধ্যমেই রাষ্ট্রের প্রতিষ্ঠা হয়।

(৫) এই তিনজন লেখকই ধর্মভিত্তিক রাষ্ট্রের মূলে কুঠারঘাত করেন।

(৬) সার্বভৌমিকতার তত্ত্ব সম্বন্ধে তিনজনই মতবাদ প্রচার করেন। অবশ্য, প্রত্যেকের মতবাদের মধ্যে পার্থক্য পরিলক্ষিত হয়।

বৈসাদৃশ্য

(১) প্রাকৃতিক অবস্থা সম্বন্ধে এই তিনজন লেখক ভিন্ন ভিন্ন মত পোষণ করিতেন। হব্‌স্‌ের মতে প্রাকৃতিক অবস্থা ছিল দুর্বিষহ। লকের মতে প্রাকৃতিক অবস্থা দুর্বিষহ ছিল না। রুশো এই অবস্থাকে মর্ত্যের স্বর্গ বলিয়া অভিহিত করেন।

(২) হব্‌স্‌ের মতে প্রাকৃতিক অবস্থায় মহুগুরুত আইন ছিল না। ছিল অবাধ স্বাধীনতা, উচ্ছৃঙ্খলতা। ইহা ছিল প্রাক্-সামাজিক অবস্থা। লকের মতে প্রাকৃতিক অবস্থায় প্রাকৃতিক নিয়মে মহুগুজীবন পরিচালিত হইত। রুশোর মতে প্রাকৃতিক অবস্থায় প্রথমে ছিল স্বাধীনতা, কিন্তু পরে লোকসংখ্যা বৃদ্ধি পাইলে প্রাকৃতিক অবস্থা হব্‌স্‌-বর্ণিত প্রাকৃতিক অবস্থায় পরিণত হয়।

(৩) এই প্রাকৃতিক অবস্থার হাত হইতে অব্যাহতি পাইবার জন্ত হব্‌স্‌ের মতে আদিম মানুষ পরস্পরের মধ্যে একটি চুক্তি করিল। লকের মতে দুইটি চুক্তি করিল। আর রুশোর মতে একটি চুক্তি করিল। লকের দ্বিতীয় চুক্তির দ্বারা সরকার প্রতিষ্ঠিত হয়।

(৪) হব্‌স্‌ মানুষের প্রকৃতিকে হিংস্র কদর্শ বলিয়া অভিহিত করেন। আর লক্ ও রুশোর মতে মানুষের প্রকৃতি সুন্দর, শুভ ও কল্যাণকামী।

(৫) হব্‌স্‌ রাষ্ট্র ও সরকারের মধ্যে কোন পার্থক্য করেন নাই। কিন্তু লক্ ও রুশো রাষ্ট্র ও সরকারের মধ্যে পার্থক্যের নির্দেশ করেন।

(৬) হব্‌স্‌ের মতে রাজা চুক্তির অংশীদার নয়। লক্ রাজাকে চুক্তির

একটি পক্ষ হিসাবে গ্রহণ করেন। রুশোর মতে মানুষের মধ্যে যে পারস্পরিক চুক্তি হয় তাহাতে রাজার কোন স্থান নাই।

(৭) হব্‌সের মতে মানুষ বিনাশর্তে সমস্ত ক্ষমতা রাজতন্ত্রে সমর্পণ করে। লকের মতে মানুষ শর্ত-সাপেক্ষে রাজার হস্তে আংশিকভাবে কতিপয় ক্ষমতা অর্পণ করে। রুশোর মতে ক্ষমতা সমর্পিত হয় সাধারণ ইচ্ছার হস্তে।

(৮) হব্‌সের মতে রাজার বিরুদ্ধে বিদ্রোহ করার অধিকার প্রজার নাই, কারণ রাজা চুক্তির উল্লেখ। লকের মতে রাজার বিরুদ্ধে প্রজার বিদ্রোহ করার অধিকার আছে, কারণ রাজা চুক্তির অংশীদার। রুশোর মতে সরকার চুক্তির পক্ষ নহে। অতএব সরকার সার্বভৌম ক্ষমতার অধিকারীও নহে। জনসাধারণ ইচ্ছা করিলে সরকারের পরিবর্তন করিতে পারেন।

(৯) হব্‌সের মতে চুক্তি অমুযায়ী বহু ব্যক্তি, এক ব্যক্তি বা ব্যক্তি-সংসদের হস্তে ক্ষমতাসমর্পণ করিবার পর তাহারা দাসত্বের শৃঙ্খল পরিধান করিল।

লকের মতে ব্যক্তিগণ তাহাদের স্বাধীনতা অক্ষুণ্ণ রাখিয়া আংশিকভাবে ক্ষমতা সমর্পণ করে। রুশোর মতে চুক্তির পূর্বে মানুষ ছিল স্বাধীন। চুক্তির দ্বারা রাষ্ট্র প্রতিষ্ঠা করিয়া ঐ স্বাধীনতা আরও দৃঢ় করে। সমষ্টিগত ইচ্ছার হস্তে ক্ষমতা সমর্পণ করার অর্থ উহা জনগণেরই হস্তে থাকিয়া যায়।

(১০) হব্‌স তাঁহার মতবাদ দ্বারা সমর্থন করেন স্টয়ার্ট রাজবংশের স্বৈরাচার। লক তাঁহার মতবাদ দ্বারা সমর্থন করেন ১৬৮৮ খ্রীষ্টাব্দের ইংলণ্ডের রক্তহীন বিপ্লব। রুশো তাঁহার মতবাদ দ্বারা ফরাসী বিপ্লবের ভিত্তিপ্রস্তর রচনা করেন।

(১১) হব্‌স আইনসম্মত সার্বভৌমিকতার তত্ত্ব প্রচার করেন। লক প্রচার করেন বাহাকে বর্তমানে বলা হয় রাষ্ট্রনৈতিক সার্বভৌমিকতা। রুশো প্রচার করেন গণসার্বভৌমত্বের মতবাদ। তিনি স্বাধীনতা, সাম্য ও মৈত্রীর বাণী প্রচার করেন।

(৩) **বলপ্রয়োগ মতবাদ (The Theory of Force) :** এই মতবাদ অনুসারে রাষ্ট্রের উৎপত্তি ও প্রকৃতির ব্যাখ্যা করা হয়। ওপেনহাইমার (Oppenheimer), জেন্‌ক্স (Jenks) এবং ডাঃ লীক্‌ক্ প্রমুখ রাষ্ট্রবিজ্ঞানী এই মতবাদটিকে নিম্নলিখিতভাবে উপস্থাপিত করিয়াছেন :

মতবাদের ব্যাখ্যা : ডাঃ লীক্‌ক্ বলেন, “ইতিহাসের দিক্ দিয়া বিচার করিলে, রাষ্ট্রের উৎপত্তির সন্ধান করিতে হইবে মানুষের দ্বারা মানুষের উপর আক্রমণ ও মানুষকে দাসত্ব শৃঙ্খলে আবদ্ধ করার মধ্যে, দুর্বল উপজাতিসমূহের উপর আক্রমণ ও তাহাদের অধীনতায় আনয়ন করার মধ্যে এবং স্বার্থান্ধ বলবানের প্রভুত্বলিপ্সার মধ্যে”। ওপেনহাইমারের ভাষায় বলা যায়, “উৎপত্তিতে সম্পূর্ণভাবে এবং অস্তিত্বের প্রথম পর্যায়ে অপরিহার্যরূপে এবং

সম্পূর্ণভাবে রাষ্ট্র হইল বিজয়ীর বলপ্রয়োগের দ্বারা বিজিত মনুষ্য সম্প্রদায়ের উপর প্রতিষ্ঠিত এক সামাজিক প্রতিষ্ঠান" (The state "completely in its genesis, essentially and almost completely during first stages of its existence is a social institution forced by a victorious group of men on a defeated group...")। এই মতবাদদ্বয় ব্যাখ্যা করিলে রাষ্ট্রের উৎপত্তির ব্যাখ্যা এইরূপ দাঁড়ায় : মাহব সমাজবদ্ধ জীব ; কিন্তু, তাহার চরিত্র প্রধানতঃ কলহপ্রিয়, আক্রমণমুখী ও ক্ষমতালিপ্সু । তাহার এই চারিত্রিক বৈশিষ্ট্যের জন্তই সে আদিমকাল হইতে বল প্রয়োগ করিয়া আসিতেছে । আদিতে দলের শক্তিশালী ব্যক্তি শক্তি প্রয়োগ করিয়া দলের অপরাপর ব্যক্তিদের বশীভূত করিয়া তাহার উপর প্রভুত্ব স্থাপন করিত । পরে এই দলপতি দলের সকলকে লইয়া অপর কোন দলকে আক্রমণ করিত এবং উহাকে পরাজিত করিয়া বশতা স্বীকার করাইত ।

মতনাদের গোড়ার কথা

এইভাবে বারে বারে একটি সমগ্র এলাকায় একটি দলের প্রভুত্ব প্রতিষ্ঠিত হইত । আর ঐ দলের দলপতি সমগ্র এলাকার উপর প্রভুত্ব করিতেন এবং তাঁহার আজ্ঞাই হইল আইন । এই আইন অমান্য করিলে দলপতি অমান্যকারীকে দণ্ড দিয়া তাঁহার প্রভুত্ব বজায় রাখিতেন । এই মতবাদের প্রবক্তাগণ বলেন যে, রাষ্ট্রের উৎপত্তির গোড়ার দিকে বলশালী গোষ্ঠী (clan) দুর্বল গোষ্ঠীকে যুদ্ধে পরাভূত করিয়া গোষ্ঠীর প্রভুত্ব প্রতিষ্ঠা করিত এবং এইভাবে ধীরে ধীরে উপজাতির উদ্ভব হইল । এরপর আবার উপজাতির (Tribe) সহিত অপর উপজাতির মধ্যে সংঘর্ষ বাধিত । বিজয়ী উপজাতি বিজিত উপজাতির উপর প্রভুত্ব করিত । আর বিজয়ী উপজাতির নেতাকে নরপতি বলিয়া স্বীকৃতি দেওয়া হইত । এইভাবে এই উপজাতি-অধ্যুষিত সমগ্র এলাকায় উপজাতিপতির প্রভুত্বাধীনে উদ্ভব হইল রাষ্ট্রের ।

আবার, বলপ্রয়োগের দ্বারা রাষ্ট্র প্রতিষ্ঠিত হইবার পরও, রাষ্ট্রের আভ্যন্তরীণ শান্তিশৃঙ্খলা বজায় রাখার জন্তও বল-প্রয়োগের প্রয়োজন হয় । ইহা ছাড়া, বৈদেশিক শত্রুদের আক্রমণ প্রতিহত করিয়া রাষ্ট্রের অস্তিত্বকে বজায় রাখার জন্তও প্রয়োজন হয় শক্তির প্রয়োগ । অতএব মতবাদ অনুসারে রাষ্ট্রের কর্তৃত্বের মূলেও শক্তিপ্রয়োগের অস্তিত্ব রহিয়াছে ।

রাষ্ট্রের প্রকৃতি
সম্বন্ধে এই
মতবাদের বক্তব্য

আবার 'জোর যার মুঠুক তার'-নীতির ভিত্তিতে রাষ্ট্রের উৎপত্তির ব্যাখ্যা নূতন নহে। প্রাচীনকালেও অনেকে এই মতবাদ বিশ্বাস করিতেন। হেরাক্লিটাস প্রভৃতি অনেক গ্রীক দার্শনিক বিশ্বাস করিতেন যে, বল প্রয়োগ করিয়াই মানুষকে সুপথে চালিত করিতে পারা যায়। অতএব সুপথে সমাজকে চালনা করার জন্ত রাষ্ট্র সর্বদাই বল প্রয়োগ করিয়া যাইবে।

মধ্যযুগের ধর্মযাজকগণ প্রচার করিতেন যে, খ্রীষ্টধর্ম সংগঠন ঈশ্বর সৃষ্টি করিয়াছেন। আর রাষ্ট্রের সৃষ্টি হইয়াছে বলপ্রয়োগের মাধ্যমে। অতএব রাষ্ট্র যেহেতু ঈশ্বরকর্তৃক সৃষ্ট সেইজন্ত খ্রীষ্টধর্ম প্রতিষ্ঠানব কর্তৃত্বকে সকলের মাত্র করা উচিত। এইভাবে মধ্যযুগের ধর্মযাজকগণ পোপের কর্তৃত্বের পক্ষে যুক্তি প্রদর্শন করেন।

হার্বার্ট স্পেনসার (Herbert Spencer) ছিলেন একজন ব্যক্তি-স্বাতন্ত্র্যবাদী। তিনি প্রচার করিলেন : "সরকারের জন্ম পাপ হইতে ; অন্তঃ জন্মের চিহ্ন সে বহন করিতেছে" (Government is offspring of evil, bearing about it the marks of its parentage)। ব্যক্তি-স্বাতন্ত্র্যবাদীরা এই মত পোষণ করেন যে, রাষ্ট্রীয় সংগঠনের বৈশিষ্ট্য হইল 'সকলের স্বার্থে দুর্বলকে নিয়োজিত করিতে সহায়তা করা। রাষ্ট্রের মালিকানায় যখন শিল্প গড়িয়া উঠে তখন ঐ শিল্পের শ্রমিককে ভাষ্য মজুরি হইতে বঞ্চনা করে বলপ্রয়োগের দ্বারা। অতএব ব্যক্তি-স্বাতন্ত্র্যবাদীদের মতে রাষ্ট্রের কর্তৃত্ব লুপ্ত হওয়া প্রয়োজন। ব্যক্তি-স্বাতন্ত্র্যবাদীদের যুক্তি হইল যোগ্যতমের জয় অনিবার্য (Survival of the fittest)। সমাজে যাহারা যোগ্য তাহারাই বাঁচিবে এবং তাহাদের বাঁচিবার একমাত্র অধিকার আছে। অতএব দুর্বলকে সাহায্য করা রাষ্ট্রের কর্তব্য নহে। সুতরাং শক্তিমানেরই অস্তিত্ব বজায় থাকিবে ও প্রভুত্ব করিবে এবং দুর্বল বিনষ্ট হইবে। রাষ্ট্র দুর্বলকে রক্ষা করিয়া প্রকৃতির এই বিধানের বিরুদ্ধে কার্য করে। সুতরাং রাষ্ট্র হইল একটি অকল্যাণকর প্রতিষ্ঠান।

মার্কসবাদীদের মতানুসারে, "রাষ্ট্র শ্রেণীগত শাসনের যন্ত্র : একশ্রেণী কর্তৃক অপর শ্রেণীর উপর নিপীড়ন চালনার যন্ত্র ; ইহা 'শৃঙ্খলা' সৃষ্টি করে, যে 'শৃঙ্খলা' শ্রেণী-সংঘর্ষকে সীমাবদ্ধ ও সংযত করিয়া এই নিপীড়নকেই আইনসিদ্ধ

ও দীর্ঘস্থায়ী করে।”* মার্কসের মতবাদকে লেনিন এইভাবে উপস্থাপিত করিয়াছেন। মার্কসীয় মতবাদ শক্তিকে রাষ্ট্রের মূল আশ্রয়স্থল বলিয়া বর্ণনা করিয়াছে। এঙ্গেলস তাঁহার *Origin of the Family, Private Property and the State* নামক গ্রন্থে রাষ্ট্রের উদ্ভবের ব্যাখ্যা প্রসঙ্গে বলিয়াছেন যে, রাষ্ট্রের উদ্ভব হয় শুধু তখনই যখন সমাজ দুই শ্রেণীতে বিভক্ত হইয়া পড়ে এবং একশ্রেণী অপরশ্রেণীর উপর পীড়ন সুরু করে। এই দমন, পীড়ন ও শোষণকে কার্যকরী করে রাষ্ট্রযন্ত্রের মাধ্যমে। অতএব রাষ্ট্র সমাজের এক-শ্রেণীর দমনের যন্ত্র হিসাবে ব্যবহৃত হয়। আজ হইতে হাজার হাজার বৎসর পূর্বে রাষ্ট্র ছিল না। মানুষ তখন আদিম সরল সমাজে জীবন যাপন করিত। এই সমাজে শোষণ, দমন ও নিপীড়নের অস্তিত্ব ছিল না। অতএব দেখা যায় বলপ্রয়োগের দ্বারা নিপীড়নকে কার্যকরী করার মধ্যোই রাষ্ট্রের অস্তিত্ব ও তাৎপর্য। মার্কসপন্থীরা আবার এই যুক্তি প্রদর্শন করেন

মার্কসীয় রাষ্ট্রতত্ত্বের
মূল কথা

যে, সমাজ যখন শ্রেণী-বিভক্ত হয় নাই, তখন রাষ্ট্রেরও উদ্ভব হয় নাই। আবার সমাজে যখন শ্রেণী-সংঘর্ষ থাকিবে না, তখন রাষ্ট্রও আর থাকিবে না। কারণ, শ্রেণী নিপীড়নের শক্তি যোগাইতে এবং তাহাকে বিধিসিদ্ধ করিবার জগতই রাষ্ট্রের উদ্ভব। কিন্তু সাম্যবাদী সমাজ-ব্যবস্থায় শ্রেণী-সংঘর্ষের অবলুপ্তির সহিত রাষ্ট্রের নিপীড়ন-মূলক শক্তি নিতান্তই অপ্রয়োজনীয় প্রমাণিত হইবে এবং শেষ পর্যন্ত রাষ্ট্র লুপ্ত হইবে।

বর্তমানে জার্মান রাষ্ট্রনৈতিক দর্শনে বলপ্রয়োগের মতবাদ এক অভিনব রূপ ধারণ করিয়াছে। জার্মান দার্শনিক **ট্রিটস্কে** (Heinrich Von Treitschke) প্রমুখ জার্মান দার্শনিকগণ রাষ্ট্রশক্তির উপাসনা ও যুদ্ধের গৌরবগাথায় মুগ্ধ হইয়া উঠিয়াছেন। পাশবিক বলকে জাতীয় সম্মান, সংস্কৃতিগত প্রভাব এবং বাণিজ্যিক প্রভুত্বকে বজায় রাখার অপরিহার্য মাধ্যম বলিয়া মনে করেন। রাষ্ট্রকে ‘শক্তির প্রতীক’ বলিয়া অভিহিত করিয়াছেন। কোকারের ভাষায় বলা যায় জার্মান দর্শন হইল, “ভীতি-প্রদর্শন দ্বারা প্রভুত্ব বিস্তার,

* “According to Marx, the State is an organ of class rule, an organ for the oppression of one class by another ; it creates “order” which legalises and perpetuates this oppression by moderating the collisions between the classes.”
Coker—Recent Political Thought.

পররাষ্ট্রীয় ব্যাপারে যুদ্ধবাদ এবং বলপূর্বক আভ্যন্তরীণ বিরোধিতা দমনের নীতি” (It is...“a creed of dominance by intimidation—militancy in international relations and forcible suppression of political dissent in domestic government.”)। উপরিউক্ত ধারণাগুলির সমালোচনা নিয়ে দেওয়া গেল :

সমালোচনা : (১) ইতিহাস পর্যালোচনা করিলে দেখা যায় তরবারির দ্বারাই পৃথিবীর অনেক রাষ্ট্র ও সাম্রাজ্য প্রতিষ্ঠিত হইয়াছে। ইতিহাসের প্রতিপৃষ্ঠায় আছে যুদ্ধের কাহিনী। বিংশ শতাব্দীর দুইটি বিশ্বযুদ্ধ সমাজ-ব্যবস্থার অনেক পরিবর্তন করিয়াছে। যুদ্ধশেষে শান্তি

স্বপক্ষে যুক্তি

প্রতিষ্ঠিত করিবার জন্ত জাতিসংঘ এবং সম্মিলিত জাতি-পুঞ্জ প্রয়াস চালাইয়াছে। কিন্তু শান্তি প্রতিষ্ঠিত হয় নাই। আবার যুদ্ধের আতঙ্ক মানুষকে ভীত করিয়াছে। এই আতঙ্ক, ভয়, যুদ্ধ ও অশান্তিকর অবস্থা এই কথাই প্রমাণ করে যে, পাশবিক বলই রাষ্ট্রের ভিত্তি। এই কারণে, অনেকে মনে করেন, রাষ্ট্রের উদ্ভব ও বিবর্তনে পাশবিক বলের গুরুত্বপূর্ণ ভূমিকা রহিয়াছে।

(২) রাষ্ট্রের প্রধান বৈশিষ্ট্য হইল সার্বভৌমিকতা। এই সার্বভৌমিকতা শক্তির উপর প্রতিষ্ঠিত। ল্যান্সি বলেন : সামরিক শক্তির মধ্যেই রাষ্ট্রের সার্বভৌমিকতা নিহিত (“In the armed forces lies the heart of sovereignty.”)। রাষ্ট্র আভ্যন্তরীণ নিরাপত্তা বজায় রাখে সামরিক শক্তি ও পুলিশ বাহিনীর সাহায্যে। বৈদেশিক আক্রমণ প্রতিহত করে এই পুলিশ ও সামরিক বাহিনীর সাহায্যে। ডাঃ ফাইনারের (Dr. Finer) মতে রাষ্ট্রের আদর্শকে রক্ষা করার জন্তও সামরিক শক্তি ও পুলিশ বাহিনীর প্রয়োজন হয় এবং এই সামরিক শক্তি ও পুলিশ বাহিনীর মধ্যে রাষ্ট্রশক্তি প্রকাশিত হয়। গণতান্ত্রিক রাষ্ট্রও বল প্রয়োগ করিয়া থাকে। জরিমানা, জেল, পুলিশ, সামরিক বাহিনী হইল বলপ্রয়োগের দৃষ্টান্ত। অবশ্য, গণতান্ত্রিক রাষ্ট্রে জনসাধারণের সংখ্যাগরিষ্ঠের সম্মতিতেই এই বল প্রয়োগ হইয়া থাকে আর যে সরকার এই বল প্রয়োগ করে তাহা জনসাধারণেরই। কতিপয় অকল্যাণকর সমাজবিরোধী লোকের বিরুদ্ধে সংখ্যাগরিষ্ঠ লোকের স্বার্থেই এই বল প্রয়োগ হইয়া থাকে। কিন্তু একটি কথা স্মরণ রাখা দরকার যে,

বিভিন্ন রাষ্ট্রিক
ব্যবস্থায়
বলপ্রয়োগের
বিভিন্ন রূপ

যদি অর্থনৈতিক গণতন্ত্র (Economic democracy) প্রতিষ্ঠিত না হয়, তবে কতিপয় বিত্তবান লোক স্বীয় স্বার্থের অহুকূলে রাষ্ট্রশক্তিকে প্রয়োগ করিয়া থাকে। তখন রাষ্ট্রশক্তি অকল্যাণকর কার্যে লিপ্ত হয়।

(৩) শক্তি সর্বদাই যে অকল্যাণকর কাজে ব্যবহৃত হইবে এমন কথা নিশ্চয় করিয়া বলা যায় না। স্বেচ্ছাচারী রাজাকে উচ্ছেদ করার প্রয়োজনে বা রাষ্ট্রকে বৈদেশিক হাত হইতে মুক্ত করিবার প্রয়োজনে এবং রাষ্ট্র বলিয়া স্বীকৃতি পাইতে পারে এমন সংস্থাকে রাষ্ট্র রূপ দিতে হইলে বিপ্লব, যুদ্ধ ও শক্তিপ্রয়োগের প্রয়োজন হইয়া পড়ে। অতএব শক্তির প্রয়োগ সকল অবস্থায় অগ্রায় নহে এবং রাষ্ট্রের উদ্ভবের পশ্চাতে বলপ্রয়োগ যে সক্রিয় অংশ গ্রহণ করিয়াছে, তাহা অনস্বীকার্য। মাহুষের মধ্যে যদি শুভবুদ্ধি না উদ্ভিত হয়, সমাজ-বিরোধী লোক যদি সমাজের শান্তিতে বিঘ্ন ঘটায় তবে শক্তি নিশ্চয়ই প্রয়োগ করিতে হইবে। তবে এই শক্তি-প্রয়োগের উদ্দেশ্য মহান হওয়া প্রয়োজন। আদিতে সমাজ যখন বিশৃঙ্খল ছিল তখন রাষ্ট্রের জন্ম হয় নাই। সমাজকে সুশৃঙ্খল করার জন্ত শক্তির প্রয়োগ করা হইল এবং এই শক্তি প্রয়োগের আধার হিসাবে রাষ্ট্রের জন্ম হইল।

আবার অনেক সমালোচক উপরিউক্ত যুক্তিকে স্বীকার করিতে নারাজ। তাঁহাদের মতে : (১) বঙ্কিমচন্দ্র বলেন : “বাহ্য বল পশুর বল। প্রজার শক্তিতেই রাজা শক্তিমান, নহিলে তাহার নিজ বাহতে বল বিপক্ষের যুক্তি কত ?” অহরূপভাবে ম্যাক্ আইডার বলেন : “একমাত্র শাসনিক বল জনসমষ্টিকে বেশীদিন সংগঠিত রাখিতে পারে না, কারণ জনসাধারণের সম্মতির অহুবর্তী না হইলে শাসনিক শক্তি বিভেদেরই সৃষ্টি করিয়া থাকে” (Force always disrupts unless it is made subservient to common will.)। এই প্রসঙ্গে টি. এইচ. গ্রীণ এই মন্তব্য করেন : “রাষ্ট্রের ভিত্তি হইল জনসাধারণের সম্মতি, আনুগত্যিক বল নহে” (“Will, not force is the basis of the State”)। এই মন্তব্যের ব্যাখ্যা প্রসঙ্গে তিনি বলেন “নিপীড়ন-মূলক শক্তি হইলেই চলিবে না, তাহা যখন বহিঃশত্রু বা আভ্যন্তরীণ আক্রমণ হইতে বর্তমান অধিকার-সমূহকে রক্ষা করিবার জন্ত লিখিত বা অলিখিত আইন অনুযায়ী প্রযুক্ত হয়, তখনই রাষ্ট্র গড়িয়া উঠে।”^{*} গ্রীণের

*“It is not coercive power as such but coercive power exercised according to law, written or unwritten for maintenance of the existing rights from external or internal invasions, that makes a State.”—T. H. Green.

এই মন্তব্যের ব্যাখ্যা করিলে দেখা যায় মানুষ শক্তি-প্রয়োগের অধিকারী রাষ্ট্রকে ভয়ে মান্য করে না। মান্য করে এইজন্ত যে, রাষ্ট্রের ক্ষমতা আইনসম্মত ভাবে অধিকার বজায় রাখিবার জন্ত প্রযুক্ত হয়। অতএব (ক) রাষ্ট্রের প্রতি বশ্যতার ভিত্তি (Basis of Political obligation) ভয় নহে, যুক্তি ও বিচার। আর (খ) রাষ্ট্রের ভিত্তি পাশবিক শক্তি নহে, ইহা হইল নৈতিক শক্তি, আইন এবং অধিকার রক্ষা করিবার জন্ত মঙ্গলময় সংকল্পের শক্তি। গ্রীণের এই বক্তব্যকে আবার অনেকে সমালোচনা করিয়াছেন। এই সকল সমালোচকদিগের মতে রাষ্ট্রের আইন লোকে বিচার-বিবেচনা করিয়া মান্য করে না। রাষ্ট্রের আইন মান্য করে (ক) অভ্যাসের বশে (Habit), (খ) আলস্যবশে (Indolence), (গ) অজ্ঞতাবশতঃ (Ignorance), (ঘ) ভয়ে (Fear), এবং (ঙ) যুক্তি (Reason) দিয়া বুঝিয়া।

(২) সমালোচকগণ একটি প্রশ্ন উত্থাপন করিয়াছেন তাহা হইল, একমাত্র শক্তিই কি রাষ্ট্রের উৎপত্তি সম্ভব করিয়াছে? শক্তিই যদি রাষ্ট্রের মূল বিষয়বস্তু হয় তবে রাষ্ট্রনীতিতে যুক্তি, নীতি, আদর্শ এবং জনসাধারণের সম্মতির কোন স্থানই থাকে না। বর্তমানে ইহা স্বীকৃত যে, রাষ্ট্রের উদ্ভবে শক্তির একটি মস্তবড় অংশ আছে, কিন্তু শক্তিই সব নয়। রাষ্ট্রের উৎপত্তিতে পাশবিক শক্তি ছাঁড়াও ধর্মের বন্ধন, রাষ্ট্রনৈতিক চেতনা, মানুষের সামাজিক প্রকৃতি প্রভৃতি অংশ গ্রহণ করিয়াছে। লীক্ এইজন্তই এই মন্তব্য করিয়াছেন যে, রাষ্ট্রের উৎপত্তিতে শক্তি অত্যন্ত উপাদান বটে কিন্তু এই অত্যন্তমকে একমাত্র উপাদান হিসাবে কল্পনা করায় এই মতবাদ ভ্রান্ত বলিয়া বিবেচিত হইয়াছে।

(৩) এই মতবাদ নীতিগতভাবেও বর্জনীয়। কারণ, এই মতবাদ স্বৈরাচারিতাকে সমর্থন করে। এই মতবাদের ভিত্তিতে যে রাষ্ট্র গঠিত হয়, সে রাষ্ট্রে স্বাধীনতা, অধিকার ও গণতন্ত্রের আদর্শ স্বেচ্ছাচারী, বাহুবলে বলীয়ানের পদতলে লুপ্তিত হয়। অতএব নীতিবান লোকমাত্রই এই মতবাদকে সমর্থন করিতে পারে না।

(৪) এই মতবাদ আন্তর্জাতিক শান্তি ও সংহতির বিরোধী। কারণ, এই মতবাদ যুদ্ধবাদকেই সমর্থন করে। ইহা বিশ্বাস করে যে, যুদ্ধের দ্বারাই সকল সমস্যার সমাধান হইবে এবং যুদ্ধের সাহায্যেই স্থির হইবে কাহারো বাঁচিয়া থাকিবার অধিকারী এবং কাহারো প্রভুত্ব করিবে। ইহা শুধু মানুষের চরিত্রের বাহা কলঙ্ক, বাহা নীচতা ও বাহা ঘৃণ্য তাহার উপরই আলোক সম্পাত করে।

উপসংহারে বলা যায়, মানুষের চরিত্রে শুধু নীচতারই সন্ধান পাওয়া যায় না। মানুষের মধ্যে মহত্ব, উদারতা প্রভৃতি সদ্গুণগুলিও লক্ষ্য করা যায়। অতএব এই মতবাদের যুক্তিকে সম্পূর্ণভাবে সমর্থন করা যায় না।

লিগুসে বলেন : অধিকাংশ আইনই প্রয়োগ করা সম্ভব, কারণ অধিকাংশ লোকই তাহা চালু রাখিতে চায়...কিন্তু অধিকাংশ লোকের সাধারণতঃ মাত্র করা এবং সকল লোকের সর্বক্ষণ মাত্র করা এক নয়। ইহার মধ্যে একটু ফাঁক থাকিয়া যায়। এই ফাঁকটুকু পুরণের জন্তই শক্তিপ্রয়োগের প্রয়োজন হয়।

রাষ্ট্রের শক্তিপ্রয়োগকে সম্পূর্ণভাবে বর্জন করা সম্ভব নয়। সকল সমাজেই কিছুসংখ্যক আইনভঙ্গকারী লোক আছে। এই কিছুসংখ্যক আইনভঙ্গকারীকে দমন করার জন্ত রাষ্ট্রের শক্তি প্রয়োগের প্রয়োজনীয়তা আছে। আবার যে সম্মতির বলে রাষ্ট্র তাহার শক্তিপ্রয়োগকে বিধিসঙ্গত করিয়াছে সেই সম্মতিরও প্রয়োজন আছে। অতএব শক্তি ও সম্মতির আপেক্ষিক সম্পর্কের উপর রাষ্ট্র তাহার ভিত্তিপ্রস্তর রচনা করে।

(৪) পরিবার সম্প্রসারণের মতবাদ : (ক) পিতৃতান্ত্রিক (খ) মাতৃতান্ত্রিক মতবাদ (Patriarchal and Matriarchal Theories) : উপরিউক্ত বলপ্রয়োগের মতবাদ সম্পূর্ণভাবে রাষ্ট্রের উৎপত্তির ব্যাখ্যা দিতে পারে নাই বলিয়া ঊনবিংশ শতাব্দীর প্রথমার্ধে রাষ্ট্রচিন্তাবীরগণ রাষ্ট্রের উদ্ভব প্রসঙ্গে একটি বৈজ্ঞানিক ব্যাখ্যা দান করেন। এই মতবাদ ইতিহাস, নৃতত্ত্ব, পুরাতত্ত্ব, ভাষাতত্ত্ব, সমাজবিজ্ঞান প্রভৃতি হইতে বহু তথ্য গ্রহণ করিয়া এবং তাহাদের তুলনামূলক বিচার ও বিশ্লেষণের দ্বারা বর্তমান রাষ্ট্রের উৎপত্তির ব্যাখ্যা করেন। এই মতবাদকে পরিবার সম্প্রসারণের মতবাদ বলিয়া অভিহিত করা হয়। পরিবার সম্প্রসারণের মতবাদকে আবার দুইটি শ্রেণীতে বিভক্ত করা হয়; যথা,—(ক) পিতৃতান্ত্রিক, (খ) মাতৃতান্ত্রিক মতবাদ। এই মতবাদ অনুসারে মানবসমাজের প্রথম স্তরে কোন রাষ্ট্র ছিল না, কিন্তু মানবসমাজ ক্রমশঃ বিবর্তনের মাধ্যমে আধুনিক রাষ্ট্রে রূপান্তরিত হইয়াছে। এই মতবাদ অনুসারে পরিবারই রাষ্ট্র-বিবর্তনের প্রথম স্তর এবং পরিবার সম্প্রসারিত হইয়াই রাষ্ট্রের উদ্ভব হইয়াছে।

(ক) পিতৃতান্ত্রিক মতবাদ : এই মতবাদের প্রবক্তা হইলেন হেনরী মেইন (Henry Maine)। তিনি তাহার “Ancient Law” (1861) এবং Early

History of Institution (1874) নামক দুইখানি গ্রন্থে এই মতবাদটি উপস্থাপিত করেন এবং বিভিন্ন যুক্তি প্রদর্শন করিয়া তাঁহার মতবাদকে প্রতিষ্ঠিত করেন। এই মতবাদের সারকথা হইল বর্তমান রাষ্ট্রের উদ্ভব হইয়াছে পরিবার সম্প্রসারণের মধ্য দিয়া। এই পরিবারগুলি ছিল পিতৃকর্তৃত্বভিত্তিক। এই পরিবার গঠিত হইত পিতা, মাতা ও তাহাদের সন্তান-সন্ততি লইয়া।

পরিবারের প্রধান কর্তা ছিলেন পিতা। পিতার পরিচয়েই মতবাদের বর্ণনা

সন্তানেরা পরিচিত হইত। আবার সন্তান বয়ঃপ্রাপ্ত হইলে তাহার বিবাহ হইত এবং তাহারও সন্তান-সন্ততি হইত। কিন্তু বৃদ্ধ পিতার জীবদ্দশায় পরিবারে তাঁহারই কর্তৃত্ব প্রতিষ্ঠিত থাকিত। তাঁহার মৃত্যুর পর সমগ্র গোষ্ঠী সর্বাগ্রজ পুরুষের কর্তৃত্ব মান্য করিত। এইভাবে এক পরিবার হইতে বহু পরিবারের উদ্ভব হয়।

আবার এই পরিবারগুলি রক্তের সম্বন্ধ এবং পিতৃকর্তৃত্বের বন্ধনে আবদ্ধ থাকে। এই পরিবারগুলি ক্রমে ক্রমে সংখ্যায় বৃদ্ধি পাইয়া একটি উপজাতির (Tribe) গঠন করে। আবার যখন বহু উপজাতি একই পদ্ধতিতে কোন রাজার কর্তৃত্বাধীনে পরিচালিত হইতে থাকে তখনই রাষ্ট্রের উদ্ভব হয়। হেনরী মেইন বাইবেল (Bible), গ্রীসের ও রোমের ইতিহাস এবং ইহুদী ও ভারতবর্ষের বহু একান্তরতী পরিবারের দৃষ্টান্ত দিয়া প্রমাণ করিতে চাহিয়াছেন যে, পুরাকালে পিতৃতান্ত্রিক সমাজ-ব্যবস্থা পৃথিবীর সর্বত্রই বর্তমান ছিল।

আর হেনরী মেইনের বহুপূর্বে এয়ারিস্টটল পরিবার হইতে যে রাষ্ট্রের উৎপত্তি হইয়াছে, তাহা প্রচার করিয়াছিলেন। এয়ারিস্টটল তাঁহার রাষ্ট্রনীতি (Politics) নামক গ্রন্থে রাষ্ট্রের উৎপত্তি সম্বন্ধে যে প্রাকৃতিক মতবাদ (Natural Theory) প্রচার করেন তাহাতে তিনি প্রথম দেখাইয়াছেন যে, প্রাকৃতিক প্রেরণায় ও জৈব প্রেরণায় প্রথমে পুরুষ ও নারী একত্রিত হইয়া বংশবৃদ্ধি করে। এই পুরুষ ও নারীকে কেন্দ্র করিয়া গড়িয়া উঠে সংসার (family)। বংশবৃদ্ধির সঙ্গে সঙ্গে বহু পরিবারের সৃষ্টি হয় এবং কতকগুলি পরিবার যখন একটি নির্দিষ্ট স্থানে বাস করে তখনই উদ্ভব হয় গ্রামের। আর সয়ংসম্পূর্ণ গ্রাম লইয়া একটি রাষ্ট্রের সৃষ্টি হয়। অতএব পরিবারই যে রাষ্ট্রের প্রথম স্তর এবং এই পরিবার যে পুরুষের কর্তৃত্বে পরিচালিত হইত তাহা গ্রীক দার্শনিক এয়ারিস্টটলের গ্রন্থে উল্লিখিত

হইয়াছে। আর রবার্ট ফিলমারও এই মতবাদের আর একজন প্রধান সমর্থক ছিলেন।

এই মতবাদের মূলভিত্তিস্বরূপ নিম্নলিখিত বিষয়গুলি স্মরণ রাখা কর্তব্য :

(১) সমাজে যে সময়ে পিতৃকর্তৃত্ব ছিল, তখন চিরস্থায়ী বিবাহ-প্রথা প্রচলিত ছিল।

(২) রাষ্ট্রের জনসংখ্যার উদ্ভব ও বিস্তৃতি ঘটে পিতৃতান্ত্রিক পরিবারের বংশবৃদ্ধির মাধ্যমে।

(৩) রাষ্ট্রকর্তৃত্বের আদিম উৎস হইল পিতৃতান্ত্রিক পরিবারে পিতার কর্তৃত্ব এবং পিতার মৃত্যুর পর তাঁহার উত্তরাধিকারী বিধিসম্মতভাবে সেই কর্তৃত্বের অধিকারী হয়।

সমালোচনা : (১) এই মতবাদের সমালোচনা করেন মর্গ্যান (Morgan), ম্যাকলীনান্ (Mc Lenan), জেনক্স (Jenks) প্রভৃতি বৈজ্ঞানিকগণ। ম্যাকলীনান্ ও মর্গ্যান প্রভৃতি লেখকগণ বলেন যে, প্রাচীন রোম ও আরও কতকগুলি দেশে পিতৃতান্ত্রিক পরিবারের অস্তিত্ব প্রমাণিত হইলেও এই ধরনের পরিবার সকল দেশে প্রবর্তিত ছিল না। মাতৃতান্ত্রিক পরিবারের উদাহরণও বহু দেশে প্রবর্তিত ছিল। আবার বর্তমান যুগে এমন বহু জাতি আছে যাহাদের মধ্যে মাতৃতান্ত্রিক পরিবার প্রথা প্রবর্তিত আছে। আবার দেখা যায় সমাজের আদিমরূপে এক নারীর সঙ্গে বহু পুরুষ বাস করিত (Polyandry)। এই বহুপতিরই সংসারে মাতার কর্তৃত্বই ছিল।

(২) অনেক লেখক আবার এই মত পোষণ করেন যে, এমন অনেক জাতি আছে যাহারা পরিবারে সংগঠিত না হইয়াই দলবদ্ধভাবে সমষ্টিগত জীবন যাপন করে। অতএব পরিবারই যে রাষ্ট্রের প্রথম স্তর তাহা নিশ্চয় করিয়া বলিতে পারা যায় না। এই সকল লেখকগণের মতে পারিবারিক জীবন সূত্র হইয়াছিল উপজাতি সংগঠিত হইবার পর, অতএব উপজাতিই রাষ্ট্রের প্রথম স্তর। আর উপজাতির পর আসিয়াছে গোষ্ঠী (clan), আর গোষ্ঠীর পর পরিবার। অতএব পরিবারকে রাষ্ট্রের প্রথম স্তর বলা চলে না।

(৩) বর্তমানেও আদিম অধিবাসীদের মধ্যে এক নারীর বহুপতিগ্রহণ ব্যবস্থা প্রচলিত আছে, এবং এই আদিম অধিবাসীদের সমাজ মাতার সাহায্যে সম্পর্ক নির্ণয় করার ব্যবস্থা প্রবর্তিত থাকার উদাহরণ হইতে বলা যায়, পিতৃতান্ত্রিক ব্যবস্থাই চিরন্তন নয়।

(৬) এই মতবাদ আদিম যুগে সমাজগঠন সম্পর্কে আলোক সম্পাত করে কিন্তু রাষ্ট্রের উদ্ভব সম্বন্ধে বিশেষ আলোক সম্পাত করে না।

উপসংহারে বলা যায় পিতৃতান্ত্রিক মতবাদ অতি সরলভাবে রাষ্ট্রের ব্যাখ্যা করে, কিন্তু রাষ্ট্রের মতো এত জটিল সংস্থা অত সরলভাবে ব্যাখ্যা করা সম্ভব নয়।

(খ) **মাতৃতান্ত্রিক মতবাদ (Matriarchal Theory)** : পিতৃতান্ত্রিক মতবাদের বিরুদ্ধে তীব্র প্রতিবাদ হিসাবে মাতৃতান্ত্রিক মতবাদের জন্ম হয়। এই মতবাদের মতে প্রাচীনকালে এক নারীর বহুপতি বরণ প্রায় সর্বজনীন ছিল। সুতরাং মাতার সাহায্যে বংশ-সম্পর্ক ও উত্তরাধিকার প্রভৃতি নির্ণীত

হইত। জেনক্স এই মতবাদের সমর্থনে যুক্তি প্রদর্শনকালে মতবাদের বর্ণনা

অস্ট্রেলিয়া ও মালয়ের আদিম অধিবাসীদের মধ্যে যে বহুপতিগ্রহণ প্রথা প্রচলিত ছিল, তাহার নজির দেখান। আবার অস্ট্রেলিয়া ও আমেরিকার আদিম অধিবাসীদের সমাজজীবন বিশ্লেষণ করিয়া মর্গ্যান ও ম্যাকলীনান প্রমুখ সমাজতাত্ত্বিকগণ এই মতবাদের নিম্নলিখিত বৈশিষ্ট্যগুলির উল্লেখ করেন :

(ক) বিবাহ সম্পর্ক চিরস্থায়ী ছিল না। উহা ছিল সাময়িক।

(খ) মাতার সম্পর্কেই বংশ সম্পর্ক ও উত্তরাধিকার প্রভৃতি নির্ণীত হইত।

(গ) সম্পত্তি ও কর্তৃত্বের উত্তরাধিকারী হইত নারী।

(ঘ) মাতার কর্তৃত্ব মাত্র করিতে হইত।

সমালোচনা : (১) ইহা স্বীকার্য যে, প্রাচীনকালে সমাজে মাতার দিক হইতে রক্তের সম্বন্ধ নির্ণীত হইত। কারণ এই আদিম সমাজে এক নারী বহুপতি বরণ করিত। ফলে বিবাহপ্রথা ক্ষণভঙ্গুর হওয়ায় এক নারীকেই তাহার পরিবারকে পরিচালিত করিতে হইত। কিন্তু ইহাসম্বন্ধেও সমালোচকগণ বলেন যে, মাতৃতান্ত্রিক সমাজ কখনও সর্বজনীন ছিল না।

(২) দৈহিক গঠনের দিক দিয়া নারী পুরুষ অপেক্ষা দুর্বল। অতএব এই দুর্বল নারী সমাজে সর্বদা পুরুষের উপরে প্রভুত্ব করিতে পারে না। অতএব এই মতবাদ যুক্তিহীন এবং ইতিহাসও এই মতবাদের পক্ষে সাক্ষ্য দেয় না।

(৩) আবার মাতৃতান্ত্রিক ব্যবস্থাই যে সমাজগঠনের আদিতে অপরিহার্য ছিল এমন কোন ঐতিহাসিক প্রমাণ নাই।

(৪) এতদ্ব্যতীত, পরিবারের সম্প্রসারণের ফলে রাষ্ট্রের উদ্ভব হইয়াছে

বলিয়া কোন প্রমাণ পাওয়া যায় না বরং জেনকসের মতে প্রথম ও আদি দল ছিল জাতি (Tribe)। এই জাতি পরে বিভক্ত হইয়া উপজাতির (clan) সৃষ্টি করে। এই উপজাতি ভান্সিয়া আবার কতকগুলি গোষ্ঠী হইল এবং গোষ্ঠী ভান্সিয়া হইল বহু পরিবার। আর পরিবার ভান্সিয়া পড়িলে ব্যক্তি একক হইয়া পড়ে। এই অবস্থায় প্রত্যেক ব্যক্তিকে সম্ভবতঃ জীবনযাপনের প্রাথমিক উপাদান হইয়া দাঁড়ায়।

অতএব পরিবার সম্প্রসারণের নীতিকে সার্বভৌম রাষ্ট্রগঠনের উদ্ভবের ব্যাখ্যা হিসাবে গ্রহণ করা যায় না।

মূল্যায়ন : পরিবার সম্প্রসারণের কালে রাষ্ট্রের উৎপত্তি মতবাদকে অনেক লেখক সমালোচনা করিয়াছেন বটে, কিন্তু দেখা যায় বহু ধর্মগ্রন্থে ও সাহিত্যে এমন সমস্ত উপদেশাবলী আছে যাহার প্রকৃতি পারিবারিক। যেমন রাজাকে পিতার মতো মাত্র করা এবং প্রজাকে পুত্রের মতো স্নেহ করা, প্রতিবেশীকে ভাইয়ের মতো গ্রহণ করা। আদিম সমাজে যখন রাষ্ট্রের উদ্ভব হয় নাই তখনকার দিনে (১) বশুতা, (২) ভালবাসা ও (৩) সৌহার্দ ভাব প্রভৃতি সৃষ্টি করার প্রয়োজনীয়তা ছিল। অতুথায় বিশৃঙ্খল সমাজকে সুশৃঙ্খল করা শক্ত ছিল। এই কারণে রাষ্ট্রের প্রকৃতির বর্ণনায় অনেকে পারিবারিক উপমা প্রয়োগ করেন। পরিবারের কর্তৃত্ব, স্নেহ ও কল্যাণকর উদ্দেশ্যকে রাষ্ট্রের ক্ষেত্রে প্রয়োগ করিয়া মানুষের মধ্যে রাষ্ট্রের কর্তৃত্বকে মাত্র করাইবার একটা অভ্যাস সৃষ্টি করার জন্মই এই মতবাদের গুরুত্বকে অস্বীকার করা যায় না। আদিম সমাজের মানুষের মধ্যে যে রক্তের সম্বন্ধ আছে তাহা প্রচার করিবার ফলে আদিম সমাজকে সুশৃঙ্খল করা সহজতর হইয়াছিল। অতএব পরিবার সম্প্রসারণের মতবাদের সত্যতা না থাকিলেও যে প্রয়োজনীয়তা ছিল, তাহা অনস্বীকার্য।

কিন্তু এই মতবাদের সমর্থনে বহু যুক্তি থাকিলেও পরিবারই যে সমাজ-জীবনের প্রাথমিক রূপ তাহা বিশ্বাস করিবার যথেষ্ট কারণ নাই। তবে সমাজ-বিবর্তনের স্রোতের মধ্যে এই মতবাদের যদি কোন অংশ থাকে তবে তাহাকে রাষ্ট্রের উদ্ভবের অত্যাশ্রিত উপাদানের সহিত ইহাকে তুলনা করিয়া এই মতবাদের গুরুত্বকে উপলব্ধি করিতে হইবে।

(৫) ঐতিহাসিক মতবাদ বা বিবর্তনবাদ (Historical or Evolutionary Theory) : মতবাদের বর্ণনা : ইতিপূর্বে রাষ্ট্রের উৎপত্তির ব্যাখ্যা

হিসাবে ঐশ্বরিক উৎপত্তিবাদ, বলপ্রয়োগ মতবাদ, পিতৃতান্ত্রিক মতবাদ, মাতৃতান্ত্রিক মতবাদ ও সামাজিক চুক্তি মতবাদ সম্বন্ধে বিস্তৃতভাবে আলোচনা করা হইয়াছে। এই আলোচনা হইতে দেখা গেল যে, এই সকল মতবাদের কোনটিই সম্পূর্ণভাবে গ্রহণযোগ্য নহে কারণ, কোনটিই এককভাবে যথেষ্ট নহে। এই সম্বন্ধে ডাঃ গার্ণার বলেন : “রাষ্ট্র ঈশ্বরের সৃষ্টি নয়, পাশবিক শক্তিরও ফল নহে, প্রস্তাব বা চুক্তির দ্বারাও ইহা সৃষ্ট হয় নাই, আবার শুধু পরিবারের সম্প্রসারণ হিসাবেও ইহাকে গ্রহণ করা যায় না” (“The State is neither the handwork of God, nor the result of superior physical force, nor the creation of resolution or convention, nor a mere expansion of the family.”) । তাহা হইলে

গার্ণারের মত

প্রশ্ন হইল রাষ্ট্রের উৎপত্তির ব্যাখ্যা হিসাবে গ্রহণযোগ্য মতবাদ কি ? রাষ্ট্রের উৎপত্তির প্রকৃত ব্যাখ্যা পাওয়া যায় ঐতিহাসিক বা বিবর্তনবাদে। বর্তমানে রাষ্ট্রবিজ্ঞানিগণের মধ্যে অনেকেই ঐতিহাসিক মতবাদকে একমাত্র বৈজ্ঞানিক মতবাদ হিসাবে গ্রহণ করিয়াছেন।

এই মতবাদ অসুসারে রাষ্ট্র মানব-সমাজের ক্রমপ্রগতির ফল। আদিম যুগ হইতে আরম্ভ করিয়া বর্তমান যুগ পর্যন্ত এক বিরামহীন বিবর্তনের মধ্য দিয়া রাষ্ট্রগণের ধীরে নূতন নূতন রূপ পরিগ্রহ করিয়াছে। রাষ্ট্রগঠনের প্রথম অধ্যায়ে রাষ্ট্রের সূত্রপাত হইয়াছিল অতিশয় সরল ও সাধারণভাবে, কিন্তু তারপর সামাজিক প্রয়োজনের তাগিদে ইহা ক্রমে ক্রমে জটিল হইতে জটিলতর হইয়াছে। বহুবিধ উপাদানের জটিল মিশ্রণে, নানাবিধ ঘাত-প্রতিঘাতের মধ্য দিয়া মানুষের সমাজ-জীবন আদিম অবস্থা হইতে ক্রমে ক্রমে, ধীরে ধীরে বহু স্তর অতিক্রম করিয়া বর্তমান রাষ্ট্র রূপ গ্রহণ করিয়াছে! বার্জেস বলেন : “রাষ্ট্র হইতেছে, মানব-সমাজের বিবর্তিবিহীন বিকাশ, ইহার উদ্ভব হইয়াছে মোটামুটি একটা আকার লইয়া, ইহার গতি হইতেছে অসম্পূর্ণ কিন্তু ক্রম-

বিবর্তনবাদের
সমর্থনে বার্জেসের
উক্তি

বিবর্তনের মধ্য দিয়া মানবের ক্রটিহীন বিশ্বজনীন সংগঠনের পথে” (“The State is a continuous development of human society out of a grossly imperfect beginning though crude but

improving forms of manifestation towards a perfect and universal organisation of mankind.”) । বার্জেসের এই উক্তি সম্বন্ধে

মতদ্বৈধ আছে বটে, কিন্তু বিজ্ঞানসম্মতভাবে ইহাই সত্য যে, রাষ্ট্র মানব-সমাজের বিবর্তনের ফল।

রাষ্ট্রের সূত্রপাত কিভাবে হইয়াছিল তাহা বলা সহজ নয়। কিন্তু বর্তমানে জাতিতত্ত্ব, নৃতত্ত্ব, ভাষাতত্ত্ব প্রভৃতির আলোচনা হইবার ফলে রাষ্ট্রের উৎপত্তি সম্বন্ধে বৈজ্ঞানিক ব্যাখ্যা দেওয়া সম্ভব হইয়াছে। আদিম মানুষের জগতে ছিল প্রকৃতির রাজত্ব। মানুষকে প্রতিনিয়ত প্রাকৃতিক শক্তির বিরুদ্ধে সংগ্রাম করিতে হইত। প্রতিকূল পরিবেশে-ঘেরা মানুষকে, প্রাকৃতিক দুর্ঘোণের বিরুদ্ধে সংগ্রাম করিয়া আহাৰ্য সংগ্রহ করিতে হইত; পশুর হাত হইতে আত্মরক্ষা করিতে হইত; এবং যাহাতে পৃথিবী হইতে

মহুযজাতি লোপ না পায় তার জন্ত বংশ বৃদ্ধি করিতে প্রাকৃতিক অবস্থা হইত এবং জৈব প্রেরণার বশে মানুষ সমাজবদ্ধ হইয়াছে। সংঘবদ্ধ হইতে প্রাকৃতিক প্রতিকূল পরিবেশকে নিজের বশে আনিয়া বা সাহায্য করিতেছে তাহাদের সঙ্গে নিজেদেরকে খাপ খাওয়াইয়া লইয়াছে।

মানুষ ছাড়া অগ্ন্যস্ত্র প্রাণীর পক্ষে এই কাজ করা সম্ভব হয় নাই। অতএব মানুষই সমাজ সৃষ্টি করিয়া ও রাষ্ট্র সৃষ্টি করিয়া বিশ্ববিজয়ের ভূমিকা গ্রহণ করিয়াছে। মানুষের এই সামাজিক প্রকৃতির বলেই মানুষ আজ পৃথিবী ছাড়াইয়া মহাকাশ বিজয়ে যাত্রা করিয়াছে। অবশ্য, এই বক্তব্যের স্মরণ ইহাই প্রমাণ হয় না যে, যাহা মানুষ করিয়াছে, তাহা সবই মানুষ সচেতন ভাবেই করিয়াছে। কাল হইতে কালান্তরে, প্রয়োজন মিটাইবার তাগিদে, পরিকল্পনা ছাড়া আবার পরিকল্পনার মাধ্যমে মানুষ ধীরে ধীরে অগ্রসর হইয়াছে। এই পরিবর্তনের শ্রোতে সমাজ নব নব রূপে রূপায়িত হইয়াছে। এই সমাজ-জীবনের রূপান্তরে যে সকল উপাদান অংশ গ্রহণ করিয়াছে সেগুলি সম্বন্ধে নিম্ন আলোচনা করা গেল :

(১) রক্তের সম্বন্ধ-বোধ (Kinship) ; (২) ধর্মের বন্ধন (Religion) ; (৩) আত্মরক্ষার তাগিদ, শক্তির সংগঠন ও ব্যবহার (Force) ; (৪) অর্থনৈতিক প্রয়োজন (Economic Need) ; (৫) যুদ্ধবিগ্রহ (War) ; (৬) রাষ্ট্রনৈতিক প্রয়োজন (Political Need) :

(১) রক্তের সম্বন্ধ-বোধ (Kinship) : (ক) মানুষ যুথবদ্ধ জীব। মানুষের এই যুথবদ্ধ জীবনযাপনের প্রকৃতির মধ্যেই রাষ্ট্রগঠনের বীজ উৎপন্ন আছে বলিয়া বিবর্তনবাদিগণ মনে করেন। রাষ্ট্রগঠনের অগ্ন্যস্ত্র উপাদান হইল

পারিবারিক সংগঠন। মনুষ্য প্রকৃতির দ্বারা পরিচালিত হইয়াই পুরুষ ও নারী মিলিত হয়। এই পুরুষ ও নারীর মিলন হইতে সন্তান-সন্ততি জন্মগ্রহণ করে। অতএব সন্তান-উৎপাদন মানুষের আদিম ও মৌল প্রেরণার ফল। এই সন্তানকে বাঁচাইয়া বড় করিবার প্রয়োজনে সমগ্র যুথকেই দায়িত্ব গ্রহণ করিতে হয়। অবশ্য, এই দায়িত্বভার প্রধানতঃ পড়ে পরিবার নারীর উপরে। অতএব সমাজে প্রয়োজন হয় নিয়ম ও শৃঙ্খলা। আবার বংশবৃদ্ধির সঙ্গে সঙ্গে সন্তান প্রতিপালনের তাগিদে একটা নৈকট্যবোধ জাগ্রত হয়। অতএব দেখা যায়, আদিম সমাজে রক্ত-সম্পর্কের বন্ধন মানুষকে পরিবার গঠন করিয়া একত্র বাস করিতে এবং নিয়মশৃঙ্খলা রক্ষা করিয়া সন্তান-সন্ততির প্রতিপালন করিতে যথেষ্ট সাহায্য করিয়াছে। আবার এই পরিবার ধীরে ধীরে সম্প্রসারিত হইয়া উপজাতি বা জাতির সৃষ্টি করিয়াছে। অবশ্য ইহার বিপরীত মতও প্রচলিত আছে ; পূর্বে তাহা আলোচিত হইয়াছে।

(খ) আবার পরিবারের সংখ্যা যখন বৃদ্ধি পাইল তখন আর গৃহকর্তার পক্ষে সকল পরিবারের উপর কর্তৃত্ব বজায় রাখা সম্ভব হইল না। এই বিভক্ত পরিবার বা উপজাতির মধ্যে একমাত্র সম্পর্ক রহিল রক্তের সম্পর্ক। এই সকল পরিবারের সভ্যদের মধ্যে একই পূর্বপুরুষের মাধ্যমে ঐক্যমত প্রতিষ্ঠা করা হয়। গেটেলের ভাষায় “এব্রাহামের রক্তের সম্বন্ধে ঐক্যমত্রে আবদ্ধ হয় সন্তান-সন্ততিদের ভগবানের নির্ধারিত ব্যক্তি হিসাবে মনে করা হইত, আর সকলে ছিল জেণ্টাইল” (“The children of Abraham considered themselves Gods’ chosen people—all others were gentiles.”—Gettell)। এই পূর্বপুরুষরাই ছিল সংহতির প্রতীক।

(গ) এই ঐক্যবদ্ধ বিভিন্ন পরিবারকে সামগ্রিক ভাবে বলা হইত গোষ্ঠী (Clan)। সমগ্র গোষ্ঠীর পরিচালনা করিতেন গোষ্ঠীপ্রধান। ম্যাক আইভার বলেন : “উত্তরপুরুষের মধ্যে রক্তের সম্বন্ধ ধীরে ধীরে ব্যাপকতর সামাজিক ভ্রাতৃত্বের বন্ধনে রূপান্তরিত হইল। গৃহকর্তার কর্তৃত্ব গোষ্ঠীপতির কর্তৃত্বে পরিণত হইল।” তারপর রাজতন্ত্রের অধীনে সমাজের উদ্ভব হইল। এই রাজতন্ত্র সৃষ্টি করিল সমাজ। আর পরে সমাজ সৃষ্টি করিল রাষ্ট্র।

(২) ধর্মের বন্ধন (Religion) : (ক) রক্তের বন্ধনের পরই আসে

ধর্মের বন্ধনের কথা। রাষ্ট্রপতি উইলসন বলেন : “ধর্ম ছিল রক্তের বন্ধনের চিহ্ন ও প্রতীক। ইহা একের, পবিত্রতার ও কৃতজ্ঞতার প্রকাশ” (“Religion was the seal and sign of common blood the expression of its oneness, its sanctity, its obligations”) ! আদিম মানুষের সংখ্যা বৃদ্ধি পাইলে এবং মানুষ বহু পরিবারে বিভক্ত হইয়া পড়িলে তাহাদের মধ্যে ঐক্যন্বিত স্থাপন করে ধর্ম। ধর্ম ও রক্তের সম্বন্ধ উভয়েই গোষ্ঠীজীবন গঠন করিতে সহায়তা করে। অতএব বলা যায়, প্রাচীনকালে গোষ্ঠীজীবনকে ঐক্যবদ্ধ করিতে এই গোষ্ঠীজীবনকে ঐক্যবদ্ধ করিবার জন্ত যে ধর্ম সহায়তা করে তাহা রাষ্ট্রগঠনেও সাহায্য করে। কারণ ঐক্যবদ্ধ গোষ্ঠীজীবনই রাষ্ট্রগঠনের গোড়াপত্তন করে।

গোষ্ঠীজীবনকে
ঐক্যবদ্ধ করিতে
ধর্মের অবদান

(খ) গোষ্ঠীজীবনে দেখা যায় গোষ্ঠীপ্রধান গোষ্ঠীর পূর্বপুরুষদের পূজা-অর্চনা করিত। আবার প্রতিকূল পরিবেশে-ঘেরা আদিম মানুষ প্রাকৃতিক শক্তির ভয়ে ভীত হইয়া প্রাকৃতিক শক্তি যথা—ঝড়ঝঞ্ঝা, বজ্রপাত, ঋতু-পরিবর্তন প্রভৃতিকে পূজা করিত। আদিম মানুষ এই দুজন্মের প্রাকৃতিক শক্তিকে ব্যাখ্যা করিতে পারিত না। সেই যুগে সমাজের চতুর ব্যক্তিদের ভূমিকা কতকগুলি অপেক্ষাকৃত চতুর ব্যক্তি এই প্রাকৃতিক শক্তি-গুলিকে আয়ত্ত করিবার ক্ষমতার অধিকারী বলিয়া প্রচার করিয়া সমাজের অপরাপর লোকের উপর তাহাদের আধিপত্য বিস্তার করিত। সমাজতত্ত্বের ভাষায় ইহাদিগকে যাদুকর (Magician) বলা হয়। পরবর্তী কালে যখন জাতীয় সংগঠনগুলির সৃষ্টি হইল তখন ইহারা অনেকে পোগ ও খলিফা প্রভৃতি নাম ধারণ করিয়া সমাজে ধর্মগুরু পদমর্যাদা লাভ করে। এই সকল ধর্মগুরুদিগের প্রকৃতি-রহস্যের ব্যাখ্যা কালক্রমে ধর্ম ও দর্শনের পথ প্রশস্ত করে। প্রাচীনকালে গোষ্ঠীপতির আধিপত্য ছিল প্রচণ্ড। তখনকার লোকেরা বিশ্বাস করিত পূর্বপুরুষদের আত্মার সহিত প্রাচীন ব্যক্তিদের আত্মার যোগাযোগ আছে। অতএব শ্রদ্ধাভরে আদিম মানুষ গোষ্ঠীপতির নির্দেশে সকলে পরিচালিত হইত এবং সকলেই তাহার প্রতি বশ্যতা দেখাইত। বর্তমান যুগেও ইংলণ্ডের রাজা ধর্মমহামণ্ডলের অধিকর্তা (Head of the established church) হিসাবে পরিচিত।

(গ) রাষ্ট্রের বিবর্তনে ধর্মের ভূমিকাকে অস্বীকার করা চলে না। এই প্রশ্নে গেটেল বলেন : “রাষ্ট্রনৈতিক বিবর্তনের প্রাথমিক ও সর্বাপেক্ষা সংকটময়

অবস্থায় একমাত্র ধর্মই পাশবিক অরাজকতাকে দমন করিয়া মানুষকে শ্রদ্ধা ও আহুগত্যের নীতি শিক্ষা দিতে সক্ষম হইয়াছিল” (“In the earliest and most difficult periods of political development, religion alone could subordinate barbaric anarchy and teach reverence and obedience”).^{১)} প্রকৃতপক্ষে প্রাথমিক স্তরে এবং পরবর্তী উন্নততর স্তরেও ধর্ম একই বিশ্বাসের বাঁধনে, একই উপাসনার পদ্ধতিতে, একই নির্দেশের বন্ধনে, বশুতা ও নৈকট্যের বন্ধনে সমাজ-জীবনকে অধিকতর ঘনসংবদ্ধ করিয়াছে। অতএব রাষ্ট্রনৈতিক সংগঠনের ভিত্তিকে শক্ত করিবার ব্যাপারে ধর্মবিশ্বাসের অবদান কম নহে। বর্তমানে হয়তো সেই ঐন্দ্রজালিকের ক্ষমতা অনেক পরিমাণে লুপ্ত হইয়াছে, কিন্তু আজিকার ধর্মীয় রাষ্ট্রেও সেই চতুর লোকদের গুরুত্বপূর্ণ ভূমিকাকে অস্বীকার করা যায় না।

(৩) আত্মরক্ষার তাগিদ, শক্তির সংগঠন ও ব্যবহার (Need of self-protection, place of force and its use) : রাষ্ট্রের উদ্ভবের ব্যাপারে সমাজ-বিবর্তনের গোড়া হইতেই বল-প্রয়োগের ব্যবহার লক্ষ্য করা যায়। বল-প্রয়োগের প্রথম ব্যবহার লক্ষ্য করা যায় আদিম যুগে যখন মানুষকে বল-প্রয়োগের ব্যবহার বল-প্রয়োগের সাহায্যে শিকার করিয়া আহাৰ্য সংগ্রহ করিতে হইত। আত্মরক্ষার জন্ত আততায়ী পশু ও মানুষের আক্রমণ প্রতিহত করিবার জন্তও বল প্রয়োগ করিতে হইত। আবার গোষ্ঠীপ্রধানকে মান্য করানোর জন্ত মানুষের উপর শক্তি-প্রয়োগেরও প্রয়োজন হইত। সামাজিক নির্দেশ যাহারা মান্য করিতে চাহিত না, তাহাদিগকে মান্য করাইবার জন্ত এবং সামাজিক নির্দেশ বজায় রাখার জন্তও প্রয়োজন হইত বল-প্রয়োগের।

(৪) অর্থনৈতিক প্রয়োজন (Economic Need) : (ক) মানুষ বাঁচিতে চায়। এই বাঁচিবার জন্ত প্রয়োজন আহাৰ্য। আদিম মানুষ আহাৰ্য সংগ্রহ একাকী করিতে পারিত না বলিয়া তাহাকে যুথবদ্ধ হইতে হইত। আবার এই যৌথ জীবনে শৃঙ্খলা রক্ষা করার জন্ত প্রয়োজন হইত একদল নায়কের। এই নায়কের প্রতি বশুতা ও তাহার নির্দেশ পালন করা- শৃঙ্খলা রক্ষা করার জন্ত একান্ত প্রয়োজন ছিল। এই আহাৰ্য সংগ্রহ করার সামাজিক ব্যবস্থাই হইল অর্থনৈতিক ব্যবস্থার গোড়ার কথা। অতএব দেখা যায়, মানুষ

প্রথমে যুথবদ্ধ হয় এই অর্থনৈতিক কারণে। তারপর এই যুথবদ্ধ মানুষ অর্থনৈতিক অবস্থাকে আরও উন্নত করার জন্ত রাষ্ট্ররূপ সংগঠন প্রতিষ্ঠা করে।

(খ) সমাজ-বিবর্তনের প্রথম স্তরে মানুষের অর্থনৈতিক কাজকর্ম, খাদ্য ও পানীয় সংগ্রহের মধ্যেই সীমাবদ্ধ ছিল, কিন্তু পরবর্তী কালে মানুষ যখন ধনসম্পত্তি অর্জন ও সঞ্চয় করিতে শিখিল তখন এক নূতন অর্থনৈতিক সম্পর্ক প্রতিষ্ঠিত হয়। এই ধনসম্পত্তি অর্জন ও সঞ্চয়ের সঙ্গে সঙ্গে রাষ্ট্রবিবর্তনের এক নূতন অধ্যায় আরম্ভ হয়। প্রথমে শিকারের যুগে মানুষেরা বাহা শিকার করিয়া পাইত তাহা সকলে সমানভাবে ভাগ করিয়া ভোগ করিত। তখনও ব্যক্তিগত সম্পত্তির উদ্ভব হয় নাই। তারপর পশুপালন ও পশুচারণ যুগে ধনবৈষম্য দেখা দিল। পশুর মালিকানা স্বীকৃত হওয়ায় পশুর মালিকগণ বিস্তবান্ হইয়া সমাজের অধিকারী শ্রেণীতে পরিণত হয়। সমাজ বিভিন্ন শ্রেণীতে বিভক্ত হইয়া গেল। বাহাদের সম্পদ বলিয়া কিছু ছিল না তাহারা হইল নিঃস্ব শ্রেণী আর বাহার পশুর মালিক তাহারা হইল অধিকারী শ্রেণী। এইভাবে সমাজ শ্রেণীবিভক্ত হইয়া পড়ায় উত্তরাধিকার সম্পর্কে আইন প্রণয়ন অপরিহার্য হইয়া পড়িল। আবার সমাজে এই সময়ে দেখা দিল চৌর্ষ-

ব্যক্তিগত সম্পত্তির
উদ্ভবের সঙ্গে সঙ্গে
সমাজ বিভিন্ন
শ্রেণীতে বিভক্ত
হইল

বৃত্তি। ইহার পর কৃষিযুগে ভূমি ও ক্রীতদাসকে ইহাদের মালিকের সম্পদ বলিয়া গ্রহণ করা হইত সহযোগিতার ভিত্তিতে যে সমাজ ছিল সেই সমাজের মূলমন্ত্র ছিল কতকগুলি স্বীকৃত নিয়ম। সম্পদশালী মানুষের সম্পদের উপর মালিকানা সমাজে স্বীকৃত হইল বটে; কিন্তু উত্তরোত্তর

স্তরে দেখা গেল যে, ধনবৈষম্য প্রকট হওয়ায় শ্রেণীতে শ্রেণীতে দ্বন্দ্ব অনিবার্য হইয়া উঠিল। এই দ্বন্দ্ব মীমাংসার জন্ত প্রয়োজন হইয়া পড়িল আরও আইন, আদালত, আমলা প্রভৃতি বাহার দ্বারা সমাজে শান্তি রক্ষা করা হইত। কৃষিযুগের পর পণ্য বিনিময় প্রথা চালু হইলে বাণিজ্যের প্রসার হইল। ফলে সমাজে বণিকশ্রেণীর উদ্ভব হয়। এই বণিকশ্রেণীর স্বার্থের জন্ত ব্যক্তিগত সম্পত্তির মালিকানা রক্ষা করার জন্ত প্রয়োজন হইল বল-প্রয়োগের। বল-প্রয়োগের দ্বারা একদিকে আভ্যন্তরীণ শান্তি ও শৃঙ্খলা এবং অপরদিকে বহিঃ-শত্রুর আক্রমণ প্রতিহত করার জন্ত প্রয়োজন হইল সৈন্যসামন্ত ও নেতার নির্দেশ। এইরূপে সামরিক প্রয়োজনে মানুষ নির্দিষ্ট নেতৃত্বের অধীনে ক্রমশঃ এক্যবদ্ধ ও সুশৃঙ্খল জীবনযাপনে অভ্যস্ত হইল।

(গ) সমাজে ধনসম্পত্তির বৃদ্ধির ফলে, ব্যক্তিগত সম্পত্তির উদ্ভবের ফলে, ব্যক্তিগত শ্রম-বিভাগের ফলে, বিভিন্ন শ্রেণীর উদ্ভব হয়। আবার ব্যবসা-বাণিজ্য প্রসারের ফলে শ্রেণী-সংঘর্ষকে সংযত রাখার জন্ত, আইন প্রণয়ন ও শাসনযন্ত্রের একান্ত প্রয়োজন হইয়া পড়িল। সমাজে অধিকারী শ্রেণী এই শাসনযন্ত্রকে নিজেদের করতলগত করিঃ। শাসনযন্ত্রকে তাহাদের নিজেদের ব্যবহারে লাগাইতে সুরু করিল। রাষ্ট্রের সরকার হইল এই শাসনযন্ত্র।

রাষ্ট্রের উদ্ভব সম্পর্কে কোন কোন রাষ্ট্রবিজ্ঞানী এই মত পোষণ করেন যে, আদিম যুগে যখন মাহুষ শিকার করিয়া জীবন ধারণ করিত তখন রাষ্ট্রের উদ্ভব হয় নাই, কারণ তখন সমাজ শ্রেণী-বিভক্ত হয় নাই এবং একশ্রেণী কর্তৃক অপরশ্রেণীকে শোষণ করার জন্ত রাষ্ট্রযন্ত্রেরও প্রয়োজন হয় নাই। সুতরাং শিকারের যুগে রাষ্ট্রের উদ্ভব হয় নাই। রাষ্ট্রের উদ্ভব হয় তখনই যখন সমাজ বিভিন্ন শ্রেণীতে বিভক্ত হইয়া পড়ে। অতএব অর্থনৈতিক শক্তি যে রাষ্ট্রের উদ্ভব ব্যাপারে সক্রিয় অংশ গ্রহণ করিয়াছে তাহা সহজেই অনুমেয়।

(৫) যুদ্ধবিগ্রহ (War) : (ক) সমাজ-বিবর্তনের দ্বিতীয় স্তরে অর্থাৎ যে স্তরে মাহুষের গোষ্ঠীজীবন সুরু হইয়াছে, সেই স্তরে রাষ্ট্রের উদ্ভব হয় নাই। কারণ, গোষ্ঠীর কোন সামরিক সংগঠন ছিল না। রাষ্ট্রের উদ্ভব হয় সমাজ-বিবর্তনের তৃতীয় স্তরে যখন উপজাতি (Tribe) বলিয়া এক সংগঠনের সৃষ্টি হইল। এই উপজাতীয় সংগঠন হইল একটি সামরিক সংগঠন। গোষ্ঠীর সহিত উপজাতির পার্থক্য হইল, গোষ্ঠী অসামরিক আর উপজাতি হইল সামরিক। উপজাতির উদ্ভব হয় তখনই যখন পরিবার বা গোষ্ঠী এত বেশী সম্প্রসারিত হইল যে, একের সহিত অপরের ব্যক্তিসম্বন্ধ প্রায় বিলুপ্ত হইয়া গেল এবং আঞ্চলিক ও পারিবারিক ধর্মের স্থান অধিকার করিল ব্যাপকতর ধর্মের রূপ।

(খ) আবার সমাজে আক্রমণ ও আক্রমণ প্রতিরোধ করিবার জন্ত আবির্ভূত হইল বলপ্রয়োগকাব্যী শক্তি। এই শক্তিই পরবর্তী কালে সার্বভৌম শক্তি হিসাবে গৃহীত হইল। সমাজের মাহুষ এই শক্তির প্রতিই আকৃষ্ট প্রদর্শন করিত। এই উপজাতির মধ্যে সার্বভৌম শক্তির অধিনায়ক হইলেন যুদ্ধনায়ক। যুদ্ধের সময় তিনি যুদ্ধের নায়কত্ব করিতেন। এই কারণে বলা হয় যে, যুদ্ধের ফলেই রাজার জন্ম হয় (war begot the king)। কিন্তু শুধু যুদ্ধের সময়ই যুদ্ধনায়কের নেতৃত্ব বজায় থাকে না, তিনি শান্তির সময়েও অনেক সময় নেতৃত্ব দিয়া থাকেন।

(গ) রাষ্ট্রের উদ্ভবের গোড়ার দিকে সমাজের উপর রাষ্ট্রের কর্তৃত্ব ছিল অল্প। কিন্তু ইহার নেতার সংখ্যাও ছিল কম। পরবর্তী কালে যখন রাষ্ট্রের কার্যাবলী প্রবল সংখ্যায় বৃদ্ধি পাইল তখন তাহার কার্যাবলীও জটিলতর হইল এবং সরকারের গঠনেও বৈচিত্র্য লক্ষ্য করা গেল। এই অবস্থায় একদিন যে রাষ্ট্র যুদ্ধের ফলে সৃষ্টি হইয়াছে, তাহা পরবর্তী কালে আর বোঝা গেল না।

(৬) রাজনৈতিক প্রয়োজন (Political Need) :

(ক) রাষ্ট্রের বিবর্তনে প্রথমে অর্থনৈতিক প্রয়োজন, রক্তের সম্বন্ধ ও ধর্মের বন্ধন, পরিবার ও গোষ্ঠীর প্রতি অন্ধ আনুগত্যের সৃষ্টি করিয়াছিল। এই অন্ধ আনুগত্যের যুগকে রাষ্ট্রনৈতিক অবচেতনার যুগ বলা হয়। কিন্তু পরবর্তী কালে অর্থনৈতিক উন্নতির সঙ্গে সঙ্গে সমাজ-জীবন জটিল হইয়া উঠিতে থাকে। তারপর উৎপাদন-ব্যবস্থার উন্নতির ফলে উদ্ভূত যুদ্ধের কিছু লোক ধন-সম্পত্তি আত্মসাৎ করিয়া ব্যক্তিগত সম্পত্তিতে উহা পরিণত করিল। আবার এই ব্যক্তিগত সম্পত্তিকে রক্ষা করিবার জন্ত প্রয়োজন হইল জটিল আইন ও শাসন-ব্যবস্থা। এই সময়েই রাষ্ট্রের উদ্ভব হয়।

(খ) রাষ্ট্রের উৎপত্তির ইতিহাসে শাসিতের ইচ্ছা (Consent of the governed) এক গুরুত্বপূর্ণ ভূমিকা গ্রহণ করিয়াছে। সমাজের বহু চিন্তাশীল ব্যক্তি রাষ্ট্রের উৎপত্তি ও তাৎপর্য সম্বন্ধে বিভিন্ন মতবাদও প্রচার করিতে আরম্ভ করিলেন এবং আবার গোষ্ঠী যখন উপজাতিতে পরিণত হইল তখন বিভিন্ন উপজাতির মধ্যে দ্বন্দ্ব-সংঘাতের ফলে মানুষ উপজাতীয় ঐক্য সম্বন্ধে সচেতন হইল। এই সকল কারণে, জনসমাজ তাহাদের নাগরিক অধিকার ও কর্তব্য সম্বন্ধে সচেতন হইয়া উঠিল। এই রাজনৈতিক চেতনা (Political consciousness) সাধারণের মধ্যে ধীরে ধীরে সঞ্চারিত হওয়ার ফলে শক্তির ভিত্তিতে গঠিত রাষ্ট্র জনমতের উপর প্রতিষ্ঠিত হইল।

(গ) ইহা ছাড়া, ঐতিহাসিক ঘটনার স্রোতে রাষ্ট্রের রূপ বহু পরিবর্তিত হইয়াছে। গ্রাঙ্ক নগররাষ্ট্র, রোমান সাম্রাজ্য, প্রাচ্যের প্রাচীন সাম্রাজ্য, মধ্যযুগের ফিউডাল রাষ্ট্র এবং ফিউডালী প্রথার অবসানে রাজতন্ত্রের অধীনে রাষ্ট্র—এইরূপ ইতিহাসের বিবর্তনের গতিপথে বহু জাতীয় ধরনের রাষ্ট্র-ব্যবস্থা প্রবর্তিত হইয়াছে। জনসমাজে জাতীয়তাবোধ (Principle of nationality) যতই শক্তিশালী হইল ততই জাতির দাবি স্বীকৃত হইয়া

“এক জাতি এক রাষ্ট্র (One Nation—one State) এই আকাজ্জব রূপায়ণে জাতি-ভিত্তিক রাষ্ট্র গড়িয়া উঠিল।

(ঘ) আবার বর্তমান যুগ হইল আন্তর্জাতিকতাবাদের যুগ। একদিকে বৈজ্ঞানিক গবেষণার ফলে ন্যূনতম উন্নতির ব্যবস্থা প্রতিষ্ঠিত হইতেছে। জাতীয় রাষ্ট্রগুলি সর্ববিষয়ে আত্মনির্ভরশীল নয় বলিয়া একজাতীয় রাষ্ট্রকে অপরজাতীয় রাষ্ট্রের উপর নানা বিষয়ে নির্ভরশীল হইতে হয়। এই কারণে, জাতিতে জাতিতে আত্মঘাতী যুদ্ধের তিক্ত অভিজ্ঞতায় পুষ্টি জাতীয় রাষ্ট্রগুলি তাহাদের উগ্র জাতীয়তাবোধকে প্রশমিত করিয়া এক শতাব্দী পূর্বের স্বাধীন সার্বভৌম ক্ষমতার পূর্ণ অধিকারী রাষ্ট্র বর্তমানে আধুনিক রাষ্ট্রের চরিত্র তাহার নিজের ও পারস্পরিক প্রয়োজনের তাগিদে অবাধ ও অপ্রতিহত ক্ষমতা অন্ততঃ আংশিকভাবে পরিত্যাগ করিয়া বৃহত্তর মানবগোষ্ঠীর এক অবিচ্ছেদ্য অংশরূপে পরিগণিত হইতে চলিয়াছে এবং উগ্র জাতীয়তাবাদের ভয়ঙ্করী, বিষময় ক্রিয়ায় সভ্যতার বিলুপ্তি হইবার উপক্রম দেখিয়া পারস্পরিক সম্পর্কে শৃঙ্খলা আনয়নের জ্ঞত এবং বিশ্বজনীন সংস্থা গড়িয়া তোলার জ্ঞত প্রয়াস চালাইয়া যাইতেছে।

সমালোচনা ও মূল্যায়ন : (১) আলোচ্য মতবাদ অনুসারে রাষ্ট্র সমাজ-বিবর্তনের এক বিশেষ স্তরে জন্মলাভ করে। কিন্তু পরিবারের মতো সহজ সরল সংগঠনের মধ্য দিয়া যে রাষ্ট্র গঠিত হইয়াছে তাহা পরবর্তী কালে রাষ্ট্রনৈতিক চেতনা উন্মেষের সঙ্গে সঙ্গে বিভিন্ন উপাদানের প্রভাবে নানাবিধ বিকাশের মধ্য দিয়া অগ্রসর হইয়াছে। অতএব ইহা বলাই বাহুল্য যে, রাষ্ট্রের উৎপত্তির পশ্চাতে বহু উপাদান, বহু প্রভাব রহিয়াছে। রাষ্ট্র একদিনে একটি উপাদানে গঠিত হয় নাই। এই দিক হইতে বিবর্তনবাদী যুক্তি অপ্রাস্ত।

(২) আবার এই মতবাদ এই সত্য উদ্ঘাটিত করিয়াছে যে, ক্রমবিবর্তনের বিভিন্ন স্তরে রাষ্ট্র সম্বন্ধে মানুষের ধারণা বিভিন্ন ধরনের ছিল। মানুষ যতই সভ্য হইতেছে, রাষ্ট্র সম্বন্ধে তাহাদের ধারণাও ততই পরিবর্তিত হইতেছে। মধ্যযুগে রাষ্ট্র সম্বন্ধে যে ধারণা ছিল, আধুনিক যুগে রাষ্ট্র সম্বন্ধে সে ধারণা আর নাই।

(৩) বিবর্তনের বিভিন্ন স্তরে রাষ্ট্রের চরিত্র পরিবর্তিত হইয়াছে। দাস-প্রথার আমলে রাষ্ট্রের যে চরিত্র ছিল অর্থাৎ, দাস-মালিকের শোষণ-ব্যবস্থাকে রাষ্ট্রযন্ত্রের মাধ্যমে বজায় রাখার যে ব্যবস্থা, আধুনিক যুগের সমাজতান্ত্রিক

রাষ্ট্র-কাঠামোতে রাষ্ট্রচরিত্র ঠিক তেমনটি আর নাই। ইতিহাসের অমোঘ নিয়মেই উৎপাদন-সম্পর্কের পরিবর্তনের সঙ্গে সঙ্গে রাষ্ট্রের চরিত্রও পরিবর্তিত হইয়াছে। রাষ্ট্রের এই চরিত্র ও কাঠামো সূচিস্তিত পরিকল্পনার মাধ্যমে ধীরে ধীরে সংস্কৃত হইয়াছে।

উপসংহারে বলা যায়, কোন্ এক সূদূর অতীতে রাষ্ট্রের উদ্ভব হইয়াছে, তাহা নিশ্চয় করিয়া বলা যায় না। তবে ইতিহাসের বিশ্লেষণের মাধ্যমে দেখা যায়, ক্রম-পরিবর্তনের স্তরে প্রাচ্য সাম্রাজ্য, গ্রীক নগররাষ্ট্র, রোমান সাম্রাজ্য এবং মধ্যযুগের ফিউডালী প্রথার অবসানে রাজা ও সম্রাটের অধীনে আধুনিক রাষ্ট্রের গোড়াপত্তন হয়। বিভিন্ন যুগে রাষ্ট্রের চরিত্র বিভিন্ন ধরনের হইয়াছে এবং রাষ্ট্র সম্বন্ধে মানুষের ধারণাও ছিল বিভিন্ন প্রকারের। দীর্ঘ পরিবর্তনের মধ্য দিয়া রাষ্ট্র যে নূতন নূতন রূপ পরিগ্রহ করিয়াছে, তাহা বর্তমানে প্রায় সকল রাষ্ট্রবিজ্ঞানীই স্বীকার করেন।

সারসংক্ষেপ

রাষ্ট্রের উৎপত্তি সম্বন্ধে মতবাদগুলিকে সাধারণতঃ দুইভাগে ভাগ করা হয়; যথা,— (১) রাষ্ট্রের উৎপত্তি সম্বন্ধে মতবাদ এবং (২) রাষ্ট্রের প্রকৃতি সম্বন্ধে মতবাদ। আবার এমন কতকগুলি মতবাদ আছে যাহা রাষ্ট্রের উৎপত্তি ও প্রকৃতি উভয়েরই ব্যাখ্যা করে। আধুনিক রাষ্ট্রবিজ্ঞানীগণের মতে রাষ্ট্রের উৎপত্তি সম্বন্ধে ঐতিহাসিক মতবাদই একমাত্র বৈজ্ঞানিক মতবাদ এবং অপরাপর মতবাদসমূহ কল্পনাপ্রসূত। অবশ্য, এই কল্পনাপ্রসূত মতবাদগুলি রাষ্ট্রবিজ্ঞানের বিভিন্ন সনালোচনায় অনেক কিছু দান করিয়াছে।

(১) ঐশ্বরিক উৎপত্তিবাদ : রাষ্ট্রের উৎপত্তি সম্বন্ধে ইহা প্রাচীনতম মতবাদ। এই মতবাদ অনুসারে রাষ্ট্র ঈশ্বরকর্তৃক সৃষ্ট এবং তাহারই ইচ্ছায় রাজার মাধ্যমে পরিচালিত হয়। রাজা ঈশ্বরের প্রতিনিধি। তিনি একমাত্র ঈশ্বরের নিকটই দারী, প্রজাদিগের উপর তাহার কোন দায়িত্ব নাই।

সমালোচনা : ঐশ্বরিক উৎপত্তিবাদ রাজতান্ত্রিক শাসন-ব্যবস্থা ছাড়া অপর কোন শাসন-ব্যবস্থাকে সমর্থন করে না। ইহা অর্থোজিক এবং খেচ্ছাচারিতার সমর্থনকারী। ইহা লৌকিক ব্যাপারে ঈশ্বরের কল্পনা করে বলিয়া ইহা কল্পনা-প্রসূত। কিন্তু এই ঐশ্বরিক মতবাদই আদিম মানুষকে আনুগত্যের প্রাথমিক শিক্ষায় শিক্ষিত করিয়াছিল। অতএব ইতিহাসের দিক দিয়া ইহার যথেষ্ট মূল্য আছে।

(২) বলপ্রয়োগ মতবাদ : এই মতবাদ অনুসারে একমাত্র বলপ্রয়োগ দ্বারা রাষ্ট্র সৃষ্টি হইয়াছে এবং একমাত্র বলপ্রয়োগের দ্বারা রাষ্ট্রের অন্তিম বজায় রাখা হইতেছে। এই মতবাদ রাষ্ট্রের উৎপত্তি ও প্রকৃতি উভয়েরই ব্যাখ্যা করে। এই মতবাদকে সমর্থন করেন সমাজতান্ত্রিক কার্মান আদর্শবাদিগণ এবং ব্যক্তি-স্বাতন্ত্র্যবাদিগণ।

সমালোচনা : সমালোচকগণ বলেন, “রাষ্ট্রের ভিত্তি হইল ইচ্ছা, শক্তি নয়” (“will, not force is the basis of the State”)। এই মতবাদের মধ্যে কতকগুলি বিষয় সমর্থনযোগ্য হইলেও, রাষ্ট্রের উদ্ভবের ব্যাখ্যা হিসাবে এই মতবাদকে সমর্থন করা যায় না। এই মতবাদের কোন নৈতিক ভিত্তি নাই। আবার ইহা আন্তর্জাতিক শান্তি ও সংহতির পরিপন্থী। পরিশেষে বলা যায়, এই মতবাদ শুধু যুদ্ধ ও হত্যাকাণ্ডের মতবাদ। ইহা মানব-স্বপ্নাকারী মতবাদ।

(৩) সামাজিক চুক্তি মতবাদ : রাষ্ট্রের উৎপত্তি সম্বন্ধে যে সকল কল্পনাকারী মতবাদ আছে, তাহার মধ্যে এই মতবাদই বিশেষ গুরুত্বপূর্ণ মতবাদ। এই মতবাদ যদিও অতি প্রাচীন কাল হইতে চলিয়া আসিয়াছে, তথাপি সপ্তদশ ও অষ্টাদশ শতাব্দীর দার্শনিক হব্‌স্‌, লক্‌ ও রুশো এই মতবাদকে পরিস্ফুটিত করেন।

এই ত্রয়ী দার্শনিকগণের মতে রাষ্ট্রের উদ্ভবের পূর্বে মানুষ প্রাকৃতিক অবস্থায় বাস করিত। এই প্রাকৃতিক অবস্থা সম্বন্ধে এই ত্রয়ী দার্শনিক ভিন্ন ভিন্ন মত পোষণ করিতেন। (১) হব্‌সের মতে প্রাকৃতিক অবস্থা ছিল দুর্বিষহ; এই দুর্বিষহ অবস্থা হইতে মুক্তি পাইবার জন্তু আদিম মানুষ নিজেদের মধ্যে চুক্তি করিয়া রাজ্য বা হস্ত আশ্রয়কার অধিকার ছাড়া আর সমস্ত অধিকার সমর্পণ করিয়া রাষ্ট্র গঠন করিয়াছিল। হব্‌সের মতবাদেব প্রধান উদ্দেশ্য ছিল রাজতন্ত্রকে সমর্থন করা; (২) লকের মতে প্রাকৃতিক অবস্থা ছিল শান্তি, শুভেচ্ছা ও পারস্পরিক সহযোগিতার রাজ্য। কিন্তু এই অবস্থা ছিল অসম্পূর্ণ। ফলে, এই অসম্পূর্ণ প্রাকৃতিক অবস্থাকে সম্পূর্ণ করিবার জন্তু আদিম মানুষ নিজেদের মধ্যে চুক্তি করিয়া রাষ্ট্রের পত্তন করিয়াছিল। লকের মতবাদেব সারকথা হইল রাজতন্ত্রকে সীমিত করিয়া, উৎকৃষ্ট শাসকের সম্মতির উপর প্রতিষ্ঠা করা। (৩) রুশোর হস্তে সামাজিক চুক্তি মতবাদ এক নূতন রূপ পরিগ্রহ করে। প্রাকৃতিক অবস্থাকে রুশো মর্ত্যের স্বর্ণ বলিয়া অভিহিত করিয়াছেন। কিন্তু জনসংখ্যা বৃদ্ধি এবং চিন্তার উন্মেষের ফলে প্রাকৃতিক অবস্থায় যে স্থখশান্তি ছিল তাহা লুপ্ত হইল। তাই মানুষ পারস্পরিক চুক্তির ভিত্তিতে রাষ্ট্রের পত্তন করিল হৃত স্থখ ও শান্তিকে কিরিয়া পাইবার জন্তু। রুশোর ব্যক্তিগত ধারণাই ছিল তাহার মতবাদেব ভিত্তি। তিনি জনপ্রিয় সার্বভৌমিকতার সমর্থনে মতবাদ প্রচাৰ করেন।

সমালোচনা : এই মতবাদকে অনৈতিহাসিক, অযৌক্তিক এবং বিপজ্জনক মতবাদ বলিয়া সমালোচকগণ সমালোচনা করিয়াছেন। কিন্তু এই মতবাদের ব্যবহারিক মুণ্ডাকে অস্বীকার করা যায় না, আবার সার্বভৌমিকতার তত্ত্বের বিবর্তন এই মতবাদের অবদান কম নহে।

(৪) পিতৃতান্ত্রিক ও মাতৃতান্ত্রিক মতবাদ : এই মতবাদের সারকথা হইল পরিবার সম্প্রসারিত হইয়াই রাষ্ট্রের উদ্ভব হইয়াছে।

সমালোচনা : এই মতবাদেব বিরুদ্ধে যদিও যথেষ্ট সমালোচনা করা হইয়াছে কিন্তু এই মতবাদের মধ্যে কিছুটা সত্য নিহিত আছে।

(৫) ঐতিহাসিক মতবাদ : এই মতবাদ কল্পনাপ্রসূত নহে। ইহা বিজ্ঞানসম্মত উপায়ে রাষ্ট্রের উদ্ভবের ব্যাখ্যা করিয়াছে। এই মতবাদ অনুসারে মানবসমাজ বহুদিন ধরিয়া, বহু ধারা বহিয়া বিবর্তিত হইয়া বর্তমানে জটিল রাষ্ট্ররূপ ধারণ করিয়াছে। এই বিবর্তনে বিভিন্ন উপাদান

অংশ গ্রহণ করে যথা, (ক) রক্তের সম্বন্ধ, (খ) ধর্মের সম্বন্ধ, (গ) যুদ্ধবিগ্রহ, (ঘ) ব্যক্তিগত সম্পত্তি এবং (ঙ) রাষ্ট্রনৈতিক চেতনা প্রভৃতি বিশেষ উল্লেখযোগ্য। এই সম্বন্ধ শক্তিগুলির প্রভাব সমাজজীবন এবং রাষ্ট্রজীবন গড়িয়া তোলার ব্যাপারে যথেষ্ট সাহায্য করিয়াছে।

প্রশ্নাবলী

1. Discuss the practical importance of Social Contract Theory in actual political development.

(C. U. 1949) (১২১-৫৩ পৃষ্ঠা)

2. "Rousseau tries to combine the theories of Hobbes and Locke" Elucidate. (C. U. 1951) (১৫৩-৬০ পৃষ্ঠা)

Or, Explain how Rousseau in his Theory of Social Contract seeks to combine the Theories of Hobbes and Locke.

উত্তর-সংক্ষেপ : রুশোর মতবাদের মধ্যে হব্‌স ও লকের মতবাদের প্রভাব সুস্পষ্ট। রুশো হব্‌সের মতো এই ধারণা পোষণ করিতেন যে, চুক্তি হইয়াছিল একটিমাত্র। আবার হব্‌সেরই মতো তিনি এই ধারণা পোষণ করিতেন যে, আদিম মানুষ চুক্তির মাধ্যমে তাহাদের সমস্ত ক্ষমতা সমর্পণ করিয়াছিল। কিন্তু তিনি হব্‌সের মতো ব্যক্তিবিশেষের হস্তে ক্ষমতা সমর্পণের পক্ষপাতী ছিলেন না। তাহার মতে এই ক্ষমতা সমর্পিত হইয়াছিল সার্বভৌম জনসাধারণের হস্তে।

এই জনসাধারণের সার্বভৌমিকতা সম্বন্ধে ধারণার ক্ষেত্রে রুশো লকের মতবাদকে অনেকটা সমর্থন করেন। অবশ্য, লকের মতে এই 'সার্বভৌম ক্ষমতা' সকল সময়ই প্রযুক্ত হয় না; কিন্তু রুশো এই মত পোষণ করিতেন যে, জনসাধারণের সার্বভৌম ক্ষমতা সকল সময়ই প্রযুক্ত হইয়া থাকে। আবার রুশো ও হব্‌স উভয়েই এই মত পোষণ করিতেন যে, সার্বভৌম ক্ষমতা, অপ্রতিহত, চবম, চূড়ান্ত ও অবিভাজ্য। ইহাকে হস্তান্তরিত করা যায় না। এবং (১৫৩-৬০ পৃষ্ঠা)

3. Discuss the points of agreement and difference between Hobbes and Rousseau as expounders of the Social Contract Theory, (C. U. 1959) (১৫৩-৬০ পৃষ্ঠা)

4. Discuss the Social Contract Theory of the origin of the State. (C. U. 1947, '49) (১১১-৫৩ পৃষ্ঠা)

5. "Government rests on Force." "Government rests on opinion." Discuss these statements carefully.

(C. U. 1942, '44, '56) (১৬০-৬৭ পৃষ্ঠা)

6. State the points of agreement and difference between Hobbes and Locke as expounders of the Social Contract Theory. (C. U. 1950, '51, '57) (১৫০-৬০ পৃষ্ঠা)

7. The accepted theory of the origin of the State is the Historical or Evolutionary Theory.

(C. U. 1952) (১৭১-৮১ পৃষ্ঠা)

8. Comment on the statement "Will, not force, is the basis of the State". T. H. Green. (C. U. 1956) (১৬০-৬৭ পৃষ্ঠা)

9. To what extent would it be true to State that the Social Contract Theory was the chief antidote to the Divine Right Theory ? Give reasons for your answer.

(C U. Hon. 1959) (চতুর্থ অধ্যায় দেখ)

অতিরিক্ত পাঠ্য

C. D. Burns—Political Ideals.

Ivor Brown—Englsih Political Theory.

Mac Iver—The Modern State.

Gettell—Readings in Political Science.

Sobine—History of Political Theory.

ষষ্ঠ অধ্যায়

রাষ্ট্রের প্রকৃতি সম্বন্ধে মতবাদ

(Theories of the Nature of State)

রাষ্ট্রবিজ্ঞানিগণ রাষ্ট্রের প্রকৃতি সম্বন্ধে বিভিন্ন দৃষ্টিকোণ হইতে আলোচনা করিয়াছেন। রাষ্ট্র কতকগুলি উপাদানে গঠিত। এই উপাদানগুলি হইল জনসমষ্টি, নির্দিষ্ট ভূখণ্ড, স্থায়ী সরকার ও সার্বভৌমত্ব। কিন্তু রাষ্ট্র-চরিত্র শুধু

এই উপাদানগুলির সাহায্যেই বুঝিতে পারা যায় না।

দৃষ্টিভঙ্গীর পার্থক্যের
জন্ম রাষ্ট্রের প্রকৃতি
সম্বন্ধে বহু
মতবাদের উদ্ভব
হইয়াছে

রাষ্ট্র হইল সমাজবদ্ধ মানুষের সংঘবদ্ধ জীবনের একটি

চরিত্রপন্থী সংগঠন। এই উপাদানগুলি ছাড়াও রাষ্ট্রের

একটা সামগ্রিক সত্তা আছে। ইহার একটা নির্দিষ্ট রূপ

আছে, চরিত্র আছে। রাষ্ট্রের এই রূপ ও চরিত্র এক-

মাত্র দার্শনিকের দৃষ্টিতেই ধরা পড়ে। বিভিন্ন রাষ্ট্রবিজ্ঞানী রাষ্ট্রের এই বৈশিষ্ট্যপূর্ণ চরিত্রটিকে বুঝিতে চেষ্টা করিয়াছেন। আবার রাষ্ট্রবিজ্ঞানিগণের দৃষ্টিভঙ্গীর পার্থক্যের জন্ম রাষ্ট্রের প্রকৃতি সম্বন্ধে বিভিন্ন মতবাদের উৎপত্তি হইয়াছে।

বলা হইয়াছে যে, রাষ্ট্রসম্বন্ধে মতবাদগুলির মধ্যে কোন কোন মতবাদ রাষ্ট্রের উৎপত্তি ও প্রকৃতি উভয়েরই ব্যাখ্যা করে। আবার কতকগুলি মতবাদ আছে যাহা কেবল প্রকৃতিরই ব্যাখ্যা করে। পূর্ববর্তী অধ্যায়ে আলোচিত হইয়াছে সেই সকল মতবাদ যাহা উৎপত্তি ও প্রকৃতি উভয়েরই ব্যাখ্যা করে, আর বর্তমান অধ্যায়ে আলোচিত হইবে সেই সকল মতবাদ যাহা শুধু রাষ্ট্রের প্রকৃতিরই ব্যাখ্যা করে। নিম্নে গুরুত্বপূর্ণ মতবাদগুলি আলোচিত হইল :

ব্যক্তি-স্বাতন্ত্র্যমূলক মতবাদ (Individualistic or Mechanistic Theory of the Nature of the State) : রাষ্ট্রের প্রকৃতি সম্বন্ধে এই মতবাদটি সর্বাপেক্ষা পুরাতন। এই মতবাদ সর্বপ্রথম প্রচার করেন গ্রীক দার্শনিকগণ। এই দার্শনিকগণের মধ্যে খ্রীষ্টপূর্ব পঞ্চম শতাব্দীর এ্যটিকোন, ক্যালিক্লিস প্রভৃতির নাম বিশেষ উল্লেখযোগ্য। আবার গ্রীক দার্শনিক

এ্যারিস্টটল ও প্লেটোর দর্শনে এই মতবাদের বিপরীতমুখী চিন্তার সন্ধান পাওয়া

যায়। তাঁহারা ব্যক্তির উপর রাষ্ট্রকর্তৃত্বকে স্থাপন
মতবাদের সংক্ষিপ্ত ইতিহাস করিবার অমূল্য মত প্রকাশ করেন। পরবর্তী কালে

এই মতবাদকে সমর্থন করেন সপ্তদশ শতকের চুক্তিবাদী
হব্‌স্ ও লক্, অষ্টাদশ শতকের ব্যক্তি-স্বাতন্ত্র্যবাদী নামে পরিচিত এক-
শ্রেণীর দার্শনিকগণ, জার্মান দার্শনিক কান্ট ও হামবোল্ড (Humboldt) এবং
উনবিংশ শতাব্দীর দার্শনিক বেহাম্, জে. এস. মিল এবং সিজউইক প্রভৃতি।

মতবাদের বর্ণনা : এই মতবাদের সারকথা হইল রাষ্ট্র মনুষ্যসৃষ্ট
একটি কৃত্রিম (artificial) প্রতিষ্ঠান। প্রকৃতির মৌল নিয়মের সহিত
রাষ্ট্রের কোন সম্পর্ক নাই। অতএব সমাজ-ব্যবস্থায় রাষ্ট্রের কোন
মূল্য নাই। ব্যক্তিই শ্রেষ্ঠ। তাহার স্বার্থ রক্ষা করাই রাষ্ট্রের প্রধানতম
কাজ। ব্যক্তিকে বাদ দিয়া রাষ্ট্রকে চিন্তা করা যায় না। কবির ভাষায়
বলা যায় : “সবার উপরে মানুষ সত্য, তাহার উপরে নাই।” এই ব্যক্তির

শ্রেষ্ঠত্ব তাঁহারা দাবি করেন তাঁহাদিগকে বলা হয় ব্যক্তি-
ব্যক্তি-স্বাতন্ত্র্যবাদের সারকথা : ‘সবার
উপরে মানুষ সত্য,
তাহার উপরে নাই’ স্বাতন্ত্র্যবাদী। ব্যক্তি-স্বাতন্ত্র্যবাদিগণ এই ধারণা পোষণ
করেন যে, রাষ্ট্রকে ব্যক্তির স্বার্থবাহী হইতে হইবে এবং

ব্যক্তি-স্বাধীনতার উপর রাষ্ট্রের কোন হস্তক্ষেপই বাঞ্ছনীয়
নহে। এই শ্রেণীর দার্শনিকগণ ব্যক্তির অধিকার দ্বারা রাষ্ট্রের ক্ষমতাকে
সীমাবদ্ধ করিতে চান। এই মতবাদ অনুসারে ব্যক্তিরই শুধু অস্তিত্ব আছে,
রাষ্ট্রের কোন প্রকৃত অস্তিত্ব নাই। রাষ্ট্রকে শুধু রাষ্ট্রের অধিবাসী ব্যক্তিবর্গের
সমষ্টি হিসাবে গ্রহণ করা হইয়াছে। রাষ্ট্রের উদ্ভব সম্বন্ধে ব্যক্তি-স্বাতন্ত্র্য-
বাদিগণ এই ধারণা পোষণ করেন যে, স্বাধীন সত্তার অধিকারী মানুষ যখন
নিজের প্রয়োজন মিটাইবার তাগিদে একত্র অত্রাণ্ড মানুষের সহিত মিলিত
হয় তখনই সমাজ বা রাষ্ট্রের উদ্ভব হয়। অতএব রাষ্ট্র হইল রাষ্ট্রাঙ্গগত স্বাধীন
সত্তার অধিকারী ব্যক্তির সমষ্টি। রাষ্ট্র হইল ব্যক্তি-স্বার্থলাভের যন্ত্র-বিশেষ।

আবার কোন কোন ব্যক্তি-স্বাতন্ত্র্যবাদী রাষ্ট্রকে যন্ত্রের সহিত তুলনা
করিয়াছেন। ব্যক্তি তাহার প্রয়োজনবোধে রাষ্ট্রকে নিজের মঙ্গলসাধনে যন্ত্রের
রূপে ব্যবহার করে। রাষ্ট্রকে এই ব্যক্তির হাতের যন্ত্র হিসাবে যে মতবাদ
অভিহিত করে তাহাকে রাষ্ট্রের প্রকৃতি-বিষয়ক যান্ত্রিক মতবাদ (Mecha-
nistic Theory of the State) বলা হয়।

বস্তুতঃ, এই মতবাদ অনুসারে রাষ্ট্র হইল মানুষের সৃষ্ট কৃত্রিম প্রতিষ্ঠান, যাহাকে সে নিজের খুশিমতো নিজের প্রয়োজনবোধে কাজে লাগায়।

সমালোচনা : প্রথমতঃ, ইহা অনস্বীকার্য যে, প্রত্যেক ব্যক্তিরই স্বাধীন সত্তা আছে। প্রত্যেক ব্যক্তিরই স্বাতন্ত্র্য আছে। এই স্বাতন্ত্র্য তাহাকে অপরাপর ব্যক্তি হইতে পৃথক করিয়াছে। আবার প্রত্যেক ব্যক্তির স্বাতন্ত্র্যের অর্থ বিচিত্র। এই বৈচিত্র্যই সমাজ-জীবনের বৈশিষ্ট্য। এই বৈচিত্র্যকে স্বীকার করিয়া না লইলে সমাজ তাহার সকল সৌন্দর্য হারাইবে; কারণ বৈচিত্র্যের মধ্যেই সৌন্দর্যের বাস।

দ্বিতীয়তঃ, রাষ্ট্র-বিবর্তনের ইতিহাস পর্যালোচনা করিলে দেখা যাইবে যে, এই বিবর্তনের প্রতিপত্তরে মানুষের প্রচেষ্টা ও তাহার ইচ্ছাকৃত পরিবর্তনের চিহ্ন স্পষ্ট রহিয়াছে। অর্থাৎ মানুষের প্রয়োজনেই মানুষ রাষ্ট্রের সৃষ্টি করিয়াছে এবং মানুষের প্রয়োজনেই রাষ্ট্রের রূপ পরিবর্তিত হইয়াছে।

— তৃতীয়তঃ, আবার রাষ্ট্র যদি মানুষের কৃত্রিম সংগঠন হয়, তাহা হইলে রাষ্ট্র ব্যক্তির ইচ্ছাকে নিয়ন্ত্রণ করিতে পারে না এবং ব্যক্তির স্বাধীনতার উপর হস্তক্ষেপও করিতে পারে না। নিয়ন্ত্রণমুক্ত ব্যক্তি-স্বাধীনতার বিকাশে, মানুষের মধ্যে যে ইচ্ছা ও প্রতিভা সুপ্ত রহিয়াছে যাহা রাষ্ট্রের সহায়তা ছাড়া প্রকাশিত হইতে পারে না, সেই ইচ্ছা, সেই সুপ্ত অন্তর্নিহিত শক্তিকে উপলব্ধি করানোর কাজে সহায়তা করানোর জন্তই মানুষ রাষ্ট্র সৃষ্টি করিয়াছে। অতএব রাষ্ট্র ব্যক্তির সেই অন্তর্নিহিত শক্তিকে নিয়ন্ত্রণ না করিয়া বরং তাহার বিকাশে সহায়তা করিবে, ইহাই ব্যক্তি-স্বাতন্ত্র্যবাদিগণের দাবি। তাঁহাদের এই দাবি ত্রাণ্য ও যথার্থ।

আবার একদল লেখক ব্যক্তি-স্বাতন্ত্র্যবাদীদের এই সকল যুক্তির বিরুদ্ধে সমালোচনা করিয়াছেন। এই সকল সমালোচকদিগের সমালোচনা নিম্নে দেওয়া গেল :

প্রথমতঃ, ব্যক্তি-স্বাতন্ত্র্যবাদের অর্থ রাষ্ট্রের ক্ষমতাকে সংকুচিত করা। অতএব ব্যক্তি-স্বাতন্ত্র্যবাদকে যদি প্রয়োগ করিতে হয়, তাহা হইলে রাষ্ট্রকে কল্যাণমূলক নানাবিধ কার্য হইতে বিরত থাকিতে হয়। এই মতবাদ এই কথাই বলিতে চায় যে, রাষ্ট্র জানে না ব্যক্তির প্রয়োজন কি? আবার ব্যক্তির প্রয়োজন মিটাইতে রাষ্ট্র ব্যক্তি অপেক্ষা বেশী আগ্রহশীলও হইতে পারে না। অতএব ব্যক্তির হস্তেই তাহার মঙ্গলের সকল ভার অর্পণ করা বিধেয়। কিন্তু

ব্যক্তি-স্বাতন্ত্র্যবাদ প্রয়োগ করা হইলে সমাজে যাহারা দুর্বল ব্যক্তি, যাহাদের শক্তিশালী ব্যক্তির সহিত প্রতিযোগিতা করিবার ক্ষমতা নাই, তাহাদের স্বাধীনতা রক্ষিত হইবে না। একমাত্র রাষ্ট্রই দুর্বল ব্যক্তিকে বলবান ব্যক্তির কবল হইতে মুক্ত করিতে পারে। দুর্বল ও বলবানের মধ্যে স্বন্দ-মীমাংসার ভূমিকায় রাষ্ট্রের ভূমিকা অত্যন্ত গুরুত্বপূর্ণ। রাষ্ট্রই একমাত্র শ্রমিক-মালিক সম্বন্ধ, সমাজ-কল্যাণকর কার্যাবলী, হাসপাতাল, শিক্ষায়তন, সমাজ উন্নয়ন প্রভৃতি ক্ষেত্রে তাহার কার্য সম্প্রসারিত করিয়া মানুষের কল্যাণ করিতে পারে।

দ্বিতীয়তঃ, ব্যক্তি-স্বাতন্ত্র্যবাদিগণ রাষ্ট্র ও সমাজকে শুধু কৃত্রিম যন্ত্র হিসাবে গণ্য করেন। রাষ্ট্র মানুষের কৃত্রিম যন্ত্র মাত্র নহে। সমাজ ও রাষ্ট্রে চেতন ও মননশীল মানুষের সহ-অবস্থানের মধ্য দিয়া সংঘবদ্ধ একটি সম্ভা গড়িয়া উঠে। আবার সমাজে এক ব্যক্তি অপর ব্যক্তিকে প্রভাবান্বিতও করে। এই প্রভাবান্বিত করার মধ্য দিয়াই রাষ্ট্রিক মনের সৃষ্টি হয়। মানুষের মনোজগতে তাহার নিজেরই অলক্ষ্যে এই সৃষ্টি মানুষকে তাহার ব্যক্তি-স্বার্থের উদ্দেশ্য সামাজিক ও রাষ্ট্রিকভাবে চিন্তা করিতে সহায়তা করে। রুশোর মতে রাষ্ট্রের সামগ্রিক ইচ্ছাশক্তির মধ্যেই তাহার প্রাণবস্তুর সন্ধান পাওয়া যায়। উদাহরণস্বরূপ জাতীয়তাবাদের কথা ধরা যাইতে পারে। জাতীয়তাবোধ ব্যক্তি-স্বার্থকে অতিক্রম করিয়া সামগ্রিক স্বার্থের দিকে পরিচালিত করে। এই সমালোচকগণের মতে ব্যক্তির সম্ভা রাষ্ট্রের সামগ্রিক ইচ্ছাশক্তির মধ্যে যদি মূর্ত হইয়া উঠে তবে ব্যক্তির প্রকৃত স্বাধীনতার প্রকাশ হইবে। আবার রাষ্ট্র এমন একটি প্রতিষ্ঠান যাহার মাধ্যমে, যাহার সহায়তায় ব্যক্তির সম্ভা পরিণতি লাভ করিতে পারে। সুতরাং সমাজ ও রাষ্ট্রসম্ভাকে সম্পূর্ণ অস্বীকার করা চলে না।

তৃতীয়তঃ, ব্যক্তি-স্বাতন্ত্র্যবাদিগণ বিশ্বাস করেন যে, সমাজে প্রতিযোগিতা ও সংগ্রামের মধ্য দিয়াই প্রমাণিত হয় যে কাহার অস্তিত্ব বজায় থাকিবে। নিকৃষ্ট, দুর্বল ব্যক্তি বাঁচিয়া থাকিবার সংগ্রামে জয়ী না হইলে সে মৃত্যুবরণ করিতে বাধ্য হইবে আর বলবান ব্যক্তিই শুধু সমাজে বাঁচিয়া থাকিবে। কিন্তু এইভাবে উপযুক্ত ব্যক্তির বাঁচিয়া থাকিবার (Survival of the fittest) যে নীতি ব্যক্তি-স্বাতন্ত্র্যবাদিগণ প্রচার করেন, তাহা দোষমুক্ত নহে; কারণ এই প্রতিযোগিতা ও সংগ্রামের ফলে সমাজ এক সংগ্রামস্থলে পরিণত হইবে।

আবার ব্যক্তি-স্বাতন্ত্র্যবাদিগণ ব্যক্তিগত মালিকানায় সম্পত্তি রক্ষা করার

পক্ষপাতী। তাহাদের যুক্তি হইল ব্যক্তি-মালিকানায় সম্পত্তি যত বেশী দরদ ও যত্ন সহকারে রক্ষিত হইবে, রাষ্ট্র-মালিকানায় তত বেশী দরদ ও যত্ন সহকারে রক্ষিত হইতে পারে না। কার্যাবলীর ক্ষেত্রেও এই একই কথা খাটে। সর্বজনীন মালিকানায় কোন কাজ যত্ন সহকারে হইতে পারে না। এই মতবাদের বিরুদ্ধে যুক্তি হইল রাষ্ট্র-মালিকানায় রাষ্ট্রের মাধ্যমে প্রত্যেক ব্যক্তিই লাভবান হয় এবং সামাজিক জ্ঞানবৃদ্ধির সঙ্গে সঙ্গে রাষ্ট্র-মালিকানায় সকলের উন্নতি, সকলের কল্যাণ এবং সকলের স্বার্থ সমানভাবে রক্ষিত হয়, আর ব্যক্তিগত মালিকানায় শুধু ব্যক্তিবিশেষের উন্নতি হইতে পারে। এই দিক দিয়া বিচার করিলে ব্যক্তি-স্বাতন্ত্র্যবাদ অপেক্ষা সমষ্টিবাদ ও সমাজতন্ত্রবাদ অনেক পরিমাণে প্রগতিশীল মতবাদ।

চতুর্থতঃ, এই মতবাদ ব্যক্তি-স্বাধীনতাকেই বড় করিয়া দেখে। কিন্তু এক ব্যক্তির স্বাধীনতার অর্থ অত্যাচারের স্বাধীনতার অস্বীকৃতি। অর্থাৎ একজনের যাহাতে অধিকার অপর কেহ তাহার উপর হস্তক্ষেপ করিতে পারিবে না। কিন্তু সমষ্টিগত স্বাধীনতার জ্ঞান এক নিয়ন্ত্রণ-ব্যবস্থা চালু করিতে হয়। অত্যাচার কাহারও স্বাধীনতা স্বীকৃত হইবে না। রাষ্ট্রের মাধ্যমেই এই নিয়ন্ত্রণ-ব্যবস্থা চালু হইতে পারে।

উপসংহারে বলা যায় যে, পরস্পর-বিরোধী এই দুই মতের সংমিশ্রণেই সমাজ ও রাষ্ট্রের সত্যকার রূপ প্রকাশিত হয়। একদিকে যেমন রুশোর ভাষায় বলা যায়, রাষ্ট্রের সামগ্রিক ইচ্ছার মধ্যেই তাহার প্রাণবস্তুর সন্ধান পাওয়া যায়, আবার ব্যক্তির অন্তত্ব ও স্বাধিকার অনস্বীকার্য। ব্যক্তি-স্বাধীনতাকে রাষ্ট্রের যুগকাষ্ঠে বলি দিবার যে মতবাদ তাহাও গ্রহণযোগ্য নহে। আবার রাষ্ট্র যদি সামগ্রিক স্বার্থের নামে সমাজের অধিকারী শ্রেণীর স্বার্থকে বজায় রাখার জন্ত শোষিত মানুষকে নিষ্পেষিত করে, তাহা হইলে অনিয়ন্ত্রিত রাষ্ট্রকর্তৃত্বকেও সমর্থন করা যায় না। সুতরাং রাষ্ট্রের মৌলিক প্রকৃতি উপলব্ধি করিতে হইলে এই দুই মতের মধ্যপন্থা অবলম্বন করিতে হইবে।

(খ) জৈব মতবাদ (The Organic Theory or the organismic Theory of the State) : সামাজিক চুক্তি মতবাদ ও ব্যক্তি-স্বাতন্ত্র্যবাদ প্রভৃতি সে সমস্ত মতবাদ রাষ্ট্রের কৃত্রিমতা প্রমাণ করিতে প্রয়াস পাইয়াছে সেই সকল মতবাদগুলির অসারতা প্রমাণ করিবার জন্ত একদল লেখক জৈব মতবাদ প্রচার করেন।

মতবাদের বর্ণনা : এই মতবাদের দুইটি দিক আছে। প্রথমতঃ, (ক) সাদৃশ্যমূলক যুক্তির ভিত্তিতে দেখানো হয় যে, রাষ্ট্রের একটি নিজস্ব সত্তা আছে, ইহা একটি যন্ত্রবিশেষ নহে ; এবং (খ) রাষ্ট্রকে একটি প্রাণবন্ত সামাজিক জীব হিসাবেও কল্পনা করা হয়। সাদৃশ্যমূলক যুক্তির ভিত্তিতে দেখানো হইয়াছে যে, রাষ্ট্রের একটি নিজস্ব সত্তা আছে। ইহাকে যন্ত্র হিসাবে বর্ণনা করা যায় না। এই মতবাদ অনুসারে রাষ্ট্রকে একটি জীবদেহ বা উদ্ভিদ-দেহের সহিত তুলনা করিয়া উভয়ের মধ্যে প্রকৃতিগত ও গঠনগত সমতা প্রতিষ্ঠা করা হইয়াছে। জীবদেহের যেমন একটি সামগ্রিকতা আছে রাষ্ট্রেরও তেমনি একটি সামগ্রিকতা আছে।

দ্বিতীয়তঃ, এই মতবাদ প্রচার করা, জীবদেহের বিভিন্ন অংশের সাহিত জীবের যে সম্পর্ক, রাষ্ট্রাধীন বিভিন্ন ব্যক্তির সহিত রাষ্ট্রেরও সেই সম্পর্ক। জীবদেহের অংশগুলি যেমন পরস্পর পরস্পরের সহিত অচ্ছেদ্য বন্ধনে আবদ্ধ, রাষ্ট্রের বিভিন্ন অংশগুলিও তেমনি পরস্পর পরস্পরের সহিত অচ্ছেদ্য বন্ধনে আবদ্ধ। রাষ্ট্রের এই অংশগুলি হইল তাহার শাসন-পদ্ধতির বিভিন্ন বিভাগ।

তৃতীয়তঃ, জীবদেহের বিভিন্ন অংশ যেক্রপ পরস্পর পরস্পরের উপর এবং সমগ্র জীবদেহের উপর নির্ভরশীল, তাহাদের যেক্রপ কোন পৃথক অস্তিত্ব নাই, তেমনি রাষ্ট্রের অন্তর্গত বিভিন্ন ব্যক্তিও পরস্পর পরস্পরের উপর এবং রাষ্ট্রের উপর নির্ভরশীল। তাহাদেরও পৃথক সত্তা বলিয়া কিছু নাই। মানুষের হস্তপদাদি যেমন মনুষ্যদেহের অংশবিশেষ, তেমনি রাষ্ট্রের অন্তর্ভুক্ত ব্যক্তিবর্গ রাষ্ট্রদেহের অঙ্গীভূত। আবার গাছের সহিত তাহার শাখা-প্রশাখার যেমন যোগ রহিয়াছে, তেমনি রাষ্ট্রের সঙ্গে রাষ্ট্রের অন্তর্গত ব্যক্তিবর্গেরও যোগ রহিয়াছে। এই প্রসঙ্গে লিচক বলেন যে, মনুষ্যের হস্তের সঙ্গে তাহার শরীরের যেক্রপ সম্পর্ক অথবা বৃক্ষপত্রের সঙ্গে বৃক্ষের যেক্রপ সম্বন্ধ, মানুষের সঙ্গে সমাজের সেইক্রপ সম্পর্ক—(“... as is the relation of the hand to the body, or the leaf to the tree, so is the relation of man to society.”—Leacock)।

চতুর্থতঃ, আয়ুষ্কাল হয় যে জীবদেহের পরিবর্তন হয়। জীবদেহের জন্ম, বৃদ্ধি, ক্ষয় ও মৃত্যু আছে। এই মতবাদ অনুসারে রাষ্ট্রেরও পরিবর্তন হয় ; রাষ্ট্রেরও জন্ম, বৃদ্ধি, ক্ষয় ও মৃত্যু আছে।

পঞ্চমতঃ, এই মতবাদ অহুসায়ে বলা যায়, জীবদেহ কোষের যেমন সমবায়ে সৃষ্ট হয়, রাষ্ট্রও সেইরূপ বিভিন্ন ব্যক্তির সমবায়ে গঠিত হয়।

এইভাবে সাদৃশ্যমূলক আলোচনা হইতে দেখা যায় যে, ব্যক্তির কোন স্বতন্ত্র অস্তিত্ব নাই। সমাজ বা রাষ্ট্রেরই একটি সামগ্রিক সত্তা আছে। রাষ্ট্রের সামগ্রিক সত্তার অঙ্গীভূত হইল ব্যক্তি। রাষ্ট্রিক সত্তার মঙ্গলকল্পে রাষ্ট্র যে সকল ব্যবস্থা অবলম্বন করিবে তাহা ব্যক্তির পক্ষেও কল্যাণপ্রসূ হইবে। কারণ, সমগ্রের মধ্যেই অংশের মঙ্গল হইতে পারে। সমগ্রকে বাদ দিয়া অংশ কখনও তাহার সত্তাকে বজায় রাখিতে পারে না। অতএব এই মতবাদ অহুসায়ে ব্যক্তি-স্বাতন্ত্র্যবাদ ভ্রমাত্মক।

এইভাবে জৈব মতবাদ প্রমাণ করিতে চাহিয়াছে যে, ব্যক্তি বা ব্যক্তির পৃথক সত্তা নাই। ব্যক্তি বা ব্যক্তি সমাজ বা রাষ্ট্রদেহে বিলীন হইয়াছে। রাষ্ট্রের মধ্যেই ব্যক্তি মূর্ত হইয়া উঠিতে পারে। প্লেটো, এ্যারিস্টটল ও রুশো প্রমুখ দার্শনিকগণ জৈব মতবাদকেই এইভাবে ব্যাখ্যা করিয়াছেন।

(খ) আবার অনেক রাষ্ট্রবিজ্ঞানী রাষ্ট্র ও প্রাণীর মধ্যে তুলনাকে আরও এক স্তর উপরে উঠাইয়াছেন। তাঁহাদের মতে রাষ্ট্রের প্রকৃতি শুধু প্রাণিদেহের মতো নহে, রাষ্ট্র নিজেই একটি জীবন্ত প্রাণী (Living organism) অর্থাৎ,

রাষ্ট্র একটি প্রাণহীন যন্ত্র মাত্র নহে। ইহা সজীব প্রাণবন্ত।
রাষ্ট্র নিজেই একটি জীবন্ত প্রাণী
রাষ্ট্র ও জীবন্ত প্রাণীর কার্যকলাপ প্রভৃতি একই ধরনের।

অর্থাৎ রাষ্ট্রকে একটি সামাজিক জীব বলিয়া অভিহিত করা হইয়াছে এবং রাষ্ট্রিক কার্যকলাপ ও জৈবিক কার্যকলাপকে একজাতীয় বলিয়া ধরা হইয়াছে। ব্লুন্টস্‌লি প্রভৃতি দার্শনিকের হস্তে এই মতবাদ চরম রূপ ধারণ করে।

মতবাদের সংক্ষিপ্ত ইতিহাসঃ এই মতবাদ অতি প্রাচীন।
রাষ্ট্রনৈতিক চিন্তার সূত্রপাত হইতেই এই মতবাদের
মতবাদের সংক্ষিপ্ত ইতিহাস
সন্ধান পাওয়া যায়। গ্রাঙ্ক দার্শনিক প্লেটো ও এ্যারিস্টটল
রাষ্ট্রকে মানুষের সঙ্গে তুলনা করিয়াছেন।

রোমান দার্শনিক সিসেরো রাষ্ট্র ও প্রাণিদেহের সাদৃশ্য বর্ণনা করিয়াছেন।
শেপ্ট পল চার্চকে গ্রীষ্মের জীবন্ত দেহের সঙ্গে তুলনা করেন। মধ্যযুগে
সলস্‌বেরির জন (John of Salisbury) এবং মারসিগ্লিও প্রমুখ চিন্তাবীর

রাষ্ট্র ও জীবদেহের সাদৃশ্য বর্ণনা করেন। চুক্তিবাদী হব্‌স্ ও রুশোও এই মতবাদকে পরিস্ফুট করেন। হব্‌স্ 'লেভায়াথান' নামক এক দৈত্যাকৃতি মানুষের সঙ্গে রাষ্ট্রের তুলনা করিয়া বলিয়াছেন যে, মানুষের যেমন দুর্বলতা আছে রাষ্ট্রেরও তেমন দুর্বলতা আছে। মানুষের যেমন ঘা', ব্যথা ও প্রুরেসি প্রভৃতি হয় রাষ্ট্রেরও তদ্রূপ হইয়া থাকে। রুশো রাষ্ট্রের আইন প্রণয়ন-ক্ষমতাকে মানুষের হৃদয়ের সহিত এবং শাসন-ক্ষমতাকে (executive power) মানুষের মস্তিষ্কের সহিত তুলনা করিয়াছেন।

রাষ্ট্রবিজ্ঞানের ইতিহাসে দেখা যায় যে, এই মতবাদ রুশো পর্যন্ত শুধু বাহ্য সাদৃশ্যের উপরই নির্ভর করিয়াছেন। কিন্তু কোন বৈজ্ঞানিক মতবাদই বাহ্য সাদৃশ্যের উপর নির্ভর করিতে পারে না। এই কারণে রুশোর সময় পর্যন্ত এই মতবাদের কোন বৈজ্ঞানিক ভিত্তি প্রতিষ্ঠিত হয় নাই। ফলে মতবাদের জগতে মতবাদ হিসাবে ইহার বিশেষ স্থান হয় নাই।

বস্তুতঃ, ঊনবিংশ শতাব্দীর প্রারম্ভ হইতেই এই মতবাদ এক নূতন রূপ পরিগ্রহ করে। ইহার কারণস্বরূপ বলা যায় যে, পূর্ববর্তী লেখকগণ রাষ্ট্রের সহিত জীবদেহ বা উদ্ভিদ-দেহের সাদৃশ্যই শুধু বর্ণনা করিয়াছিলেন। কিন্তু

•
ঊনবিংশ শতাব্দীতে
সামাজিক চুক্তি
মতবাদের
প্রতিক্রিয়া হিসাবে
এই মতবাদ প্রবল
হইয়া উঠে।

পরবর্তী লেখকগণ রাষ্ট্রকে জীবদেহের অনুরূপ একটি দেহী বলিয়া রাষ্ট্র ও জীবদেহের অভিন্নতা সপ্রমাণ করিবার প্রয়াস পান। আবার চুক্তিবাদ যখন রাষ্ট্রকে চুক্তির দ্বারা সংগঠিত একটি কৃত্রিম সংগঠন বলিয়া ব্যাখ্যা করে।

তখন এই সামাজিক চুক্তি মতবাদের বিরুদ্ধে প্রতীবাদ-স্বরূপ এবং বিবর্তনবাদের মতো বৈজ্ঞানিক মতবাদের আবির্ভাবের পরে রাষ্ট্রকে ক্রমবিকশিত সংগঠন বলিয়া প্রমাণ করিবার জন্ত বিবর্তনবাদকে সমর্থন করিবার কালে অনেক রাষ্ট্রবিজ্ঞানী রাষ্ট্র ও প্রাণিদেহের মধ্যে সাদৃশ্য বর্ণনা করিলেন এবং রাষ্ট্রকে একটি জীবন্ত প্রাণী হিসাবে বর্ণনা করিলেন। তাই এই মতবাদের নূতন রূপের পরিপ্রেক্ষিতে অনেক রাষ্ট্রবিজ্ঞানী বলেন যে, জৈব মতবাদের উদ্ভব প্রকৃতপক্ষে ঊনবিংশ শতাব্দীর প্রারম্ভেই হয়।

জৈব মতবাদকে বিশেষভাবে পরিস্ফুট করেন জার্মান দার্শনিক হুন্টস্‌লি এবং ইংরেজ দার্শনিক হার্বার্ট স্পেনসার। হুন্টস্‌লির মতে রাষ্ট্র মানবের

প্রতিমূর্তি। তিনি রাষ্ট্রে ব্যক্তিত্ব আরোপ করিয়া রাষ্ট্রকে পুরুষ এবং চার্চকে প্রকৃতিরূপে বর্ণনা করিয়াছেন। পোলিস দার্শনিক গামপ্রাউইট্‌স্ ১৮৯২ খ্রীষ্টাব্দে প্রকাশিত তাঁহার Sociological Idea of the State গ্রন্থে এই উক্তি করেন যে, রাষ্ট্র একটি জীবন্ত সামাজিক প্রাণী। রাষ্ট্রের জীবনসত্তা অনস্বীকার্য।

ইংরেজ দার্শনিক হার্বার্ট স্পেনসার (Herbert Spencer) এবং অষ্ট্রীয় সমাজবিজ্ঞানী এ্যালবার্ট শাফল্ জৈব মতবাদের সমর্থক বটে, কিন্তু তাঁহার। ব্লুন্টস্লির মতো রাষ্ট্রকে একটি জীবন্ত সামাজিক প্রাণী বলিয়া অভিহিত করেন নাই। অবশ্য, ইহা অনস্বীকার্য যে, হার্বার্ট স্পেনসার জৈব মতবাদের বিজ্ঞানসম্মত ব্যাখ্যা দান করেন। স্পেনসার সমগ্র জগৎ সম্বন্ধেই এক বিবর্তনমূলক ধারণা প্রচার করেন। তিনি এই মত পোষণ করিতেন যে, জীবদেহ এবং সমাজদেহ উভয়ই ক্ষুদ্র জীবগণ হইতে জীবন সুরু করিয়াছে।

হার্বার্ট স্পেনসারের মতবাদ
তারপর একই পদ্ধতি অনুসরণ করিয়া উভয়ই বিবর্তিত হয়। কিন্তু ক্রমাগত বিবর্তনের ফলে তাহাদের গঠন জটিলতর হয়। এই অবস্থায় তাহাদের মধ্যে সাদৃশ্যের জটিলতা আসে, কিন্তু সাদৃশ্য বাহির করা কঠিন হয় না। আবার বিবর্তনের সকল স্তরেই লক্ষ্য করা যায় যে, জীবদেহের ও সমাজদেহের অংশগুলি পরস্পর পরস্পরের উপর নির্ভরশীল। “হস্ত যেমন বাহ্যের উপর নির্ভরশীল, আবার বাহ্য যেমন শরীর ও মস্তিষ্কের উপর নির্ভরশীল, তেমনি সমাজদেহের বিভিন্ন অংশও পরস্পর পরস্পরের উপর নির্ভরশীল” (“Just as the hand depends on the arm and the arm upon the body and the head, so do the parts of the social organism depends on each other”)। স্পেনসার আরও বলেন যে, সরকার বিভিন্ন ব্যক্তির কার্যাবলীকে নিয়ন্ত্রণ করে বলিয়া ইহা প্রাণীর নিয়মিতকরণ পদ্ধতির অমুরূপ। এইভাবে স্পেনসার সমাজ ও প্রাণীর মধ্যে গঠনগত সাদৃশ্য বর্ণনা করিয়াছেন।

স্পেনসার একদিকে যেমন রাষ্ট্র ও প্রাণীর মধ্যে সাদৃশ্য বর্ণনা করিয়াছেন, তেমনি আবার রাষ্ট্র ও প্রাণীর মধ্যে যে সকল বৈসাদৃশ্য রহিয়াছে, তাহাও বর্ণনা করিয়াছেন। তিনি এই ধারণা পোষণ করেন যে, জীবদেহের অংশগুলি সমগ্র দেহের সহিত ও পরস্পরের মধ্যে অঙ্গাঙ্গী সম্বন্ধে আবদ্ধ; কিন্তু, রাষ্ট্রদেহের অংশসমূহ ঠিক তেমনি অঙ্গাঙ্গী সম্বন্ধে আবদ্ধ নহে। ব্যক্তির

একটি স্বাধীন সত্তা আছে। জীবদেহে যেমন চেতনা, সুখদুঃখ অমুভূতির ক্ষমতা কেন্দ্রীভূত, রাষ্ট্রদেহে তেমনটি নয়। শুধুমাত্র চেতনশীল ব্যক্তিমাত্রই

সুখদুঃখ অমুভব করিতে সক্ষম। এখানে উল্লেখযোগ্য স্পেনসার সমাজ ও প্রাণীর মধ্যে বৈসাদৃশ্যও বর্ণনা করেন

যে, ব্যক্তি-স্বাতন্ত্র্যবাদী স্পেনসারের মতে বিবর্তনের প্রারম্ভ হইতে বর্তমানকাল পর্যন্ত জীবদেহ ও সমাজ-দেহের মধ্যে বৈশিষ্ট্যের সমতার সন্ধান পাওয়া যায়।

তিনি ব্যক্তির স্বাধীন চেতনশীল সত্তাকে রাষ্ট্র-ব্যবস্থায় স্বীকৃতি দেওয়ার সমর্থনেও মত প্রকাশ করিয়াছেন। এইভাবে তিনি ব্যক্তি-স্বাতন্ত্র্যবাদ ও জৈব মতবাদের মধ্যে একটি সামঞ্জস্য রচনা করিয়াছেন। কিন্তু, ব্যক্তি-স্বাতন্ত্র্যবাদ যে জৈব মতবাদকে অস্বীকার করে তাহা স্পেনসারের দৃষ্টিতে ধরা পড়ে নাই।

সমালোচনা : প্রথমতঃ, স্পেনসারের মতে মানবদেহের গঠন দৃঢ়-সংবদ্ধ, কিন্তু রাষ্ট্রাঙ্গগত বিভিন্ন ব্যক্তি ও প্রতিষ্ঠান পরস্পরের সহিত দৃঢ়ভাবে সংযুক্ত নহে। তাহারা খুবই অসংলগ্ন। অতএব এই মতবাদ-যে সাদৃশ্যের উপর ভিত্তি স্থাপন করিয়াছে, তাহা অপ্রাস্ত্য নহে।

দ্বিতীয়তঃ, মানবদেহের একটি ক্ষুদ্র অংশে ইহার সমগ্র চেতনা গুঞ্জীভূত থাকে। কিন্তু রাষ্ট্রনৈতিক চেতনা রাষ্ট্রের অন্তর্ভুক্ত কোন ব্যক্তিনিশেষ বা প্রতিষ্ঠান-বিশেষকে কেন্দ্র করিয়া উদ্ভূত হয় না। এই মতবাদ রাষ্ট্র ও জীবদেহের একটি তুলনামাত্র। ইহা কখনই সত্য বলিয়া গৃহীত হইতে পারে না। রাষ্ট্র ও জীবদেহের মধ্যে বহু বৈসাদৃশ্য লক্ষ্য করা যায় ; যথা,— (ক) জীবদেহ হইতে যদি কোন কোন বিচ্ছিন্ন হয়, তবে ইহার কোন স্বতন্ত্র অস্তিত্ব থাকে না। কিন্তু, রাষ্ট্র হইতে যদি কোন ব্যক্তি সম্পর্ক ছিন্ন করিয়া অপর রাষ্ট্রে চলিয়া যায়, তাহাতে সেই ব্যক্তির স্বতন্ত্র অস্তিত্ব নষ্ট হয় না।

তৃতীয়তঃ, জীবদেহের কোন কোষের নিজস্ব কোন অস্তিত্ব নাই বা ইচ্ছা নাই। সমগ্র দেহকে কেন্দ্র করিয়াই তাহার অস্তিত্ব। কিন্তু রাষ্ট্রাঙ্গগত কোন ব্যক্তিবিশেষের স্বতন্ত্র অস্তিত্ব বা স্বতন্ত্র ইচ্ছা থাকিতে পারে।

চতুর্থতঃ, জীবদেহের চেতনা মস্তিষ্কে কেন্দ্রীভূত, আর রাষ্ট্রের চেতনা সরকারের মধ্যে কেন্দ্রীভূত নহে। রাষ্ট্রের চেতনা বিভিন্ন ব্যক্তি এবং প্রতিষ্ঠানের মধ্যে বিক্ষিপ্ত আছে।

পঞ্চমতঃ, জীবদেহের জন্ম, বৃদ্ধি ও মৃত্যু অবশ্যজ্ঞাবী, কিন্তু রাষ্ট্রের জন্ম ও বৃদ্ধি আছে ; কিন্তু, ইহার মৃত্যু অবশ্যজ্ঞাবী নয় ।

ষষ্ঠতঃ, জীবদেহে অনবরত মস্তিষ্কের পরিবর্তন হয় না ; কিন্তু, রাষ্ট্রের মধ্যে সরকারের অনবরত পরিবর্তন হয় ।

সপ্তমতঃ, এক জীবদেহে হইতে অল্প জীবদেহে জন্মলাভ করে, কিন্তু রাষ্ট্রের ক্ষেত্রে তাহা নাও হইতে পারে । সম্পূর্ণ নূতন রাষ্ট্রের উদ্ভব অসম্ভব নয় ।

অষ্টমতঃ, ডাঃ লিকক্ বলেন যে, “অতিরিক্ত ভাবে ব্যক্তি ও রাষ্ট্রের একীভূতকরণ যেমন ভয়াবহ মতবাদ তেমনি অতিরিক্ত ব্যক্তি-স্বাধীনতাও বিপজ্জনক মতবাদ” (“To great amalgamation of the individual and the State is as dangerous an ideal as too great emancipation of the individual will”) । লিককের মতে জৈব মতবাদ বিবর্তনবাদকে সমর্থন করিয়া রাষ্ট্রনীতির কোন গুরুত্বপূর্ণ ব্যাখ্যা প্রদান করে নাই ।

নবমতঃ, জৈব মতবাদ রাষ্ট্রের কর্মক্ষেত্র সম্বন্ধেও কোন পূর্ণ ব্যাখ্যা প্রদান করে নাই । বিভিন্ন রাষ্ট্রবিজ্ঞানী রাষ্ট্রের কর্মক্ষেত্র সম্বন্ধে বিভিন্ন মতবাদের সমর্থনে জৈব মতবাদকে ব্যবহার করেন এবং রাষ্ট্রের কর্মক্ষেত্র সম্বন্ধে বিভিন্ন ধরনের নির্দেশ দিয়াছেন । হার্বার্ট স্পেনসার এই মতবাদকে তাঁহার ব্যক্তি-স্বাতন্ত্র্যবাদের সমর্থনে ব্যবহার করেন । তাঁহার মতে রাষ্ট্রের কার্যাবলী শুধু শান্তিরক্ষার কার্যের মধ্যেই সীমাবদ্ধ থাকা উচিত । আবার ব্লুটস্লি রাষ্ট্রের কর্মক্ষেত্রকে সীমিত করার বিরোধী । ব্লুটস্লির এই মতবাদ হইতে রাষ্ট্রের সর্বাঙ্গিক ও সর্বময়তার নীতির উদ্ভব হয় । ইহার ফলে আদর্শবাদ এমন কি সমাজতন্ত্রবাদেরও উদ্ভব হয় ।

দশমতঃ, পরিশেষে বলা যায়, জৈব মতবাদ যদি স্বীকার করিয়া লওয়া হয়, তাহা হইলে ব্যক্তি বা নাগরিক কেবলমাত্র রাষ্ট্রের অংশে পরিণত হয় এবং সর্বপ্রকার স্বাধীনতা হারাইয়া ফেলে । এককথায় বলা যায় জৈব মতবাদ ব্যক্তি-স্বাধীনতার পরিপন্থী । কিন্তু ব্যক্তি-স্বাধীনতা ছাড়া মানবসমাজের প্রকৃত উন্নতি সম্ভবপর নয় ।

উপরিউক্ত ত্রুটির জন্য অধ্যাপক গেটেল বলেন, “যদিও রাষ্ট্র-জীবন ও ব্যক্তি-জীবনের মধ্যে কিছু সাদৃশ্য লক্ষ্য করা যায়, তথাপি জৈব মতবাদ রাষ্ট্রের প্রকৃতির কোন সন্তোষজনক ব্যাখ্যা বা রাষ্ট্রের কর্মক্ষেত্র সম্বন্ধে কোন নির্ভরযোগ্য নির্দেশ দিতে পারে না” (“The organismic theory is

neither a satisfactory explanation of the nature of the State nor a trustworthy guide to State activity")। অধ্যাপক হবহাউসের মতে রাষ্ট্রকে প্রাণী বলিয়া কল্পনা করা নিরর্থক।

মূল্যায়ন : এই মতবাদের যথেষ্ট ত্রুটি থাকা সত্ত্বেও ইহা অস্বীকার করা চলে না যে, এই মতবাদের যথেষ্ট ঐতিহাসিক মূল্য আছে। প্রথমতঃ, এই মতবাদের তত্ত্বগত মূল্য হইল, ইহা রাষ্ট্রাঙ্গগত বিভিন্ন ব্যক্তির পরস্পর-নির্ভরশীলতা প্রমাণ করিতে চেষ্টা করে এবং এই উদ্দেশ্যে রাষ্ট্রের মূলগত ঐক্যের উপর বিশেষ গুরুত্ব আরোপ করে।

দ্বিতীয়তঃ, সমাজ ও ব্যক্তির মধ্যে অঙ্গাঙ্গী সম্বন্ধের নির্দেশই জৈব মতবাদের শ্রেষ্ঠ অবদান। প্রাচীন গ্রীসে নাগরিকেরা যখন ব্যক্তিগত স্বার্থ-সর্বস্ব হইয়া উঠিয়াছিলেন তখন তাঁহাদিগকে সমাজপ্রীতি শিক্ষা দেওয়ার জন্ত প্লেটো ও এ্যারিস্টটল এই মতবাদ প্রচার করেন। জৈব মতবাদ সমগ্রতার দাবি করে। ব্যক্তি-স্বাতন্ত্র্যবাদের বিরুদ্ধে ইহা এক চরম প্রতিবাদ।

তৃতীয়তঃ, অষ্টাদশ শতাব্দীতে রাষ্ট্রকে কৃত্রিম প্রতিষ্ঠান হিসাবে জ্ঞাতিহিত করা হয়। জৈব মত প্রচার করিতে আরু করে যে, রাষ্ট্র কোন কৃত্রিম প্রতিষ্ঠান নয় ; রাষ্ট্র ইতিহাসের বিবর্তনের ফলে সৃষ্ট।

উপসংহারে, অধ্যাপক গার্গারের ভাষায় বলা যায়, যদি এই মতবাদের প্রতিপাদ্য বিষয় হয় যে, সমাজবদ্ধ মানুষ ব্যক্তিগতভাবে সমগ্র সমাজের উপর নির্ভরশীল এবং বিপরীতক্রমে সমাজও ইহার অংশস্বরূপ ব্যক্তিবর্গের উপর নির্ভরশীল তবে এই মতবাদের বিরুদ্ধে কোন যুক্তি দাঁড় করানো যায় না।

কিন্তু, এই মতবাদ জীবদেহের সঙ্গে রাষ্ট্রের সাদৃশ্য বর্ণনার গার্গার, জেলিনেক, উপর বড় বেশী জোর দিয়াছে। অবশ্য, এই সাদৃশ্য হেগেল প্রমুখ বর্ণনা যদি সকল দিক হইতেই করা হইত তবে চিন্তাবীরদের মতামত বলিবার কিছু ছিল না। কিন্তু এই মতবাদ সাদৃশ্যকে

সকল দিক হইতে ধরে নাই ; ধরিয়াছে শুধু উপরিতলগত ভাবে। এই কারণে জেলিনেক প্রমুখ রাষ্ট্রবিজ্ঞানী এই মতবাদটিকে সম্পূর্ণভাবে পরিত্যাগ করিতে চান। কোকারের ভাষায় বলা যায়, প্রকৃতপক্ষে বর্তমানে হেগেলীয় দর্শন ছাড়া এই মতবাদের অস্তিত্বের সন্ধান খুব কমই পাওয়া যায়। হেগেলীয় দর্শনে দেখা যায় যে, রাষ্ট্রের অস্তিত্ব তাহার নিজের জন্তই। রাষ্ট্রের বিবর্তন

তাহার নিজের দ্বারাই নির্ধারিত হয়। ইহার অংশগুলি পরস্পর-নির্ভরশীল এবং অবিচ্ছেদ্যভাবে জড়িত।

(গ) রাষ্ট্রের ভাববাদী বা আদর্শবাদী ব্যাখ্যা (Idealist Theory of the State) : রাষ্ট্রবিজ্ঞানিগণ এই মতবাদটিকে বিভিন্ন নামে অভিহিত করিয়াছেন। এই মতবাদটিকে চরম মতবাদ (Absolute Theory of the State) ; আধ্যাত্মিক মতবাদ (Metaphysical Theory of the State) ; অলৌকিক মতবাদ (Mystical Theory of the State) এবং ভাববাদী মতবাদ (Idealist Theory of the State) প্রভৃতি নামে

আখ্যায়িত করা হয়। এই সকল নামের মধ্যে রাষ্ট্রের মতবাদের নামকরণ

ভাববাদী বা আদর্শবাদী ব্যাখ্যা নামটিই বিশেষ পরিচিত। রাষ্ট্রবিজ্ঞানীদের মধ্যে কেহ কেহ মনে করেন জার্মান দার্শনিক হেগেলের (Hegel) আদর্শবাদ (Idealism) হইতেই রাষ্ট্রের আদর্শবাদ বা ভাববাদী ব্যাখ্যা নামকরণটির উৎপত্তি হইয়াছে।

আদর্শবাদের বর্ণনা : এই মতবাদ অনুসারে বাস্তবসমূহ ভাবমাত্র এবং ভাবেরই শুধু অস্তিত্ব আছে। যে সকল বাস্তবসমূহ দর্শন ইন্দ্রিয়ের সাহায্যে দৃষ্টিগোচরে আনয়ন করা যায়, তাহা ভাবের প্রকাশ ছাড়া আর কিছু নয়। ভাববাদী দার্শনিকদিগের মতে রাষ্ট্রও একটি ভাব (Idea) ; ইহা একটি অবাস্তব কল্পনা ছাড়া আর কিছু নয়। এই মতবাদের বর্ণনা

মতবাদের সমর্থকগণ বলেন যে, রাষ্ট্র মহাম্যসমাজের সর্বোচ্চ নৈতিক আদর্শের মূর্ত প্রতীক। অতএব রাষ্ট্রের আদেশ সর্বদা পালনীয়। রাষ্ট্রের আদেশই চরম ও চূড়ান্ত। হেগেলের মতে রাষ্ট্র হইল “বিশ্বে ঈশ্বরের পদক্ষেপ” (March of God on Earth)। সুতরাং রাষ্ট্রের আদেশ একদিকে যেমন অলঙ্ঘনীয় তেমনি আবার ইহা নির্ভুল ও সত্যের উপর প্রতিষ্ঠিত। আবার রাষ্ট্রের ক্ষমতা অসীম ; কারণ, ইহা ঈশ্বরের ইচ্ছানুযায়ী ক্ষমতার বিকল্প মাত্র। সুতরাং রাষ্ট্রের আদেশ লঙ্ঘন করার অর্থ ঈশ্বরের প্রতি অনাস্থা জ্ঞাপন করা এবং ঈশ্বরের আদেশ অমান্য করা। রাষ্ট্রের উৎপত্তি সম্বন্ধে ঐশ্বরিক মতবাদের সহিত রাষ্ট্রের প্রকৃতি সম্বন্ধে ভাববাদী মতবাদের যে অনেক মিল আছে, তাহা এখানে লক্ষ্য করা যায়।

উপরোক্ত আদর্শবাদকে বিশ্লেষণ করিলে আদর্শবাদের যে সকল বৈশিষ্ট্যের সন্ধান পাওয়া যায় তাহা নিম্নে দেওয়া গেল :

(১) রাষ্ট্র একটি স্বয়ংসম্পূর্ণ সর্বোচ্চ প্রতিষ্ঠান। সমাজে সংগঠনগুলির মধ্যে রাষ্ট্রই সর্বশ্রেষ্ঠ। ইহা সমাজ-বিবর্তনের সর্বশেষ স্তরে জন্মলাভ করিয়াছে। সুতরাং রাষ্ট্ররূপ স্তরের উপর আর কোন স্তর থাকিতে পারে না।

(২) সমাজ-বিবর্তনের সর্বশেষ ও শ্রেষ্ঠতম স্তর বলিয়া রাষ্ট্র আন্তর্জাতিক আইনের অধীনে নহে, অর্থাৎ রাষ্ট্রের উপর কোন আন্তর্জাতিক প্রতিষ্ঠান কর্তৃত্ব করিতে পারে না।

(৩) রাষ্ট্রদেহ জীবদেহের স্থায় চেতন, প্রত্যক্ষ ও মননশীল। মানুষের মতোই রাষ্ট্রের একটি ইচ্ছাশক্তি আছে। এই ইচ্ছাশক্তিকে হেগেল যুক্তি-মূলক ইচ্ছা (Rational will), আর রুশো সামগ্রিক ইচ্ছা (General Will) নামে অভিহিত করিয়াছেন। হেগেলের মতে রাজতন্ত্রের মাধ্যমেই এই ইচ্ছা প্রকাশ পায়। রুশো ও হেগেল এই ইচ্ছাশক্তিকে রাষ্ট্রের সার্বভৌমিকতার অধিকারী হিসাবে গ্রহণ করিয়াছেন।

(৪) এই মতবাদে ব্যক্তিকে রাষ্ট্রের অংশমাত্র কল্পনা করা হইয়াছে। ফলে ব্যক্তির কোন স্বতন্ত্র অস্তিত্ব থাকিতে পারে না। এই ধারণার বশবর্তী হইয়া হেগেল রাষ্ট্রের যুগকাঠে ব্যক্তি-স্বাধীনতাকে বিসর্জন দিয়াছেন। কিন্তু গ্রীণ প্রমুখ ভাববাদী ব্যক্তির জীবনের মৌলিক অধিকারকে স্বীকার করিয়া ব্যক্তির যে একটি স্বতন্ত্র অস্তিত্ব আছে, তাহা স্বীকার করিয়াছেন।

(৫) রাষ্ট্রকে হেগেল স্বাধীনতার প্রতীক (actualisation of freedom) বলিয়া অভিহিত করিয়াছেন। তিনি স্বীকার করিয়াছেন যে, মানুষ স্বাধীনতা চায়। কিন্তু এই স্বাধীনতা বুদ্ধির উপর নির্ভরশীল। অতএব মানুষ যদি বুদ্ধি ও যুক্তির নির্দেশে কাজ করে তবেই সে স্বাধীন হইতে পারিবে; অন্যথায় নহে। আবার একক প্রজ্ঞার উপর নির্ভরশীল হইলে ব্যক্তি শুধু নিজ ক্ষুদ্র স্বার্থের কথাই চিন্তা করিবে। অতএব ক্ষুদ্র স্বার্থের গণ্ডীকে অতিক্রম করিয়া তাহাকে নৈর্ব্যক্তিক বুদ্ধির উপর নির্ভরশীল হইতে হইবে। রাষ্ট্র হইল এই নৈর্ব্যক্তিক প্রজ্ঞার অধিকারী। রাষ্ট্রের এই সামগ্রিক প্রজ্ঞা ব্যক্তির ক্ষুদ্র স্বার্থের উল্লেখ উঠিয়া প্রকৃত স্বাধীনতার পথ প্রশস্ত করিতে পারে। সম্ভবতঃ এইজন্তই হেগেল রাষ্ট্রকে স্বাধীনতার মূর্ত প্রকাশ হিসাবে গণ্য করিয়াছেন।

(৬) আদর্শবাদিগণের মতে নৈতিক আদর্শের প্রকাশ হয় রাষ্ট্রের আদর্শের মধ্যে। সুতরাং রাষ্ট্র সামাজিক নীতির উল্লেখ। ভাববাদীদিগের মতে ব্যক্তি

যুদ্ধের সময় আপন স্বার্থ বিসর্জন দিয়া, সামগ্রিক স্বার্থের জন্ত প্রাণ বিসর্জনের মধ্য দিয়া নৈতিক উন্নতি সাধন করিতে পারে।।

আদর্শবাদের সংক্ষিপ্ত ইতিহাস : জোডের (C. E. M. Joad) মতামতসারে প্রাচীন গ্রীক দার্শনিকদের, বিশেষ করিয়া প্লেটো এবং এ্যারিস্টটলের ধারণার মধ্যেই আদর্শবাদের সন্ধান পাওয়া যায়। প্লেটো তাঁহার বিখ্যাত রিপাবলিক (Republic) গ্রন্থে এই মতবাদের ভিত্তিতে এক স্বয়ংসম্পূর্ণ আদর্শ রাষ্ট্রের পরিকল্পনা রচনা করেন। প্লেটোর এই আদর্শ রাষ্ট্র ছিল শ্রায়পরায়াণতার উপর প্রতিষ্ঠিত। এই আদর্শ রাষ্ট্রের নাগরিক

যাহাতে তাহার জীবনকে সর্বাপেক্ষা সুন্দর করিয়া পূর্ণ গ্রীক দার্শনিকদিগের দৃষ্টিতে রাষ্ট্র পরিণতির দিকে চালিত করিতে পারে তাহার জন্তই প্লেটো

এই পরিকল্পনা রচনা করেন। প্লেটোর পর এ্যারিস্টটল প্লেটোর মতবাদকে সম্পূর্ণরূপে সমর্থন না করিলেও রাষ্ট্রের এই আদর্শ পরিণতির সমর্থক ছিলেন। কিন্তু এ্যারিস্টটলের আদর্শ রাষ্ট্র প্লেটোর আদর্শ রাষ্ট্রের শ্রায় সম্পূর্ণ অবাস্তব নয়। এই দুই দার্শনিক সমাজ ও রাষ্ট্রের মধ্যে কোন পার্থক্যের নির্দেশ করেন নাই এবং মানুষকে সামাজিক ও রাষ্ট্রিক জীব হিসাবে বর্ণনা করিয়াছেন। এ্যারিস্টটলের মতে রাষ্ট্র (good life) হইল পরিপূর্ণ জীবনের প্রতীক। আর প্লেটো বলেন রাষ্ট্র (Perfect Morality) হইল সর্বোচ্চ নীতির পূর্ণ প্রকাশ। এই মতবাদের ভিত্তিতেই প্লেটো রাষ্ট্র ও মানুষের প্রকৃত সম্বন্ধে আলোচনা করিয়াছিলেন।

আদর্শবাদের জন্মের সন্ধান গ্রীক রাষ্ট্রদর্শনে পাওয়া গেলেও ইহা জার্মান দার্শনিকগণের হস্তে, বিশেষ করিয়া কান্ট (Immanuel Kant), হেগেল (Hegel), ট্রিট্‌স্কে (Treitschke) ও ফিচে (Fichte) প্রভৃতির হস্তে পূর্ণ পরিণতি লাভ করে। রাষ্ট্রবিজ্ঞানীদের মধ্যে কেহ কেহ এই মত পোষণ করেন যে, কান্টই আদর্শবাদের জনক। রাষ্ট্রকে সর্বাঙ্গিক এবং রাষ্ট্রীয় কর্তৃত্বকে ঐশ্বরিক অবদান বলিয়া কল্পনা করিয়াছেন কান্ট। কান্টের মতে রাষ্ট্রের প্রতি আহুগত্য স্বীকার করা নাগরিকের অত্যন্তম পবিত্র কর্তব্য।

কান্টের পর জার্মান দার্শনিক হেগেলের হস্তে এই মতবাদ এক অভিনব রূপ ধারণ করে। হেগেল রাষ্ট্রে দেবত্ব আরোপ করেন। রাষ্ট্রকে হেগেল অতিমানবীয় প্রতিষ্ঠান হিসাবে বর্ণনা করিয়াছেন। তাঁহার মতে সকল ব্যক্তিত্বের উর্ধ্বে একটি নির্দিষ্ট ব্যক্তিত্ব আছে! হেগেলের ভাষায় রাষ্ট্র হইল,

“অন্ততম আত্মসচেতন নৈতিক বস্তু এবং আত্ম-সচেতন ও আত্মোপলব্ধিকারী ব্যক্তি” (“a self-conscious ethical substance and a self-knowing and self-actualising individual”)। আবার রাষ্ট্রের উপর দেবত্ব আরোপ করিয়া তিনি বলেন : রাষ্ট্র পৃথিবীতে মঙ্গলময় ঈশ্বরের জয়যাত্রার অন্ততম প্রকাশ। (The State is the March of God on Earth)।

মানুষের প্রকৃত স্বাধীনতা সম্বন্ধে হেগেলের ধারণা হইল সমাজবদ্ধ মানুষ সমাজে বাস করিয়া যে স্বাধীনতা ভোগ করে, তাহাই প্রকৃত স্বাধীনতা। আবার রাষ্ট্রাধীনে বাস করিয়া মানুষ রাষ্ট্রের সহায়তা ছাড়া, রাষ্ট্রের ইচ্ছার বিরুদ্ধে এই স্বাধীনতা ভোগ করিতে পারে না ; আবার স্বাধীনতা সম্বন্ধে হেগেলের মতবাদ রাষ্ট্রের ইচ্ছা হইল রাষ্ট্রাধীন সকল ব্যক্তির প্রকৃত ইচ্ছার সমন্বয়। এই ধরনের রাষ্ট্রের ইচ্ছাকে কেহ কেহ সাধারণ ইচ্ছার (General Will) সমতুল্য বলিয়া মনে করেন। রাষ্ট্রের কার্যাবলীর মধ্যেই এই সাধারণ ইচ্ছা মূর্ত হইয়া উঠে। আবার সাধারণ ইচ্ছা যেহেতু সকল ব্যক্তির ইচ্ছার সমন্বয় সেইজন্য ইহার প্রকাশ যে সকল কার্যাবলীর মধ্যে হইয়া থাকে তাহা সমালোচনার উপেক্ষ। সুতরাং যদি কখনও ব্যক্তির ইচ্ছার সহিত সাধারণ সংঘর্ষ বাধে, তখন ব্যক্তির ইচ্ছাকে সাধারণের ইচ্ছার নিকট সর্পিণ করিতে হয়। অর্থাৎ রাষ্ট্রের ইচ্ছার মধ্যে যে সাধারণের ইচ্ছা ব্যক্ত হয় এবং রাষ্ট্রের কার্যাবলীর মধ্যে যে সাধারণের ইচ্ছা রূপায়িত হয় তাহার কাছে ব্যক্তির ইচ্ছা বশতা স্বীকার করিবে। এককথায় বলা যায়, রাষ্ট্রের যুগান্তে ব্যক্তির ইচ্ছাকে বলি দেওয়াই এই মতবাদের প্রতিপাদ্য বিষয়।

হেগেলের এই মতবাদ পরবর্তীকালে ট্রিটস্কে (Treitschke) প্রমুখ দার্শনিকের হস্তে যুদ্ধবাদে (Militarism) ও সাম্রাজ্যবাদে (Imperialism) পরিণত হয়। ট্রিটস্কে রাষ্ট্রকে শক্তির প্রতীক হিসাবে কল্পনা করেন এবং তাঁহার মতে প্রতিটি মানুষের উচিত এই শক্তির প্রতীককে ট্রিটস্কে মতবাদ পূজা করা। ট্রিটস্কে ক্ষুদ্র রাষ্ট্রকে পাপের প্রতীক বলিয়া মনে করিতেন এবং তিনি এই মত পোষণ করিতেন যে, যুদ্ধ করিয়া বৃহৎ রাষ্ট্রকে ক্ষুদ্র রাষ্ট্রগুলি গ্রাস করিতে হইবে। ট্রিটস্কে এই মতবাদকে সমালোচনা করিয়া কেহ কেহ এই মন্তব্য করেন যে, ট্রিটস্কে ও তাঁহার সমর্থকগণের যুদ্ধবাদী নীতির প্রচারের ফলেই প্রথম বিশ্বযুদ্ধ সংঘটিত হয়।

এইভাবে জার্মান দার্শনিকগণ রাষ্ট্রকে সমগ্র সম্ভার অধিকারী করিয়া বর্ণনা করেন। একমাত্র রাষ্ট্রের অস্তিত্বকেই তাঁহারা স্বীকার করেন।

অষ্টাদশ শতাব্দীতে ফরাসী দার্শনিক রুশো (Rousseau) রাষ্ট্রকে (common good) জনসাধারণের সর্বস্বার্থী কল্যাণের প্রতীক হিসাবে বর্ণনা করিয়াছিলেন। তাঁহার মতে রাষ্ট্রাঙ্গগত জনসমষ্টির সাধারণ মঙ্গল ইচ্ছার (general will) মধ্যেই এই সামগ্রিক কল্যাণের সন্ধান পাওয়া যায়।

আবার জার্মান ও ফরাসী দার্শনিকগণের আদর্শবাদ

ইংরেজ আদর্শবাদীদের দ্বারা বিশেষভাবে সমর্থিত হয়। ইংলণ্ডের ভাববাদীদের মধ্যে আছেন ব্রাডলে (Bradley), গ্রীণ (T. H. Green) এবং ডাঃ বোসানকেত (Bosanquet)। এখানে উল্লেখ করা প্রয়োজন যে, ইংরেজ আদর্শবাদীদের মধ্যে কেহই ট্রিটস্কেসের আদর্শবাদকে সমর্থন করেন নাই। ইংরেজ দার্শনিক গ্রীণ এই ধারণা পোষণ করিতেন যে, রাষ্ট্রাধীনে থাকা সত্ত্বেও ব্যক্তির জীবনের অধিকারের আয় কতকগুলি মৌলিক অধিকারকে স্বীকার করা প্রয়োজন। রাষ্ট্র যদি এই নাগরিকের এই মৌলিক

ইংরেজ
দার্শনিকদের
মতবাদ

অধিকারগুলিকে স্বীকার করে তাহা হইলে যুদ্ধের সময়েও

ব্যক্তির জীবনের উপর রাষ্ট্রকর্তৃত্ব অব্যাহত থাকিতে পারে। গ্রীণ হেগেলের আয় ব্যক্তিকে রাষ্ট্রের যুগ্মত্ব

বলি দিবার পক্ষপাতী নন। সুতরাং গ্রীণের দর্শনে

রাষ্ট্রের ক্ষমতা ও কর্তৃত্বের একটা সীমা আছে। রাষ্ট্র এই সীমা অতিক্রম করিলে ব্যক্তির সহিত রাষ্ট্রের সংঘর্ষ অনিবার্য হইয়া উঠিবে। বোসানকেতও অনুরূপ মত পোষণ করিতেন। তাঁহার মতে ব্যক্তির ব্যক্তিত্ব বিকাশের পথে যে সকল বাধা আছে রাষ্ট্র তাহা অপসারিত করিবে এবং ব্যক্তিত্ব বিকাশের উপযোগী পরিবেশ সৃষ্টি করিবে।

সমালোচনা : রাষ্ট্রের প্রকৃতি সম্বন্ধে এই মতবাদের ব্যাখ্যার বিরুদ্ধে যে সকল সমালোচনা হইয়াছে তাহা নিয়ে দেওয়া গেল :

(ক) সমালোচনায় বলা হইয়াছে যে, রাষ্ট্রের প্রকৃত - স্বরূপ উপলব্ধি করিতে হইলে শুধু ভাব ও কল্পনার রাজ্যে বিচরণ

ভাববাদ অবাস্তব করিলেই চলিবে না। রাষ্ট্রের বাস্তব জীবনকে জানিতে

হইবে, বুঝিতে হইবে। রাষ্ট্রের ভূখণ্ড, জনসংখ্যা ও শাসন-পদ্ধতির আয় বাস্তব উপাদানগুলিকেও ভাববাদ অগ্রাহ্য করে। ফলে এই মতবাদ অবাস্তবতা

দোষে দুষ্ট। অধ্যাপক বার্কার এই মত পোষণ করেন যে, ভাববাদিগণ রাষ্ট্রের যে পরিকল্পনা উপস্থাপিত করেন, তাহা স্বর্গরাজ্যে হয়তো বা সম্ভব হইতে পারে কিন্তু মাটির পৃথিবীতে তাহা সম্পূর্ণ অবাস্তব (“The State of which it conceives may be laid up in heaven, but it is not established on Earth.”—Barker)।

(খ) ভাববাদী আদর্শে রাষ্ট্র ও সমাজকে অভিন্ন করিয়া দেখানো হইয়াছে। বর্তমানে রাষ্ট্রের কর্মক্ষেত্রের বাহিরে যে বিরাট ও ব্যাপক কর্মক্ষেত্র আছে, সেখানে সমাজ সক্রিয়।* যেমন ধর্মীয় কার্যাবলী, সাংস্কৃতিক কার্যাবলী প্রভৃতি রাষ্ট্রের কর্মক্ষেত্রের বহির্ভূত। স্মরণ্য দেখা যায়, রাষ্ট্রের কর্মক্ষেত্র ছাড়াও সমাজের একটা নির্দিষ্ট কর্মক্ষেত্র আছে যেখানে রাষ্ট্রের কর্মক্ষেত্র নিয়ন্ত্রিত। অতএব রাষ্ট্র ও সমাজকে এক করিয়া দেখানো বাঞ্ছনীয় নয়।

(গ) এই মতবাদ ব্যক্তি-স্বাতন্ত্র্যের পরিপন্থী। ইহা ব্যক্তি-স্বাধীনতাকে স্বীকার করিতে চায় না। অর্থাৎ ভাববাদিগণ রাষ্ট্রীয় স্বৈচ্ছাতন্ত্রের সমর্থক। এই মতবাদ ব্যক্তি-স্বাধীনতাকে রাষ্ট্রের যুপকাঠে বলি দিয়া ব্যক্তির নৈতিক, চারিত্রিক, মনসিক উন্নতি করিবার সকল অর্গল বন্ধ করিয়া দিতে চায়।

(ঘ) ভাববাদিগণ রাষ্ট্রের যে জৈব মতবাদকে স্বীকার করিয়া লইয়াছেন তাহাঁ ভ্রান্ত : কারণ, পূর্বেই বলা হইয়াছে যে, জীবদেহের সহিত রাষ্ট্রের সাদৃশ্য বর্ণনা সম্পূর্ণভাবে সমর্থন করা যায় না।

(ঙ) রাষ্ট্রকে এই মতবাদ অহুসারে সকল নৈতিক মানের উপরে স্থান দেওয়া হয়। কিন্তু এই মতের পশ্চাতে কোন যুক্তি নাই। ফলে ইহাকে কোন কোন সমালোচক যুক্তিবর্জিত মতবাদ বলিয়া অভিহিত করিয়াছেন।

(চ) ভাববাদী হেগেলের মতামুসারে দেখা যায়, যুদ্ধের একটা নৈতিক মূল্য আছে। তাহার এই মতবাদ অতি মারাত্মক। কারণ, বিগত দুইটি বিশ্ববিশ্বংসী যুদ্ধের জন্ম জার্মান দার্শনিক হেগেল, ট্রিটস্কে প্রভৃতির এই মতবাদ প্রচার বহুলাংশে দায়ী। এই মতবাদই জার্মানীর মাহুষের মধ্যে যুদ্ধের অহুকুল মনোভাব সৃষ্টি করিয়াছিল। এই কারণে, অনেকে এই মতবাদকে সমর্থন করেন না।

(ছ) রাজতন্ত্রকে সমর্থন করিয়াছিলেন ভাববাদী হেগেল। রাজতন্ত্রের

মাধ্যমে রাষ্ট্রের নৈতিক উন্নতির যে সম্ভাবনার কথা তিনি বলিয়াছিলেন তাহাও সমর্থনযোগ্য নহে। কারণ, ইতিহাস প্রমাণ করিয়াছে যে, রাজতন্ত্রে রাষ্ট্রের নৈতিক অবনতিই হয়, উন্নতি কষ্ট একটা হয় না।

(জ) হেগেলের মতে প্রজ্ঞাই রাষ্ট্রের ভিত্তি। কিন্তু প্রজ্ঞা ছাড়া মানুষ রাগ, ঘেবাদিরও বশীভূত। অতএব শুধু প্রজ্ঞাই রাষ্ট্রের ভিত্তি নয়।

(ঝ) হবহাউস এই মন্তব্য করেন যে, আদর্শবাদে যে প্রকৃত স্বাধীনতার কথা বলা হইয়াছে, প্রকৃতপক্ষে তাহা স্বাধীনতার অস্বীকার মাত্র। রাষ্ট্র একটি কল্যাণকর সংগঠন বটে, কিন্তু সেইজন্য ইহার সার্থকতা ইহার মধ্যে নিহিত বলিয়া মনে করিয়া ইহাকে পূজা করিলে মিথ্যা দেবতার অর্চনা করা হইবে।

উপসংহারে বলা যায়, রাষ্ট্রের প্রকৃতি-সম্বন্ধীয় ভাববাদী ব্যাখ্যা যদিও বহু দোষে ছুঁষ্ট তথাপি ইহা স্বীকার করিতে হইবে যে, এই মতবাদের মধ্যে কতকগুলি সত্য নিহিত আছে। ইহা রাষ্ট্রের একতা, রাষ্ট্রের প্রতি আনুগত্যের প্রয়োজনীয়তা, রাষ্ট্রের হস্তে সমস্ত শক্তিকে কেন্দ্রীভূত করার প্রয়োজনীয়তা এবং সকলের জন্য ব্যক্তির স্বার্থত্যাগ প্রভৃতি আদর্শকে প্রচার করিয়া সমাজের প্রভূত মঙ্গলসাধন করিয়াছে। রাষ্ট্রের সভ্য হিসাবেই যে নাগরিকগণ তাহাদের অধিকার ভোগ করে এবং রাষ্ট্র তাহাদের এই অধিকার-ভোগে সহায়তা করে এই সত্যটি এখানে পরিস্কারভাবে বলা হইয়াছে। রাষ্ট্রই এই অধিকারের রক্ষক ও স্রষ্টা হিসাবে নাগরিকের নিকট যে আহুত্যা ও ত্যাগস্বীকার দাবি করে তাহা অত্যাচার নহে। এই কারণেই এই মতবাদের যে সামাজিক ও বাস্তবনৈতিক মূল্য আছে তাহা কেহই অস্বীকার করে না। আদর্শবাদের আর একটি প্রতিপাত্ত বিষয় হইল রাষ্ট্রই আইনের উৎস এবং রাষ্ট্রই বলপ্রয়োগের দ্বারা আইনকে বলবৎ করে। এই যুক্তিও অপ্রাস্ত। অবশ্য, আদর্শবাদ বলপ্রয়োগকে অতিরিক্তভাবে সমর্থন করিয়াছে। বর্তমানে আদর্শবাদের বিরুদ্ধে যে প্রতিক্রিয়া দেখা দিয়াছে তাহা যুদ্ধবাদী ট্রিটস্কেসের প্রচারের ফল।

(ঘ) রাষ্ট্রের আইনমূলক মতবাদ (Juristic Theory of the State) :

মতবাদের সংক্ষিপ্তসার : রাষ্ট্রবিজ্ঞানীদিগের মধ্যে কেহ কেহ রাষ্ট্রকে আইন-সৃষ্ট প্রতিষ্ঠান হিসাবে গণ্য করেন এবং আইনের বাহিরে রাষ্ট্রের কোন পৃথক অস্তিত্ব থাকিতে পারে বলিয়া স্বীকার করেন না। আবার এমন কি কেহ কেহ এই মন্তব্য করেন যে, রাষ্ট্রের একটি আইনগত ব্যক্তিত্ব

(Legal personality) রহিয়াছে। ব্যক্তির মতোই রাষ্ট্রের অধিকার ও কর্তব্য আছে বলিয়া এই মতবাদ বিশ্বাস করে। আবার বলা হয় যে, ব্যক্তি যেমন ধনসম্পত্তির মালিক হইতে পারে, রাষ্ট্রও তেমনি ধনসম্পত্তির মালিক হইতে পারে। ব্যক্তির মতো রাষ্ট্র ব্যক্তির বিরুদ্ধে আদালতে নালিশ করিতে পারে। আবার বিপরীতক্রমে ব্যক্তিরও অধিকার আছে রাষ্ট্রের বিরুদ্ধে মামলা করার। অতএব দেখা যায়, এই মতবাদও ব্যক্তির সহিত রাষ্ট্রের সাদৃশ্য বর্ণনা করে।

কিন্তু, আইনশাস্ত্র (Jurisprudence) ব্যক্তির আইনগত সত্তাকে যেমন স্বীকার করে তেমনি অধিকার-সমন্বিত রাষ্ট্রেরও আইনগত ব্যক্তিত্বকে (Legal personality) স্বীকার করা হয়। কিন্তু এই আইনগত ব্যক্তিত্বকে (Legal personality) প্রকৃত ব্যক্তিত্ব (Real personality) বলা হয় না। ইহা হইল রাষ্ট্রের কাল্পনিক ব্যক্তিত্ব (fictitious personality)। কিন্তু জার্মান রাষ্ট্রবিজ্ঞানী গিয়ার্কে (Gierke) এবং ইংরেজ ব্যবহারশাস্ত্রবিদ মেইটল্যান্ড (Maitland) রাষ্ট্রের প্রকৃত ব্যক্তিত্ব ও কাল্পনিক ব্যক্তিত্বের মধ্যে কোন পার্থক্য আছে বলিয়া স্বীকার করেন না। তাঁহারা রাষ্ট্র সম্পর্কে রাষ্ট্রের প্রকৃত ব্যক্তিত্বের নীতিকে (Doctrine of Real Personality) সমর্থন করেন। তাঁহাদের মতে রাষ্ট্রের আইনের ক্ষেত্রে ব্যক্তির মতোই অধিকার ও আইনসম্মত কর্তব্য রহিয়াছে। সুতরাং রাষ্ট্রকে আইনগত প্রকৃত সত্তার অধিকারী বলা চলে। অবশ্য, রাষ্ট্রের এই ইচ্ছা, অধিকার ও স্বার্থের সহিত রাষ্ট্রাধীন বিভিন্ন ব্যক্তির ইচ্ছা, অধিকার ও স্বার্থের কোন গভীর সম্পর্ক আছে বলিয়া অনেকে বিশ্বাস করেন না। রাষ্ট্রের ইচ্ছা হইল সমষ্টির ইচ্ছা, রাষ্ট্রের অধিকার সমষ্টির অধিকার এবং রাষ্ট্রের স্বার্থ সমষ্টির স্বার্থ।

আবার কেহ কেহ রাষ্ট্রকে একটি যৌথ কারবারের সহিত তুলনা করেন। যৌথ কারবার যেমন শুধু বর্তমান স্বার্থের দ্বারাই পরিচালিত হয় না, ইহা ভবিষ্যতের স্বার্থের প্রতি দৃষ্টি রাখিয়াও পরিচালিত হয়, তেমনি রাষ্ট্রও শুধু বর্তমান স্বার্থের দ্বারাই পরিচালিত হয় না, ইহা ভবিষ্যতের স্বার্থের প্রতি দৃষ্টি রাখিয়াও পরিচালিত হয়। এই মতবাদ বিশ্বাস করে যে, সমষ্টির স্বার্থের জন্ত ব্যক্তির স্বার্থকে ত্যাগ করিতে হইতে পারে এবং ভবিষ্যতের জন্ত বর্তমানকেও ত্যাগ করিতে হইতে পারে।

সমালোচনা : (ক) এই মতবাদকে সকলেই স্বীকার করেন না। ব্যক্তি আর রাষ্ট্র এক ও অভিন্ন নহে। যে অর্থে ব্যক্তি আইনের চক্ষে চেতন ও মননশীল সেই অর্থে রাষ্ট্র আইনের চক্ষে চেতন ও মননশীল নহে। অবশ্য, ইহা অনেকেই স্বীকার করিয়া লইয়াছেন যে, এই দুই-এর মধ্যে অনেক সাদৃশ্য রহিয়াছে। সুতরাং রাষ্ট্রের কাল্পনিক সত্তাকে স্বীকার করিয়া লওয়া যায়, কিন্তু ইহার প্রকৃত সত্তাকে স্বীকার করা যায় না।

(খ) আবার কেহ কেহ মনে করেন, রাষ্ট্র আইন প্রণয়ন করে (The State is the parent of Law) : অর্থাৎ, রাষ্ট্র আইন সৃষ্টি করে। অতএব রাষ্ট্র আইনের উদ্দেশ্য। এই দিক দিয়া বিচার করিলে রাষ্ট্রকে সংবিধান দ্বারা বিধিবদ্ধ আইনমূলক প্রতিষ্ঠান (The State is the child of Law) বলা যায় না। অর্থাৎ, রাষ্ট্র আইনের সৃষ্টি (Creature of Law) নয়। কিন্তু রাষ্ট্রকে আইনমূলক প্রতিষ্ঠান বলা যাইতে পারে এই অর্থে যে, এই প্রতিষ্ঠানের উদ্দেশ্য আইন-প্রণয়ন, আইনকে বলবৎ করা এবং আইনসম্মত অধিকারের সংরক্ষণ করা। আইন লইয়াই ইহার কার্যবার। আবার আইন দ্বারা যতদূর পর্যন্ত রাষ্ট্র স্বীকৃত না হয় ততদূর পর্যন্ত কোন ভূখণ্ড রাষ্ট্রসংজ্ঞা প্রাপ্ত হয় না।

(ঙ) রাষ্ট্রের প্রকৃতি সম্বন্ধে বলপ্রয়োগবাদ (Theory of Force) :
মতবাদের বর্ণনা : রাষ্ট্রবিজ্ঞানীদিগের মধ্যে অনেকে এই ধারণা পোষণ করেন যে, শেষ বিশ্লেষণে রাষ্ট্র হইল শক্তির প্রকাশ। গ্রীক দার্শনিক থ্যািসিমেকাস্ ত্রীঃ পূর্ব পঞ্চম শতাব্দীতে এই বলপ্রয়োগবাদ প্রচার করেন। রাষ্ট্রের উদ্ভব সম্বন্ধে তিনি এই মত পোষণ করিতেন যে, সমাজের শক্তিশালী শ্রেণী জোরপূর্বক সমাজের অধিকাংশ মানুষের উপর প্রভুত্ব বিস্তার করে এবং বলপ্রয়োগের সাহায্যেই রাষ্ট্রের পত্তন হয়। শক্তির মধ্যেই রাষ্ট্রের প্রকৃত পরিচয় পাওয়া যায়। ষোড়শ শতাব্দীতে ইটালীয় দার্শনিক মেকিয়াভেলির মতে শক্তিই রাষ্ট্রের প্রাণ এবং শক্তির মধ্যেই রাষ্ট্রের বৈশিষ্ট্যের সন্ধান পাওয়া যায়। হেগেলীয় দর্শনের বিকৃত ব্যাখ্যাকার জার্মান দার্শনিক ট্রিটস্কে ও বার্ণহার্ডি রাষ্ট্রকে শক্তির এক বিশিষ্ট প্রকাশ হিসাবে বর্ণনা করিয়াছেন এবং আন্তর্জাতিক যুদ্ধকে এই সকল চিন্তাবীর সম্পূর্ণভাবে সমর্থন করেন। এই সকল চিন্তাবীরদিগের মতে আন্তর্জাতিক যুদ্ধই রাষ্ট্রের বৈশিষ্ট্য প্রকাশ করিতে পারে। কার্ল মার্কসও রাষ্ট্রকে বিশেষ

অর্থে শক্তির প্রকাশ হিসাবে বর্ণনা করিয়াছেন। তাঁহার মতে সমাজে যাহারা অধিকারী শ্রেণী, তাহারাই উৎপাদন যন্ত্রের মালিক ও সকল সম্পদের মালিক। সমাজের এই ধনিকশ্রেণী রাষ্ট্রকে তাহাদের শ্রেণীস্বার্থের যন্ত্র হিসাবে দরিদ্রশ্রেণীকে শোষণ করার কাজে ব্যবহার করে। রাষ্ট্রের পুলিশ, সৈন্য, আমলা প্রভৃতি ধনিকশ্রেণীর সম্পত্তির পাহারাদার হিসাবে ব্যবহৃত হয়। অতএব দেখা যায় সমাজে যাহারা আর্থিক বলে বলীয়ান তাহারাই রাষ্ট্রযন্ত্রের মালিক।

সমালোচনা : সমালোচকগণ স্বীকার করিয়াছেন যে, রাষ্ট্রের শক্তিময় রূপটির মধ্যে সত্য নিহিত আছে। কারণ রাষ্ট্রের অস্তিত্ব নির্ভর করে সংঘত শক্তির উপর। রাজা-মহারাজারা শক্তিপ্রয়োগে স্ব স্ব রাষ্ট্রের আয়তন বৃদ্ধি করিয়াছে। আবার শক্তিপ্রয়োগে যে নূতন নূতন রাষ্ট্র সৃষ্টি হইয়াছে তাহার উদাহরণও বিরল নহে। কিন্তু শুধু শক্তির সাহায্যে রাষ্ট্রের ছায়া জটিল প্রতিষ্ঠানের প্রকৃত চরিত্র বোঝা সম্ভব নয়। ঐতিহাসিক অবস্থা, মানুষের ধ্যান-ধারণা, পারিপার্শ্বিক অবস্থা, মানুষের অহুভূতি ও প্রবৃত্তিকে সম্পূর্ণ উপেক্ষা করিয়া শুধু বলপ্রয়োগের ব্যাখ্যা রাষ্ট্রের প্রকৃত চরিত্র উদ্ঘাটিত করিতে পারে না।

(চ) রাষ্ট্রের প্রকৃতি সম্বন্ধে ঐশ্বরিক ব্যাখ্যা (Divine Theory) : পূর্ববর্তী অধ্যায়ে এই মতবাদ আলোচিত হইয়াছে। অতএব এখানে এই মতবাদের পুনরুল্লেখ নিম্নয়োজন। অবশ্য, রাষ্ট্রের প্রকৃত সম্বন্ধে দুই-একটি কথা এখানে বলা প্রয়োজন। এই ব্যাখ্যা রাজতন্ত্রের ও নৃপতিবর্গের নিরঙ্কুশ ক্ষমতার সমর্থন করে। ইহা ব্যক্তি-স্বাধীনতা ও গণতন্ত্রের পরিপন্থী। ধর্মসংস্কারের ভিত্তিতেই এই মতবাদ দাঁড়াইয়াছে। এই মতবাদ লৌকিক ব্যাপারেও দেবত্বকে আরোপ করে। অতএব ইহা যুক্তিতর্কের বহির্ভূত। অবশ্য, রাষ্ট্রে দেবত্ব আরোপ করিয়া রাষ্ট্রের প্রকৃতি ব্যাখ্যা করিবার প্রয়োজনীয়তা ইতিহাস সম্পূর্ণভাবে অস্বীকার করে নাই। একদিন মানুষকে বশতা শিক্ষা দিবার জন্য এই ধরনের মতবাদের প্রয়োজনীয়তা ছিল। কিন্তু বর্তমানে এই মতবাদের প্রয়োজনীয়তা আর নাই বলিলেও চলে।

(ছ) রাষ্ট্র সম্বন্ধে মার্কসীয় মতবাদ (Marxian Theory of the State) : আলোচনা পূর্ববর্তী অধ্যায়ে দ্রষ্টব্য।

সারসংক্ষেপ

রাষ্ট্রের প্রকৃতির অর্থ হইল রাষ্ট্রের অন্তর্নিহিত সত্তা ও তার চরিত্রের রূপ। বিভিন্ন দার্শনিক রাষ্ট্রের চরিত্র সম্বন্ধে বিভিন্ন মতবাদ প্রচার করিয়াছেন। এই মতবাদগুলি হইল (ক) ব্যক্তি-স্বাতন্ত্র্যমূলক মতবাদ, (খ) জৈব মতবাদ, (গ) আদর্শবাদী ব্যাখ্যা, (ঘ) আইনমূলক মতবাদ, (ঙ) বলপ্রয়োগবাদ, (চ) ঐশ্বরিক ব্যাখ্যা, (ছ) মার্কসীয় মতবাদ।

(ক) ব্যক্তি-স্বাতন্ত্র্যমূলক মতবাদ অনুসারে রাষ্ট্র হইল ব্যক্তির সমষ্টিমাত্র। রাষ্ট্র হইল ব্যক্তিগত স্বার্থলাভের যন্ত্রমাত্র। কিন্তু এই মতবাদ সমষ্টিকে ও সমষ্টির স্বার্থকে উপেক্ষা করিয়াছে।

এই মতবাদ রাষ্ট্রের ক্ষমতাকে বিশেষভাবে সংকোচনের পক্ষপাতী। এই মতবাদ রাষ্ট্রকে জনকল্যাণকর কর্মপ্রচেষ্টা হইতে বিরত করে।

(খ) জৈব মতবাদ রাষ্ট্রের সঠিত জীবদেহের সাদৃশ্য বর্ণনা করে। এই মতবাদ সমষ্টিগত জীবনকে বড় আসন দিয়াছে বটে, কিন্তু ব্যক্তি-স্বাধীনতাকে অস্বীকার করিয়াছে।

(গ) ভাববাদী মতবাদ রাষ্ট্রকে একটি ভাবরূপে কল্পনা করে এবং রাষ্ট্রকে সর্বোচ্চ নীতির প্রকাশ বলিয়া ব্যাখ্যা করে। ইহা রাষ্ট্রের জৈব মতবাদকে সমর্থন করে। কিন্তু এই মতবাদ অবাস্তব কল্পণাপ্রসূত। অবশ্য, রাষ্ট্রের সামগ্রিক সত্তা এবং রাষ্ট্রের প্রতি নাগরিকের কর্তব্য প্রভৃতি এই মতবাদের দৃষ্টি আকর্ষণ করিয়াছে।

(ঘ) আইনমূলক মতবাদ অনুসারে রাষ্ট্র আইনগত সত্তার অধিকারী এবং ইহা ব্যক্তির মতো প্রকৃত সত্তার অধিকারী। কিন্তু এই মতবাদ সমর্থনযোগ্য নাই। কাবণ, চৈতন্য ও মননশীল মানুষের সঙ্গে রাষ্ট্রের কোন তুলনা চলে না।

(ঙ) বলপ্রয়োগবাদ প্রমাণ করিতে চায় যে, রাষ্ট্র শক্তির প্রকাশ ছাড়া আর কিছু নয়। কিন্তু এই মত একদেশদর্শীতা দোষে দুষ্ট।

(চ) ঐশ্বরিক মতবাদ রাষ্ট্রকে ঈশ্বরের ইচ্ছার প্রত্যাক হিসাবে বর্ণনা করিয়া মতবাদকে যুক্তিতর্কের বহির্ভূত করিয়াছে। বলা হয় এই মতবাদ অসৈজ্ঞানিক ও অনৈতিকাসিক। অবশ্য, ইহা ঐতিহাসিক মূল্যকে অস্বীকার করা যায় না।

(ছ) মার্কসীয় মতবাদ পববর্তী এক অধ্যায়ে আলোচিত হইয়াছে।

প্রশ্নাবলী

1. Critically discuss the Idealistic or the Absolute Theory of the State. "The Idealistic Theory postulates the identity of the State with sumtotal of human society which is obviously false".—Joad. What do you conceive to be the precise relation between the State and Society?

Or, "The State is an entity over and apart from people who compose it, with a real will and entity of its own." Examine critically the theory of the State embodied in the statement quoted above. (C. U. Hons. 1958) ১৯৭-২০৩ পৃষ্ঠা

2. What is meant by the organismic theory of the State? How far is this theory a satisfactory explanation of the nature of the State? (C. U. 1941.) ১৮৯-১৯৭ পৃষ্ঠা

3. Carefully examine the organic theory of Herbert Spencer and point out the chief weakness in Spencer's arguments. ১৮৯-১৯৭ পৃষ্ঠা

4. Comment on the following statements :

(a) The State is the child of Law

(b) The State is the parent of Law.

২০০-০৫ পৃষ্ঠা

অতিরিক্ত পাঠ্য

Mac Iver—The Modern State

Barker, E.—Political Thought in England from Spencer to To-day. Chapters I, III.

Coker, F.—Recent Political Thought. Chapters II, VIII, IX.

Joad, E. M.—Modern Political Theory. Chapters I, III, IV, V.

Brown, I.—English Political Theory. Chapter XI.

সপ্তম অধ্যায়

মার্কসীয় রাষ্ট্রদর্শন

(Marxian Theory of the State)

জার্মান দার্শনিক কা মার্কস বর্তমান রাষ্ট্রচিন্তার জগতে এক গুরুত্বপূর্ণ স্থান অধিকার করিয়াছেন। ইহার কারণ মার্কসীয় জীবন-দর্শনের বৈজ্ঞানিক সত্যতা। বর্তমান জগতের এক-তৃতীয়াংশ মানুষ মার্কসীয় রাষ্ট্রদর্শনের ভিত্তিতে সমাজ ও রাষ্ট্র-ব্যবস্থা প্রতিষ্ঠা করিয়াছে। বর্তমান পৃথিবীকে যে সকল রাষ্ট্রবিজ্ঞানী দুই শিবিরে বিভক্ত করিয়া রাষ্ট্রনীতি মার্কসীয় মতবাদের

গুরুত্ব

আলোচনা করেন তাঁহাদের মতে পৃথিবীর এই দুই

শিবিরের মধ্যে একটি শিবির মার্কসীয় দর্শনের উপর ভিত্তি

স্থাপন করিয়া পরিচালিত হইতেছে। আর এই শিবিরের পুরোভাগে রহিয়াছে

সোভিয়েত রুশিয়া ও তাহার মতাবলম্বী রাষ্ট্রবর্গ। আর অপর শিবিরের

অন্তর্ভুক্ত হয় পুঁজিবাদী মার্কিন যুক্তরাষ্ট্র ও তার সমর্থক রাষ্ট্রবর্গ। বর্তমানে

রাষ্ট্রবিজ্ঞানের প্রতিটি ক্ষেত্রে মার্কসীয় নীতি একটি প্রধান আলোচনার

বিষয় হইয়া দাঁড়াইয়াছে। রাষ্ট্রচিন্তার ইতিহাসে কার্ল মার্কসের মতো অল্প

কোন মনীষী এইরূপ স্বীকৃতি লাভ করেন নাই। মার্কসীয় রাষ্ট্রচিন্তার সন্ধান

পাওয়া যায় তাঁহার দুইখানি ইতিহাসপ্রসিদ্ধ গ্রন্থে। এই দুইখানি গ্রন্থের

মধ্যে একখানি হইল কমুনিষ্ট ম্যানিফেস্টো (Communist Manifesto)

(১৮৪৮) আর অপরখানি হইল ক্যাপিটেল (Capital) (১৮৬৭)। এই

দুইখানি গ্রন্থে কার্ল মার্কসের অসাধারণ পাণ্ডিত্যের পরিচয় পাওয়া যায়।

মার্কসীয় দর্শনের মূলকথা : মার্কসীয় মতবাদের মূলকথা প্রসঙ্গে

তাঁহার বন্ধু ফ্রেডারিক এঙ্গেলস্ বলেন : “ডারউইন জীবজগতের বিবর্তন-নীতি

আবিষ্কার করিয়াছিলেন আর মার্কস তাঁহারই মতো মানব-ইতিহাসের বিবর্তনের

স্বত্র আবিষ্কার করিয়াছেন। তিনি যাহা আবিষ্কার করিয়াছেন তাহা শাস্ত্রতঃ

মার্কসের আবিষ্কার হইল : “মানুষ রাষ্ট্রনীতি, ধর্ম, কলা, সাহিত্য, বিজ্ঞান

এবং অল্প কোন বিষয়ের চর্চায় নিযুক্ত হইবার পূর্বে অন্ন, বস্ত্র, পানীয় ও

আবাসের সংস্থান করিবার জন্ত চেষ্টা করে। কিন্তু এই সহজ সরল সত্য

কথাটি শৌখিন আদর্শবাদিতার আগাছার চাপে এতদিন কাহারও দৃষ্টিতে

ধরা পড়ে নাই। কার্ল মার্কস প্রমাণ করিয়াছেন যে, মানুষের প্রয়োজনীয়

উৎপাদন এবং সেই উৎপাদন-পদ্ধতির প্রভাবে মানবসমাজের মৌলিক পরিবর্তন সাধিত হইয়াছে। তিনি প্রমাণ করিয়াছেন যে, কোন সমাজের

যে-কোন সময়ের বিভিন্ন ধরনের প্রতিষ্ঠান, আইনব্যবস্থা, মার্কসীয় মতবাদের সারকথা কলা, সাহিত্য এবং ধর্ম সেই সমাজের সেই সময়কার

প্রচলিত অর্থনৈতিক ভিত্তির উপর গড়িয়া উঠিয়াছে এবং তাহারই দ্বারা প্রভাবিত হইয়াছে। অতএব আইন, কলা, ধর্ম ও সামাজিক অত্যাশ্রিত বিষয়ের স্বরূপ সমসাময়িক অর্থনৈতিক সম্পর্কের উপর সম্পূর্ণভাবে ভিত্তি স্থাপন করিয়াছে”।

এইরূপ অর্থনৈতিক দৃষ্টিকোণ হইতে কার্ল মার্কস ইতিহাসের ব্যাখ্যা করিয়াছেন। মার্কসের এইরূপ ব্যাখ্যাকে **ইতিহাসের অর্থনৈতিক ব্যাখ্যা (Economic Interpretation of History)** বলা হয়। মার্কসের মতে **উৎপাদন-পদ্ধতির (mode of production)** উপর ভিত্তি করিয়াই গড়িয়া উঠে নির্দিষ্ট ধরনের সমাজ ও শ্রেণী সম্পর্ক। এই উৎপাদন-পদ্ধতির আবার দুইটি দিক আছে ; যথা,—(ক) **উৎপাদন-শক্তি (The forces of Production) ;** (খ) **উৎপাদন-সম্পর্ক (The Relation of Production)**। উৎপাদন-শক্তি বলিতে বোঝায় উৎপাদনের যন্ত্রপাতি, শ্রমিক ও

তার দক্ষতা। আর উৎপাদন-সম্পর্ক বলিতে বোঝায় ইতিহাসের অর্থনৈতিক ব্যাখ্যা প্রচলিত সমাজ-ব্যবস্থার উপর ভিত্তি করিয়া শ্রেণীতে

শ্রেণীতে যে সম্পর্ক, তাহাকে। এখন উৎপাদন-ব্যবস্থায় যে শ্রেণী উৎপাদন-শক্তির মালিক তাহারাই সমাজের প্রতিপত্তিশালী এবং তাহারাই ঐ প্রচলিত উৎপাদন-সম্পর্ককে প্রচলিত রাখিতে চেষ্টা করে এবং অত্যাশ্রিত শ্রেণীর উপর তাহাদের শোষণকে অব্যাহত রাখিতে চেষ্টা করে। কিন্তু নিত্য নূতন উৎপাদন-শক্তির আবিষ্কারের ফলে নূতন উৎপাদন-সম্পর্ক স্থাপনের প্রয়োজন দেখা দেয়। কারণ পূর্বকার উৎপাদন-শক্তির মালিক পূর্বকার প্রতিক্রিয়াশীল উৎপাদন-সম্পর্ককে বজায় রাখিতে চেষ্টা করে আর নূতন উৎপাদন-শক্তির মালিক নূতন উৎপাদন-সম্পর্ক প্রতিষ্ঠা করিবার চেষ্টা করে ; ফলে পূর্বকার উৎপাদন-শক্তির মালিকের সহিত উন্নততর উৎপাদন-শক্তির মালিকের মধ্যে দ্বন্দ্ব অনিবার্য হইয়া উঠে। এইভাবে সমাজ-বিবর্তনের প্রত্যেক স্তরেই শ্রেণীতে শ্রেণীতে দ্বন্দ্ব ও সংঘর্ষ লক্ষ্য করা যায়। শ্রেণীতে শ্রেণীতে সংঘর্ষের মধ্য দিয়াই সমাজ প্রগতির পথে পরিচালিত হয়।

আবার প্রত্যেকটি শ্রেণী-বিভক্ত সমাজে যে শ্রেণী উৎপাদনের উপকরণের মালিক সেই শ্রেণী রাষ্ট্রকে নিজেদের করায়ত্ত করে এবং প্রচলিত সমাজ-সম্পর্কে বজায় রাখিবার জন্ত রাষ্ট্রশক্তিকে ব্যবহার করে।

উপরিউক্ত মার্কসীয় মতবাদের ব্যাখ্যাকে বুঝিতে হইলে ভাববাদী দর্শনের সহিত মার্কসীয় দর্শনের পার্থক্য নির্দেশ করা প্রয়োজন। ভাববাদী দর্শনে ভাবই প্রধান, আর মার্কসীয় দর্শনে বস্তুই প্রধান। ভাববাদী হেগেলের মতে ভাব (Idea) ও মতাদর্শের পরিবর্তনের ফলে ইতিহাসের গতিধারা পান্টায় এবং সমাজ পরিবর্তিত হয়। আর মার্কসের মতে উৎপাদন-সম্পর্কের পরিবর্তনের ফলেই সমাজ ও রাষ্ট্রের কাঠামো বদলায় এবং তারই সঙ্গে তাল রাখিয়া ভাব (Idea) ও মতাদর্শ পরিবর্তিত হয়। হেগেল বলেন অর্থনীতি ভাবের অহুগামী। মার্কস বলেন ভাব অর্থনৈতিক অবস্থার অহুগামী। মার্কস ধর্মনীতি, আদর্শ ও ভাব প্রভৃতিকে অস্বীকার করেন নাই। তিনি শুধু অর্থনৈতিক সম্পর্কের অগ্রাধিকার স্বীকার করিয়াছেন। তিনি ভাব, আদর্শ, ধর্ম, কলা, সাহিত্য প্রভৃতিকে সমসাময়িক সমাজের অর্থনৈতিক সম্পর্কের বা উৎপাদন-সম্পর্কের প্রতিফলন হিসাবে গণ্য করিয়াছেন। **আইন কি ?** আইনও উৎপাদন-সম্পর্কের প্রতিফলন ছাড়া আর কিছু নয়। একটি

উদাহরণ দিলে বিষয়টি পরিষ্কার হইবে। ধনতান্ত্রিক মার্কসীয় মতবাদ ও আদর্শবাদের মধ্যে পার্থক্য উৎপাদন-সম্পর্কে ধনিকশ্রেণী উৎপাদনের উপায়গুলির মালিক এবং তাহারাই সমাজে প্রতিপত্তিশালী। তাহারাই রাষ্ট্রশক্তিকে তাহাদের প্রয়োজনে ব্যবহার করে এবং তাহাদেরই সুবিধামতো আইন প্রণয়ন করিয়া অপরাপর শ্রেণীর উপর প্রভুত্ব করে। আবার সমাজতান্ত্রিক উৎপাদন-সম্পর্কে আইন এক নূতন রূপ ধারণ করে। এই আইন শোষণ-ব্যবস্থাকে নিমূল করিবার আইন। অতএব দেখা যায়, সমাজের বা রাষ্ট্রের আইন সমাজ-সম্পর্কের তথা উৎপাদন-সম্পর্কের প্রতিফলন মাত্র। এইভাবে মার্কস বিশ্লেষণ করিলেন যে জড়-জগতের সহিত মনুষ্যসমাজের সম্বন্ধ বিশ্লেষণের উপর ভাবচরিত্র নির্ভর করে। নির্ভর করে সমাজের ধর্ম ও মতাদর্শ। মার্কস বিবর্তনবাদকে সমর্থন করেন। মার্কসের মতে বিবর্তনের মধ্য দিয়া বস্তুজগতের যে পরিবর্তন নিরবচ্ছিন্নভাবে হইতে থাকে তাহাকেই **জড়বাদী বিবর্তনবাদ (Dialectical Materialism)** বলা হয়। মার্কসের ভাষায় বলা যায় “আদর্শ মানুষের মনে জড়-

জগতের প্রতিফলন ছাড়া আর কিছু নয়। আবার এই প্রতিফলন হইতেই মানুষের মনে তত্ত্বমূলক ভাব বা আদর্শের উদ্ভব হয়” (“with me...the ideal is nothing else than the material world reflected by the human mind and translated into forms of thought”.)।

রাষ্ট্র সম্পর্কে মার্কসীয় মতবাদের সংক্ষিপ্তসার (“Marxian Theory of the State ”) : কার্ল মার্কসের বন্ধু ফ্রেডারিক এঙ্গেলসের ভাষায় রাষ্ট্র সম্পর্কে মার্কসীয় মতবাদটি এইরূপ : রাষ্ট্র শাস্ত বা চিরন্তন প্রতিষ্ঠান নহে। এমন এক সময় ছিল যখন রাষ্ট্র ছিল না। সমাজের-বিভিন্ন কার্যাবলী, নিয়ম-শৃঙ্খলা, আচার-ব্যবহার, রীতি-নীতির দ্বারাই নির্ধারিত হইত। সমাজ-বিবর্তনের একস্তরে উৎপাদনের উন্নতি ও শ্রমবিভাগের ফলে ধনবৈষম্যের উদ্ভব হয়। ফলে মানুষের সহিত মানুষের, শ্রেণীর সহিত শ্রেণীর স্বার্থের সংঘাত দেখা দিল। এই সংঘাতের মধ্য হইতেই রাষ্ট্রের উদ্ভব হয়।*

হাজার হাজার বৎসর পূর্বে যখন রাষ্ট্র বলিয়া কোন প্রতিষ্ঠানের উদ্ভব হয় নাই, মানুষ তখন সরল ও আদিম জীবন যাপন করিত। এই সময়কে আদিম সাম্যবাদের (Primitive Communism) যুগ বলিয়া অভিহিত করা হয়। মানুষের মধ্যে তখনও কোন স্বার্থের সংঘাত জুর হয় নাই।

সেই যুগে মানুষ বন-বনাস্তরে ঘুরিয়া বেড়াইত, আর
(১) আদিম সাম্যবাদী সমাজ শিকারের যুগে শিকারলব্ধ পশু-পক্ষী, ফল-মূল খাইয়া জীবন ধারণ করিত। শিকারের উপরই মানুষের জীবিকা নির্ভরশীল ছিল। বনের শিকারলব্ধ বস্তু সকলেই সমানভাবে ভাগ করিয়া ভোগ করিত। এই আদিম সমাজে মানুষ অভাবের তাড়না ভোগ করিত না ; কারণ, লোকসংখ্যার অল্পপাতে খাদ্যসংস্থান ছিল প্রচুর। আর শিকারের যুগে মানুষ যে সকল যন্ত্রের দ্বারা শিকার করিত এবং শিকারলব্ধ প্রাণী প্রভৃতি সবই ছিল শিকারী সমাজের সাধারণ সম্পত্তি। এই সাম্যবাদী শিকারের যুগে কোন ব্যক্তিগত সম্পত্তির উদ্ভব হয় নাই। আর মানুষ তখনও সংঘবদ্ধভাবে একস্থান হইতে অত্থানে ঘুরিয়া বেড়াইত।

ছিল। বনের শিকারলব্ধ বস্তু সকলেই সমানভাবে ভাগ করিয়া ভোগ করিত। এই আদিম সমাজে মানুষ অভাবের তাড়না ভোগ করিত না ; কারণ, লোকসংখ্যার অল্পপাতে খাদ্যসংস্থান ছিল প্রচুর। আর শিকারের যুগে মানুষ যে সকল যন্ত্রের দ্বারা শিকার করিত এবং শিকারলব্ধ প্রাণী প্রভৃতি সবই ছিল শিকারী সমাজের সাধারণ সম্পত্তি। এই সাম্যবাদী শিকারের যুগে কোন ব্যক্তিগত সম্পত্তির উদ্ভব হয় নাই। আর মানুষ তখনও সংঘবদ্ধভাবে একস্থান হইতে অত্থানে ঘুরিয়া বেড়াইত।

*“The State has not existed from all eternity. There has been societies which have managed without it, which had no notion of the state or state power. At a definite stage of economic development, which necessarily involved the cleavage of society into classes the state became a necessity because of this cleavage.”—Engels.

কালক্রমে লোকসংখ্যা বৃদ্ধি পাইল। খাদ্য ও অত্যাশ্রয় দ্রব্যের অভাব দেখা দিল। একমাত্র বনের পশু শিকার করিয়াই মানুষ আহার্য সংগ্রহ করিতে পারিত না। মানুষকে তখন পশু পালন করিতে হইত, কারণ বনের পশু-পক্ষী শিকার ছিল অনিশ্চিত। পশুপালনের দ্বারা খাদ্যের ও পশুপালনের যোগান

কিছুটা নিশ্চিত হইত। এই যুগে যাহারা পশুর মালিক
(২) পশুপালনের যুগ তাহারা সমাজের প্রভাবশালী ব্যক্তি হিসাবে গণ্য হইত এবং যাহাদের মালিকানায় কোন পশু থাকিত না তাহাদের উপরে কর্তৃত্ব করিত। এইভাবে পশুপালন সমাজে পশুর মালিক ও পশুর মালিকহীন জনসাধারণের মধ্যে শ্রেণী-সংঘর্ষের বীজ রোপিত হইল।

পশুপালনের যুগের পর অর্থনৈতিক বিবর্তনের তৃতীয় স্তরে দেখা যায় কিছুসংখ্যক লোকের জমির উপর মালিকানা প্রতিষ্ঠিত হয়। কখনও কখনও শিকারক্ষেত্রের নিকটেই আদিম মানুষ বসবাস করিত এবং তথায় চাষ-আবাদ শুরু করে। যাহারা এই জমির মালিক হইল তাহারা সমাজে ধনোৎপাদনের সর্বাপেক্ষা ফলপ্রসূ ও লাভজনক উৎসের
(৩) কৃষিযুগ বা সামন্ত প্রথা মালিক হইল। আর এই সমাজে যাহারা জমির মালিকানা হইতে বঞ্চিত হইল তাহারা হইল নিঃস্ব ; তাহাদিগকে অন্ন, বস্ত্র, বাসস্থানের জ্ঞান মালিক-শ্রেণীর উপর নির্ভর করিতে হইত। এই অসহায় মানুষ জমির মালিকদের দাসে পরিণত হইল। মধ্যযুগে ইহাদিগকে বলা হইত ভূমিদাস (Serf)। এই যুগের জমির মালিক বা সামন্তবর্গ এবং ভূমিদাসশ্রেণীর পার্থক্যের সংঘর্ষ এই যুগের এক ঐতিহাসিক ঘটনা।

শিকারের যুগে কোন ব্যক্তিগত সম্পত্তির উদ্ভব হয় নাই, শোষণেরও কোন-প্রকার সুযোগ বা অবকাশই ছিল না এবং বলপ্রয়োগের যন্ত্র রাষ্ট্রেরও কোন প্রয়োজন হয় নাই।

মানব-ইতিহাসের প্রথম শোষণমূলক ব্যবস্থা দাসসমাজ (Slave Society)

প্রবর্তিত হয়। দাসসমাজে দাসেরা দাসপ্রভুদের (Slave owners) পণ্যে পরিণত হয়। আর দাসদের উৎপাদিত দ্রব্যের উদ্ভূত্যাংশ ভোগ করিত দাসমালিকগণ। এই দাস-সমাজেই প্রথম রাষ্ট্রের উদ্ভব হয়। দাসপ্রভুরা রাষ্ট্রযন্ত্রকে দাসদের শোষণ করার কাজে ব্যবহার করে।

(১) দাসসমাজে
প্রথম রাষ্ট্রের
আবির্ভাব

দাসসমাজের পরবর্তী সমাজ হইল সামন্ততান্ত্রিক সমাজ-ব্যবস্থা (Feudal Society)। এই সমাজে ভূমিদাসেরা (Serf) সামন্তপ্রভুর জমিতে

(২) সামন্ত প্রথা আবদ্ধ থাকিত এবং নিজের ও পরিবারের ভরণপোষণের জন্ত সামন্তপ্রভুর জন্য কার্য করিতে বাধ্য থাকিত, সামন্ত প্রথার যুগে ভূমিদাসকে শাসন ও শোষণ করিবার জন্ত সামন্তপ্রভু রাষ্ট্রশক্তিকে ব্যবহার করিত। এই দুই স্তরের, অর্থাৎ, দাস প্রথা ও সামন্ত প্রথার যুগে উৎপাদনের উপকরণের মালিকানা ছিল যথাক্রমে দাসপ্রভু ও সামন্তদিগের হস্তে। আর দাসেরা ও ভূমিদাসেরা ছিল শোষিত শ্রেণী। অতএব শোষক ও শোষিত এই দুইয়ের যে সম্পর্ক ছিল তাহাই ছিল তদানীন্তন কালের শ্রেণীসম্পর্ক।

ইহার পর বিজ্ঞানের নূতন নূতন আবিষ্কারের ফলে উৎপাদন-ব্যবস্থায় এক বিরাট পরিবর্তন আসে। যে আদিম মানুষ লাঠি ও প্রস্তরখণ্ড একদিন ব্যবহার করিত, সমাজ-বিবর্তনের কোন এক স্তরে তাহারা ধাতুর ব্যবহার করিতে আরম্ভ করে। তারপর নূতন নূতন উদ্ভাবনের ফলে কল-কারখানা গড়িয়া উঠে। দাসসমাজে ও সামন্ততান্ত্রিক সমাজের মধ্যে যে ধনতন্ত্রের বীজ অঙ্কুরিত হয়, এবং মানুষ সঞ্চয়ের মাধ্যমে যে ধন নিজেদের হস্তগত করে তাহাই ধীরে ধীরে শিল্পবিপ্লবে সাহায্য করে।

শিল্পবিপ্লব ও
বুর্জোয়া শ্রেণীর
উত্থান

পণ্যের বাজার প্রসারিত হওয়ায় এবং উৎপাদনের কলা-কৌশলের উন্নতির ফলে শিল্পের উদ্ভব হয়। এই যুগে নূতন ব্যবসায়ী বা বুর্জোয়াদের নেতৃত্বে সামন্ত প্রথার বিরুদ্ধে বিপ্লব অহুষ্ঠিত হয় এবং ধনতান্ত্রিক সমাজব্যবস্থা প্রবর্তিত হয়। মার্কস ইহাই প্রমাণ করেন যে, উৎপাদনের উপকরণের উন্নতির সঙ্গে সঙ্গে বিপ্লবের মাধ্যমে উৎপাদন-সম্পর্কও পরিবর্তিত হয়। সামন্ততান্ত্রিক সমাজ-ব্যবস্থা অন্তর্হিত হইলে এবং ধনতান্ত্রিক সমাজ-ব্যবস্থা প্রবর্তিত হইলে সামন্ত-প্রভু ও ভূমিদাসের স্থলে শিল্পের মালিকশ্রেণী ও মজুরশ্রেণীর উদ্ভব হয় এবং এই দুই শ্রেণীর মধ্যে আবার দ্বন্দ্ব উপস্থিত হয়।

এই যুগে শিল্পায়নের ফলে সমাজের উৎপন্ন ধনের বড় একটা অংশ মালিকেরা ভোগ করে। কারখানায় যে সকল শ্রমিক কাজ করে তাহারা তাহাদের উৎপাদনের ত্রাণ্য অংশ হইতে বঞ্চিত হয়। যে অংশ শ্রমিকের ত্রাণ্য পাওনা, তাহা মালিকেরা তাহাকে না দিয়া নিজেরাই ভোগ করে। এই

ভাষ্য পাওয়ানাকেই বলা হয় উদ্বৃত্ত মূল্য (Surplus Value)। অর্থাৎ অমোংপাদিত দ্রব্যমূল্য ও শ্রমমূল্যের মধ্যে পার্থক্যের ফলে যে উদ্বৃত্ত মূল্যের সৃষ্টি হয় তাহাই পুঁজিপতির আয়। ধনতান্ত্রিক সমাজে মালিকশ্রেণী রাষ্ট্রযন্ত্রকে নিজেদের স্বার্থরক্ষার জন্ত ব্যবহার করে। তাহাদের স্বার্থানুকূলে আইনকানুন প্রবর্তিত হয় এবং পুলিশ ও সামরিক বাহিনীর সাহায্যে শ্রমিক-শ্রেণীর উপর তাহাদের শোষণ-ব্যবস্থাকে বজায় রাখে।

আবার অর্থনীতির অমোঘ বিধানের মধ্যে তীব্র প্রতিযোগিতার ফলে একমাত্র বৃহৎ শিল্পগুলিই বাঁচিয়া থাকে। বৃহৎ শিল্পগুলি আবার অধিক লাভের আশায় আরও বৃহত্তর সংস্থা গঠন করে এবং প্রতিযোগিতার অবসান ঘটাইয়া একচেটিয়া কারবার প্রতিষ্ঠা করে। ইহার ফলে শ্রমিকশ্রেণী, যাহাদের শ্রম বিক্রয় করা ছাড়া আহার্য সংগ্রহ করার অল্প কোন উপায় নাই, তাহারা আরও শোষিত হয়। এইভাবে একদিকে দেশে সমাজতান্ত্রিক সমাজ-ব্যবস্থা দেশে ধনোৎপাদনের উৎস সকল মুষ্টিমেয় লোকের হস্তে জমায়েত হয়। আর অধিকাংশ মানুষ ক্রমবর্ধমান দারিদ্র্যের মধ্য দিয়া শোষিত ও সর্বহারার শ্রেণীতে পরিণত হয় এবং শ্রেণী-সংঘর্ষ তীব্রতর আকার ধারণ করিয়া সমাজতান্ত্রিক বিপ্লব সংঘটিত হইবার সুযোগ সৃষ্টি করে।

এই সমাজতান্ত্রিক বিপ্লবের বৈশিষ্ট্য হইল, অত্যাচার বিপ্লবের মাধ্যমে যেমন এক শোষকশ্রেণীর পরিবর্তে অল্প এক শোষকশ্রেণী ক্ষমতায় অবিস্থিত হয়, কিন্তু সমাজতান্ত্রিক বিপ্লবের ফলে কোন নূতন শোষকশ্রেণীর জন্ম হয় না। মানুষ আর মানুষকে শোষণ করে না। উৎপাদনের উপকরণের উপর ব্যক্তিগত মালিকানার স্থলে সামাজিক মালিকানা প্রতিষ্ঠিত হয়। এই সমাজে রাষ্ট্রযন্ত্র শ্রমিকশ্রেণীর করায়ত্ত হয় এবং তাহা সমস্ত প্রতিক্রিয়াশীল বুর্জোয়া-শ্রেণীর বিরুদ্ধে ব্যবহৃত হয়। অতএব রাষ্ট্রের প্রয়োজনীয়তা সমাজতান্ত্রিক

সমাজ-ব্যবস্থায়ও রহিয়াছে। এই সমাজ-ব্যবস্থায় প্রতিষ্ঠিত সমাজতান্ত্রিক সমাজ-ব্যবস্থায় হয় সর্বহারার একনায়কত্ব (Dictatorship of the Proletariat)। রাষ্ট্র তখন শ্রমিক ও কৃষক শ্রেণীর রাষ্ট্র হইয়া দাঁড়ায়। এই প্রসঙ্গে মার্কস এক বৈপ্লবিক নীতি

প্রচার করেন। তাহার মতে (১) সশস্ত্র বিদ্রোহের দ্বারা পুঁজিপতি শ্রেণীকে পরাস্ত করিতে হইবে। (২) এই কার্য সম্পন্ন করিবার জন্ত সৈন্যবাহিনী

ও সাধারণ মানুষকে সমাজ-সচেতন ও বিপ্লবী মনোভাবাপন্ন করিতে হইবে ; আর (৩) শোষিত শ্রেণীর একনায়কত্ব প্রতিষ্ঠা করিতে হইবে। এই সর্বহারার একনায়কত্বের উদ্দেশ্য হইবে তিনটি : যথা, (১) রাষ্ট্রীয় ক্ষমতার সাহায্যে ধনিক-শ্রেণীকে ধ্বংস করা, (২) রাষ্ট্রীয় ক্ষমতার সাহায্যে ধীরে ধীরে সমাজতন্ত্র প্রতিষ্ঠা করা ; (৩) আর সমাজতন্ত্রের স্থানে ধীরে ধীরে সাম্যবাদী সমাজ (Communist Society) গড়িয়া তোলা। বস্তুতঃ, সাম্যবাদী সমাজ-ব্যবস্থায় যেহেতু কোন শোষণ-ব্যবস্থা অব্যাহত থাকিবে না, শ্রেণী-দ্বন্দ্বের অবসান হইতে থাকিবে এবং সমাজতন্ত্রের ব্যবস্থা, অর্থাৎ ‘যে কাজ করিবে না সে খাইতে পাইবে না’ (“He who does not work, neither shall he eat”) এবং শ্রমিকের শ্রমাহুপাতে তাহার মজুরীর বিধান (“An equal amount of product for an equal amount of labour.”)। ধীরে ধীরে প্রসার লাভ করিতে থাকিবে এবং রাষ্ট্রের পক্ষে শক্তিপ্রয়োগ ও সামাজিক সম্পর্কে হস্তক্ষেপ নিষ্প্রয়োজন হইয়া পড়িবে এবং শ্রেণীহীন সমাজে আর রাষ্ট্রের প্রয়োজন থাকিবে না বলিয়া রাষ্ট্র বিলুপ্ত হইবে। অর্থাৎ শোষণ-ব্যবস্থাকে অব্যাহত রাখিবার জন্ত শোষণহীন সমাজে সেইরূপ রাষ্ট্রতন্ত্রের প্রয়োজন ফুরাইয়া যাইবে। এই সমাজে বিশ্বজনীন সাম্যবাদী সমাজ

শান্তি বিরাজ করিবে। এই সাম্যবাদী সমাজে প্রত্যেক ব্যক্তি সাধ্যমতো উৎপাদন করিবে এবং প্রয়োজনমতো ভোগ করিবে (“from each according to his capacity to each according to his need.”)।

মার্কস এইভাবে ইতিহাসের দৃষ্টিকোণ হইতে বিষয়টিকে প্রমাণ করিয়া অভূতপূর্ব কৃতিত্ব অর্জন করিয়াছেন। এই প্রসঙ্গে তাঁহার নিজেরই একটি উক্তি বিশেষ প্রণিধানযোগ্য। তিনি বলেন : “বর্তমান সমাজে শ্রেণীসমূহের অস্তিত্ব আবিষ্কারের জন্ত আমার কোন কৃতিত্ব নাই ; এমন কি শ্রেণীসংগ্রামের আবিষ্কারেও আমার কোন কৃতিত্ব নাই। আমার বহু পূর্বেই বুর্জোয়া ঐতিহাসিকেরা শ্রেণীসংগ্রামের ঐতিহাসিক পরিস্ফুটনের বর্ণনা করিয়াছেন। বুর্জোয়া ধনবিজ্ঞানীরা শ্রেণীতে শ্রেণীতে অর্থনৈতিক সম্পর্কের আলোচনা করিয়াছেন। আমি যাহা প্রমাণ করিয়াছি তাহা নূতন, তাহা হইল, (১) উৎপাদন-ব্যবস্থার উন্নয়নের নির্দিষ্ট ঐতিহাসিক স্তরের সহিতই শুধু শ্রেণীসমূহের অস্তিত্ব সংলগ্ন থাকিবে, (২) শ্রেণীসংগ্রাম নিশ্চিতভাবে সর্বহারাদের একনায়কত্ব প্রতিষ্ঠা করিবে এবং (৩) এই একনায়কত্ব নিজেই সকল শ্রেণীর

বিলোপের মধ্যে এবং শ্রেণীহীন সমাজে রূপান্তরিত হইবে” (“No credit is due to me for discovering the existence of classes in modern society, nor yet the struggle between them. Long before me bourgeois historians had described the historic development of the class struggle, and bourgeois economists the economic anatomy of the classes. What I did that was new was to prove ; (i) that the existence of classes is only bound up with particular historic phases in the development of production ; (ii) that the class struggle necessarily leads to the dictatorship of the proletariat ; (iii) that dictatorship itself only constitutes the transition to the abolition of all classes and to a classless society”.—(The Correspondence of Marx and Engels.)

কার্ল মার্কসের এই উক্তির সত্যতা প্রতিযোগেই প্রমাণিত হইয়াছে। প্রতিযোগেই লক্ষ্য করা গিয়াছে যে, শ্রেণীস্বার্থ সংরক্ষণের জন্ত শ্রেণীতে শ্রেণীতে হৃদয় অনিবার্য হইয়া উঠিয়াছে। প্রতিযোগেই শোষিত শ্রেণীর ক্রমবর্ধমান অসন্তোষ ও সংঘবদ্ধ আন্দোলনের জোয়ারের মুখে অধিকারী শ্রেণীর স্বার্থ সংরক্ষণের জন্ত অধিকারী শ্রেণী বেতনভোগী সৈন্যদল, অধীনস্থ অন্নদাস ও পরগাছা শ্রেণীর মানুষদের সংঘবদ্ধ করিয়া এক বিরাট শক্তি সঞ্চয় করে। এই শক্তির দ্বারাই অধিকারী শ্রেণী শোষিত শ্রেণীকে দাবাইয়া রাখে। কেন্দ্রীভূত পশুশক্তি বলে গঠিত এই যে সংগঠন ধনিকশ্রেণীর স্বার্থে শোষিত শ্রেণীকে দাবাইয়া রাখে, নিষ্পেষিত করে, তাহাকেই বলে রাষ্ট্র (The State is an instrument of organised class coercion)। আর এই রাষ্ট্রের উদ্দেশ্য হইল দুইটি, যথা,—(১) সমাজের প্রচলিত শ্রেণীসম্পর্কে রাষ্ট্রের সংজ্ঞা

(class relation) বজায় রাখা ; আর (২) অধিকারী শ্রেণীর স্বার্থানুকূলে প্রয়োজনীয় শক্তি প্রয়োগ করা। রাষ্ট্রের প্রকৃতি ও চরিত্র রাষ্ট্রের এই উদ্দেশ্যের মধ্যে ধরা পড়ে। মার্কসের এই রাষ্ট্র-দর্শনের বিরুদ্ধে বহু সমালোচনা হইয়াছে। নিম্নে সমালোচনাগুলি দেওয়া গেল :

• **সমালোচনা :** (১) সমালোচকগণের মতে মার্কস যে ইতিহাসের অর্থনৈতিক ব্যাখ্যা প্রদান করিয়াছেন তাহা অশাস্ত্র নহে, কারণ সমাজ-বিবর্তনের ক্ষেত্রে অর্থনৈতিক পরিস্থিতি ছাড়াও আরও অনেক উপাদান

আছে যাহার প্রভাবও কম নহে। এই উপাদানগুলি হইল ধর্ম, সাহিত্য, কলা, আদর্শ প্রভৃতি।

ইহার উত্তরে বলা হয় মার্কস ধর্ম, নীতি, আদর্শ ও কলা প্রভৃতির প্রভাবকে অস্বীকার করেন নাই, তবে তাঁহার মতে ধর্ম, নীতি, কলা প্রভৃতি অর্থনৈতিক পরিবেশ হইতে উদ্ভূত হইয়াছে এবং মার্কস অর্থনৈতিক পরিস্থিতিকে অত্যাশ্রয় উপাদানের তুলনায় অধিক গুরুত্ব দিয়াছেন।

(২) সমালোচকগণ বলেন যে মার্কসের দুইটি ভবিষ্যদ্বাণী অসত্য প্রমাণিত হইয়াছে। এই দুইটি ভবিষ্যদ্বাণীর মধ্যে একটি হইল শিল্পপ্রধান দেশেই প্রথম সমাজতান্ত্রিক বিপ্লব সংঘটিত হইবে। মার্কসের মতে জার্মানী ও ইংলণ্ডেই প্রথম সমাজতান্ত্রিক বিপ্লব সংঘটিত হইবে। কিন্তু এই দুইটি দেশে বিপ্লব হয় নাই, বরং অনগ্রসর রাশিয়া ও চীনে বিপ্লব হইয়াছে। এই উক্তিটি ভুল প্রমাণিত হইলেও মার্কসের মূল রাষ্ট্রনীতিকে অশ্রান্ত বলা যায় না। মার্কসের অপর আর একটি ভুল ভবিষ্যদ্বাণী হইল দরিদ্র শোষিত শ্রেণী ক্রমে দরিদ্রতর হইবে। কিন্তু দেখা যায়, শিল্পায়নের ফলে ধনতান্ত্রিক দেশেই শ্রমিকদের অর্থনৈতিক অবস্থার উন্নতি হইয়াছে।

(৩) সমালোচকগণ বলেন যে, মার্কস এই মতবাদ প্রচার করিয়াছেন যে, সাম্যবাদী সমাজে আর রাষ্ট্র থাকিবে না এবং থাকিতে পারে না। কিন্তু সমাজতান্ত্রিক সোভিয়েত ইউনিয়নে শোষণকারী শ্রেণীর অবসান হইয়াছে বটে, কিন্তু আজও সেখানে রাষ্ট্র বিলুপ্ত হয় নাই। ইহার উত্তরে বলা হইয়াছে, সোভিয়েত রাষ্ট্র ধনতান্ত্রিক রাষ্ট্রসমূহ কর্তৃক পরিবেষ্টিত। সুতরাং এই সকল প্রতিক্রিয়াশীল শক্তিকে প্রতিহত করিবার জ্ঞান রাষ্ট্রশক্তির প্রয়োজনীয়তা রহিয়াছে।

(৪) সমালোচকেরা আরও বলেন যে মার্কস ধর্ম ও নীতিশাস্ত্রকে অব্যয় বলিতে নারাজ। কিন্তু নীতিশাস্ত্র অব্যয় ও চিরন্তন। মার্কসবাদীরা বলেন যে, নীতিশাস্ত্র অব্যয় নহে। বহুবিবাহ কোথাও নীতিবিরুদ্ধ, কোথাও তাহা ধর্ম ও নীতিশাস্ত্রসম্মত। অতএব নীতিশাস্ত্র অব্যয় নহে।

(৫) বলা হয় যে, মার্কস শ্রেণী-সংঘর্ষের উপর বড় বেশী গুরুত্ব আরোপ করিয়াছেন। উত্তরে মার্কসবাদিগণ বলেন, ব্যাপারটা সত্য এবং ইতিহাস দ্বারা প্রমাণিত; অতএব গুরুত্ব আরোপ করা যায়।

(৬) সমালোচকদের মতে মার্কস জাতীয়তাবোধের উপর বিশেষ গুরুত্ব

আরোপ করেন নাই। তিনি ছিলেন আন্তর্জাতিকতাবাদী। তিনি আন্তর্জাতিক আদর্শের বন্ধনে শ্রমিকশ্রেণীকে একতাবদ্ধ করিবার জ্ঞত বলিলেন : “বিশ্বের শ্রমিক এক হও” (“Workers of all countries unite”)। কিন্তু বিশ্বের প্রথম ও দ্বিতীয় মহাযুদ্ধের সময় মার্কসের উদাস্ত আহ্বানকে অগ্রাহ্য করিয়া শ্রমিকগণ জাতীয়তাবাদে উদ্বুদ্ধ হইয়াছিল। মার্কসবাদীরা ইহার উত্তরে বলেন যে, শ্রমিকগণের এই বিচ্যুতির দ্বারা মার্কসের মূলনীতিকে ভুল বলিয়া প্রমাণিত করা অত্যাশ্রয়।

(৭) মার্কস শ্রেণী-সংঘর্ষ, সশস্ত্র বিপ্লবের মধ্য দিয়া যে সমাজ প্রতিষ্ঠিত করিতে চাহিয়াছেন সে সমাজ কোনদিনও প্রীতির বন্ধনে যুক্ত সাম্যবাদী আদর্শ সমাজে পৌঁছাইতে পারিবে না বলিয়া মন্তব্য করা হইয়াছে। মার্কসবাদীরা এই ধারণা পোষণ করেন যে, সাম্যবাদের মতো বিরাট সামাজিক পরিবর্তন বিপ্লব ছাড়া অসম্ভব এবং এই পরিবর্তনের ‘জ্ঞত দীর্ঘ-সময়ের প্রয়োজন।

(৮) আরও বলা হইয়াছে যে, মার্কসবাদ বা সাম্যবাদ ব্যক্তি-স্বাধীনতায় বিশ্বাসী। কিন্তু রাশিয়ার উদাহরণ দিয়া দেখানো হয় যে, রাশিয়াতে ব্যক্তি-স্বাধীনতা নিনষ্ট হইয়াছে। ইহার উত্তরে বলা হয় যে, সত্যকার সাম্যবাদ প্রতিষ্ঠিত হইলে পূর্ণ ব্যক্তি-স্বাধীনতা প্রতিষ্ঠিত হইবে। রাশিয়াতে বর্তমানে যে নিয়ন্ত্রণ-ব্যবস্থা চালু করা হইয়াছে তাহা অন্তর্বর্তীকালীন ব্যবস্থা মাত্র।

উপসংহারে বর্তমান যুগের অত্যন্তম শ্রেষ্ঠ দার্শনিক ল্যাক্সের মন্তব্য এখানে উল্লেখ করা গেল : ল্যাক্স বলেন : “পৃথিবীর প্রতিটি দেশেই যেখানে মানুষ তাহাদের সামাজিক উন্নতির জ্ঞত চেষ্টা করিয়াছে সেখানেই কার্ল মার্কসের বাণী তাহাদের অনুপ্রেরণা যোগাইয়াছে” (“In every country of the world where men have set themselves to the task of social improvement, Marx has been always the source of inspiration and prophecy”)। ইহা বলা বাহুল্য যে, মার্কসের মতবাদ বর্তমান পৃথিবীর প্রত্যেকট পরাধীন দেশের স্বাধীনতা আন্দোলনের গতি নির্ধারণ করিয়া আন্দোলনের সফলতা আনিয়া দিয়া পরাধীন মানুষকে মুক্ত করিতে প্রভূত সাহায্য করিয়াছে।

সারসংক্ষেপ

মার্ক্সবাদ বর্তমান রাষ্ট্রচিন্তাক্ষেত্রে এক উল্লেখযোগ্য স্থান অধিকার করিয়াছে। মার্ক্সবাদের সারকথা হইল সমাজ বিবর্তনের পথে অগ্রসর হইতেছে। এই বিবর্তনে অর্থনৈতিক পরিস্থিতি এক গুরুত্বপূর্ণ ভূমিকা গ্রহণ করিয়াছে। বিবর্তনের প্রতিপত্তিই উৎপাদন-সম্পর্ক সমাজের আদর্শ, নীতি, আইন, কলা প্রভৃতি নির্ণয় করে। রাষ্ট্র কোন চিরন্তন প্রতিষ্ঠান নয়। হাজার হাজার বৎসর পূর্বে রাষ্ট্র ছিল না। তখন ছিল আদিম সাম্যবাদী সমাজ। কিন্তু কালক্রমে লোকসংখ্যা বৃদ্ধি ও অস্বাস্থ্য কারণে সাম্যবাদী সমাজ-ব্যবস্থার পতন ঘটে। দাস প্রথা প্রবর্তিত হওয়ায় সমাজ যখন শ্রেণী-বিভক্ত হয়, তখন দাস-মালিকদের স্বার্থ সংরক্ষণের জন্ত রাষ্ট্রের সৃষ্টি হইল। তারপর সামন্ততান্ত্রিক সমাজ-ব্যবস্থায়, ধনতান্ত্রিক সমাজ-ব্যবস্থায় ও সমাজতান্ত্রিক সমাজ-ব্যবস্থায় শ্রেণীস্বার্থকে অক্ষুণ্ণ রাখার কাজে রাষ্ট্র ব্যবহৃত হইতে থাকে। তিনি এই ভবিষ্যদ্বাণী করেন যে, সমাজতান্ত্রিক ব্যবস্থার পর যেহেতু সমাজে আর কোন শ্রেণী থাকিবে না; সেইহেতু রাষ্ট্রবও আর প্রয়োজন থাকিবে না এবং রাষ্ট্রের বিলুপ্ত ঘটিবে।

মার্ক্সবাদের বিরুদ্ধে বহু সমালোচনা হইয়াছে। কিন্তু সকল সমালোচনাই অতিশয়োক্তি দোষে দুষ্ট।

প্রস্তাবনা

1. Discuss the Marxist Theory of the State. (২০৯ পৃষ্ঠা)

J-42, 20

অতিরিক্ত পাঠ্য

Joad, C. E. M.—Modern Political Theory.

Laski, H. J.—Karl Marx

Burns, E.—Marxism.

Engels.—Origin of the Family Private Property and the State.

অষ্টম অধ্যায়

রাষ্ট্রের সার্বভৌমিকতা

(Sovereignty of the State)

সার্বভৌমিকতা রাষ্ট্রের সর্বাপেক্ষা গুরুত্বপূর্ণ বৈশিষ্ট্য। এই গুরুত্বপূর্ণ বৈশিষ্ট্যই রাষ্ট্রকে অত্যাশ্চর্য সামাজিক সংগঠন হইতে পৃথক করিয়া এক স্বতন্ত্র পর্যায়ে উন্নীত করিয়াছে। সার্বভৌমিকতা হইল রাষ্ট্রের একটি বিশেষ ক্ষমতা। এই ক্ষমতাবলে রাষ্ট্র আইন প্রণয়ন করে এবং রাষ্ট্র-প্রণীত আইনকে বলবৎ করে। অতএব ইহার বিস্তৃত আলোচনা

সার্বভৌমিকতা
সম্বন্ধে বিশদ
আলোচনা করা
দরকার

ব্যতিরেকে রাষ্ট্রের সহিত নাগরিকের সম্বন্ধ, আন্তঃরাষ্ট্র-সম্বন্ধ, রাষ্ট্রের সহিত রাষ্ট্রান্তর্গত অত্যাশ্চর্য রাষ্ট্রের সম্বন্ধ এবং নাগরিকের সহিত নাগরিকের সম্বন্ধকে বোঝা যায় না।

এই কারণেই সম্ভবতঃ গেটেল বলিয়াছেন, “সার্বভৌমিক-তার ধারণাই আধুনিক রাষ্ট্রবিজ্ঞানের ভিত্তি। ইহা সমগ্র আইন ও সমগ্র আন্তর্জাতিক সম্বন্ধের মূলে অবস্থিত।” (“The concept of Sovereignty is the basis of modern political science. It underlies the validity of all law and determines all international relation.”—R. G. Gettell)। আবার রাষ্ট্রবিজ্ঞানের আলোচ্য বিষয় হইল এই আইন ও বিভিন্ন সম্বন্ধ। প্রথমে সার্বভৌমিকতার স্বরূপ সম্বন্ধে আলোচনা করা হইল।

সার্বভৌমিকতার স্বরূপ (Nature of Sovereignty) : রাষ্ট্র বহুসংখ্যক মানুষ লইয়া গঠিত হয়। এই বিভিন্ন প্রকারের মানুষের চরিত্র ও বিভিন্ন ধরনের হইয়া থাকে। এই সকল মানুষের ইচ্ছা ও স্বার্থের মধ্যে বৈপরীত্যও লক্ষ্য করা যায়। আবার এই সকল মানুষের মধ্যে স্বার্থের সংঘাত সমাজকে দুর্বল করিয়া দেয়। অতএব সমাজের স্থায়িত্ব, দৃঢ়তা ও

সার্বভৌমিকতা
হইল স্বল্প-
মীমাংসার জন্ত
সর্বস্বীকৃত শক্তি

দ্বন্দ্ব-মীমাংসার জন্ত একটি সর্বস্বীকৃত শক্তি বা ক্ষমতা থাকার একান্ত প্রয়োজনীয়তা আছে। রাষ্ট্র হইল এই শক্তির আধার। রাষ্ট্রের এই শক্তি বা ক্ষমতাকেই বলা হয় সার্বভৌমিকতা। রাষ্ট্র আইন প্রণয়ন করে এবং এই আইনের সাহায্যে স্বদেশের মীমাংসা করিয়া

থাকে। রাষ্ট্রের এই আইন বাধ্যতামূলক। এই আইনকে অমান্য করিলে রাষ্ট্র শাস্তি দিবার ব্যবস্থা করে। তাহা হইলে দেখা যায়, রাষ্ট্রের শাস্তি

দিবারও ক্ষমতা আছে। সুতরাং রাষ্ট্রের এই শক্তি হইল চূড়ান্ত শক্তি, বাহা
সর্বাপেক্ষা বলবান ও সকলকে স্বীয় নির্দেশ মানিতে বাধ্য করে। অতএব

রাষ্ট্রের আইনগত
চূড়ান্ত ক্ষমতাই
হইল
সার্বভৌমিকতা

বলা হয়, রাষ্ট্রের সার্বভৌমিকতা সম্বন্ধে ধারণা
আইনগত। রাষ্ট্রও আইন অহুসারে সংগঠিত জনসমাজ।
বার্কারের ভাষায় বলা যায়, “এই আইন অহুসারে সংগঠিত
জনসমাজের মধ্যে উদ্ভূত সমগ্র আইনগত দ্বন্দ্বের
আইনসঙ্গত মীমাংসার জন্য একটি চূড়ান্ত ক্ষমতা অবশ্যই

থাকিবে” (There must exist in the State, as a legal association
a power of final legal adjustment of all legal issues which
arise in its ambit.”—Barker)। রাষ্ট্রেরই একমাত্র এই চূড়ান্ত ক্ষমতা
আছে এবং এই চূড়ান্ত ক্ষমতাকেই বলা হয় রাষ্ট্রের সার্বভৌমিকতা।

আবার রাষ্ট্রের এই চূড়ান্ত, চরম ও অপ্রতিহত ক্ষমতাকে **শক্তির
একচেটিয়াত্ব (Monopoly of power)** বলিয়াও বর্ণনা করা হয়। এই

শক্তির
একচেটিয়াত্ব
(Monopoly of
power)

শক্তি আবার একস্থানে কেন্দ্রীভূত হয়। কারণ, শক্তি
বিভক্ত হইলে উহা দুর্বল হইয়া পড়ে। বিভক্ত শক্তির
নির্দেশকে পালন করিতে বাধ্য করা কঠিন। ফলে
সমাজে অরাজকতা দেখা দিবার সম্ভাবনা থাকে এবং

সামাজিক স্থিরতা (Stability), সামাজিক শান্তি ও

ত্রৈক্য মধ্যে ফাটল ধরায় এবং রাষ্ট্র-চরিত্র বহু পরিমাণে ক্ষতিগ্রস্ত হয়।

রাষ্ট্রবিজ্ঞানিগণ সকলে আবার এই শক্তির যুক্তিকে সম্পূর্ণভাবে গ্রহণ
করেন না। কারণ, শক্তিই সব নয়। শক্তির দ্বারা মানুষের মন জয় করা
যায় না। শক্তি-প্রয়োগের ভয়ে মানুষ যে রাষ্ট্রের নির্দেশকে পালন করিবে
তাহা দীর্ঘস্থায়ী হয় না। অতএব শক্তিপ্রয়োগের দ্বারা বশ করা সম্ভব

শক্তি-প্রয়োগের
সহিত যেচ্ছায়
মানিয়া লওয়ার
অভ্যাস-সৃষ্টির
প্রয়োজনীয়তা

হইলেও শক্তির প্রয়োগ ব্যতীত কিভাবে বশ করানো যায়
রাষ্ট্রকে তাহার সন্ধান করিতে হইবে। রাষ্ট্রকে চেষ্টা
করিতে হইবে যাহাতে মানুষ তাহার নির্দেশ যেচ্ছায়
মানিয়া লয়। অতএব জনতার পক্ষ হইতে **যেচ্ছায়
রাষ্ট্রের নির্দেশ মানিয়া লওয়ার অভ্যাস** সৃষ্টিতে

রাষ্ট্রকে সাহায্য করিতে হইবে। তবেই রাষ্ট্রের নির্দেশপালন দীর্ঘস্থায়ী হইবে।
অবশ্য, শক্তির প্রয়োগ সে করা চলিবে না, তাহা নহে। শক্তির প্রয়োগের

প্রশ্ন উঠবে শুধুমাত্র কিছুসংখ্যক অবাধ্য লোকের ক্ষেত্রে; বাহারা সমাজে দৃষ্ট ক্রতের মতো বাঁচিবার চেষ্টা করে। অতএব শক্তি-প্রয়োগের পূর্বে ইহা স্বরণ রাখা প্রয়োজন যে, সমাজ-জীবনে সর্বদা শক্তি প্রয়োগ করিতে থাকিলে সমাজ-জীবন এক শক্তি পরীক্ষাস্থলে পরিণত হইবে এবং সমাজের ভিত্তি শিথিল হইয়া পড়িবে।

আবার রাষ্ট্রের নির্দেশকে স্বেচ্ছায় মানিয়া লইবার অভ্যাস কতকগুলি বিষয়ের উপর নির্ভর করে। মানুষ না বুঝিয়া কোন জিনিসকেই গ্রহণ করিতে চায় না। রাষ্ট্রের নির্দেশের ক্ষেত্রেও মানুষ তাহাকে যুক্তি দিয়া বুঝিতে চেষ্টা করে। মানুষ জানিতে চায় যে, রাষ্ট্রের নির্দেশ গ্রাহ্যতঃ কিনা। সে জানিতে চায় যে, এই নির্দেশ বিধিসিদ্ধ কিনা। অতএব দেখা যায়, রাষ্ট্রের নির্দেশকে স্বেচ্ছায় মান্ত করিবার পশ্চাতে রহিয়াছে বিভিন্ন যুক্তি। মানুষ যদি যুক্তি দিয়া বোঝে যে, রাষ্ট্রের নির্দেশ আইনসিদ্ধ, যুক্তিসিদ্ধ ও গ্রাহ্যসিদ্ধ তবেই সে তাহাকে মান্ত করিবে। অতএব রাষ্ট্রের সার্বভৌমিকতা হইল এমন ক্ষমতা যে ক্ষমতা লোকে আইনসিদ্ধ, বিধিসিদ্ধ, যুক্তিসিদ্ধ বলিয়া স্বেচ্ছায় মান্ত করে।

আবার প্রশ্ন উঠে, আইনকে কার্যকরী করিবার জন্তই যদি রাষ্ট্রের জবরদস্তি গ্রাহ্য হয় তবে আইন কি রাষ্ট্রের উপরে? কিন্তু সার্বভৌমিকতা সর্বোচ্চ ক্ষমতা। এই সর্বোচ্চ ক্ষমতার উপরে আর কোন ক্ষমতা থাকিতে পারে না। সুতরাং আইন সার্বভৌমিকতার উল্লেখ হইতে পারে না। আবার রাষ্ট্রই তো আইন প্রণয়ন করে। অতএব এই আইনকে বলপ্রয়োগের মাধ্যমে কার্যকরী করার অর্থ রাষ্ট্র তাহার নিজের ইচ্ছাকেই বলপ্রয়োগের সাহায্যে কার্যকরী করিতেছে। অতএব আইন রাষ্ট্রের জবরদস্তির গ্রাহ্যতা প্রমাণ করিতে পারে

না। ম্যাক্ আইভারের মতে রাষ্ট্রপ্রণীত কতকগুলি নিয়ম-আইন ও রাষ্ট্রসম্বন্ধে মানুষকেই আইন বলা হয় না। যুগ-যুগান্তর ধরিয়া মানুষের জীবনধারা প্রচলনের নিয়ম গড়িয়া উঠিয়াছে। নানা শ্রেণীর স্বার্থের ঘাত-প্রতিঘাতের মধ্যে জনসাধারণের সমষ্টিগত ইচ্ছা, রাষ্ট্রপ্রণীত ইচ্ছা, রাষ্ট্রপ্রণীত আইনের মধ্যে প্রতিফলিত হইতেছে। ম্যাক্ আইভারের মতে রাষ্ট্র আইন-প্রণেতা অপেক্ষা অধিকতর পরিমাণে

সার্বভৌমিকতা
আইনসিদ্ধ ও
যুক্তিসিদ্ধ ও
বিধিসিদ্ধ হইলেই
লোকে স্বেচ্ছায়
মান্ত কবে

আইন ও রাষ্ট্রসম্বন্ধে
ম্যাক্ আইভারের
ধারণা

আইনসিদ্ধ অভিভারক।* রাষ্ট্র আইনের সংস্কার করিতে পারে কিন্তু তাহাকে বদলাইতে পারে না। ম্যাক্ আইভারের মতে রাষ্ট্রের প্রধান দায়িত্ব হইল আইনের অমুশাসন বজায় রাখা। অর্থাৎ ইহা নিজেই আইনের আয়ত্তাধীন এবং আইনগত যে মূল্যবোধ ইহা বজায় রাখিতে চায়, তাহার দ্বারা নিজেই আবদ্ধ।†

কোন সম্রাটের লুণ্ঠন, বা রাষ্ট্রের কর চাপানো, কাহাকেও প্রাণদণ্ডে দণ্ডিত করা, কাহাকেও কারারুদ্ধ করা রাষ্ট্রের পক্ষে কোন অন্যায় নয়, কারণ রাষ্ট্র এইগুলি করে আইনের বলে। তবে আইন কি? আর বেআইন বা কি? সার্বভৌমিকতা তথ্যের আলোচনা কালে এই প্রশ্নটি বুঝিতে হইবে। রাষ্ট্রের সার্বভৌমিকতার প্রকাশ হিসাবে যে আইন প্রণীত হইল তাহা যদি ছুঁনীতিমূলক হয়, তবে তাহা পরিবর্তিত হইতে বাধ্য। কারণ, রাষ্ট্রের এই আইন প্রণয়ন-কারীদিগকে বদলানো যায়। আবার সমাজ-বিপ্লবের দ্বারাও সরকারকে গদীচ্যুত করা যায়। রুশ বিপ্লবও ভারতবর্ষের স্বাধীনতার আন্দোলন পূর্বকাল আইন প্রণয়নকর্তা যথাক্রমে জার সরকার ও ইংরেজ সরকারকে গদীচ্যুত করিয়াছে। অতএব দেখা যায় এককালে বাহা সার্বভৌমিকতার প্রকাশ হিসাবে আইন ছিল, বর্তমানে তাহা আর নাই। স্মৃতএব রাষ্ট্র-প্রণীত আইন পরিবর্তিত হয়, সার্বভৌমিকতার ব্যবহারকারী সরকারের পরিবর্তন হয়। কিন্তু যুগ-যুগান্তর ধরিয়া মানুষের জীবনধারা প্রচলনের যে নিয়ম গড়িয়া উঠিয়াছে, তাহাই আইন। ইহার পরিবর্তন হয় না। ইহার সংস্কার হয় মাত্র। আর শুধু যে বিভিন্ন সংঘ, ব্যক্তিবর্গ, দল এবং শ্রেণী লইয়া রাষ্ট্র গঠিত হইয়াছে তাহাদের আপেক্ষিক শক্তি-সম্পর্কের পরিবর্তন ঘটিতে পারে।

আবার রাষ্ট্রকে শুধু আভ্যন্তরীণ চূড়ান্ত ক্ষমতার অধিকারী হইলেই চলিবে না। বহিঃশক্তির নিয়ন্ত্রণপাশ হইতে তাহাকে সর্বতোভাবে মুক্ত হইতে হইবে। বহিঃশক্তির নিয়ন্ত্রণপাশে আবদ্ধ রাষ্ট্রের আইন প্রণয়ন করিবার চূড়ান্ত ক্ষমতা থাকে না। এই ধরনের রাষ্ট্রকে রাষ্ট্রও বলা চলে না। অতএব

*“At any moment, the State is more the official guardian than the maker of the law.” Mac Iver, the Modern State.

†“Its chief task is to uphold the rule of law and this implies that it is itself also the subject of law, that it is bound in the system of legal values it maintains.”—Mac Iver, The Modern State.

রাষ্ট্রকে যদি স্বাধীন হইতে হয়, তবে তাহাকে একদিকে আভ্যন্তরীণ চূড়ান্ত ক্ষমতা অর্জন করিতে হইবে, আর অপরদিকে বহিঃশক্তির নিয়ন্ত্রণপাশ হইতে মুক্ত হইতে হইবে। অতএব দেখা যাইতেছে যে, সার্বভৌমিকতার দুইটি দিক

আছে ; যথা—(ক) আভ্যন্তরীণ চূড়ান্ত ক্ষমতা,

সার্বভৌমিকতার
দুইটি দিক :

- (১) আভ্যন্তরীণ
চূড়ান্ত ক্ষমতা,
- (২) স্বাধীনতা

(খ) স্বাধীনতা। আভ্যন্তরীণ সার্বভৌমিকতার অর্থ

হইল : রাষ্ট্র ইহার অন্তর্গত সকল ব্যক্তির ও প্রতিষ্ঠানের

উপর আদেশ দিয়া থাকে কিন্তু কাহারও নিকট হইতে

আদেশ গ্রহণ করে না (“The State is internally

supreme over the area that it controls It issues orders to all

men and associations within that area ; it receives orders from

none of them”.)। অবশ্য ইহা বলা হয় যে, রাষ্ট্রের এলাকাধীন ব্যক্তি ও

অত্যাশ্রয় প্রতিষ্ঠান নিজেরাই নিজেদের কার্যক্ষেত্র নির্ধারণ করিয়া থাকে। রাষ্ট্র

সর্বক্ষেত্রে যদিও হস্তক্ষেপ করে না, তথাপি ইহা বলিলে ভুল করা হইবে যে,

রাষ্ট্রের আভ্যন্তরীণ ক্ষমতা সর্বক্ষেত্রে স্বীকৃত হয় না। কারণ, রাষ্ট্র ইহাদের

কার্যক্ষেত্রের উপর হস্তক্ষেপ করে না বটে, কিন্তু ইচ্ছা করিলে করিতে পারে।

রাষ্ট্রের এলাকাধীন মানুষও প্রতিষ্ঠানকে রাষ্ট্র যে-কোন সময়ে তাহার আদেশ

মাগ্ন করিতে বাধ্য করিতে পারে। প্রয়োজন মনে করিলে রাষ্ট্র শক্তি প্রয়োগ

করিয়াও তাহার আদেশ মাগ্ন করিতে বাধ্য করিতে পারে। ইহাই হইল

রাষ্ট্রের আভ্যন্তরীণ সার্বভৌমিকতা (Internal Sovereignty)।

আবার বহিঃশক্তির নিয়ন্ত্রণপাশ হইতে মুক্ত অবস্থার অর্থ রাষ্ট্রের

বাহ্যিক সার্বভৌমিকতা (External Sovereignty)। রাষ্ট্রের এই

বাহ্যিক সার্বভৌম ক্ষমতার অর্থ হইল বৈদেশিক রাষ্ট্রের সহিত কূটনৈতিক

সম্পর্ক স্থাপন করিবার ক্ষমতা ; বৈদেশিক রাষ্ট্রের বিরুদ্ধে যুদ্ধ ও শাস্তি স্থাপন

করিবার ক্ষমতা। অনেকে আবার এই ক্ষমতার অর্থ এইভাবে ব্যাখ্যা করেন

যে, ইহা দ্বারা রাষ্ট্রের সার্বভৌমিকতা অপরাপর রাষ্ট্রে ব্যবহৃত হওয়াকে

বোঝানো হয়। কোন রাষ্ট্রের সার্বভৌমিকতা অপরাপর রাষ্ট্রে ব্যবহৃত হইলে

যে রাষ্ট্রে উহা ব্যবহৃত হয়, সে রাষ্ট্রের সার্বভৌমিকতা থাকে না। এইজন্য

বাহ্যিক সার্বভৌমিকতা বলিতে অনেকে শুধু স্বাধীনতা ও বহিঃশক্তির

নিয়ন্ত্রণমুক্ত অবস্থাটিকে বুঝিয়া থাকেন। গেটেল এই মত পোষণ করেন যে,

বাহ্যিক সার্বভৌমিকতা কথাটি ব্যবহার না করিয়া স্বাধীনতা (Indepen-

dence) কথাটি ব্যবহার করা বিধেয়। তিনি আরও বলেন : “বস্তুতঃ বাহ্যিক সার্বভৌমিকতা বলিতে বোঝায় সেই সকল অধিকারের সমষ্টি যাহার মাধ্যমে রাষ্ট্র অপরাপর রাষ্ট্রের সহিত ব্যবহারে নিজের আভ্যন্তরীণ স্বাধীনতা প্রকাশিত করে” (“What is called external sovereignty is in reality the totality of rights by which internal sovereignty manifests itself in its dealings with foreign States”)। এই সংজ্ঞাটি বিশ্লেষণ করিলে দেখা যায় যে, রাষ্ট্রের যে একটি আভ্যন্তরীণ চূড়ান্ত ক্ষমতা আছে তাহা অপরাপর রাষ্ট্রকে জ্ঞাত করানোকেই বলে বাহ্যিক সার্বভৌমিকতা।

রাষ্ট্রের আভ্যন্তরীণ চূড়ান্ত ক্ষমতা ও বহিঃশক্তির নিয়ন্ত্রণপাশ হইতে মুক্ত অবস্থাটিকে বুঝাইবার জগ্গ আভ্যন্তরীণ ও বাহ্যিক সার্বভৌমিকতা শীর্ষক যে শব্দ দুইটি ব্যবহার করা হয়, তাহা সম্পূর্ণ তত্ত্বগত। বাস্তবক্ষেত্রে ইহার কোন মূল্য নাই। এই প্রসঙ্গে যুক্তি দেখানো হয় যে, দ্বিতীয় বিশ্বযুদ্ধের পর প্রকৃত সার্বভৌম রাষ্ট্র হইল মার্কিন যুক্তরাষ্ট্র এবং সোভিয়েত রুশিয়া। এই দুইটি রাষ্ট্র ব্যতীত অপরাপর রাষ্ট্র সকল কমবেশী ইহাদের উপর নির্ভরশীল বা ইহাদের আজ্ঞাবাহক। কিন্তু আইনের দৃষ্টিকোণ হইতে দেখিলে অধিকাংশ রাষ্ট্রই স্বাধীন ও সার্বভৌম ক্ষমতার অধিকারী। আইনের দৃষ্টিতে স্বাধীন ও সার্বভৌম রাষ্ট্রগুলি যদি অপর কোন রাষ্ট্রের নিয়ন্ত্রণ স্বীকার করিয়া লয় তবে

তাহা স্বেচ্ছাকৃত। এই প্রসঙ্গে রাষ্ট্রপুঞ্জের নিয়ন্ত্রণের কথা
 স্বেচ্ছাস্বীকৃত
 নিয়ন্ত্রণের দ্বারা
 রাষ্ট্র সার্বভৌমিকতা
 হারায় না
 অত্যন্ত স্বাভাবিক কারণেই উঠিতে পারে। কিন্তু
 রাষ্ট্রপুঞ্জের নিয়ন্ত্রণকে সভ্য রাষ্ট্র সকল স্বেচ্ছায় স্বীকার
 করিয়া লইয়াছে। সুতরাং ইহা মন্তব্য করা হয় যে,
 স্বেচ্ছাস্বীকৃত নিয়ন্ত্রণ সার্বভৌমিকতার বিলুপ্তি ঘটায় না। আবার ইহাও
 বলা হয় যে, আইনগত ভাবে যদি অপরাপর রাষ্ট্রের নিয়ন্ত্রণ করিবার ক্ষমতা
 না থাকে তবে প্রকৃত প্রস্তাবে নিয়ন্ত্রণ করিলেও সার্বভৌমিকতার বিলুপ্তি
 ঘটে না। উদাহরণস্বরূপ বলা যায়, সোভিয়েত ইউনিয়ন কার্যতঃ বহু রাষ্ট্রের
 নীতি ও কার্যপদ্ধতির নিয়ন্ত্রণ করে। কিন্তু, আইনতঃ নিয়ন্ত্রণ করার অধিকার
 তাহার নাই বলিয়া সোভিয়েত ইউনিয়নের এই নিয়ন্ত্রণের দ্বারা অপরাপর
 রাষ্ট্রের সার্বভৌমিকতার বিলুপ্তি ঘটে না।

আভ্যন্তরীণ সার্বভৌমিকতার ক্ষেত্রেও একই কথা খাটে। দেশের অভ্যন্তরে রাষ্ট্র চূড়ান্ত ক্ষমতার অধিকারী হয় তখনই যখন দেশের মানুষ তাহার চূড়ান্ত ক্ষমতাকে স্বীকার করে। আর এই ক্ষমতাকে স্বীকার করে বলিয়াই তাহার ক্ষমতা আছে। আর যদি এই ক্ষমতাকে লোকে স্বীকার না করিত বা মান্য না করিত, তবে তাহার এই অস্বীকৃত ক্ষমতাকে ক্ষমতা বলিয়াই ধরা হইত না। বলিয়াই ইহাবাংলায় একটি কথা আছে : “গায়ে মানে না, আপনি মোড়ল।” রাষ্ট্রের সার্বভৌমিকতাকে যদি কেউ না মানে তবে সে সার্বভৌমিকতার কোন অর্থই হয় না। অতএব সার্বভৌমিকতা নির্ভর করে স্বীকৃতির উপর।

সার্বভৌমিকতার তত্ত্বের বিকাশ (Development of the Theory of Sovereignty): ষোড়শ শতাব্দীর পূর্বে সার্বভৌমিকতা সম্বন্ধে বিশেষ আলোচনা হয় নাই। ইহার কারণস্বরূপ বলা হইয়াছে যে, মধ্যযুগ পর্যন্ত সার্বভৌম রাষ্ট্রের উদ্ভব হয় নাই। ফলে সার্বভৌমিকতার তত্ত্বেরও বিকাশ হয় নাই। অবশ্য, সার্বভৌমিকতার স্বরূপ প্রাচীন লেখকগণের নিকট সম্পূর্ণ অজ্ঞাত ছিল না।

প্রাচীন গ্রীসে রাষ্ট্রকে বিশেষ মর্যাদা দান করা হইত বটে, কিন্তু প্রথমে আইনকে রাষ্ট্রের নির্দেশের উপরে স্থান দেওয়া হইত। মধ্যযুগে ছিল সামন্ত প্রথা। এই যুগে সারা পশ্চিম ইউরোপ এক খ্রীষ্টীয় সভ্যতার সম্পর্কবন্ধনে আবদ্ধ ছিল। বিভিন্ন স্তরের লোকের বিভিন্ন ধরনের অধিকার ছিল।

নিয়ন্ত্রণের অধিকারও বিভিন্ন স্তরের কর্তৃপক্ষের মধ্যে বিভক্ত ছিল। রোমান ক্যাথলিক চার্চ (Roman Catholic church), পবিত্র রোমান সাম্রাজ্য (Holy Roman Empire), রাজ্য (Kingdom), সামন্ত-তান্ত্রিক ভূম্যধিকারী (Feudal Landlords), মুক্ত শহর (Free States), গিল্ড (Guilds) প্রভৃতি কর্তৃপক্ষের মধ্যে এই নিয়ন্ত্রণাধিকার বিভক্ত ছিল। এই বিভিন্ন শ্রেণী ও সংঘ প্রভৃতির বিভিন্ন অধিকার ও কর্তৃত্বের ভারসাম্যের মধ্য দিয়াই সমাজ-জীবন পরিচালিত হইত। এই প্রসঙ্গে কোকারের (Coker) মন্তব্য উল্লেখযোগ্য। তিনি বলেন : মধ্যযুগে, “রাষ্ট্রের জন্ম কোন অহুভূতি ছিল না ; কেন্দ্রীয় ক্ষমতার উপর কোন সাধারণ ও একই ধরনের বশতা ছিল

না ; কোন সর্বময় ক্ষমতামূলী সার্বভৌমিকতা ছিল না ; রাষ্ট্রীয় আইনের সমান চাপ অনুভূত হইত না ; আনুষ্ঠানিক ও আইনসিদ্ধ নিয়মকানূনের মাধ্যমে সংগঠনের ধারণাগত ভিত্তি ছিল না, যাহা ছিল তাহা রাষ্ট্রের নহে, চার্চের এলাকাভুক্ত ।*

মধ্যযুগে ছিল সামন্ত প্রথা । এই সামন্ত যুগে সামন্তগণ শুধু রাজার প্রতি আনুগত্য প্রদর্শন করিত । আর সাধারণ লোকেরা আনুগত্য প্রদর্শন করিত সামন্তদিগের প্রতি । এইভাবে আনুগত্য প্রদর্শন দুইভাগে বিভক্ত হওয়ায় সার্বভৌম ক্ষমতাও দুইভাগে বিভক্ত হইয়া পড়ে । এই যুগেই লক্ষ্য করা যায়, সাম্রাজ্য ও চার্চের মধ্যে শ্রেষ্ঠত্বের দাবিতে বিরোধিতা । এই বিরোধিতার ফলে রাষ্ট্রের শ্রেষ্ঠত্ব সর্বজনস্বীকৃত হয় নাই ।

আবার সে যুগে মানুষের আস্থা ছিল স্বাভাবিক আইনের (Natural Law) উপর । মহাযুগীত আইনের প্রতি সাধারণ লোকের কোন বিশ্বাস ছিল না । ফলে রাষ্ট্রের উদ্ভবের পথে অনেক বাধা ছিল । বস্তুতঃ রাষ্ট্র-কর্তৃত্ব ও আনুগত্য সম্বন্ধে প্রকৃত ধারণার বিকাশ লাভ করে নাই ।

মধ্যযুগের শেষের দিকে নূতন রাষ্ট্রশক্তি প্রাধান্য বিস্তার করে । পোপ ও সম্রাটের কর্তৃত্বকে অস্বীকার করা হয় এবং সামন্ত প্রথা, মুক্তনগরী ও গিল্ড-গুলির বিলোপ লক্ষ্য করা যায় । রাজা রাষ্ট্রের সকল ক্ষমতার অধিকারী হন । এই সময়েই সামন্তবর্গের হস্ত হইতে ভূমি রাজার হস্তে চলিয়া যায় এবং রাষ্ট্র-কর্তৃত্বের ভূমিগত প্রাধান্য আরম্ভ হয় অর্থাৎ ভূমিগত সার্ব-

সার্বভৌমিকতা-
তত্ত্ব সম্বন্ধে সামন্ত-
তাত্ত্বিক যুগের
ধারণা।

ভৌমিকতার স্বরূপাত হয় । অপরদিকে আবার লুথারের

(Martin Luther) ভূমিসংস্কারের আন্দোলনের ফলে পোপের প্রাধান্য খর্ব হয় এবং পোপের বিরুদ্ধে লুথারের

প্রচারের ফলে নৃপতিদিগের প্রাধান্য বৃদ্ধি পায় । লুথারের মতে রাজাই সার্বভৌম ও সকলের উচিত তাঁহাকে মান্য করা এবং তাঁহার প্রতি আনুগত্য স্বীকার করা । অবশ্য, পরে আবার যখন পোপ ও নৃপতিদিগের

* There was then "no feeling for the State ; no common and uniform dependence on a central power ; no omniscient sovereignty ; no equal pressure of civil law ; no abstract basis of association in formal and legal rules—or at any rate, so far as anything of the sort was present, it was a matter only for the church and in no wise for the State." Coker—Recent Political Thought ।

মধ্যে বিরোধ বাধে এবং পোপের প্রাধান্য পুনরায় স্থাপিত হইবার সম্ভাবনা দেখা দিলে নৃপতিগণ লুথারের নীতির আশ্রয় গ্রহণ করেন। এই পোপের বিরুদ্ধে সংগ্রামের সময় ফরাসী দার্শনিক বোড'্যা সার্বভৌমিকতার সূত্র ব্যাখ্যা লইয়া উপস্থিত হন। এই সংগ্রামের মধ্য হইতে জাতীয় রাষ্ট্রের (National State) উদ্ভব হয়। এই জাতীয় রাষ্ট্রের বৈশিষ্ট্য হইল সার্বভৌমিকতা (Sovereignty)। এই সার্বভৌমিকতার অবস্থান নির্ণয় করা হইল নৃপতিগণের মধ্যে। কিন্তু ইহাকে রাষ্ট্রেরই অত্যন্ত বৈশিষ্ট্য হিসাবে ধরা হইল, রাজার নহে।

সার্বভৌমিকতা সম্বন্ধে ধারণার উদ্ভব প্রসঙ্গে কলিকাতা বিশ্ববিদ্যালয়ের ভূতপূর্ব 'রাষ্ট্রশাস্ত্র-সুরেন্দ্রনাথ ব্যানার্জী-অধ্যাপক' ডাঃ ধীরেন্দ্রনাথ সেন এই মন্তব্য করেন : “ইউরোপে মধ্যযুগের শেষের দিকে যখন উৎপাদনের শক্তিগুলি তদানীন্তন সামাজিক সম্পর্কের (ফিউডাল সমাজ-সম্পর্ক) নিয়ন্ত্রণের বিরুদ্ধে তাহাদের স্বজনশীল শক্তির পূর্ণ ব্যবহার করিবার জন্ত সুরোগ সন্ধান করিতেছিল, তখন ধর্মনিরপেক্ষ সামাজিক দাবি ও চার্চের ধর্মের নামে অধিকার রক্ষার মধ্যে সংঘর্ষ উপস্থিত হয়। এই সময় রাজনৈতিক-ভাবে সংগঠিত মানুষের স্বার্থকে কায়ম করার জন্ত চার্চের ক্লাজিদিগের সুরোগ-সুবিধার বিরুদ্ধে এক তত্ত্ব উপস্থিত করা হয়। এই তত্ত্বই সার্বভৌমিকতার তত্ত্ব নামে পরিচিত। ইউরোপের রেনেসাঁর অব্যবহিত পরেই এই তত্ত্ব বিকশিত হইতে থাকে।”*

১৫৮৬ খ্রীষ্টাব্দে বোড'্যা তাঁহার ‘De Republica’ গ্রন্থে সার্বভৌমিকতা সম্বন্ধে আধুনিক মতবাদের প্রথম ব্যাখ্যা করেন। কারণ, তিনিই প্রথম রাষ্ট্রের জনসাধারণের উপর চরম ক্ষমতা আছে বলিয়া স্বীকার করেন। এই

* When towards the close of the Middle Ages in Europe the forces of production sought opportunities for the full utilisation of their creative energy against the restrictions of the then existing social relations, a conflict arose between the secular claims of society and the spiritual pretensions of the church. A theory was developed then to advance the cause of the politically organised laity against the privileges of the clergy. This theory came to be known as sovereignty of the State. The concept of sovereignty was developed in the wake of the European Renaissance.—Dr. Dharendra Nath Sen.—Raj to Swaraj.

চরম ক্ষমতার নাম দেওয়া হইল রাষ্ট্রের সার্বভৌমিকতা। তিনি বলেন যে, এই ক্ষমতা কোনরূপ আইন দ্বারা নিয়ন্ত্রিত নহে (The supreme power of the State over citizens and subjects unrestrained by law)। রাষ্ট্রের এই চরম ক্ষমতাকে অবিভাজ্য, চিরন্তন ও অপ্রতিহত বলিয়াও বর্ণনা করা হইয়াছে। অবশ্য, বোর্ড'য়া দৈনিকের ক্ষমতাকে অস্বীকার করেন নাই। বোর্ড'য়া যে সার্বভৌমিকতার সংজ্ঞা নিরূপণ করিয়াছেন, তাহা বর্তমানে আভ্যন্তরীণ সার্বভৌমিকতার অর্থে ব্যবহৃত হয়। কিন্তু রাষ্ট্রের বাহ্যিক সার্বভৌমিকতা সম্বন্ধে বোর্ড'য়া বিশেষ আলোচনা করেন নাই।

বোর্ড'য়ার এই আরও কার্য সম্পাদন করিলেন, সপ্তদশ শতাব্দীতে ডাচ আন্তর্জাতিক আইনবিদ গ্রোটিয়াস (Grotius)। গ্রোটিয়াসের মতে সকল রাষ্ট্রই সমমর্যাদাসম্পন্ন এবং বহিঃশক্তির নিয়ন্ত্রণ হইতে রাষ্ট্রকে মুক্ত হইতে হইবে। এই বহিঃশক্তির নিয়ন্ত্রণ হইতে মুক্ত অবস্থাটিকে সার্বভৌমিকতার একটি দিক হিসাবে ধরা হয়। গ্রোটিয়াসের এই মতবাদের ফলে রাষ্ট্র আন্তর্জাতিক আইনের দৃষ্টিতে স্বাধীন বলিয়া স্বীকৃত হওয়ায় পুরাপুরি সার্বভৌম হইয়া উঠিল। গ্রোটিয়াস বলেন : “সার্বভৌমিক হইল সেই ব্যক্তি যাহার হস্তে চরম রাষ্ট্রনৈতিক ক্ষমতা ন্যস্ত হইয়াছে, যাহার কার্যকলাপ অপর কাহারও আজ্ঞাধীন নহে ; যাহার ইচ্ছা কেহ অতিক্রম করিতে পারে না। (“The supreme political power vested in him whose acts are not subject to any other and whose will cannot be over-ridden”)।

বোর্ড'য়া ও গ্রোটিয়াসের সার্বভৌমিকতা সম্বন্ধে ধারণাকে আরও বিকশিত করেন হব্‌স্ (Hobbes)। হব্‌স্ তাঁহার লেভিয়াথান (Leviathan) গ্রন্থে এক সামাজিক চুক্তির কল্পনা করেন এবং তিনি রাষ্ট্রের এক চরম ক্ষমতাকে স্বীকার করেন। ব্লাক্‌স্টোনের ভাষায় সার্বভৌমিকতা হইল চরম, অপ্রতিরোধ্য, শর্তহীন, সীমাহীন কর্তৃত্ব (“The supreme, irresistible, absolute and uncontrolled authority.”)।

হব্‌স্‌সের পর রুশোর (Rousseau) হস্তে সার্বভৌমিকতার তত্ত্ব আরও

বিকশিত হয়। রুশো বলিলেন সার্বভৌমিকতা রাজার নহে, ইহা জনগণের। রুশোর মতে জনগণের এই সার্বভৌমিকতা চরম এবং অনিয়ন্ত্রিত। রুশোর এই মত হইতেই জনগণের সার্বভৌমিকতা সম্বন্ধে মতবাদের উদ্ভব হয়। সার্বভৌমিকতা সম্বন্ধে ধারণার বিকাশে বেঙ্হামেরও (Bentham) অবদান কম নহে।

সার্বভৌমিকতা সম্বন্ধে গুরুত্বপূর্ণ মতবাদ প্রচার করেন অস্টিন (Austin)। সার্বভৌমিকতা সম্বন্ধে বস্তুতঃ, পরিপূর্ণ ও আইনসঙ্গত রূপ বিশ্লেষিত হয় অস্টিনের হস্তে। অস্টিনের মতবাদকে আবার সময় পরম্পরাগত মতবাদ (Traditional বা classical) বলিয়াও আখ্যায়িত করা হয়। অস্টিনের মতবাদের সারকথা হইল রাষ্ট্র বহিঃনিয়ন্ত্রণ হইতে সর্বপ্রকারে মুক্ত এবং রাষ্ট্রাভ্যন্তরে রাষ্ট্রীয় কর্তৃত্ব চরম ও অনিয়ন্ত্রিত। উপরে যে সকল চিন্তাবীরের মতবাদের কথা বলা হইয়াছে তাহার সারসংক্ষেপ হইল : রাষ্ট্র এক বিশেষ প্রয়োজনীয় সামাজিক সংগঠন ; এই রাষ্ট্রে রাষ্ট্র-কর্তৃত্বাধীনে সমস্বার্থের ও বিরোধী স্বার্থের মাহু্য একসঙ্গে বসবাস করে। রাষ্ট্রই একমাত্র আইন প্রণয়ন করার অধিকারী। আইনগতভাবে রাষ্ট্রের স্থান সর্বোচ্চে।

আবার জেলিনেকের ভাষায় সার্বভৌমিকতার রূপটি এইরূপ, “রাষ্ট্রের সেই বৈশিষ্ট্য যাহার গুণে নিজের ইচ্ছা ব্যতিরেকে ইহার উপর কোনপ্রকার বন্ধন আরোপিত হইতে পারে না। নিজে ছাড়া অপর কোন শক্তি ইহাকে সীমিত করিতে পারে না”। বার্জেসের মতে সার্বভৌমিকতা হইল “প্রজাপুঞ্জ ও তাহাদের সকল সংগঠনের উপর আদি, অবিশ্রান্ত সীমাহীন ক্ষমতা, নির্দেশ দান করিবার ও তাহা মান্ত করিতে বাধ্য করিবার স্বতন্ত্রসারিত ও স্বাধীন ক্ষমতা” (“Original, absolute, unlimited power over the individual subject and over all associations of subjects, the underived and independent power to command and compel obedience”)।

বর্তমানে সার্বভৌমিকতা সম্বন্ধে আরও কতকগুলি মতবাদ লক্ষ্য করা যায়। এই মতবাদগুলির মধ্যে আন্তর্জাতিক মতবাদ ও বহুত্ববাদ (Internationalism ও Pluralism) বিশেষ উল্লেখযোগ্য। আন্তর্জাতিক মতবাদে বিশ্বাসিগণ রাষ্ট্রের বাহ্যিক সার্বভৌমিকতায় বিশ্বাসী নহেন। তাঁহাদের মতে ইহা বিশ্বশাস্ত্রের পরিপন্থী। আন্তর্জাতিকতাবাদিগণ এই মত

পোষণ করেন যে, রাষ্ট্রের বাহ্যিক সার্বভৌমিকতা আন্তর্জাতিক আইন ও রীতিনীতির দ্বারা নিয়ন্ত্রিত হয়। বহুত্ববাদিগণ মনে করেন যে, রাষ্ট্র

আন্তর্জাতিকতা-
বাদিগণ ও বহুত্ব-
বাদিগণের
সার্বভৌমিকতা
সম্বন্ধে ধারণা

সংযমূলক। প্রত্যেক সংঘই স্ব স্ব এলাকায় সার্বভৌম।

রাষ্ট্রের সার্বভৌমিকতার আজ্ঞাকে ইহারা আইন বলিয়া

স্বীকার করেন না এবং সার্বভৌমিকতা ইহাদিগের ধারণায়

অবিভাজ্যও নয়। অবশু, বর্তমানে কোকার, ফলেট,

ডুগো প্রমুখ দার্শনিকদিগের হস্তে বহুত্ববাদ সমধিক

সমালোচিত হইয়াছে। এইভাবে সার্বভৌমিকতা সম্বন্ধে যে ধারণা ষোড়শ

শতাব্দীতে বোডুঁয়ার হস্তে প্রথম রূপ গ্রহণ করে পরে উহা সপ্তদশ

শতাব্দীতে হগো গ্রোটিয়াস, টমাস হব্‌স্‌ এবং অষ্টাদশ শতাব্দীতে রুশো এবং

উনবিংশ শতাব্দীতে জন্ অস্টিন এবং বিংশ শতাব্দীতে ল্যাক্সি প্রভৃতি

দার্শনিকের হস্তে ধীরে ধীরে বিকাশ লাভ করিয়া বর্তমানে রাষ্ট্রবিজ্ঞানের এক

উল্লেখযোগ্য আলোচনার বিষয় হইয়া দাঁড়াইয়াছে।

সার্বভৌমিকতার বৈশিষ্ট্য (Characteristics of Sovereignty) :

উপরে সার্বভৌমিকতা সম্পর্কে যে বিভিন্ন মতামত লিপিবদ্ধ হইয়াছে, তাহা হইতে এবং উপরিউক্ত সার্বভৌমিকতার প্রকৃতি হইতে সার্বভৌমিকতার কর্তৃকগুলি বৈশিষ্ট্য পাওয়া যায়। নিম্নে এই বৈশিষ্ট্যগুলি দেওয়া গেল :

প্রথমতঃ, চরমতা (Absoluteness) :

সার্বভৌম ক্ষমতার অর্থ রাষ্ট্রের চরম বা চূড়ান্ত ক্ষমতা। আবার কেহ কেহ বলেন সার্বভৌম ক্ষমতা বা আইন

প্রণয়নের ক্ষমতা চরম ক্ষমতা। রাষ্ট্রের এই চরম ক্ষমতা অসীম। রাষ্ট্রের

মধ্যে আইনানুমোদিত আর অত্র কোন ক্ষমতা নাই যাহা সার্বভৌমিকতার

উর্ধ্বে। অর্থাৎ রাষ্ট্রের মধ্যে সকল বিষয়েরই সর্বোচ্চ মীমাংসক হইল

সার্বভৌমিকতা। কিন্তু সার্বভৌমিকতা সম্বন্ধে বলা হয়

সার্বভৌমিকতা
নৈতিক সূত্রের
দ্বারা সীমাবদ্ধ

যে, ইহা আইনসঙ্গতভাবে সীমাবদ্ধ না হইলেও ইহা

নৈতিক সূত্র দ্বারা সীমাবদ্ধ। এই প্রসঙ্গে হেনরী মেইন

এই মত পোষণ করেন যে, নৈতিক প্রভাব প্রতিনিয়তই

সার্বভৌম শক্তিকে সীমিত করে। ব্লুন্টস্‌লি বলেন যে, রাষ্ট্রের সার্বভৌমিকতা

যেহেতু অপরাপর রাষ্ট্রের অধিকারকে স্বীকার করে সেইহেতু বাহ্যিক দিক

দিয়া ইহা অপরাপর রাষ্ট্রের অধিকার দ্বারা সীমাবদ্ধ। আবার আভ্যন্তরীণ

দিক দিয়া ইহার নিজস্ব প্রকৃতি ও ব্যক্তিসমূহের অধিকার দ্বারা সীমাবদ্ধ।

তিনি ইহাও বলেন যে, রাষ্ট্র ঈশ্বরের চিরন্তন বিধানকে উপেক্ষা করিতে পারে না, ফলে ঈশ্বরের চিরন্তন বিধানের নিকট চিরদিনই দায়িত্বশীল থাকিবে। আবার ইতিহাসের ঘটনাকেও রাষ্ট্র উপেক্ষা করিতে পারে না। তাই ঐতিহাসিক ঘটনার কাছেও রাষ্ট্র দায়িত্বশীল থাকিবে।

অবশ্য, ইহা স্বীকার করিতে হইবে যে সার্বভৌমিকতা সম্বন্ধে ধারণা আইনগত, নীতিগত নহে। ঈশ্বরের বিধান ও নৈতিক স্তরের দ্বারা ইহা সীমাবদ্ধ হউক বা না হউক, ইহা আইন দ্বারা যে সীমাবদ্ধ তাহা প্রায় সকলেই স্বীকার করেন। বার্কারের মতে সার্বভৌমিকতা নিজস্ব প্রকৃতি ও কার্যপদ্ধতি দ্বারা সীমাবদ্ধ (sovereignty is limited.. by its own nature and its own mode of action.”)।

সার্বভৌমিকতার প্রকৃতি এই কথাই বলে যে, সার্বভৌমিকতা হইল চূড়ান্ত ক্ষমতা। এই চূড়ান্ত ক্ষমতা চূড়ান্ত ব্যাপারেই নিজেকে প্রকাশিত করে। রাষ্ট্রের বহু সমস্তার ক্ষেত্রে, বহু দ্বন্দ্বের ক্ষেত্রে রাষ্ট্র তাহার এই চূড়ান্ত ক্ষমতাকে ব্যবহার করে। কিন্তু ইহার বৈশিষ্ট্য হইল ইহা সকল চূড়ান্ত ক্ষমতা আছে বলিয়াই দ্বন্দ্বের ক্ষেত্রে, সকল সমস্তার ক্ষেত্রে সর্বদাই ইহার চূড়ান্ত ইহা সর্বদা ব্যবহৃত ক্ষমতা প্রয়োগ করে না। এই চূড়ান্ত ক্ষমতা যেহেতু সকল হয় না বিষয়ে ইচ্ছা প্রকাশ করে না সেইহেতু ইহা চূড়ান্ত পর্যায়ে পৌঁছবার পূর্বে যে সমস্তার সমাধান হইয়া যায়, সেই সকল সমস্তার ক্ষেত্রে ইহার ক্ষমতা সীমাবদ্ধ। কিন্তু ইহাও সত্য যে, সকল স্তরে হস্তক্ষেপ করে না বলিয়াই ইহার ক্ষমতাকে সীমাবদ্ধ বলা উচিত না, কারণ রাষ্ট্র ইচ্ছা করিলে সকল স্তরেই তাহার ক্ষমতা প্রয়োগ করিতে পারে।

আবার আইনের গম্ভীর বাহিরে অত্যাচার বিষয়ের সহিত সার্বভৌমিকতার কোন সংশ্লিষ্ট নাই। এই প্রসঙ্গে বার্কার বলেন, “আইনসঙ্গত ভাবে আইন-সম্মত প্রশ্নের চূড়ান্ত মীমাংসা করিবার আইনানুসৃত ক্ষমতা; হইল সার্বভৌমিকতা” (“ it is a legal power of settling finally legal questions in a legal way.”)। অতএব সার্বভৌমিকতাকে রাষ্ট্রের চরম ক্ষমতা বলা সম্পূর্ণ যুক্তিযুক্ত নহে। সার্বভৌমিকতার সীমাবদ্ধতা সম্পর্কে পরে বিশদভাবে আলোচনা করা হইবে।

দ্বিতীয়তঃ, সর্বজনীনতা (Universality) : সর্বজনীনতা সার্বভৌমিকতার দ্বিতীয় বৈশিষ্ট্য। এই বৈশিষ্ট্যের দ্বারাও সার্বভৌমিকতার

সীমাহীনতা বোঝানো হয়। ইহার অর্থ হইল রাষ্ট্রের অন্তর্গত প্রতিটি ব্যক্তিই রাষ্ট্রের সার্বভৌমিক শক্তির অধীন। অবশ্য, প্রশ্ন উঠে, রাষ্ট্রের মধ্যে যে সকল বৈদেশিক দূতেরা বাস করে তাহারা রাষ্ট্রের সার্বভৌমিকতার অধীন নয়। আবার এই প্রশ্নের উত্তরে বলা যায় যে, যদিও আইনতঃ এই সকল বৈদেশিক রাষ্ট্রদূত রাষ্ট্রের অধীন নহে, কিন্তু রাষ্ট্র ইচ্ছা করিলেও প্রয়োজনবোধে ইহাদিগকে অপসারিত করিতে পারে।

আবার এই সর্বজনীনতাও রাষ্ট্রের আইন দ্বারা সীমাবদ্ধ। আইনবলেই রাষ্ট্রান্তর্গত সকল মাহুষ রাষ্ট্রের অধীন। এই আইনের সর্বজনীনতাও সীমা লঙ্ঘন করিয়া রাষ্ট্র কাহারও উপর তাহার অবাধ আইনের গণ্ডী ছাড়া সীমাবদ্ধ ইচ্ছাকে চাপাইয়া দিতে পারে না।

তৃতীয়তঃ, স্থায়িত্ব (Permanence) : সার্বভৌমিকতার তৃতীয় বৈশিষ্ট্য হইল স্থায়িত্ব (permanence)। রাষ্ট্রের এই সার্বভৌম শক্তি ব্যবহার করে সরকার। কিন্তু সরকার স্থায়ী নহে। কিন্তু এই ব্যবহারকারীর পরিবর্তনের ফলে সার্বভৌমিকতার স্থায়িত্ব নষ্ট হয় না।

সার্বভৌমিকতা চিরস্থায়ী নহে কারণ স্থায়ী সার্বভৌমিকতাকে বিভিন্ন সরকারই ব্যবহার করিতে পারে। সার্বভৌমিকতার অধিকারী হইল

রাষ্ট্র। রাষ্ট্র যতদিন পর্যন্ত থাকিবে সার্বভৌমিকতাও ততদিন পর্যন্ত থাকিবে। অবশ্য, রাষ্ট্র লুপ্ত হইলে বা বৈদেশিকদের করতলগত হইলে বা রাষ্ট্র দ্বিখণ্ডিত হইলে রাষ্ট্রের সার্বভৌমিকতাও আর থাকে না।

চতুর্থতঃ, অবিভাজ্যতা (Indivisibility) : পূর্বেই বলা হইয়াছে যে, সার্বভৌমিকতা রাষ্ট্রের সঙ্গে যুক্ত থাকে। রাষ্ট্র বিভক্ত হইলেও সার্বভৌমিকতা বিভক্ত হয় না। তখন বিভক্ত রাষ্ট্রের স্বতন্ত্র ভাগে সার্বভৌমিকতা সম্পূর্ণ থাকে।

আইনানুসারে ঐক্যবদ্ধ জনসমাজই হইল রাষ্ট্র। আবার এই জনসমাজকে ঐক্যবদ্ধ রাখার জন্ত প্রয়োজন হয় রাষ্ট্রের একটি চূড়ান্ত ক্ষমতা, এই চূড়ান্ত

ক্ষমতাকে যদি বিভক্ত করা হয়, তবে জনসমাজও ঐক্যবদ্ধ হইবে না। সার্বভৌমিকতার বিভক্তীকরণের অর্থ সার্বভৌমিকতার বিলোপ সাধন করা। প্রত্যেক

সমাজ-ব্যবস্থায় চূড়ান্ত বিচারের জন্ত একটিমাত্র কেন্দ্রীয় প্রতিষ্ঠান থাকিবে। কিন্তু বহু কেন্দ্রীয় প্রতিষ্ঠান থাকিলে চূড়ান্ত বিচারের ক্ষমতা কাহারও হস্তে থাকিতে পারে না। আবার কতকগুলি কেন্দ্রীয়

প্রতিষ্ঠানের মধ্যে চূড়ান্ত ক্ষমতা বিভক্ত হইতে পারে না। কারণ চূড়ান্ত ক্ষমতার অর্থ শেষ কথাটি বলিবার ক্ষমতা। এই শেষ কথাটি বলিবার ক্ষমতা একটিমাত্র প্রতিষ্ঠানের থাকিতে পারে।

অবশ্য, দেখা যায় যে, যুক্তরাষ্ট্রীয় শাসন-ব্যবস্থায় এবং একই সরকারের বিভিন্ন অংশ সার্বভৌম শক্তির ব্যবহার করিতেছে। কিন্তু একটি কথা এখানে স্মরণ রাখা দরকার যে, শাসন-ব্যবস্থার সুবিধার জ্ঞে কেন্দ্রীয় প্রতিষ্ঠানের সম্মতিক্রমে যদি সার্বভৌম ক্ষমতার বিভাগ করা হয়, তবে ইহাকে সাংভৌম ক্ষমতার বিভক্তীকরণ বলা চলে না। ইহা শাসনকার্যের সুবিধার জ্ঞে প্রয়োগ-ক্ষেত্রে সার্বভৌমিকতার বণ্টনমাত্র।

সার্বভৌমিকতার অবিভাজ্যতা সম্পর্কে বর্তমানে তীব্র সমালোচনা করা হইয়াছে। বর্তমানে আন্তর্জাতিক আইনের সহিত রাষ্ট্রের সম্বন্ধ, এবং আন্তর্জাতিক সম্বন্ধ প্রসঙ্গে আলোচনাকালে বলা হয় যে, রাষ্ট্রের সার্বভৌমিকতা বহু পরিমাণে বিভক্ত হইয়াছে। আবার সোভিয়েত রুশিয়ার মতো যুক্তরাষ্ট্রীয় শাসন-ব্যবস্থায়ও সার্বভৌমিকতা অবিভাজ্য হইয়াছে বলিয়া মন্তব্য করা হয়। এই প্রসঙ্গে পরে বিশদ আলোচনা করা হইবে।

পঞ্চমতঃ, হস্তান্তরযোগ্যতা (Transferability or inalienability):
সার্বভৌমিকতার আর একটি বৈশিষ্ট্য হইল রাষ্ট্রের সার্বভৌমিকতা হস্তান্তরিত করা যায় না। মানুষ যেমন তাহার প্রাণকে হস্তান্তরিত করিয়া বাঁচিতে পারে না, রাষ্ট্রও তেমনি তাহার সার্বভৌমিকতা হস্তান্তর করিয়া বাঁচিতে পারে না। রাষ্ট্রের সার্বভৌমিকতা হস্তান্তর করার অর্থ রাষ্ট্রের বিলুপ্তি। সার্বভৌমিকতা ব্যতীত রাষ্ট্র সম্পূর্ণ নয়। উদাহরণস্বরূপ বলা যায়, ভারত যখন ইংরেজের অধীনে ছিল তখন তাহার সার্বভৌমিকতা ইংরেজের হস্তে হস্তান্তরিত হইয়াছিল। ভারত তখন তাহার রাষ্ট্রিক বৈশিষ্ট্য হারাইয়া ইংরেজের উপনিবেশে পরিণত হইল। অবশ্য, ইহা স্মরণ রাখা প্রয়োজন যে, রাষ্ট্রের কোন অংশকে হস্তান্তরিত করিলে বা সার্বভৌম ক্ষমতার ব্যবহারকারীর পরিবর্তন হইলে সার্বভৌম ক্ষমতা হস্তান্তরিত হয় না। উদাহরণস্বরূপ বলা যায় ভারতবর্ষে কংগ্রেস সরকারের পরিবর্তে যদি অপর কোন দলের সরকার গঠিত হয় তবে সার্বভৌমিকতার ব্যবহারকারীর পরিবর্তন হইবে কিন্তু সার্বভৌমিকতা হস্তান্তরিত হইবে না।

রাষ্ট্রের সার্ব-
ভৌমিকতা হস্তান্তর
করার অর্থ রাষ্ট্রের
বিলোপ সাধন
করা।

ইহার অর্থ সার্বভৌমিকতা রাষ্ট্রের সঙ্গে সংযুক্ত। রাষ্ট্র তাহার সার্বভৌমিকতা লইয়া ঠিকই অবস্থান করিতেছে। শুধু শাসনভার একদল লোকের হাতে হইতে অপরদল লোকের হাতে হস্তান্তরিত হয় বা সার্বভৌমিকতার ব্যবহার একদল লোকের পরিবর্তে অপরদল করিয়া থাকে। ইহার দ্বারা সার্বভৌমিকতার হস্তান্তর বোঝায় না। ষোড়শ ও সপ্তদশ শতাব্দীতে সার্বভৌমিকতার হস্তান্তর লইয়া অনেক আলোচনা হয়। রাজতন্ত্রের সমর্থক হব্‌স্ প্রমুখ চিন্তাবীর এই মত পোষণ করেন যে, প্রথমে সার্বভৌমিকতা জনগণের হস্তেই ছিল, কিন্তু পরে উহা রাজার হস্তে সমর্পণ করা হইয়াছে এবং সার্বভৌমিকতাকে রাজার হস্ত হইতে কোনমতেই জনগণের হস্তে পুনঃ হস্তান্তর করা যায় না। আবার জনগণের প্রাধাত্যের ঘাহারা সমর্থক তাঁহারা এই মত প্রকাশ করিতে শুরু করেন যে, জনগণ একবার রাজাকে সার্বভৌমিকতা ব্যবহার করিবার জ্ঞান অস্থায়িভাবে সার্বভৌমিকতা অর্পণ করিয়াছিল কিন্তু তাই বলিয়া চিরকালের জ্ঞান জনসাধারণ রাজাকে ইহা ব্যবহার করিতে দেয় নাই। এই প্রসঙ্গে অধ্যাপক গার্গার বলেন : “এই বিতর্কের মূল্য যাহাই হউক না কেন বর্তমানে আইনবিদগণ ইহাই প্রচার করেন যে, সার্বভৌমিকতা হস্তান্তরযোগ্য নহে।”

(পরিশেষে উইলোবির (Willoughby) মন্তব্যটি উদ্ধৃত করা গেল। তিনি বলেন : “একই ব্যক্তিত্বের মধ্যে দুইটি ইচ্ছা, দুই-ই চূড়ান্ত যে হইতে পারে না, তাহা সহজেই বোঝা যায়। কিন্তু রাষ্ট্রের চরম ইচ্ছা খণ্ডিত হইতে না পারিলেও, সেই ইচ্ছা একাধিক আইন-প্রণয়নী সভা হইতে প্রকাশিত হইতে পারে এবং তাহার আজ্ঞাকে কার্যকরী করিবার ভারও বহুতর কর্ম-সম্পাদনী বিভাগের উপর গুস্ত হইতে পারে।*

প্রকৃতপক্ষে যুক্তরাষ্ট্রে যাহা হয় তাহা হইল শাসন-ব্যবস্থার বিভাজন। শাসন-ক্ষমতা বিভাজনের সহিত সার্বভৌমিকতা খণ্ডনের প্রশ্নকে জড়াইয়া দেখা উচিত নহে। জেলিনেকও একস্থানে বলিয়াছেন যে, আসলে যাহা

* “That there cannot be in the same being two wills, each supreme is obvious. But though the sovereign will of the State may not be divided, it may find expression through several mouthpieces, and the execution of the commands may be delegated to a variety of governmental organs.”

—Willoughby.

ভাগ করা হয় তাহা হইল সার্বভৌম ক্ষমতা-প্রয়োগের বিষয় ও পদ্ধতি ।
রুশো ও ক্যালহুণ অমূরূপ মত প্রকাশ করিয়াছেন ।)

সার্বভৌমিকতার বিভিন্ন রূপ (Different forms of Sovereignty) : রাষ্ট্রবিজ্ঞানিগণ সার্বভৌমিকতা সম্বন্ধে বিভিন্ন মন্তব্য করিয়াছেন । আবার সার্বভৌমিকতার অবস্থান সম্বন্ধেও রাষ্ট্রবিজ্ঞানীদিগের মধ্যে মতবিরোধ আছে । ফলে বর্তমানে ‘সার্বভৌমিকতা’ বিভিন্নরূপে আল্পপ্রকাশ করিয়াছে । কেহ কেহ আবার সার্বভৌমিকতার এই বিভিন্ন রূপকে সার্বভৌমিকতার এক একটি ধরন বলিয়া মনে করেন । নিম্নে বিভিন্ন রূপে প্রকাশিত সার্বভৌমিকতার আলোচনা করা গেল :

(১) **নামসর্বস্ব বা উপাধিসূচক সার্বভৌমিকতা (Titular Sovereignty) :** নামসর্বস্ব সার্বভৌমিকতা বলিতে বোঝায় এমন সার্বভৌমিকতা যাহা নামেই শুধু সার্বভৌম কিন্তু কার্যতঃ ইহা রাষ্ট্রের চূড়ান্ত ক্ষমতার অধিকারী নহে । একটি উদাহরণ দিলেই বিষয়টি পরিষ্কার হইবে । ইংলণ্ডের রাণী নামসর্বস্ব সার্বভৌমের অগ্রতম শ্রেষ্ঠ উদাহরণ । ইংলণ্ডের রাণীকে সার্বভৌম বলিয়াই অভিহিত করা হয় । কিন্তু প্রকৃতপক্ষে তিনি নামমাত্র সার্বভৌম । কারণ তিনি রাজত্ব করেন বটে, কিন্তু শাসন করেন না । ইংলণ্ডে শাসন করে পার্লামেন্টের নিকটে দায়িত্বশীল মন্ত্রিসভা । এই মন্ত্রিমণ্ডলীই প্রকৃত সার্বভৌমিকতাকে ব্যবহার করে । আবার **সার্বভৌমিকতা আইনগত** এবং আইনের চক্ষে পার্লামেন্টই সার্বভৌম । এখানে লক্ষ্য করা যায় যে, প্রকৃত ক্ষমতা ঐহার বা ঐহাদের হস্তে তাঁহাদিগকে সার্বভৌম না বলিয়া অপর একজনকে সার্বভৌম হিসাবে দাঁড় করানো হইয়াছে । সকল শাসনকার্য তাঁহার নামে হয় । কিন্তু প্রকৃত ক্ষমতার অধিকারী তিনি নন । নামসর্বস্ব সার্বভৌমিকতার ইহাই বিশেষত্ব ।

(২) **আইনসম্মত ও রাষ্ট্রনৈতিক সার্বভৌমিকতা (Legal and Political Sovereignty) :** সার্বভৌমিকতা সম্বন্ধে ধারণা আইনসম্মত । আইনজীবীর চক্ষে সার্বভৌমিকতার যে রূপ তাহাই আইনসম্মত সার্বভৌমিকতা । এককথায় বলা যায়, আইন প্রণয়নের চরম ক্ষমতাই আইনসম্মত সার্বভৌমিকতা । এই ব্যাখ্যা অমুসারে আইনসম্মত সার্বভৌমিকতার অবস্থান হইল সেই নির্দিষ্ট ব্যক্তি বা ব্যক্তি-সমষ্টিতে যিনি বা ঐহার রাষ্ট্রের

চরমতম আজ্ঞাকে আইনরূপে ঘোষণা করিতে সক্ষম। এই আইনসম্মত সার্বভৌমিকতা হইবে রাষ্ট্রের সর্বোচ্চ ক্ষমতা। এই ক্ষমতা কোন

নৈতিক সূত্র, ধর্মীয় বাধা-নিষেধ এবং জনমত দ্বারা
আইনসম্মত
সার্বভৌমিকতা নিয়ন্ত্রিত হয় না। আইনজীবী ও বিচারকগণ শুধু
এই আইনসম্মত সার্বভৌমিকতাকেই মান্য করেন।

আদালতে অথচ কোন আইনকে সাধারণতঃ মান্য করা হয় না। অতএব যে সার্বভৌমিকতা আইনসম্মত নহে তাহা আইনানুগের দৃষ্টিতে গুরুত্বহীন। এই আইনসম্মত সার্বভৌমিকতাকে ব্যাখ্যা করিয়াছেন অস্টিন (Austin)। তিনি ইংলণ্ডের রাজা-সহ পার্লামেন্টের মধ্যেই সার্বভৌমিকতার সন্ধান খুঁজিয়া বাহির করিয়াছেন। রাজা-সহ পার্লামেন্টই ইংলণ্ডে চরম আইন প্রণয়নের অধিকারী।

আবার রাষ্ট্রের ইচ্ছাকে সর্বোচ্চ বলিয়া ধরিয়া লওয়া হয় এবং এই ইচ্ছাকে প্রকাশ করিবার দায়িত্ব কোন নির্দিষ্ট ব্যক্তি বা ব্যক্তিবর্গের উপর আইনসম্মতভাবে অর্পিত থাকিতে হইবে। অন্ত্যায় পরস্পর-বিরোধী ইচ্ছার সংঘাতে আইন লুপ্ত হইবে এবং সমাজে বিশৃঙ্খলা দেখা দিবে। আইনসম্মত সার্বভৌমিকতার এই সংজ্ঞার বিশ্লেষণ করিলে আইনেরও একটি সংজ্ঞা পাওয়া যায়, তাহা হইলে সার্বভৌমিকতার আজ্ঞাকেই বলে আইন (Law is the command of the Sovereignty)।

আইনসম্মত সার্বভৌমিকতার চরম ও অনিয়ন্ত্রিত ক্ষমতা শুধু একটি আইনের অবাস্তব কল্পনা মাত্র। এই ক্ষমতা ব্যক্ত হয় ব্যক্তি বা ব্যক্তিবর্গের মধ্যে। আবার যে ব্যক্তি বা ব্যক্তিবর্গের উপর এই চরম, অপ্রতিহত ক্ষমতাকে ব্যক্ত করার দায়িত্ব অর্পিত হয়, তিনি বা তাহারাও যদৃচ্ছা এই সার্বভৌমিকতার ব্যবহার করিতে পারেন না, অতএব আইনসম্মত সার্বভৌমিকতার পশ্চাতে যে আর এক প্রকারের সার্বভৌমিকতা রহিয়াছে তাহার সন্ধান করা

একান্ত প্রয়োজন। ডাইসি বলেন : “আইনবিদ যাহাকে
রাষ্ট্রনৈতিক সার্ব-
ভৌমিকতার গুরুত্ব সার্বভৌম নালিয়া স্বীকার করেন তাহার পশ্চাতে আরও
একটি সার্বভৌম আছে যাহাকে আইনসম্মত সার্বভৌমকে

নিশ্চিতভাবে প্রণতি জানাইতে হয়” (Behind the sovereign which the lawyer recognises, there is another sovereign to whom the legal sovereign must bow). ডাঃ গার্গারও অমুরূপ মত প্রকাশ করিয়া বলেন : “আইনসম্মত সার্বভৌমিকের পশ্চাতে আরও এক শক্তি দণ্ডায়মান,

যাহাকে আইন স্বীকার করে না, যাহা অসংগঠিত, আইনসিদ্ধ অহুজ্জার আকৃতিতে রাষ্ট্রের ইচ্ছাকে প্রকাশ করিতে অক্ষম, তথাপি সে শক্তির নির্দেশের সম্মুখে প্রকৃতপক্ষে আইনসঙ্গত সার্বভৌমকে মাথা নত করিতে হয়, যাহার ইচ্ছা রাষ্ট্রে শেষ পর্যন্ত বজায় থাকিবে।”*

ডাইসির ভাষায় : “সেই জনসমষ্টিই হইল রাষ্ট্রনীতিগত সার্বভৌমিক যাহার ইচ্ছা শেষ পর্যন্ত রাষ্ট্রের নাগরিকগণ মান্য করিয়া চলে” (“That body is politically sovereign the will which is ultimately obeyed by the citizens of the State.”)।

এই আইনসঙ্গত সার্বভৌমিকতা ও রাষ্ট্রনৈতিক সার্বভৌমিকতার মধ্যে পার্থক্য কোথায় তাহা বোঝা যায় ইংলণ্ডের উদাহরণ হইতে। ইংলণ্ডের পার্লামেন্টের আইনসঙ্গত ক্ষমতা অসীম। ডাইসির মতে ইংলণ্ডের পার্লামেন্ট শিশুকে বয়ঃপ্রাপ্ত বলিয়া ঘোষণা করিতে পারে, মৃত ব্যক্তিকে রাজদ্রোহের অপরাধে অপরাধী বলিয়া সাব্যস্ত করিতে পারে, অবৈধ সম্মানকে বৈধ বলিয়া ঘোষণা করিতে পারে, আবার উপযুক্ত মনে করিলে কোন মামলায় অভিযুক্ত ব্যক্তিকে বিচারক হিসাবে নিযুক্ত করিতে পারে। এই পার্লামেন্টের আইনকে অমান্য করার বা বে-আইনী বলিয়া ঘোষণা করার অধিকার কাহারও নাই। কিন্তু পার্লামেন্টের এত ক্ষমতা থাকিলেও বাস্তবে ইহার ক্ষমতা সীমাবদ্ধ। কারণ, পার্লামেন্ট আবার নির্বাচকমণ্ডলীকে অসন্তুষ্ট করিতে পারে না। নির্বাচনের পূর্বে প্রত্যেক নির্বাচন-প্রার্থীকেই নিজ নিজ কেন্দ্রের নির্বাচকমণ্ডলীর নিকট প্রতিশ্রুতিপত্র পেশ করিতে হয়। পার্লামেন্টের সভ্য হিসাবে নির্বাচিত হইবার পর তাহাকে সেই প্রতিশ্রুতিকে কার্যকরী করিতে হয়। কারণ, একবার যদি তাহার প্রতিশ্রুতি ভঙ্গ করে তবে পরবর্তী নির্বাচনের সময় নির্বাচকমণ্ডলী তাহাকে আর প্রতিনিধি হিসাবে প্রেরণ করিবে না। অন্ততঃ ভবিষ্যতে নির্বাচিত না হইবার ভয়েও পার্লামেন্টের প্রতিনিধিগণ এমন আইন প্রণয়ন করিবেন না

পার্লামেন্টের
ক্ষমতা বাস্তবে
সীমাবদ্ধ

*“Behind the legal sovereign is another power, legally unknown, unrecognised, and incapable of expressing the will of the State in the form of legal command, yet withhold a power to whose mandates the legal sovereign will in practice bow and whose will must ultimately prevail in the State.”—Garner.

যাহা নির্বাচকমণ্ডলীর অসন্তোষের কারণ হইবে। অতএব আইনসম্মত সার্বভৌমকে এই নির্বাচকমণ্ডলীর নিকট মাথা নত করিতে হয়। অতএব প্রকৃত প্রস্তাবে এই নির্বাচকমণ্ডলীই রাষ্ট্রনৈতিক সার্বভৌমিক। এই রাষ্ট্রনৈতিক সার্বভৌমিকের ইচ্ছাই শেষ পর্যন্ত কার্যকরী হয়। এই কারণেই, ইংলণ্ডে রাজা-সহ পার্লামেন্ট যে-কোন আইন প্রণয়ন করিতে সমর্থ হইলেও, ইহা এমন কোন আইন প্রণয়ন করিতে পারে না যাহা নাগরিককে পরম্পরের সর্বস্ব অপহরণ করিবার ক্ষমতা প্রদান করিবে।

আবার রাষ্ট্রনৈতিক সার্বভৌমিকতা সম্বন্ধে রাষ্ট্রবিজ্ঞানিগণ সকলে একমত পোষণ করেন না। কেহ কেহ জনমতকে রাষ্ট্রনৈতিক সার্বভৌমিকতা বলিয়া আখ্যায়িত করেন। আবার কেহ কেহ নির্বাচকগণের মতকেই রাষ্ট্রনৈতিক সার্বভৌমিকতা বলিয়া গ্রহণ করেন। আবার অনেক সময় ইহাকে ধর্মীয় ও নৈতিক অনুশাসনের প্রভাব বলিয়া ধরা হয়। প্রকৃতপক্ষে জনমতগঠনকারী বিভিন্ন প্রভাব এবং নির্বাচকগণকে সংযুক্তভাবে রাষ্ট্রনৈতিক

রাষ্ট্রনৈতিক ও
আইনসম্মত
সার্বভৌমিকতাব
সম্পর্ক

সার্বভৌম বলিয়া ধরা হইয়া থাকে। কিন্তু এই সার্বভৌম প্রত্যক্ষভাবে আইন প্রণয়ন করিতে পারে না। তথাপি ইহার ইচ্ছানুসারেই রাষ্ট্রব্যবস্থা পরিচালিত হয়। কারণ নির্বাচকমণ্ডলী আশী করিবে, দাবি করিবে যে ভোটের

মাধ্যমে তাহাদের যে ইচ্ছা প্রকাশিত হইয়াছে, যে প্রতিশ্রুতির জন্ত তাহারা প্রতিনিধি নির্বাচিত করিয়াছে, তাহাই পার্লামেন্টের সদস্যের মধ্যে প্রতিবিম্বিত হইবে। এই শক্তির নিকট তাই আইনপ্রণেতা পার্লামেন্টের সদস্যগণ প্রণতি জানায়। অধ্যাপক রিচি (Ritchie), গেটেল প্রভৃতির ধারণায় আইনসম্মত ও রাষ্ট্রনৈতিক সার্বভৌমের মধ্যে প্রকৃত সম্পর্ক নির্ধারণই অনুশাসনের প্রধান সমস্যা ("The problem of good government is largely the problem of the proper relation between the legal and ultimate political sovereignty.")।

রাষ্ট্রবিজ্ঞানিগণের মধ্যে কেহ কেহ রাষ্ট্রনৈতিক সার্বভৌমিকতা ও আইনসম্মত সার্বভৌমিকতা—এই দুইয়েরই সার্বভৌমিকতাকে বিভক্ত করেন; কিন্তু, বিষয়টিকে তাহারা ভুলভাবে আলোচনা করেন। কারণ রাষ্ট্রের সার্বভৌমিকতা একটিই। তাহার প্রকাশের মাধ্যম দ্বিবিধ হইতে পারে।

আবার প্রত্যক্ষ গণতন্ত্রে যাহারা নির্বাচকমণ্ডলী তাহারা ই যেহেতু

আইন প্রণয়ন করেন, সেইজন্য আইনসঙ্গত ও রাষ্ট্রনৈতিক সার্বভৌমিকতার মধ্যে সমন্বয়-সাধনের কোন সমস্যাই নাই। কিন্তু বর্তমানে প্রত্যক্ষ গণতন্ত্র বিশেষ কোথাও প্রবর্তিত নাই। ফলে সার্বভৌমিকতার এই দুইটি প্রকাশের মধ্যে সমন্বয়-সাধনের সমস্যা জটিল হইয়া পড়িয়াছে। অবশ্য, সার্বভৌমিকতার এই দুইটি রূপের মধ্যে সংঘাত বাধিলে

প্রত্যক্ষ গণতন্ত্রে
রাষ্ট্রনৈতিক
সার্বভৌমিকতা ও
আইনসঙ্গত
সার্বভৌমিকতার
মধ্যে পার্থক্য
অতিশয় সীমাবদ্ধ

আইনসঙ্গত সার্বভৌমিকতাই জয়লাভ করিবে। কারণ, আদালত শুধু আইনসঙ্গত সার্বভৌমিকতাকেই স্বীকার করে। কিন্তু বাস্তব ক্ষেত্রে অনেক সময় মানুষ সার্বভৌম-প্রণীত আইনেরও বিরোধিতা করিয়া থাকে। এই প্রসঙ্গে ল্যাস্কির মন্তব্য উল্লেখযোগ্য। ল্যাস্কি বলেন :

“আইনকে মাথ় করাই মানুষের সাধারণ অভ্যাস, কিন্তু

ইতিহাসে এইরূপ দৃষ্টান্ত বিরল নহে যে, মানুষ প্রাণ দিয়াও আইনের বিরোধিতা করিয়াছে”।* সামাজিক প্রথাগুলিকে উপেক্ষা করিয়া যখন আইন প্রণীত হয় এবং জনসাধারণের দাবিকে অস্বীকার করিয়া জনমতের বিরুদ্ধে যখন আইন প্রণীত হয় তখন বিপ্লবও সংঘটিত হইতে পারে। এই বিপ্লবের ফলে যে ব্যক্তি বা ব্যক্তি-সংসদ আইনসঙ্গত সার্বভৌমরূপে গণ্য হয় তাহার ক্ষমতার অবসান হইতে পারে। তাই আইনসঙ্গত সার্বভৌমকে/ রাষ্ট্রনৈতিক সার্বভৌমিকতা সম্বন্ধে সতর্ক থাকিয়া ক্ষমতা প্রয়োগ করিতে হয়।

উপসংহারে বলা যাইতে পারে যে, রাষ্ট্রের সার্বভৌমিকতা একজিই এবং উহা আইনসঙ্গত সার্বভৌমিকতা। কিন্তু এই আইনসঙ্গত সার্বভৌমিকতা ঐচ্ছিকভাবে, যদুচ্ছা ক্ষমতা প্রয়োগ করিতে পারে না। সাধারণের ইচ্ছার

রাষ্ট্রনৈতিক সার্ব-
ভৌমিকতাকে
সার্বভৌমিকতার
একটি বিবিধ
প্রকাশ হিসাবে
গণ্য করা উচিত

(General will) প্রতি দৃষ্টি রাখিয়াই আইনসঙ্গত সার্বভৌমিকতাকে ক্ষমতা প্রয়োগ করিতে হয়। কারণ, আইনসঙ্গত সার্বভৌমিকতার পশ্চাতে সতর্ক দৃষ্টি লইয়া দাঁড়াইয়াছে জনমত ও সাধারণের ইচ্ছা। সার্বভৌমিকতার এই রাষ্ট্রনৈতিক দিককে সার্বভৌমিকতা না বলিয়া একটি বিশেষ প্রভাব হিসাবেও ধরা যাইতে পারে।

এই প্রভাব বিভিন্ন দিক হইতে আসিতে পারে। মার্কিন যুক্তরাষ্ট্রে

* * “Obedience is the normal habit of mankind, but marginal cases continually recur in history when decision to disobey is painfully taken and passionately defended”.—Laski, State in Theory and Practice.

বিস্তারিত চাপ (Pressure Group), সোভিয়েত রুশিয়ায় কম্যুনিষ্ট পার্টির চাপ (pressure of the Communist Party), গণতান্ত্রিক দেশে জনগণের দাবি ও আন্দোলন অনেক সময় আইনসম্মত সার্বভৌমিকতাকে বিভিন্ন শ্রেণী-স্বার্থের প্রতি দৃষ্টি রাখিয়া ক্ষমতা প্রয়োগ করিতে বাধ্য করে। এইজন্য রাষ্ট্রনৈতিক সার্বভৌমিকতাকে একটি পৃথক সার্বভৌমিকতা হিসাবে না ধরিয়া ইহাকে সার্বভৌমিকতার একটি দ্বিবিধ প্রকাশ হিসাবে গ্রহণ করা উচিত।

(৩) আইনসিদ্ধ ও বাস্তব সার্বভৌমিকতা (*De Jure and De Facto Sovereignty*) : রাষ্ট্রবিজ্ঞানীদিগের মধ্যে কেহ কেহ আইনসিদ্ধ ও বাস্তব সার্বভৌমিকতার মধ্যে পার্থক্য নির্দেশ করেন। আইনসিদ্ধ সার্বভৌমিকতা হইল আইনসম্মত সার্বভৌমিকতা। আইনই এই সার্বভৌমিকতার ভিত্তি। আইনসিদ্ধ সার্বভৌমিকতার বৈশিষ্ট্য হইল ইহা আইনসম্মতভাবে আইন প্রণয়নের চরম ক্ষমতা। আইনানুসারে এই সার্বভৌমিকতার প্রতিই লোকের আনুগত্য স্বীকার করিবার কথা। কিন্তু বাস্তবক্ষেত্রে অনেক সময় দেখা যায়, বৈদেশিকদের দ্বারা আক্রান্ত হইয়া স্বদেশের আইনসিদ্ধ সার্বভৌমকে অত্যাচারে সাময়িকভাবে আশ্রয় গ্রহণ করিতে হয়। আইনসম্মতভাবে ইহাদের বা ইহাদের নির্দেশই বাধ্যতামূলক হইবার কথা, কিন্তু বাস্তবক্ষেত্রে দেশ শাসন করিতেছে অপরে এবং তাহাদের নির্দেশই বাধ্যতামূলকভাবে চালু হইতেছে। এইরূপ ক্ষেত্রে বৈদেশিকদের আইন কার্যকরী হয় বলিয়া এবং তাহাদের প্রতি জনসাধারণ আনুগত্য-স্বীকার করে বলিয়া তাহাদিগকেই বাস্তব সার্বভৌম (*De facto*) বলিয়া আখ্যায়িত করা হয়।

আবার অন্তর্বিপ্লবের ফলে জনসাধারণ পূর্বকার ব্যক্তি বা ব্যক্তিসমষ্টি দ্বারা আইনসিদ্ধ সার্বভৌমিকতাকে ব্যবহার করিতেন তাঁহাদের আদেশকে মান্য নাও করিতে পারে। কিন্তু যতক্ষণ পর্যন্ত ব্যক্তি বা ব্যক্তিসমষ্টি গদীচ্যুত না হইতেছে ততক্ষণ পর্যন্ত তিনি বা তাঁহারা ই আইনসম্মত সার্বভৌম। কিন্তু অন্তর্বিপ্লবের সময় জনসাধারণ প্রকৃতপক্ষে এই আইনসম্মত ব্যক্তি বা ব্যক্তিসমষ্টির আদেশ পালন না করিয়া বিপ্লবী সরকারের আদেশও পালন করিতে পারে। এই সময়ে এই বিপ্লবী সরকারই প্রকৃতপক্ষে বাস্তব সার্বভৌম। চীনের উদাহরণ হইতে দেখা যায়, মার্কিন

যুদ্ধ ও অন্তর্বিপ্লবের
সময় এই বাস্তব
আইনসিদ্ধ
সার্বভৌমিকতা
প্রকাশিত হয়

যুক্তরাষ্ট্র চিয়াং কাইশেককেই আইনসিদ্ধ সার্বভৌম হিসাবে গণ্য করে, যদিও চীনের কম্যুনিষ্ট সরকার চিয়াং কাইশেককে চীনের মূল ভূখণ্ড হইতে বিতাড়িত করিয়াছে। আন্তর্জাতিক আইনের দৃষ্টিতে ও সম্মিলিত জাতিপুঞ্জের নিকট চীনের আইনসম্মত সার্বভৌম হইল চিয়াং কাইশেকের সরকার। কিন্তু প্রকৃতপক্ষে চীন শাসিত হইতেছে কম্যুনিষ্টদের দ্বারা। ফলে এই কম্যুনিষ্ট সরকারকে বাস্তব সার্বভৌম হিসাবে ধরা যায়।

আবার বাস্তব সার্বভৌমিক যদি বেশীদিন ক্ষমতার আসনে আসীন থাকে তবে জনসম্মতিব ভিত্তিতে উহা পরে আইনসিদ্ধ সার্বভৌম বলিয়া পরিগণিত হইতে পারে। যেমন বিপ্লবী সরকার সামরিক ও শাসনগত শক্তির দ্বারা প্রথমে জনসাধারণের বশুতা আদায় করিয়া পরে ধীরে ধীরে অধিবাসীদের স্বাভাবিক বশুতা ও তাহাদের সম্মতি লাভ করিয়া আইনসম্মত সার্বভৌম হিসাবে অভিহিত হইতে পারে। চীনের ক্ষেত্রেও দেখা যায়, বিপ্লবের গোড়ার দিকে হয়তো কম্যুনিষ্ট সরকার বাস্তব সার্বভৌম ছিল। কিন্তু এই দীর্ঘদিনের ব্যবধানে জনসাধারণের সাধারণ সম্মতি পাইয়া আইনসম্মত সার্বভৌম ক্ষমতা অর্জন করিয়াছে। বহু বৈদেশিক রাষ্ট্রও এই কম্যুনিষ্ট সরকারকে স্বীকৃতি দান করিয়া আইনসম্মত সার্বভৌমিকতার অধিকারী হইতে সহায়তা করিয়াছে এবং ইহা আশা করা যায় যে, মার্কিন যুক্তরাষ্ট্র ও সম্মিলিত জাতিপুঞ্জ চীনকে শেষপর্যন্ত স্বীকার করিয়া লইবে।

আবার বাস্তব সার্বভৌমিক অনেক সময় জনসমর্থন-প্রমাণ করিবার জন্ত নির্বাচন বা অন্য কোন আইনসিদ্ধ পদ্ধতির মাধ্যমে তাহার শাসন-ব্যবস্থাকে আইনের মন্ত্রে অভিষিক্ত করিয়া যথাযোগ্য স্বীকৃতি আদায় করে। কারণ শাসন-ব্যবস্থার মূলকে দৃঢ় করিতে হইলে প্রয়োজন আইনসিদ্ধ হওয়া এবং জনসাধারণের সম্মতি লাভ করা। এই প্রসঙ্গে লর্ড ব্রাইস বলেন : “যে ব্যক্তি বা ব্যক্তি-সংসদের প্রতি প্রকৃতপক্ষে আত্মগত্যা প্রদর্শন করা হয় এবং যে ব্যক্তি বা ব্যক্তি-সংসদ আইনসম্মতভাবেই হউক আর আইন-বিরুদ্ধভাবেই হউক নিজের বা নিজেদের চূড়ান্ত ইচ্ছা কার্যকর করিতে পারেন, তিনি বা তাহারা হইলেন বাস্তব সার্বভৌম।”

উপসংহারে বলা যায় যে, সার্বভৌমিকতার বিজ্ঞানসম্মত সংজ্ঞা

নিরূপণকালে সাময়িকভাবে সার্বভৌমিকতার ব্যবহারকারীকে সার্বভৌম বলিয়া আখ্যায়িত করা সমীচীন নহে। অন্তর্বিপ্লব বা বহিঃশত্রুর আক্রমণকালে সার্বভৌমিকতার ব্যবহার বিভিন্ন শক্তি করিয়া থাকিলেও, সার্বভৌমিকতা হইল আইনগত। আইনসঙ্গতভাবে যখন যে শক্তি স্বীকৃত হইবে তখনই সে সার্বভৌম। সরকারের রদ বদলের মাধ্যমে সার্বভৌমিকতার ব্যবহারকারী-দিগের পরিবর্তন হইতে পারে কিন্তু উহা একক ও আইনানুমোদিত। বাস্তব সার্বভৌমিকতা আইনসঙ্গত নয়। অতএব ইহাকে সার্বভৌমিকতার সংজ্ঞাভুক্ত করা সমীচীন নহে। অবশ্য, এই বাস্তব সার্বভৌমিকতা পরে আইনানুমোদিত হইতে পারে। কিন্তু যখন উহা আইনানুমোদিত হইবে তখনই উহা সার্বভৌম, অতীত সময় নহে। তাই বাস্তব সার্বভৌমিকতাকেও পরে আইনসিদ্ধ হইতে হয় নির্বাচনের মাধ্যমে।

সর্বশেষে গেটেলের উক্তিটি এখানে উল্লেখ করা গেল : “আইনসঙ্গত ও বাস্তব সার্বভৌমিকতার মধ্যে পার্থক্য নির্দেশ না করিয়া আইনানুমোদিত ও বাস্তব সরকারের মধ্যে পার্থক্য নির্দেশ করাই সার্বভৌমিকতা সম্বন্ধে গেটেলের ধারণা। অধিকতর বিজ্ঞানসম্মত (While the terms “*de facto* and *de jure*” are usually applied to sovereignty, it would be more strictly scientific if they were applied to government.”—R. G. Gettel)। গেটেল আবার এই মত পোষণ করেন যে, “আইনসঙ্গত সার্বভৌমিকতাই একমাত্র সার্বভৌমিকতা, কারণ, বাস্তব সার্বভৌমিকতা সার্বভৌমিকতা বলিয়া স্বীকৃত হয় না, যতক্ষণ না উহা আইনসিদ্ধ হয়। বে-আইনী সার্বভৌমিকতা সার্বভৌমিকতার সংজ্ঞা-বিরুদ্ধ”।* বাস্তব সার্বভৌমিকতা হইল সার্বভৌমিকতার আইনসিদ্ধ হইবার পূর্বকার একটি স্তরবিশেষ। এই পূর্বকার স্তরকে সার্বভৌমিকতা না বলিয়া ইহাকে একটি বিপ্লবী সরকার হিসাবে গ্রহণ করা যাইতে পারে। উদাহরণস্বরূপ বলা যায়, ১৯১৭ সালের রুশদের বিপ্লবী সরকার, চীনের অন্তর্বিপ্লবী সরকার, মিশরে

* The *de jure* sovereignty alone is sovereign in this sense and the so-called *de facto* sovereignty does not become sovereignty until it becomes *de jure*. An unlawful sovereignty is a contradiction in terms.”—R. G. Gettel.

সামরিক কর্তৃপক্ষের বিপ্লবী সরকার, আমেরিকায় গৃহযুদ্ধের সময় দক্ষিণ অঞ্চলের দেশগুলির বিদ্রোহী সরকার, মুসোলিনীরা আবিসিনিয়া অধিকার কালের সরকার, আজাদ হিন্দু ফৌজের সরকার। আবার বিপ্লবের সময় যে সরকার গঠিত হয়, সে সরকার যে পরাজিত হইবে না, এমন কথাও নিশ্চয় করিয়া বলা যায় না। অতএব বিপ্লবী সরকারকে কোন প্রকার সার্বভৌমিকতার বিশেষণ দেওয়া সমীচীন নয়।

(৪) জাতীয় সার্বভৌমিকতা (National Sovereignty) :

জাতীয় সার্বভৌমিকতার তত্ত্ব বিশেষ গুরুত্ব অর্জন করে ফরাসী চিন্তাধারায়। বেলজিয়াম, চিলি ও ফ্রান্সের শাসনতন্ত্রে ঘোষিত হয় যে, জাতিই হইল সর্বপ্রকার সার্বভৌম ক্ষমতার উৎস, ফরাসী বিপ্লবের সময়ে “মানুষের অধিকারের ঘোষণায় (Declaration of the Rights of Man) বলা

হয় যে, জাতিই হইল সার্বভৌম ক্ষমতার উৎস। এই জাতীয় সার্ব-
ভৌমিকতা সম্বন্ধে ঘোষণা হইতে দুইটি বিষয় পরিষ্কার হয়, যথা,—
ধারণা (১) রাজার অবাধ ক্ষমতাকে অস্বীকার করা হয়; আর

(২) ‘জাতিসত্তা’ বলিতে যে বিমূর্ত ধারণা বুঝায় তাহাতেই সার্বভৌমিকতার আবাসস্থল।

বলা হইয়াছে যে, সমগ্র দেশের জনসমষ্টির মধ্যে সার্বভৌমিকতা বিচ্ছিন্নভাবে অবস্থান করিতে পারে না। এই তত্ত্বের দ্বারা জাতীয় ঐক্যের গুরুত্বকে স্বীকার করা হয় এবং জাতীয়তার প্রাধান্যকে স্বীকার করা হয়। অনন্ত, সমালোচকগণ বলেন যে, জাতীয়তাবোধ একটি কল্পনা। বিমূর্ত কল্পনার মধ্যে সার্বভৌমিকতা কখনও বাসা বাঁধিতে পারে না, কল্পনা আইন প্রণয়ন করিতেও পারে না। অতএব এই তত্ত্ব মৌলিক সমস্তার সমাধান করিতে পারে না।

(৫) জনগণের সার্বভৌমিকতা (Popular Sovereignty) :

জনগণের সার্বভৌমিকতার অর্থ হইল চরম, অপ্রতিহত ও চূড়ান্ত ক্ষমতা। রাষ্ট্রের সব-কিছুর অধিকারী হইল রাষ্ট্রের জনসমষ্টি। এই জনগণই যে, প্রকৃত সকল ক্ষমতার অধিকারী তাহা ষোড়শ ও সপ্তদশ শতাব্দী হইতেই রাজতন্ত্রের বিরোধী ইউরোপের রাষ্ট্রবিজ্ঞানিগণ প্রচার করিতে সুরু করেন। প্রাচীন রোমেও এই ধারণা বর্তমান ছিল। জনগণের সার্বভৌমিকতার ধারণার আধুনিক রূপ প্রকাশ পায় চরম রাজতন্ত্রের বিরুদ্ধাচরণের ফলে। জনগণের

সার্বভৌমিকতার সমর্থকগণের যুক্তি হইল প্রথমে সার্বভৌমিকতা জনগণেরই ছিল এবং এই সার্বভৌমিকতা হস্তান্তরযোগ্য নয় বলিয়া ইহা রাজার হস্তে

হস্তান্তরিত হয় নাই। অষ্টাদশ শতাব্দীতে আমেরিকার

ক্ষমতার প্রকৃত
অধিকারী জনগণ

লেখক জেফারসন (Jefferson) ও রুশোর কণ্ঠে

তুর্ষধ্বনির জ্বালা ধ্বনিত হইল : **সমষ্টিগত ইচ্ছার**

(**General will**) আহ্বান। সাধারণ মানুষের চুক্তির মধ্য দিয়াই রাষ্ট্রের জন্ম হইয়াছে। এই রাষ্ট্রের চরম ও চূড়ান্ত ক্ষমতার সন্ধান পাওয়া যায় “**সমষ্টিগত ইচ্ছার**” মধ্যে এবং জনগণের সক্রিয় অংশ গ্রহণের মধ্য দিয়াই এই ইচ্ছা প্রকাশ পায়।

রুশোর এই বাণী দেশ হইতে দেশান্তরে প্রতিধ্বনিত হইতে লাগিল। ফরাসী ও আমেরিকায় যে দুইটি বিপ্লব সংগঠিত হয় তাহাদের তত্ত্বগত যুক্তি প্রতিষ্ঠিত করিল জনগণের সার্বভৌমিকতার আদর্শ। আমেরিকার স্বাধীনতার ঘোষণায় (**Declaration of Independence**) লেখা হইল : “মানুষের মধ্যে প্রতিষ্ঠিত সরকারগুলি শাসিতদের সম্মত হইতেই তাহাদের জ্বালা ক্ষমতা লাভ করিয়াছে।” ১৭৯২ সালে ফরাসী আইনসভা ঘোষণা করিল : “এমন কার্যক্রম গ্রহণ করিতে হইবে যাহাতে জনসাধারণের সার্বভৌমত্ব এবং স্বাধীনতা ও সাম্যের শাসন নিশ্চিত হয়”। সেই ঘোষণার কাল হইতে আজ পর্যন্ত লর্ড ব্রাইসের ভাষায় এই তত্ত্ব হইল : **গণতন্ত্রের ভিত্তি ও মূলমন্ত্র** (“**The basis and watchword of democracy.**”)। কিন্তু কয়েকটি প্রশ্ন থাকিয়া যায়। যেমন জনতার ইচ্ছা বুঝা যাইবে কেমন করিয়া? তাহাদের ইচ্ছা প্রকাশের পদ্ধতিই বা কি? এবং সকলের একমত হওয়া কি সম্ভব? এই প্রশ্নগুলির উত্তরদান প্রসঙ্গে ডাঃ গার্গার বলেন : “গেদেশে মোটামুটি সর্বজনীন ভোটাদিকার প্রচলিত আছে, যেখানে বেশীসংখ্যক নির্বাচকমণ্ডলী আইনসিদ্ধ পদ্ধতিতে নিজস্ব অভিমত প্রকাশ করে ও তাহার প্রাধান্য নিশ্চিত করে সেখানেই জনসাধারণের সার্বভৌমিকতা কার্যকরী হইল বুদ্ধিতে হইবে”।*

সমালোচনা : লর্ড ব্রাইস এই মন্তব্য করেন যে, জনগণের সার্ব-

* “The sovereignty of the people, therefore, can mean nothing more than the power of the majority of the electorate, in a country where a system of approximate universal suffrage prevails, acting through legally established channels, to express their will and to make it prevail”—Garner.

ভৌমিকতা যে গণতন্ত্রের ভিত্তি তাহা সম্পূর্ণ অস্বীকার করা যায় না। কিন্তু জনগণের সার্বভৌমিকতা কোন নির্দিষ্ট বিজ্ঞানসম্মত অর্থে ব্যবহৃত হয় না।

ফলে ইহাকে মতবাদের রূপ দেওয়া কঠিন হইয়া পড়ে।

জনগণের সার্ব-
ভৌমিকতার অর্থ
অনির্দিষ্ট ও অস্পষ্ট

ডাঃ গার্নার এই মন্তব্য করেন যে, বিভিন্ন লেখক
'জনগণের সার্বভৌমিকতা' বিভিন্নভাবে অস্পষ্ট ও
অনির্দিষ্ট অর্থে ব্যবহার করায় ধারণার বিশেষ অস্পষ্টতা

ও অনির্দিষ্টতারও সৃষ্টি হইয়াছে। আবার ষাঁহার। বলেন সার্বভৌমিকতা জনগণের তাঁহার। 'জনগণ' বলিতে কি বুঝেন, তাহা অধিকাংশ সময় আমাদের কাছে স্পষ্ট হয় না।

জনগণ বলিতে বোঝায় রাষ্ট্রাধীন সমগ্র অনির্দিষ্ট জনসাধারণ। এই

অনির্দিষ্ট জনসাধারণের মতামতও অসংগঠিত। ফলে এই

জনমত আর
আইনসম্মত সার্ব-
ভৌমিকতা এক নহে

জনমত সার্বভৌম শক্তি ব্যবহার করিতে পারে না।
এই জনমতকে রাষ্ট্রনৈতিক সার্বভৌমিকতা বলা যাইতে
পারে কিন্তু ইহাকে আইনসম্মত সার্বভৌমিকতার মর্যাদা

দেওয়া যায় না।

জনগণের বিপ্লবের অন্তর্নিহিত ক্ষমতা এবং বিপ্লবের দ্বারা সরকারের পরি-
বর্তনের ক্ষমতাকে রাষ্ট্রনৈতিক সার্বভৌমিকতার সমপর্যায়ে ধরা যাইতে পারে।
কিন্তু ইহাকে কখনও আইনসম্মত সার্বভৌমিকতা বলা যায় না। কারণ, বিপ্লব
কখনই আইনসম্মত নহে ; কিন্তু, সার্বভৌমিকতা সম্বন্ধে ধারণাই আইনগত।

আবার জনগণের মধ্যে যে অংশ ভোটাধিকার পায় তাহাদিগকেই শুধু
সার্বভৌম বলিয়া গণ্য করা হয়। 'এই ভোটাধিকারিগণ তাহাদের নির্বাচিত
প্রতিনিধিগণের মাধ্যমে তাহাদের ইচ্ছাকে আইনের রূপদান করিয়া চূড়ান্ত

প্রকৃত প্রস্তাবে
ভোটাধিকারাব
ক্ষমতাও জনগণের
সার্বভৌমিকতা নহে
বলিয়া কেহ কেহ
মত প্রকাশ
কবেন।

ক্ষমতার ব্যবহার করিতে পারে। কিন্তু আপাতদৃষ্টিতে

এই ভোটাধিকারীকে সার্বভৌম বলিয়া ধরিলেও প্রকৃত
প্রস্তাবে ভোটাধিকারিগণের ক্ষমতাও জনগণের
সার্বভৌমিকতা নহে। কারণ, সমগ্র দেশের জন-

সংখ্যার অর্ধেকও হয়তো ভোটাধিকার পায় না। ফলে

ভোটাধিকারিগণ সমগ্র দেশের জনমতের অভিব্যক্তি দান

করিতে পারে না। আবার দলপ্রথা থাকার ফলে সকল ভোটাধিকারীর
নির্বাচিত প্রতিনিধিই আইন প্রণয়নে অংশ গ্রহণ করে না। আইন প্রণয়নে

স্বাধীন। অর্থাৎ অপর রাষ্ট্রের সার্বভৌমিকতা কর্তৃক রাষ্ট্রের আভ্যন্তরীণ সার্বভৌমিকতা নিয়ন্ত্রিত হইবে না। রাষ্ট্রের সার্বভৌমিকতার অর্থ আভ্যন্তরীণ রাষ্ট্রবহিঃস্থ চরম ক্ষমতা। ইহা আবার রাষ্ট্রের গণ্ডীর মধ্যেই সার্বভৌমিকতার সীমাবদ্ধ। কিন্তু রাষ্ট্রের এই সার্বভৌমিকতা যদি অপর অর্থ স্বাধীনতা কোন দেশের সার্বভৌমিকতার দ্বারা নিয়ন্ত্রিত হয় তবে আভ্যন্তরীণ ক্ষেত্রেও রাষ্ট্র তাহার চূড়ান্ত ক্ষমতা প্রয়োগ করিতে পারে না। এই প্রসঙ্গে গেটেল প্রমুখ লেখক এই মত পোষণ করেন যে, সার্বভৌমিকতা মূলতঃ আভ্যন্তরীণ চরম ক্ষমতা। আর বহিঃস্থ সার্বভৌমিকতাকে রাষ্ট্রের স্বাধীনতা রূপে গ্রহণ করা বাঞ্ছনীয়। সার্বভৌমিকতাকে আভ্যন্তরীণ চরম ক্ষমতা এবং বহিঃস্থ সার্বভৌমিকতাকে ‘স্বাধীনতা’ বলিয়া গ্রহণ করিলে বিভ্রান্তির সম্ভাবনা থাকে না। ✓

সার্বভৌমিকতা সম্বন্ধে অস্টিনের মতবাদ (Austinian Theory of Sovereignty) : সার্বভৌমত্ব সম্বন্ধে বহু লেখক আলোচনা করিয়াছেন। এই সকল লেখকের মধ্যে ইংরেজ আইনানুগ দার্শনিক অস্টিন (John Austin) একটি বিশিষ্ট স্থান অধিকার করিয়া আছেন। অস্টিন ছিলেন আইনবিদ। তাহার দৃষ্টিভঙ্গীও ছিল আইনবিদের দৃষ্টিভঙ্গী। ১৮৩২ সালে অস্টিনের আইনশাস্ত্রের উপর বক্তৃতা (Lectures on Jurisprudence) নামক পুস্তক প্রকাশিত হয়। এই পুস্তকেই অস্টিন তাহার আইন ও সার্বভৌমিকতা সম্বন্ধে নিজস্ব মত প্রকাশ করেন। অস্টিন তাহার সার্বভৌমিকতা সম্বন্ধে মতবাদ পরিস্ফুটনে হব্‌স (Hobbes) ও হিতবাদী বেহাম (Jeremy Bentham) দ্বারা বিশেষভাবে প্রভাবান্বিত হইয়াছিলেন। অস্টিন বেহামকে

অমুসরণ করিয়া আইন ও প্রথার মধ্যে পার্থক্য নির্দেশ করিয়াছিলেন। অস্টিন এই মত পোষণ করিতেন যে, আইন হইল সার্বভৌমের আজ্ঞা-বিশেষ (Law is the command of the Sovereign)। আইনের সহিত

নৈতিক স্তরের কোন সংশ্লিষ্টতা নাই। রাষ্ট্রের মধ্যে সার্বভৌম শক্তির ক্ষমতাই চূড়ান্ত ও অপ্রতিহত। আইনকে অধস্তনের প্রতি উদ্বর্তনের আজ্ঞা হিসাবে বর্ণনা করিয়া তিনি একটিমাত্র উৎসের নির্দেশ দিয়াছেন। আইন সম্বন্ধে অস্টিনের এই ধারণা হইতেই তাহার সার্বভৌমিকতা সম্বন্ধে ধারণার পরিস্ফুটন হয়। অস্টিন সার্বভৌমিকতার ধারণা এইভাবে নিরূপণ

করিলেন : “যদি কোন ব্যক্তি বা ব্যক্তি-সমষ্টি উচ্চতম আগনে অধিষ্ঠিত থাকিয়া কোন বিশেষ সমাজের অভ্যন্তর আনুগত্য লাভ করিতে থাকেন, অথচ সেই ব্যক্তি বা ব্যক্তি-সমষ্টি সমপর্যায়ভুক্ত অপর কোন ব্যক্তি বা ব্যক্তি-সমষ্টির প্রতি আনুগত্য প্রদর্শন না করেন, তবে ঐ নির্দিষ্ট ব্যক্তি বা ব্যক্তি-সমষ্টি উক্ত সমাজের সার্বভৌম এবং উক্ত সার্বভৌম-সম্বলিত সমাজ একটি স্বাধীন ও রাষ্ট্রনৈতিক সমাজ।”*

অস্তিনের এই সংজ্ঞা বিশ্লেষণ করিলে সার্বভৌমিকতার যে সকল বৈশিষ্ট্য পাওয়া যায় তাহা নিয়ে দেওয়া গেল।

সার্বভৌমিকতার বৈশিষ্ট্য :

(ক) এই সার্বভৌম হইল সুনির্দিষ্ট ও সুস্পষ্ট। ইহা হইল কোন ব্যক্তি বা ব্যক্তি-সংসদ। ইহা জনসাধারণের মতো অনির্দিষ্ট বা সাধারণ ইচ্ছার (general will) হ্রায় নৈর্ব্যক্তিক (impersonal) নয়।

(খ) ইহা প্রত্যেক স্বাধীন রাষ্ট্রনৈতিক সমাজ ও রাষ্ট্রের কোন ব্যক্তি-বিশেষ বা ব্যক্তি-সমষ্টির উপর হস্ত থাকে। ফলে এই সার্বভৌম শক্তির নির্দিষ্ট অধিকারীর সন্ধান পাওয়া যায়।

(গ) ইহার অধিকারীকে অস্তিন উচ্চতম ব্যক্তি বা ব্যক্তি-সংসদরূপে বর্ণনা করিয়াছেন। এই উচ্চতম ব্যক্তি বা ব্যক্তি-সংসদ কাহারও আনুগত্য স্বীকার করে না এবং ইহার বা ইহাদের ইচ্ছা কোন-কিছুর দ্বারা সীমাবদ্ধ হয় না। অতএব সার্বভৌম ক্ষমতাকে চূড়ান্ত, চরম ও অসীমরূপে কল্পনা করা হইয়াছে।

(ঘ) ইহা নির্ধারিতরূপে সংগঠিত, যথাক্রমে নির্দিষ্ট ও আইন দ্বারা স্বীকৃত।

(ঙ) সার্বভৌমিকতা অবিভাজ্য। ইহা চরম অসীম বলিয়া ইহা সর্বপরিব্যাপ্ত। রাষ্ট্রাধীন সকল ব্যক্তি ও বিষয়ের উপর ইহার অধিকার রহিয়াছে। এই অধিকারকে বিভক্ত করা যায় না। ইহাকে বিভক্ত করিলে ইহা আর সর্বপরিব্যাপ্ত থাকিবে না।

(চ) জনগণের স্বভাবই ইহার মানদণ্ড। ইহার অর্থ সার্বভৌম শক্তির

*“If a determinate human superior, not in a habit of obedience to a like superior, receive habitual obedience from the bulk of a given society, that determinate superior is the sovereign in that society, and the society including the determinate superior, is a society political and independent. —John Austin

প্রতি জনসাধারণ স্বভাবতঃই আহুগত্য স্বীকার করিবে। এই আহুগত্যের দ্বারাই সার্বভৌমিকতা স্বীকৃত হইবে।

(ছ) আইনের ভাষায় রাষ্ট্রের ইচ্ছাকে প্রকাশ করিবার একমাত্র অধিকার আছে এই সার্বভৌমের।

(জ) ইহাকে সর্বপ্রকার অধিকারের উৎস হিসাবে ধরা হয়। রাষ্ট্রাঙ্গগত ব্যক্তিগণ যে সকল অধিকার ভোগ করে তাহা সার্বভৌমই প্রদান করে।

(ঝ) ইহার আজ্ঞাকে সকলকেই পালন করিতে হইবে। বাহারা পালন করিবে না তাহারা শাস্তিভোগ করিতে বাধ্য।

অধ্যাপক ল্যাক্স অস্টিনের সার্বভৌমিকতাকে নিম্নলিখিতভাবে বিশ্লেষণ করিয়া তার তাৎপর্য নিরূপণ করিয়াছেন :

প্রথমতঃ, অস্টিনের মতানুসারে রাষ্ট্র হইল আইনানুসারে এক সংগঠিত সংস্থা (a legal order)। এই সংস্থার মধ্যে নির্দিষ্ট কর্তৃত্ব সমগ্র ক্ষমতার উৎস হিসাবে কার্য করে।

দ্বিতীয়তঃ, রাষ্ট্রের এই সার্বভৌমিকতা অসীম ও অপ্রতিহত। অতএব রাষ্ট্রীয় কর্তৃত্ব অযৌক্তিকভাবে, অত্যাচারভাবে ও অনৈতিকভাবে যদৃচ্ছা কার্য করিতে পারে। রাষ্ট্রের এই কার্যকে কোন্ আইনানুসারিতভাবে বাধা দেওয়া যায় না।

তৃতীয়তঃ, সার্বভৌমিকতার আদেশকেই আইন বলা হয়। এই সার্বভৌমিকতার আদেশ পালন করা বাধ্যতামূলক। এই আদেশ পালন না করিলে সার্বভৌমিকতা শাস্তিদানের ব্যবস্থা করিতে পারেন।

সমালোচনা : সার্বভৌমিকতা সম্বন্ধে অস্টিনের ধারণা সম্পূর্ণ আইনগত। আইনের দিক ছাড়া, ইতিহাসের দিক হইতে, নৈতিক দিক হইতে, সামাজিক প্রথার দিক হইতে অস্টিনের সার্বভৌমিকতার তত্ত্বকে সমালোচনা করা হইয়াছে। এই সমালোচকদিগের মধ্যে স্তার হেনরী মেইন, (Maine), সিজউইক (Sidgwick), ক্লার্ক প্রভৃতির নাম সমধিক প্রসিদ্ধ। এই সকল সমালোচকের সমালোচনা নিয়ে দেওয়া গেল :

প্রথমতঃ, হেনরী মেইন এই মন্তব্য করেন যে, সার্বভৌমিকতার অবস্থান কোন নির্দিষ্ট উচ্চতর ব্যক্তি বা ব্যক্তি-সংসদের মধ্যে নির্দেশ করা যায় না ; এইরূপ অপ্রতিহত ক্ষমতার অধিকারী সার্বভৌমের উদাহরণ খুব বিরল। আইনানুসারে হয়তো কোন রাজা সমাজজীবনের যে-কোন

নিয়ম পদ্ধতির পরিবর্তন করিতে পারিতেন, কিন্তু বাস্তবক্ষেত্রে একরূপ কোন নিয়ম পদ্ধতির পরিবর্তন কোন রাজা করিতে চাহেন নাই। অবশ্য, ইহা করিতে পারিলে তাহাকে অস্টিনের কল্পনা অনুসারে সার্বভৌম বলিয়া গণ্য করা যাইত। অস্টিনের মতে ইংলণ্ডের রাজা (বা রানী) সহ পার্লামেন্টের

মধ্যে এইরূপ সার্বভৌমিকতার সন্ধান পাওয়া যাইবে।

অস্টিনের সার্ব-
ভৌমিকতাইতিহাস
দ্বারা সমর্থিত নয়

কিন্তু ল্যাক্সি অস্টিনের এই উদাহরণকে স্বীকার করিয়া লইতে রাজী নন। ল্যাক্সি এই ধারণা পোষণ করেন যে, আইনের দিক দিয়া কোন বাধা না থাকিলেও কার্যতঃ

কোন পার্লামেন্ট পরস্পরকে হত্যা করিবার, পরস্পরের সর্বস্ব লুণ্ঠন করিবার, ভোটাধিকার কাড়িয়া লইবার উদ্দেশ্যে আইনপ্রণয়ন করিতে পারে না। হেনরী মেইনের যুক্তি হইল সমাজজীবনে একরূপ অসংখ্য প্রভাব কার্য করে যাহা সার্বভৌম ক্ষমতার ব্যবহারকে সর্বদাই নিয়ন্ত্রণ করে। অস্টিন এই সামাজিক প্রভাবগুলিকে সম্পূর্ণ উপেক্ষা করিয়াছেন।

দ্বিতীয়তঃ, অস্টিনের মতবাদ গণতন্ত্রের মূলে কুঠাঘাত করিয়াছে।

ইহা গণতন্ত্রের মূলে
কুঠাঘাত
করিয়াছে

তিনি আইন প্রণয়নে রাষ্ট্রের স্বৈর ক্ষমতা প্রতিষ্ঠিত করিয়া গণ-সার্বভৌমকে অস্বীকার করিয়াছেন। এই কারণে অস্টিনের সার্বভৌমিকতা সশঙ্কে ধারণা লইয়া আইনবিদগণ সঙ্কষ্ট থাকিতে পারেন, কিন্তু রাষ্ট্রনৈতিক

আদর্শে অনুপ্রাণিত ব্যক্তির নিকট ইহার মূল্য খুব কমই।

তৃতীয়তঃ, স্মার হেনরী মেইনের মতে আইন সশঙ্কে অস্টিনের ধারণা ক্রটি-পূর্ণ। অস্টিনের মতে সার্বভৌমের আদেশই আইন। কিন্তু বহুপ্রথাগত আইন (Customary laws) আছে যেগুলি কোন সার্বভৌমের আদেশ নহে। আবার অস্টিন যে প্রকারের উৎসর্গ কর্তৃপক্ষের কথা বলিয়াছেন, পাঞ্জাব কেশরী রণজিৎ সিংহ ছিলেন সেই প্রকার নির্দিষ্ট উৎসর্গ কর্তৃপক্ষ এবং সার্বভৌম। কিন্তু রণজিৎ সিংহ কখনও বিভিন্ন প্রথাগত আইন অমান্য করেন নাই বা প্রথাগত আইনের বিরুদ্ধে যাইতে সাহস করেন নাই। অবশ্য, হেনরী মেইনের এই সমালোচনার উত্তরে অস্টিন বলেন : “সার্বভৌম যাহা অনুমোদন করেন, তাহাই তাঁহার আদেশ” (“What the Sovereign permits he commands.”—Austin)। ইহার অর্থ হইল, প্রথাগত আইনগুলি চলিতে দিবার অনুমতি দিয়া তিনি এইগুলিকে আইনে পরিণত

হইবার আদেশ দিয়াছেন। কিন্তু অস্টিনের এই যুক্তি গ্রহণযোগ্য নয়। কারন, প্রথাগত আইনের বিরুদ্ধে সার্বভৌমের যাইবার ক্ষমতা নাই বলিয়াই

প্রথাগত আইনকে
সার্বভৌম উপেক্ষা
করিতে পারে না
বলিয়াই অসুমোদন
করিয়া থাকে

তিনি অসুমোদন করিতে বাধ্য হইয়াছেন। অর্থাৎ, যেখানে কিছু পরিবর্তন করার ক্ষমতা নাই, সেখানে তাহা অসুমোদন করা ছাড়া গতান্তর নাই। এই প্রসঙ্গে ল্যাক্সার মন্তব্য উল্লেখযোগ্য। তিনি বলেন, “আইনকে শুধু আদেশ বলিয়া অভিহিত করিলে শালীনতার

সীমারেখা অবধি পৌঁছিতে হয়।”* প্রত্যেক রাষ্ট্রেরই বহু প্রথাগত আইন থাকে যাহা রাষ্ট্র ইচ্ছা করিলেই বিলোপ সাধন করিতে পারে না। কেহ কেহ বলেন অস্টিন এই প্রথাগত আইনকে উপেক্ষা করিয়াছেন। কিন্তু তাহা ঠিক নয়, তিনি এইগুলির অস্তিত্ব সম্বন্ধে সম্পূর্ণ সচেতন ছিলেন। তিনি এইগুলিকে সার্বভৌমের অসুমতিপত্র প্রাপ্ত হইয়া আইনে পরিণত হইয়াছে বলিয়া মনে করিতেন। কিন্তু এই অসুমতি সার্বভৌম সমাজের চাপে দিতে বাধ্য হইয়াছেন না স্বইচ্ছায় দিয়াছেন তাহার উল্লেখ তিনি করিতে পারেন নাই।

চতুর্থতঃ, অস্টিন বলপ্রয়োগকে নিয়ম-শৃঙ্খলার পূর্ববর্তী বলিয়া কল্পনা করিয়া ভুল করিয়াছেন। প্রাক-অস্টিন যুগে বলপ্রয়োগের পূর্বে নিয়মশৃঙ্খলার স্থান নির্ণয় করা হইত। সমালোচকগণের মতে অস্টিনের ধারণা হইল বলপ্রয়োগের দ্বারা নিয়মশৃঙ্খলা বজায় রাখা হয়। আধুনিক কালের ধারণা হইল আইন শাস্তির ভয়ে মান্য করা হয় না। আইন জনসাধারণ মান্য করে অভ্যাসবশতঃ।

পঞ্চমতঃ, সার্বভৌমিকতার অবস্থান নির্ণয় সম্বন্ধেও অস্টিনের ধারণা ছিল ভুল। বর্তমানে যুক্তরাষ্ট্রীয় শাসনব্যবস্থায় এমন কোন যুক্তরাষ্ট্রে নির্দিষ্ট সার্বভৌমের সন্ধান পাওয়া যায় না নির্দিষ্ট ব্যক্তি বা ব্যক্তি-সংসদ খুঁজিয়া পাওয়া যায় না যিনি বা যাহাদের মধ্যে সার্বভৌমিকতার অবস্থান নির্ণয় করা যায়। যুক্তরাষ্ট্রীয় শাসনব্যবস্থায় সার্বভৌমিকতা এক নূতন রূপ পরিগ্রহ করিয়াছে।

ষষ্ঠতঃ, অস্টিনের মতবাদ সমালোচনা করে বহুব্বাদিগণ (Pluralists)।

*“To think of law as simply a command is...to strain definition to the verge of decency.”—Laski

বহুত্ববাদীদের মতামতসারে অস্টিনের সার্বভৌমত্বের তত্ত্বে সার্বভৌমকে স্বেচ্ছাচারী হিসাবে দাঁড় করানো হইয়াছে, এবং রাষ্ট্র কখনই চূড়ান্ত ক্ষমতার অধিকারী হইতে পারে না, রাষ্ট্রের ভিতরে বিভিন্ন সঙ্ঘ বা রাষ্ট্র চূড়ান্ত ক্ষমতার প্রতিষ্ঠান নিজ নিজ ক্ষেত্রে কিছু-না-কিছু সার্বভৌম ক্ষমতার অধিকারী। অধ্যাপক বার্কারের ভাষায় বলা যায়, “রাষ্ট্রের সহিত বর্তমানে আর মানুষের প্রত্যক্ষ সম্পর্ক নাই। প্রত্যক্ষ সম্পর্ক বর্তমানে আমরা দেখিতে পাই রাষ্ট্র ও সঙ্ঘের মধ্যে” (“No longer we write Man vs the State, we write group vs the State.”—Barker)।

সপ্তমতঃ, পরিশেষে ডাঃ গার্নারের মতটি উল্লেখ করা গেল। ডাঃ গার্নার বলেন যে, অস্টিন আইনগত সার্বভৌমিকতার উপর বিশেষ গুরুত্ব আরোপ করেন ; কিন্তু, সাধারণ আইনের পশ্চাতে আইনের পশ্চাতে সামাজিক প্রভাবকে অস্বীকার করা হইয়াছে। যে সকল শক্তি ও প্রভাব কাজ করে, তাহা তিনি উপেক্ষা করিয়াছেন। “লোকে প্রথমতঃ মনে করে অস্টিনের মতবাদ সত্যসিদ্ধ, ইহার পর লোকে জানিতে পারে এই মতবাদের অনেক ত্রুটি-বিচ্যুতি আছে এবং সর্বশেষে লোকে তাহার সমগ্র বিশ্লেষণটিকেই হাস্যাম্পদ এবং কল্পনামূলক মনে করে।” আইনের পশ্চাতে শ্রেণীস্বার্থের প্রভাব, দলীয় স্বার্থের প্রভাব প্রভৃতিকে অস্টিন উপেক্ষা করিয়া তাহার তত্ত্বটিকে একটি হাস্যাম্পদ করিয়াছেন।

বর্তমানে, অস্টিনের ধারণার সমর্থনে অনেক রাষ্ট্রবিজ্ঞানী যুক্তি প্রদর্শন করিয়াছেন। তাহাদের মতে হেনরী মেইন, মেইটল্যাণ্ড, সিজউইক, ক্লার্ক, ল্যাঙ্কি প্রমুখ লেখকগণ অস্টিনকে এই বলিয়া ভুল বুঝিয়াছেন যে, অস্টিন সার্বভৌমিকতা ও পাশবিক বলকে এক ও অভিন্ন বলিয়া কল্পনা করিয়াছেন। কোকার (Coker) এই মন্তব্য করেন যে, অস্টিনের মতবাদে কোথাও এইরূপ অভিন্নতা লক্ষ্য করা যায় না। অধ্যাপক ফ্রান্সিস গ্রাহাম উইলসনের মতামতসারে অস্টিন ঐশ্বরিক আইনকে অস্বীকার করেন নাই। তিনি নৈতিক আইনেও বিশ্বাসী ছিলেন। আবার তিনি সরকারের স্বেচ্ছাচার ও সার্বভৌম শক্তিকে এক করিয়া দেখেন নাই। সরকার আর রাষ্ট্রের সার্বভৌম শক্তি এক নহে। তথাপি তাহার সমালোচকেরা ধরিয়া লইয়াছেন যে, অস্টিন চূড়ান্ত রাষ্ট্র-

নৈতিক ক্ষমতা বলিতে ইহাই বুঝিতেন। অস্টিনের সমর্থনে আর একটি যুক্তি হইল, জনগণের স্বভাবজাত আহুগত্যই যখন সার্বভৌমিকতার লক্ষণ তখন সাধারণের সম্মতিই ইহার ভিত্তি। এই সাধারণের সম্মতি কখনও থাকিতে পারে না যদি সার্বভৌমিকতা পাশবিক বলের উপর প্রতিষ্ঠিত হয়।

(উপসংহারে বলা যায়, অস্টিনের ‘সার্বভৌমিকতার তত্ত্বটি আইনগত সার্বভৌমিকতার ব্যাখ্যা হিসাবে অত্যন্ত স্পষ্ট ও যুক্তিসঙ্গত। অস্টিন এই আইনগত সার্বভৌমিকে রাষ্ট্রনৈতিক সার্বভৌম হইতে পৃথক করিয়া দেখাইয়াছেন। তিনি এই তত্ত্বের একটি বিশেষ রূপ দিবার চেষ্টা করিয়াছেন।) অবশ্য, অস্টিনের মতবাদ কতকগুলি পূর্ব ধারণার উপর প্রতিষ্ঠিত। এই ধারণাগুলি মানিয়া লওয়া হইলে অস্টিনের মতবাদকে অসম্ভব বলিয়া স্বীকার করিতে হয়। (তবে ইহা স্বীকার করিতে হইবে যে, তাঁহার মতবাদ অসম্পূর্ণতা দোষে (inadequacy) দুষ্ট।)

সীমাবদ্ধ সার্বভৌমিকতার তত্ত্ব (Theory of limited sovereignty):

ব্লুন্টস্লি বলেন, “রাষ্ট্র বাহিরের দিক হইতে অত্যাশ্রয় রাষ্ট্রের অধিকারের দ্বারা সীমাবদ্ধ এবং আভ্যন্তরীণ ক্ষেত্রে রাষ্ট্রের নিজস্ব চরিত্র ও সাধারণ সদস্যদের অধিকারের দ্বারা সীমিত”।* ব্লুন্টস্লির এই মতটিকে বিশ্লেষণ করিলে দেখা যায় আভ্যন্তরীণ ক্ষেত্রে সার্বভৌমিকতা সীমিত।

প্রথমতঃ, রাষ্ট্র যে শাসনতন্ত্র রচনা করে, সেই শাসনতন্ত্রের দ্বারা নিজেই সীমাবদ্ধ হয়। রাষ্ট্রের সার্বভৌমিকতাও এই শাসনতন্ত্রের দ্বারা সীমিত হয়।

দ্বিতীয়তঃ, আবার প্রজাসাধারণের নির্দিষ্ট অধিকার দ্বারা সার্বভৌমিকতা সীমিত হয়। অবশ্য, প্রজাসাধারণের এই অধিকার রাষ্ট্রেরই স্বষ্টি। স্বাভাবিক অধিকার বলিয়া কিছু নাই। সমাজ সমাজের অন্তর্গত মানুষের অধিকারকে মানিয়া লয়। আর রাষ্ট্র এই অধিকারকে রক্ষণাবেক্ষণ করে। অতএব দেখা যায়, সামাজিক চেতনা হইতে যে অধিকারের দাবি উত্থাপিত হয়, সেই অধিকারের উপর সার্বভৌম হস্তক্ষেপ করে না। আবার সার্বভৌম যে অধিকারকে সামাজিক চাপে মানিয়া লইতে বাধ্য হয়, তাহাকে আইনগত বাধ্য বলা চলে না। তাই অনেক সময় দেখা যায় সার্বভৌম সামাজিক চেতনার বিরুদ্ধে বিধিবদ্ধ আইন স্থাপন করে না। এই প্রসঙ্গে ল্যান্ডার মন্তব্য

*“...it is limited externally by the rights of other States and internally by its own nature and by the rights of its individual members.”—Bluntschli.

প্রাধান্যযোগ্য। ল্যাস্কি বলেন যে, প্রতিযুগের মাহুষের নিকটই সরকারের আইন প্রণয়নের তথাকথিত অসীম ক্ষমতার সীমারেখা সুপরিচিত।

কিন্তু, আবার অনেকে মনে করেন যে, শাসনতান্ত্রিক আইনের দ্বারাও সার্বভৌমিকতা সীমিত হয় না। কারণ, শাসনতন্ত্র যে প্রণয়ন করে এবং যে তাহার সংশোধন করার ক্ষমতা রাখে, সে তাহার প্রয়োজনবোধে শাসনতন্ত্রের পরিবর্তনও করিতে পারে। অতএব শাসনতন্ত্র যখনই শাসনতন্ত্র বাধা নহে

রাষ্ট্রের সার্বভৌমিকতাকে সীমিত করিতে যাইবে তখনই রাষ্ট্রের সার্বভৌম শক্তি শাসনতন্ত্রের সংশোধন করিয়া লইবে।

আবার আন্তর্জাতিক আইন ও সার্বভৌমিকতাকে সীমিত করিতে পারে না বলিয়া যুক্তি প্রদর্শন করা হয়। রাষ্ট্রের সংজ্ঞা হইতে ইহা প্রমাণিত হয় যে, রাষ্ট্রকে বহিঃশক্তির নিয়ন্ত্রণ হইতে মুক্ত হইতে হইবে। ইহাও বলা হইয়াছে যে,

আন্তর্জাতিক
আইনের বাধা যদি কখনও রাষ্ট্র স্বেচ্ছায় কোন নিয়ন্ত্রণকে স্বীকার করিয়া লয় তবে তাহার দ্বারা সার্বভৌমিকতাকে সীমাবদ্ধ করিয়াছে

বলিয়া ধরিয়া লওয়া উচিত হইবে না। রাষ্ট্র স্বেচ্ছায় আন্তর্জাতিক আইন তথা আন্তর্জাতিক প্রথাগুলিকে মানিয়া লইয়াছে। ইচ্ছা করিলে রাষ্ট্র ইহাকে অস্বীকারও করিতে পারে। অনেক রাষ্ট্র আন্তর্জাতিক আইনের বিধিনিষেধকে অস্বীকার করিয়া যুদ্ধ ঘোষণা করিয়া থাকে।

কিন্তু আন্তর্জাতিক সম্পর্কের ক্ষেত্রে কোন একটি রাষ্ট্রের চূড়ান্ত ক্ষমতাকে স্বীকার করা যায় না। আন্তঃরাষ্ট্র সম্পর্কের ক্ষেত্রে একরাষ্ট্র অপররাষ্ট্রের সার্বভৌমকে স্বীকার না করিলে আন্তর্জাতিক শান্তি বিঘ্নিত হইবে।

পারস্পরিক
সম্মানের যুক্তি রাষ্ট্রাভ্যন্তরে যেমন যে-কোন ব্যক্তির ইচ্ছাই চূড়ান্ত নয়, তেমনি বিভিন্ন রাষ্ট্রের সমবায়ে যে রাষ্ট্রগোষ্ঠী, সেখানেও একটি রাষ্ট্রের ইচ্ছাকে চূড়ান্ত বলিয়া স্বীকার করার অর্থ

বৃহৎ রাষ্ট্রগোষ্ঠীর মধ্যে শৃঙ্খলাবদ্ধ সম্পর্কের অস্তিত্বকে অস্বীকার করা। আবার পারস্পরিক সম্মানের ও অধিকারের স্বীকৃতির ভিত্তিতেই প্রতিষ্ঠিত যে আন্তঃরাষ্ট্র-ব্যবস্থা প্রতিষ্ঠিত হয়, তাহার দ্বারা সার্বভৌমিকতা সীমিত হইয়াছে বলিয়া ধরিয়া লওয়া যায় না। কারণ স্বাধীনতা ও সার্বভৌমিকতার প্রকৃতিই হইল পারস্পরিক অধিকারের স্বীকৃতি দান। এই স্বেচ্ছা-স্বীকৃতি নিয়ন্ত্রণকে নিয়ন্ত্রণ বলা যায় না।

উপসংহারে বলা যায়, সার্বভৌম ক্ষমতার কোন সীমা নাই। বাস্তব-

ক্ষেত্রে শাসনকার্য পরিচালনার সুবিধার জন্ত হয়তো রাষ্ট্র জনমতবিরোধী অথবা নীতিজ্ঞান-বিরোধী কার্যকলাপগুলিকে পরিহার করিয়া চলে, কিন্তু আইনতঃ রাষ্ট্রের সব-কিছুই করিবার ক্ষমতা আছে। পারস্পরিক স্বার্থ সংরক্ষণের জন্ত সাধারণতঃ রাষ্ট্রগুলি আন্তর্জাতিক আইন মানিয়া চলিলেও আন্তর্জাতিক আইন বাধ্যতামূলকভাবে সার্বভৌম ক্ষমতার সীমারেখা স্থির করিয়া দেয় না। অবশ্য, অনেক সময় রাষ্ট্র নিজের ইচ্ছামুসারে কাজ করিতে পারে না, কিন্তু আইনতঃ রাষ্ট্রের সার্বভৌম ক্ষমতার কোন সীমা নাই।

সার্বভৌম ক্ষমতা কি বিভাজ্য? (Theory of Divided Sovereignty) : রাষ্ট্রবিজ্ঞানিগণ যদিও সার্বভৌমত্বকে খণ্ডিত অবস্থায় দেখিতে চাহেন না, তথাপি আন্তর্জাতিক আইনের দৃষ্টিতে বিভিন্ন স্তরের আংশিক সার্বভৌম রাষ্ট্রের সন্ধান পাওয়া যায়। নিয়ে এই আংশিক সার্বভৌমত্বসম্পন্ন কতকগুলি রাষ্ট্রের বিবরণ দেওয়া গেল :

প্রথমতঃ, আশ্রিত রাজ্য (Protectorate) : অনেক সময় দেখা যায় দুর্বল রাজ্য আত্মরক্ষার প্রয়োজনে কতকগুলি শর্তসাপেক্ষ কোন বলিষ্ঠ রাষ্ট্রের আশ্রয় গ্রহণ করে। এই আশ্রয়গ্রহণকারী রাষ্ট্রকে বলা হয় আশ্রিত রাজ্য। এই সকল আশ্রিত রাজ্যের সমর বিভাগ, কর আদায় বিভাগ ও বিচার বিভাগের উপর আশ্রয়দানকারী রাষ্ট্রের ক্ষমতাই বজায় থাকে। উদাহরণস্বরূপ বলা যাইতে পারে, মোনাকো (Monaco) ফ্রান্সের সহিত এইরূপ সম্পর্কে সম্পর্কিত।

দ্বিতীয়তঃ, অনুগত রাজ্য (Vassal State) : এই প্রকারের রাজ্য অপর কোন সার্বভৌম রাষ্ট্রের (Suzerain State) অনুগত থাকে। এই ধরনের রাজ্যগুলিকে সার্বভৌম রাষ্ট্র যে সকল অধিকার দিয়া থাকে তাহাই ভোগ করে। অবশ্য, অনেক সময় আভ্যন্তরীণ ব্যাপারে আংশিক বা সম্পূর্ণ সার্বভৌমত্ব ইহাদের থাকে। কিন্তু আন্তঃরাষ্ট্র সম্পর্কের ব্যাপারে সার্বভৌম রাষ্ট্র সম্পূর্ণ অধিকার ভোগ করে। উদাহরণস্বরূপ বলা যায়, পূর্বে রুমানিয়া, বুলগারিয়া প্রভৃতি তুর্ক সাম্রাজ্যের অনুগত রাজ্য হিসাবে পরিগণিত হইত। অবশ্য, পরে সাম্রাজ্যের পতন ঘটিলে এই সকল রাজ্য স্বাধীন ও সার্বভৌম বলিয়া ঘোষিত হয়।

তৃতীয়তঃ, অছি-ব্যবস্থাদীন বা আজ্ঞাদীন রাজ্য (Mandated Territory or Trust Territory) : এই ধরনের রাজ্যকে অপর কোন

রাষ্ট্রের শাসনাধীনে ছাড়িয়া দেওয়া হয়। প্রথম মহাযুদ্ধের পর বিগত তুর্ক-সাম্রাজ্যের অংশ প্যালেস্টাইন, ইরাক প্রভৃতি অঞ্চলকে লীগ অব নেশনেনের (League of Nations) তরফ হইতে বৃটেনের শাসনাধীনে রাখার নির্দেশ দেওয়া হয়। এই ধরনের রাজ্যগুলিকে আধা-সার্বভৌম হিসাবে ধরা হয়। দ্বিতীয় বিশ্বযুদ্ধের পরও কোন কোন রাজ্যকে ঐরূপ বৃহৎ রাষ্ট্রের অছি (Trustee) নিযুক্ত করিয়া তাহাদের তদারকিতে রাখা হয়।

চতুর্থতঃ, দ্বি-রাষ্ট্রীয় শাসন-ব্যবস্থা (Dual Administration) : এই ধরনের শাসন-ব্যবস্থায় একটি রাজ্যের শাসন-ব্যবস্থা যুগপৎ দুইটি রাষ্ট্রদ্বারা মিলিতভাবে পরিচালিত হয়। সুদান দেশের শাসনকার্য যুগপৎ ইজিপ্ট ও গ্রেট ব্রিটেন কর্তৃক পরিচালিত হইত। এই ক্ষেত্রেও বলা যায় যে, সার্বভৌম ক্ষমতার অধিকারী হইল দুইটি বিভিন্ন রাষ্ট্র।

পঞ্চমতঃ, নিরপেক্ষীকৃত রাষ্ট্র (Neutralised State) : এই ধরনের রাষ্ট্রের উদাহরণ হইল সুইজারল্যান্ড। এই ধরনের রাষ্ট্র নিজেকে অপরের আক্রমণ হইতে রক্ষা করিবার জন্ত এবং নিরাপত্তার জন্ত বা শক্তিশালী ও প্রতিপত্তিশালী রাষ্ট্রের চাপে অনেক সময় চুক্তির মাধ্যমে নিজেকে “নিরপেক্ষ” (Neutral) বলিয়া ঘোষণা করে। নিরপেক্ষ রাষ্ট্র আর নিরপেক্ষীকৃত রাষ্ট্রের মধ্যে পার্থক্য হইল এই যে, যখন কোন রাষ্ট্র নিজেকে নিরপেক্ষ বলিয়া ঘোষণা করে তখন উহাকে নিরপেক্ষ রাষ্ট্র বলা হয়, আর যখন শক্তিশালী রাষ্ট্রের চাপে কোন রাষ্ট্র নিরপেক্ষ হইতে বাধ্য হয় তখন উহাকে নিরপেক্ষীকৃত রাষ্ট্র বলা হয়। আক্রমণাত্মক যুদ্ধে এ ধরনের রাষ্ট্র কখনও প্রবৃত্ত হইবে না। এই ধরনের রাষ্ট্রের সার্বভৌমিকতা অনেক পরিমাণে সীমাবদ্ধ। কারণ, শক্তিশালী রাষ্ট্রের চাপে ইহার নিজস্ব বক্তব্যটি পর্যন্ত বলিবার ক্ষমতা নাই।

ষষ্ঠতঃ, যুক্তরাষ্ট্রীয় শাসন-ব্যবস্থা (Federal Union) : পরিশেষে বলা যায়, যুক্তরাষ্ট্রীয় শাসন-ব্যবস্থায় এই সার্বভৌমিকতার বিভাজ্যতা আরও সুস্পষ্ট হইয়াছে। নিম্নে এই যুক্তরাষ্ট্রীয় শাসন-ব্যবস্থায় সার্বভৌমিকতার স্থান নির্ণয় করা হইল।

∴ সার্বভৌমিকতার অবস্থিতি ও যুক্তরাষ্ট্রের সার্বভৌমিকতা (Location of Sovereignty and Sovereignty in a Federation) : সার্বভৌমিকতা হইল একটি রাষ্ট্রের বৈশিষ্ট্য। ঐহা রাষ্ট্রের চূড়ান্ত ক্ষমতা।

এই ক্ষমতা কোথায় অবস্থান করে তাহা নির্ণয় করা অতিশয় কঠিন। এই সম্পর্কে বিভিন্ন লেখক বিভিন্ন মত প্রকাশ করিয়াছেন।

প্রথমতঃ, জনগণের সার্বভৌমত্বের তত্ত্বে জনগণই সার্বভৌম ক্ষমতার অধিকারী। কিন্তু প্রকৃতপক্ষে জনগণ এই ক্ষমতা কার্যক্ষেত্রে প্রয়োগ করিতে পারে না। ফলে জনগণে এই ক্ষমতার অবস্থিতি হইতে পারে না।

দ্বিতীয়তঃ, অধ্যাপক গেটেল রাষ্ট্রের মধ্যে অবস্থিত আইনসভা সমষ্টির উপর সার্বভৌমত্ব আরোপ করিয়াছেন। আইন সভা সমষ্টির অর্থ হইল দেশের কেন্দ্রীয়, প্রাদেশিক ও স্থানীয় আইনসভাসমূহ। আবার শাসনবিভাগ এবং বিচারবিভাগও আইন প্রণয়ন করে। অনেক দেশে ভোটদাতৃগণ গণভোট, গণ-নির্দেশাধিকার প্রভৃতি উপায়গুলির দ্বারা প্রত্যক্ষভাবে আইন প্রণয়নকার্যে সক্রিয় অংশ গ্রহণ করে। অতএব দেখা যায়, সার্বভৌমিকতা অবস্থান করে দেশের সকল আইনসভা, বিচারবিভাগ, শাসনবিভাগ এবং জনসাধারণের মধ্যে; কিন্তু, এই বিশ্লেষণ ত্রুটিপূর্ণ। কারণ, আইনসভা, শাসন-বিভাগ প্রভৃতি শাসনযন্ত্রের বিভিন্ন অংশ মাত্র। শাসনযন্ত্র সার্বভৌমিকতার অধিকারী হইতে পারে না। কারণ, রাষ্ট্রই একমাত্র ইহার অধিকারী। শাসনযন্ত্র রাষ্ট্রের একটি উপাদান মাত্র।

তৃতীয়তঃ, যুক্তরাষ্ট্রীয় শাসন-ব্যবস্থায় সার্বভৌমত্বের স্থান (Sovereignty in Federation) নির্ণয় করা অত্যন্ত জটিল। অধ্যাপক ল্যান্সির ভাষায় বলা যায়, “যুক্তরাষ্ট্রে সার্বভৌমিকতার অবস্থান নির্ণয় করা সম্পূর্ণ অসম্ভব” (“discovery of sovereignty in a Federal State is... an impossible adventure”)। সার্বভৌমিকতার অগ্রতম বৈশিষ্ট্য হইল

যুক্তরাষ্ট্রের সংজ্ঞা ও
সার্বভৌমিকতার
বিভাজ্যতা

অবিভাজ্যতা। সার্বভৌমিকতার এই বৈশিষ্ট্যকে স্বীকার করিয়া লইলে যুক্তরাষ্ট্রে সার্বভৌমিকতার অবস্থান নির্ণয় করা অত্যন্তই জটিল। কারণ, যুক্তরাষ্ট্র হইল বিভিন্ন স্বাধীন রাষ্ট্রের সমবায় গঠিত। যুক্তরাষ্ট্র গঠিত হইলে

পর এই সকল রাষ্ট্রের স্বাধীনতা বজায় না থাকিলেও এই সকল রাষ্ট্রের কিছুটা স্বাভাবিক বজায় থাকে। যুক্তরাষ্ট্রে শাসনক্ষমতা সমগ্র দেশের সরকার ও অঙ্গরাজ্যগুলির মধ্যে বন্টিত হয়। অতএব শাসনতন্ত্রের বিধান অহুসারে কেন্দ্রীয় সরকার ও অঙ্গরাজ্যগুলির ক্ষমতা সীমাবদ্ধ থাকে। এই কারণে, কোন সরকারের ক্ষমতাই অপ্রতিহত, চরম ও চূড়ান্ত নহে। এই প্রসঙ্গে মার্কিন

যুক্তরাষ্ট্রের উদাহরণ বিশেষ প্রযোজ্য। মার্কিন যুক্তরাষ্ট্রের কংগ্রেস এবং অঙ্গ-রাজ্যের আইনসভাগুলির আইন প্রণয়ন করার ক্ষমতা শাসনতন্ত্র দ্বারা সীমিত। এই শাসনতন্ত্রের সীমা অতিক্রম করিয়া যদি আইনসভাগুলি আইন প্রণয়ন করে তবে উক্ত আইন অবৈধ বলিয়া ঘোষিত হইবে। অতএব মার্কিন যুক্তরাষ্ট্রের আইনসভাগুলিকে সার্বভৌম শক্তির অধিকারী বলিয়া স্বীকার করা যায় না।

আবার বলা হয় যে, রাষ্ট্রের মধ্যে যে কর্তৃপক্ষ আইন প্রণয়ন ও তাহার সংশোধন করার অধিকারী সেই কর্তৃপক্ষকেই প্রকৃত সার্বভৌম শক্তির অধিকারী বলা হয়। গ্রেট ব্রিটেনের রাজা-সহ-পার্লিামেন্ট হইল এইরূপ ক্ষমতার অধিকারী।

মার্কিন যুক্তরাষ্ট্রের সার্বভৌমিকতার আশাসহল

কিন্তু মার্কিন যুক্তরাষ্ট্রের আইনসভাগুলি এককভাবে শাসন-তন্ত্র পরিবর্তন করার অধিকারী নয়। মার্কিন যুক্তরাষ্ট্রের শাসনতন্ত্র পরিবর্তন অত্যন্ত জটিল প্রক্রিয়ায় হইয়া থাকে।

মার্কিন যুক্তরাষ্ট্রের শাসনতন্ত্রের পরিবর্তনের নিয়ম লক্ষ্য করিলে দেখা যায় যে, মার্কিন যুক্তরাষ্ট্রে সরকারের ক্ষমতা জাতীয় সরকার ও রাজ্য সরকারগুলির মধ্যে বিভক্ত হওয়ার ফলে উভয় সরকারই শাসনতন্ত্রের নির্ধারিত গণ্ডীর মধ্যে সম্পূর্ণ স্বাধীন।* অতএব কেহ কেহ এই মত পোষণ করেন যে, যুক্তরাষ্ট্রীয় শাসনব্যবস্থায় সার্বভৌম ক্ষমতা বিভাজ্য। কিন্তু এই মতবাদ ত্রুটিপূর্ণ। কারণ, যুক্তরাষ্ট্রে সরকারের ক্ষমতা ভাগ হয়, কিন্তু রাষ্ট্র থাকে একটিমাত্র এবং সার্বভৌম ক্ষমতা এই রাষ্ট্রেরই। অতএব অবিভাজ্যভাবে একক রাষ্ট্রই ইহার অধিকারী। যুক্তরাষ্ট্রে সরকারের ক্ষমতা বন্টিত হয়, সার্বভৌমিকতা বন্টিত হয় না। কিন্তু সোভিয়েত যুক্তরাষ্ট্রের শাসনতন্ত্রের ১৪-১৮ (খ) ধারা লক্ষ্য করিলে দেখা যায় যে, সার্বভৌমিকতা কেন্দ্র ও ইউনিয়ন রিপাবলিকগুলির মধ্যে যেন বন্টিত হইয়াছে। সোভিয়েত ইউনিয়ন বিভাজ্য সার্বভৌমিকতায় বিশ্বাসী। ইউনিয়নগুলির কেন্দ্র হইতে বিচ্ছিন্ন হইবার অধিকার স্বীকৃত হইয়াছে। ইহাদের নিজস্ব ফৌজ রাখারও অধিকার আছে এবং বৈদেশিকদিগের সহিত চুক্তিতে আবদ্ধ হইবার অধিকারও স্বীকৃত হইয়াছে। অতএব কেহ কেহ বলেন যে, সোভিয়েতে রাষ্ট্রের সার্বভৌমিকতা বিভাজ্য। কিন্তু এই মতকেও সম্পূর্ণভাবে স্বীকার করিয়া লওয়া যায় না। কারণ, কেন্দ্রের হস্তেও বহুবিধ ক্ষমতা অর্পিত হইয়াছে। বাস্তবে কেন্দ্রকেই ইউনিয়নগুলি অহুসরণ করে। আবার কেন্দ্রীয় সরকার ইউনিয়নের প্রতিনিধিবর্গের দ্বারাই গঠিত হয়।

* তত্ত্বাচয় : শাসন-পদ্ধতি দ্রষ্টব্য।

সর্বোপরি একটি দলই (কম্যুনিষ্ট) সমগ্র সোভিয়েত ইউনিয়কে ঐক্যবদ্ধ করিয়াছে এবং শাসন করিতেছে। প্রকৃত রাষ্ট্রক্ষমতা ইহারই হস্তে।

আবার অনেকের মতে, যুক্তরাষ্ট্রে সংবিধানই সার্বভৌম। কিন্তু এই মত অস্টিনের সার্বভৌমত্বের সম্পূর্ণ বিরোধী, কারণ, যুক্তরাষ্ট্রের সংবিধান হইল ক্ষমতার প্রয়োগ সম্বন্ধে দলিল, ব্যবহার-কারীদিগকে এখানে খুঁজিয়া পাওয়া যায় না। আবার

যুক্তরাষ্ট্রে সংবিধান চরম হইলেও ইহা পরিবর্তনীয়। অতএব সংবিধানকে সার্বভৌম হিসাবে গণ্য না করিয়া ইহার পরিবর্তনের ক্ষমতাকে সার্বভৌম বলিয়া গণ্য করা উচিত।

সার্বভৌমিকতা সম্বন্ধে একত্ববাদ বনাম বহুত্ববাদ (Monistic vs Pluralistic Conception of Sovereignty) : রাষ্ট্রের সর্বাপেক্ষা গুরুত্বপূর্ণ বৈশিষ্ট্য সার্বভৌমিকতা সম্বন্ধে বিভিন্ন মতবাদ পূর্বেই আলোচনা করা হইয়াছে। এই বিভিন্ন মতবাদের মধ্যে বোডঁ্যা, হব্‌স, বেছাম ও অস্টিনের দ্বারা পরিস্ফুটিত সার্বভৌমিকতা সম্বন্ধে পরম্পরাগত (Traditional) বা আইনসম্মত মতবাদকে বলা হয় একত্ববাদ (Monism)।

একত্ববাদের সারসংক্ষেপ : সার্বভৌমিকতা সম্বন্ধে ধারণা যদিও নূতন নহে তথাপি বলা যায় সার্বভৌমিকতা সম্বন্ধে আধুনিক মতবাদের জন্ম হয় নোড়শ শতাব্দীতে। ইহার কারণস্বরূপ বলা হয়, মধ্যযুগ পর্যন্ত সার্বভৌম রাষ্ট্রের উদ্ভব হয় নাই। মধ্যযুগে ছিল সামন্তপ্রথা। তখন জনসাধারণ ছিল সামন্তদিগের অহুগত। আর সামন্তগণ ছিল রাজার অহুগত। এইভাবে আহুগত্য বিভক্ত হওয়ায় রাষ্ট্র-কর্তৃত্বও ছিল বিভক্ত। অতএব চূড়ান্ত কর্তৃত্ব এককভাবে কাহারও ছিল না। মধ্যযুগের শেষে সামন্তগণ দুর্বল হইয়া পড়িলে রাজাই রাষ্ট্রের মধ্যে সর্বব্যাপী আধিপত্য প্রতিষ্ঠা করিবার চেষ্টা করে। কিন্তু সামন্তপ্রথার সঙ্গে আবার ছড়াইয়া ছিল সাম্রাজ্য ও খ্রীষ্টধর্ম প্রতিষ্ঠানের পরস্পর-বিরোধী শ্রেষ্ঠত্বের দাবি।

একত্ববাদের ঐতিহাসিক পটভূমিকা পরিশেষে রাষ্ট্রের উপর কর্তৃত্ব লইয়া পোপ ও রাজার মধ্যে সংঘর্ষ জুরু হয়। এই সংঘর্ষের সময় নৃপতিগণের আশ্রয়ক্ষামূলক যুদ্ধে তাঁহাদের সপক্ষে যে সকল রাষ্ট্রবিজ্ঞানী যোগদান করেন তাঁহাদের মধ্যে ফরাসী দার্শনিক বোডঁয়ার নাম বিশেষ উল্লেখযোগ্য। এই সকল দার্শনিকগণ রাজার হস্তে রাষ্ট্রের সম্পূর্ণ কর্তৃত্ব

সমর্পণ করিবার পক্ষে প্রচার শুরু করিলেন। পোপের কর্তৃত্ব হইতে রাষ্ট্রকে সর্বপ্রকারে মুক্ত করাই ছিল এই প্রচারের উদ্দেশ্য। এই প্রচারের ফলে পোপের কর্তৃত্বমুক্ত জাতীয় রাষ্ট্রের সৃষ্টি হয়। ইহার প্রধান বৈশিষ্ট্য হইল সার্বভৌমিকতা।

এই সার্বভৌমিকতা হইল অবাধ, অসীম, অখণ্ড, অপ্রতিহত চূড়ান্ত রাষ্ট্রের এক বিশেষ ক্ষমতা। এই সার্বভৌমিকতা আইনগত এবং অবিভাজ্য। এই ক্ষমতা বলে রাষ্ট্র তাহার ভূখণ্ডের অন্তর্গত সকল ব্যক্তি ও সংঘের উপর অপ্রতিহত কর্তৃত্বের অধিকারী। রাষ্ট্রের এই কর্তৃত্বের বিরুদ্ধে আইনামুখোদিত অথ কোন বাধা নাই। রাষ্ট্রের আঙ্গাই চরম এবং চূড়ান্ত। সার্বভৌমিকের আঙ্গাই আইন। আবার এই আইন যদি কোন রাষ্ট্রান্তর্গত ব্যক্তি অমান্য করে তবে রাষ্ট্র এই আইন অমান্যকারী ব্যক্তিকে দৈহিক শাস্তিও দিতে পারেন। একত্ববাদিগণের মতে সমাজে বহু সংঘ আছে বটে, কিন্তু রাষ্ট্রই একমাত্র বলপ্রয়োগের অধিকারী। রাষ্ট্রের অন্তর্গত সকল ব্যক্তি ও সংগঠন রাষ্ট্রের কর্তৃত্বাধীন। রাষ্ট্রের ইচ্ছার উপর নির্ভর করে তাহাদের অধিকার, অস্তিত্ব ও ক্ষমতা। রাষ্ট্রের এই ক্ষমতার একচেটিয়াত্বই হইল সার্বভৌমিকতার একত্ববাদ।

একত্ববাদের বিরুদ্ধে বহুত্ববাদের যুক্তি ও বহুত্ববাদের বর্ণনা (Pluralistic criticism of the Monistic conception of Sovereignty and Pluralism) : (ক) বহুত্ববাদের সারসংক্ষেপ : ঊনবিংশ শতাব্দীর শেষভাগ পর্যন্ত সকল সম্প্রদায়ের রাষ্ট্রনীতিবিদগণ রাষ্ট্রকে প্রত্যক্ষ ও পরোক্ষভাবে অসীম ও অনিয়ন্ত্রিত ক্ষমতার অধিকারী বলিয়া মতবাদ প্রচার করেন। এই ক্ষমতার আওতার মধ্যে সকল ব্যক্তি-স্বাতন্ত্র্য লুপ্ত হইতে লাগিল। রাষ্ট্রের অন্তর্গত সকল সংঘগুলির সংঘ-স্বাতন্ত্র্যও লুপ্ত হইতে বসিল। একত্ববাদিগণের প্রচারের ফলে নাগরিকের স্বাধীনতাকে রাষ্ট্রের যুগপাঠে বালি দেওয়া হইল। ঊনবিংশ শতাব্দীতে জৈব মতবাদ, সমাজতত্ত্ববাদ, বেহামের আশাবাদ এবং আইন প্রণয়নের মাধ্যমে সমাজ সংস্কারের মতবাদের প্রচারের ফলে রাষ্ট্র প্রভূত ক্ষমতার অধিকারী হয় এবং রাষ্ট্রের হাতে সমাজের সকল ক্ষমতা কেন্দ্রীভূত হয়। যুদ্ধের সময়ে এবং শাস্তির সময়েও রাষ্ট্র নানাবিধ আইন প্রণয়ন করিয়া ব্যক্তি-স্বাধীনতাকে খর্বিত করে।

এই সময়ে কেন্দ্রীভূত রাষ্ট্র-কর্তৃত্বের বিরুদ্ধে, সর্বাত্মক, সর্বময়, অপ্রতিহত ও চরম ক্ষমতা-সম্পন্ন রাষ্ট্রের বিরুদ্ধে, এক প্রবল প্রতিক্রিয়া দেখা দেয়। ইহাই মতবাদের জগতে বহুত্ববাদের রূপ গ্রহণ করে। অর্থাৎ একত্ববাদের বিরুদ্ধে এবং রাষ্ট্রান্তর্গত বিভিন্ন সংঘের নিজস্ব সত্তাকে সমর্থন করিয়া যে মতবাদ প্রচারিত হয় তাহাকেই বলে বহুত্ববাদ। এই বহুত্ববাদের প্রচারক হইলেন, গিয়ার্কে (Gierke), ফিগিস্ (Figgis), লিণ্ডসে (Lindsy), মেইটল্যাণ্ড (Maitland), ডুগো (Duguit), ক্র্যাব্ (Krabbe), ল্যাস্কি (Laski), কোল (Cole), হবসন (Hobson), বার্কার (Barker) ও ম্যাক আইভার (Mac Iver) প্রভৃতি প্রখ্যাত দার্শনিকগণ। এই দার্শনিকগণের যুক্তিগুলি নিয়ে দেওয়া গেল।

(খ) একত্ববাদের বিরুদ্ধে বহুত্ববাদের যুক্তি : (১) বহুত্ববাদিগণ বিশ্বাস করেন যে, মানুষ সামাজিক জীব। এই সামাজিক মানুষের জীবন বহুমুখী। বহুমুখী জীবনের পূর্ণবিকাশ একমাত্র রাষ্ট্রের মাধ্যমেই হইতে পারে না। তাই মানুষ বিভিন্ন সংঘ সৃষ্টি করিয়াছে। পরিবার, ধর্মসংস্থা, বিশ্ববিদ্যালয়, শ্রমিক সংঘ প্রভৃতি মানুষেরই সৃষ্টি। এই প্রতিষ্ঠানগুলির আবার প্রত্যেকেরই উদ্দেশ্য আছে এবং প্রত্যেকেই মানুষের ব্যক্তিত্ব বিকাশে সহায়তা করে। অবশ্য, বহুত্ববাদিগণ অল্পতম সামাজিক প্রতিষ্ঠান হিসাবে

জীবনের পূর্ণ-
বিকাশের জন্ত
সামাজিক
সংঘগুলির
প্রয়োজনীয়তা
ও উপযোগিতা
আছে

রাষ্ট্রের প্রয়োজনীয়তাকে অস্বীকার করেন নাই। রাষ্ট্র যেমন মানুষের রাষ্ট্রনৈতিক জীবনের বিকাশে সহায়তা করে, সেইরূপ অত্যাশ সামাজিক প্রতিষ্ঠান মানুষের জীবনের অর্থনৈতিক, নৈতিক, সাংস্কৃতিক প্রভৃতি দিকের বিকাশে সহায়তা করে। তাই মানুষ শুধু রাষ্ট্রের প্রতিই আহুগত্য প্রদর্শন করে না, অত্যাশ সামাজিক

প্রতিষ্ঠানের প্রতিও আহুগত্য প্রদর্শন করে। কারণ, সে শুধু রাষ্ট্রনৈতিক জীবন লইয়াই বাঁচিতে পারে না। এই প্রসঙ্গে গিয়ার্কে ও মেইটল্যাণ্ডের মতবাদ উল্লেখযোগ্য। এই দুই চিন্তাবীরের মতে সামাজিক সংঘগুলি রাষ্ট্র কর্তৃক সৃষ্ট নয়। এই সামাজিক সংঘগুলি নিজস্ব সত্তার অধিকারী। ফিগিস্ খ্রীষ্টধর্ম প্রতিষ্ঠানের স্বাভাব্য প্রতিষ্ঠার উদ্দেশ্যে বিভিন্ন সংঘের আত্মনিয়ন্ত্রণের অধিকার বিশেষভাবে সমর্থন করেন। তাঁহার মতে সমাজে রাষ্ট্র ছাড়াও বহু সামাজিক প্রতিষ্ঠান আছে। তাই রাষ্ট্র এক ও অবিসংবাদী

সার্বভৌমিকতার অধিকারী হইতে পারে না। রাষ্ট্র হইল সমাজের বিভিন্ন সামাজিক প্রতিষ্ঠানের কার্যাবলীর মধ্যে সমন্বয়সাধনকারী মাত্র। অতএব সমাজের বিভিন্ন প্রতিষ্ঠানের কাজে অহেতুক হস্তক্ষেপ করার অধিকার রাষ্ট্রের নাই। বিশেষ করিয়া ধর্মীয় প্রতিষ্ঠানগুলির স্বাভাবিকতাকে রাষ্ট্রের স্বীকার করিতেই হয়।

(২) বহুত্ববাদিগণ এই ধারণা পোষণ করেন যে, একত্ববাদ যে রাষ্ট্র ও সমাজকে একরূপ অভিন্ন বলিয়া এবং সমাজকে অসংশ্লিষ্ট ব্যক্তিসমূহের সংগঠন ("association of unassociated individuals") বলিয়া মনে করেন, তাহা সম্পূর্ণ ভুল। সমাজ অসংশ্লিষ্ট ব্যক্তিসমূহের সংগঠন নহে।

রাষ্ট্রের দৈহিক
শান্তি আর নৈতিক
বা ধর্মীয় শান্তির
মধ্যে তুলনা

বস্তুতঃ, সমাজ হইল রাষ্ট্রনৈতিক, ধর্মীয়, সামাজিক ও সাংস্কৃতিক প্রতিষ্ঠানের সমবায়ে গঠিত। এই সকল সংঘের মধ্যেই মানুষের ব্যক্তিত্ব বিকশিত হয়। আবার অতিশয় যুক্তিসঙ্গত কারণেই বহুত্ববাদিগণ মনে করেন যে, রাষ্ট্র কোন অসাধারণ প্রতিষ্ঠান নয় এবং বলপ্রয়োগের ক্ষমতা ইহাকে কোন অসাধারণত্ব দান করে না। রাষ্ট্র যেমন আইন অমান্যকারীকে দৈহিক শাস্তি দিতে পারে তেমনি অগ্রাগ্র সামাজিক প্রতিষ্ঠানও সামাজিক শাস্তি দিতে পারে। খ্রীষ্টধর্মের বিরুদ্ধাচরণ করিলে পোপ খ্রীষ্টধর্ম প্রতিষ্ঠান (church) হইতে বহিস্কার করিয়া দেয়। এই শাস্তিও রাষ্ট্রের দৈহিক শাস্তির তুলনায় কম পীড়াদায়ক হয় না।

(৩) বহুত্ববাদিগণ এই মত পোষণ করেন যে, প্রত্যেক প্রতিষ্ঠানের ক্ষমতার একটা সীমা আছে। আর ক্ষমতার এই সীমা সেই প্রতিষ্ঠানের কার্যাবলীর দ্বারা নিয়ন্ত্রিত হয়। রাষ্ট্রের কার্যাবলীর প্রকৃতি বিশ্লেষণ করিলে দেখা যায় যে, রাষ্ট্র মানুষের বহির্জীবনের নিয়ন্ত্রণ করে। বটে, কিন্তু মানুষের

রাষ্ট্রের সার্ব-
ভৌমিকতা সীমাবদ্ধ

অন্তর্জীবনের উপর হস্তক্ষেপ করার অধিকার রাষ্ট্রের নাই। রাষ্ট্র একটি বিরাট প্রতিষ্ঠান। ইহা মানুষের

অন্তর্জীবনের স্বল্প অহুত্বগুলির উপর প্রভাব বিস্তার করিতে পারে না। এই প্রসঙ্গে ম্যাক্ আইভার বলেন যে, একখানি কুঠার একটি পেঁজিল কাটিবার পক্ষে যেমন অহুপযোগী অস্ত্র, ঠিক রাষ্ট্রও মানুষের অন্তর্জীবনের স্বল্প অহুত্বগুলির উন্নয়নে তেমনি অহুপযোগী অস্ত্র। অতএব দেখা যায়, রাষ্ট্র তাহার কার্যাবলীর গণ্ডীর মধ্যেই সীমাবদ্ধ। ইহার

সার্বভৌমিকতা অবাধ, অসীম নয়। এই প্রসঙ্গে একত্ববাদিগণের ধারণা যুক্তিসঙ্গত নহে। আবার ফরাসী দার্শনিক ডুগো বলেন যে, রাষ্ট্রীয় কর্তৃত্ব আইন দ্বারা সীমাবদ্ধ। আইনের গণ্ডীর বাইরে রাষ্ট্রের কোন ক্ষমতা নাই। এইভাবে তিনি রাষ্ট্রীয় ক্ষমতাকে সীমিত করিয়া সংঘ-স্বাতন্ত্র্যের পথ প্রশস্ত করেন। ক্র্যাভ্ এই মত পোষণ করিতেন যে, রাষ্ট্র আইনের সৃষ্ট প্রতিষ্ঠান। অতএব আইনই সার্বভৌম, রাষ্ট্র নহে।

(৪) অধ্যাপক ল্যাক্সি বলেন: রাষ্ট্রের আইনসঙ্গত সার্বভৌমিকতা হইল অত্যন্ত “আইনের কল্পনা এবং শূন্যগর্ভ” ধারণা (“The doctrine of Sovereignty is a legal fiction and a barren concept”)। অধ্যাপক ল্যাক্সির

মতে সমাজে এমন অনেক কাজ আছে যাহা রাষ্ট্র কর্তৃক সম্পাদিত হইতে পারে না। অতএব রাষ্ট্রের ক্ষেত্রে রাষ্ট্র যেমন সার্বভৌম তেমনি রাষ্ট্র সামাজিক সম্পর্কে কাজ করিতে পারে না। অপরাপর সামাজিক সংঘগুলিও তাহাদের স্ব স্ব ক্ষেত্রে সার্বভৌম। সমাজ সংঘমূলক, আর তাহার কর্তৃত্বও সংঘ-মূলক। অতএব সমাজের কর্তৃত্ব রাষ্ট্রের একচেটিয়া হইতে পারে না। রাষ্ট্র সমাজের অত্যাগ্র প্রতিষ্ঠানের দ্বারা একটি প্রতিষ্ঠান মাত্র।

“ (৫) কোল ও হব্‌স্‌ন বহুত্ববাদকে সমর্থন করিয়া বহুত্ববাদের মাধ্যমে সংঘমূলক সমাজতন্ত্রবাদের (Guild socialism) প্রচার করেন। কোলের

মতে রাষ্ট্র মানুষের সৃষ্ট একটি প্রতিষ্ঠান। অতএব মানুষই ইহার ক্ষমতা নিয়ন্ত্রণ করিতে পারে। মানুষ প্রয়োজন-বোধে রাষ্ট্রকে কর্তৃত্বের আসন হইতে নীচে নামাইয়া আনিতে পারে। ফলেট সংঘগুলির মাধ্যমে রাষ্ট্রনৈতিক কার্য সম্পাদনের পক্ষ সমর্থন করেন। ম্যাক্‌ আইভারের মতে রাষ্ট্রসত্যই একটি বিশেষ ধরনের প্রতিষ্ঠান। কিন্তু ইহা অসাধারণ প্রতিষ্ঠান নহে।

(৬) বার্কার বলেন যে, রাষ্ট্রকে প্রধানত: “এমন একটি সংগঠন হিসাবে দেখি না যে সংগঠনে সাধারণ মানুষ যৌথ জীবন যাপনের উদ্দেশ্যে মিলিত হইয়াছে। রাষ্ট্র হইল ব্যক্তি সাধারণের এমন সংগঠন যেখানে তাহার ইতিমধ্যেই আরও অগ্রসর ও আরও ঘনিষ্ঠ সম্বন্ধে সম উদ্দেশ্য সাধনের নিমিত্ত বিভিন্ন গোষ্ঠীর মধ্যে সংঘবদ্ধ হইয়াছে।” বর্তমানে নাগরিক ব্যক্তি মাত্র নহে, সে

গোষ্ঠীভুক্ত ব্যক্তি। পূর্বে বলা হইত যে, ব্যক্তির নিজস্ব ব্যাপারে ব্যক্তির স্বাধীনতা অথগু। শুধু যে সকল কার্যের মধ্যে অপরের স্বার্থ জড়াইয়া বাইত সে সকল ব্যাপারেই রাষ্ট্রের হস্তক্ষেপের অধিকার থাকিতে পারে। বর্তমানে অমূরূপভাবে বলা যায়, দল, গোষ্ঠী, প্রতিষ্ঠানকে এক একটি সংস্থা ধরিয়া তাহাদের নিজস্ব ক্ষেত্রে রাষ্ট্রের অধিকারকে সীমিত করিয়া এক গোষ্ঠী বা দলের স্বার্থ যখন অপর দল বা গোষ্ঠীর স্বার্থের সহিত জড়াইয়া পড়িবে তখনই রাষ্ট্র হস্তক্ষেপ করিতে পারে। অর্থাৎ পূর্বে যে ব্যক্তি বনাম রাষ্ট্রের (Man versus the State) ক্ষেত্র সম্বন্ধে বলা হইত বর্তমানে অমূরূপভাবে গোষ্ঠী বনাম রাষ্ট্রের (Group versus the State) ক্ষেত্রে ধরা সঙ্গত। ব্যক্তি-স্বাধীনতা যেমন অপরিহার্য তেমনি গোষ্ঠী-স্বাধীনতাও অপরিহার্য। কিন্তু রাষ্ট্রের অবাধ, অপ্রতিহত সার্বভৌমিকতার আওতায় এই গোষ্ঠী-স্বাধীনতা বজায় থাকে না।

আবার বর্তমানে শ্রমিকসংঘ, মালিকসংঘ, বাণিজ্যসংঘ ইত্যাদি নিজেরা পৃথক পরিচালনা ব্যবস্থা ও নিয়মকানুন রচনা করিয়া কার্যব্যবস্থা চালনা করে। আবার নিজের দাবি-দাওয়া আন্দোলন করিয়া সরকারের নিকট হইতে আদায় করে। অতএব এই সংঘগুলিরও চাপ সৃষ্টি করার ক্ষমতা আছে। সুতরাং দেখা যায়, রাষ্ট্রের ক্ষমতাকে চাপ সৃষ্টির দ্বারা নিয়ন্ত্রিত করার ক্ষমতা আছে সমাজের সংঘগুলির। অতএব সার্বভৌম ক্ষমতা নিয়ন্ত্রণকারী সংঘের ক্ষমতাকেও স্বীকার করা বিধেয়।

(৭) বহুত্ববাদিগণের মতে আভ্যন্তরীণ ব্যাপারে রাষ্ট্রের অবাধ ক্ষমতা আইন দ্বারা অগ্রাগ্র প্রতিষ্ঠানের অধিকার দ্বারা যেমন সীমাবদ্ধ, বৈদেশিক ব্যাপারেও রাষ্ট্রের ক্ষমতা তেমনি অগ্র রাষ্ট্রের অধিকার দ্বারা সীমাবদ্ধ। আভ্যন্তরীণ সার্বভৌমিকতা যদি অপ্রতিহত হয় তবে যেমন রাষ্ট্রের অন্তর্গত ব্যক্তি ও সংঘের স্বাভাব্য লুপ্ত হয়, ঠিক তেমনি বাহ্যিক সার্বভৌমিকতা স্বীকৃত হইলেও বিশ্ব শান্তি বিঘ্নিত হইবে। কারণ, তাহা হইলে শক্তিশালী রাষ্ট্র দুর্বল রাষ্ট্রের স্বাধীনতা হরণ করিবে। এই বাহ্যিক সার্বভৌমিকতার অবাধ প্রয়োগ হইলে আন্তর্জাতিক যুদ্ধ অনিবার্য হইয়া উঠিবে। বিশ্বের বিগত দুইটি মহাযুদ্ধ এই কথাই প্রমাণ করিয়াছে। অতএব সে সকল কার্যাবলী আন্তর্জাতিক শান্তি ও সভ্যতা বিরোধী সেই সকল বিষয়ে সংশ্লিষ্ট রাষ্ট্রের সিদ্ধান্তকে চূড়ান্ত বলিয়া স্বীকার করা বাঞ্ছনীয় নহে। এই সকল বিষয়ে মীমাংসা আন্তর্জাতিক

কোন সংস্থার হস্তে সমর্পণ করা বিধেয়। আর প্রত্যেক রাষ্ট্রের পক্ষেই আন্তর্জাতিক আইনকে বাধ্যতামূলক করিয়া পররাষ্ট্র-সম্পর্কিত ক্ষমতাকে

নিয়ন্ত্রণ করা উচিত। অত্যাধিক মানবসভ্যতা ধ্বংসপ্রাপ্ত
বর্তমানে রাষ্ট্রের
আভ্যন্তরীণ ও
বাহ্যিক সার্ব-
ভৌমিকতা উভয়েই
সীমাবদ্ধ
হইবে। এইভাবে বহুত্ববাদিগণ প্রমাণ করেন যে, রাষ্ট্রের
আভ্যন্তরীণ ও বাহ্যিক উভয় সার্বভৌমিকতাই সীমিত।
বর্তমান যুগ হইল আন্তর্জাতিকতাবাদের যুগ। বর্তমান
যুগে কোন রাষ্ট্রই বাহ্যিক সার্বভৌমিকতার অধিকারী

নহে। সকল রাষ্ট্রেরই বাহ্যিক চরম ক্ষমতা আন্তর্জাতিক আইনের দ্বারা
সীমাবদ্ধ। আবার বলা হয়, বর্তমান জগৎ হইল বিশ্বজনীন সম্প্রদায়। সকল
দেশের মানুষকে একটি বিশ্বপরিবারের সভ্য হিসাবে কল্পনা করা হয়। এই
ক্ষেত্রে রাষ্ট্রীয় সার্বভৌমিকতার কল্পনা প্রতিক্রিয়াশীল দৃষ্টিভঙ্গী। আবার
বর্তমান যুগে মানুষ আন্তর্জাতিক আইনকে জাতীয় আইনের মতোই বলবৎ
করিবার উদ্দেশ্যে একটি আন্তর্জাতিক সংগঠন প্রতিষ্ঠার উদ্দেশ্যে প্রচেষ্টা
চালাইতেছে। এইভাবে সার্বভৌম ক্ষমতা অভ্যন্তর ও বাহিরের সম্পর্কে
সীমাবদ্ধ (The State is limited within and without)। এইজন্যই
ল্যান্সি বলিয়াছেন : “সার্বভৌমিকতার সম্পূর্ণ ধারণাটিই বিসর্জন দিলে রাষ্ট্র-
বিজ্ঞানের দীর্ঘস্থায়ী কল্যাণ ঘটিবে” (“It would be of lasting benefit
to political science if the whole concept of sovereignty
were surrendered.”—Laski)।

(৮) আবার বহুত্ববাদীদের ধারণার সহিত সম্পর্কিত আর একটি ধারণা
হইল রাষ্ট্র আইনের উৎস নহে। অতএব রাষ্ট্র আইনের উৎস নহে। বরং
রাষ্ট্রীয় ক্ষমতা আইন দ্বারা সীমাবদ্ধ। ইহাদের মতে সমাজের সংহতিই আইনের
ভিত্তি। সমাজস্থিতির অনেক পরে রাষ্ট্রের উদ্ভব হয়।

সার্বভৌমের
আজ্ঞাই আইন নহে
সমাজ-জীবনের প্রথম হইতেই মানুষ কতকগুলি সামাজিক
বিধি নিয়মকে মানিয়া লইয়াছে। এই বিধি নিয়মগুলিই
আইন। এই সামাজিক বিধি নিয়মগুলি রাষ্ট্রের পূর্ববর্তী। অতএব রাষ্ট্রও
অন্ততঃ সামাজিক সংঘ হিসাবে এই বিধি নিয়মের কর্তৃত্বাধীন। অতএব
সার্বভৌমের ক্ষমতাকে আইন বলা যুক্তিসঙ্গত নয়।

(৯) বহুত্ববাদিগণ মনে করেন যে, রাষ্ট্রের আইনসমূহ সার্বভৌমিকতা
ব্যবহারিক জীবনে সরকার কর্তৃকই কার্যকরী হয়। কিন্তু সরকার গঠিত হয়

সাধারণ লোককে লইয়া। মানুষ দোষে গুণে গঠিত। অতএব এই সাধারণ মানুষের হাতে চরম অপ্রতিহত ক্ষমতা ছাড়িয়া দেওয়ার অর্থ বিপজ্জনক পরিস্থিতিকে আহ্বান করা। আবার ইহাতে চরম স্বেচ্ছাচারিতা প্রকাশ পাইবার সম্ভাবনা থাকে।

(১০) বহুত্ববাগিন রাষ্ট্রের সার্বভৌমিকতার একত্ববাদী ব্যাখ্যার বিরুদ্ধে নীতিগত প্রশ্ন উত্থাপন করেন। এই প্রশ্নে ল্যাস্কির মন্তব্য উল্লেখযোগ্য। তিনি বলেন : “বিবেকের অহুশাসন মানাই আমাদের প্রাথমিক কর্তব্য” (“Our first duty is to be true to our conscience”)। অতএব রাষ্ট্রের নির্দেশকে মান্ত করিবার সীমা স্থির করে মানুষের বিবেক। বিবেক

যতখানি মান্ত করিতে বলিবে ততখানিই মান্ত করা হয়।
 বিবেকের অহুশাসন
 দ্বারা সার্ব-
 ভৌমিকতার সীমা
 নির্দিষ্ট হয়।

অতএব রাষ্ট্রের চূড়ান্ত আহুগত্য দাবি করিবার ক্ষমতা নাই। বহুত্ববাদিগণের মতে “রাষ্ট্রযন্ত্র জটিল, ধীরগতি-সম্পন্ন ও অপচয়পূর্ণ।” অতএব অতিশয় শ্রায্যভাবেই বহুত্ববাদিগণ এই যুক্তি প্রদর্শন করেন যে, সমস্ত ক্ষমতা রাষ্ট্রের হস্তে কেন্দ্রীভূত হইলে সমাজের অকল্যাণ হইবে। তাঁহাদের মতে সমাজের সম্মিলিত ক্ষমতাকে সমগ্র সামাজিক সংঘের মধ্যে বণ্টন করা উচিত। বার্কার এই মন্তব্য করেন “অপর কোন প্রচলিত রাষ্ট্রনৈতিক ধারণা সার্বভৌম রাষ্ট্রের মতবাদ অপেক্ষা শুষ্ক ও মূল্যহীন হইয়া উঠে নাই” (No political common place has become more arid and unfruitful than the doctrine of sovereign State”)। লিগুসে এই মন্তব্য করেন যে, ঘটনার দিকে তাকাইলে পরিষ্কার বোঝা যায় যে রাষ্ট্র সার্বভৌমিকতার তত্ত্ব ভাঙ্গিয়া পড়িয়াছে (“If we look at the facts, it is clear enough that the theory of the Sovereign State has broken down”)। বহুত্ববাদিগণের ধারণায় আইনসঙ্গত সার্বভৌমিকতার মতবাদ একটি কুসংস্কার বিশেষ (“The theory of Sovereign State is a venerable superstition”)।

(১১) এমিল ডুর্ক হাইম এই মন্তব্য করেন যে, বর্তমানে মানুষের অর্থনৈতিক জীবন অতিশয় জটিল। রাষ্ট্র নিখুঁতভাবে এই জটিল অর্থনৈতিক ক্ষেত্রে প্রবেশ করিতে পারে না। সুতরাং কর্মিগোষ্ঠীগুলিকে অর্থনৈতিক নিয়ন্ত্রণ এবং রাষ্ট্রনৈতিক প্রতিনিধিত্বের ভার অর্পণ করা সঙ্গত। তিনি এই মত পোষণ

কর্মিগোষ্ঠীর
 প্রতিনিধিত্ব

করেন যে, আঞ্চলিক প্রতিনিধিত্বের মাধ্যমে সামাজিক স্বার্থের ব্যাপকতা ও বৈচিত্র্যের রূপদান করা কঠিন।

সমালোচনা : উপরে যে একত্ববাদ এবং একত্ববাদের বিরুদ্ধে যে বহুত্ববাদের যুক্তিগুলি দেখানো হইয়াছে, সেই বহুত্ববাদী যুক্তিগুলির পক্ষে ও বিপক্ষে বর্তমানে কতকগুলি সমালোচনা হইয়াছে। এই সমালোচনাগুলি নিয়ে দেওয়া গেল :—

(১) বহুত্ববাদিগণের মতে সমাজের প্রত্যেক প্রতিষ্ঠানই স্বাধীন, স্বাবলম্বী ও রাষ্ট্রের প্রভাবমুক্ত। কিন্তু এই প্রতিষ্ঠানগুলির মধ্যে যদি কর্তৃত্বের অধিকার লইয়া প্রতিদ্বন্দ্বিতা শুরু হয় তবে সার্বভৌম রাষ্ট্রের অবর্তমানে তাহাদের এই প্রতিদ্বন্দ্বিতা প্রশমিত করিবার আর কেহ নাই। বহুত্ববাদিগণের যুক্তি হইল, প্রতিষ্ঠানগুলির মধ্যে দ্বন্দ্ব উপস্থিত হইলে, রাষ্ট্র নিরপেক্ষ বিচারকের ভূমিকা গ্রহণ করিবে। তাহা হইলে দেখা যায় যে, বহুত্ববাদিগণ শেষ পর্যন্ত রাষ্ট্রকে নিরপেক্ষ বিচারকের মর্যাদা দিয়া সমাজের প্রতিষ্ঠানগুলির পক্ষে রাষ্ট্রের নির্দেশ অবশ্য পালনীয় বলিয়া স্বীকার করিয়াছেন। অতএব তাঁহারা রাষ্ট্রের শ্রেষ্ঠত্বকে প্রতক্ষভাবে না হউক পরোক্ষভাবে স্বীকার করিয়াছেন।

(২) বহুত্ববাদের অন্তর্নিহিত সত্য হইল এই যে, এই মতবাদ সমাজের অগ্রাগ্র সংঘগুলির কার্যকারিতার উপর গুরুত্ব আরোপ করিয়া এই সংঘ-গুলির উপযোগিতা প্রমাণিত করিয়াছেন। বহুত্ববাদিগণ আভ্যন্তরীণ ব্যাপারে রাষ্ট্রের অহেতুক হস্তক্ষেপের প্রতিবাদ করিয়াছেন মাত্র। কিন্তু প্রয়োজনবোধে রাষ্ট্র যদি হস্তক্ষেপ করে, তবে অবশ্য, তাহাদের কোন আপত্তি নাই। অতএব দেখা যায়, বহুত্ববাদিগণ আভ্যন্তরীণ সার্বভৌমিকতার সামান্য পরিবর্তন করিতে চাহিয়াছেন, কিন্তু রাষ্ট্রের প্রাধাত্যকে সম্পূর্ণ অস্বীকার করেন নাই।

(৩) আবার, বহুত্ববাদিগণ একত্ববাদের বিরুদ্ধে কতকগুলি অগ্রাগ্র আক্রমণ করিয়াছে। একত্ববাদ দাবি করে না যে, সামাজিক নীতি ও যুক্তির দিক হইতে রাষ্ট্রের অবাধ ক্ষমতা আছে। আবার রাষ্ট্রক্ষমতার প্রয়োগের বিরুদ্ধে প্রতিবাদ করা চলিবে না বলিয়াও একত্ববাদিগণ দাবি করে না। রাষ্ট্রের কর্মক্ষেত্রের কোন সীমা একত্ববাদিগণ নির্দিষ্ট করিয়া

দেয় না। কোকার একত্ববাদ সম্বন্ধে বলেন : “আইন প্রণয়ন ও প্রয়োগের উদ্দেশ্যেই রাষ্ট্রের অস্তিত্ব এবং যে ধরনের বাধানিষেধ অপরের উপর প্রয়োগ করিবার জন্ত রাষ্ট্রের জন্ম, অহরূপ বাধানিষেধ, ইহার উপর আরোপিত হইতে পারে না। একত্ববাদী রাষ্ট্রকে দায়িত্বহীন বলিয়া আখ্যায়িত করেন না। একত্ববাদীদের মতে রাষ্ট্র অপর কোন কর্তৃত্বের অধীন থাকিতে পারে না। সংক্ষেপে বলা যায় যে, কোন ভূখণ্ডে আইন প্রণয়নের জন্ত সংগঠন হিসাবে রাষ্ট্রের স্থান স্থানীয় সমাজের অত্যান্ত প্রতিষ্ঠানের উদ্দেশ্যে” *।

(৪) একত্ববাদিগণের মতে বহুত্ববাদিগণ নৈতিক ও আইনসম্মত ধারণার মধ্যপার্থক্যের প্রয়োজনীয়তা উপলব্ধি করেন নাই। একত্ববাদীদের মতামতসারে সার্বভৌমিকতা আইনগত। ইহার সহিত নীতিশাস্ত্রের কোন সম্পর্ক নাই। কিন্তু বহুত্ববাদিগণ যে সংঘ-স্বাতন্ত্র্যের অধিকার দাবি করেন তাহা নৈতিক অধিকার মাত্র। ইহাকে আইনসম্মত অধিকার বলা চলে নৈতিক ও আইন-সম্মত ধারণার মধ্য পার্থক্য কবা হয় নাই। বহুত্ববাদিগণ এই নৈতিক অধিকারকে আইনসম্মত অধিকারের পদব্যাচ্য করিয়া নৈতিক ও আইনসম্মত ধারণার মধ্যে স্পষ্টভাবে কোন পার্থক্যের সীমা-রেখার নির্দেশ করে না। অবশ্য বলা যায় যে, আইন যদি নীতিভিত্তিক না হয় তবে উহাকে কেহই মান্য করিবে না। আইনের মধ্যেই নৈতিক ধারণা লুক্কায়িত আছে। অতএব নৈতিক অধিকারকে আইনসম্মত অধিকার হইতে বাদ দিলে যাহা থাকে তাহা নীতি-বহির্ভূত আইনসম্মত অধিকার, যাহাকে অধিকার বলিয়া স্বীকার করা যায় না। এই কারণেই বহুত্ববাদিগণ নৈতিক ও আইনসম্মত অধিকারের মধ্যে পার্থক্য করেন নাই।

“The monist holds that the state exists to exact and apply law and that the state cannot itself be subjected to limitations of the same character as those which it itself is established to formulate and apply. He does not represent the state as irresponsible, he does maintain that it cannot be responsible to any authority of like character to itself. In brief, the state, as an organisation for law, within any given territory, is superior to all other social group within such territory.”—Ooker.

(৫) একত্ববাদের সমর্থকগণের মতে বহুত্ববাদিগণ সার্বভৌমিকতা ও ব্যক্তির আত্মগত্যকে বিভক্ত করিয়া বিশৃঙ্খলতা ও নৈরাজ্যবাদের পথপ্রদর্শকের কার্য করিতেছে। এই দিক হইতে বিচার করিলে বহুত্ববাদ রাষ্ট্র সম্বন্ধে মধ্যযুগীয় ধারণার পুনরুক্তি ছাড়া আর কিছু নহে।

কিন্তু একত্ববাদের এই অভিযোগ সত্য নহে, কারণ রাষ্ট্রের প্রয়োজনীয়তাকে বহুত্ববাদিগণ অস্বীকার করেন না। **মেইটল্যাণ্ড** রাষ্ট্রকে অত্যাশ্রয় সংগঠনের উপরে স্থান দিয়াছেন। **ডুর্ক হাইম** অর্থনৈতিক নীতি-নির্ধারণের এবং তত্ত্বাবধানের ভার রাষ্ট্রের উপর অর্পণ করিয়া রাষ্ট্রের গুরুত্বকে স্বীকার করিয়াছেন। আবার, তিনি অন্যান্য সংগঠনকে রাষ্ট্রের অধীনে চলিবার নির্দেশ দিয়াছেন। পল বঁকুর রাষ্ট্রকে জাতীয় ঐক্য ও সাধারণ স্বার্থের প্রতিভূ হিসাবে গ্রহণ করিয়াছেন। ডাঃ ফিগিস বলিয়াছেন : রাষ্ট্র হইল, “সকল সংগঠনের সংগঠন” (society of societies)। বার্কারের মতে রাষ্ট্র সমাজের বিভিন্ন সম্পর্কের শেষ মীমাংসার ভার গ্রহণ করে। এই সম্পর্কগুলি হইল সমাজের অন্যান্য সংগঠনগুলির মধ্যে পারস্পরিক সম্পর্ক এবং সংগঠনের সদস্যদের মধ্যে সম্পর্ক এবং রাষ্ট্রের সহিত তাহাদের সকলের সম্পর্ক। অধ্যাপক ল্যাক্সি রাষ্ট্রের হস্তে প্রভূত অর্থনৈতিক ক্ষমতাকে কেন্দ্রীভূত করার পক্ষপাতী। অতএব দেখা যায় বহুত্ববাদীরা নৈরাজ্যবাদকে সমর্থন করেন না।

(৬) বহুত্ববাদের আর একটি ক্রটি হইল এই যে, বহুত্ববাদ রাষ্ট্রকে একটি শ্রেণীসম্বন্ধের প্রকাশ হিসাবে বর্ণনা করেনা। বস্তুতঃ, সমাজে উৎপাদনের উপায়গুলির মালিকানা যাহাদের হস্তে থাকে রাষ্ট্র তাহাদের ইচ্ছাতেই, তাহাদের স্বার্থানুকূলে পরিচালিত হয়। অতএব ইহারাই সর্বময়, চূড়ান্ত এবং অপ্রতিহত রাষ্ট্রীয় কর্তৃত্বের ব্যবহারকারী। বহুত্ববাদ এই দিকটিকে উপেক্ষা করিয়া শুধু সংঘস্বাতন্ত্র্যের উপর গুরুত্ব আরোপ করে।

উপসংহার : বহুত্ববাদের জন্ম হয় সেই যুগে যে-যুগে রাষ্ট্রীয় কর্তৃত্ব ও বিশেষ স্বার্থের মধ্যে ব্যক্তির আত্মগত্য লইয়া সংঘর্ষের সৃষ্টি হয়। মধ্যযুগে চার্চ ও রাষ্ট্রের মধ্যে কর্তৃত্ব লইয়া সংঘর্ষ উপস্থিত হয়। এই সময়েই বহুত্ববাদের জন্ম হয়। সংঘস্বাতন্ত্র্যের দাবিই বহুত্ববাদের প্রধানতম দাবি। কিন্তু বর্তমানে রাষ্ট্র সংঘস্বাতন্ত্র্য অনেক পরিমাণে স্বীকার করিয়া লওয়ায় বহুত্ববাদ লুপ্ত হইতে বসিয়াছে।

বর্তমানে বহুত্ববাদিগণ আইনসম্মত চূড়ান্ত ক্ষমতাধিকারীর প্রয়োজনীয়তা স্বীকার করিয়া গইয়াছেন। কারণ যদি কোন শ্রমিকসংঘকে কর্তৃত্বের অংশীদার করিতে হয় তবে আইনের আশ্রয় গ্রহণ করিতেই হইবে। আবার দৃষ্টি রাখিতে হইবে, বাহাতে কোন সংঘ অপর সংঘের উপর জুলুম না করে; যেমন, উৎপাদক সংঘ যেন ক্রেতাসংঘের উপর জুলুম না করে; অতএব স্বার্থের দ্বন্দ্ব-মীমাংসার জন্ত, কেন্দ্রীয় সংযোগ ও তত্ত্বাবধানের জন্ত এক আইনগত কর্তৃত্বের প্রয়োজনীয়তাকে অস্বীকার করার উপায় নাই।

আবার এই কর্তৃত্বের স্বীকৃতির অর্থ এই নয় যে, সংঘগুলির স্বাতন্ত্র্যকে সম্পূর্ণ উপেক্ষা করা হইবে। বস্তুতঃ, বহুত্ববাদ একত্ববাদের ত্রুটিগুলিকে উদ্ঘাটিত করিয়া রাষ্ট্রীয় কর্তৃত্বের ও সংঘস্বাতন্ত্র্যের উপযোগিতার আলোচনা করিয়া উভয়ের ক্ষমতার একটি সীমা নির্দেশ করার চেষ্টা করে মাত্র।

একত্ববাদ বনাম বহুত্ববাদ

(১) একত্ববাদের সমর্থক হইলেন
বোড্যা, হব্‌স, বেছাম ও অস্টিন প্রমুখ
দার্শনিকগণ।

(১) বহুত্ববাদের প্রচারক
হইলেন, গিয়াক্কে, মেইটল্যান্ড, ফিগিন্স,
ডুগো, ক্র্যাব, ল্যান্ডি, কোল, হবসন,
লিগুসে, বার্কার, ম্যাক আইভার,
ফলেট প্রভৃতি দার্শনিকগণ।

(২) একত্ববাদ অসুসারে রাষ্ট্রের
সার্বভৌমিকতা অপ্রতিহত, সর্বব্যাপক,
অসীম, চূড়ান্ত।

(২) রাষ্ট্রের কোন অপ্রতিহত,
সর্বব্যাপক, অসীম ও চূড়ান্ত ক্ষমতা
থাকিতে পারে না।

(৩) ইহা অবিভাজ্য।

(৩) রাষ্ট্রের সার্বভৌমিকতা
অবিভাজ্য নহে।

(৪) ইহা একমাত্র রাষ্ট্রেরই
বৈশিষ্ট্য। রাষ্ট্রের ইচ্ছাই চরম।

(৪) ইহা একমাত্র রাষ্ট্রের
বৈশিষ্ট্য নহে। সামাজিক প্রতিষ্ঠান-
গুলিও স্ব স্ব ক্ষেত্রে সার্বভৌম।

(৫) ইহা আইনগত।

(৫) সার্বভৌমিকতা সশ্রদ্ধে
আইনসম্মত মতবাদ সম্পূর্ণ মূল্যহীন ও
বিপজ্জনক মতবাদ। ল্যান্ডি বলেন :
সার্বভৌমিকতা সশ্রদ্ধে আইনসম্মত
মতবাদকে রাষ্ট্রনৈতিক দর্শনের
উপযোগী করিয়া তোলা অসম্ভব।

(৬) রাষ্ট্রই একমাত্র বলপ্রয়োগের অধিকারী। রাষ্ট্রের আইন বাধ্যতামূলক। এই আইন অমান্য করিলে রাষ্ট্র দৈহিক শাস্তি দিতে পারে।

(৬) পাশবিক বলগুলিই একমাত্র বল নহে; সামাজিক, নৈতিক ও মানবিক বলও বল। রাষ্ট্র যদি পাশবিক বল ব্যবহার করিতে পারে তবে সমাজও নৈতিক বল প্রয়োগ করিতে পারে এবং উহা কম কঠোর নহে।

(৭) রাষ্ট্রের অন্তর্গত ব্যক্তি ও সংঘগুলি রাষ্ট্রের অমুমতানুসারে অধিকার ও ক্ষমতা ভোগ করে। রাষ্ট্রের এই ক্ষমতা নিয়ন্ত্রণকে একত্ববাদিগণ স্বীকার করে না।

(৭) রাষ্ট্রের ক্ষমতা নির্ভর করে স্বীকৃতির উপর। সমাজ কর্তৃক অস্বীকৃত ক্ষমতা ক্ষমতাই নহে।

সারসংক্ষেপ

সার্বভৌমিকতা সম্বন্ধে ধারণা রাষ্ট্রবিজ্ঞানের মূল ভিত্তি। সার্বভৌমিকতা হইল রাষ্ট্রের অভ্যন্তরস্থ সর্বোচ্চ ক্ষমতা। রাষ্ট্রের অভ্যন্তরস্থ যে-কোন ব্যক্তি, গোষ্ঠী, দল, সংগঠনের উপর ইহাব নির্দেশ প্রযোজ্য ও বাধ্যতামূলক। সার্বভৌমিকতার আত্মা বাধ্যতামূলক। অমান্যকারীকে দৈহিক শাস্তি দিবার ক্ষমতাও ইহার আছে। রাষ্ট্রে শাস্তি বজায় রাখিতে ও তাহাব দ্রুততা ও স্থায়িত্ব বজায় রাখিতে ক্ষমতার এই এচোট্রিয়াই বিশেষ প্রয়োজন।

রাষ্ট্রের পক্ষে সার্বভৌমিকতার অর্থ আইনগত ক্ষমতা। ইহা রাষ্ট্রের আইন প্রণয়ন ও আইন বলবৎকরণের ক্ষমতা। সংক্ষেপে বলা যায়, ইহা রাষ্ট্রের আইনগত চূড়ান্ত, অপ্ৰতিহত এবং অবিভাজ্য ক্ষমতা। অনেকে বলেন যে, সার্বভৌমিকতা আইনগত বলিয়াই সার্বভৌমিকের নির্দেশের নৈতিক প্রাধান্য স্বীকৃত হয়। আবার কেহ কেহ এই মত পোষণ করেন যে, সার্বভৌমিকতাই আইনের উৎস। অতএব আইন সার্বভৌমিকতার ভিত্তি হইতে পারে না।

আবার সার্বভৌমিকতা ক্ষমতার একচেটিয়াই বটে; কিন্তু, জনসাধারণ স্বেচ্ছায় এই ক্ষমতাকে স্বীকার না করিলে এবং মাশ্র না করিলে এই শক্তি অর্থহীন। অতএব কেহ কেহ বলেন সার্বভৌমিকতার মূল্য নির্ভর করে স্বীকৃতির উপর।

ষোড়শ শতাব্দী হইতে ইউরোপে সার্বভৌমিকতা সম্বন্ধে ধারণার পরিস্ফুটন হয়। মধ্যযুগের শেষে রাষ্ট্রশক্তি নূতন রূপ পরিগ্রহ করে এবং রাষ্ট্রশক্তি ধীরে ধীরে তার প্রাধান্য বিস্তার করিতে থাকে। তদ্ব পরে আসিয়া বাস্তব অবস্থাকে ধারণাতে রূপ দান করে। বোড়িয়া, হবস, ক্লেম, বেঙ্হাম, অস্টিন প্রভৃতি চিন্তাবীর সার্বভৌমিকতা সম্বন্ধে বিভিন্ন ব্যাখ্যা দান করেন। ইহাদের ব্যাখ্যা ও তাদের মধ্য দিয়াই বিকাশ লাভ করে সার্বভৌমিকতার তত্ত্ব। মধ্যযুগে যে জাতীয় রাষ্ট্রের (National State) জন্ম হয়, সেই জাতীয় রাষ্ট্রের অন্ততম বৈশিষ্ট্য হিসাবে সার্বভৌমিকতাকে গণ্য করা হয়।

সার্বভৌমিকতার দুইটি দিক : (১) আভ্যন্তরীণ সার্বভৌমিকতা ; ইহা হইল রাষ্ট্রাভ্যন্তরে চূড়ান্ত আদেশ দিবার ক্ষমতা । (২) বাহ্যিক সার্বভৌমিকতা ; ইহার অর্থ সম্পূর্ণ স্বাধীনতা ।

সার্বভৌমিকতার বিভিন্ন বৈশিষ্ট্য : (১) চরমতা, (২) সর্বজনীনতা, (৩) স্থায়িত্ব, (৪) অবিভাজ্যতা, (৫) হস্তান্তর-যোগ্যহীনতা ।

সার্বভৌমিকতার বিভিন্ন রূপ : (১) নামসর্বধ সার্বভৌমিকতা,—ইহা হইল মধাদানুচক উপাধি : যেমন, রাজা, রানী (ইংলণ্ডের রানী) ইত্যাদি ।

(২) আইনসম্মত সার্বভৌমিকতার বৈশিষ্ট্যগুলি পূর্বে বলা হইয়াছে । এই সার্বভৌমিকতা হইল সর্বোচ্চ ক্ষমতা । আইন হইল সার্বভৌমের আজ্ঞা । ইহা কোন নির্দিষ্ট ব্যক্তি বা ব্যক্তি-সংসদের হস্তে অর্পণ করা হয় । আইনবিদের চক্ষে আইনসম্মত সার্বভৌমিকতাই একমাত্র সার্বভৌমিকতা ।

(৩) রাষ্ট্রনৈতিক সার্বভৌমিকতা হইল আইনসম্মত সার্বভৌমিকতার পশ্চাতে থাকিয়া অন্তর্লীন শক্তি হিসাবে কাজ করিয়া থাকে এবং আইনসম্মত সার্বভৌমিকতাকে নিয়ন্ত্রিত কবে । রাষ্ট্রের নির্বাচকমণ্ডলীকে ইহার উদাহরণস্বরূপ ধরা যায় । রাষ্ট্রনৈতিক সার্বভৌমিকতা আর আইনসম্মত সার্বভৌমিকতা হইল একই সার্বভৌমিকতার বিবিধ প্রকাশ । ইহার দ্বারা সার্বভৌমিকতাকে খণ্ডন করা যোঝানো হয় না ।

(৪) জাতীয় সার্বভৌমিকতা শব্দের অর্থ জাতীয়তাব প্রাধান্য । অবশ্য, এই শব্দের ব্যবহার অত্যন্ত অস্পষ্ট ।

(৫) জনতার সার্বভৌমিকতার অর্থ হইল জনগণই রাষ্ট্রের চূড়ান্ত ক্ষমতার অধিকারী । ক্রেশোর ‘সমষ্টিগত ঈচ্ছার তত্ত্ব’ ও বিপ্লবেব অধিকারের দাবি এই সার্বভৌমিকতার ব্যাখ্যার ক্ষেত্রে ব্যবহৃত হয় ।

(৬) বাস্তব সার্বভৌমিকতার অর্থ প্রকৃতপক্ষে চূড়ান্ত ক্ষমতার ব্যবহার ।

(৭) আইনসিদ্ধ সার্বভৌমিকতার অর্থ এই ক্ষমতা ব্যবহাব করার আইনসম্মত অধিকার । যুদ্ধের সময় বিদেশী শত্রুসৈন্যের দ্বারা অধিকৃত অঞ্চলে প্রকৃত সার্বভৌম ক্ষমতা থাকে বিদেশী সৈনিকদের হাতে । কিন্তু আইনসিদ্ধ সার্বভৌমিকতার অধিকারী হইল আদি রাষ্ট্র ।

(৮) বাহ্যিক সার্বভৌমিকতা বলিতে বোঝায় বহিঃশক্তির নিয়ন্ত্রণবিহীনতা ও সম্পূর্ণ স্বাধীনতা ।

সার্বভৌমিকতা সম্বন্ধে ইংরেজ আইনানুগ অস্টিনের ধারণা : “যদি কোন ব্যক্তি বা ব্যক্তিসমষ্টি সর্বোচ্চ আসনে অধিষ্ঠিত থাকিয়া কোন বিশেষ সমাজের অভ্যন্তর আনুগত্য লাভ করিতে থাকেন, অথচ সেই ব্যক্তি বা ব্যক্তিসমষ্টি সমগ্ৰায়ভুক্ত অপর কোন ব্যক্তি বা ব্যক্তিসমষ্টির প্রতি আনুগত্য প্রদর্শন না করেন, তবে ঐ নির্দিষ্ট ব্যক্তি বা ব্যক্তিসমষ্টি উক্ত সমাজের সার্বভৌম এবং উক্ত সার্বভৌম সম্বলিত সমাজ একটি স্বাধীন ও রাষ্ট্রনৈতিক সমাজ হিসাবে গণ্য হইবে” ।

অস্টিনের এই সংজ্ঞা বিশ্লেষণ করিলে দেখা যায় সার্বভৌমিকতা হইল রাষ্ট্রের চরম অপ্রতিহত এবং শাশ্বত ক্ষমতা বাহা নির্দিষ্ট ব্যক্তি অথবা ব্যক্তি-সংসদের মধ্যে অবস্থিত । এই সার্বভৌমের আদেশই হইল আইন ।

সমালোচনা : অস্টিনের এই সার্বভৌমিকতার তত্ত্বকে অনেক সমালোচক সমালোচনা করিয়াছেন ।

প্রথমত : অস্টিনের সার্বভৌমিকতা আইনগত । ইহা রাষ্ট্রনৈতিক সার্বভৌমিকতাকে উপেক্ষা করিয়াছে ।

দ্বিতীয়ত : এই সার্বভৌমিকতা জনগণের স্বাধীনতাকে উপেক্ষা করে বলিয়া ইহা গণতন্ত্রের বিরোধী ।

তৃতীয়ত : সার্বভৌমিকতার আদেশকে আইন বলা যায় না । কারণ, প্রত্যেক রাষ্ট্রে বহু প্রথাগত আইন আছে । এই প্রথাগত আইনগুলি কোন কোন নির্দিষ্ট ব্যক্তি বা ব্যক্তি-সংসদেয় নির্দেশ হিসাবে গ্রহণ করা যায় না । অস্টিন এই প্রথাগত আইনকে উপেক্ষা করিয়াছেন ।

চতুর্থত : অস্টিন এই ধারণা পোষণ করিতেন যে, মানুষ বলপ্রয়োগের ভয়েই আইনকে মান্ত করবে ; কিন্তু, আইন যদি নীতিবিরুদ্ধ হয় তবে মানুষ এই আইনের বিরুদ্ধে বিদ্রোহ করে ।

পঞ্চমত : যুক্তরাষ্ট্রীয় শাসনব্যবস্থায় কোন নির্দিষ্ট ব্যক্তি বা ব্যক্তি-সংসদকে খুঁজিয়া পাওয়া যায় না যিনি বা বাঁহাবা সার্বভৌমিকতার অধিকারী হন ।

ষষ্ঠত : সার্বভৌমিকতা অবিভাজ্য ও অনিয়ন্ত্রিত নহে । বহুত্ববাদিগণের ধারণায় ইহা সমাজের বিভিন্ন সংঘের মধ্যে অবস্থিত এবং ইহা বিভাজ্য । আন্তর্জাতিকতাবাদিগণ মনে করেন যে ইহা আন্তর্জাতিক আইনেও রীতিনীতির দ্বারা নিয়ন্ত্রিত হয় ।

অস্টিনের মতবাদেব বিরুদ্ধে এই সমালোচনা অতিশয়োক্তি দোষে দুষ্ট । কারণ, অস্টিন পার্শ্বিক বলকে কখনই সার্বভৌমিকতার ভিত্তি হিসাবে ধরেন নাই । অস্টিনের সার্বভৌমিকতা যদি শুধু আইনসম্মত দৃষ্টিকোণ হইতে ধরা হয় তবে ইহা রাষ্ট্রবিজ্ঞানের বিভিন্ন আলোচনার অনেক সহায়তা করিলে ।

যুক্তরাষ্ট্রে সার্বভৌমিকতার অবস্থান : যুক্তরাষ্ট্রীয় শাসন-ব্যবস্থায় অস্টিন-নির্দিষ্ট সার্বভৌমিকতাকে খুঁজিয়া পাওয়া যায় না । যুক্তরাষ্ট্রে সার্বভৌমিকতার নিগণ সম্বন্ধে বিভিন্ন রাষ্ট্রবিজ্ঞানী বিভিন্ন মত পোষণ করেন । অনেকের মতে যুক্তরাষ্ট্রে সার্বভৌমিকতা অবিভাজ্য থাকে না । কিন্তু যুক্তরাষ্ট্র একটাই রাষ্ট্র । যদিও এখানে সার্বভৌম ক্ষমতা কেন্দ্রীয় ও আঞ্চলিক সরকারের মাধ্যমে প্রকাশিত হয়, তথাপি সার্বভৌম ক্ষমতার একাকিত্ব এখানেও লক্ষ্য করা যায় । কেহ কেহ বলেন যুক্তরাষ্ট্রে সার্বভৌমিকতা সংবিধানের মধ্যেই নিহিত ।

বহুত্ববাদ : সার্বভৌমিকতার একত্ববাদের বিরুদ্ধ মতবাদকেই বলে বহুত্ববাদ । বহুত্ববাদিগণের মতে রাষ্ট্র সংঘমূলক এবং সংঘমূলক বলিয়াই রাষ্ট্রের অভ্যন্তরস্থ প্রতিটি সংঘ স্ব স্ব ক্ষেত্রে সার্বভৌম । এই সকল সংঘের এলাকার মধ্যে রাষ্ট্রের নিয়ন্ত্রণ চলে না । আবার বহুত্ববাদিগণের মতে সার্বভৌমের আজ্ঞাকে আইন বলা চলে না এবং রাষ্ট্র আইনের উৎস নহে এবং আইনের উদ্দেশ্যও নহে ।

সমালোচনা : বহুত্ববাদিগণ রাষ্ট্রের শক্তির একচেটিয়াত্বের বিরুদ্ধে যুক্তিসঙ্গত ভাবেই সমালোচনা করিয়াছেন । বহুত্ববাদিগণ ক্ষমতা বণ্টনের পক্ষপাতী এবং বর্তমান যুগের রাষ্ট্রনীতি ক্ষেত্রে সংঘসমূহের অবদানকে যুক্তিসঙ্গত ভাবেই স্বীকৃতি দিয়াছেন । কিন্তু বহুত্ববাদিগণ নৈতিক ও আইনসম্মত ধারণার মধ্যে পার্থক্যের নির্দেশ করেন না । আবার সমাজে এক চূড়ান্ত

ক্ষমতার প্রয়োজনীয়তাকে অস্বীকার করেন। রাষ্ট্র যে শ্রেণী সম্বন্ধের মূর্ত প্রকাশ এবং স্বয়ং-মৌমাংসার ভূমিকায় সক্রিয় অংশ গ্রহণ করে তাহাও বহুত্ববাদিগণ স্বীকার করেন না। ফলে ইহা বিশ্বশ্রুতাকেই আহ্বান করে। কোকার প্রমুখ চিন্তাবীর এই বহুত্ববাদের বিরুদ্ধে সমালোচনা করিয়াছেন।

প্রশ্নাবলী

1. Discuss the nature of Sovereignty. How far can Sovereignty be said to belong to the people ?

[C. U. 1947, '49, '54] (২২১-২৭ এবং ২৪৫-৪৮ পৃষ্ঠা)

2. What are the characteristics of Sovereignty ? When one speaks of 'Limited' Sovereignty, what limitations are meant ?

[C. U. 1948] (২৩২-৩৭ পৃষ্ঠা)

3. What do you understand by Sovereignty ? Discuss the pluralistic criticism of the classical theory of Sovereignty,

[C. U. 1954]

4. "The State is limited within ; it is also limited without." Examine this statement. Discuss in this connection the essential attributes of Sovereignty.

[C. U. 1957]

[প্রশ্নের উত্তর-সংক্ষেপ : সাম্প্রতিক যুগে বোড'স, হব্‌স, বেছাম ও অস্টিনের সার্বভৌমিকতা সম্বন্ধে মতবাদকে দুইদিক হইতে আক্রমণ করা হইয়াছে। সার্বভৌমিকতার দুইটি দিকের কথা বলা হইয়াছে। একটি হইল আভ্যন্তরীণ সার্বভৌমিকতা আর অপরটি হইল বাহ্যিক সার্বভৌমিকতা। আভ্যন্তরীণ সার্বভৌমিকতাকে বহুত্ববাদিগণ সমালোচনা করিয়াছেন। আর বাহ্যিক সার্বভৌমিকতাকে সমালোচনা করিয়াছেন আন্তর্জাতিকতাবাদিগণ। সমালোচকগণের মতে রাষ্ট্রের আভ্যন্তরীণ ব্যাপারেও রাষ্ট্রের চূড়ান্ত ক্ষমতা নাই। আবার ইহার বাহ্যিক ক্ষমতাও বিভিন্নভাবে নিরস্তিত।

(২২১-৩৭ পৃষ্ঠা)

5. How far Sovereignty of a State is limited by : (a) Constitutional Law ; (b) International Law.

[C. U. Hon. 1958] (২৫৬-৬২ পৃষ্ঠা)

6. Discuss the nature and purpose of the pluralistic attack upon the traditional doctrine of State Sovereignty. [C. U. Hon. 1955] Discuss the pluralistic criticism of the classical theory of Sovereignty. [B. U. 1961] (২৬২-৭৪ পৃষ্ঠা)

7. Examine carefully the doctrine of Popular Sovereignty. What are its limitations ?

[C. U. 1947, '49] (২৪৫-৪৮ পৃষ্ঠা)

8. Clearly bring out the distinction between Legal and Political Sovereignty. Illustrate the distinction by reference to England. [C. U. 1941] How is Legal Sovereignty usually distinguished from Political Sovereignty? Illustrate your answer. [C. U. 1958] (২৩৭-৪২ পৃষ্ঠা)

9. Distinguish between (i) Legal and Political Sovereignty; (ii) De Facto and De Jure Sovereignty. [C. U. 1951]. Discuss the nature of Sovereignty. [C.U. 19৫0]. Discuss the question of Sovereignty. [C. U. 1952] (২৩৭-৪২, ৪২-৪৫ পৃষ্ঠা)

10. Discuss the nature of Sovereignty. In the light of your discussion distinguish between Legal and Political Sovereignty. [C. U. 1956]

11. What are the characteristics of Sovereignty? When we speak of 'Limited Sovereignty', do we understand physical or legal limitations? [C. U. Hon. 1928]

12. Discuss the Austinian Theory of Sovereignty. [C. U. 1954]. State and examine the Austinian Theory of Sovereignty. [C. U. 1945]

[প্রশ্নের উত্তর-সংক্ষেপ] : অস্টিনের সার্বভৌমিকতার ধারণা আইনগত। অস্টিনের মতে, 'যদি কোন ব্যক্তি বা ব্যক্তি-সমষ্টি সর্বোচ্চ আসনে অধিষ্ঠিত থাকিয়া কোন বিশেষ সমাজের অভ্যন্তর আনুগত্য লাভ করিতে থাকেন, অথচ সেই ব্যক্তি বা ব্যক্তি-সমষ্টি সম্পর্কীয়ভুক্ত অপর কোন ব্যক্তি বা ব্যক্তি-সমষ্টির প্রতি আনুগত্য প্রদর্শন না করেন, তবে ঐ নির্দিষ্ট ব্যক্তি বা ব্যক্তি-সমষ্টি উক্ত সমাজের সার্বভৌম এবং উক্ত সার্বভৌম-সম্বলিত সমাজ একটি স্বাধীন ও রাষ্ট্রনৈতিক সমাজ হিসাবে গণ্য হইবে। এই সংজ্ঞা বিশ্লেষণ করিলে সার্বভৌমিকতার কয়েকটি বৈশিষ্ট্য পাওয়া যায় :

(১) প্রত্যেক স্বাধীন রাষ্ট্রনৈতিক সমাজে একটি ব্যক্তি বা ব্যক্তি-সংসদের সন্ধান পাওয়া যায়। এই ব্যক্তি বা ব্যক্তি-সংসদই সার্বভৌম ক্ষমতা ব্যবহার করেন।

(২) এই ব্যক্তি বা ব্যক্তি-সংসদ হইলেন নির্দিষ্ট এবং সার্বভৌম ক্ষমতার অধিকারী।

(৩) এই সার্বভৌম ব্যক্তি বা ব্যক্তি-সংসদ কাহারও আনুগত্য স্বীকার করে না। ইহার বা ইহাদের ক্ষমতা চূড়ান্ত এবং ইহার বা ইহাদের ইচ্ছা কোন কিছুর দ্বারাই সীমিত হয় না।

(৪) হুতরাং সার্বভৌমিকতা চরম, অসীম, অপ্রতিহত, সর্বপরিব্যাপ্ত ও অবিভাজ্য।

(৫) আইন হইল সার্বভৌমের আদেশ। এই সার্বভৌম শক্তির প্রতি জনসাধারণ স্বাভাবিকই আনুগত্য স্বীকার করে।

অস্ট্রিনের সার্বভৌমিকতা সম্বন্ধে মতবাদকে বিভিন্ন রাষ্ট্রবিজ্ঞানী সমালোচনা করিয়াছেন। অস্ট্রিনের সার্বভৌমিকতা আইনগত। ইহা রাষ্ট্রনৈতিক সার্বভৌমিকতাকে উপেক্ষা করিয়াছে। বর্তমান যুগ গণতন্ত্রের যুগ। বর্তমানের সার্বভৌমিকতা হইল জনগণের সার্বভৌমিকতা। কিন্তু অস্ট্রিনের সার্বভৌমিকতার সহিত এই জনগণের সার্বভৌমিকতার কোন সঙ্গতি খুঁজিয়া পাওয়া যায় না। ইতিহাস পর্যালোচনা করিলে দেখা যায়, কোন সার্বভৌম আজ পর্যন্ত সম্পূর্ণ অপ্রতিহত ক্ষমতার অধিকারী হন নাই। আবার, সার্বভৌমিকতার আদেশকেও আইন বলা যায় না। কারণ, প্রত্যেক রাষ্ট্রে বহু প্রথাগত আইন আছে। এই প্রথাগত আইনগুলি কোন নির্দিষ্ট ব্যক্তি বা ব্যক্তি-সংসদের নির্দেশ হিসাবে গ্রহণ করা যায় না। অবশ্য, অস্ট্রিন বলেন যে, সার্বভৌম এই প্রথাগুলিকে অনুমোদন করেন বলিয়াই এই প্রথাগুলি প্রচলিত আছে। অতএব সার্বভৌম যাহা অনুমোদন করেন তাহাই তাঁহার আদেশ।

আবার সার্বভৌমিকতার অবস্থান নির্ণয় করাও কঠিন। বর্তমানে যুক্তরাষ্ট্রীয় শাসন-ব্যবস্থায় নির্দিষ্ট এমন কোন ব্যক্তি বা ব্যক্তি-সংসদের সন্ধান পাওয়া যায় না যে বা ঝাঁঝা সার্বভৌমিকতার অধিকারী। অস্ট্রিনের সার্বভৌমিকতা সম্বন্ধে মতবাদ বহুবিবাদিগণের ও আন্তর্জাতিকতাবাদিগণেরও হস্তে বিশেষভাবে সমালোচিত হইয়াছে। আন্তর্জাতিকতাবাদিগণ এই মত পোষণ করেন যে, সকল রাষ্ট্রেরই বাহ্যিক চরম ক্ষমতা আন্তর্জাতিক আইনের দ্বারা সীমাবদ্ধ। আবার বহুবিবাদিগণ বলেন সমাজ মানুষের বহু সংঘের সমবায়ে সংগঠিত। মানুষের সম্ভা শুধু রাষ্ট্রের মধ্যেই বিকশিত হয় না। এই সকল সংঘের মধ্যেও বিকশিত হয়। এই সকল সংঘও রাষ্ট্রের দ্বারা স্ব স্ব ক্ষেত্রে সার্বভৌম। অবশ্য, কোকার প্রমুখ সমালোচকগণ বর্তমানে এই বহুবিবাদিগণের মতবাদকে সমালোচনা করিয়াছেন। (২৫০-৫৬ পৃষ্ঠা)

অতিরিক্ত পাঠ্য

- Garner,—Political Science and Government—Chs. 8 and 9.
- Gettel, R. N.—Introduction to Political Science.—Ch. 8.
- Mac Iver, R. M.—The Modern State—Chs. 6, 7, 15.
- Merriam, C. E.—History of the Theory of Sovereignty since Rousseau.
- Laski, H. J.—Grammar of Politics—Ch. 2.
- Coker, F. W.—Recent Political Theories.
- Ward, P. W.—Sovereignty—A Study of Contemporary Political Notion.

নবম অধ্যায়

আইন (Law)

আইনের সংজ্ঞা ও প্রকৃতি (Definition and Nature of Law) :

আইনকে নিয়মকানুন বা বিধি বলিয়া আখ্যায়িত করা যায়। বিধি বা নিয়মকানুন আবার বিভিন্ন অর্থে ব্যবহৃত হয়। সমাজজীবনে মানুষের বাহ্যিক আচরণ (external behaviour) নিয়ন্ত্রণ করিবার জন্ত যে কতকগুলি রীতিনীতি (customs), চিরাচরিত প্রথা ও বিধিনিষেধ আছে তাহাকে বলে সামাজিক আইন (Social Laws)। সমাজের চাপে মানুষ এই বিধিগুলিকে মান্য করিয়া চলে।

আবার প্রাকৃতিক জগতের ঘটনাবলীর মধ্যে যে কার্য-কারণ-সম্বন্ধ দেখা যায় তাহাকে বলা হয় বৈজ্ঞানিক বিধি (Scientific Laws)। বিজ্ঞান-বিষয়ক শাস্ত্রগুলি ; যেমন, রসায়নশাস্ত্র ও পদার্থবিজ্ঞান প্রভৃতিতেও কার্যকারণের সম্পর্ক বুঝাইতে আইন শব্দটি প্রয়োগ করা হইয়া থাকে।

নীতিশাস্ত্রেও আইন শব্দটির ব্যবহার দেখিতে পাওয়া যায়। সংঘজীবন স্থাপন করিবার জন্ত মানুষকে ভালো-মন্দ, হায়-অহায় ইত্যাদি নৈতিক প্রশ্নের সহিত জড়িত যে নৈতিক বিধিগুলি মানিয়া চলিতে হয় তাহাকে বলে নৈতিক বিধি বা আইন (Moral Laws)। এই নৈতিক বিধি মানুষের সকল উদ্দেশ্য ও বিবেক সম্বন্ধে আলোচনা করে।

পরিশেষে মানুষের বাহ্যিক আচরণকে নিয়ন্ত্রিত করিবার জন্ত রাষ্ট্র যে সকল নিয়মকানুন প্রণয়ন করে বা রাষ্ট্র কর্তৃক সৃষ্ট বা স্বীকৃত যে সকল নিয়মকানুন থাকে তাহাদিগকে রাষ্ট্রীয় বিধি (Political Laws or Positive Laws) বলা হয়।

আইনের প্রকৃতি (Nature of Law) : উপরে যে সকল আইনের কথা বলা হইয়াছে তাহাদের প্রকৃতি বিভিন্ন ধরনের। বিশ্বপ্রকৃতির নিয়ম বা প্রাকৃতিক বিধি দেশকালাতীত, অব্যয় ও অপরিবর্তনশীল। আর সামাজিক বিধি নিয়ত পরিবর্তনের মধ্য দিয়া অগ্রসর হইতেছে। মানুষের সমাজ-জীবন গতিশীল। বিভিন্ন প্রাকৃতিক ও সামাজিক পরিবেশে বিভিন্নকালে মানুষের জীবন বিভিন্ন ধরনের হইয়াছে। সুতরাং মানবসমাজের নিয়মকানুনও

বৈচিত্র্যময়। সদাপরিবর্তনশীল মানবজীবনের সহিত তাল রাখা করিয়া এই নিয়মকানুনগুলিও বিভিন্ন সময়ে বিভিন্ন আকার ধারণ করিয়াছে। কিন্তু

লক্ষ্য করা গিয়াছে যে, মানবজীবন একটা কঠোর নিয়মাত্মক আইনের প্রকৃতি বর্তিতার মধ্য দিয়া অগ্রসর হইতেছে। শারীরিক, মানসিক, নৈতিক, সামাজিক, অর্থনৈতিক এবং রাষ্ট্রীয় জীবনের প্রত্যেকটি উদ্দেশ্য লাভ করিবার জন্য তাহাকে কঠোর নিয়মাত্মকবর্তিতার মধ্য দিয়া অগ্রসর হইতে হয়।

আইনের প্রকৃতিই হইল নিয়ন্ত্রণ প্রতিষ্ঠা করা এবং নিয়ন্ত্রণের মাধ্যমে উদ্দেশ্যকে কার্যকরী করা। সামাজিক আইন সমাজ-জীবনের উপর নিয়ন্ত্রণ-ব্যবস্থা প্রতিষ্ঠা করে এবং এই নিয়ন্ত্রণের মাধ্যমে সমাজ-জীবনের উদ্দেশ্যকে সাফল্যমণ্ডিত করে। নৈতিক আইনের পক্ষেও এই একই কথা খাটে। মানুষের ভালোমন্দ বিচার-বিশ্লেষণ করিয়া মানুষের বিবেক বাহাতে মানুষকে সুপথে চালিত করিতে পারে, তাহার জন্যই নৈতিক বিধি বা আইন প্রচলিত হয়। বিশ্ব-ব্যবস্থাও নিয়মাত্মক।

কিন্তু রাষ্ট্রীয় আইনের প্রকৃতি একটু স্বতন্ত্র। রাষ্ট্রীয় আইন প্রণয়ন করা হয় একটা নির্দিষ্ট উদ্দেশ্যে পৌঁছিবার জন্য। রাষ্ট্র এই আইনকে বলপ্রয়োগের দ্বারা মান্য করিতে বাধ্য করে। অপরাপর ক্ষেত্রে আইনকে মান্য করা বা না করা নির্ভর করে মানুষের ইচ্ছা এবং সামাজিক চাপের উপর। এই প্রসঙ্গে ম্যাক আইভার বলেন : “রাষ্ট্রীয় আইন মান্য না করিলে সার্বভৌম শক্তি বলপ্রয়োগের মাধ্যমে নির্দিষ্ট শাস্তি প্রদান করিতে পারে।... (কিন্তু) সম্ভবসমাজে রাষ্ট্রীয় আইন ছাড়া অন্য কোন বিধি বলপ্রয়োগের মাধ্যমে বলবৎ করা হয় না”।*

রাষ্ট্রীয় আইনের ক্ষেত্র সম্বন্ধে বলা হইয়াছে যে, মানুষজীবনের যে অংশ রাষ্ট্রের অন্তর্গত সেই অংশ সম্বন্ধে রাষ্ট্রের যে বিধান তাহাকে লইয়াই রাষ্ট্রীয় আইনের কার্যবার। আরও স্পষ্ট করিয়া বলা যায় রাষ্ট্রের অন্তর্গত মানুষের যে সকল বাহ্যিক ক্রিয়া-কলাপের সহিত রাষ্ট্রের উদ্দেশ্যের সম্পর্ক রহিয়াছে তাহাই আইনের বিষয়বস্তু। মানুষের আত্মিক জীবনের সহিত আইনের সম্বন্ধ শুধু সেখানে যেখানে এই আত্মিক জীবনের বাহ্যিক প্রকাশ হইয়া থাকে।

* “The last resort of enforcement lies behind law.” “The law of the State alone in a demarcated and advanced society, is coercive.”—Mac Iver.

আইনকে বলা হইয়াছে রাষ্ট্রিক জীবনের ধারক। ইহার কারণস্বরূপ বলা হয় যে, আইন রাষ্ট্রান্তর্গত একজন মানুষের সহিত অল্প একজন মানুষের যোগস্বত্ব স্থাপন করে; আবার রাষ্ট্রের বাহ্যিক ঐক্য আইনই রক্ষা করে। আইন না থাকিলে রাষ্ট্র এক অরাজকতার রাজ্যে পরিণত হইত। আইন মানুষের ধনপ্রাণ রক্ষা করে, রাষ্ট্রের উদ্দেশ্যকে সাফল্যমণ্ডিত করিতে সহায়তা করে। আইন ছাড়া রাষ্ট্রের কল্পনা করা যায় না। আইন ছাড়া রাষ্ট্রের শৃঙ্খলা রক্ষা করা, নাগরিকদিগের অধিকার ও কর্তব্য সম্বন্ধে নির্দেশ দেওয়া, তাহাদের জীবনকে সুপথে পরিচালিত করা এবং তাহাদের উদ্দেশ্যলাভের সুযোগ সৃষ্টি করা প্রভৃতি কাজ আইনই করিয়া থাকে এবং করিতে পারে।

আবার কেহ কেহ মনে করেন যে, আইনের সঙ্গে মানুষের সুখদুঃখের প্রত্যক্ষ কোন সম্পর্ক নাই। কারণ মানুষের সুখদুঃখ আন্তর্গত (Subjective), তবে আইনের সহিত মানুষের সুখদুঃখের প্রত্যক্ষ সম্পর্ক না থাকিলেও পরোক্ষ সম্বন্ধ আছে। কারণ রাষ্ট্র আইন দ্বারা মানুষের সুখলাভের অসুখুল পরিবেশ সৃষ্টি করিতে পারে। আবার এই অসুখুল পরিবেশের জন্তই মানুষ সুখী হইতে পারে।

আবার আইনের আপেক্ষিকতা তত্ত্ব আইনের প্রকৃতির আর একটি দিকের ইঙ্গিত দেয়। আইন রাষ্ট্রের রাষ্ট্রান্তর্গত সমাজের জড় উপাদান অর্থাৎ রাষ্ট্রনৈতিক, অর্থনৈতিক প্রভৃতি এবং বস্তুনিরপেক্ষ অর্থাৎ ধর্ম ও নীতি প্রভৃতির উপর নির্ভরশীল। আইনে সমাজের সমসাময়িক সকল উপাদানই প্রতিফলিত হয়। এইদিক হইতে বিচার করিলে আইন সমাজজীবনের প্রকাশ ছাড়া আর কিছু নয়।

পরিশেষে বলা যায়, রাষ্ট্রিক কাঠামোই আইনের প্রকৃতি নির্ধারণ করে। সেইজন্তই দেখা যায়, ধনতান্ত্রিক, গণতান্ত্রিক, সমাজতান্ত্রিক ও একনায়কত্বের দেশে আইন ভিন্ন ভিন্ন প্রকৃতির হইয়া থাকে।

বিভিন্ন মতবাদ অনুসারে আইনের সংজ্ঞা (Different Theories on the Definition of Law) : রাষ্ট্রবিজ্ঞানিগণ বিভিন্ন দৃষ্টিকোণ হইতে আইনের সংজ্ঞা নির্ধারণ করিয়াছেন। বিশ্লেষণমূলক, ঐতিহাসিক, সমাজ-বিজ্ঞানমূলক, দার্শনিক এবং মার্কসীয় ধারণানুসারে আইনের বিভিন্ন সংজ্ঞা নির্ধারণ করা হয়। এই সকল ধারণা বা মতবাদগুলি বহু প্রাচীনকাল হইতে

চলিয়া আসিলেও ইহাদের মধ্যে যথেষ্ট মতপার্থক্য লক্ষ্য করা যায়। ফলে আইন সম্বন্ধে কোন একটিমাত্র সংজ্ঞার নির্দেশ না পাওয়ায় কতকটা জটিলতার সৃষ্টি হইয়াছে। নিম্নে পাঁচটি দৃষ্টিকোণ হইতে আইনের সংজ্ঞা বিশ্লেষণ করা হইল।

(ক) বিশ্লেষণ-মূলক ধারণা (Analytical Concept) : এই মতবাদ অনুসারে “আইন হইল নিম্নতনের প্রতি ঊর্ধ্বতন রাষ্ট্রনৈতিক কর্তৃত্বের আদেশ” (Law is the command of the Sovereign)। এই সংজ্ঞা বিশ্লেষণ করিলে দেখা যায় আইনের ভিত্তি হইল কতকগুলি বিষয় সম্পাদন করার এবং কতকগুলি বিষয় সম্পাদন হইতে বিরত থাকার জন্ত সার্বভৌমের আদেশ। এই মতবাদ অনুসারে সার্বভৌমকে আইনের উৎস, ধারক ও বাহক হিসাবে অভিহিত করা হয় এবং বিশ্বাস করা হয় যে, আইন এক নির্দিষ্ট কর্তৃপক্ষ কর্তৃক রচিত হয় এবং আইনকে বলবৎ করিবার জন্ত প্রয়োজন হয় এক সার্বভৌম শক্তি। এই মতবাদের প্রচারক হইলেন অস্টিন, মেকিয়াভেলি এবং হল্যাণ্ড প্রমুখ রাষ্ট্রবিজ্ঞানী।

(খ) বিশ্লেষণী বনাম ঐতিহাসিক ধারণা (Historical vs. Analytical Concept) : অস্টিনের মতবাদের সমালোচনা কারিয়া ঐতিহাসিক হেনরী মেইন বলেন যে, আইনকে সার্বভৌমের আদেশ বলিয়া গ্রহণ করা যায় না। প্রত্যেক দেশেই আইনসম্ভূত সার্বভৌম রচিত আইন ছাড়া বিভিন্ন প্রচলিত প্রথা, রীতিনীতি, বিচারালয়ের সিদ্ধান্ত প্রভৃতিকে আইন বলিয়া অভিহিত করা হয়। অতএব সার্বভৌমের নির্দেশকেই আইনের একমাত্র উৎস হিসাবে ধরা উচিত নহে। আবার আইন কোন স্থিতিশীল শক্তিনহে, ইহা নানাবিধ সামাজিক শক্তির দ্বারা প্রভাবান্বিত হয়। এই মতবাদ অনুসারে আইন ঐতিহাসিক বিবর্তনের সহিত অঙ্গাঙ্গিভাবে যুক্ত। গ্যাটারসন বলেন যে, ঐতিহাসিক সম্প্রদায়ের দৃষ্টিভঙ্গী অতীতের আলোচনার মধ্যেই সীমাবদ্ধ। তিনি আইনকে অতীতের সমগ্র প্রভাবের ফল বলিয়া অভিহিত করেন। এই মতবাদ বিশ্বাস করে যে, আইন কোন প্রণেতার দ্বারা একদিনে প্রণীত হয় নাই। ইহা অতীতের প্রথা, আচার-ব্যবহার, রীতি-নীতি ও জনসাধারণের সম্মতি প্রভৃতির দ্বারা প্রভাবিত হইয়া ধীরে ধীরে সৃষ্টি হইয়াছে। এক কথায় ইহা ইতিহাসের ফল। এই মতবাদের সমর্থক হইলেন হেনরী মেইন, স্যাভিগনী, মেইটল্যাণ্ড ও পোলক প্রমুখ চিন্তাশীল ব্যক্তি।

এই মতবাদের সমালোচনা প্রসঙ্গে এবং অস্টিনের বিরুদ্ধ সমালোচনার উত্তরদান প্রসঙ্গে অস্টিনের অনুগামীরা বলেন যে, প্রথা আপনা হইতেই আইনে পরিণত হয় না। আইনে পরিণত হইবার জন্য প্রয়োজন হয় রাষ্ট্রের স্বীকৃতি। অবশ্য, ইহা সত্য যে, বহুদিন পর্যন্ত প্রথাগত আইনই একমাত্র আইন ছিল। আবার বর্তমানেও সার্বভৌম তাঁহার খেয়াল-খুসীমত আইন প্রণয়ন করিতে পারেন না। তাঁহাকেও জনসাধারণের চাপ এবং নৈতিক বিধিসমূহের কথা চিন্তা করিতে হয়। সম্পূর্ণভাবে জনমত-বিরোধী কোন আইন কার্যকরী হয় না। ঐতিহাসিকদের এই যুক্তি স্বীকার করিয়াও বলা যায়, ষতকণ পর্যন্ত না কোন প্রথা রাষ্ট্রকর্তৃক দ্বারা অমুমোদিত ও প্রযুক্ত হইতেছে ততকণ পর্যন্ত কোন প্রথা বা নৈতিক বিধিই রাষ্ট্রীয় আইন বলিয়া গৃহীত হয় না। আবার দেখা যায়, সমাজে এমন কতকগুলি প্রথা বা নৈতিক বিধি আছে যাহা স্পষ্ট নয় এবং জনমত দ্বারা সমর্থিতও নয়। সমাজের প্রথা বা নৈতিক বিধিগুলির মধ্যে যেগুলি জনমত দ্বারা সমর্থিত এবং সর্বজনগ্রাহ্য রাষ্ট্র সেইগুলিকে আইনে পরিণত করে। ইহাকে বলে আইন প্রণয়ন (Law making)।

উপরিউক্ত সমালোচনার সহিত সামঞ্জস্য রক্ষা করিয়া পরবর্তীকালে অস্টিনের সমর্থকগণ আইনের সংজ্ঞার কিছু রদবদল করেন। এই রদবদলের পর আইনের সংজ্ঞাটি এইরূপ দাঁড়াইল : সমাজে মানুষের প্রচলিত চিন্তাধারা ও অভ্যাসের যে অংশ নির্দিষ্ট নিয়মের আকারে সমাজকর্তৃক স্বীকৃত হয় এবং যে বিধিগুলি সার্বভৌম শক্তির অধিকারী শক্তি ও প্রভাব দ্বারা বলবৎ করা হয় তাহাই আইন। এই প্রসঙ্গে অত্যন্তম বিশ্লেষণ-পন্থী হল্যাণ্ডের সংজ্ঞাটি উল্লেখ করা প্রয়োজন। হল্যাণ্ড বলেন : “সার্বভৌম রাষ্ট্রনৈতিক কর্তৃত্ব দ্বারা প্রযুক্ত মানুষের বাহ্যিক আচরণ নিয়ন্ত্রণকারী সাধারণ নিয়মই হইল আইন” (“A law is a general rule of external action enforced by the sovereign political authority.”)। তাহা হইলে দেখা যায়, অস্টিনের অনুগামীরা অস্টিনের সংজ্ঞাকে দুইদিক হইতে সংশোধন করিয়াছেন ; যথা,—(ক) আইনকে শুধু সার্বভৌমের আজ্ঞা বলিয়া ইহারা স্বীকার করেন নাই ; সমাজের প্রথা, আচার-ব্যবহার, বিচারালয়ের সিদ্ধান্ত প্রভৃতিও আইন সৃষ্টি করে ; (খ) আইনের স্রষ্টা ঊর্ধ্বতন কর্তৃপক্ষ নয় ; এই কর্তৃপক্ষ শুধু আইন বলবৎ করে। এই কর্তৃপক্ষও আইনের আওতার মধ্যে।

বর্তমানে বলা হয় যে, আইন জনসাধারণের সম্মতির উপর প্রতিষ্ঠিত।

যে আইন ব্যক্তির ও সমষ্টির স্বার্থ রক্ষা করে না—সেই আইন লোকে মান্ত ও করিতে চায় না। সার্বভৌম শক্তি জনসাধারণের সম্মতি ব্যতিরেকে আইনকে বলবৎ করিতে পারে না। আবার ইহাও বলা হয় যে, জনগণের সম্মতির উপরই রাষ্ট্রের সার্বভৌম ক্ষমতা প্রতিষ্ঠিত। রাষ্ট্রকে সার্বভৌম ক্ষমতা জনসাধারণই দিয়াছে। এখন প্রশ্ন হইল, আইন যদি জনগণের সমর্থনপুষ্ট হয় তাহা হইলে আইনকে বলবৎ করিতে বলপ্রয়োগের প্রয়োজন কি? এই প্রশ্নের উত্তর পাওয়া যায় উড্রো উইলসনের সংজ্ঞায়। তিনি বলিয়াছেন যে, রাষ্ট্রীয় আইন ব্যক্তিনির্বিচারে প্রযোজ্য হয়। রাষ্ট্রান্তর্গত প্রতিটি ব্যক্তিই আইন মানিতে বাধ্য। আইন মানুষের চিন্তাধারার দর্পণস্বরূপ। আবার মানুষের চিন্তাধারার পরিবর্তনের সঙ্গে সঙ্গে আইনও পরিবর্তিত হয়। আইনকে আবার একটি শক্তিও বলা হয়। আইনের অবর্তমানে সমাজে অরাজকতা দেখা দেয়। আবার সমাজের সকল লোকই যে সৎ ও শুভবুদ্ধি-সম্পন্ন হইবে তাহা নিশ্চয় করিয়া বলা যায় না। সমাজে যাহারা সমাজ-বিরোধী কার্যকলাপে নিযুক্ত তাহাদিগকে শক্তি প্রয়োগ করিয়া সমাজে শান্তি প্রয়োগ করিতে হয় এবং তাহাদিগকে আইন মান্ত করিতে বাধ্য করানো হয়। সমষ্টিগত স্বার্থের জন্তই শক্তি প্রয়োগ করা হয়। উইলসন বলেন, “আইন হইল মানুষের স্থায়ী আচার-ব্যবহার ও চিন্তার সেই অংশ যাহা রাষ্ট্রকর্তৃক স্বীকৃত বিধিতে পরিণত হইয়াছে এবং যাহার পশ্চাতে রাষ্ট্রীয় কর্তৃকের সুস্পষ্ট সমর্থন রহিয়াছে”।*

সমালোচনা : (১) বিশ্লেষণ-মূলক মতবাদ ; যেমন, ইতিহাস, সামাজিক বিবর্তন প্রভৃতি যে সকল আইনের উৎস আছে, তাহাদিগকে অবজ্ঞা করিয়া শুধু সার্বভৌমের আদেশকেই আইন বলিয়া অভিহিত করিয়াছে তেমনি ঐতিহাসিক মতবাদও আইনের পশ্চাতে যে সার্বভৌম শক্তি সক্রিয় রহিয়াছে যাহার ফলে আইনানুবর্তিতা কার্যকরী হয়, তাহার কোন ইঙ্গিত দেয় নাই। ফলে বিশ্লেষণ-মূলক মতবাদ এবং ঐতিহাসিক মতবাদ এককভাবে গ্রহণযোগ্য নয়।

(২) আবার সমাজতাত্ত্বিক ও ধনতাত্ত্বিক প্রভৃতি সমাজ-ব্যবস্থায় আইন

* “Law is that portion of established thought and habit which has gained distinct and formal recognition in the shape of uniform rules backed by the authority and power of government.”—Woodrow Wilson.

যে শ্রেণীস্বার্থের রাষ্ট্রিক প্রকাশ তাহা উভয় মতবাদই স্বীকার করিয়াছে। সমাজতান্ত্রিকের দৃষ্টিতে ঐতিহাসিক মতবাদ সংকীর্ণ। আর বিশ্লেষণমূলক ধারণা অগ্রাহ্য করিয়াছে আইনের পশ্চাতে দণ্ডায়মান জনসম্মতিকে। ইহা শুধু শক্তির উপরই জোর দিয়াছে।

(৩) উভয় মতবাদই আইনের মতবাদের দার্শনিকদিকের উপর বিশেষ গুরুত্ব আরোপ করে নাই। আইনের মধ্যে যে আদর্শবাদিতার প্রেরণা ও প্রভাব রহিয়াছে এবং এই আদর্শবাদিতা যে সমাজকে উচ্চতম নীতিবোধের দিকে পরিচালিত করিতেছে তাহার সন্ধান এই সকল মতবাদ দেয় না, আইন লইয়াই ইহাদের কারবার।

(৪) বিশ্লেষণ-মূলক মতবাদ আইনকে স্থিতিশীল বলিয়া মনে করে। কিন্তু গতিশীল সমাজে স্থিতিশীল আইন কখনও বাস্তবধর্মী হইতে পারে না। অবশ্য এইদিক হইতে বিচার করিলে ঐতিহাসিক মতবাদ অনেকটা বাস্তবধর্মী।

উপসংহারে বলা যায়, বিশৃঙ্খল সমাজকে সুশৃঙ্খল করিবার জন্ত শক্তি-প্রয়োগের মাধ্যমে আইনকে বজায় রাখার প্রয়োজনীয়তাকে স্বীকার করিয়া বিশ্লেষণ-মূলক মতবাদ যেমন সুস্পষ্ট ও বিজ্ঞানসম্মত ব্যাখ্যা দিয়াছে, ঠিক তেমনি ঐতিহাসিক মতবাদ সামাজিক অবস্থার চির পরিবর্তনশীলতার উপর গুরুত্ব আরোপ করিয়া আইনের পরিবর্তনের প্রয়োজনীয়তা স্বীকার করিয়াও মতবাদকে বিজ্ঞানসম্মত করিয়াছে।

(গ) আইনের সমাজ-বিজ্ঞানমূলক ধারণা (Sociological Concept) : এই মতবাদ অনুসারে আইন সমাজদেহ হইতে উদ্ভূত এবং ইহা সমাজ-বিবর্তনের ফল। এই মতবাদ এক সমাজমনের অস্তিত্বকে স্বীকার করিয়া আইনকে সমাজমনের প্রকাশ হিসাবে বর্ণনা করে। সমাজ-

বিবর্তনের ইতিহাস আলোচনা করিলে দেখা যায় যে, আইন সমাজদেহ হইতে উদ্ভূত আইন গতিশীল সমাজের সহিত তাল রক্ষা করিয়া নিয়ত পরিবর্তিত হইতেছে। সমাজ-বিবর্তনের প্রতিফলিত

রাষ্ট্র সমাজের কতকগুলি স্বার্থ যাহা জনসাধারণ গ্রাহ্য বলিয়া মনে করে তাহাকে স্বীকার করিয়া লইতে বাধ্য হইয়াছে। সমাজমনের এই যে গ্রাহ্য চাহিদা রাষ্ট্রের সার্বভৌম শক্তি কর্তৃক আনুষ্ঠানিকভাবে স্বীকৃত হয়, তাহাই আইন। ডুগো, ক্র্যাবু প্রভৃতি এই মতবাদকে সমর্থন করেন। তাহারা বলেন যে, ঐতিহাসিক মতবাদের মধ্যে অনেক সত্য নিহিত আছে বটে,

কিন্তু ঐতিহাসিক মতবাদ অসম্পূর্ণ। স্মৃতরাং মতবাদের পরিপূর্ণতার জ্ঞান সমাজমনের সন্ধান করিতে হইবে এবং সমাজমনের অভিব্যক্তি যে আইনে হইয়া থাকে তাহাকে স্বীকার করিয়া লইতে হইবে। প্রকৃত আইন সমাজ-দেহ হইতেই উদ্ভূত।

সমালোচনা : সমাজমনের কল্পনা বিতর্কমূলক। কেহ কেহ এই মতবাদকে অবৈজ্ঞানিক বলিয়া অভিহিত করিয়াছেন। এই মতবাদ বিশ্লেষণ-মূলক মতবাদের সকল যুক্তিকে অস্বীকার করিয়াছে। কিন্তু প্রকৃতপক্ষে বাস্তব জগতের নিয়মাবলী সার্বভৌম শক্তিই বলপ্রয়োগের মাধ্যমে প্রয়োগ করে। অতএব এই মতবাদ ভ্রমাল্পক। অবশ্য ইহা সত্য যে, সমাজমন যাহাকে গ্রাহ্য বলিয়া স্বীকার করে তাহাকে আইনের রূপে স্বীকৃতি দিতেই হয়, অত্রথায় সমাজে বিশৃঙ্খলা দেখা দিবার সম্ভাবনা থাকে।

(ঘ) **আইনের দার্শনিক মতবাদ (Philosophical Concept) :** দার্শনিকদিগের মতামুসারে আইন হইল আদর্শের প্রকাশ। আইনের স্রূপ বস্তু-নিরপেক্ষ। আবার দার্শনিকদের দৃষ্টিভঙ্গীর পার্থক্য বশতঃ আইনের প্রকৃতি ও সংজ্ঞার বিভিন্নতা লক্ষ্য করা যায়। নিম্নে বিভিন্ন দার্শনিকদিগের মতামত দেওয়া গেল :

(১) গ্রীক দার্শনিক অ্যারিস্টটল আইনকে সামাজিক প্রজ্ঞা বা যুক্তি-নির্ভর বুদ্ধির (Reason) প্রকাশ হিসাবে বর্ণনা করিয়াছেন। এই সামাজিক প্রজ্ঞা আবার সমাজের সর্বাঙ্গীণ কল্যাণের (highest good) পথ উন্মুক্ত করে।

(২) গ্রীসের স্টোইক সম্প্রদায় আইনের এক প্রাকৃতিক রূপ প্রদান করেন। তাঁহাদের মতে প্রাকৃতিক বিধানই আইন (Natural Law)। এই স্টোইক সম্প্রদায় মনে করিতেন যে, বিশ্ববিধান কতকগুলি সত্য ও গ্রাহ্যনীতির উপর প্রতিষ্ঠিত। এই গ্রাহ্যনীতিগুলি অব্যয় ও অক্ষয়। ইহারা বাস্তব রাষ্ট্রীয় আইনের উৎস। ইহারা বস্তু-নিরপেক্ষ এবং মানুষের বিবেকবিবেচনা শক্তির দ্বারা ইহাদের প্রয়োগ করা হয়। মানুষকে বলা হইয়াছে প্রজ্ঞাশীল জীব। সে বিচার ক্ষমতার দ্বারা প্রাকৃতিক বিধানের তাৎপর্য উপলব্ধি করিতে পারে এবং প্রাকৃতিক আইনের মানদণ্ডে বাস্তব আইনের পরীক্ষা-নিরীক্ষা করিয়া থাকে। এই প্রাকৃতিক বিধানবাদকে সমর্থন করেন রোমক স্টোইকগণ, মধ্যযুগীয় চিন্তাবীরগণ এবং ষোড়শ, সপ্তদশ ও অষ্টাদশ শতকের দার্শনিকগণ।

এই সকল দার্শনিকদের মতামতসারে বাস্তব আইন যত বেশী প্রাকৃতিক আইনের অনুরূপ হইবে, তত বেশী গ্রহণযোগ্য হইবে।

(৩) অষ্টাদশ শতাব্দীতে রুশো আইনকে সমষ্টিগত ইচ্ছার প্রকাশ হিসাবে বর্ণনা করেন। তিনিও এই মত পোষণ করেন যে, সত্যদৃষ্টিতে আইন বস্তুপ্রাপ্ত নয়। আইন হইল সমষ্টিগত ইচ্ছাপ্রসূত নিয়মকানুন। রুশোর মতবাদ সম্বন্ধে পূর্বে বিশদ আলোচনা করা হইয়াছে।

(৪) ঊনবিংশ শতাব্দীর ভাববাদী দার্শনিক হেগেলের মতে রাষ্ট্রের আইন হইল স্বচ্ছপ্রজ্ঞা ও সর্বোচ্চ নীতির প্রতীক।

(৫) মার্কসীয় মতবাদ (Marxian Theory of Law) : বস্তুবাদী দার্শনিকদিগের দৃষ্টিতে রাষ্ট্রে ধনোৎপাদন ব্যবস্থার নিয়ত পরিবর্তন হয়। এই পরিবর্তনের সঙ্গে সঙ্গে বিভিন্ন শ্রেণীর উদ্ভব হয়। প্রত্যেক যুগেই একটি বিশেষ অধিকারী শ্রেণী ধনোৎপাদনের উৎসগুলি অধিকার করে। পণ্ড-পালনের যুগে পণ্ডর মালিকগণ, সামন্তযুগে জমিদারগণ এবং শিল্পযুগে শিল্প-পতিগণ ধনবলে বলীয়ান হইয়া সমাজের উপর আধিপত্য করে। বিভিন্ন যুগে এই সকল শ্রেণী নিজেদের স্বার্থানুকূলে আইন প্রণয়ন করে এবং পুলিশ ও সৈন্য সামন্তের সহায়তায় আইনকে বলবৎ করে। সুতরাং আইন হইল অধিকারী শ্রেণীর স্বার্থবাহী নিয়মকানুন।^১ আরও স্পষ্ট করিয়া বলা যায় আইন হইল শ্রেণীস্বার্থের রাষ্ট্রিক প্রকাশ। ল্যাক্সি বলেন : “যাহারা অর্থনৈতিক দিক হইতে শক্তিশালী, রাষ্ট্র তাহাদের অভাবকে প্রকাশ করে। রাষ্ট্রের আইন হইল একটি মুদ্রাস যাহার আবরণের পশ্চাতে থাকিয়া ধনিকশ্রেণী রাষ্ট্রনৈতিক কর্তৃত্বের সুবিধা ভোগ করে”।*

সমালোচনা : ভাববাদী দার্শনিকদিগের আইনের ব্যাখ্যা কল্পনা-ভিত্তিক। ইহা বাস্তবধর্মী নয় বলিয়া ইহাকে সম্পূর্ণভাবে গ্রহণ করা যায় না। কিন্তু ইহা আইনের আদর্শের সন্ধান দেয়। আইনপ্রণেতাগণ যদি আদর্শের কথা চিন্তা না করিয়া আইনের পরিবর্তনের ব্যবস্থা করে তবে সমাজ আদর্শহীন পথে পরিচালিত হইবে। অতএব আইনকে শুধু বাস্তবধর্মী হইলেই চলিবে না।

*“The State...expresses the wants of those who dominate the economic system. The legal order is a mask behind which a dominant economic interest secures the benefit of political authority.”—Laski.

আবার কেহ কেহ আইনকে সর্বোচ্চ নীতির প্রকাশ হিসাবেও বর্ণনা করিয়াছেন। তাঁহারা এই যুক্তি দাঁড় করান যে, তাঁহারা আইন প্রণয়ন করেন তাঁহারা নিজেদের বিবেকদ্বারা পরিচালিত হন এবং যাহা নীতিবিগর্হিত এবং নীতিভ্রষ্ট তাহাকে কেহই মান্ত করিতে চায় না ; অতএব নৈতিক ভিত্তির উপরই আইন প্রতিষ্ঠিত।

উপরিউক্ত আলোচনা হইতে আইনের যে সকল সংজ্ঞা পাওয়া যায় তাহা সংক্ষেপে এইরূপ : (১) আইন হইল সার্বভৌমের আজ্ঞা মাত্র, (২) আইন ইতিহাসের ফল, (৩) আইন সমাজ-বিবর্তনের ফল, (৪) আইন আদর্শের প্রকাশ, (৫) আইন শ্রেণীস্বার্থের রাষ্ট্রিক অভিব্যক্তি, (৬) আইন সর্বোচ্চ নীতির অভিব্যক্তি।

আইনের উৎস (Sources of Law)

অনেক রাষ্ট্রবিজ্ঞানী এই মত প্রকাশ করিয়াছেন যে, স্বীকার করিতে দোষ নাই যে, আইনের পশ্চাতে যে শক্তি ও স্বীকৃতি প্রয়োজন তাহা রাষ্ট্রের সার্বভৌম শক্তিই দিয়া থাকেন ; কিন্তু, আইনের প্রকৃতি বিশ্লেষণ করিলে দেখা যায়, আইন যে সকল উপাদানে গঠিত তাহার উৎস শুধু সার্বভৌমের আদেশের মধ্যেই সীমাবদ্ধ নয়, তাহার উৎস সার্বভৌমকে অতিক্রম করিয়া বৃহত্তর সমাজদেহে বিস্তৃত রহিয়াছে। ইতিহাসের দিক হইতে বিচার করিলে আইনের বিভিন্ন উৎসের সন্ধান পাওয়া যায়। হল্যাণ্ড নিম্নলিখিত গুলিকে আইনের উৎস হিসাবে গ্রহণ করিয়াছেন।

প্রথা (Custom) : প্রথা হইল অধিকাংশ ব্যক্তি দ্বারা দীর্ঘকাল পালিত আচার-ব্যবহার। এই আচার-ব্যবহার (ক) প্রথমে পরিবার বা গোষ্ঠীর মধ্যেই উদ্ভূত হইতে দেখা যায়। পরে এই আচার-ব্যবহারগুলির মধ্যে যেগুলি (খ) সমসাময়িক ধর্ম ও নীতির সহিত স্ফুসামঞ্জস্য রক্ষা করিয়া চলে এবং (গ) সমাজের অধিকাংশ মানুষের দ্বারা স্বীকৃত হয় সেইগুলিই আইনের মর্যাদা লাভ করে।

আবার এই আচার-ব্যবহারগুলি যখন আইনের মর্যাদা লাভ করিল তখন মানুষ ধর্মের বা শাস্তির ভয়ে বা উপযোগিতার জন্ত বা অহুকরণ করিবার জন্ত তাহা সকলেই মান্ত করিত। **প্রথাই** আইনের সর্বাপেক্ষা প্রাচীন উৎস। প্রাচীনকালে আইন ছিল প্রথামূলক। প্রাচীনকালে সমাজও রাষ্ট্রপ্রথার

দ্বারাই নিয়ন্ত্রিত হইত। অবশ্য, প্রথার উদ্ভব কখন হইয়াছিল তাহা নিশ্চয় করিয়া বলিতে পারা যায় না, তথাপি ভারতবর্ষ ও চীন প্রভৃতি দেশের ইতিহাস আলোচনা করিলে প্রাচীনকালের প্রথা সম্বন্ধে অনেক তথ্য জানা যায়। বর্তমানকালে প্রথার প্রভুত্ব লক্ষ্য করা না গেলেও ভারতের হিন্দু ও মোসলমান আইন এবং ব্রিটেনের প্রথাগত আইন (Common Law) এই কথাই প্রমাণ করে যে, প্রথাসকল আইনের পর্যায়ে উন্নীত হইতেছে এবং আইনের

মর্যাদা পাইতেছে। এই প্রসঙ্গে ম্যাক্ আইভারের উক্তি ম্যাক্ আইভারের বিশেষ প্রণিধানযোগ্য। তিনি বলেন : “আইনের নত

বিপুলকায় গ্রহে রাষ্ট্র এখানে ওখানে দুই-একটু আঁচড় কাটিতে পারে কিন্তু, মানুষ যেমন তাহার শরীরকে নূতন করিয়া গঠন করিতে পারে না, রাষ্ট্রও তেমনি আইনকে কখনও নূতন করিয়া সৃষ্টি করিতে পারে না” (“In the great book of law the State merely writes new sentences here and there and scratches out an old one.. the State can no more reconstitute at any time the law as a whole than a man can remake his body.”)। প্রচলিত প্রথাকে ভিত্তি করিয়াই রাষ্ট্র তাহার রাষ্ট্রিক আইন প্রণয়ন করিয়া থাকে। প্রথা আপনা হইতেই গড়িয়া উঠে। এমন কি রাষ্ট্রের উৎপত্তির অনেক পূর্ব হইতেই এই প্রথাগুলি চলিয়া আসিতে থাকে। রাষ্ট্রের উদ্ভবের পর রাষ্ট্র তাহাদিগকে শুধু স্বীকৃতি দেয় মাত্র।

(২) ধর্ম (Religion) : প্রথার মতোই ধর্মীয় অমুশাসনগুলি আইন-সৃষ্টিতে সহায়তা করিয়াছে। আদিম ও প্রাচীন সমাজের বিধি-নিষেধ ধর্মের ভিত্তিতে গড়িয়া উঠিয়াছিল। প্রাচীনকালের এই সামাজিক বিধি-নিষেধগুলি ছিল নেতিবাচক অর্থাৎ, ইহা করিও না, উহা করিও না, তাহা হইলে দেবতা অসন্তুষ্ট হইবে। এই অমুশাসনগুলি সমাজজীবনকে নানাভাবে সুসংবদ্ধ করিয়া সমষ্টিগত জীবনে শৃঙ্খলা ও নিয়মাবর্তিতার শিক্ষা দিয়াছে।

প্রাচীনকালে প্রথা ছিল আইন আর আইন ছিল ধর্ম। অর্থাৎ, আইন ও ধর্ম ওতপ্রোতভাবে জড়িত ছিল। ধর্ম প্রত্যক্ষ ও পরোক্ষভাবে আইনের বিবর্তনে সহায়তা করিয়াছে। প্রত্যক্ষভাবে ইহা রাজাকে ঈশ্বরের প্রতিনিধি হিসাবে গণ্য করিয়া তাহার নির্দেশকেই আইনরূপে মান্য করিতে শিক্ষা দিয়াছে। আর পরোক্ষভাবে ইহা প্রথাকে সমর্থন করিয়া তাহাকে স্থায়িত্ব

প্রদান করিয়াছে। রাষ্ট্রপতি উইলসন দেখাইয়াছেন যে, প্রথম যুগের রোমক আইন কতকগুলি ধর্মীয় অহুশাসন ব্যতীত আর কিছু নহে। হিন্দু ও মোসলমান আইন লক্ষ্য করিলেও বোঝা যাইবে যে, ধর্মই আইনের উৎস।

(৩) বিচারালয়ের সিদ্ধান্ত (Judicial decision) : সমাজজীবনে দ্বন্দ্ব-মীমাংসার ব্যবস্থা আদিমকালে প্রথা ও ধর্মের অহুশাসনের দ্বারাই হইত। কিন্তু, কালক্রমে সমাজজীবন যখন জটিলতর হইল তখন প্রথা ও ধর্মের অহুশাসনের সঙ্গে সঙ্গে বিচার-ব্যবস্থার প্রবর্তন হয়। প্রথমে রাজা বা দলপতির উপরই বিচারের ভার হস্ত করা হইত। রাজা বা দলপতি বিচারকালে যখন প্রথা ও ধর্মের অহুশাসনের মধ্যে বিভিন্ন বিচার্য সমস্যার সমাধান খুঁজিয়া পাইতেন না তখন তিনি বা তাঁহার নিজেদের বিচারবুদ্ধি প্রয়োগ করিতেন। এই প্রসঙ্গে গেটেলের উক্তি প্রণিধানযোগ্য। তিনি বলেন : “আইন-প্রণেতা হিসাবে রাষ্ট্রের জন্ম হয় না, রাষ্ট্রের জন্ম হইয়াছিল প্রথার ব্যাখ্যাকর্তা ও প্রয়োগকারী হিসাবে”। জটিলতর সমাজ-ব্যবস্থায় রাজা বা দলপতির বিচার-মীমাংসাও আইনের মর্যাদা লাভ করে। বর্তমানকালেও দেখা যায় রাষ্ট্রের সর্বোচ্চ বিচারালয়ের বিচার-মীমাংসা আইনের মর্যাদা লাভ করে।

এখন প্রশ্ন হইল বিচার-মীমাংসাকে আইনের মর্যাদা দেওয়া হয় কেন ? ইহার উত্তরে বলা যায়, (ক) আইন হইল স্থিতিশীল আর সমাজ হইল গতিশীল।

গতিশীল সমাজের
সঙ্গে চলিতে
হইলে আইনের
সংশোধন প্রয়োজন

গতিশীল সমাজের পরিবর্তনের সঙ্গে তাল রাখিয়া চলিতে হইলে স্থিতিশীল আইনকে নূতন দৃষ্টিভঙ্গী লইয়া ব্যাখ্যা করার মাধ্যমে পরিবর্তন করার প্রয়োজনীয়তা রহিয়াছে। সর্বোচ্চ বিচারালয়ের বিচারপতিগণ স্থিতিশীল আইনকে

ব্যাখ্যার মাধ্যমে পরিবর্তন করিয়া বিচার-মীমাংসা দিয়া থাকেন। পরে এই বিচার-মীমাংসাই এক স্বতন্ত্র আইনে পরিণত হয়। (খ) দ্বিতীয় কারণ হইল, সকল অবস্থা পূর্ব হইতেই কল্পনা করিয়া কোন লিখিত আইনই ভবিষ্যতের সকল মোকদ্দমার ঘটনাবলী সম্বন্ধে ব্যবস্থা করিতে পারে না। নিত্য নূতন ঘটনা ও পরিস্থিতি যখন আদালতের সম্মুখে উপস্থাপিত করা হয় তখন বিচারপতিগণ প্রায়ের মর্যাদা রক্ষা করিবার জন্ত আইনের সহিত সঙ্গতি-সম্পন্ন প্রায় ব্যাখ্যার ভিতর দিয়া নূতন নীতির প্রবর্তন করেন। এই বিচারের

রায়গুলিই আইনের উৎস। মার্কিন যুক্তরাষ্ট্রের বিচারপতি মার্শাল, ভারতবর্ষের বার্নস্, পীকফ্ ও দ্বারকানাথ মিত্র প্রভৃতি বিচারপতিগণ বিচার-মীমাংসার মাধ্যমে বহু আইন সৃষ্টি করিয়াছেন। অতএব বিচারপতিগণের রায় আইনের অপর আর একটি উৎস।

(৪) বিজ্ঞানসম্মত আলোচনা (Scientific Discussion) : অভিজ্ঞ আইনবিদগণ তাঁহাদের ব্যাখ্যা ও বিশ্লেষণ দ্বারা অনেক সময় নূতন আইন-সৃষ্টিতে এবং প্রচলিত আইনের সংশোধন ও পরিবর্তনে সহায়তা করেন। এই আইনবিদগণের ব্যাখ্যা ও প্রস্তাব অনেক দেশেই গৃহীত হইয়া থাকে। উদাহরণস্বরূপ বলা যায়, ভারতবর্ষে রাসবিহারী ঘোষের বন্ধকী সম্পত্তি-সম্পর্কিত পুস্তক এবং গুরুদাস বন্দ্যোপাধ্যায়ের জীধন-সম্পর্কিত পুস্তক বিচার-মীমাংসার উপর যথেষ্ট প্রভাব বিস্তার করিয়াছে। ভারতে এই দুইখানি পুস্তক আইনের উৎস হিসাবে যথেষ্ট স্বীকৃতি পাইয়াছে।

(৫) শ্রায়নীতি (Equity) : পূর্বেই বলা হইয়াছে আইন স্থিতিশীল, আর সমাজ গতিশীল। গতিশীল সমাজ-জীবনের সহিত তাল রাখিয়া স্থিতিশীল আইন চলিতে অসমর্থ; তাই আইনকে সম্পূর্ণ বলা যায় না। আইনের এই অসম্পূর্ণতার জন্ত বিচারপতিগণ অনেক সময় নিজেদের শ্রায় ও বিবেকবুদ্ধির প্রয়োগ করিয়া বিচারকার্য পরিচালনা করেন। বিচারকার্য বাহাতে শ্রায়ধর্ম অহুসারে পরিচালিত হয় সেইজন্ত বিচারকগণ শ্রায়নীতি অহুসরণ করেন। এই শ্রায়নীতি শুধু প্রজ্ঞা বা যুক্তিসঙ্গত নয়, শাস্ততও বটে। সুতরাং ইহাকে রাষ্ট্রের সমসাময়িক আইনের উৎস বলা যাইতে পারে। একটি উদাহরণ দিলে বিষয়টি স্পষ্ট হইবে। রোমক আইন যখন গতিশীল সমাজ-জীবনের সহিত তাল রক্ষা করিয়া চলিতে অসমর্থ হইল তখন রোমান প্রেটরগণ (বিচারপতি) প্রাকৃতিক নিয়ম (Natural Law) বাহা অব্যয় তাহার উপর ভিত্তি করিয়া বিভিন্ন ক্ষেত্রে বিচার-মীমাংসা দিতেন। ব্রিটেনেও এই শাস্ত নীতির (Equity) প্রয়োগ দেখিতে পাওয়া যায়। অতএব এই শ্রায়নীতিকে আইনের একটি উৎস বলা যাইতে পারে।

বিচার-মীমাংসা ও শ্রায়নীতি উভয় ক্ষেত্রেই বিচারপতিগণ তাঁহাদের প্রজ্ঞার প্রয়োগ করিয়া থাকেন। কিন্তু বিচার-মীমাংসার সহিত শ্রায়নীতির যথেষ্ট পার্থক্য আছে। বিচার-মীমাংসার ক্ষেত্রে বিচারপতিগণ প্রচলিত আইনের ব্যাখ্যা করিয়া প্রচলিত আইনের সহিত সঙ্গত নূতন পন্থা আবিষ্কার করেন।

আর শ্রায়নীতির ক্ষেত্রে দেখা যায় প্রচলিত আইন যে সকল বিচার্য বিষয়ে সম্পূর্ণ নীরব সেই সকল ক্ষেত্রে শ্রায়নীতিকে প্রয়োগ করা শ্রায়নীতি ও বিচার-মীমাংসার মধ্যে পার্থক্য হয়। অতএব বিচার-মীমাংসা আর শ্রায়নীতি এক নয়। এই প্রসঙ্গে হেনরী মেইন বলেন যে, আইনকে সমাজের শ্রায়বোধের সহিত সম্পর্কিত রাখিতে হইলে আনুষ্ঠানিক পদ্ধতি ছাড়া অথ কোন পদ্ধতিতে সর্বদা আইনের সংশোধনের ব্যবস্থা রাখিতে হইবে। এই ব্যবস্থাকেই বলে শ্রায়বিচার। এই শ্রায়বিচারের ফলে যে আইন প্রণীত হয় তাহাও বিচারপতিগণের দ্বারা প্রণীত আইনের একটি অংশ হিসাবে ধরা হয়।

(৬) আইন প্রণয়ন (Legislation) : আধুনিক কালে আইন পরিষদকেই আইনের প্রধান উৎস হিসাবে ধরা হয়। ওপেনহাইম (Oppenheim) ও হল প্রমুখ আইনবিদগণ জনমতকেই আইনের প্রধান উৎস বলিয়া অভিহিত করিয়াছেন। আইন পরিষদের নির্বাচিত সভ্যগণ যে আইন প্রণয়ন করেন তাহা জনমতেরই অভিব্যক্তি।

উপসংহারে উদ্ভূত উইলসনের মন্তব্যটি উল্লেখ করা গেল : তিনি বলেন যে, প্রথা আইনের সর্বাপেক্ষা প্রাচীন উৎস হইলেও ধর্ম প্রথাগুলির সহিত অঙ্গাঙ্গিভাবে মিশিয়া আইন প্রস্তুত করিতে সহায়তা করিয়াছে। অতএব প্রথা ও ধর্মের অবদানের মধ্যে বড় একটা পার্থক্য নাই। তারপর সমাজ-বিবর্তনের এক বিশেষ স্তরে যখন রাষ্ট্রের উদ্ভব হইল তখন আইনসভার দ্বারা আইনের সংশোধন ও আইন আনুষ্ঠানিকভাবে প্রণয়ন করা হইলেও আইনের মধ্যে অনেক সময় অনেক ফাঁক থাকিয়া যায়। বিচারপতিগণের বিচার-নিষ্পত্তির দ্বারা এই ফাঁক বন্ধ করা হয়। আবার ইহারই সহিত এবং একই সময়ে শ্রায়নীতির সংযোগ দেখিতে পাওয়া যায়। অতএব প্রথা ও ধর্মের পরবর্তী উৎস হইল বিচারকের মীমাংসা এবং শ্রায়বিচার। আবার আইন সম্বন্ধে বিজ্ঞানসম্মত আলোচনাও আইন প্রণয়নে অনেক সহায়তা করিয়াছে। অবশ্য, আইন প্রণয়ন ও আইন সম্বন্ধে বিজ্ঞানসম্মত আলোচনাকে আইনের উৎস হিসাবে ধরা হইয়াছে তখনই যখন শাসনপদ্ধতি অনেকটা উন্নতি লাভ করিয়াছে।

আইনের শ্রেণীবিভাগ

(Classification of Law)

আইনের বিষয়বস্তু ও প্রকৃতি ভেদে আইনের শ্রেণীবিভাগ করা হয়। হল্যাণ্ড ‘সম্বন্ধ’নীতির ভিত্তিতে আইনের শ্রেণীবিভাগ করিবার পক্ষপাতী। সম্বন্ধনীতির অর্থ আইন কি কি সম্বন্ধের সম্বয় সাধন করিতেছে তার অনুসন্ধান করা। হল্যাণ্ডের মতে আইন প্রধানতঃ দুই শ্রেণীতে বিভক্ত; যথা,— (১) জাতীয় আইন (Municipal Law) এবং (২) আন্তর্জাতিক আইন (International Law)। জাতীয় আইনকে আবার দুইভাগে ভাগ করা হয়: যথা,—(১) সরকারী আইন (Public Law) এবং (২) ব্যক্তিগত আইন (Private Law)। **জাতীয় আইন** হইল রাষ্ট্রাভ্যন্তরে সার্বভৌম কর্তৃক প্রবর্তিত সকল আইন। এই আইন অপরাপর রাষ্ট্রের ক্ষেত্রে প্রবর্তিত হয় না। **সরকারী আইন** রাষ্ট্রের সহিত ব্যক্তির সম্পর্ক নির্ধারণ করে।


হল্যাণ্ডের অনুকরণকারীদের মতে শাসনতান্ত্রিক আইন (Constitutional Law), শাসনসংক্রান্ত আইন (Administrative Law) এবং ফৌজদারী আইন (Criminal Law) সরকারী আইনের অন্তর্ভুক্ত হয়। হল্যাণ্ডের মতে আইনের যে অংশটিকে সরকারী আইন বলা হয় তাহার শ্রেণীবিভাগ এখনও পাকাপাকিভাবে স্থির হয় নাই।

ম্যাক্ আইভার আবার আইনের একটি নূতন শ্রেণীবিভাগের নির্দেশ করিয়াছেন। ম্যাক্ আইভার রাষ্ট্রনৈতিক আইনকে প্রথমতঃ জাতীয় ও আন্তর্জাতিক এই দুইভাগে ভাগ করেন। তারপর জাতীয় আইনকে আবার দুইভাগে বিভক্ত করেন; যথা,—(১) শাসনতান্ত্রিক আইন ও (২) মামুলী আইন (Ordinary Law)। তিনি মামুলী আইনকে সরকারী ও ব্যক্তিকেন্দ্রিক—এই দুইভাগে ভাগ করেন। তিনি সরকারী আইনকে আবার শাসন-সংক্রান্ত ও সাধারণ আইনে (General Law) বিভক্ত করেন। ম্যাক্ আইভারের এই শ্রেণীবিভাগকে অনেকে সমর্থন করে না: কারণ, তিনি শাসনতান্ত্রিক আইনকে সরকারী আইন বলিয়া স্বীকার করেন না। কিন্তু শাসনতান্ত্রিক আইন সরকারের শাসন-ব্যবস্থায় নির্দেশ দেয় এবং ইহা জনগণের রাষ্ট্রীয় জীবন নিয়ন্ত্রণ করে। সুতরাং শাসনতান্ত্রিক আইনকে সরকারী আইনের অন্তর্ভুক্ত করা বিধেয়। আবার ম্যাক্ আইভার শাসন-সংক্রান্ত আইনকে সরকারী

আইনের পর্যায়ভুক্ত করিয়াছেন কিন্তু শাসনতান্ত্রিক আইনকে কেন করেন নাই তাহার কোন সন্দেহ তিন দিতে পারেন নাই। মামুলী আইন ও সাধারণ আইন বলিয়া তিনি যে দুইটি শ্রেণীর সৃষ্টি করিয়াছেন তাহা অত্যন্ত অস্পষ্ট। অত্যাশ্চর্য আইনবিদের ঝায় তিনি আন্তর্জাতিক আইনের কোন শ্রেণীবিভাগ করেন নাই। এই সকল কারণে ম্যাক আইভারের শ্রেণীবিভাগ সম্পূর্ণভাবে গ্রহণযোগ্য নয়।

আইনের শ্রেণীবিভাগ সম্বন্ধে হল্যাণ্ড ও ম্যাক আইভারের আলোচনার ভিত্তিতে এবং যে সকল ক্রটির উল্লেখ করা হইয়াছে তাহা সংশোধন করিয়া আইনের প্রকৃতি ও বিষয়বস্তুকে ব্যাপক অর্থে ধরিয়া লইয়া নিম্নলিখিত ভাবে একটি শ্রেণীবিভাগ করা হইল :

রাষ্ট্রনৈতিক আইন (Law)



পূর্বেই বলা হইয়াছে যে, রাষ্ট্রাভ্যন্তরে সার্বভৌম কর্তৃক প্রবর্তিত সকল আইনকে বলে জাতীয় আইন। আর এক জাতি বা রাষ্ট্রের সহিত অত্র জাতি বা রাষ্ট্রের ব্যবহার-সম্পর্কিত নিয়মকানুনকে বলে আন্তর্জাতিক আইন। এই জাতীয় ও আন্তর্জাতিক আইনকে বলে রাষ্ট্রনৈতিক আইন।

জাতীয় আইন (State, National or Municipal Law) : জাতীয় আইন প্রবর্তিত হয় রাষ্ট্রের আভ্যন্তরীণ সার্বভৌম শক্তির দ্বারা। ইহা রাষ্ট্রের আভ্যন্তরীণ জীবনের নিয়ামক। আন্তর্জাতিক আইনবিদগণ ইহাকে মিউনিসিপ্যাল আইন (Municipal Law) বলিয়া অভিহিত করেন। বলা বাহুল্য যে, ইহার দ্বারা পৌর শাসনকে বোঝানো হয় না। ইহা রাষ্ট্রিক অর্থেই সাধারণতঃ ব্যবহৃত হইয়া থাকে। হল্যাণ্ডের সংজ্ঞামুসারে এই আইন হইল “সার্বভৌম কর্তৃক প্রবর্তিত মানুষের বাহ্যিক ব্যবহার নিয়ন্ত্রণমূলক সাধারণ নিয়ম।”

সরকারী ও ব্যক্তিকেন্দ্রিক আইন (Public & Private Law) :

জাতীয় আইনকে দুইভাগে বিভক্ত করা যায় ; যথা,—(ক) সরকারী আইন, (খ) বে-সরকারী বা ব্যক্তিকেন্দ্রিক আইন। সরকারী আইন হইল সেই আইন যাহার বিষয়বস্তু হইল রাষ্ট্র বা রাষ্ট্রের কোন অংশ। আর বে-সরকারী আইনের বিষয়বস্তু হইল ব্যক্তি। এই আইন অমুসারে বিরোধ উপস্থিত হইলে রাষ্ট্র প্রত্যক্ষভাবে পক্ষভুক্ত হয় না। রাষ্ট্র বিচারকের (arbiter) অংশ গ্রহণ করে। ইহা ব্যক্তির অধিকার ও কর্তব্যের নির্দেশ দান করে। সরকারী আইনকে আবার তিনভাগে ভাগ করা যাইতে পারে ; যথা (১) শাসনতান্ত্রিক আইন, (২) শাসন-সংক্রান্ত আইন এবং (৩) ফৌজদারী আইন।

শাসনতান্ত্রিক আইন (Constitutional Law) : শাসনতান্ত্রিক আইন হইল রাষ্ট্রের মৌলিক গঠন ও শাসনপদ্ধতি সম্বন্ধীয় আইন। শাসন-তান্ত্রিক আইন রাষ্ট্র ও সরকারের সহিত নাগরিকের সম্পর্কের নির্দেশ দেয়। এই আইন রাষ্ট্রের ভিত্তি স্থাপন করে বলিয়া অনেক দেশে এই আইনকে মৌলিক আইন বলিয়া অভিহিত করা হয়। শাসনতান্ত্রিক আইন রাষ্ট্রের শাসন বিভাগ অর্থাৎ সরকার, আইন বিভাগ অর্থাৎ বিধানমণ্ডলী এবং বিচার-বিভাগের গঠন-প্রণালী, ক্ষমতা ও পরস্পরের সম্বন্ধ নির্ণয় করে। অপরাপর আইনের তুলনায় শাসনতান্ত্রিক আইনের সংশোধনের পদ্ধতি কঠিনতর। মার্কিন যুক্তরাষ্ট্রের উদাহরণ হইতেই ইহা বিশেষভাবে স্পষ্ট হয়।

শাসন-সংক্রান্ত আইন (Administrative Law) : রাষ্ট্রের শাসন বিভাগ অর্থাৎ সরকারের বিভিন্ন বিভাগের কার্যাবলী সুষ্ঠুভাবে সম্পাদন করার জন্ত বহু খুঁটিনাটি আইনের প্রয়োজন হয় ; এই আইনগুলিকেই বলে শাসন-সংক্রান্ত আইন। উদাহরণস্বরূপ পুলিশ বিভাগ, আয়কর বিভাগ প্রভৃতির খুঁটিনাটি আইনগুলিকে ধরা যাইতে পারে।

ফ্রান্সে শাসন-সংক্রান্ত আইন আর একটি অর্থে ব্যবহৃত হয়। *Droit Administratif* বলিয়া পরিচিত ফ্রান্সে যে শাসন-সংক্রান্ত আইন আছে তাহা সরকারী কর্মচারী কর্তৃক আইনভঙ্গের জন্ত বিচারের ক্ষেত্রে ব্যবহৃত হয়। এই আইনকে শাসনবিভাগীয় আদালত (Administrative Tribunal) বলিয়া পরিচিত একটি আদালতের মাধ্যমে প্রয়োগ করা হয়। সরকারী কর্মচারী ব্যতিরেকে কেহই এই আদালতে বিচার প্রার্থনা করিতে পারে না।

ফৌজদারী আইন (Criminal Law) : রাষ্ট্রের প্রাথমিক কর্তব্য হইল রাষ্ট্রে আইন ও শৃঙ্খলা রক্ষা করা। ফৌজদারী আইন অপরাধের সংজ্ঞা ও বিচারপদ্ধতির নির্দেশ দিয়া থাকে। এই আইনবলে রাষ্ট্রে আইন-শৃঙ্খলা ও নাগরিকদিগের নিরাপত্তা রক্ষার ব্যবস্থা করা হয়।

আন্তর্জাতিক আইন, ইহার সংজ্ঞা ও প্রকৃতি

(International Law—Its Definition and Nature)

পরস্পর নির্ভরশীল জগতে ব্যক্তির মতোই অর্থনৈতিক ও রাষ্ট্রনৈতিক প্রভৃতি বিষয়ে এক রাষ্ট্রকে অপর রাষ্ট্রের সম্পর্কে আসিতে হয়। ফলে সভ্য-রাষ্ট্রগুলির মধ্যে পারস্পরিক সম্পর্কের ভিত্তিতে কতকগুলি নিয়মকানুন গড়িয়া উঠে। এই নিয়মকানুনগুলিকেই বলে আন্তর্জাতিক আইন। লরেন্সের ভাষায় আন্তর্জাতিক আইন হইল সেই সমস্ত বিধিনিয়ম বাহা সভ্যরাষ্ট্রগুলির ব্যবহার নিয়ন্ত্রণ করে। আন্তর্জাতিক আইন বিভিন্ন রাষ্ট্রের অধিকার এবং এই অধিকারকে রক্ষা করিবার বিভিন্ন পদ্ধতি ও অধিকার ভঙ্গ করিলে তাহার প্রতিকারের ব্যবস্থা সম্বন্ধে নির্দেশ দেয়। ইহার ক্ষেত্র বিস্তৃত। রাষ্ট্রীয় আইনের সঙ্গে ইহার পার্থক্য হইল, রাষ্ট্রীয় আইনের মতো আইনকে বলবৎ করিবার মতো কোন চূড়ান্ত ক্ষমতাপ্রাপ্ত সার্বভৌম শক্তি ইহার নাই। কিন্তু শাস্তি ও শৃঙ্খলা রক্ষার জন্ত ইহাকে সকল রাষ্ট্রই মান্য করে।*

আন্তর্জাতিক আইন, গ্রোটিয়াসের সময় হইতে, আন্তর্জাতিক বিচারালয়ের সিদ্ধান্ত, আন্তর্জাতিক পরামর্শ-সভার সিদ্ধান্ত ও খ্যাতনামা আন্তর্জাতিক আইনবিদ পণ্ডিতগণের ব্যাখ্যা-বিশ্লেষণ দ্বারা ধীরে ধীরে পুষ্টিলাভ করিয়া বর্তমানে বিরাট আকার ধারণ করিয়াছে। এতদ্ব্যতীত আন্তঃরাষ্ট্র-সম্পর্কের ক্ষেত্রে কতকগুলি সৌজন্যবিধি (Rules of Courtesy) প্রচলিত হইয়া আসিতেছে। বিভিন্ন রাষ্ট্রের মধ্যে কোন নির্দিষ্ট চুক্তি না থাকিলেও আশ্রয়-গ্রহণকারী দণ্ডিত অপরাধীকে রাষ্ট্রে প্রেরণ, কূটনৈতিক প্রথাসমূহ পালন প্রভৃতি আন্তর্জাতিক প্রথার অন্তর্ভুক্ত। বর্তমানে আন্তর্জাতিক প্রথা ছাড়াও আন্তর্জাতিক শাসন-সংক্রান্ত আইন (International Administrative Law) নামে খ্যাত একপ্রকার আইন প্রচলিত আছে। এই আইন দ্বারা

বিভিন্ন দেশের স্বাভাৱ্যত, চিঠিপত্র, আদান-প্রদান প্রভৃতি বিষয়কে নিয়ন্ত্রণ করা হয়।

আন্তর্জাতিক আইনকে সাধারণতঃ দুইভাগে ভাগ করা হয় ; যথা,—
(১) ব্যক্তিকেন্দ্রিক আন্তর্জাতিক আইন (Private International Law) (২) সরকারী আন্তর্জাতিক আইন (Public International Law)। সরকারী আন্তর্জাতিক আইনকে আবার তিনভাগে ভাগ করিয়া দেখানো হয় ; যথা—(১) শান্তিকালীন আইন (Law of Peace), (২) যুদ্ধ-আইন (Law of War), (৩) নিরপেক্ষতা আইন (Law of Neutrality)। ব্যক্তিগত আইনানুসারে কোন ব্যক্তির অধিকার লইয়া দুই বা ততোধিক রাষ্ট্রের আইনের মধ্যে সংঘর্ষ বাধিলে তাহার বিচার হইয়া থাকে। বিবাহবিচ্ছেদ, অবৈধ সন্তানের অধিকার সম্পর্কিত আইন ও ডোমিসিল প্রভৃতি আইন ইহার অন্তর্ভুক্ত হয়। সরকারী আন্তর্জাতিক আইন ব্যক্তিগত অধিকারের সহিত সম্পর্কিত নয়। ইহা আন্তঃরাষ্ট্র সম্পর্কের নির্দেশক। শান্তিকালীন আইন আন্তঃরাষ্ট্র সম্পর্কের ক্ষেত্রে শান্তির সময়ে দূত-বিনিময়, ব্যবসা-বাণিজ্য, সাংস্কৃতিক আদান-প্রদান, কূটনীতিক পরামর্শাদি-সংক্রান্ত আইন সম্বন্ধে নির্দেশ দেয়। যুদ্ধ-আইন যুদ্ধের সময় যে-সকল নিয়ম পালন করা হয়, যথা,—যুদ্ধের সময় নিরস্ত্র শহরের উপর বোমা নিক্ষেপ নিষিদ্ধকরণ আইন, দমদম বুলেট নিষিদ্ধকরণ আইন, বিবাক্ত গ্যাস ব্যবহার নিষিদ্ধকরণ আইন প্রভৃতি আলোচনা করে। নিরপেক্ষতা আইন বলিতে বোঝায় যুদ্ধমান জাতিগুলি সম্পর্কে সম্পূর্ণ নিরপেক্ষতা অবলম্বনের নীতি-সম্পর্কিত বিধি।

সমালোচনা : (১) আন্তর্জাতিক আইনের সমালোচকদের মধ্যে কেহ কেহ ব্যক্তিকেন্দ্রিক আন্তর্জাতিক আইনকে আন্তর্জাতিক আইনের মর্যাদা দিতে চান না। কারণ হিসাবে বলা হয় যে, আন্তর্জাতিক আদালত দ্বারা ব্যক্তিগত আন্তর্জাতিক আইন প্রযুক্ত হয় না। ইহা জাতীয় আদালত দ্বারাই শুধু প্রযুক্ত হয়। কিন্তু ইহা ব্যক্তির অধিকার বিষয়ক হইলেও যেহেতু ইহা দুই বা ততোধিক রাষ্ট্রের নাগরিককে লইয়া কারবার করে সেইজন্য ইহাকে আন্তর্জাতিক আইনের মর্যাদা দিলে অগ্রাঘ্য হইবে না।

(২) আবার সরকারী আন্তর্জাতিক আইনকে তিনভাগে ভাগ করার বিপক্ষেও যুক্তি দেখানো হয়। বলা হয় যে, নিরপেক্ষতার প্রশ্ন শুধু যুদ্ধের সময়ই উদ্ভূত হয়। অতএব ইহাকে যুদ্ধের আইনের মধ্যেই অন্তর্ভুক্ত করা

উচিত। যুদ্ধ-আইনের বিরুদ্ধে আবার এই যুক্তি দেখানো হয় যে, যুদ্ধের আবার আইন কি? যুদ্ধের অর্থই হইল নিয়ম-শৃঙ্খলা ভঙ্গ করা। কিন্তু যুদ্ধেরও একটা বিধি আছে। যুদ্ধ আরম্ভ হইবার পূর্বে যুদ্ধ ঘোষণার (herald) একটা রীতি পুরাকাল হইতেই চলিয়া আসিয়াছে। ইহা ছাড়া আরও আন্তর্জাতিক বিধি আছে যাহা সাধারণতঃ যুদ্ধের সময়ও লঙ্ঘিত হয় না বা হইলে যুদ্ধশেষে তাহার জন্ত শাস্তি পাইতে হয়।

উপসংহারে বলা যায় বর্তমান যুগ আন্তর্জাতিকতাবাদের যুগ। এই যুগে আন্তর্জাতিক বিধি এত আবশ্যক হইয়া পড়িতেছে যে, একটি স্থায়ী আন্তর্জাতিক আইনের বিশেষ প্রয়োজন।

আন্তর্জাতিক আইন কি আইন? (Is International Law a Law?) : রাষ্ট্রবিজ্ঞানীদের মধ্যে অনেকে আন্তর্জাতিক আইনকে আইনের মর্যাদা দিতে চান না। প্রথমতঃ, বিশ্লেষণ-মূলক ব্যাখ্যাহুসারে আন্তর্জাতিক আইনকে আইনের পদবাচ্য করা যায় না। কারণ, এই ব্যাখ্যাহুসারে আইন সার্বভৌমের আদেশ মাত্র। কিন্তু আন্তর্জাতিক আইন কোন সার্বভৌমের আদেশ নহে। আবার ইহাকে বলবৎ করিবার জন্ত কোন নির্দিষ্ট শক্তিও নাহি।

দ্বিতীয়তঃ, রাষ্ট্রীয় আইন ভঙ্গ করিলে আইনানুসারে প্রতিকারের ব্যবস্থা আছে। কিন্তু আন্তর্জাতিক আইনভঙ্গকারী রাষ্ট্রের কোন শাস্তিবিধান হইতে পারে না। কারণ, শাস্তি দিবার মতো কোন সার্বভৌম শক্তি নাই।

তৃতীয়তঃ, আন্তর্জাতিক আইনকে বিভিন্ন রাষ্ট্র বিভিন্ন প্রকারে ব্যাখ্যা করে। ইহার কোন বিশ্বজনীন মতৈক্য পরিলক্ষিত হয় না। কিন্তু রাষ্ট্রীয় আইনের ব্যাখ্যার মধ্যে মতৈক্য থাকিবেই। আইন হিসাবে মর্যাদা পাইতে হইলে এই মতৈক্যের প্রয়োজনকে কেহই অস্বীকার করে না। এই দিক হইতে বিচার করিলে আন্তর্জাতিক আইনকে আইন বলা যায় না।

চতুর্থতঃ, আন্তর্জাতিক আইন সাধারণতঃ যুদ্ধসংক্রান্ত আইন। এই আইন প্রায়শঃই ভঙ্গ করা হয়। অতএব সাধারণতঃ যে আইনকে সকলে মান্য করে না, তাহা আইনের পদবাচ্য হইতে পারে না।

উপরিউক্ত কারণসমূহের জন্ত অস্টিন প্রমুখ বিশ্লেষণী আন্তর্জাতিক আইনবিদগণ আন্তর্জাতিক আইনকে আন্তর্জাতিক নীতিশাস্ত্রের (International Ethics) অন্তর্ভুক্ত করিতে চান। এই প্রসঙ্গে লর্ড সলস্বেরীর উক্তি প্রণিধানযোগ্য। তিনি বলেন : “যে অর্থে আইন শব্দটি সাধারণতঃ ব্যবহৃত

হইয়া থাকে সেই অর্থে আন্তর্জাতিক আইনের কোন অস্তিত্ব নাই।” (“International Law has not any existence in the sense in which the term law is usually used.”) ।

আবার হেনরী মেইন, স্ভাভিগনি প্রমুখ আন্তর্জাতিক আইনবিদ আন্তর্জাতিক আইনকে আইন বলিয়া গণ্য করেন। এই সকল আইনানুগের মতে আইনকে সর্বদাই কোন নির্দিষ্ট আদেশের রূপে গ্রহণ করিতে হয় না। আইনপ্রথাও আচার-ব্যবহারের মধ্যেই গড়িয়া উঠে। সাধারণের সম্মতিকেই তাহারা আইনের ভিত্তি হিসাবে গ্রহণ করিয়াছেন। আরও যুক্তি দেখানো হয় যে, আন্তর্জাতিক আইন ভঙ্গ করা হয় বটে, কিন্তু রাষ্ট্রীয় আইনও যে ভঙ্গ করা হয় না, তাহা নহে। অতএব আইনভঙ্গের জন্য আন্তর্জাতিক আইনকে আইনের মর্যাদা না দিবার কোন যুক্তিসঙ্গত কারণ নাই। এই প্রসঙ্গে গেটেল বলেন যে, আন্তর্জাতিক আইনের যে ক্রটি তাহা যে-কোন প্রকার আইনের প্রথম পর্যায়ে পরিলক্ষিত হয়। বিপ্লববাদীরা এই যুক্তি দেখান যে, আন্তর্জাতিক আইনভঙ্গকারীর কোন শাস্তি হয় না; কিন্তু ইহা ভুল। রাষ্ট্রপুঞ্জের সনদে আন্তর্জাতিক আইনভঙ্গকারী রাষ্ট্রের বিরুদ্ধে ব্যবস্থা গ্রহণের নিয়মাবলী বিধিবদ্ধ হইয়াছে। আইনকে বলবৎ করার জন্য আন্তর্জাতিক সার্বভৌম বলিয়া কিছু নাই বলিয়া যে যুক্তি দেখানো হয় তাহা ভ্রমাত্মক। কারণ, আইন যেমন সমাজদেহ হইতে উদ্ভূত হইয়াছে, আন্তর্জাতিক আইনও তেমনি আন্তঃরাষ্ট্র সম্পর্কের মধ্য হইতে উদ্ভূত হইয়াছে। আন্তর্জাতিক আইনকেও বলবৎ করিবার জন্য বর্তমানে সম্মিলিত জাতিপুঞ্জ তার পুলিশ বাহিনী, আদালত, স্বস্তি পরিষদ ও সাধারণ সভা প্রভৃতি লইয়া এক শক্তি হিসাবেই কাজ করিতেছে যাহা প্রয়োজনবোধে আইন প্রয়োগ করিবার কাজে ব্যবহৃত হয়। অতএব আন্তর্জাতিক আইনকেও আইন হিসাবে গণ্য করা যাইতে পারে।

উপসংহারে বলা যায়, উপরোক্ত দুই মতের সামঞ্জস্য-সাধন সম্ভবপর নয়। কিন্তু ইহাও অনবীকার্য যে আন্তর্জাতিক আইন ধীরে ধীরে আইনের মর্যাদা লাভ করিবার দিকে অগ্রসর হইতেছে (Law in the making) । জাতিসংঘ (League of Nations), স্থায়ী আন্তর্জাতিক বিচারালয় (Permanent International Court Justice), সম্মিলিত জাতিপুঞ্জ (U. N.), আন্তর্জাতিক বিচারালয় (International Court of Justice) প্রভৃতি আন্তর্জাতিক আইনকে বলবৎ করিতে চেষ্টা করিয়াছে। রাষ্ট্রবিজ্ঞানী-

দিগের মধ্যে কেহ কেহ মনে করেন যে, আন্তর্জাতিক আইন নৈতিক বিধি ও প্রকৃত আইনের মধ্যবর্তী স্থান দখল করিয়াছে। হল্যাণ্ডের মতে আন্তর্জাতিক আইন হইল বিধিশাস্ত্রের বিলয় স্থান (Vanishing point of jurisprudence)। কারণ হিসাবে বলা হয় যে একদিকে ইহা নৈতিক বিধির সমষ্টিও নয় আর অপরদিকে ইহা প্রকৃত আইনও নয়।

স্বাভাবিক বা প্রাকৃতিক আইন (Natural Law) : প্রাকৃতিক পরিবেশে বাস করার সময় মানুষ যে সকল আইন মান্ত করিয়া চলিত তাহাদিগকে চুক্তিবাদিগণ প্রাকৃতিক আইন বলিয়া অভিহিত করিয়াছেন। এই আইন সার্বভৌমের আজ্ঞা মাত্র নহে, ইহা প্রচলিত আচার-ব্যবহারও নহে, ইহা ঐশ্বরিক অহুজ্ঞা অথবা সামাজিক প্রকৃতি হইতে উদ্ভূত গ্রায়ের মৌলিক নীতি ছাড়া আর কিছু নয়। ইহা রাষ্ট্রীয়-কর্ত্ত্বের অহুমোদন ছাড়াই আইনরূপে সমাজে প্রচলিত হয়। অতএব ইহাকে রাষ্ট্রের উদ্দেশ্য বলা যাইতে পারে। আবার ইহা রাষ্ট্রের পূর্বতনও বটে। গ্রীক দার্শনিক অ্যারিস্টটল ও প্লেটো প্রাকৃতিক আইনের নজির দেখাইয়া তাঁহাদের অনেক মতবাদ সমর্থনের প্রয়াস পাইয়াছেন। অ্যারিস্টটল মনুষ্যপ্রণীত আইন ও প্রাকৃতিক আইনের মধ্যে পার্থক্যের নির্দেশ দেন। তিনি বিশেষ

বিশেষ আইন ও
বিশ্বজনীন আইন

আইন (Particular Law) এবং বিশ্বজনীন আইন
(Universal Law) এই দুইভাগে আইনকে বিভক্ত

করিয়া শেষোক্ত আইনকে স্বাভাবিক আইন বলিয়া আখ্যায়িত করেন। তাহার মতে মানুষের মধ্যে যে স্বাভাবিক গ্রায়-অগ্রায় বোধ রহিয়াছে এই আইন তাহারই প্রকাশ। গ্রীসের স্টোইক দার্শনিক জেনোর (Zeno) ধারণায় সাম্য ও গ্রায়ের উপর প্রতিষ্ঠিত বিশ্ববিধানে যে কতকগুলি শাস্ত্র নীতি নিহিত রহিয়াছে তাহাদিগকে মানুষ প্রজ্ঞার সাহায্যে উপলব্ধি করে। এই শাস্ত্র নীতিগুলিই প্রাকৃতিক আইন। সিসেরো ও সেনেকা প্রভৃতি রোমক দার্শনিকগণ স্বাভাবিক আইনকে সহজাত, চিরন্তন, অপৌরুষেয় ও অব্যাহ বলিয়া মনে করিতেন। রোমক বিধিশাস্ত্রেও (Roman jurisprudence) এই আইনের সন্ধান পাওয়া যায়। রোমকগণ এই আইনের ভিত্তিতে তাহাদের আন্তর্জাতিক আইন (*Jus gentium*) প্রণয়ন করেন। বর্তমানে ইহাই আন্তর্জাতিক আইন রোমক আইনশাস্ত্র পৌর আইনের (*Jus civile*) সঙ্গে প্রাকৃতিক আইনকেও (*Jus naturale*) স্বীকার করিয়া লইয়াছে। এই

আইন যদিও রোমান বিচারালয়ে প্রযুক্ত হয় নাই কিন্তু বিচারপতিগণ এই আইন দ্বারা যথেষ্টভাবে অনুপ্রাণিত হইয়াছিল। মধ্যযুগে খ্রীষ্টান ধর্মযাজকগণ প্রাকৃতিক বিধানকে ঐশ্বরিক আইন (Law of God) বলিয়া আখ্যায়িত করেন। আবার ধর্মনিরপেক্ষ যুক্তিবাদীরাও (Secular rationalist) যুক্তির ভিত্তিতে স্বাভাবিক আইনকে মানিতে বলেন। মোড়শ, সপ্তদশ ও অষ্টাদশ শতাব্দীতেও প্রাকৃতিক বিধানের অপ্রতিহত প্রভাব পরিলক্ষিত হয়। বোড্যাঁ, হবস্, লক্ ও রুশো প্রাকৃতিক বিধানকে স্বীকার করিয়া লইয়াছেন। বার্কায়ের মতে নির্দিষ্ট আইন ও প্রাকৃতিক আইন উভয়ই প্রতিদ্বন্দ্বীরূপে সমাজে হাজির হইয়াছে। বর্তমানে প্রাকৃতিক আইনকে কেহ বিশ্বাস না করিলেও কতকগুলি অব্যয়, অপরিবর্তনীয় ন্যায়নীতির অস্তিত্বকে স্বীকার করা হয় এবং কেহ কেহ এইগুলিকে রাষ্ট্রিক বলপ্রয়োগে বলবৎ করার প্রয়োজনীয়তা উপলব্ধি করেন। তাঁহারা বলেন, রাষ্ট্রের এইগুলিকে খুঁজিয়া বাহির করার প্রয়োজন নাই, কারণ এইগুলি স্বতঃপ্রকাশিত।

সমালোচনা : সমালোচকগণের মতে স্বাভাবিক আইনকে বলবৎ করার কোন উপায় নাই। তাঁহারা বলেন যে, যখনই স্বাভাবিক আইনের সহিত নির্দিষ্ট আইনের সংঘর্ষ হইয়াছে, তখনই দেখা গিয়াছে যে, নির্দিষ্ট আইনকে বলবৎ করা হইয়াছে। সমালোচকগণের এই যুক্তিকে সম্পূর্ণ স্বীকার করিয়া লওয়া যায় না, কারণ বিপ্লবের সময় ইহার বিপরীতও ঘটিতে দেখা

গিয়াছে। উদাহরণস্বরূপ আমেরিকা ও ফরাসী বিপ্লবের
 ইহা চিরন্তন নয়, স্বতঃপ্রকাশিত অনুশাসনগুলিকে ধরা যাইতে পারে।
 ইহা কল্পনামাত্র

বার্কায়ের কিন্তু এই যুক্তিকে স্বীকার করেন নাই। তিনি বলেন, যে আইন শুধু বিপ্লবের মাধ্যমে কার্যকর হয় তাহাকে প্রকৃত আইনের মর্যাদা দেওয়া যায় না। স্বাভাবিক আইনকে চিরন্তনও বলা যায় না কারণ চিরন্তন বলিয়া কিছু নাই। সমাজ নিজেই যখন গতিশীল তখন সমাজদেহ হইতে উদ্ভূত যে-কোন আইনই গতিশীল হইতে বাধ্য। আবার বলা হয় ইহা কল্পনামাত্র। কিন্তু আজ পর্যন্ত ইহা কার্যকরী হয় নাই বলিয়া ইহা যে কোনদিনও কার্যকরী হইবে না, এমন কথা নিশ্চয় করিয়া বলা যায় না।

আইন কি সমষ্টিগত ইচ্ছার প্রকাশ

(Is Law the Expression of the General Will)

পূর্বে সমষ্টিগত ইচ্ছার সংজ্ঞা ও স্বরূপ সম্বন্ধে আলোচনা হইয়াছে। সুতরাং এখানে তাহার পুনরুল্লেখ না করিয়া শুধু সমষ্টিগত ইচ্ছার সহিত রাষ্ট্রীয় আইনের সম্পর্ক সম্বন্ধে আলোচনা করা হইতেছে। রুশোকে অনুসরণ করিয়া অনেকে আইনকে সমষ্টিগত ইচ্ছার প্রকাশ হিসাবে বর্ণনা করিয়াছেন। রুশোর মতে রাষ্ট্র সাধারণের ইচ্ছায় পরিচালিত হয়, ইহা সর্বাত্মক ও সর্বক্ম। পূর্বেই বলা হইয়াছে, সমষ্টিগত ইচ্ছা হইল সকলের প্রকৃত ইচ্ছার সমন্বয়। আইনের মধ্যেই এই প্রকৃত ইচ্ছা প্রকাশিত হয়।* সার্বভৌম সাধারণের ইচ্ছাকেই আইনের একমাত্র ইচ্ছা হিসাবে ধরা হইয়াছে। এই প্রসঙ্গে ল্যাস্কি বলেন, আইনকে যদি সমষ্টিগত ইচ্ছার প্রকাশ হিসাবে ধরা হয় তাহা হইলে মনে করিতে হইবে সমষ্টিগত ইচ্ছা সর্বদাই কার্য করিতেছে এবং রাষ্ট্র চিরন্তন গণভোট দ্বারা (permanent referendum) পরিচালিত হইতেছে।

সমালোচনা : প্রথমতঃ, চিরন্তন গণভোট দ্বারা পরিচালিত রাষ্ট্র অর্থাৎ প্রত্যক্ষ গণতন্ত্রের দেশে জনসাধারণ তাহাদের ইচ্ছাকে সোজাসুজি ব্যক্ত করিতে পারে। রাষ্ট্রের আইনও গণভোটের মাধ্যমে হয় বলিয়া আইনকে সমষ্টিগত ইচ্ছার প্রকাশ হিসাবে ধরা যাইতে পারে। কিন্তু ক্ষুদ্রাক্রান্ত রাষ্ট্রের পক্ষেই একমাত্র এই উপায়ে আইন প্রণয়ন করা সম্ভব। সুতরাং ইহা বর্তমানের শাসন-ব্যবস্থায় অচল।

দ্বিতীয়তঃ, বর্তমানকালে সার্বভৌম সমষ্টিগত ইচ্ছার প্রকাশ সম্বন্ধে ধারণা করিতে হয় প্রতিনিধিত্বের মাধ্যমে। এই প্রসঙ্গে বার্কায়ের মন্তব্যটি উল্লেখযোগ্য। তিনি বলেন যে, জনসাধারণের প্রতিনিধিবর্গ সংবিধানপ্রদত্ত ক্ষমতাবলে এবং আইনসভার সংখ্যাগরিষ্ঠদল হিসাবে আইন প্রণয়নও অনুমোদন করে। সুতরাং আইনকে সংখ্যাগরিষ্ঠের ইচ্ছার প্রকাশ বলা যাইতে পারে। কিন্তু, ইহা সর্বসাধারণের ইচ্ছার প্রকাশ কখনই হইতে পারে না। সংখ্যালঘিষ্ঠের মত ইহাতে কখনও প্রকাশিত হয় না। সমালোচকগণ আরও বলেন যে, রুশোর এই মতবাদকে অনুসরণ করিয়া আদর্শবাদ শ্রায় ও গণতন্ত্রের নামে রাষ্ট্রে স্বৈরাচারিতা প্রতিষ্ঠা করে।

তৃতীয়তঃ, রুশো সাধারণের ইচ্ছা বলিতে সাধারণের স্বার্থের অমুপহী ইচ্ছাকেই কল্পনা করিয়াছিলেন। কিন্তু প্রকৃতপক্ষে দেখা যায় আইন প্রণীত হয় সমাজের অধিকারী শ্রেণীর স্বার্থসাধনের জ্ঞ। এই প্রসঙ্গে ল্যাক্সির বক্তব্য বিশেষ উল্লেখযোগ্য। তিনি বলেন, “আইন হইল মানুষের আচরণ নিয়ন্ত্রণকারী কতকগুলি নিয়মকামুন যাহা সমাজের প্রচলিত শ্রেণীবিভাসের উদ্দেশ্যকে কার্যকরী করে এবং প্রয়োজনবোধে রাষ্ট্রশক্তি দ্বারা বলবৎ করা হয়” (“Law is those rules of behaviour which secure the purposes of the society’s class structure and will be, if necessary enforced by the coercive power of the State”) । কিন্তু রুশো যে আইনের কথা উল্লেখ করিয়াছেন তাহা শুধু শ্রেণীহীন, দ্বন্দ্বহীন সাম্যের সমাজেই প্রণীত হইতে পারে।

উপসংহারে বলা যায়, আদর্শবাদের ভিত্তিতে আইনকে সার্বভৌম সাধারণের ইচ্ছার প্রকাশ হিসাবে গণ্য করা যাঠিতে পারে; কিন্তু, বাস্তব প্রয়োগক্ষেত্রে আইনকে সার্বভৌম সাধারণের ইচ্ছার প্রকাশ হিসাবে গণ্য করা যায় না। অবশ্য সমষ্টিগত ইচ্ছার অর্থ যদি জনমত হয় তাহা হইলে জনমতের বিরোধী কোন আইনকেই জবরদস্তি চাপাইয়া দেওয়া যায় না। আইন জনমতের পরিপন্থী হইলে জনগণ তাহা মান্ত করিতে চায় না। তাই একনায়কত্বের দেশেও জনমতকে দিয়া আইনকে স্বীকার করাইয়া লইবার প্রচেষ্টা হয়। পরিশেষে ল্যাক্সির ভাষায় বলা যায় : “আইনগত সার্বভৌম প্রণীত আইন লোকে প্রায় সকল ক্ষেত্রেই মান্ত করিয়া লইলেও ইতিহাসে এমন দৃষ্টান্ত বিরল নহে যে জনসাধারণ বহু দৃঃখ বরণ করিয়া, এমন কি প্রাণ দিয়াও আইনের বিরোধিতা করিয়াছে”।

লোকে আইন মান্ত করে কেন ? (Why people obey Law ?) : আইনের প্রতি আহুগতা সন্থকে বিভিন্ন মতবাদ প্রচলিত আছে। ব্রাইস বলেন যে, মানুষ বিভিন্ন কারণবশতঃ আইন মান্ত করে। এই কারণগুলিকে নিম্নলিখিত পাঁচভাগে ভাগ করা যায় ;

(১) **নির্লিপ্ততা (Indolence) :** ইহার অর্থ জনসাধারণ সাধারণতঃ রাষ্ট্রনৈতিক ব্যাপারে মাথা ঘামাইতে চাহে না, তাই আইন প্রণয়ন ও ইহার প্রয়োগ সন্থকে কিছু চিন্তা না করিয়াই তাহাকে মান্ত করে।

(২) **প্রজ্ঞাভক্তি (Deference) :** রাষ্ট্র-নেতাগণ ইহার আইন

প্রণয়ন করেন তাঁহাদের প্রতি শ্রদ্ধা ভক্তি বশতঃ লোকে আইন মান্ত করে।

(৩) **সহানুভূতি (Sympathy)** : দেশের অধিকাংশ লোক যদি কোন আইনকে মান্ত করে তাহা হইলে অপরাপর সকলেই তাহাদের আচরণের প্রতি সহানুভূতি দেখানোর জন্ত আইনকে মান্ত করিয়া চলে।

(৪) **দণ্ডভয় (Fear)** : সমাজবিরোধী কাজে লিপ্ত মানুষকে দিয়া আইন মান্ত করানোর জন্ত সার্বভৌম শাস্তির ব্যবস্থা করেন। এই শাস্তির (Punishment) ভয়েও লোকে আইন মান্ত করে। কিন্তু শুধু বল-প্রয়োগের দ্বারাই বা শাস্তির ভয় দেখাইয়া এবং ভীতি ও সন্ত্রাসের রাজত্ব স্থিতি দ্বারা আইনকে সর্বদা মান্ত করানো যায় না। যে-আইন জনমত-বিরোধী সেই আইনকে কেহ মান্ত করিতে চায় না। এই প্রসঙ্গে গ্রীণ বলেন : “জনগণের সম্মতিই রাষ্ট্রের ভিত্তি, পাশবিক বল নহে” “(Will, not force, is the basis of the State)”।

(৫) **উপযোগিতার উপলব্ধি (Reason)** : স্থার হেনরী মেইনের মতে মানুষ দণ্ডের ভয় এবং উপযোগিতার উপলব্ধি উভয় কারণেই আইন মান্ত করে। বর্তমানে বিজ্ঞানের অগ্রগতির ফলে মানুষ দিন দিনই আইনকে মান্ত করিবার উপযোগিতার উপলব্ধি করিতে পারিতেছে।

উপসংহারে বলা যায়, উপরিউক্ত কারণগুলির গুরুত্বকে অস্বীকার করা যায় না। আবার কেহ কেহ নির্লিপ্ততা, শ্রদ্ধাভক্তি ও সহানুভূতিকে একযোগে **অনুকরণপ্রিয়তা (Imitation)** বলিয়া অভিহিত করেন। এই প্রসঙ্গে ব্রাইস বলেন যে, মানুষ অনুকরণপ্রিয় এবং তাহাদের অনুকরণপ্রিয়তার জন্তই তাহারা প্রায় সকল ক্ষেত্রে আইন মান্ত করে। পরিশেষে রুশোকে অনুসরণ করিয়া বলা যায়, দার্শনিকভাবে দেখিতে গেলে আইন সমাজমঙ্গলের (common good) প্রতীক। সমাজমঙ্গল আবার জনসাধারণের সম্মিলিত শুভ ইচ্ছারই প্রকাশ মাত্র। অতএব মানুষ সমাজমঙ্গলের তথা নিজের মঙ্গলের জন্তই আইন মান্ত করে। আইন মান্ত না করিলে সমাজে যে অরাজকতা দেখা দিবে তাহাতে সকলেরই অমঙ্গল হইবে।

আইন ও নৈতিক বিধি (Law and Morality) : ইতিপূর্বে আমরা দেখিয়াছি রাষ্ট্রবিজ্ঞান নীতিশাস্ত্রের সহিত গভীরভাবে সম্পর্কিত।* আইন

রাষ্ট্রবিজ্ঞানের অন্তর্ভুক্ত একটি বিষয়। রাষ্ট্রের ইচ্ছা আইনের মধ্যেই প্রকাশিত হয় এবং রাষ্ট্রের উদ্দেশ্য আইনের মাধ্যমেই কার্যকরী হয়। আইন সমাজ-জীবনকে নিয়ন্ত্রিত করে। আবার নৈতিক বিশ্বাস নৈতিক আইনের রূপে সমাজজীবনকে নিয়ন্ত্রিত করে। আইনের সহিত নৈতিক আইনের সম্পর্ক অতিশয় গভীর। এইজন্য প্রাচীন গ্রীক দার্শনিকেরা ইহাদের মধ্যে কোন পার্থক্য করিতেন না। ষোড়শ শতাব্দীর অগ্রতম শ্রেষ্ঠ দার্শনিক মেকিয়াভেলি সর্বপ্রথম রাষ্ট্রনীতিকে নীতিশাস্ত্র হইতে পৃথক করিলেন। তারপরে হব্‌স্, লক্ ও রুশো প্রভৃতি দার্শনিক রাষ্ট্রবিজ্ঞানকে একটি স্বতন্ত্র শাস্ত্র হিসাবে রূপ দান করেন। বর্তমানে রাষ্ট্রবিজ্ঞান স্বতন্ত্র শাস্ত্রের মর্যাদা লাভ করায় রাষ্ট্রনৈতিক আইন ও নৈতিক আইনের মধ্যে গভীর পার্থক্যের নির্দেশ করা হয়। এই পার্থক্যগুলি নিম্নে দেওয়া গেল :

প্রথমতঃ, রাষ্ট্রনৈতিক আইন শুধু মানুষের বহির্জীবন নিয়ন্ত্রণ করে। আর নৈতিক আইন মানুষের সমগ্র জীবনকে—তাহার চিন্তা, অহুভূতি, কার্যকলাপের উদ্দেশ্য ও বাস্তব কার্যকলাপকে নিয়ন্ত্রণ করে। মানুষের চিন্তাশক্তিই নীতি-শাস্ত্রের উদ্দেশ্য। বিশ্বাস করা হয় যে, চিন্তাশক্তি হইলেই মানুষ চিন্তায় ও আচরণে উন্নত হইবে। ফলে সমাজজীবনও মঙ্গলময় হইবে। এককথায় নৈতিক বিধি মানুষের বাহ্যিক ও মনের চিন্তা উভয়কেই নিয়ন্ত্রণ করিতে চেষ্টা করে। অতএব, রাষ্ট্রনৈতিক আইনের ক্ষেত্র হইতে নৈতিক আইনের ক্ষেত্র ব্যাপকতর।

দ্বিতীয়তঃ, রাষ্ট্রনৈতিক আইন বলপ্রয়োগে বলবৎ করা হয় ; কিন্তু নৈতিক আইন বিবেকদংশনে ও লোকনিন্দার ভয়ে কার্যকরী হয়। নৈতিক অপরাধ যেমন রাষ্ট্রকর্তৃক দণ্ডনীয় নয় তেমনি আবার নৈতিক অপরাধকে নীতিশাস্ত্র কখনই সমর্থন করে না। কিন্তু নৈতিক অপরাধ দ্বারা যতক্ষণ না কাহারও ক্ষতি হয় ততক্ষণ ইহা আইনের এজিয়ার-বহির্ভূত।

তৃতীয়তঃ, রাষ্ট্রপ্রবর্তিত আইনগুলি স্পষ্ট এবং ব্যক্তি-নির্বিচারে সকল সময়ে প্রযোজন। কিন্তু নৈতিক নিয়মগুলি স্পষ্ট নয় এবং সকল সময়ে প্রযোজ্যও নয়। দেশ-কাল-পাত্রভেদে এইগুলি সম্বন্ধে মানুষের ধারণার পরিবর্তন ঘটে। উদাহরণস্বরূপ বলা যায়, এক সময়ে ভারতবর্ষে বাল্য-বিবাহকে জুনিতি বলিয়া গণ্য করা হইত, কিন্তু বর্তমানে অধিকাংশের ধারণাই ইহার বিপরীত।

চতুর্থতঃ, নীতিশাস্ত্রের নীতি ওচিতি-অনৌচিতি বিচার করে এবং ইহা শ্রায়ভিত্তিক। আর রাষ্ট্রের নীতি শ্রায়-অশ্রায়ের ভিত্তিতে নির্ধারিত হয় না ; ইহা রাষ্ট্রের সুবিধার দ্বারাই নির্ধারিত হয়।

পরিশেষে বলা যায় যে, উভয়ের ক্ষেত্রও বিভিন্ন। অকৃতজ্ঞতা, মিথ্যাকথন প্রভৃতি নৈতিক অপরাধগুলি রাষ্ট্রীয় আইন দ্বারা দণ্ডনীয় নয়। আবার রাজিকালে বাতি না জালিয়া মোটর-গাড়ী চালনা করা নৈতিক অপরাধ নয় কিন্তু রাষ্ট্রীয় আইন দ্বারা দণ্ডনীয়। আবার ইহাও দেখা যায় যে, জনস্বার্থ সংরক্ষণের জন্ত এবং রাষ্ট্রের অস্তিত্ব রক্ষাকল্পে রাষ্ট্র অনেক সময় নীতিবিগর্হিত আইনও প্রণয়ন করে ("The safety of the State is its first law and to realise this end it must be above morality.")। কিন্তু এই

আইন সাময়িক-
ভাবে নীতি-
বিগর্হিত হইলেও
পরিণেয়ে নীতি-
সম্মত হয়

মতবাদকে সকলে স্বীকার করেন না। ব্যক্তির শ্রায় রাষ্ট্রেরও স্বাধীনতা, অধিকার ও অস্তিত্ব আছে বটে, কিন্তু রাষ্ট্রকে অবাধ ক্ষমতার অধিকারী বলিয়া স্বীকার করা যায় না। রাষ্ট্রের অস্তিত্ব রক্ষা করিবার জন্ত রাষ্ট্র

সাময়িকভাবে নীতিজ্ঞানবিরোধী আইন প্রবর্তন করিতে পারে এই যুক্তিতে যে, ব্যক্তি-স্বাধীনতার রক্ষক হইল রাষ্ট্র। রাষ্ট্রের অস্তিত্ব বিপন্ন হইলে ব্যক্তি-স্বাধীনতাও বিপন্ন হইবে। এই কারণে বৈদেশিকদের দ্বারা রাষ্ট্র আক্রান্ত হইলে বা অন্তর্বিপ্লব দেখা দিলে রাষ্ট্রকে অনেক সময় নীতিজ্ঞানবিরোধী আইন প্রণয়ন করিয়া রাষ্ট্রের অস্তিত্ব রক্ষা করিতে হয়। কিন্তু স্বাভাবিক অবস্থায় কলেজকে আস্তাবলে পরিণত করিবার মতো নীতিজ্ঞানবিরোধী আইনের মতো আইন প্রণয়ন ও বলবৎ করিতে দিবার অর্থ স্বৈরাচারী রাষ্ট্রের যুগকাষ্ঠে ব্যক্তি-স্বাধীনতা ও শ্রায়নীতিকে বলি দেওয়া।

কিন্তু আইন ও নৈতিক বিধানের মধ্যে যথেষ্ট পার্থক্য থাকা সত্ত্বেও দেখা যায় উভয়ের মধ্যে সম্পর্ক অতিশয় ঘনিষ্ঠ। উভয়ের ভিত্তি জনমত। আবার বিবাহবিচ্ছেদ, বাল্যবিবাহ নিরোধ, সতীদাহ প্রথা নিবারণী আইন যেমন ধীরে ধীরে জনমতকে পরিবর্তন করিয়া মাহুমের নৈতিক জ্ঞানের সংস্কার সাধন করিয়াছে, তেমনি আবার রাষ্ট্রের আইন ও আদর্শ নীতিভিত্তিক না হইলে রাষ্ট্রের ধ্বংসকে অনিবার্য করিয়া তোলে।

আইন, রাষ্ট্রকর্তৃত্ব, জনমত ও অধিকার (Law, Authority, Public Opinion and Rights)

রাষ্ট্রকর্তৃত্ব বলিতে বোঝায় তাঁহাদের কর্তৃত্ব যাঁহাদের হস্তে রাষ্ট্রের শাসনভার রহিয়াছে। রাষ্ট্রকর্তৃত্বের আইনবিভাগ অর্থাৎ বিধানমণ্ডলীর সদস্যগণ আইন প্রণয়ন করেন। আবার এই বিধানমণ্ডলীর সদস্যগণের মধ্য হইতে গণতান্ত্রিক রাষ্ট্রে যে মন্ত্রিমণ্ডলী গঠিত হয় তাঁহারা রাষ্ট্র শাসন করেন। অতএব গণতান্ত্রিক রাষ্ট্রের বিধানমণ্ডলীর সদস্য হিসাবে আইনকে নিয়ন্ত্রণ করার অধিকারও রহিয়াছে শাসকদের হস্তে। রাষ্ট্রকর্তৃত্বের বিচারবিভাগের বিচারপতিগণও বিচার-মীমাংসার মাধ্যমে আইনের ব্যাখ্যার মধ্য দিয়া আইনের উপর কর্তৃত্ব করার ক্ষমতা রাখে। আবার রাষ্ট্রকে যদি শ্রেণীস্বার্থের যন্ত্র হিসাবে ধরা হয় তাহা হইলে সমাজের যে অধিকারী শ্রেণীর হস্তে শাসনভার অর্পিত থাকে তাহারা তাহাদের স্বার্থানুকূলে আইনকে নিয়ন্ত্রণ করে। সুতরাং দেখা যায় আইন আর রাষ্ট্রকর্তৃত্ব অত্যন্ত ঘনিষ্ঠভাবে সম্পর্কিত।

কিন্তু বর্তমানে ইহা প্রায় সর্বস্বীকৃত যে, জনমতকে উপেক্ষা করিয়া কেহই রাষ্ট্রকর্তৃত্ব বজায় রাখিতে পারে না বা আইনকে বলবৎ করিতে পারে না। গণতান্ত্রিক রাষ্ট্রে নির্বাচিত বিধানমণ্ডলীর সদস্যগণ জনমত উপেক্ষা করিয়া আইন প্রণয়ন করিলে তাঁহাদের পুনর্নির্বাচনের সম্ভাবনা কমিয়া যায়। ফলে পরোক্ষভাবে জনমত দ্বারাই আইন নিয়ন্ত্রিত হয়। আবার অনেক সময় দেখা যায় প্রস্তাবিত আইনের খসড়া প্রতিনিধিমূলক প্রতিষ্ঠানের নিকট প্রেরণ করিয়া জনমত সংগ্রহ করিয়া আইনকে জনমতের সঙ্গে সূক্ষ্মজস করা হয়। সরকারী গেজেটে খসড়া আইনকে প্রকাশিত করিয়া জনগণের মতামত সংগ্রহ করিতেও দেখা যায়। জনমতকে উপেক্ষা করিয়া আইন প্রণীত হইলে লোকে আইনকে মান্ত করিতে চায় না। এমন কি অন্তর্বিগ্নবও সংঘটিত হয়। কিন্তু আরার ইহাও স্মরণ রাখা প্রয়োজন যে, অনেক সময় রাষ্ট্রের প্রয়োজনে এবং ইহার অস্তিত্বকে বজায় রাখার জন্ত জনমতকে উপেক্ষা করিয়াই আইন প্রণয়ন করা হয়। সাধারণতঃ যুদ্ধকালীন আইনগুলি এই প্রকৃতির হইয়া থাকে। অবশ্য শান্তির সময়েও কখনও কখনও এই প্রকৃতির আইন প্রণীত হইয়া থাকে।

আইনকে অধিকারের উৎস বলিয়া আখ্যায়িত করা হয়। আইন

জনগণের অধিকারের সংজ্ঞা ও সীমা নির্দেশ করে। বর্তমানে নাগরিক কি কি অধিকার পাইবে তাহা আইনই স্থির করিয়া দেয়। আবার অধিকার ভঙ্গ হইলে আইনই তাহা পুনঃপ্রতিষ্ঠা করার ব্যবস্থা করে। রাষ্ট্রকর্তৃত্ব যেহেতু আইনকে বলবৎ করে সেইহেতু বলা যায় আইন শুধু অধিকারের উৎস নহে; আইনের উপরই অধিকার নির্ভরশীল। অধ্যাপক ল্যান্ডি অবশ্য আর একটি নূতন মত পোষণ করেন। তাহা হইল, “সংক্ষেপে, রাষ্ট্র অধিকারগুলি সৃষ্টি করে না; রাষ্ট্র শুধু অধিকারগুলির স্বীকৃতি দেয়। কোন এক সময়ে রাষ্ট্র যে সকল অধিকারগুলি স্বীকার করে তাহার দ্বারাই রাষ্ট্রচরিত্র ~~সুইভাবে~~ বৃদ্ধিতে পারা যায়” (“The State, briefly, does not create, but recognises rights, and its character will be apparent from the rights that at any given period, receive recognition”)। মার্কসবাদিগণ মনে করেন আইন ও অধিকার উভয়ই শ্রেণীস্বার্থের প্রকাশ। এই ধারণাহুসারে শাসকশ্রেণী তাঁহাদের শ্রেণীস্বার্থের অহুকূলে আইন প্রণয়ন করেন এবং শ্রেণীস্বার্থ অহুসারে অধিকারের স্বীকৃতি দিয়া থাকেন। আবার ভাববাদী দার্শনিকেরা বলেন যে, সমাজের সর্বোচ্চ নীতি ও স্বাতন্ত্র্য নির্ভর করে আইন ও অধিকারের উপর।

পরিশেষে বলা যায় আইন অধিকার স্বীকার করে। আবার আইন-স্বীকৃত অধিকারকে আইনই বলবৎ করে। আইন বিভিন্ন ব্যক্তির অধিকার সৃষ্টি করিয়া প্রত্যেক ব্যক্তির পথনির্দেশ দেয় এবং যাহাতে নাগরিকদিগের মধ্যে সংঘর্ষ না বাধে তাহার ব্যবস্থা করে। রাষ্ট্রের মৌলিক উদ্দেশ্য হইল মানুষের মধ্যে যে অন্তর্নিহিত শক্তিগুলি আছে তাহার বিকাশের পথ সুগম করিয়া তোলা। মানুষের অধিকারগুলিকে প্রতিষ্ঠিত করিয়া আইন রাষ্ট্রের এই আদর্শকে সাফল্যমণ্ডিত করে এবং সমাজকে কল্যাণের পথে অগ্রসর হইতে সাহায্য করে।

রাষ্ট্রকর্তৃত্ব, জনমত ও অধিকার ঘনিষ্ঠভাবে সম্পর্কিত। রাষ্ট্রকর্তৃত্বের উপর নির্ভর করে অধিকার ও আইন। আবার জনমতের উপর যদি রাষ্ট্রকর্তৃত্ব ও আইন প্রতিষ্ঠিত না হয় তাহা হইলে অচিরেই রাষ্ট্র ধ্বংসপ্রাপ্ত হইবে। এই জনমত আবার জনগণের অধিকারের সহিত ওতপ্রোতভাবে জড়িত। জনমতই জনগণের অধিকার আদায় করে এবং জনমতই জনগণের অধিকারকে রাষ্ট্রকর্তৃত্বের মাধ্যমে বলবৎ করে। জনগণের অধিকার যদি

স্বীকৃত না হয় তাহা হইলে জনমত বিদ্রোহী হইয়া উঠে। অতএব রাষ্ট্রে চরিত্র নির্ভর করে উপরিউক্ত এই তিনটি বিষয়ের উপর।

অগ্ৰাণ্য কয়েকটি আইন : (১) ইংলণ্ডের প্রথাগত আইন (Common Law) : এই আইন সমাজদেহ হইতে উদ্ভূত। কিন্তু সার্বভৌম এই আইনকে স্বীকৃতি দিয়া ইহাকে আইনের মর্যাদা দিয়াছে। হেনরী মেইন বলেন যে, ইংলণ্ডের এই চিরাচরিত প্রথাগত আইনগুলি ইতিহাসের ফল। ইহা সার্বভৌমের আজ্ঞা নহে।

(২) হুকুম আইন (Ordinance) : হুকুম আইন বলিয়া যে আইন প্রচলিত আছে তাহা শাসনযন্ত্রের সর্বোচ্চ ক্ষমতাধিকারী প্রণয়ন করেন। ভারতে রাষ্ট্রপতি ও রাজ্যের রাজ্যপাল এই ক্ষমতাবলে যে আইন প্রণয়ন করেন তাহাকে হুকুম আইন বলা হয়।

সারসংক্ষেপ

নিম্নব্যবস্থার মতো মনুষ্যসমাজও নিয়মাধীন। মানবসমাজ যেমন গতিশীল আইনকেও তেমনি গতিশীল হইতে হয়। নীতিসম্বন্ধীয় নিয়মাবলীকে বলে নৈতিক আইন। রাষ্ট্রসম্বন্ধীয় নিয়মাবলীকে বলে আইন। আইনের অর্থ নিয়ন্ত্রণ। আইন মানুষের অধিকার ও কর্তব্যের নির্দেশ দিয়া রাষ্ট্রান্তর্গত মানুষের অভ্যুত্থানের সুযোগ সৃষ্টি করে। রাষ্ট্রশক্তি আইনকে বলবৎ করে।

বিভিন্ন রাষ্ট্রবিজ্ঞানী আইনের বিভিন্ন সংজ্ঞা দিয়াছেন। (১) বিশ্লেষণপন্থীরা বলেন আইন সার্বভৌমের আদেশ। (২) ঐতিহাসিকগণ বলেন আইন ইতিহাসের ফল। (৩) সমাজ-বিজ্ঞানীগণ বলেন আইন সমাজদেহ হইতে উদ্ভূত ও সমাজ-বিবর্তনের ফল। (৪) দার্শনিকগণ বলেন আইন আদর্শের প্রকাশ। (৫) মার্কসীয় ধারণায় আইন শ্রেণীস্বার্থের রাষ্ট্রিক প্রকাশ। (৬) হেগেলের মতে আইন সর্বোচ্চ নীতির প্রতীক।

আইনের উৎস হিসাবে গৃহীত হইয়াছে, (১) প্রথা, (২) ধর্ম, (৩) বিচার-নীতিমাংসা, (৪) বৈজ্ঞানিক আলোচনা, (৫) স্থায়ন্যতা ও (৬) আইন প্রণয়ন।

রাষ্ট্রনৈতিক আইনকে কয়েকটি শ্রেণিতে বিভক্ত করা হইয়াছে; যথা,—জাতীয় আইন, সরকারী আইন, ব্যক্তিকেন্দ্রিক আইন, শাসনতান্ত্রিক আইন, শাসনসংক্রান্ত আইন ও কোর্টদারী আইন, আন্তর্জাতিক আইন (সরকারী ও ব্যক্তিকেন্দ্রিক)।

স্বাভাবিক আইন হইল সাম্য ও স্থায়্যভিত্তিক।

ক্লেশ প্রমুখ অনেকে আইনকে সমষ্টিগত ইচ্ছার প্রকাশ হিসাবে বর্ণনা করেন। কিন্তু বর্তমানের বিরাট রাষ্ট্র-সমষ্টিগত ইচ্ছা প্রকাশের যে সকল পদ্ধতি আছে তাহার, বিচারে আইনকে সমষ্টিগত ইচ্ছার প্রকাশ হিসাবে গণ্য করা যায় না।

আন্তর্জাতিক সার্বভৌম বলিয়া কিছু নাই বলিয়া আন্তর্জাতিক আইনকে অনেক আইনের মর্যাদা দিতে চান না। কিন্তু বর্তমানে আন্তর্জাতিক আইন আইনের মর্যাদা লাভ করিবার দিকে দিন দিনই অগ্রসর হইতেছে।

আইনের সহিত রাষ্ট্রকর্তৃত্ব, অনন্যত ও অধিকার বিশেষভাবে সম্পর্কিত।

প্রশ্নাবলী

1. Discuss the nature and sanction of Law. How far is it correct to use such expression as the 'Natural Laws', 'Laws of Morality' and 'International Laws'?

[C. U. 1950, '58] (২৮০-২৯৩, ২৯৭-৩০২ এবং ৩০৫-৩০৭ পৃষ্ঠা)

2. Distinguish between the spheres of Law and Morality ~~and know~~ the relation that exists between them.

[C. U. 1957] (৩০৫-৩০৭ পৃষ্ঠা)

3. How far do you agree with the view that Law is an expression of the General Will of the Community?

[C. U. 1955] (৩০৩-৩০৫ পৃষ্ঠা)

4. "The safety of the State is its first law and to realise this end it must be above morality." Comment. (৩০৩-৩০৫ পৃষ্ঠা)

5. Discuss the nature and sanction of Law. Can International Law be regarded as Law in the strict sense of the term? Give reasons for your answer.

[C. U. 1959] (২৮০-২৯৩ এবং ২৯৭-৩০২ পৃষ্ঠা)

6. Discuss the nature of Law with special reference to its relation to morality.

৭. [C. U. 1959] (২৮০-২৯৩ এবং ৩০৫-৩০৭ পৃষ্ঠা)

অতিরিক্ত পাঠ্য

Mac Iver—The Modern State, Ch. VIII.

Sidgwick, H—Elements of Political Science, Ch. XIII.

Dicey—Law and Public Opinion, Lecture. I

দশম অধ্যায়

নাগরিকতা

(Citizenship)

নাগরিকতার সংজ্ঞা (Definition of Citizenship) : ‘নাগরিক’

বলিতে সাধারণতঃ বোঝায় নগরবাসী বা শহরের বাসিন্দা। কলিকাতা, বোম্বাই ও মাদ্রাজ শহরে যাহারা বাস করে তাহাদের এই সকল শহরের নাগরিক বলা হয়। কিন্তু রাষ্ট্রবিজ্ঞানে নাগরিক শব্দের একটি বিশিষ্ট অর্থ আছে। রাষ্ট্রবিজ্ঞানে নাগরিক শব্দের অর্থ—“রাষ্ট্রসংস্থার সদস্য”। রাষ্ট্রবিজ্ঞানে

ব্যবহৃত নাগরিক শব্দটির প্রকৃত অর্থ নির্ধারণ করা
নাগরিকের সংজ্ঞা

হইলে প্রাচীন গ্রীক দার্শনিকদের মতামত এখানে উল্লেখ করা প্রয়োজন, কারণ গ্রীকদিগের নগর-রাষ্ট্রের আলোচনায় এই ‘নাগরিক’ শব্দটি ব্যবহৃত হইয়াছিল। ‘নাগরিক’ শব্দটি সেই উত্তরাধিকার আজ পর্যন্ত বহন করিতেছে। প্রাচীন গ্রীসের ক্ষুদ্র ক্ষুদ্র নগর-রাষ্ট্রের অধিবাসীদের মধ্যে যাহাদের প্রত্যক্ষ ও সক্রিয়ভাবে রাষ্ট্রনৈতিক কার্যকলাপে যোগদান করিবার যোগ্যতা ও অপর্যাপ্ত সময় ছিল তাহাদিগকেই নাগরিক বলিয়া অভিহিত করা হইত। সমাজের অবশিষ্টাংশ মানুষ, ক্রীতদাস প্রভৃতিতে নাগরিক বলা হইত না। কারণ এই সকল পরনির্ভরশীল অধিবাসীদের সমাজের অপরিহার্য অঙ্গ বলিয়া গণ্য করা হইত না।

বর্তমানে নাগরিকের এই ধারণার অনেক পরিবর্তন হইয়াছে। বর্তমানে বিশাল রাষ্ট্রে যাহারা স্থায়ীভাবে বসবাস করে এবং রাষ্ট্রের প্রতি আনুগত্য প্রদর্শন করে তাহারাই নাগরিক। বর্তমানে নাগরিক রাষ্ট্রের নিকট হইতে কতকগুলি সুযোগ-সুবিধা ভোগ করে। আবার বর্তমান রাষ্ট্র নাগরিকদের নিকট হইতে সক্রিয়ভাবে কোন কর্তব্যপালনের দাবি করে না বটে, কিন্তু নাগরিককে রাষ্ট্রের এক অবিচ্ছেদ্য অংশ হিসাবে রাষ্ট্রের সামগ্রিক উন্নতিতে সর্বদা ক্রিয়াশীল থাকিতে হয়। নাগরিকের যে প্রতিভা ও বুদ্ধি আছে তাহা

সর্বসাধারণের কল্যাণে নিয়োগ করিয়া সমাজের সামগ্রিক
নাগরিকতার
সংজ্ঞা উন্নতির মাধ্যমে নিজের জীবনকে উন্নততর পর্যায়ে

উন্নীত করা বিধেয় বলিয়া মনে করা হয়। এই প্রসঙ্গে
ল্যাক্সার উক্তি প্রণিধানযোগ্য। তিনি বলেন : নাগরিকতার অর্থ হইল

“সাধারণের হিতার্থে ব্যক্তির শিকার দ্বারা মার্জিত বুদ্ধির প্রয়োগ।”
নাগরিকতার অর্থ হইল ব্যক্তির মধ্যে কতকগুলি গুণের সমাবেশ। আবার শুধু এই গুণের সমাবেশ হইলেই চলিবে না, সেই গুণি ব্যক্তিকে ব্যক্তিষার্থের উদ্দেশ্যে রাষ্ট্রের মাধ্যমে সমষ্টিগত স্বার্থের জন্ত তাহার গুণাবলীকে প্রয়োগ করিতে হইবে।

বর্তমান রাষ্ট্রেও দেখা যায় রাষ্ট্রের সমগ্র অধিবাসীই নাগরিকের মর্যাদা লাভ করে না। বর্তমানে রাষ্ট্রের অধিবাসীকে সাধারণতঃ তিন শ্রেণীতে বিভক্ত করা হয়; যথা,—(১) নাগরিক, (২) অসম্পূর্ণ নাগরিক এবং (৩) বিদেশী।

(১) নাগরিক (Citizen) : নাগরিকের সংজ্ঞা পূর্বেই আলোচিত হওয়ায় এখানে তাহার পুনরুল্লেখ নিম্নয়োজন। তবে নাগরিকের সঙ্গে রাষ্ট্রের সম্পর্ক সম্বন্ধে দুই একটি কথা এখানে উল্লেখ করা প্রয়োজন। নাগরিক (১) সভ্যমাহুষ হিসাবে বাঁচিবার অধিকার, (খ) রাষ্ট্রীয় নির্বাচনে ভোট দিবার অধিকার; (গ) নির্বাচনে প্রার্থী হিসাবে প্রতিদ্বন্দ্বিতা করিবার অধিকার এবং (ঘ) নির্বাচনমূলক পদ অধিকার করার সুযোগের অধিকার প্রভৃতি ভোগ করে। এই অধিকারগুলির মধ্যে প্রথমটি হইল নাগরিকের অধিকার আর অবশিষ্টাংশগুলি রাষ্ট্রনৈতিক অধিকার। নাগরিক রাষ্ট্রের প্রতি আহুগত্য জানায় এবং নির্দিষ্ট দায়দায়িত্ব পালন করে।

(২) সম্পূর্ণ নাগরিক ও অসম্পূর্ণ নাগরিক (Citizen and National) : রাষ্ট্রে নাগরিক ছাড়াও আরও একপ্রকার লোকের সন্ধান পাওয়া যায় যাহারা নাগরিকের মতোই রাষ্ট্রের প্রতি আহুগত্য স্বীকার করে এবং রাষ্ট্রের আইনকাহ্ন মানিয়া চলে তথাপি তাহারা নাগরিকের মতো সকল রাষ্ট্রনৈতিক অধিকার ভোগ করে না। উদাহরণস্বরূপ বলা যায়, একুশ বৎসর বয়স্ক না হইলে ভারতবর্ষের কোন স্ত্রী-পুরুষেরই ভোটাধিকার জন্মে না। এই ভোটদানের ক্ষমতাই হইল নাগরিকত্বপ্রাপ্তির একটি শর্ত। আবার যাহারা দেউলিয়া, উন্মাদ এবং আইনভঙ্গকারী, দণ্ডপ্রাপ্ত অপরাধী তাহাদের অনেক সময় ভোটাধিকার ও বিভিন্ন রাষ্ট্রনৈতিক অধিকার হইতে বঞ্চিত করা হয়। সর্বোপরি অনেক দেশে কুল (Race), গাভবর্ণ (Complexion), ধর্ম,

* Citizenship “is the contribution of one’s instructed judgment to public
’—Laski.

শিক্ষার মানদণ্ড, সম্পত্তির মালিকানা এবং জী-পুরুষভেদে নাগরিকত্ব স্থির করা হয়। কিন্তু ইহারা সকলেই রাষ্ট্রাঙ্গগত ব্যক্তি। ইহাদের মধ্যে কাহারও ভোটদান ক্ষমতা আছে আর কাহারও তাহা নাই। এই ভোটদানের ক্ষমতাহুসারে নাগরিক কি নাগরিক নয় তাহা স্থির করা হয়। রাষ্ট্রাঙ্গগত এই সকল ব্যক্তির মধ্যে যাহারা ভোটাধিকার পায় তাহারা **নাগরিক** আর যাহারা ভোটাধিকার পায় না তাহাদিগকে বলা হয় **অসম্পূর্ণ নাগরিক** (National)। অসম্পূর্ণ নাগরিকের পরিবর্তে কেহ কেহ **প্রজা** (Subject) শব্দটি ব্যবহার করেন। বর্তমানে ইংলণ্ডে ও ইংলণ্ডের উপনিবেশগুলিতে মহান্ নৃপতির প্রজা (His Majesty's Subject) শব্দটি ব্যবহৃত হয়। পরিশেষে বলা যায়, রাষ্ট্রের কাঠামোই স্থির করে নাগরিকত্ব।

(৩) **বিদেশী (Alien) :** রাষ্ট্রে নাগরিক ও অসম্পূর্ণ নাগরিক ছাড়াও আর এক প্রকারের ব্যক্তির সন্ধান পাওয়া যায় যাহারা বিদেশী বলিয়া পরিচিত। অল্প কোন রাষ্ট্রের নাগরিক যখন সাময়িকভাবে কোন রাষ্ট্রে বাস করে তখন তাহাকে বিদেশী বলিয়া গণ্য করা হয়। বিদেশীদেরও রাষ্ট্রের আইনকাহন মান্য করিয়া চলিতে হয়। বিদেশীরাও রাষ্ট্রের কতকগুলি অধিকার ভোগ করে। অবশ্য, রাষ্ট্র প্রয়োজনবোধে তাহাদের অধিকার সংকুচিত করিতে পারে বা তাহাদিগকে বিতাড়িত করিতে পারে এবং তাহাদের সম্পত্তি বাজেয়াপ্ত করিতে পারে। বিদেশীরা তাহাদের নিজেদের রাষ্ট্রের প্রতি আনুগত্য প্রদর্শন করে। এই কারণেই যুদ্ধের সময় বিদেশীকে অন্তরীণ করা হয় এবং বিদেশীকে সামরিক বাহিনীতে যোগ দিতে বাধ্য করানো হয় না। আবার অনেক সময় দেখা যায় বিদেশীদের অধিকার ক্ষুণ্ণ হইলে কূটনৈতিক স্তরে (Diplomatic) বিদেশী রাষ্ট্র তাহাদের অধিকারকে অক্ষুণ্ণ রাখার ব্যবস্থা করে।

বিদেশী ও অসম্পূর্ণ নাগরিক উভয়ই ভোটাধিকার হইতে বঞ্চিত হয়। তথাপি বিদেশী আর অসম্পূর্ণ নাগরিক এক নয়। বিদেশীরা ভিন্ন দেশের লোক আর অসম্পূর্ণ নাগরিকেরা স্বদেশের লোক।

নাগরিকতা অর্জন ও বর্জনের পদ্ধতি (Modes of Acquisition and loss of citizenship) : (ক) **নাগরিকতা অর্জনের পদ্ধতি :** সাধারণতঃ নাগরিকতা অর্জনের দুইটি পদ্ধতি আছে; যথা—(১) জন্মসূত্র, (২) অহুমোদন। জন্মসূত্র অহুসারে নাগরিকতা অর্জনের আবার দুইটি

পদ্ধতি আছে (ক) জন্মনীতি (*jus sanguinis*) এবং (খ) জন্মস্থাননীতি (*jus soli or loci*) ।

(১) জন্মসূত্র : (ক) জন্মনীতি অহুসারে শিশু যে রাষ্ট্রেই জন্মগ্রহণ করুক না কেন সে তাহার পিতার নাগরিকত্ব পাইবে। আর (খ) জন্মস্থাননীতি অহুসারে শিশু যে রাষ্ট্রে জন্মগ্রহণ করিবে সে সেই রাষ্ট্রের নাগরিকত্ব পাইবে। প্রথমোক্ত ক্ষেত্রে পিতা যদি মার্কিন যুক্তরাষ্ট্রের নাগরিক হয় আর তাহার সন্তান যদি ভারতবর্ষে জন্মগ্রহণও করে তাহা হইলে উক্ত সন্তান মার্কিন যুক্তরাষ্ট্রের নাগরিকত্ব পাইবে। আর দ্বিতীয় ক্ষেত্রে পিতা যদি মার্কিন যুক্তরাষ্ট্রের নাগরিক হয় এবং তাহার সন্তান যদি ইংলণ্ডে ভূমিষ্ঠ হয় তাহা হইলে উক্ত সন্তান ইংলণ্ডের নাগরিকত্বও পাইতে পারে। জন্মনীতির ক্ষেত্রে ব্যক্তিকেন্দ্রিক প্রাধান্যের (*personal supremacy*) উপর গুরুত্ব আরোপ করা হয়। অর্থাৎ নাগরিকের সন্তান যে রাষ্ট্রেই জন্মগ্রহণ করুক না কেন তাহার উপর রাষ্ট্রের প্রাধান্য থাকিবে। আর জন্মস্থাননীতির ক্ষেত্রে ভূমিগত প্রাধান্য আরোপ করা হয়। অর্থাৎ, রাষ্ট্রাভ্যন্তরস্থ সকল ব্যক্তির উপরই এমন কি বিদেশীর সন্তান জন্মগ্রহণ করিলে তাহার উপরও রাষ্ট্রের প্রাধান্য বর্তাইবে। এখানে উল্লেখযোগ্য যে, যদি কেহ কোন রাষ্ট্রের পতাকাবাহী জাহাজে জন্মগ্রহণ করে তাহা হইলে সে উক্ত জাহাজের অধিকারী রাষ্ট্রের নাগরিক হইবে। আবার জন্মস্থাননীতি অহুসারে বৈদেশিক দূতগণের সন্তানকেও নাগরিকত্ব দান করা হয়।

সমালোচনা : জন্মনীতির ক্রটি হইল, সর্বক্ষেত্রে পিতার জাতীয়তা প্রমাণ করা যায় না বলিয়া জন্মনীতির উপরে নির্ভর করিয়া নাগরিকতা ঠিক করা যায় না। আর জন্মস্থাননীতির ক্রটি স্পষ্ট হয় মার্কিন যুক্তরাষ্ট্রের নাগরিকত্বের নীতি হইতে। উদাহরণস্বরূপ বলা যায় কোন ভ্রাম্যমাণ মার্কিন যুক্তরাষ্ট্রের নাগরিকের তিনটি সন্তান যদি তিনটি দেশে জন্মগ্রহণ করে তাহা হইলে পিতা হইবে মার্কিন যুক্তরাষ্ট্রের নাগরিক আর সন্তানেরা হইবে বিভিন্ন রাষ্ট্রের নাগরিক। আবার ইংলণ্ড ও মার্কিন যুক্তরাষ্ট্রে এই দুইটি নীতিই অহুসরণ করা হয়, ফলে এক দ্বিজাতিতত্ত্বের উদ্ভব হইয়াছে। কোন মার্কিন যুক্তরাষ্ট্রের নাগরিক যদি ইংলণ্ডে জন্মগ্রহণ করে, তাহা হইলে উক্ত সন্তান জন্মনীতি অহুসারে মার্কিন যুক্তরাষ্ট্রের নাগরিক হইবে আর জন্মস্থাননীতি অহুসারে ইংলণ্ডের নাগরিক হইবে। এই দ্বিজাতিতত্ত্বের ফলে সন্তান বয়ঃপ্রাপ্ত না হওয়া পর্যন্ত তাহার নাগরিকত্ব স্থির করা কঠিন হইয়া পড়ে।

(২) **অনুমোদন** : অনুমোদন শব্দটি দুইভাবে ব্যবহৃত হয় ; যথা—
 (ক) ব্যাপক অর্থে, (খ) সংকীর্ণ অর্থে। ব্যাপক অর্থে অনুমোদন বলিতে বোঝায় বৈধতা (legitimation), বিবাহ, সৈন্তবাহিনীতে যোগদান, স্থায়ী সম্পত্তি ক্রয় করা, সরকারী চাকুরী প্রভৃতি উপায়ে অল্প রাষ্ট্রের নাগরিকত্ব গ্রহণ করা আর সংকীর্ণ অর্থে ইহার দ্বারা বোঝায় রাষ্ট্রনির্দিষ্ট শর্তসাপেক্ষ কাহাকেও আনুষ্ঠানিক ভাবে নাগরিকত্ব দিয়া থাকে। ভারতবর্ষ ও ইংলণ্ডে এই অনুমোদন বলিতে এই সংকীর্ণ অর্থে ব্যবহৃত হয়। ব্যাপক অর্থে অনুমোদনের জ্ঞাত আবেদন করিতে হয় না। কিন্তু সংকীর্ণ অর্থে অনুমোদনের জ্ঞাত নির্দিষ্ট শর্তসাপেক্ষ আবেদন করিতে হয় ; এই শর্তগুলি হইল— যথা—
 (১) স্থায়ী বাসিন্দার শর্ত (*Lex domicili*) ; অর্থাৎ, নির্দিষ্ট সময় বসবাস করিতে হইবে, (২) চিরকাল বসবাস করিবার অঙ্গীকার ও কার্যের মাধ্যমে ইচ্ছা প্রমাণ করিতে হইবে। (৩) ভারত ও ইংলণ্ডের ক্ষেত্রে আবেদনকারীকে সচ্চরিত্র হইতে হইবে। (৪) ইংলণ্ডের ক্ষেত্রে ইংরেজী ভাষা, ভারতের ক্ষেত্রে সংবিধানে উল্লিখিত ১৪টি ভাষার মধ্যে যে-কোন একটিতে যথেষ্ট জ্ঞান থাকা চাই। (৫) অনুমোদনের দ্বারা নাগরিকতা অর্জন পূর্ণ (perfect) বা অসম্পূর্ণ (imperfect) হইতে পারে। পূর্ণ নাগরিক কতকগুলি রাষ্ট্রনৈতিক অধিকার ভোগ করে। আর অসম্পূর্ণ নাগরিক তাহা করে না। এতদ্ব্যতীত সমষ্টিগত অনুমোদন (group nationalisation) অর্থাৎ ভারত, ইংলণ্ড, মার্কিন যুক্তরাষ্ট্রের অন্তর্ভুক্ত কোন দেশের অধিবাসীদের একযোগে নাগরিকতা প্রদান করার নীতিও উল্লিখিত দেশগুলিতে প্রচলিত আছে। প্রসঙ্গতঃ, উল্লেখ করা প্রয়োজন যে, অনুমোদিত নাগরিক সকল রাষ্ট্রনৈতিক অধিকার অনেক দেশে ভোগ করিতে পারে না। যেমন মার্কিন যুক্তরাষ্ট্রের অনুমোদিত নাগরিক রাষ্ট্রপতি বা উপরাষ্ট্রপতি পদে আসীন হইতে পারে না।

বর্তমানে পৃথিবীর বিভিন্ন রাষ্ট্রে নাগরিকতা প্রাপ্তির উপর নিয়ন্ত্রণ ধার্য করার ফলে জাতিবিদ্বেষ ও আন্তর্জাতিক বিরোধ দেখা দিয়াছে। পরিশেষে বল যায় এই বিদ্বেষ যতই ঘনীভূত হইবে ততই বিশ্বশান্তি বিঘ্নিত হইবে।

নাগরিকতা বর্জনের পদ্ধতি : সাধারণতঃ নাগরিকতার বর্জন বলিতে বোঝায় নাগরিকতার পরিবর্তন। (১) কোন ব্যক্তি একই সময়ে দুইটি রাষ্ট্রের নাগরিক হইতে পারে না। সে যদি অপর কোন রাষ্ট্রের নাগরিকত্ব গ্রহণ করে, তবে তাহাকে অপর রাষ্ট্রের নাগরিকত্ব পরিবর্তন করিতে হইবে।

(২) বিদেশীর সহিত বিবাহিত স্ত্রীলোক তাহার স্বরাষ্ট্রের নাগরিকত্ব হইতে বঞ্চিত হয়। (৩) আবার অনেক সময় অপর রাষ্ট্রের নাগরিকতা অর্জন না করিলেও নাগরিকতা হইতে বঞ্চিত হয়; যেমন, সৈন্যদল হইতে পলায়ন, বিদেশী রাষ্ট্রপ্রদত্ত উপাধিগ্রহণ, স্বরাষ্ট্র হইতে দীর্ঘকাল অনুপস্থিত থাকা প্রভৃতি কারণেও নাগরিকতা বিলোপ হইতে পারে। পূর্বে নাগরিকতার পরিবর্তন সম্ভব ছিল না, কারণ রাষ্ট্রের প্রতি আনুগত্য ছিল অপরিবর্তনীয়। বর্তমানে এই আনুগত্য পরিবর্তনীয় বলিয়া ধারণা প্রচলিত থাকায় নাগরিকতা অর্জন ও বর্জনের নীতি অধিকাংশ রাষ্ট্রেই প্রচলিত আছে।

সুনাগরিকতা (Good Citizenship) : বর্তমানযুগ গণতান্ত্রিকতার যুগ। গণতন্ত্রের উদ্দেশ্য হইল সমাজকে সর্বাঙ্গীণ সুন্দর ও সার্থক করিয়া তোলা। আবার গণতন্ত্রে রাষ্ট্র ও সমাজকে নিয়ন্ত্রিত করিবার দায়িত্ব নাগরিকদিগের উপর হস্ত থাকে বলিয়া নাগরিকদিগের গুণাগুণের উপর নির্ভর করে রাষ্ট্রের কল্যাণ-অকল্যাণ। সুতরাং রাষ্ট্রের কল্যাণের জন্ত নাগরিকদিগকে কতকগুলি গুণের অধিকারী হইতে হইবে। নাগরিকদিগের মধ্যে যাহারা কতকগুলি গুণের অধিকারী রাষ্ট্রবিজ্ঞানে তাহাদিগকে ‘সুনাগরিক’ বলিয়া অভিহিত করা হয়। এখন প্রশ্ন হইল এই গুণগুলি কি কি? এই প্রশ্নের উত্তর দিয়াছেন লর্ড ব্রাইস। তিনি তিনটি গুণের উল্লেখ করিয়াছেন; যথা—(ক) বিচারবুদ্ধি, (খ) সংযম, (গ) বিবেকবুদ্ধি। লর্ড ব্রাইস যে তিনটি গুণের উল্লেখ করিয়াছেন তাহার সঙ্গে বার্ণস আরও দুইটি গুণের সংযোগ করেন। তাহা হইল (ঘ) সমাজপ্রেমিকতা এবং (ঙ) স্বাধীনচেতা মনোবৃত্তি। শ্রীনিবাস শাস্ত্রীর মতে প্রত্যেক নাগরিককে ত্রায় অন্তায় ও সত্যাসত্য উপলব্ধি করিবার মতো যোগ্য বিচারবুদ্ধিসম্পন্ন হইতে হইবে।

বর্তমান সমাজ সমস্তাসংকুল ও জটিল। এই সমাজে নাগরিক যাহাতে ভুলপথে চালিত না হয় তাহার জন্ত তাহাকে বিচারবুদ্ধি প্রয়োগ করিতে হইবে। আত্মসংযমী হইয়া তাহাকে নিজের স্বার্থ ত্যাগ করিয়া সমষ্টিগত কল্যাণে ব্রতী হইতে হইবে। বিবেকের দ্বারা পরিচালিত হইয়া সহিষ্ণুতার সহিত নিজ কর্তব্য পালন করিতে হইবে। নাগরিককে যেমন নিজের অধিকার সম্বন্ধে সচেতন হইতে হইবে তেমনি আবার তাহাকে কর্তব্যের প্রতি উদাসীন হইলে চলিবে না। এইভাবে স্বাধীনচেতা ও স্বদেশপ্রেমিক নাগরিক তাহার কর্তব্য

পালন করিলে দেশ ও জাতির কল্যাণ হইবে। কিন্তু নাগরিক অনেক সময় ইচ্ছা থাকিলেও তাহার কর্তব্যপালন করিতে পারে না। অর্থাৎ স্ননাগরিকতার পথে অনেক বাধা আছে। এই বাধাগুলি সম্বন্ধে নিয়ে আলোচনা করা হইল :

স্ননাগরিকতার পক্ষে প্রতিবন্ধক (Hindrances to good Citizenship) : বিভিন্নপ্রকার বাধাবিঘ্ন স্ননাগরিকতার পথে আসিয়া দাঁড়ায়। এই বাধাবিঘ্নগুলিকে প্রধানতঃ চারিভাগে ভাগ করা হয় ; যথা— (১) নির্লিপ্ততা, (২) ব্যক্তিগত স্বার্থপরতা, (৩) দলীয় মনোভাব এবং (৪) অজ্ঞতা।

(১) **নির্লিপ্ততা (Indolence) :** নির্লিপ্ততার অর্থ উদাসীন ও উৎসাহহীনতা। সর্বসাধারণের কাজ বিশেষভাবে কাহারও কাজ নয়—এই মনোভাবের দ্বারা পরিচালিত হইয়া নাগরিক যদি নিজের কর্তব্যটুকু পর্যন্ত না করে তবে সকলের কল্যাণই ব্যাহত হইবে। সে যদি ভুলিয়া যায় যে সকলের মধ্যে সেও একজন, সকলের মঙ্গল হইলে তাহারও মঙ্গল হইবে, তাহা হইলে নিজেরও অকল্যাণ হইবে। নির্লিপ্ততার জন্যই অনেক নাগরিক এমন কি নির্বাচনের সময় ভোটদানে বিরত থাকে এবং নিজের বক্তব্যটুকু পর্যন্ত সে সজোরে প্রতিষ্ঠা করিতে চায় না ; কিন্তু সমাজবন্ধনের প্রাথমিক প্রয়োজন হইল সহযোগিতা একে অপরকে সাহায্য করিবে ইহা আশা করা অন্যায্য নয়। সমাজের ভিত্তিই হইল সহযোগিতা। নির্লিপ্ততা মানুষকে স্বার্থপর করিয়া তোলে। নাগরিকদিগের নির্লিপ্ততা বৃদ্ধি পাওয়ার কারণ হিসাবে বলা হয় যে, (১) বৃহদায়তন রাষ্ট্র, (২) বিভিন্ন দিকে আকর্ষণের সৃষ্টি এবং (৩) জীবন-সংগ্রামের তীব্রতা মানুষকে ব্যক্তিকেন্দ্রিক করিয়া তুলিয়াছে।

(২) **ব্যক্তিগত স্বার্থপরতা (Private Interest) :** এই প্রসঙ্গে কবির রবীন্দ্রনাথের উক্তি প্রণিধানযোগ্য। তিনি বলেন : “মানুষের সবচেয়ে বড় ধর্ম হইল সমাজধর্ম, লোভ, রিপু তাহার প্রধান হস্তারক।” ব্যক্তিগত স্বার্থবোধ মানুষকে সমাজবিরোধী কার্যে প্ররোচিত করে। ব্যক্তিগত স্বার্থের বশবর্তী হইয়া নাগরিক অনেক সময় উৎকোচ গ্রহণ ও প্রদান করে। এই প্রসঙ্গে মস্তব্য করিতে হইলে বলিতে হয় যে, নাগরিকের উচিত অপরের ক্ষতি না করিয়া নিজের উন্নতি করার জ্ঞতা চেষ্টা করা। আবার তাহাকে ছুলিলে চলিবে না যে, অপরকে সাহায্য করিলে পরোক্ষভাবে নিজেরও উপকার হয়। কারণ সমষ্টির উন্নতি হইলে তাহারও উন্নতি হইবে।

(৩) **দলীয় মনোবৃত্তি (Party Spirit)** : গণতন্ত্রের মূল ভিত্তি হইল দলীয় প্রথা। দল প্রথার ফলে রাষ্ট্রনৈতিক চেতনা ও শিক্ষা প্রসার লাভ করে, জনমত গঠিত হয় এবং নাগরিক স্বাধীনভাবে তার প্রতিনিধি নির্বাচন করিতে পারে এবং স্বৈরাচারিতার পথরোধ করে। কিন্তু এই দলপ্রথাই আবার সমাজের সামগ্রিক কল্যাণ অপেক্ষা দলগত স্বার্থকে বড় করিয়া দেখে বলিয়া দলভুক্ত নাগরিক দলের মঙ্গল কামনাই করে, সমাজের নহে। অবশ্য, দল প্রথা যদি সামগ্রিক কল্যাণকামী হয় তবে নাগরিককে সুপথে চালিত করিবে।

(৪) ইহা ছাড়া **অজ্ঞতা, সংবাদপত্রের প্রতি অন্ধ বিশ্বাস এবং নির্বাচনপদ্ধতি**ও নাগরিককে বিপথে চালিত করে। অধ্যাপক ল্যান্ডি ও লর্ড ব্রাইস সংবাদপত্রকে নিরপেক্ষ দৃষ্টি লইয়া এবং সমাজকল্যাণের উদ্দেশ্যে প্রচারকার্য চালাইবার পরামর্শ দিয়াছেন। মানুষের অজ্ঞতা দূর করিতে না পারিলে নাগরিক অনেক সময় বিভ্রান্ত হইয়া নিজের অকল্যাণ নিজেই ডাকিয়া আনিতে পারে। অনেক সময় নির্বাচনপদ্ধতির ত্রুটির জন্ত সংখ্যালঘুদের স্বার্থহানি হইয়া থাকে। রাষ্ট্রকে সেদিকেও লক্ষ্য রাখিতে হইবে, অত্যাধিক সামগ্রিক কল্যাণসাধন সম্ভবপর নয়।

সুনাগরিকতার পথে প্রতিবন্ধক দূরীকরণের পন্থা (Measure to remove the hindrances to good citizenship) : উপরোল্লিখিত আলোচনায় সুনাগরিকতার পথে যে সকল প্রতিবন্ধকতার উল্লেখ করা হইয়াছে তাহা দূরীকরণের জন্ত রাষ্ট্রবিজ্ঞানিগণ নিম্নলিখিত প্রতিবিধানের পরামর্শ দিয়াছেন :

(১) **শাসনতান্ত্রিক প্রতিবিধান** : অনেক রাষ্ট্রবিজ্ঞানী এই মত পোষণ করেন যে, শাসনতান্ত্রিক প্রতিবিধানের মাধ্যমে নাগরিকের নির্লিপ্ততা দূরীকরণ করা যাইতে পারে। তাহারা এই পরামর্শ দেন যে, বাধ্যতামূলক ভোটদানের আইন প্রণয়ন করিলে ভোটদাতাগণ ভোটদান হইতে বিরত থাকিতে পারিবে না। ভোটদান হইতে বিরত থাকার অর্থ নির্বাচনের ফলাফলকে জনমতের প্রকাশ বলিয়া ধরা যাইবে না। অবশ্য, প্রকৃত শিক্ষা বিস্তার না হইলে, মানুষ যদি স্বতঃপ্রণোদিত না হইয়া সামাজিক কর্তব্য সম্পাদন না করে, তাহা হইলে শুধু শাসনতান্ত্রিক প্রতিবিধানের ব্যবস্থা করিলেই চলিবে না।

আবার রাষ্ট্রবিজ্ঞানিগণ বলেন যে, নাগরিককে রাষ্ট্রীয় কার্যে উৎসাহিত

উপরে যাহা বলা হইয়াছে তাহা হইল অধিকার সম্বন্ধে আইনগত ধারণা। কিন্তু, রাষ্ট্রদর্শন অধিকারের আইনগত ধারণা লইয়াই সন্তুষ্ট থাকে না, ইহা অধিকারের জায়, অত্যা, ঐচ্ছিক্য-অনৌচ্ছিক্যের বিচার-বিশ্লেষণও করে। রাষ্ট্রনৈতিক দর্শনে কি কি অধিকার স্বীকৃত হওয়া উচিত তাহার আলোচনাও করা হয়। বলা হয় যে, প্রত্যেকটি মানুষের মধ্যেই অন্তর্নিহিত শক্তি আছে। সে তাহার এই অন্তর্নিহিত শক্তিসমূহকে বিকশিত করিয়া তাহার ব্যক্তিত্বকে উপলব্ধি করিতে চায়। কিন্তু, এই উদ্দেশ্যকে কার্যকরী করিতে হইলে কতকগুলি সামাজিক অবস্থা (conditions) বর্তমান থাকার প্রয়োজনীয়তা আছে। রাষ্ট্রদর্শনে এই অত্যাবশ্যকীয় সামাজিক অবস্থাগুলিকে অধিকার বলিয়া আখ্যায়িত করা হয়। অধ্যাপক ল্যাক্সের ভাষায়—“অধিকার হইল এমন কতকগুলি সমাজজীবনের অবস্থা যাহাদের ছাড়া সাধারণভাবে মানুষ তাহার সম্পূর্ণ উন্নতিবিধান করিতে পারে না” (“Rights are those conditions of social life without which no man can seek, in general, to be himself at his best.”)।

আবার রাষ্ট্রদর্শনে যাহাকে সামাজিক অবস্থা বলা হইল ব্যক্তির দৃষ্টিকোণ হইতে তাহাকে ব্যক্তির উপলব্ধির সুযোগ-সুবিধা বলা যাইতে পারে। প্রত্যেক ব্যক্তির সুযোগ-সুবিধার অর্থ সমষ্টিগত কল্যাণের সুযোগ-সুবিধা। তাহা হইলে, দেখা যায়, ব্যক্তিগত ও সমষ্টিগত কল্যাণের সহায়ক ‘অবস্থাকেই’ অধিকার বলিয়া অভিহিত করা যায়। গ্রীকের ভাষায় বলা যায়, “সমষ্টিগত নৈতিক ও ভাৱ চেষ্টনা ব্যক্তিগত অধিকারের অস্তিত্ব থাকিতে পারে না” (“without a society conscious of common moral interests, there can be no rights.”)।

উপরিউক্ত আলোচনা হইতে দেখা যায় যে, অধিকারকে পূর্ণ হইতে হইলে দুইটি শর্ত পূর্ণ করিতে হইবে। (ক) একটি হইল প্রত্যেক ব্যক্তির অর্থাৎ সমষ্টির ব্যক্তিত্ব উপলব্ধির সহায়ক অবস্থার সৃষ্টি করিতে হইবে; আর (খ) দ্বিতীয়টি হইল অধিকারকে আইনানুমোদিত হইতে হইবে। এই প্রসঙ্গে বার্কার আবার এক আধা-অধিকারের কথা বলিয়াছেন। তাহার মতে যে সকল অধিকার এই দুইটি শর্তের কিছুটা পূরণ করিবে তাহাদিগকে আধা-অধিকার (Quasi Rights) বলা যাইতে পারে।

উপরিউক্ত শর্ত দুইটির বিশ্লেষণ প্রসঙ্গে বলা যায় যে, অধিকার শুধু

আইনামোদিত হইলেই চলিবে না। যেমন ক্রীতদাস পোষণের অধিকার যদি আইনামোদিতও হয় তাহা হইলেও ইহা যেহেতু সমষ্টিগত কল্যাণের পরিপন্থী সেইহেতু ক্রীতদাস পোষণের অধিকার রাষ্ট্রবিজ্ঞানের সংজ্ঞা অনুসারে অধিকারের পর্যায়ভুক্ত হয় না। সুতরাং অধিকারকে একদিকে যেমন আইনামোদিত হইতে হইবে, আবার অপরদিকে সমষ্টিগত কল্যাণকামী হইতে হইবে। এই দৃষ্টিকোণ হইতে নিচাের করিলে দেখা যায় হব্‌স্ যে “ইচ্ছাপূরণের ক্ষমতাকে” অধিকার বলিয়াছেন, তাহা ভ্রান্ত। কারণ, ইচ্ছা পূরণের ক্ষমতাহীন ব্যক্তি তাহা হইলে অধিকার হইতে বঞ্চিত হইবে। শুধু শক্তিমানই তাহা হইলে অধিকার ভোগ করিবে। কিন্তু প্রকৃত ও সর্বোচ্চ অধিকার দুর্বল ব্যক্তিও ভোগ করিতে পারে। কারণ রাষ্ট্র যদি দুর্বল ও সর্বল ব্যক্তির অধিকার ভোগ করিবার সকল সুযোগ সৃষ্টি করিয়া সমাজের সামগ্রিক কল্যাণ সাধন করে তবেই অধিকার যথার্থ হয়। রাষ্ট্র যদি আদর্শনীয় হয় তবে রাষ্ট্র সকলের জ্ঞানই অধিকারের স্বীকৃতি দিবে এবং তাহা সংরক্ষণ করিবে। তাই ল্যাক্স বলিয়াছেন, “রাষ্ট্রকর্তৃক স্বীকৃত অধিকারের মাধ্যমেই রাষ্ট্রের স্বরূপ উপলব্ধি করা যায়” (“A State is known by the right it maintains”)।

আবার অধিকার ও স্বাধীনতা শব্দ দুইটি প্রায় সমার্থক। কারণ, অধিকার হইল আত্মোপলব্ধির সুযোগ আর স্বাধীনতাও হইল আত্মোপলব্ধির অন্তর্কূল পরিবেশ। আবার অধিকারের অর্থ হইল অপরের হস্তক্ষেপ নিরোধ আর স্বাধীনতার অর্থও অপরের হস্তক্ষেপ হইতে মুক্তি। বস্তুতঃ, স্বাধীনতার পরিবেশ সৃষ্টি হয় অধিকার দ্বারা। এই কারণে বলা হয়, অধিকারের অস্তিত্বের মধ্যেই স্বাধীনতার জন্ম হয় (“Liberty is the product of rights”)।

স্বাভাবিক অধিকার দৃষ্টান্তে মতবাদ (Theory of Natural Rights) : রাষ্ট্রনীতিবিদগণের মধ্যে কেহ কেহ মনে করেন যে, মানুষ

কতকগুলি অধিকারকে সঙ্গে লইয়াই জন্মগ্রহণ করে। স্বাভাবিক অধিকারের সংজ্ঞা জীবনের অধিকার, স্বাধীনতার অধিকার এবং সুখী হইবার অধিকার হইল এই প্রকৃতির অধিকার। মানুষ এই অধিকারগুলিকে ত্যাগ করিয়া বাঁচিতে পারে না। অতএব ইহা অপরি- ত্যাগ্য, সহজাত, চিরন্তন ও অবাধ। মানুষের অঙ্গপ্রত্যঙ্গ যেমন তাহার দেহের সঙ্গে সংলগ্ন তেমনি এই অধিকারগুলিও মানুষের জীবনের সঙ্গে

ওতপ্রোতভাবে জড়িত। এই অধিকারগুলিকেই বলে স্বাভাবিক অধিকার।

স্বাভাবিক অধিকার সম্বন্ধে ধারণা নূতন নহে। অবশ্য, প্রাচীনকাল হইতে ধারণা চলিয়া আসিলেও, চুক্তিবাদীদের বিশেষ করিয়া লক্ ও রুশোর হস্তে ইহা বিশেষভাবে বিকাশ লাভ করে। এই প্রসঙ্গে চুক্তিবাদীদের বক্তব্য পূর্বেই আলোচিত হওয়ায় এখানে তাহার পুনরুল্লেখ নিম্নয়োজন। তবে এখানে উল্লেখ করা প্রয়োজন যে, লক্ ও রুশো স্বাভাবিক অধিকারের উপর বিশেষ গুরুত্ব আরোপ করেন। লক্ বলেন যে, আদিম মানুষ স্বাভাবিক অধিকারের কিছুটা সমর্পণ করিয়া অবশিষ্টাংশ নিজেদের হস্তে রক্ষা করিবার জন্তই চুক্তি সম্পাদন করে। ফলে রাষ্ট্রের প্রতিষ্ঠার পরও কিছুটা স্বাভাবিক অধিকার মানুষের হস্তে থাকিয়া যায়। রুশোর মতে স্বাভাবিক অধিকার সমষ্টিগত ইচ্ছার সহিত ওতপ্রোতভাবে জড়িত বলিয়া সমষ্টিগত ইচ্ছায় ব্যক্তির স্বাধীনতা ও অধিকার অক্ষুণ্ণ থাকিবে এবং সংরক্ষিত হইবে। এই প্রসঙ্গে আমেরিকার স্বাধীনতার ঘোষণা এবং ফ্রান্সের স্বাধীনতার ঘোষণা দুইটির প্রতি লক্ষ্য করিলে দেখা যায় যে, প্রথমোক্ত ঘোষণা স্বীকার করিয়াছিল যে, মানুষ কতিপয় অপরিত্যাজ্য অধিকার লইয়া জন্মগ্রহণ করিয়াছে, আর দ্বিতীয়োক্ত ঘোষণায় বলা হইয়াছিল যে, রাষ্ট্রের কর্তব্য হইল স্বাভাবিক অধিকারগুলিকে সংরক্ষণ করা।

আবার ঐতিহাসিক দিক হইতে বিচার করিলে দেখা যায়, এই স্বাভাবিক অধিকারের দাবিতে বুর্জোয়াশ্রেণী সামন্তপ্রথার বিরুদ্ধে এবং অভিজাত শ্রেণী ঈশ্বর-প্রদত্ত ক্ষমতার বিরুদ্ধে জনগণকে উদ্বুদ্ধ করিয়া সংগ্রামে প্রবৃত্ত হইয়াছে। তৎকালে বুর্জোয়াদের এই প্রচেষ্টাকে প্রগতিশীল বলিয়াই অভিহিত করা হইয়াছে বটে; কিন্তু, পরবর্তীকালে দেখা যায় ব্যক্তিস্বাতন্ত্র্য ও তাহার সংরক্ষণ এবং রাষ্ট্রনৈতিক অধিকারের তুলনায় সামাজিক ও অর্থনৈতিক অধিকারের উপর অধিকতর গুরুত্ব আরোপ করা হয়।

বর্তমানে স্বাভাবিক অধিকারকে আর চিরন্তন, অবাধ অপরিত্যাজ্য বলিয়া কল্পনা করা হয় না। বর্তমানের ধারণা প্রকাশ পাইয়াছে গিডিংসের উক্তির মধ্যে। গিডিংস বলেন : স্বাভাবিক অধিকার হইল, “সামাজিক সম্বন্ধের ক্ষেত্রে স্বাভাবিক নিষাচনের স্বত্ব দ্বারা নির্বাচিত সমাজের প্রয়োজনীয় অধিকার” (“Natural rights are socially necessary forms of right,

enforced by natural selection in the sphere of social relations")।

সমালোচনা : সমালোচকগণের মতে সহজাত, চিরন্তন ও অবাধ অধিকার বলিয়া কিছু নাই। কারণ মানুষের অধিকার সমাজদেহ হইতেই উদ্ভূত হইয়াছে। আবার এই সমাজ গতিশীল। সুতরাং মানুষের অধিকারও গতিশীল হইতে বাধ্য অর্থাৎ গতিশীল সমাজে স্থিতিশীল ও চিরন্তন অধিকার থাকিতে পারে না। উদাহরণস্বরূপ বলা যায়, এক সময়ে ক্রীতদাসকে ব্যক্তিগত সম্পত্তি হিসাবে সংরক্ষণের অধিকার ছিল স্বাভাবিক অধিকার; কিন্তু ~~কিন্তু বর্তমানে~~ তাহা আর অধিকারের পর্যায়ভুক্ত হয় না। এইজন্ত কেহ কেহ অধিকারকে সামাজিক অবস্থার আপেক্ষিক বলিয়া মন্তব্য করিয়াছেন।

উপসংহারে বলা যায়, যদি কোন অধিকারকে স্বাভাবিক বলিতে হয় তাহা হইলে মানুষের ব্যক্তিত্ব উপলব্ধির উপযোগী সামাজিক অবস্থাসমূহকেই স্বাভাবিক অধিকার বলা উচিত। যে অধিকার ব্যক্তি ও সমাজের কল্যাণ-সাধনে ব্যবহৃত হয় তাহাই তো স্বাভাবিক। এই অধিকার আইনসঙ্গত কি আইনসঙ্গত নয়, সে প্রশ্ন অবাস্তব। ইহা যদি আদর্শের মানদণ্ডে পরীক্ষিত হইয়া সামগ্রিক কল্যাণে ব্যবহৃত হয় তবেই ইহা স্বাভাবিক অধিকারের পদবাচ্য হইবে।

নৈতিক ও আইনসঙ্গত অধিকার (Moral and Legal Rights) : পূর্ববর্তী আলোচনায় বলা হইয়াছে যে, রাষ্ট্রশক্তি কর্তৃক স্বীকৃত না হইলে কোন দাবিই অধিকারের মর্যাদা লাভ করে না। কিন্তু নৈতিক দাবির পশ্চাতে কোন রাষ্ট্রশক্তির সমর্থন না থাকিলেও ইহাকে অধিকারের পর্যায়ভুক্ত করা

যায়। নৈতিক অধিকার হইল সমাজের ভাষ্যবোধ ও
নৈতিক
অধিকারের সংজ্ঞা বিবেক দ্বারা সমর্থিত পারস্পরিক দাবি। ইহা ব্যক্তির

ব্যক্তিত্ববিকাশের পক্ষে অপরিহার্য বলিয়া অনেকে ইহাকে স্বাভাবিক অধিকারের অন্তর্ভুক্ত করেন। নৈতিক অধিকারের একটি উদাহরণ হইল পুত্রের নিকট হইতে পিতার সদ্যবহার পাইবার দাবি। রাষ্ট্রের আইন পিতার উপর পুত্রের অত্যাচারের বিরুদ্ধে ব্যবস্থা করিতে পারে; কিন্তু, জোর করিয়া শ্রদ্ধা, ভক্তি ও সদ্যবহার আদায় করিতে পারে না। একমাত্র বিবেক-দর্শনেই পুত্র পিতার প্রতি সদ্যবহার করিবে। এই কারণে নৈতিক

অধিকারকে আইনসম্মত অধিকারের বিচারে পূর্ণ অধিকারের মর্যাদা দেওয়া যায় না। অবশ্য, আদর্শ রাষ্ট্র নৈতিক অধিকারকে কার্যকরী করিবার মতো পরিবেশ সৃষ্টি করিয়া উত্থাকে প্রকৃত অধিকারের মর্যাদা দান করিবে। নৈতিক অধিকার সমাজকল্যাণের অঙ্গপন্থী। আইনসম্মত অধিকারকেও সমাজকল্যাণের অঙ্গপন্থী হইতে হইবে। যদি কখনও দেখা যায় যে, শ্রেণীস্বার্থ সংরক্ষণের জন্ত রাষ্ট্র সমাজকল্যাণের পরিপন্থী কতকগুলি অধিকারকে অনুমোদন করিয়া লইয়াছে, তাহা হইলে উক্ত অধিকারগুলিকে পূর্ণ অধিকার বলা যাইতে পারে না। কারণ পূর্ণ অধিকার সমাজকল্যাণকর হইবে। সুতরাং আইনসম্মত অধিকারকে পূর্ণ অধিকারের মর্যাদা লাভ করিতে পারে না। তাহাকে নৈতিক অধিকারের অঙ্গীভূত হইতে হইবে কারণ, নৈতিক অধিকার সমাজকল্যাণকর।

সামাজিক, রাষ্ট্রনৈতিক ও অর্থনৈতিক অধিকার (Civil, Political and Economic Rights) : সামাজিক অধিকার বা নাগরিক অধিকার : সমাজবদ্ধ জীবনে মানুষের এমন কতকগুলি অধিকারের প্রয়োজন যেগুলি ছাড়া মানুষের সামাজিক জীবন ব্যর্থ ও নিরর্থক হইয়া পড়ে। এই অধিকারগুলির সাহায্যে মানুষ তাহার ব্যক্তিগত উপলব্ধি করিয়া সমাজের কল্যাণব্রতী কর্মে নিজেকে সক্রিয় করিয়া তোলে। রাষ্ট্র এই অধিকারগুলিকে স্বীকৃতি দিয়া এবং সংরক্ষণের ব্যবস্থা করিয়া ব্যক্তির ব্যক্তিগত উপলব্ধি করিবার পক্ষে অমুকুল যে পরিবেশ সৃষ্টি করে তাহাকেই বলে **ব্যক্তি-স্বাধীনতা (Civil Liberty)**। আর সামাজিক অধিকারগুলি হইল ব্যক্তির জীবনের অধিকার, সম্পত্তির অধিকার প্রভৃতি। দেশকালভেদে সামাজিক অধিকারগুলির মধ্যে অনেক পার্থক্য লক্ষ্য করা যায়। কিন্তু ইহাদের মধ্যে কতকগুলি হইল মৌলিক। নিয়ে **মৌলিক সামাজিক অধিকারগুলির আলোচনা** করা হইল :

(১) **জীবনের অধিকার (Right to Life)** : জীবনের অধিকার হইল মানুষের বাঁচিয়া থাকিবার অধিকার। অর্থাৎ, একজনের অপর একজনকে যদুচ্ছা হত্যা করিতে না পারার অধিকার। এই অধিকার মৌলিক সামাজিক অধিকারগুলির মধ্যে প্রধানতম অধিকার। এই অধিকারের গুরুত্ব উপলব্ধি করিয়া হব্‌স্‌ বলিয়াছিলেন যে, জীবনরক্ষার জন্তই আদিম মানুষ চুক্তি সম্পাদন করিয়া রাষ্ট্রের সৃষ্টি করিয়াছিল। তিনি আরও বলেন যে, মানুষ

সকল অধিকার সার্বভৌম নৃপতির হস্তে সমর্পণ করিলেও আত্মরক্ষার অধিকার মানুষ সমর্পণ করে নাই এবং ইহা হস্তান্তরযোগ্যও নহে। ব্যক্তিস্বাভাব্য-বাদিগণের মতে রাষ্ট্রের প্রাথমিক কর্তব্য হইল ব্যক্তির জীবনকে বৈদেশিকদের আক্রমণ ও আভ্যন্তরীণ বিশৃঙ্খলার হস্ত হইতে রক্ষা করা। আবার জীবন-রক্ষার অধিকার যেমন সমাজের পক্ষে মঙ্গলকর, সেইরূপ আত্মহত্যার দ্বারা কোন জীবনের বিনষ্টিও সমাজের পক্ষে ক্ষতিকর। কারণ ব্যক্তি তাহার নিজের জীবন বিনষ্ট করিলে সমাজ ও রাষ্ট্রের প্রতি কর্তব্য পালন করিতে পারে না। এই কারণে ব্যক্তির আত্মহত্যার অধিকারকে স্বীকৃতি দেওয়া হয় না।

স্বাধীনতার অধিকার (Right to Liberty) : স্বাধীনতার অধিকার বলিতে বোঝায় গতিবিধির স্বাধীনতা ও স্বাধীনভাবে জীবিকার্জনের অধিকার। জীবনকে সুন্দর ও কাম্য করিতে হইলে এই অধিকারগুলি অপরিহার্য। অবশ্য, স্বাধীনতার অধিকার অব্যাহত নহে, কারণ রাষ্ট্রের অস্তিত্ব বিপন্ন হইলে রাষ্ট্র প্রয়োজনবোধে এই অধিকারগুলিকে খর্ব করিয়া রাষ্ট্রের অস্তিত্ব রক্ষা করিতে পারে। সমালোচকগণের যুক্তি হইল রাষ্ট্রের অস্তিত্বই যদি রক্ষিত না হয় তবে ব্যক্তি-স্বাধীনতা অচিরেই ধ্বংস হইবে। সুতরাং ব্যক্তি-স্বাধীনতার সংরক্ষণের জন্তই রাষ্ট্রে সাময়িকভাবে উহা খর্ব করে।

(৩) মত প্রকাশের স্বাধীনতা (Freedom of Opinion) : মত প্রকাশের স্বাধীনতা বলিতে বোঝায় স্বাধীন চিন্তা প্রকাশের অধিকার। মত প্রকাশের স্বাধীনতাকে দুইভাগে বিভক্ত করা যায়; যথা—**বাক্-স্বাধীনতা** ও **মুদ্রাস্বাধীনতা**। বর্তমান যুগ গণতন্ত্রের যুগ। এই যুগের শাসন-ব্যবস্থা গণতান্ত্রিক। এই গণতান্ত্রিক শাসন-ব্যবস্থা প্রতিষ্ঠিত হয় জনমতের উপর। তাই বলা হয় যে, মত প্রকাশের স্বাধীনতা না থাকিলে কখনও জনমত গঠিত হইতে পারে না। এই প্রসঙ্গে শ্রীনিবাস শাস্ত্রী বলেন যে, জনগণের **সতর্ক দৃষ্টি** ও মত প্রকাশের স্বাধীনতা ছাড়া গণতান্ত্রিক শাসন-ব্যবস্থা নিরর্থক। জনমতের দ্বারা সত্য ও ত্রায়কে প্রতিষ্ঠিত করিতে হইবে। এই সত্য ও ত্রায়ের উপর প্রতিষ্ঠিত রাষ্ট্রনৈতিক জীবনই আদর্শ জীবন।

কিন্তু এই মত প্রকাশের স্বাধীনতা অনিয়ন্ত্রিত হওয়া উচিত নয়; কারণ, অনিয়ন্ত্রিত মত প্রকাশের স্বাধীনতা এমন দুর্নীতিমূলক ও রাষ্ট্রদ্রোহিতা-মূলক প্রচারকার্যে রত থাকিতে পারে বাহা রাষ্ট্রের অস্তিত্ব পর্যন্ত বিপন্ন করিয়া

তুলিতে পারে। আবার মানহানি, দুর্নীতি ও রাষ্ট্রদ্রোহিতার অজুহাতে মত প্রকাশের স্বাধীনতাকে নিয়ন্ত্রণ করাও অব্যাহত। বর্তমানের ধনতান্ত্রিক শাসন-ব্যবস্থায় দেশা্য় ঐ ধনিকশ্রেণী যাহাদের হস্তে শাসনক্ষমতা রহিয়াছে, তাহারা উপরোক্ত অজুহাতগুলির সাহায্যে নিজেদের শ্রেণীস্বার্থকে অক্ষুণ্ণ রাখিবার জন্ত দরিদ্র শ্রমিকশ্রেণীকে অতি সহজেই আদালতে উপস্থিত হইতে বাধ্য করে। এই শ্রমিকশ্রেণী আদালতের ব্যয়ভার বহন করিতে না পারিয়া প্রায়শঃই কারাবরণ করে। আবার সংবাদপত্রের মাধ্যমে যে মত প্রকাশিত হয় তাহা শ্রমিকশ্রেণীর মত নয়, কারণ সংবাদপত্রের ধনী মালিকশ্রেণী তাহাদের শ্রেণীস্বার্থের অমুকুলেই মত প্রকাশ করিয়া থাকে। শ্রমিকশ্রেণীর যে মত তাহাতে প্রকাশিত হয় তাহা বিকৃত অবস্থায় প্রকাশিত হয়। এই কারণে অনেকে এই মত পোষণ করেন যে, মত প্রকাশের স্বাধীনতাই যথেষ্ট নয়, তাহাকে বলবৎ করিবার ব্যবস্থাও করিতে হইবে।

(৯) পরিবার গঠনের অধিকার (Right to Family) : গ্রীক-দার্শনিক প্লেটো পারিবারিক জীবনের অবসান ঘটাইয়া এক সমভোগী সমাজের পরিকল্পনা রচনা করেন। আবার অতীতম গ্রীক দার্শনিক অ্যারিস্টটল পরিবারকেই সমাজ-বন্ধনের মূল সূত্র বলিয়া অভিহিত করিয়াছিলেন। প্রকৃতপক্ষে, সমাজ-জীবনের সূত্র হইতে আজ পর্যন্ত পারিবারিক জীবনই সমাজের কেন্দ্রস্থল হিসাবে কার্য করিতেছে। এই পরিবার ধ্বংস হইলে সমাজ ও রাষ্ট্র ধ্বংস হইবে। এই কারণে কোন রাষ্ট্রই পরিবার গঠনের অধিকারকে অস্বীকার করে না।

(১০) সম্পত্তির অধিকার (Right to Property) : সম্পত্তির অধিকারকে অ্যারিস্টটল সমাজ-বন্ধনের মূলগ্রন্থী হিসাবে বর্ণনা করিয়াছেন। সম্পত্তির অধিকারকে চুক্তিবাদিরাও সমর্থন করেন। সম্পত্তির অধিকার বলিতে বোঝায় সম্পত্তির ক্রয়-বিক্রয়ের ও দানের অধিকার, সম্পত্তি অর্জনের ও ব্যবহারের অধিকার। বর্তমানে সমাজতান্ত্রিক রাষ্ট্রে এই অধিকারের বিলোপ সাধন করা হইয়াছে এ যুক্তিতে যে, সম্পত্তির অধিকার অব্যাহত থাকিলে শোষণব্যবস্থাও অক্ষুণ্ণ থাকিবে। শোষণব্যবস্থার উচ্ছেদের জন্তই এই অধিকারীকে অস্বীকার করা হয়।

(১১) সংঘবদ্ধ হইবার অধিকার (Right to Association) : মানুষ সংঘপ্রিয়। সংঘপ্রিয়তা তাহার প্রকৃতিগত। মানুষের এই সংঘপ্রিয়তার

জন্মই বলা হয় যে, রাষ্ট্রনৈতিক সংঘ ও রাষ্ট্রের উদ্ভব হইয়াছে। মানুষ তাহার রাষ্ট্রনৈতিক আশা-আকাঙ্ক্ষার জন্মই শুধু সংঘ গড়িয়া তুলে নাই, মানুষ তাহার সাংস্কৃতিক, নৈতিক, সামাজিক ও অর্থনৈতিক জীবনকে বিকশিত করিবার জন্ম বিভিন্ন ধরনের সংঘ গড়িয়া তুলিয়াছে। ল্যান্সি প্রমুখ চিন্তাশীল ব্যক্তি এই মন্তব্য করেন যে, মানুষ ধীরে ধীরে নিজেকে এই সকল সংঘের মধ্যে জড়াইয়া ফেলিতেছে। আরও বলা হয় যে, এই সংঘগুলি তাহাদের স্ব স্ব ক্ষেত্রে সার্বভৌম। কিন্তু ইহা একটি অতিশয়োক্তি। কারণ, রাষ্ট্রের অন্তর্গত সকল সংঘই রাষ্ট্রের সার্বভৌমিকতার নিয়ন্ত্রণাধীন।

চুক্তির অধিকার (Right to Contract) : সমাজে যতদিন পর্যন্ত সম্পত্তির অধিকার ও স্বাধীনভাবে জীবিকার্জনের অধিকার স্বীকৃত হইবে ততদিন পর্যন্ত চুক্তির অধিকারও স্বীকৃত হইবে। কারণ সম্পত্তির ক্রয়বিক্রয় চুক্তির মাধ্যমেই হয়। উৎপাদন-ব্যবস্থায় শ্রমিক-মালিকের সম্পর্ক চুক্তি দ্বারা ই স্থায়ীকৃত হয়। এই কারণে ধনতান্ত্রিক সমাজব্যবস্থায় চুক্তির অধিকারকে স্বীকার করিয়া লওয়া হইয়াছে। কিন্তু এই অধিকার কখনও অব্যাহত ও অনিয়ন্ত্রিত হইতে পারে না ; কারণ, হুনাতিমূলক চুক্তিকে কোন আদর্শ রাষ্ট্রই স্বীকার করিবে না।

(৮) স্বাধীন বিবেক ও ধর্মচরণের অধিকার (Right to Freedom of Conscience and Religion) : ইতিহাস পর্যালোচনা করিলে দেখা যায়, পূর্বে অনেক রাষ্ট্র ছিল ধর্মভিত্তিক। ধর্মীয় রাষ্ট্রের একটি রাষ্ট্রীয় ধর্ম (State Religion) থাকিত। এই রাষ্ট্রীয় ধর্মকে অক্ষুণ্ণ রাখিবার জন্ম অনেক সময় অপরাপর ধর্মকে বিনাশ করা হইত। বর্তমানে পাকিস্তান প্রভৃতি কতিপয় রাষ্ট্র ছাড়া ধর্মভিত্তিক রাষ্ট্র নাই বলিলেও চলে। কিন্তু, ধর্মীয় রাষ্ট্র না থাকিলেও প্রায় সকল রাষ্ট্রই বিবেক ও ধর্মবিশ্বাসের স্বাধীনতাকে স্বীকার করিয়া লইয়াছে। অবশ্য, এই বিবেক ও ধর্মবিশ্বাসের স্বাধীনতার সহিত যদি রাষ্ট্রের আইনের সংঘর্ষ বাধে, তাহা হইলে রাষ্ট্র তাহার অস্তিত্ব ও স্বার্থ বজায় রাখিবার জন্ম বিবেক ও ধর্মবিশ্বাসের স্বাধীনতাকে নিয়ন্ত্রণ করিবে।

(৯) আইনের দৃষ্টিতে সমানাধিকার (Right to Equality before law) : অধিকার বলিতে বোঝায় মানুষের অন্তর্নিহিত শক্তির বিকাশের পক্ষে সুযোগ-সুবিধা। কিন্তু সমাজান্তর্গত মানুষের অধিকার যদি অসাম্যের উপর প্রতিষ্ঠিত হয় তবে অধিক সুবিধাভোগকারীর অধিকার

অপরের অধিকার ভোগ করার পথে বাধা সৃষ্টি করিবে। আইনের মাধ্যমেই একমাত্র সমানাধিকার প্রতিষ্ঠিত হইতে পারে। আইনের দৃষ্টিতে যদি সমানাধিকার স্বীকৃত হয় তবে প্রত্যেকের অধিকার সাম্যের উপর প্রতিষ্ঠিত হইবে। কিন্তু অর্থনৈতিক সাম্য প্রতিষ্ঠিত না হওয়া পর্যন্ত আইনের দৃষ্টিতে সাম্য প্রতিষ্ঠিত হইতে পারে না, কারণ আইন নিজেই অধিকারী শ্রেণীর স্বার্থবাহী।

(১০) ভাষা, শিক্ষা ও সংস্কৃতির স্বাতন্ত্র্য রক্ষার অধিকার (Right to Education and Preserve distinct Language and Culture) :

এই তিনটি অধিকার ছাড়া ব্যক্তির আত্মোপলব্ধির সুযোগের সম্পূর্ণরূপে বঞ্চিত হইতে পারে না। অশিক্ষিত ও অজ্ঞদের সমাজে প্রকৃত গণতন্ত্র প্রতিষ্ঠিত হইতে পারে না। আবার স্বতন্ত্র ভাষা ও সংস্কৃতির অধিকার ছাড়া মানুষের অন্তর্নিহিত শক্তির বিকাশ লাভও সম্ভব নয়। ভাষা ও সংস্কৃতির স্বাতন্ত্র্য রক্ষার অধিকার সংখ্যালঘুদের সমস্তার সমাধানের পথ নির্দেশ করে। ভাষা ও সংস্কৃতির স্বাতন্ত্র্যরক্ষার অধিকারের অর্থ জাতির আত্মনিয়ন্ত্রণের অধিকারকে স্বীকার করা। কিন্তু পূর্ববর্তী আলোচনায় দেখানো হইয়াছে যে, সর্বক্ষেত্রে জাতির আত্মনিয়ন্ত্রণের অধিকারকে স্বীকার করা সম্ভব নয়। আবার শিক্ষার অধিকার বলিতে বোঝায় রাষ্ট্রান্তর্গত প্রতিটি মানুষের একটা নির্দিষ্ট মান পর্যন্ত শিক্ষিত হইবার সমানাধিকার এবং উচ্চ পর্যায়ে শিক্ষারোহণে সকলের সমানাধিকার। কিন্তু সর্বক্ষেত্রে ও সর্বপর্যায়ে এইভাবে শিক্ষার অধিকারকে স্বীকার করা যায় না। মেধাবী ছাত্রকে সকল রাষ্ট্রই বিশেষ অধিকার দিয়া থাকে।

(খ) রাষ্ট্রনৈতিক অধিকার (Political Rights) : রাষ্ট্রনৈতিক অধিকার বলিতে বোঝায় নাগরিকের রাষ্ট্রীয় কার্যে সক্রিয় অংশগ্রহণের সুযোগ-সুবিধা। এই অধিকার নাগরিক ছাড়া অগ্র কেহ ভোগ করিতে পারে না। পূর্বে এই অধিকার দ্বারা বোঝাইত সরকারকে দমন করিবার ক্ষমতা। আর বর্তমানে ইহার দ্বারা সরকারকে গঠন ও নিয়ন্ত্রণ করিবার সুযোগ-সুবিধাকে বোঝানো হয়। নিম্নে কতিপয় রাষ্ট্রনৈতিক অধিকারের আলোচনা করা হইল :

(১) বসবাস করিবার অধিকার (Right of Residence) : এই অধিকারের অর্থ রাষ্ট্রাভ্যন্তরে স্থায়ীভাবে বসবাস করিবার অধিকার। এই

অধিকার একমাত্র নাগরিকেরাই ভোগ করে। বিদেশীদের রাষ্ট্রে স্থায়ীভাবে বসবাস করিবার অধিকার থাকে না। তাহারা শুধু রাষ্ট্রের অহুমতি লইয়া অস্থায়ীভাবে বসবাস করে। আবার রাষ্ট্র হইতে বহিষ্কৃত নাগরিক যখন স্থায়ীভাবে রাষ্ট্রে বাস করিতে পারে না তখন সে আর নাগরিক থাকে না। অতএব নাগরিকদের ইহা হইল সর্বপ্রধান রাষ্ট্রনৈতিক অধিকার।

(২) বিদেশে অবস্থানকালে নিরাপত্তার অধিকার (Right to Protection while staying Abroad) : এই অধিকারের অর্থ রাষ্ট্রের ~~নাগরিক~~ নাগরিক যখন বিদেশে সাময়িকভাবে বাস করিবে তখন বৈদেশিক রাষ্ট্র যদি তাহার উপর কোন দুর্ব্যবহার করে তবে তাহার নিজের রাষ্ট্র উহার প্রতিকার করিবে। নাগরিকের এই অধিকার বলবৎ করিবার জন্ত রাষ্ট্র প্রয়োজনবোধে এমন কি যুদ্ধ পর্যন্ত ঘোষণা করিবে। উদাহরণস্বরূপ বলা যায়, প্রথম বিশ্বযুদ্ধ শুরু হয় তখন যখন অস্ট্রিয়া সার্বিয়ার উপর এই ধরনের একটি অধিকারকে বলবৎ করিবার চেষ্টা করে।

(৩) ভোটাধিকার (Right to Vote) : রাষ্ট্রনৈতিক অধিকারের মধ্যে সর্বাপেক্ষা গুরুত্বপূর্ণ অধিকার হইল ভোটাধিকার। পূর্বেই বলা হইয়াছে যে, শাসনকার্যে অংশ গ্রহণ করার সুযোগ-সুবিধাই প্রধানতম রাষ্ট্রনৈতিক অধিকার। পূর্বে প্রত্যক্ষ গণতন্ত্রে সরাসরি ভোটদানের মাধ্যমে রাষ্ট্রের জনগণ শাসনকার্যে অংশ গ্রহণ করিত। বর্তমানে বৃহদায়তন রাষ্ট্রে প্রত্যক্ষ গণতন্ত্র সম্ভবপর নয় বলিয়া ভোটদানের মাধ্যমে অর্থাৎ প্রতিনিধি নির্বাচন করিয়া তাহার মাধ্যমে শাসনকার্যে অংশ গ্রহণ করে। এই অধিকার সর্বাপেক্ষা গুরুত্বপূর্ণ বলিয়া জাতিধর্ম, স্ত্রী-পুরুষ ও ধনী-নিধন-নির্বিণেবে প্রত্যেক প্রাপ্ত-বয়সকে ভোটাধিকার প্রদান করাই কাম্য।

আবার ভোটদানের অধিকার হইতেই নির্বাচিত হইবার অধিকার জন্মায়। গণতান্ত্রিক রাষ্ট্রে যোগ্যতা থাকিলেই ভোটদানের অধিকার এবং নির্বাচিত হইবার অধিকার প্রদান করা হয়।

(৪) সরকারী চাকুরীতে নিয়োগের অধিকার (Right to hold Public Office) : সরকারী চাকুরীতে নিয়োগের অধিকারের মাধ্যমে নাগরিক রাষ্ট্রের শাসনকার্যে অংশ গ্রহণ করিতে পারে। এইজন্ত যোগ্যতা অহুসারে এই অধিকার প্রদান করা প্রত্যেক গণতান্ত্রিক রাষ্ট্রের কর্তব্য।

আবার অনেক সময় বিদেশীকে সরকারী কার্যে নিয়োগ করা হয়। কিন্তু ইহা রাষ্ট্রের প্রয়োজনে, রাষ্ট্রনৈতিক অধিকার অহুসারে নয়।

(৫) রাষ্ট্রের বিরুদ্ধে অধিকার (Right against the State) : এই অধিকারের আলোচনায় রাষ্ট্রবিজ্ঞানিগণ দুইদলে বিভক্ত হইয়া পড়েন। সক্রটিস প্রমুখ চিন্তাশীল ব্যক্তির মতে রাষ্ট্রের বিরুদ্ধে বিদ্রোহের অধিকারের অর্থ অরাজকতা সৃষ্টি করিবার অধিকার। আবার অরাজকতাকে সমর্থন করার অর্থ সংঘবদ্ধ জীবনকে ব্যাহত হইয়া দিবার সুযোগ দান। ইহা সমাজের মৌল আদর্শের পরিপন্থী এবং সমর্থনযোগ্য নহে। কিন্তু রাষ্ট্রের বিরুদ্ধে অধিকারের অর্থ শাসনযন্ত্রের বিরুদ্ধে অধিকার। রাষ্ট্র একাধিক ধারণা মাত্র। শাসনযন্ত্রই কার্যতঃ ব্যক্তির আত্মোপলব্ধির সুযোগ সৃষ্টি করে এবং রাষ্ট্রের পক্ষে ব্যক্তির অধিকারকে স্বীকৃতি দেয় ও বলবৎ করে। এখন, রাসেলকে অহুসরণ করিয়া বলা যায় যে, অরাজকতার সম্ভাবনা থাকিলেও সরকার যদি নিকৃষ্ট হয় এবং সে তাহার কর্তব্য পালন না করে তবে জনসাধারণের বিদ্রোহ করার নিশ্চয়ই প্রয়োজন হয়। এই বিদ্রোহের অধিকার না থাকিলে শাসকবর্গ স্বৈরাচারী হইয়া উঠিতে পারে। ফলে জনগণের আত্মোপলব্ধির সকল সুযোগ ব্যাহত হইবে, সকল পথ রুদ্ধ হইবে।

কিন্তু, সকল অধিকারই সমাজসজ্জাত। রাষ্ট্র ইহাদের স্বীকৃতি দেয় ও বলবৎ করে মাত্র। এখন, রাষ্ট্রের বিরুদ্ধে যে অধিকার তাহা রাষ্ট্র কিভাবে স্বীকৃতি দিবে এবং বলবৎ করিবে? এই কারণে কেহ কেহ এই অধিকারকে অবাস্তব ও অলীক বলিয়া অভিহিত করিয়াছেন।

(গ) অর্থনৈতিক অধিকার (Economic Rights) : এই অধিকার সমাজজীবনে ব্যক্তির ব্যক্তিত্ব উপলব্ধির পক্ষে বিশেষ প্রয়োজনীয় বলিয়া অনেকে এই অধিকারকে মৌলিক সামাজিক অধিকারের অন্তর্ভুক্ত করিতে চান। কিন্তু বর্তমান যুগের অর্থব্যবস্থার পরিপ্রেক্ষিতে অর্থনৈতিক অধিকারের একটি বিশিষ্ট গুরুত্বপূর্ণ ভূমিকা থাকায় এই অধিকারকে বিশেষ পর্যায়ভুক্ত করিয়া স্বতন্ত্রভাবে আলোচনা করা হইল। অধ্যাপক ল্যান্ডিসের ভাষায় অর্থনৈতিক অধিকার হইল, “দৈনন্দিন অন্নসংস্থান ব্যাপারে যুক্তিসঙ্গত অর্থ খুঁজিয়া পাইবার সুযোগ” (“...the opportunity to find reasonable significance in the earning of one's daily bread.”)। নিম্নে কতিপয় অর্থনৈতিক অধিকারের আলোচনা করা হইল :

(১) **কর্মে অধিকার (Right to Work)** : এই অধিকার প্রসঙ্গে ল্যাস্কি বলেন যে, কর্মের দ্বারাই মানুষ তাহার জীবিকার্জন করে ; অতএব মানুষের কর্মসংস্থান করিয়া দিবার দায়িত্ব ও কর্তব্য সমাজের। জীবিকার্জনের জন্ত যথাযোগ্য সুযোগ-সুবিধার পথ উন্মুক্ত না থাকিলে মানুষের জীবনের অধিকারকে অস্বীকার করা হয়। কর্মের অধিকার বলিতে যে-কোন কর্মে অধিকার বোঝায় না, ইহার দ্বারা বোঝায় যথাযোগ্য কর্মে অধিকার।

(২) **পর্যাপ্ত পারিশ্রমিকের অধিকার (Right to Adequate Wage)** : ল্যাস্কিকে অসুখ করিয়া বলা ~~অসুখ~~ কতিপয় লোকের প্রাচুর্যের রসদ ~~নাগহিব~~ ^{নাগহিব} পূর্বে দেখিতে হইবে, প্রত্যেকের যেন ~~সংস্কার~~ ^{সংস্কার} হয়।* সমাজে ধনী ও নিধনের জীবনযাত্রার মান এক নয়। জীবনযাত্রার মানের সাম্যবিধানের জন্ত নাগরিককে শুধু কর্মের অধিকার দিলেই চলিবে না ; তাহাকে পর্যাপ্ত পারিশ্রমিকের অধিকারও দিতে হইবে।

(৩) **অবকাশের অধিকার (Right to Leisure)** : এই প্রসঙ্গে গ্রীক দার্শনিক অ্যারিস্টটল বলেন যে, “সুখী হইবার পক্ষে অত্যাৱশ্যক হইল বিশ্রাম” (“Leisure is essential to happiness”)। মানুষের সন্তার পূর্ণ বিকাশ সম্ভব নয় যদি মানুষকে সারা দিনরাত অল্পসংস্থানের জন্ত পরিশ্রম করিতে হয়। মানুষের কর্মশক্তির একটা সীমা আছে। এই সীমা অতিক্রম করিলে মানুষের জীবন ব্যর্থ হয়, সে অল্পসংস্থানের ব্যাপার ছাড়া অল্প কোন বিষয়ে মনোনিবেশ করিতে পারে না। সুতরাং তাহাকে বিশ্রামের অধিকার দিতে হইবে। বিশ্রাম সন্তার বিকাশে সাহায্য করে।

উপসংহারে বলা যায়, উপরে যে তিন শ্রেণীর অধিকারের, অর্থাৎ সামাজিক, রাষ্ট্রনৈতিক ও অর্থনৈতিক অধিকারের আলোচনা করা হইয়াছে, তাহাদের মধ্যে পার্থক্য অতিশয় অস্পষ্ট। কারণ প্রায় প্রত্যেকটি অধিকারই পরস্পর-নির্ভরশীল। যেমন, **মত প্রকাশের স্বাধীনতা**। ইহা সামাজিক অধিকার। কিন্তু, ইহা আবার ভোটদানের অধিকার অর্থাৎ রাষ্ট্রনৈতিক অধিকারের সহিত সম্পর্কিত। উভয়ের মধ্যে পার্থক্যের সীমারেখা অস্পষ্ট। আবার সকল দেশে একই ধরনের অধিকার প্রদান করা হয় না। রাষ্ট্রিক কাঠামোর উপরই অধিকারের চরিত্র নির্ভর করে। সমাজতান্ত্রিক রাষ্ট্রে

* “There must be sufficiency for all before there is a superfluity for some.”

যে ধরনের অধিকার প্রদান করা হয়, ধনতান্ত্রিক রাষ্ট্রে সেই ধরনের অধিকার প্রদান করা হয় না। এই কারণেই ল্যাস্কি অধিকারের ভিত্তিতে রাষ্ট্রিক চরিত্রের বিশ্লেষণ করিয়াছেন (“The State is known by the rights it maintains”—Laski)।

স্বাধীনতা (Liberty)

স্বাধীনতার সংজ্ঞা ও স্বরূপ (Definition and Nature of Liberty) : স্বাধীনতা বলিতে সাধারণতঃ প্রত্যেক ব্যক্তির নিজ ইচ্ছানুসারে আপন জীবন নিয়ন্ত্রণ করিবার ক্ষমতা। কৌশল, ন্যূনত্বই অপরের নির্দেশানুসারে চলিতে চায় না। ব্যক্তির আত্মনিয়ন্ত্রণের ক্ষমতাকেই সাধারণতঃ স্বাধীনতা বলিয়া আখ্যায়িত করা হয়। রাষ্ট্রবিজ্ঞানে স্বাধীনতা শব্দটি বিভিন্ন অর্থে ব্যবহৃত হয়। এখানে প্রথমেই উল্লেখ করা প্রয়োজন যে, রাষ্ট্রবিজ্ঞানে স্বাধীনতাকে নিয়ন্ত্রণবিহীনতার অর্থে ব্যবহার করা হয় নাই; অর্থাৎ, অবাধ স্বাধীনতা বলিয়া কিছু থাকিতে পারে না। একজনের অবাধ স্বাধীনতার অর্থ অন্য সকলের স্বাধীনতায় তাহার হস্তক্ষেপের স্বীকৃতি।

প্রাচীন গ্রীসের এথেন্স নগরীই স্বাধীনতার জন্মস্থান। অবশ্য, এথেন্সবাসীরা এই স্বাধীনতার অর্থে সম্প্রদায়গত ও ব্যক্তিগত উভয় স্বাধীনতাকেই বুঝিতেন। ব্যক্তিগত স্বাধীনতা আবার দুইদিক হইতে বিচার্য হইত। একদিকে ইহার অর্থ করা হইত স্ব-শাসন আর অপরদিকে অর্থ করা হইত প্রতিদিনের অভাব-অভিযোগ হইতে অব্যাহতি লাভ। এথেন্সে স্ব-শাসনের নীতি হইতে উদ্ভূত হয় প্রত্যক্ষ গণতন্ত্র। আর এথেন্সে দাস প্রথা চালু থাকায় এথেনীয়রা প্রাতিদিনকার অভাব-অভিযোগ হইতে অব্যাহতি পাইয়া মুক্তজীবন যাপন করিতে সক্ষম হইয়াছিল। এই ব্যক্তিগত স্বাধীনতার অর্থ কালক্রমে বিবর্তিত হয় এবং তাহার অর্থ আসিয়া দাঁড়ায় এই যে, ব্যক্তির জীবনকে সুখী করিবার জন্ত ব্যক্তির বাহ্যিক আচরণের পূর্ণ স্বাধীনতা। কিন্তু ভূমিগত সার্বভৌমিকতার ধারণার, অর্থাৎ, রাষ্ট্রাভ্যন্তরে রাষ্ট্রই সকল চূড়ান্ত এথেনীয় স্বাধীনতা।

ক্ষমতার অধিকারী, পরিস্ফুটনের পর, স্বাধীনতার ধারণার সহিত রাষ্ট্রীয় সার্বভৌমিকতার ধারণার এক অসামঞ্জস্য পরিলক্ষিত হয়। স্বাধীনতার অর্থ নিয়ন্ত্রণবিহীনতা আর সার্বভৌমিকতার দ্বারা বোঝায়

এই স্বাধীনতার উপর রাষ্ট্রের নিয়ন্ত্রণাধিকার। এই ধারণার অসামঞ্জস্য দূর করার জন্ত জন স্টুয়ার্ট মিল তাঁহার ‘স্বাধীনতা’ সম্পর্কিত (Essay on Liberty) গ্রন্থে স্বাধীনতার এক নূতন ব্যাখ্যা প্রদান করেন। তাঁহার মতে স্বাধীনতার অর্থ বাহ্যিক আচরণের নিয়ন্ত্রণবিহীনতা নয়, স্বাধীনতার অর্থ হইল মানুষের মৌলিক সামাজিক শক্তির এক শক্তিশালী, বহুবিধ ও অব্যাহত অভিব্যক্তি। সমাজকে যদি সুন্দর করিয়া গড়িতে হয় তবে ব্যক্তির মানসিক বৃত্তি প্রকাশের এইরূপ স্বাধীনতা দেওয়া বিধেয়। মিল এখানে মানসিক বৃত্তির অব্যাহত অভিব্যক্তিরই স্বাধীনতার আরোপ করেন। ল্যাক্সব সংজ্ঞা মিলের স্বাধীনতা সম্পর্কে ধারণা অস্পষ্ট।

তাই বার্কার বলিয়াছেন যে, মিল স্বাধীনতার ধারণার ক্ষেত্রে এক শূন্যগর্ভ উক্তি করিয়াছেন। সাম্প্রতিক ধারণা হইল, অধিকারের মাধ্যমেই প্রকৃত স্বাধীনতার মর্ম উপলব্ধি হয়। আরও বলা হয় যে, অধিকারই স্বাধীনতার উৎপত্তিস্থল (Liberty is the product of rights)।

আবার স্বাধীনতাকে একদিক হইতে নিয়ন্ত্রণবিহীনতা বলিয়াও আখ্যায়িত করা যায়; তাহা হইল, যে সকল বিষয়ে জনগণের অধিকার স্বীকৃত হইয়াছে, সেই সকল বিষয়ের উপর ব্যক্তির অবাধ স্বাধীনতা রহিয়াছে। অর্থাৎ, ল্যাক্সবর ভাষায় বলা যায়, “স্বাধীনতা হইল সুখী জীবনের পক্ষে অত্যন্ত অত্যাবশ্যক কতকগুলি নিয়ন্ত্রণমুক্ত সামাজিক অবস্থা।” এখানে যে সামাজিক অবস্থার কথা বলা হইয়াছে, তাহাই বর্তমান ধারণানুসারে মানুষের ‘অধিকার’। এই নিয়ন্ত্রণমুক্ত অধিকারের ক্ষেত্রে মানুষ স্বাধীনতা ভোগ করে। অতএব এই দিক হইতে স্বাধীনতাকে নিয়ন্ত্রণমুক্তও বলা যাইতে পারে।

আবার পরিবেশের পরিপ্রেক্ষিতে ল্যাক্সব স্বাধীনতার আর একটি সংজ্ঞা দিয়াছেন। তিনি বলেন: “স্বাধীনতা বলিতে আমি বুঝি কতকগুলি পরিবেশের সমস্ত সংরক্ষণ যেখানে মানুষ তাহার সন্তাকে পূর্ণভাবে উপলব্ধি করিতে সক্ষম হইবে।”*

এখানে যে পরিবেশের কথা বলা হইয়াছে, সেই পরিবেশের সৃষ্টি হয় তখনই যখন মানুষের অধিকারগুলি রাষ্ট্রকর্তৃক স্বীকৃত ও সংরক্ষিত হয়। অতএব অধিকারের সংরক্ষণে যে পরিবেশের সৃষ্টি হয় তাহাই ব্যক্তির স্বাধীনতা।

* “By liberty I mean the eager maintenance of that atmosphere in which men have the opportunity to be their best selves.”—Laski.

আবার সাম্যের উপরই নির্ভর করে স্বাধীনতার পরিবেশ-সৃষ্টি। অসাম্যের সমাজে স্বাধীনতা নিরর্থক। ল্যাক্স প্রমুখ এই ধারণা পোষণ করেন যে, রাষ্ট্র যদি (ক) পক্ষপাত-মূলক দৃষ্টিভঙ্গী লইয়া সমাজের এক শ্রেণীকে (খ) বিশেষ অধিকার প্রদান করিয়া অপর শ্রেণীর লোক দিগকে বিশেষ সুবিধা-ভোগকারী শ্রেণীর উপর (গ) নির্ভরশীল করে তবে যে বৈষম্যের পরিবেশ সৃষ্টি হইবে তাহাতে সকলে আত্মোপলব্ধির সমান সুযোগ পাইবে না; ফলে স্বাধীনতার পরিবেশ গড়িয়া উঠিবে না।

পরিশেষে বলা যায়, স্বাধীনতা মানুষের স্বত্ব নহে; স্বাধীনতা একটি পন্থা মাত্র। মানুষের সম্ভার উপলব্ধিই ইহার লক্ষ্য। এই পন্থা পৌঁছিতে হইলে স্বাধীনতাকে প্রকৃত ব্যবহার করিতে হইবে। বস্তুতঃ, স্বাধীনতা যদি ~~কখনো~~ ~~না~~ হয়, তবে স্বাধীনতা না পাইলে ক্ষতি কি ?

স্বাধীনতার বিভিন্ন রূপ (Kinds of Liberty) : বিভিন্ন দৃষ্টিকোণ হইতে স্বাধীনতাকে দেখা হয় বলিয়া ‘স্বাধীনতা’ রাষ্ট্র চিন্তা ক্ষেত্রে বিভিন্ন রূপে হাজির হইয়াছে। নিম্নে বিভিন্ন দৃষ্টিকোণ করিতে স্বাধীনতাকে আলোচনা করা হইল :

(ক) ব্যক্তিগত ও সম্প্রদায়গত স্বাধীনতা (Individual and National Liberty) : পূর্বেই বলা হইয়াছে যে এথেনীয়গণ স্বাধীনতা বলিতে এই উভয় প্রকার স্বাধীনতাকেই বুঝিত। কিন্তু বর্তমানে সম্প্রদায়গত স্বাধীনতাকে বলা হয় **জাতীয় স্বাধীনতা**। আর ব্যক্তিগত স্বাধীনতার ধারণাও অনেক পরিবর্তন হইয়াছে। জাতীয় স্বাধীনতাকে বার্ষস জাতির সর্বপ্রকার স্বাভাবিক উন্নয়নের ভিত্তি হিসাবে বর্ণনা করেন। পরাধীন দেশের পরাধীন মানুষের আত্মোপলব্ধির আইনসম্মত সুযোগ-সুবিধা থাকে না। এইজন্য জাতীয় স্বাধীনতা বা বহিঃশক্তির নিয়ন্ত্রণমুক্ত অবস্থা প্রত্যেক ব্যক্তির ব্যক্তিগত উপলব্ধির পক্ষে একান্ত প্রয়োজন। উপরে ব্যক্তিগত স্বাধীনতার স্বরূপ সম্বন্ধে আলোচনা করা হইয়াছে। অতএব এখানে তাহার পুনরুল্লেখ নিম্নপ্রয়োজন।

স্বাভাবিক, সামাজিক ও আইনসম্মত স্বাধীনতা (Natural, Social and Legal Liberty) : (১) প্রাক-রাষ্ট্রিকযুগে প্রাকৃতিক পরিবেশে মানুষ যে যথেষ্টাচরণের ক্ষমতা ভোগ করিত তহাকে বলা হয় **স্বাভাবিক স্বাধীনতা**। রুশোর ভাষায় বলা যায়, “মানুষ স্বাধীন হইয়াই জন্মগ্রহণ করিয়াছে, কিন্তু চারিদিকে হইত সে আজ শৃঙ্খলাপাশে আবদ্ধ (“Man is born free but

everywhere he is in chains.”। দর্শনমূলক নৈরাজ্যবাদিগণও বলেন যে, সামাজিক ও রাষ্ট্রিক আইনের অসংখ্য শৃঙ্খলে মানুষ আজ আবদ্ধ বলিয়া সে তাহার সম্ভার স্বতঃশূর্ত প্রকাশ করিতে পারে না। তাই তাহারা রাষ্ট্রিক ব্যবস্থার বিলোপসাধন করিয়া স্বাভাবিক অবস্থায় প্রত্যাবর্তন করিতে চান।

কিন্তু আইন ছাড়া যে স্বাধীনতা স্বেচ্ছাচারিতায় পরিণত হয়, তাহা এই সকল দার্শনিকদের দৃষ্টিতে ধরা পড়ে নাই। এখানে ল্যাক্সির প্রাসঙ্গিক উক্তিটির উল্লেখ করা যাইতে পারে। তিনি বলেন যে, যতদিন পর্যন্ত মানুষ পরস্পরবিরোধী আকাঙ্ক্ষা পূরণ করিবার জন্ত পরস্পরবিরোধী আচরণ করিবে, ততদিন পর্যন্ত স্বাভাবিক স্বাধীনতার কল্পনা করা যায় না। রাষ্ট্রিক অমুশাসনের বেড়াজালের মধ্যেই স্বাধীনতা প্রকৃত রূপ গ্রহণ করে। এখন এই নিয়ন্ত্রিত স্বাধীনতা যদি সমাজকল্যাণকর হয়, তাহা হইলে তাহাই স্বাভাবিক স্বাধীনতা। আইনসঙ্গত স্বাধীনতা হইল রাষ্ট্রীয় কর্তৃত্ব দ্বারা স্বীকৃত, সংরক্ষিত, নিয়ন্ত্রিত স্বাধীনতা, আবার, ইহাকে নির্দিষ্ট ও পরস্পরের আপেক্ষিক হইতে হইবে। অর্থাৎ, এক ব্যক্তির স্বাধীনতা দ্বারা অপর ব্যক্তির স্বাধীনতা নিয়ন্ত্রিত হইবার পর মানুষ যে যথেষ্টচারিতা ভোগ করে তাহাই আইনসঙ্গত স্বাধীনতা।

আইনসঙ্গত স্বাধীনতা যেমন রাষ্ট্রীয় কর্তৃত্ব দ্বারা স্বীকৃত, সংরক্ষিত ও নিয়ন্ত্রিত হয়, সামাজিক স্বাধীনতাও সামাজিক বিবেক দ্বারা স্বীকৃত, সামাজিক বিধি কর্তৃক সংরক্ষিত ও নিয়ন্ত্রিত হয়। কিন্তু সামাজিক ও আইনসঙ্গত স্বাধীনতার মধ্যে পার্থক্য সমাজ আর রাষ্ট্র এক নয় বলিয়া আইনসঙ্গত স্বাধীনতা ও সামাজিক স্বাধীনতাও এক নয়। রাষ্ট্রের এলাকার বাহিরে বৃহত্তর সমাজ-জীবনে মানুষ যে স্বাধীনতা ভোগ করে, তাহাকেই সামাজিক স্বাধীনতা বলা হয়। বর্তমানে সামাজিক ও আইনসঙ্গত স্বাধীনতার মধ্যে পার্থক্য অনেক পরিমাণে দূরীভূত হইয়াছে। কারণ, প্রয়োজনবোধে রাষ্ট্র সামাজিক স্বাধীনতায় হস্তক্ষেপ করিয়া সামাজিক স্বাধীনতাকে আইনসঙ্গত স্বাধীনতার রূপ দিয়া থাকে। উদাহরণ হিসাবে বলা যায়, ধর্ম্মাচরণের স্বাধীনতাকে এক সময়ে সামাজিক স্বাধীনতা বলিয়া অভিহিত করা হইত। কিন্তু, বর্তমানে ইহা আইনসঙ্গত স্বাধীনতার মর্যাদা লাভ করিয়াছে। কারণ, রাষ্ট্র ইহাকে স্বীকৃতি দিয়াছে।

আইনসঙ্গত স্বাধীনতাকে আবার তিন শ্রেণীতে বিভক্ত করা হয় ;

যথা,—(১) ব্যক্তি-স্বাধীনতা, (২) রাজনৈতিক স্বাধীনতা ও (৩) অর্থনৈতিক স্বাধীনতা।

(১) **ব্যক্তি-স্বাধীনতা (Civil Liberty) :** ব্যক্তির ব্যক্তিত্ব বিকাশের সহায়ক এবং দৈনন্দিন জীবনের পক্ষে অপরিহার্য কতকগুলি অধিকারকে বলা হয় পৌর স্বাধীনতা বা ব্যক্তি-স্বাধীনতা বা ব্যক্তিগত স্বাধীনতা। ব্ল্যাক্‌স্টোন (Blackstone) ব্যক্তিগত নিরাপত্তা, গতিবিধির স্বাধীনতা এবং সম্পত্তির স্বাধীনতাকে ব্যক্তি-স্বাধীনতা বলিয়া আখ্যায়িত করিয়াছেন। বর্তমানে অবশ্য, আরও কতকগুলি স্বাধীনতা, যেমন, চিন্তা, বিশ্বাস ও মতামত প্রকাশের স্বাধীনতা, সংঘবদ্ধ হইবার স্বাধীনতা এবং চুক্তি-স্বাধীনতা প্রভৃতিকে ব্যক্তি-স্বাধীনতার পর্যায়ভুক্ত করা হয়।

(২) **রাজনৈতিক স্বাধীনতা (Political Liberty) :** রাজনৈতিক ক্ষেত্রে শাসন-পরিচালনা ব্যাপারে অংশ গ্রহণ করার অধিকারসমূহকে রাজনৈতিক অধিকার বা স্বাধীনতা বলিয়া অভিহিত করা হয়। ব্ল্যাক্‌স্টোনকে অনুসরণ করিয়া বলা যায়, রাজনৈতিক স্বাধীনতা হইল প্রধানতঃ সরকারকে দমন করার ক্ষমতা। উদাহরণস্বরূপ বলা যায়, জনসাধারণের স্বাধীনতা সংরক্ষণের জন্ত আবেদনের অধিকার, বিচারালয়ে প্রতিবিধানের ব্যবস্থা প্রভৃতির অধিকার। বর্তমানে রাজনৈতিক অধিকার বলিতে বোঝায় সরকারকে গঠন ও নিয়ন্ত্রণ করিবার ক্ষমতা। ল্যান্ডি বলেন : “রাজনৈতিক স্বাধীনতা হইল রাষ্ট্রকার্যে সক্রিয় অংশগ্রহণের ক্ষমতা” (“Political liberty means the power to be active in affairs of State.”)। উদাহরণস্বরূপ বলা যায় প্রাপ্তবয়স্ক ও যোগ্য ব্যক্তির ভোট দিবার ও ভোট পাইবার ক্ষমতা এবং সরকারের কার্যাবলীর সমালোচনা করিবার অধিকার প্রভৃতি। এই অধিকারগুলি রাজনৈতিক স্বাধীনতার পর্যায়ভুক্ত। এই স্বাধীনতা মানুষকে রাজনৈতিক চেতনাসম্পন্ন করিয়া তাহার অধিকার ও দায়িত্ব সম্বন্ধে সচেতন করে। অতএব এই স্বাধীনতাও ব্যক্তিত্ব বিকাশের সহায়ক।

(৩) **অর্থনৈতিক স্বাধীনতা (Economic Liberty) :** অর্থনৈতিক স্বাধীনতা বলিতে বোঝায় প্রত্যেক মানুষের নিজের শিক্ষা ও সামর্থ্যমুযায়ী কার্য করিয়া জীবিকা অর্জনের সম্পূর্ণ সুযোগ-সুবিধা ভোগ করার অধিকার। অনশনের ভয় মানুষের মনুষ্যত্ব নষ্ট করে। তাই প্রয়োজন অর্থনৈতিক স্বাধীনতা। ইহা মানুষকে আত্মনির্ভরশীল করিয়া তোলে এবং তাহার অত্যা

স্বাধীনতাকে স্বার্থক করিয়া তোলে। এই স্বাধীনতাকে বাস্তব করিয়া তুলিতে হইলে সমাজের প্রত্যেক ব্যক্তির জীবনধারণ একটা স্থিরীকৃত মানের হিসাবে জীবিকা অর্জনের মাধ্যমে বজায় রাখার ব্যবস্থা করা একান্ত প্রয়োজন। এই স্বাধীনতার উদাহরণ হইল জীবিকা অর্জনের অধিকার, বেকার ভাতা পাইবার অধিকার প্রভৃতি।

উপসংহারে বলিতে পারা যায় যে, স্বাধীনতার বিভিন্ন রূপের মধ্যে যে পার্থক্য উপরিউক্ত আলোচনায় প্রকাশিত হইয়াছে তাহাতে তাহাদের মধ্যে সংঘর্ষ বাধাটা অস্বাভাবিক। পূর্বেই ব্যক্তি-স্বাধীনতা ও রাজনৈতিক স্বাধীনতার মধ্যে সংঘর্ষের উল্লেখ করা হইয়াছে। এই সংঘর্ষের কথা চিন্তা করিয়া বাকীর এই মন্তব্য করেন : “বস্তুতঃ, স্বাধীনতা একটা জটিল ধারণা। ইহা একদিকে মাহুবকে স্বাধীনতার প্রতি আহুগত্যে ঐক্যবদ্ধ করে, আবার অপরদিকে ইহার বিভিন্ন রূপের প্রতি আহুগত্যের জন্ম পরস্পরকে পৃথক করে।”* এইভাবে পার্থক্য করে বলিয়া প্রকৃত স্বাধীনতার সমর্থনকারীদের মধ্যে বিভিন্ন দল সৃষ্টি হয়। আবার কেহ কেহ বলেন, আইনের মাধ্যমে স্বাধীনতার বিভিন্ন রূপের মধ্যে একটা সমন্বয় সাধন করা যায়।

স্বাধীনতার রক্ষাকবচ (Safeguards of Liberty) : রাষ্ট্রবিজ্ঞানের ইতিহাস আলোচনা করিলে দেখা যায়, দীর্ঘকাল হইতেই রাষ্ট্রবিজ্ঞানিগণ রাষ্ট্রাভ্যন্তরে স্বাধীনতা সংরক্ষণের কথা চিন্তা করিয়াছেন। কারণ, দেখা গিয়াছে যে, ক্ষমতার আসনে যে শ্রেণী অধিষ্ঠিত হয় সেই শ্রেণী শুধু তাহার নিজেদের স্বার্থের অহুকূলে রাষ্ট্রক্ষমতা ব্যবহার করে। ফলে অপরাপর শ্রেণীর স্বাধীনতা ও স্বার্থ অক্ষুণ্ণ থাকে না। আবার দেখা যায়, ক্ষমতার আসনে অধিষ্ঠিত হইয়া শাসকবর্গ স্বাধীনতার বিনাশ করে কারণ, “ক্ষমতা (তাহাদিগকে) আদর্শভ্রষ্ট করে এবং অবাধ ক্ষমতা সম্পূর্ণভাবেই আদর্শভ্রষ্ট করে” (“Power corrupts and absolute power corrupts absolutely”—Lord Acton)। সমাজে বিশেষ স্বেচ্ছাচারের সৃষ্টি, পক্ষপাত-মূলক রাষ্ট্রকার্য প্রভৃতি একজনের স্বাধীনতাকে অপরের উপর নির্ভরশীল করিতে পারে বলিয়া রাষ্ট্রবিজ্ঞানিগণ স্বাধীনতা সংরক্ষণের জন্ত কতকগুলি

* “Liberty is indeed a complex notion, which at once unites men in its allegiance and divides them by its divisions.”

বিশেষ ব্যবস্থার নির্দেশ দিয়াছেন। নিম্নে এই ব্যবস্থাগুলির আলোচনা করা হইল :

(১) নাগরিকের অধিকারগুলির আইনগত স্বীকৃতি প্রয়োজন ; কারণ, তাহা হইলে বিচার-ব্যবস্থার মাধ্যমে আইনকে কার্যকরী করিবার জন্ত সরকারকে বাধ্য করানো যায়।

(২) মৌলিক অধিকারগুলিকে শাসনতান্ত্রিক স্বীকৃতি দিতে হইবে। কারণ শাসনতন্ত্রের দ্বারা এইগুলি বিধিবদ্ধ হইলে, যদি কখনও এই অধিকার-গুলিকে খর্ব করা হয় তাহা হইলে আদালতের মাধ্যমে প্রতিকার বিধানের ব্যবস্থা করা যায়। বিধিবদ্ধ অধিকারগুলি সংখ্যালঘুদের বিরুদ্ধে জন্ত বিশেষ প্রয়োজন। ইহারা শাসনতন্ত্রে স্থান পাইলে বিশেষ মর্যাদাও লাভ করে এবং জনসাধারণও তাহাদের অধিকারগুলি কি কি তাহা জানিতে পারে।

(৩) লক্‌, মন্টেসকিউয়ে ও ম্যাডিসন প্রমুখ ক্ষমতা পৃথকীকরণকে স্বাধীনতার রক্ষাকবচরূপে বর্ণনা করিয়াছেন। ইহার অর্থ বিচারবিভাগ, শাসন-বিভাগ ও আইনবিভাগ পৃথক পৃথকভাবে স্ব স্ব ক্ষেত্রে কাজ করিবে। অত্যাশ্রয় একই ব্যক্তি যদি আইন-প্রণেতা, আইনকে কার্যকরী করার ক্ষমতাদিকারী ও বিচারপতিরূপে কার্য করে তবে স্বৈরাচারিতা প্রতিষ্ঠিত হইবে এবং ব্যক্তি-স্বাধীনতা ধ্বংস হইবে। আরও বলা হয় যে, শুধু ক্ষমতা ক্ষমতা পৃথকীকরণ

পৃথকীকরণ করিলেই চলিবে না, নিরপেক্ষ বিচারের জন্ত বিচারবিভাগকে অত্যাশ্রয় বিভাগ হইতে সম্পূর্ণ পৃথক করিতে হইবে এবং (১) বিচারপতিগণের চাকুরির নিরাপত্তা এবং (২) তাহাদের পদোন্নতির ব্যবস্থা করিতে হইবে। আর শাসকমণ্ডলী যাহাতে বিচারপতিগণের উপর কোন চাপ সৃষ্টি করিয়া তাহাদিগকে পক্ষপাতমূলক বিচার-মীমাংসা দিতে বাধ্য না করিতে পারে সেইদিকে সদাজাগ্রত দৃষ্টি রাখিতে হইবে। কিন্তু ক্ষমতা পৃথকীকরণ নীতি প্রকৃতপক্ষে স্বাধীনতার রক্ষাকবচ নয় ; কারণ, আধুনিককালে দলীয় ব্যবস্থা প্রবর্তিত হওয়ায় শাসন-ব্যবস্থার তিনটি বিভাগই দলের মাধ্যমে একত্রে গ্রথিত হয়। ফলে দলের নির্দেশানুসারে বিভিন্ন বিভাগ পরস্পর সহযোগিতার ভিত্তিতে কাজ করিয়া থাকে।

(৩) স্বাধীনতার তৃতীয় রক্ষাকবচ হইল আইনের অনুশাসন (Rule of Law) বজায় রাখা। ইহার অর্থ, (ক) আইনের পূর্ণ প্রাধান্য এবং (খ) আইনের দৃষ্টিতে সাম্য। হেইকের মতানুসারে আইনের পূর্ণ প্রাধান্য

স্বীকৃত হইলে সরকার পূর্বঘোষিত আইনানুসারে সকল ক্ষমতা ব্যবহার করিতে বাধ্য হইবে। ফলে আইনানুমোদিত নয় এমন কোন ক্ষমতার ব্যবহার সরকার করিতে পারিবে না। আর আইনের দৃষ্টিতে সাম্যের অর্থ প্রত্যেকের জন্য এক আইন অর্থাৎ অধিকারে সাম্য রক্ষিত হইবার আইনগত স্বীকৃতি। কিন্তু এই দুইটি উপায়কেও স্বাধীনতার রক্ষাকবচ বলা যায় না; কারণ আইন কি? আইন হইল শ্রেণীস্বার্থের রাষ্ট্রিক প্রকাশ। যে শ্রেণী যখন রাষ্ট্রক্ষমতা করায়ত্ত করে, সেই শ্রেণী প্রচলিত ~~বৈষম্যমূলক শ্রেণী সম্পর্কে~~ প্রচলিত রাখে আইনের মাধ্যমে। ~~আর আইনের দৃষ্টিতে সাম্য স্বীকৃত হইলেও আদালতে~~ মামলা দায়ের করিয়া এই সাম্য আদায় করিতে যে খরচা বহন করিতে হয় তাহাতে রাষ্ট্রের দরিদ্র জনগণের আর স্বাধীনতা ভোগ করা সম্ভবপর হয় না।*

(৪) দায়িত্বশীল শাসন-ব্যবস্থাকে অনেকে স্বাধীনতার রক্ষাকবচরূপে অভিহিত করেন। আইভর জেনিংসের প্রাসঙ্গিক উক্তি হইল : “শাসন-বিভাগের অত্যাচারের বিরুদ্ধে রক্ষাকবচের সন্ধান পাওয়া যায় কমন্স সভার দলীয় ব্যবস্থার মধ্যে, যেখানে সমালোচনাকে স্পষ্ট ও কার্যকর করিয়া তোলা হয়।” এই কারণেই ইংলণ্ডে বিরোধী দলকে স্বাধীনতার রক্ষক হিসাবে অভিহিত করা হয়। অবশ্য, অসংবদ্ধ বিরোধীদলের সমালোচনা অনেক সময় উপেক্ষিত হয়।

(৫) জনগণের সদাজাগ্রত দৃষ্টি ও সাহসিকতাকে রাষ্ট্রবিজ্ঞানিগণ স্বাধীনতার প্রধানতম রক্ষাকবচরূপে অভিহিত করিয়াছেন। জনগণ যদি সদাজাগ্রত হয়, তবে শাসকবর্গ সচেতন জনসমুদ্রকে বিভ্রান্ত করিতে পারিবে না। অবশ্য, এইজন্য প্রয়োজন প্রকৃত শিক্ষার। জনগণকে ঠিকানো খুবই সহজ। ঐক্য দার্শনিক পেরিক্লিসও চিরন্তন সতর্কতা ও সাহসিকতাকে স্বাধীনতার রক্ষাকবচরূপে বর্ণনা করিয়াছেন।

(৬) পরিশেষে বলা যায়, অনেক রাষ্ট্র জনগণের স্বাধীনতাকে রক্ষা করিবার জন্য “গণভোট”, “গণউদ্যোগ” এবং “পদচ্যুতি” প্রভৃতি অধিকার জনসাধারণকে প্রদান করিয়াছে। কিন্তু বর্তমান বৃহদায়তন রাষ্ট্রের পক্ষে এইগুলির বাস্তব প্রয়োগ সম্ভবপর নয় বলিয়া এইগুলিকেও স্বাধীনতার রক্ষাকবচ হিসাবে গণ্য করা যায় না। একমাত্র প্রত্যক্ষ গণতন্ত্রের দেশেই এইগুলির ব্যবহার সম্ভবপর এবং স্বাধীনতা রক্ষা করাও সহজতর।

স্বাধীনতা, কর্তৃত্ব ও আইন (Liberty, Authority and Law) :

সাধারণতঃ স্বাধীনতা বলিতে বোঝায় মানুষের নিজের ইচ্ছামতো কার্য করিবার অবাধ ক্ষমতা। কিন্তু মানুষের এই অবাধ ক্ষমতা প্রয়োগের ফলে সমাজে বিশৃঙ্খলা দেখা দেয়। সমাজে অধিকতর বলশালী ব্যক্তি দুর্বল ব্যক্তির স্বাধীনতা হরণ করিতে পারে। অর্থবলে বলীয়ান মিল-মালিক শ্রমিককে তাহার গ্রাস্য মজুরি পাইবার অধিকার হইতে বঞ্চিত করিতে পারে। স্বাধীনতার অর্থকে এইভাবে ধরিলে স্বাধীনতা স্বেচ্ছাচারিতায় পরিণত হয়।

বস্তুতঃ, স্বাধীনতা শুধু ব্যক্তিবিশেষের একচেটিয়া অধিকারের বস্তু নয়। সমাজের প্রত্যেকেই ইহার সমান অংশীদার। সমাজের প্রত্যেক ব্যক্তি যাহাতে নিরঙ্কুশ ভাবে স্বাধীনতা ভোগ করিয়া তাহার ব্যক্তিত্ব বিকাশের চরম সুযোগ পায় সেইজন্মই রাষ্ট্রের উদ্ভব হইয়াছে। রাষ্ট্র অধিকার স্বীকৃতির মাধ্যমে এবং উহা সংরক্ষণের ব্যবস্থা করিয়া স্বাধীনতার পরিবেশ সৃষ্টি করে এবং উহাকে রক্ষা করে। একজনের স্বাধীন ইচ্ছা প্রয়োগের ফলে যাহাতে অপরের স্বাধীনতা নষ্ট না হয়, সেইজন্ম রাষ্ট্র ব্যক্তির অবাধ স্বাধীনতাকে কতকগুলি বিধি-নিষেধের মাধ্যমে সীমাবদ্ধ করে। এই বিধিনিষেধের অর্থ আইন। সুতরাং স্বাধীনতা প্রত্যক্ষভাবে আইনের উপর এবং পরোক্ষভাবে যে রাষ্ট্র-কর্তৃত্ব আইনকে বলবৎ করে তাহার উপর নির্ভরশীল। স্বাধীনতা আইনের উপর নির্ভরশীল বলিয়া স্বাধীনতাকে আইনসম্মত (Legal Liberty) বলিয়াও অনেকে অভিহিত করেন।

আবার একজনের যাহাতে অধিকার অপরের তাহাতে হস্তক্ষেপ করিবার ক্ষমতা নাই। অর্থাৎ বার্কারের ভাষায় বলা যায়, “প্রত্যেকের স্বাধীনতার প্রয়োজনীয়তা সকলের স্বাধীনতার প্রয়োজনীয়তার দ্বারা সীমাবদ্ধ” (“The need of liberty for each is necessarily qualified and conditioned by the need of Liberty for all.”)। প্রত্যেক ব্যক্তি তাহার স্বাধীন ইচ্ছা এইরূপভাবে প্রয়োগ করিবে যাহাতে সমাজের অশ্রলোকের অহরূপ স্বাধীনতা কোনরূপে ব্যাহত না হয়। স্বেচ্ছাচারিতা বন্ধ করিয়া পারস্পরিক সুখস্বচ্ছন্দ্যের ভিত্তির উপর প্রকৃত স্বাধীনতাকে প্রতিষ্ঠিত করিতে রাষ্ট্রশক্তি সাহায্য করে। অতএব এই কাজ করিবার জন্ম রাষ্ট্রের সার্বভৌমিকতার অর্থাৎ, চরম ক্ষমতার প্রয়োজন। এইজন্মই বলা হয়, সার্বভৌমিকতাঃও ব্যক্তি-স্বাধীনতা পরস্পর-বিরোধী নয় (Sovereignty

and Liberty are not contradictory)। আইন হইল রাষ্ট্রের

হস্তে প্রধান হাতিয়ার, যাহার দ্বারা রাষ্ট্র স্বেচ্ছাচারিতা
 স্বাধীনতা নিয়ন্ত্রিত বন্ধ করিয়া এমন একটি পরিবেশ গড়িয়া তোলে
 এবং আইন যে পরিবেশে প্রত্যেক ব্যক্তি নির্দিষ্ট সীমার মধ্যে
 স্বাধীনতার নিজেই ইচ্ছামুসারে কার্য করিতে সক্ষম হয়। এই
 পরিপূরক আইনের মাধ্যমেই রাষ্ট্র (২) ব্যক্তি-স্বাধীনতার সীমা-

রেখা নির্দিষ্ট করিয়া দেয়। আবার (২) আইনের মাধ্যমে শাসকবর্গের
 কর্মক্ষেত্রে সীমিত করিয়া দেয়। ~~রাষ্ট্র-স্বাধীনতা রক্ষা, সম্প্রদায় এবং (৩) আইনের~~
 মাধ্যমে ব্যক্তির ব্যক্তি-বিকাশের সহায়ক পরিবেশ সৃষ্টি করে। অতএব
 আইন ও স্বাধীনতার মধ্যে কোন বিরোধ থাকিতে পারে না। বরং একে অণ্ডের
 পরিপূরক। এই সকল কারণে আইনকে বলা হয় স্বাধীনতার রক্ষক
 (Law is the condition of Liberty)। সমষ্টিগত কল্যাণ সাধনের
 জন্তই রাষ্ট্র আইন দ্বারা ব্যক্তি-স্বাধীনতার সীমা নির্দিষ্ট করে। প্রাকৃতিক
 অবস্থায় যে স্বাধীনতার কথা বলা হইয়াছে তাহা শুধু বলবানের স্বেচ্ছাচারিতার
 নামান্তর মাত্র। ইহা হইল “জোর বার মুহুরত” নীতির প্রয়োগ মাত্র।
 সভ্যসমাজ জীবনে একজনের স্বাধীন আচরণ এমনভাবে নিয়ন্ত্রণ করিতে হইবে
 যাহাতে অপরের স্বাধীন আচরণ ব্যাহত না হয়। অধ্যাপক ল্যান্ডার ভাষায়
 বলা যায় “স্বাধীনতার প্রকৃতিতেই রহিয়াছে নিয়ন্ত্রণ” (Liberty involves
 in its nature restraints.)। আরও একটু স্পষ্ট করিয়া বলা যায় যে, রাষ্ট্র-
 কর্তৃত্ব আইনের মাধ্যমে এমন পরিবেশ সৃষ্টি করে যাহাতে একজনের আত্মোপ-
 লব্ধির প্রচেষ্টা যেন অপরের আত্মোপলব্ধির পথে প্রতিবন্ধক সৃষ্টি না করে।

সমালোচনা : অনেক রাষ্ট্রবিজ্ঞানী এই মত পোষণ করেন যে, আইন-
 সঙ্গত স্বাধীনতাই একমাত্র স্বাধীনতা নয় এবং আইনসঙ্গত স্বাধীনতার ক্ষেত্রে
 ছাড়া অত্যান্ত স্বাধীনতার ক্ষেত্রে রাষ্ট্র-কর্তৃত্বে আইনের কর্তৃত্ব বজায় থাকে না।
 উদাহরণস্বরূপ বলা যায় সামাজিক স্বাধীনতার (Social freedom)
 ক্ষেত্রে আইনের কর্তৃত্ব বজায় থাকে না। রাষ্ট্রের বাহিরে আছে বৃহত্তর
 মানবসমাজ। এই মানব সমাজ-জীবনে সামাজিক বিধির দ্বারা সৃষ্ট এবং
 সামাজিক বিধির দ্বারা সংরক্ষিত সামাজিক স্বাধীনতা বলিয়া একপ্রকারের
 স্বাধীনতার অস্তিত্ব রহিয়াছে। কিন্তু সামাজিক নিয়মকানুন অস্পষ্ট বলিয়া
 ইহার স্বাধীনতাও অস্পষ্ট। আবার সামাজিক স্বাধীনতার পশ্চাতে

বিবেকদংশন ছাড়া এমন কোন কর্তৃত্ব নাই যাহা ইহাকে কার্যকর করিতে পারে। এইজন্য রাষ্ট্র অনেক সময় আইন দ্বারা এই সামাজিক স্বাধীনতাকে স্বীকার করিয়া লইয়া ইহাকে আইনানুমোদিত করে। এইভাবে আইনসম্মত হইয়া সামাজিক স্বাধীনতা স্বাধীনতার পর্যায়ভুক্ত হয়। উদাহরণস্বরূপ বলা যায় ধর্মবিশ্বাসের স্বাধীনতা, যাহা পূর্বে সামাজিক স্বাধীনতা বলিয়া গণ্য হইত, বর্তমানে তাহাকে অনেক রাষ্ট্র আইনানুমোদিত করায় ইহা প্রকৃত স্বাধীনতার পর্যায়ভুক্ত হইয়াছে।

সাম্য ও স্বাধীনতার আদর্শের ইতিহাস ও গুরুত্ব (History and importance of the Ideal of Liberty and Equality) সাম্য শব্দটির সাধারণ অর্থ হইল সকল মানুষই সমান। এই নীতি অমুসারে প্রত্যেক ব্যক্তির অন্তের সমান আয় করিবার এবং সমান আচরণ পাইবার অধিকার আছে। সাম্য নীতিকে স্বাধীনতার ক্ষেত্রে প্রয়োগ করিলে এই অর্থ দাঁড়ায় যে, প্রত্যেকেরই স্বাধীনতা ভোগ করিবার সমানাধিকার আছে। স্বাধীনতা বা অধিকার কাহারও দান নহে। অধিকারের অমুপস্থিতে অনেক নৈতিক ও সামাজিক অসুবিধার সৃষ্টি হয় এবং জনসাধারণের মধ্যে ব্যাপক ও গভীর অভাব বোধ হয়, ফলে মানুষ এই অধিকারের জন্য সংগ্রাম করিয়া এই অধিকারকে আদায় করে। স্বাধীনতা মানুষের জন্মগত অধিকার। অতএব প্রত্যেক মানুষই সমানভাবে স্বাধীনতা ভোগ করিবার অধিকার লইয়া জন্মগ্রহণ করিয়াছে।

সাম্য ও স্বাধীনতার উদ্ভবের ইতিহাস পথালোচনা করিলে দেখা যায় গ্রীক দার্শনিকগণ হইতে শুরু করিয়া বর্তমানকালের রাষ্ট্রবিজ্ঞানিগণ পর্যন্ত প্রায় সকলেই স্বীকার করিয়াছেন যে, সাম্য ছাড়া স্বাধীনতা নিরর্থক।

প্রাচীন গ্রীসের স্টোইক দার্শনিকগণ এই যুক্তি প্রদর্শন করেন যে, মানুষ বুদ্ধিসম্পন্ন যুক্তিষ্কম জীব। সুতরাং প্রত্যেকেই এই দিক হইতে বিচার করিলে সগোত্র। প্রত্যেক মানুষই মানুষ হিসাবে সমানাধিকার পাইতে পারে। অবশ্য, স্টোইকদের এই মতবাদ গ্রীসে বিশেষভাবে গৃহীত হয় নাই। গণতন্ত্রের চরম শিখরে আরোহণ করিয়াও গ্রীসীয় সভ্যতার এক বিরাট কলঙ্ক ছিল তাহার দাসত্ব-প্রথা। স্বাধীনতা বলিতে গ্রীসীয়রা ব্যক্তিগত ও গোষ্ঠীগত উভয় প্রকার স্বাধীনতাকে বুঝিত। ব্যক্তিগত স্বাধীনতা ভোগ করিবার জন্য এবং সুখী ও সম্মানিত জীবন (happy and honourable life) যাপন

করিবার জন্ত ক্রীতদাসদিগের উপর সর্বপ্রকার দৈহিক কর্মের ভার চাপাইয়া দিয়া স্বাধীন নাগরিক সৃষ্টিশীল কার্যে নিমগ্ন থাকিত। অতএব দেখা যায়, গ্রীসীয় স্বাধীনতার ধারণা এক অসাম্য নীতির উপর প্রতিষ্ঠিত ছিল।

রোমক যুগে স্টোইকদের মতবাদই গৃহীত হইয়াছিল। রোমান নাগরিকতার অধিকার অ-রোমকদেরও (Non-Romans) প্রদান করা হইত।

যীশুখ্রীস্টের দৃষ্টিতে সকল মানুষই ঈশ্বরের সন্তান। তিনি সকল মানুষকে ঈশ্বরের সন্তান বলিয়া অভিহিত করায় তাঁহার ধর্ম এক সাম্যনীতির উপরই প্রতিষ্ঠিত হইয়াছিল। ~~কিন্তু তাঁহার শিষ্যবর্গ প্রচার করিতেন যে, সকল মানুষই ঈশ্বরের দৃষ্টিতে সমান বটে, কিন্তু সমাজের দৃষ্টিতে প্রত্যেক মানুষই সমান নয়।~~

ইহার পর সাম্যনীতির ভিত্তিতে স্বাধীনতার বাণী সজোরে প্রচার করেন স্যার টমাস মুর (Sir Thomas Moore) তাঁহার ইউটোপিয়ায় (Utopia), হ্যারিংটন (Harrington) তাঁহার ওসিয়ানায় (Oceana) এবং জন বল (John Ball)।

সর্বোপরি দেখা যায়, অসাম্যের প্রতিবাদে বাস্তব দৃষ্টিভঙ্গী লইয়া স্বাধীনতা ও সাম্যের বাণী প্রচার করেন চুক্তিবাদী রুশো ও লক্। টমাস পেইন ও জেফারসনও সাম্য ও স্বাধীনতার বাণী প্রচার করেন। রুশোর কণ্ঠে আওয়াজ শোনা গেল : “স্বাধীন হইয়াই মানুষ জন্মায়, কিন্তু সর্বত্রই সে শৃঙ্খলে আবদ্ধ” (“Man is born free but everywhere he is in chains.”) জেফারসন বলেন : “প্রভু মানুষকে কতকগুলি অচ্ছেদ্য অধিকার প্রদান করিয়াছে” (Men are “endowed by their creator with certain inalienable rights”)। স্বাধীনতা ও সাম্যনীতি সম্বলিত দুইটি ঐতিহাসিক ঘোষণা এই প্রসঙ্গে উল্লেখযোগ্য। এই দুইটি ঘোষণা হইল আমেরিকার স্বাধীনতার ঘোষণা (Declaration of Independence by North American Colonies) ; আর অপরটি হইল ফরাসী বিপ্লবের সময় মানুষের অধিকারের ঘোষণা। ফরাসী বিপ্লবের ঘোষণায় বলা হইয়াছে, “মানুষ জন্ম হইতেই স্বাধীন ও সমানাধিকারসম্পন্ন” (“Men are from birth free and equal in rights.”)।

সাম্প্রতিক কালের একটি উল্লেখযোগ্য ঘোষণা হইল ১০ই ডিসেম্বর, ১৯৪৮ সালে সম্মিলিত জাতিপুঞ্জের (U. N.) মানবিক অধিকারের এক

সর্বজনীন ঘোষণাপত্র (Universal Declaration of Human Rights) । এই ঘোষণায় বলা হয় যে, স্বাধীনতা, শান্তি ও শ্রমবিচারের ভিত্তিমূল হইল বিশ্বমানবের সকল পরিবারের স্বভাবজ মর্যাদারক্ষার এবং সমান ও অবিচ্ছেদ্য অধিকারের স্বীকৃতি। সাম্য ও স্বাধীনতা সম্বন্ধে এত ঘোষণা, এত প্রচার হওয়া সত্ত্বেও বিভিন্ন সমালোচক বিভিন্ন দৃষ্টিকোণ হইতে সাম্য ও স্বাধীনতার প্রকৃত অর্থ উদ্ঘাটন করিয়া এই নীতিঘরের সমালোচনা করিয়াছেন। নিম্নে তাহাদের সমালোচনা দেওয়া গেল।

(১) ~~বাস্তব জীবনে দেখা যায়~~ শারীরিক ও ~~মনসিক~~ গঠনে দুইটি মানুষ সমান নয়। মানুষ অসমান হইয়াই জন্মগ্রহণ করিয়াছে। ~~আমার~~ বয়োবৃদ্ধির পরও তাহারা অসমানই থাকিয়া যায়। অতএব সাম্য বলিতে সর্ববিষয়ে সমান বোঝায় না। সাম্যের প্রকৃত অর্থ সম্বন্ধে ল্যাস্কি বলেন যে, সাম্যের প্রকৃত অর্থ হইল প্রত্যেকের সমান সুযোগ পাইবার অধিকার। রাষ্ট্রবিজ্ঞানে সাম্য বলিতে সর্ববিষয়ে সমান ক্ষমতা ও অভিন্নতা বোঝায় না। সাম্য বলিতে ব্যবহারের অভিন্নতাও বোঝায় না। বাস্তব জীবনে যতক্ষণ মানুষের ক্ষমতা ও স্বভাবে পার্থক্য থাকিবে ততক্ষণ সকলে সমাজের নিকট হইতে একই প্রকারের ব্যবহার পাইতে পারে না; তাহা পাইলে সাম্যের আদর্শ ব্যাহত হইবে। সুতরাং, বর্তমানে সাম্য বলিতে বোঝায় সুযোগের সমতা। বলা হয় যে, রাষ্ট্রের প্রত্যেকটি নাগরিককেই রাষ্ট্র তাহাদের ব্যক্তিত্ব বিকাশের সমান সুযোগ দিবে, কোন ব্যক্তিবিশেষকে বা সম্প্রদায়কে পার্থক্যমূলক সুযোগদান করিতে পারিবে না : এই বিষয়ে রাষ্ট্রকে সর্বদা নিরপেক্ষ নীতি গ্রহণ করিতে হইবে।

(২) এই প্রসঙ্গে ল্যাস্কির অপর একটি উক্তি বিশেষ প্রণিধানযোগ্য। তিনি বলেন, “জনগণের কোন স্বাধীনতার অস্তিত্ব থাকিতে পারে না যদি বিশেষ সুযোগের ব্যবস্থা থাকে” (“Freedom for the mass of men can never, firstly, exist in the presence of special privilege.”) । বস্তুতঃ, যে সমাজে অসাম্য থাকিবে অর্থাৎ, বিশেষ সুবিধা ভোগকারী থাকিবে, সেই সমাজে একশ্রেণীর লোকের উপর অপরশ্রেণীর লোকদিগের স্বাধীনতা নির্ভরশীল হইবে। বিশেষ অধিকারপ্রাপ্ত ব্যক্তি বা ব্যক্তিবর্গের বিশেষ অধিকার বলে অপরের অধিকারে হস্তক্ষেপ করিবে। ফলে স্বাধীনতা নিরর্থক হইয়া দাঁড়াইবে। উদাহরণস্বরূপ বলা যায়, একশ্রেণীর লোকদিগকে যদি

শেষের অধিকার প্রদান করা হয় তবে স্বভাবতঃই অপরশ্রেণীর লোকেরা শোষিত না হইবার অধিকার হইতে বঞ্চিত হইবে।

(৩) অর্থনৈতিক সাম্য ব্যতীত স্বাধীনতা নিরর্থক। কারণ, অর্থনৈতিক বৈষম্যের ফলে বিস্তারিত বিস্তারিত স্বাধীনতা হরণ করে। সুতরাং বলা যায় স্বাধীনতা স্বার্থক হইয়া উঠে সেই সমাজে যেখানে কোন অর্থনৈতিক বৈষম্য নাই। অর্থনৈতিক বৈষম্যের জন্ত সুযোগপ্রাপ্তিতেও বৈষম্য ঘটে। ফলে অধিক সুযোগপ্রাপ্ত ব্যক্তিই স্বাধীনতা ভোগ করে।

মৌলিক অধিকার (Fundamental Rights) : সাংগঠনিক অধিকারগুলি পর্যালোচনা করিলে দেখা যায়, এই অধিকারগুলির মধ্যে এমন কতকগুলি অধিকার আছে, যেগুলি ব্যক্তিবিকাশের পক্ষে অপরিহার্য বলিয়া প্রায় সর্বদেশেই স্বীকৃত হইয়াছে। জীবনের অধিকার, স্বাধীনতার অধিকার, সম্পত্তির অধিকার প্রভৃতি হইল এই ধরনের অধিকার। প্রায় অধিকাংশ দেশেই এই অধিকারগুলির উপর গুরুত্ব আরোপ করা হয়। ফলে এই অধিকারগুলিকে মৌলিক অধিকারের পর্যায়ে তুলিয়া করা হয়। এই অধিকারের বৈশিষ্ট্যগুলি নিম্নরূপ :

- (১) ইহা রাষ্ট্র কর্তৃক মৌলিক অধিকার বলিয়া স্বীকৃত হয়।
- (২) এই অধিকারগুলিকে লিখিত বা অলিখিত শাসনতন্ত্রের অঙ্গ বলিয়া গণ্য করা হয়।

(৩) আবার বিশেষ সনদ দ্বারাও এইগুলি গৃহীত হইতে পারে। Charter of Rights or Bill of Rights এই ধরনের সনদের উদাহরণ।

এই বৈশিষ্ট্যগুলির পরিপ্রেক্ষিতে বিচার করিলে দেখা যায় **ব্রিটেনে** যদিও লিখিত শাসনতন্ত্র নাই, কিন্তু, সেখানে, (১) প্রতিনিধিত্বমূলক আইন পরিষদের (পার্লিামেন্টের) প্রাধান্য, (২) বিচারবিভাগের নিরপেক্ষতা এবং প্রয়োজনবোধে জুরির সাহায্যে বিচার, (৩) বিনা বিচারে বন্দী না করিবার নিরাপত্তা (Habeas Corpus), (৪) দ্রুত বিচার পাইবার অধিকার প্রভৃতিকে মৌলিক অধিকারের পদবাচ্য করা হয়।

মার্কিন যুক্তরাষ্ট্রের ক্ষেত্রে দেখা যায়, ১৭৮৯ সালে মার্কিন যুক্তরাষ্ট্রে যে শাসনতন্ত্র প্রণীত হয় তাহাতে মৌলিক অধিকারের কোন উল্লেখ ছিল না বটে, কিন্তু, পরে শাসনতন্ত্র সংশোধন করিয়া নিম্নোক্ত অধিকারগুলিকে শাসনতন্ত্রে লিপিবদ্ধ করিয়া মৌলিক অধিকারের মর্যাদা দেওয়া হয়। এই

অধিকারগুলি হইল : (১) ধর্মাচরণের স্বাধীনতা, (২) বাক্-স্বাধীনতা, (৩) অভিযোগ খণ্ডন করিবার জ্ঞাত আবেদন করার অধিকার, (৪) অস্ত্র-ধারণের স্বাধীনতা, (৫) সামরিক বাহিনীর হস্তক্ষেপ হইতে নিরাপত্তা, (৬) আইন-বিগর্হিত অমুসন্ধান বন্ধ করা এবং (৭) সম্পত্তির অধিকার ইত্যাদি।

সোভিয়েত ইউনিয়নের শাসনতন্ত্রে নিম্নলিখিতগুলিকে নাগরিকের মৌলিক অধিকার ও কর্তব্যের পর্যায়ভুক্ত করা হইয়াছে : (১) কর্মের অধিকার, (২) কর্মমুখ্যায়ী বেতন পাইবার অধিকার, (৩) বিশ্রাম ও অবকাশ পাইবার অধিকার এবং (৪) শারীরিক অক্ষমতার রক্ষণাবেক্ষণ পাইবার অধিকার ইত্যাদি।

ভারতবর্ষের শাসনতন্ত্রে নিম্নোক্তগুলিকে মৌলিক অধিকারের পর্যায়ভুক্ত করা হইয়াছে : (১) স্বাধীনতার অধিকার, (২) শোষণের বিরুদ্ধে অধিকার, (৩) সমান ব্যবহার পাইবার অধিকার, (৪) স্বাধীন ধর্মাচরণের অধিকার, (৫) সম্পত্তির অধিকার, (৬) শাসনতান্ত্রিক প্রতিবিধানের অধিকার এবং (৭) শিক্ষা ও সংস্কৃতির অধিকার।

উপসংহারে বলা যায়, এই সকল মৌলিক অধিকারগুলি ছাড়াও আরও এমন বহু অধিকার আছে যাহা ব্যক্তির আত্মোপলব্ধিতে সহায়তা করে। অতএব অধিকারগুলির মধ্যে কোন্গুলি মৌলিক অধিকার আর কোন্গুলি মৌলিক অধিকার নয় অর্থাৎ কোন্গুলি আত্মোপলব্ধিতে একান্ত অপরিহার্য আর কোন্গুলি অপেক্ষাকৃত কম অপরিহার্য তাহা স্পষ্টীকারে প্রকাশ করা যায় না।

অধিকার ও কর্তব্য (Rights and Duties) : অধিকার যেমন সমাজবোধ হইতে জন্মগ্রহণ করিয়াছে, কর্তব্যও তেমনি সমাজবোধ হইতে

জন্মগ্রহণ করিয়াছে। সমাজবদ্ধ মানুষ পরস্পরের উপর অধিকার ও
কর্তব্যের সংজ্ঞা যে সকল দাবি করে সেই সকল দাবি যদি পরস্পর কর্তৃক স্বীকৃত হয় তবেই দাবিগুলি অধিকারে পরিণত হয়।

এই দাবিগুলি স্বীকারের অর্থ কতকগুলি দায়িত্ব পালনের অঙ্গীকার। এই দায়িত্বগুলিকেই বলে কর্তব্য। এই দায়িত্বগুলি যদি আইনানুমোদিত হয় তবেই তাহারা আইনসঙ্গত কর্তব্যে পরিণত হয়। সমাজে একজনের অধিকার অপরের কর্তব্য পালনের উপর নির্ভরশীল। অতএব প্রত্যেকের কর্তব্য পালনের উপর নির্ভর করে প্রত্যেকের অধিকারের স্বীকৃতি।

সম্পত্তির উপর আমার অধিকার বজায় থাকিবে ততক্ষণ পর্যন্ত যতক্ষণ পর্যন্ত না অপর কেহ আমার সম্পত্তির উপর হস্তক্ষেপ না করিবার কর্তব্য পালন করিবে। এই দিক হইতে বিচার করিলে অধিকারের অর্থ কর্তব্য পালন করা (Rights imply duties)। অতএব অধিকার ও কর্তব্য অঙ্গাঙ্গিভাবে যুক্ত।

অধিকার বলিতে বোঝায় আইনসম্মত অধিকার ও কর্তব্য। রাষ্ট্রই অধিকারকে স্বীকার করে এবং তাহাকে বলবৎ করে। সুতরাং সেই রাষ্ট্রের প্রতি আহুগত্য প্রদর্শন করা, তাহাকে কর প্রদান করিয়া ব্যয় নির্বাহ করিতে সহায়তা করা এবং অপর ~~কোন রাষ্ট্র আক্রান্ত হইলে তাহাকে~~ সন্তোষকে বজায় রাখার জন্য যুদ্ধে যোগদান করা প্রত্যেক নাগরিকেরই কর্তব্য। কারণ, রাষ্ট্রের অস্তিত্বই যদি বজায় না থাকে তবে নাগরিকের অধিকারের স্বীকৃতি ও সংরক্ষণের মাধ্যমে স্বাধীনতার পরিবেশ সৃষ্টি করিবে কে? অতএব রাষ্ট্রকে বাঁচাইয়া রাখার সম্পূর্ণ দায়িত্ব ও কর্তব্য নাগরিকের।

আবার অধিকার বলিতে বোঝায় নাগরিকের ব্যক্তি-সত্তাকে প্রকাশ করার সুযোগ-সুবিধা। রাষ্ট্রের কর্তব্য হইল এই সকল সুযোগ-সুবিধা সৃষ্টি করা। রাষ্ট্র যদি তাহার এই কর্তব্য পালন না করে তবে রাষ্ট্রের এই কর্তব্য সম্পাদনকারী যন্ত্র বা সরকারের পরিবর্তন প্রয়োজন হইয়া পড়ে। নাগরিকের কর্তব্য হইল আইনসম্মতভাবে বা বিদ্রোহের দ্বারা এই সরকারকে পরিবর্তন করা। এই কারণে বিদ্রোহের অধিকারকে নাগরিকের কর্তব্যের অন্তর্গত করা হয়।

আবার ব্যক্তি-সত্তার উপলব্ধির জ্ঞান সমাজ যে সকল সুযোগ-সুবিধা দিয়া থাকে তাহাকে সামাজিক অধিকারের পদবাচ্য করা হয়। এই সামাজিক অধিকারকে সামাজিক কল্যাণের জ্ঞান ব্যবহার করিতে হইবে। একজনের সম্পত্তির অধিকারকে এমনভাবে ব্যবহার করিতে হইবে, যাহাতে অপরের বা সমাজের কোন অনিষ্ট না হয়। ইহাও সম্পত্তির অধিকারীর কর্তব্য। এই কর্তব্য পালিত না হইলে সমাজ তাহার সম্পত্তি বাজেয়াপ্ত করিতে পারে।

নাগরিকের মূল কর্তব্যগুলি (Principle Duties of the Citizen) :

(ক) আইনকে মান্য করা : আইনের মাধ্যমেই অধিকার স্বীকৃত ও সংরক্ষিত হয়। সুতরাং প্রত্যেক নাগরিকেরই উচিত আইনকে মান্য করা।

(খ) রাষ্ট্রের প্রতি আনুগত্য : ইহা নাগরিকের প্রধানতম কর্তব্য।

রাষ্ট্র এই আনুগত্যের ভিত্তিতেই গড়িয়া উঠিয়াছে। (১) রাষ্ট্রের তথা স্বাধীনতার অস্তিত্বকে বজায় রাখিবার জন্ত যুদ্ধের সময় সৈন্য বাহিনীতে যোগদান করা ; (২) প্রকৃত গণতান্ত্রিক ব্যবস্থা প্রতিষ্ঠা করিবার জন্ত সংভাবে ভোটদান করা এবং (৩) রাষ্ট্রবার্ষে সরকারী কর্মীদের সহায়তা করা নাগরিকের বিশেষ কর্তব্য।

(গ) **করপ্রদান** : রাষ্ট্রযন্ত্রকে চালু রাখিবার জন্ত ব্যয়নির্বাহার্থ নাগরিককে কর প্রদান করিতে হইবে।

পরিশ্রমে দ্রুত এবং ন্যূনতম শ্রমিতন্ত্রেই নাগরিকের মৌলিক অধিকারগুলি লিপিবদ্ধ হইয়া থাকে। কিন্তু তাহাদের কর্তব্যগুলি লিপিবদ্ধ হয় না। সোভিয়েত ইউনিয়নের শাসনতন্ত্রে অবশ্য দেখা যায় যে, অধিকারগুলির পাশাপাশি কর্তব্যগুলিও লিপিবদ্ধ হইয়াছে। রাষ্ট্রবিজ্ঞানিগণের মধ্যে কেহ কেহ এই মত পোষণ করেন যে, অধিকারগুলি যদি শাসনতন্ত্রে লিপিবদ্ধ হয় তবে কর্তব্যগুলিও শাসনতন্ত্রে লিপিবদ্ধ হওয়া উচিত ; তাহা না হইলে অধিকারগুলি এক তরফা স্বীকৃতির দ্বারা প্রতিষ্ঠিত হয়। অবশ্য, কেহ কেহ এই মত পোষণ করেন যে, অধিকারের মধ্যেই কর্তব্য নিহিত থাকায় অধিকারের উল্লেখ করিলে কর্তব্যের কথা আপনা হইতেই আসিয়া পড়ে।

৩

সারসংক্ষেপ

মানুষ সমাজের জীব। সমাজের মধ্যেই মানুষ অধিদাব ভোগ করিতে পারে। অধিকারের অর্থ স্বত্ব বা দাবি। একের দাবি অপরে স্বাকার করিলেই অধিকার জন্মায়। অতএব অধিকার নির্ভর কবে স্বীকৃতির উপর।

স্বাধীনতা ও অধিকার সমার্থক শব্দরূপে ব্যবহৃত হয়। কিন্তু উভয়ের মধ্যে পার্থক্য হইল এইখানে যে, অধিকার হইল কতকগুলি বাস্তব সুযোগ-সুবিধা, আর এই সুযোগ-সুবিধা একত্রিত হইয়া যে পরিবেশ সৃষ্টি কবে তাহাকে বলে স্বাধীনতা।

অধিকারের রূপ : (১) নাগরিক বা সামাজিক অধিকার, যেমন ব্যক্তিগত নিরাপত্তা, স্বাধীনভাবে চলারেরা করার অধিকার ইত্যাদি। (২) রাষ্ট্রনৈতিক অধিকার ; যেমন ভোটদানের অধিকার, নির্বাচিত হইবার অধিকার ইত্যাদি। (৩) অর্থনৈতিক অধিকার ; যেমন কর্মের অধিকার, পর্যাপ্ত মজুরি পাইবার অধিকার ইত্যাদি। স্বাভাবিক অধিকার বলিতে বোঝায় মানুষের জন্মগত কতকগুলি অধিকার।

অবাধ স্বাধীনতা বলিতে বোঝায় স্বেচ্ছাচারিতা। একের স্বাধীনতার দ্বারা অপরের স্বাধীনতা সীমাবদ্ধ। আইন ও রাষ্ট্র কর্তৃক স্বাধীনতার পরিপন্থা নয় ; বরং পরিপূরক !

ব্যক্তির ব্যক্তিসত্তাকে প্রকাশ করিবার পক্ষে সহায়ক পরিবেশ সৃষ্টি করে রাষ্ট্র। অতএব এই পরিবেশকেই যদি স্বাধীনতা বলা হয়, তবে রাষ্ট্র-কর্তৃত্বকে স্বাধীনতার রক্ষক বলা যাইতে পারে।

সাম্য ও স্বাধীনতা অঙ্গাঙ্গিভাবে জড়িত। অসাম্যের সমাজে কখনও স্বাধীনতার পরিবেশ সৃষ্টি হইতে পারে না।

স্বাধীনতা ও কর্তব্য—এই দুইটি ধারণা পরস্পর পরস্পরের পরিপূরক। স্বাধীনতা বা অধিকার ভোগ করিবে শুধু সেই সকল ব্যক্তি যাহারা কর্তব্য পালন করিবে।

স্বাধীনতা আদর্শের ইতিহাস স্মর্য হইয়াছে সেই প্রাচীন গ্রীস হইতে। মধ্যযুগের অন্তে বিপ্লবী জনজাগরণ পার হইয়া আধুনিক যুগ পর্যন্ত স্বাধীনতার তাৎপর্য ক্রমান্বয়ে বিকাশ লাভ করিয়াছে।

প্রশ্নাবলী

1. What are Rights? Distinguish between Civil and Political rights. How are civil rights guaranteed in (a) U. S. A., (b) England, and (c) India? (C. U. 1945)

(৩২১-২৩, ২৬-৩২, ৩২-৪১, ৪৭-৪৮ পৃষ্ঠা)

2. Enumerate the more important fundamental rights which a citizen in a modern state enjoys. (C. U. 1951)

(৩৪৭-৪৮ পৃষ্ঠা)

3. What is meant by the concept of liberty? "Sovereignty and Liberty are not contradictory terms." Examine the proposition. (C. U. 1957) (৩৩৪-৩৬, ৪২-৪৪ পৃষ্ঠা)

4. "Liberty of an individual is not always in inverse ratio to the amount of state legislation." Examine and illustrate this statement. (C. U. 1957) (৩৩৪-৩৬, ৪২-৪৪ পৃষ্ঠা)

5. Define Equality. To what extent does the realisation of civil liberty depend upon economic equality? (৩৪৪-৪৭ পৃষ্ঠা)

6. "Rights and duties are two aspects of the same thing." Elucidate. (৩৪৮-৫০ পৃষ্ঠা)

7. Explain the concept of liberty What are the method for safeguarding individual liberty? (C. U. 1961)

(৩৩৪-৩৬, ৩২-৪১ পৃষ্ঠা)

8. Write a note on Natural Rights. (৩২৩-২৫ পৃষ্ঠা)

অতিরিক্ত পাঠ্য

Laski—Grammar of Politics.

Laski—Liberty in the Modern State.

Mac Iver—The Modern State.

Gettell—Readings in Political Science.

J. S. Mill—On Liberty.

দ্বাদশ অধ্যায়

আন্তর্জাতিকতা

(Internationalism)

পূর্বে বিভিন্ন আলোচনাকালে আন্তর্জাতিকতার যে সকল দিকের উল্লেখ করা হইয়াছে তাহা ~~সম্পূর্ণরূপে বিবেচনা~~ করা হইল না।* উগ্র জাতীয়তাবাদ হইতে উদ্ধৃত সাম্রাজ্যবাদের ষাঁতাকলে সন্মুখীন জাতিগুলি যখন নিপেষিত হইতেছিল এবং ক্ষমতা ও প্রভুত্ববিস্তারের জন্য শক্তিশালী জাতিগুলি যখন সভ্যতা ধ্বংস করিতে উদ্যত হইয়াছে তখনই শুভবুদ্ধিসম্পন্ন রাষ্ট্রনীতিবিদগণ আন্তর্জাতিক সৌভ্রাতৃত্ব ও শান্তির বাণী প্রচার করিতে প্রয়াস পাইয়াছেন। বিশেষতঃ বিশ্বের দুইটি মহাযুদ্ধ জাতীয় রাষ্ট্রের বিশ্ব-বিক্ষংসী-ভয়ঙ্করী রূপটি উন্মোচিত করিয়া মানুষকে আন্তর্জাতিকতার দিকে আগাইয়া লইয়া গিয়াছে। আবার বর্তমানকালে আণবিক যন্ত্র আবিষ্কারের ফলে মানবসভ্যতা আবার ধ্বংসের সন্মুখীন হইয়াছে। কিন্তু মানুষের এই যুদ্ধ-ভীতি ও আতঙ্ক নূতন নহে। বহু প্রাচীনকাল হইতেই মানুষ যুদ্ধের আতঙ্কে ভ্রষ্ট হইয়া যুদ্ধকে পরিহার করিয়া পৃথিবীকে শান্তি, মৈত্রী ও সমবায়ের ভিত্তিতে গঠিত করিবার কথা চিন্তা করিয়াছে।

আন্তর্জাতিক আদর্শের ইতিহাস : ইতিহাস আলোচনা করিলে দেখা যায়, রোমকসাম্রাজ্য ও মধ্যযুগের বিশ্ব-ত্রেক্যের কল্পনা এবং মহাকাবি দান্তের (Dante) বিশ্ব-সংগঠনের স্বপ্নের মধ্যে একটা আন্তর্জাতিক আদর্শের সন্ধান পাওয়া যায়। মধ্যযুগে পিরে দুবুই (Pierre Dubois) ইউরোপের রাজ্যদ্বর্গের সংঘগঠন, আন্তঃরাজ্য বিবাদ-মীমাংসার জন্য আন্তর্জাতিক সালিশী ও আন্তর্জাতিক বিচারালয় প্রতিষ্ঠা করিবার পক্ষে সুপারিশ করেন। রেনেসাঁ যুগে ইরেসমাস শান্তিসংঘ প্রতিষ্ঠার জন্য প্রস্তাব করেন।

সপ্তদশ শতাব্দীতে এমেরিক ক্রুচে (Emeric Cruce) বিশ্বরাষ্ট্র সংঘ প্রতিষ্ঠার প্রস্তাব করেন। ফরাসী দার্শনিক সালীর লেখায় ইউরোপে আন্তঃরাষ্ট্র-সংগঠনের প্রস্তাব এবং ফরাসীরাজ চতুর্থ হেনরী যে ইউরোপকে ১৫টি শক্তির

মধ্যে বণ্টন ও ইহাদের একটি আইন প্রণয়নী সার্বভৌম সভার প্রতিষ্ঠার জন্য এক মহান পরিকল্পনা (a great design) করেন, তাহার উল্লেখ আছে। এই শতাব্দীরই অগ্রতম দার্শনিকদ্বয় উইলিয়াম পেন ও গ্রোটিয়াসের (Grotius) নামও এই প্রসঙ্গে উল্লেখযোগ্য। গ্রোটিয়াস আন্তঃরাষ্ট্র-সম্পর্ক নিয়ন্ত্রণের জন্য নিয়মকানুন রচনা করেন বটে, কিন্তু তিনি এই নিয়মকানুনকে বলবৎ করার জন্য কোন সংগঠনের উল্লেখ করেন নাই।

অষ্টাদশ শতাব্দীতে স্থায়ী শান্তি প্রতিষ্ঠার জন্য ৩৯টি রাষ্ট্র লইয়া একটি সংগঠন প্রতিষ্ঠার প্রস্তাব করেন আবে সেন্ট পিয়ার (Abbé Saint Pierre)। পিয়ারকে সমর্থন করেন রুশো ও বেহাম। বেহাম রচনা করেন আন্তর্জাতিক আইনের নীতি (Principles of International Law)। ইহার পর ইমাহুয়েল কান্ত অসম্ভব সমাজ প্রতিষ্ঠাকল্পে রাষ্ট্রগুলির বহিঃসম্পর্ক নিয়ন্ত্রণের কথা বলেন। কিন্তু এই সকল মতবাদ ছিল হয় রাজার প্রভুত্ব বিস্তারের পরিকল্পনাপুষ্ট অথবা আদর্শবাদীদের কল্পনাপ্রসূত।

ঊনবিংশ শতাব্দীর শিল্পোন্নতি, রাস্তাঘাট নির্মাণ এবং নিত্য নূতন বৈজ্ঞানিক আবিষ্কারের ফলে ব্যবসা-বাণিজ্য বৃদ্ধি পাইল। ফলে আন্তঃরাষ্ট্র-সম্পর্কের ক্ষেত্র যথেষ্ট প্রসারিত হইল। এই শতাব্দীতেই আন্তর্জাতিক আদর্শের বাস্তব প্রয়োগের সন্ধান পাওয়া যায় ইউরোপের কনফারেন্সের মতো কূটনৈতিক সংগঠনের মধ্যে এবং রাশিয়া, প্রুশিয়া ও অস্ট্রিয়ার মধ্যে পবিত্র চুক্তির (The Holy Alliance) মধ্যে। ইউরোপের কনফারেন্সের সারকথা হইল রাশিয়া, অস্ট্রিয়া, প্রুশিয়া ও ব্রিটেন স্ব স্ব স্বার্থ, শান্তি ও নিরাপত্তার প্রশ্ন বিচার বিবেচনা করিবার জন্য প্রতিজ্ঞাবদ্ধ হয়। কিন্তু স্বার্থের দ্বন্দ্বাঘাতে এই চুক্তি দীর্ঘই ভাঙ্গিয়া পড়ে। আর একটি আন্তর্জাতিক আদর্শের বাস্তব রূপায়ণের প্রচেষ্টা দেখিতে পাওয়া যায় ১৮৯৯ সালে হেগ শহরে অনুষ্ঠিত হেগ সম্মেলনের বোষণার মধ্যে। এই সম্মেলনে যোগদান করে ২৬টি রাষ্ট্র। নিরস্ত্রীকরণ এই সম্মেলনের প্রধান উদ্দেশ্য ছিল। এই সভায় স্থায়ী আন্তর্জাতিক সালিশী আদালত (International Court of Arbitration) প্রতিষ্ঠিত হয়। ইহার পর ১৯০৭ সালে হেগে আবার শান্তি সম্মেলন হয়। ইহা ছাড়া International Postal Union প্রতিষ্ঠাও আন্তর্জাতিক আদর্শকে কার্যকরী করিতে সহায়তা করে।

উপসংহারে বলা যায় যে, বিশ্বের প্রথম যুদ্ধের পূর্ব পর্যন্ত আন্তর্জাতিক

শান্তিপ্রতিষ্ঠার জন্তু সম্মেলন, সভা, প্রস্তাব ও সালিশী প্রভৃতির মধ্য দিয়া আন্তর্জাতিক স্বার্থ স্বীকৃত হইয়াছে বটে, কিন্তু, জাতীয় স্বার্থের প্রাধান্য সর্বক্ষেত্রে মানিয়া লওয়ায় যখনই আন্তর্জাতিক স্বার্থের সহিত জাতীয় স্বার্থের সংঘর্ষ বাধিয়াছে তখনই যুদ্ধ অনিবার্য হইয়া উঠিয়াছে।

জাতিসংঘ (League of Nations) : প্রথম বিশ্বযুদ্ধের অব্যবহিত পরে ভার্সাই চুক্তি (Treaty of Versailles—1919) অনুসারে জাতিসংঘের একটি সনদ মিত্রশক্তিবর্গের নিকট পেশ করা হয়। ১৯২০ সালের ১০ই জানুয়ারী জাতিসংঘ সরকারীভাবে প্রতিষ্ঠিত হয়। জাতিসংঘের ছিল একটি সভা (Assembly), একটি পরিষদ (Council) ও একটি কার্যদপ্তর (Secretariat)।

জাতিসংঘের উদ্দেশ্য ছিল মহান। আন্তর্জাতিক সহযোগিতা, শান্তি ও নিরাপত্তা রক্ষা করা ছিল জাতিসংঘের প্রধান উদ্দেশ্য। এই উদ্দেশ্যকে সাফল্যমণ্ডিত করিবার জন্তু একদিকে যেমন রাজনৈতিক, সাংস্কৃতিক ও অর্থনৈতিক সংস্থা গড়িয়া তুলিয়া তাহাদের মাধ্যমে আন্তর্জাতিক সহযোগিতা স্থাপ্তি করার চেষ্টা করা হইয়াছে, আবার, অপরদিকে যুদ্ধকে পরিহার করিবার নীতিকে কার্যকরী করার জন্তুও প্রয়াস চালাইয়া যাওয়া হইয়াছে। এতদ্ব্যতীত আন্তঃরাষ্ট্র-সম্পর্কের ক্ষেত্রে ছায় ও সত্যের প্রতিষ্ঠার জন্তু আন্তর্জাতিক আইন প্রণয়ন করা হয়। মার্কিন যুক্তরাষ্ট্রের সভাপতি উড্রো উইলসনই ছিলেন এই জাতিসংঘের জনক।

জাতিসংঘের সভ্য হিসাবে যোগদান করেন তাঁহারা ই ষাঁহারা জার্মানীর বিরুদ্ধে সংগ্রামে যোগদান করিয়াছিলেন। অবশ্য, আমেরিকার যুক্তরাষ্ট্র জাতিসংঘে যোগদান করে নাই। ১৯৩৪ সালে রাশিয়া জাতিসংঘে যোগদানের অধিকার লাভ করে। ১৯৩২ সাল পর্যন্ত সভ্যসংখ্যা ছিল ৫৫ জন। জাতিসংঘের সভ্যপদপ্রাপ্তির জন্তু জাতিসংঘের সভার ঠিক অংশ সদস্যের ভোটের প্রয়োজন হইত।

জাতিসংঘের সভায় প্রত্যেক সদস্য রাষ্ট্রের ভোটাধিকার ছিল একটি। এই সভায় প্রত্যেকটি দেশ ৩ জন করিয়া প্রতিনিধি পাঠাইতে পারিত। নূতন সদস্য নির্বাচন ও জাতিসংঘের সনদ পরিবর্তন প্রভৃতি কয়েকটি বিষয় ছাড়া অত্যাধিক বিষয়ে সভাকে সর্বসম্মত হইতে হইত। সভায় বিশ্বশান্তিসংক্রান্ত বিষয়, বাজেট প্রভৃতি বিষয় আলোচিত হইতে পারিত।

জাতিসংঘের কর্মপরিষদের সদস্যসংখ্যা ছিল মোট ১৪ জন। তাহার মধ্যে ৫ জন ছিল স্থায়ী আর ৯ জন ছিল অস্থায়ী সদস্য। অস্থায়ী সদস্যগণ অত্যন্ত সদস্য রাষ্ট্রগুলির মধ্য হইতে সভা দ্বারা নির্বাচিত হইত। জাতিসংঘের স্থায়ী সদস্য ছিল ব্রিটেন, ফ্রান্স, ইটালী জাপান ও জার্মানী। মার্কিন যুক্তরাষ্ট্রের স্থায়ী সদস্য হইবার কথা ছিল ; কিন্তু, মার্কিন যুক্তরাষ্ট্র জাতিসংঘে যোগদান না করায় তাহার শূন্য স্থানটি ১৯২৬ সালের পর দখল করে জার্মানী। পরবর্তী কালে ইটালী ও জার্মানী পদত্যাগ করে।

জাতিসংঘের একটি কর্মদপ্তর ছিল বাহা একজন সচিব। ~~সচিবের কার্যালয়~~ পরিচালিত হইত। ১৯৩০ সালে ১৫ জন বিচারক লইয়া একটি স্থায়ী আন্তর্জাতিক আদালত (Permanent Court of International Justice) গঠিত হয়। ইহা বিচারযোগ্য যে-কোন বিচার করিতে পারিত। শ্রমিকগণের সর্বাঙ্গীণ উন্নতি সাধনের উদ্দেশ্যে একটি আন্তর্জাতিক শ্রমিক সংস্থা (International Labour Organisations) গঠন করা হয়। জাতিসংঘের সকল সদস্য রাষ্ট্রই এই সংস্থার সদস্য ছিল।

ইহা ব্যতীত জাতিসংঘের কতকগুলি সাহায্যকারী (Auxiliary Organisations) সংগঠন ছিল ; যেমন, (১) অর্থনৈতিক ও মূলধন বিষয়ক সমিতি, (২) যানবাহন ও চলাচল সংক্রান্ত সমিতি, (৩) স্বাস্থ্য সংস্থা প্রভৃতি। এই সকল প্রতিষ্ঠানের মাধ্যমে বিভিন্ন অনুন্নত রাষ্ট্রের অর্থনৈতিক, যানবাহন ও স্বাস্থ্য সংক্রান্ত উন্নয়নের কাজ করা হইত।

ইহা ছাড়া জাতিসংঘের কতকগুলি উপদেষ্টা সমিতিও ছিল ; যেমন, (১) নিরস্ত্রীকরণ সমিতি (Disarmament Committee), (২) অ-স্বায়ত্ত-শাসিত দেশের শাসনভার গ্রহণ সম্পর্কিত বিষয়ক সমিতি (Mandates Committee), (৩) সামাজিক ও মানবিক কর্তব্য সংক্রান্ত সমিতি (Social and Humanitarian Activities Committee)। এই সকল সমিতির পরামর্শ লইয়া রাষ্ট্রসংঘ ব্যবস্থা গ্রহণ করিত। কিন্তু নিম্নলিখিত কারণগুলি জাতিসংঘের পতন অনিবার্য করিয়া তুলিল :

- (১) উগ্র জাতীয়তাবাদ জাতিসংঘের পতন অনিবার্য করিয়া তুলিল।
- (২) অত্যন্ত শক্তিশালী রাষ্ট্র যুক্তরাষ্ট্র জাতিসংঘে যোগ না দেওয়ায় এবং
- (৩) রাজনৈতিক মতবৈধতার জগ্ন জার্মানী, অস্ট্রিয়া ও রাশিয়ার মতো রাষ্ট্রগুলিকে জাতিসংঘে স্থান না দিবার ফলে একদিকে জাতিসংঘ দুর্বল

হইয়া পড়ে আর অপরদিকে ইহার নিরপেক্ষতা সম্বন্ধে সন্দেহের অলপাংশ সৃষ্টি হয়। (৪) আবার জাতিসংঘের কোন স্থায়ী সৈন্যদলও ছিল না। (৫) ইহা ছাড়া ভাসার্গাই সন্ধি ছিল আক্রোশ-মূলক। ফলে বাহাদেব উপর চুক্তির বোঝা চাপাইয়া দেওয়া হইয়াছিল তাহাদের মধ্যে বিক্ষোভ সৃষ্টি হয়। (৬) জাতীয় সার্বভৌমিকতা স্বীকৃত হওয়ায় আন্তর্জাতিক ক্ষেত্রেও জাতিগুলি তাহাদের সার্বভৌম ক্ষমতাকে ব্যবহার করিতে পারায় জাতিসংঘের মূল্য অনেক পরিমাণে কমিয়া যায়। (৭) জাতিসংঘের পরিষদ ছিল ব্রিটেন, ফ্রান্স প্রভৃতি কতিপয় রাষ্ট্রের কূটনৈতিক সংগ্রামস্থল। অল্প বিশ্বশান্তি রক্ষায় মনো-নিবেশ করা তাহাদের পক্ষে প্রায় অসম্ভব ছিল। (৮) জাতিসংঘের প্রধান প্রধান সিদ্ধান্তগুলি সর্বসম্মতিক্রমে গৃহীত হইবার নিয়ম থাকায় কোন গুরুত্বপূর্ণ সিদ্ধান্তই সহজে গৃহীত হইতে পারিত না। এই সকল দুর্বলতার জন্ত ১৯৩৫ সালে জার্মানী যখন ভাসার্গাই চুক্তির শর্ত অগ্রাহ্য করিল, ইটালী ইথিওপিয়াকে আক্রমণ করিল এবং জাপান আক্রমণ করিল মাঞ্চুরিয়া তখন জাতিসংঘ এই সকলের বিরুদ্ধে অর্থনৈতিক অবরোধ ছাড়া বিশেষ কোন সক্রিয় ব্যবস্থা গ্রহণ করিতে পারিল না। তারপর যখন জার্মানী পোল্যান্ড, চেকোস্লোভাকিয়া ও অস্ট্রিয়া প্রভৃতি রাষ্ট্রকে একে একে দখল করিল তখন জাতিসংঘের সম্পূর্ণ পতন ঘটিল। ১৯৩৯ সালে আবার দ্বিতীয় বিশ্বযুদ্ধের হুঙ্কারে ধরণী প্রকম্পিত হইল।

সম্মিলিত জাতিপুঞ্জ (United Nations) : প্রথম বিশ্বযুদ্ধের পরে উদ্ভব হইয়াছিল জাতিসংঘের আর দ্বিতীয় বিশ্বযুদ্ধের পর সম্মিলিত জাতিপুঞ্জের উদ্ভব হয়। দ্বিতীয় বিশ্বযুদ্ধ শেষ হইবার পূর্বেই ১৯৪১ সালে মিত্র শক্তি পৃথিবীকে শান্তি ও নিরাপত্তার ভিত্তিতে গঠন করিবার অভিপ্রায় ব্যক্ত করে লন্ডন ঘোষণায় (London Declaration)। ইহার পর ইংলণ্ডের প্রধান মন্ত্রী চার্চিল ও মার্কিন যুক্তরাষ্ট্রের রাষ্ট্রপতি আটলাণ্টিক মহাসাগরের কোন একস্থানে এক টেবিলে মিলিত হইয়া আটলাণ্টিক সনদ জাতিপুঞ্জের গঠনের ইতিহাস ঘোষণা করেন। এই সনদেও লন্ডন ঘোষণার ছায়া যুদ্ধোত্তর যুগে নিরস্ত্রীকরণ ও শান্তি প্রতিষ্ঠার কথা বলা হয়। ইহার পর ১৯৪২ সালের জানুয়ারী মাসে মিত্র শক্তিবর্গ সম্মিলিত জাতিপুঞ্জের ঘোষণা (Declaration of the United Nations) প্রকাশ করে। ইহাতে আটলাণ্টিক সনদকে কার্যকরী করিবার নীতি গ্রহণ করা হয়।

প্রকৃতপক্ষে, বিশ্বসংঘ প্রতিষ্ঠান হিসাবে সম্মিলিত জাতিপুঞ্জ গঠন করার প্রস্তাব গ্রহণ করা হয় মস্কো ঘোষণায় (Moscow Declaration, 1943) । এই ঘোষণায় বলা হয় যে রাষ্ট্রসমূহের সার্বভৌম সাম্যের ভিত্তিতে এক বিশ্ব-সংগঠন করা হইবে । ইহার পর ওয়াশিংটন ও ইয়ালটায় আরও বৈঠক হয় এবং মিত্র শক্তিবর্গের মধ্যে এই প্রসঙ্গে আরও আলোচনা চলে । অবশেষে ১৯৪৫ সালের ২৬শে জুন সানফ্রান্সিস্কো সম্মেলনে ৫১টি রাষ্ট্রের প্রতিনিধিগণের এক সম্মেলনে জাতিপুঞ্জের সংবিধান গৃহীত হয় ।

জাতিপুঞ্জের উদ্দেশ্য (Object of U. N.) : (১) ~~জাতিসমূহের~~ জাতিসমূহের উদ্দেশ্য হইল : (১) ভাবী কালকে যুদ্ধের নিগ্রহ হইতে রক্ষা করা ("The peoples of the United Nations are determined to save succeeding generation from the scourge of war") ; (২) সম্মিলিত ভাবে প্রত্যেক রাষ্ট্রের নিরাপত্তা রক্ষার মাধ্যমে স্থায়ী শান্তি প্রতিষ্ঠা করা ।

(খ) **আর গৌণ উদ্দেশ্য হইল :** (১) রাষ্ট্রসমূহের মধ্যে সহযোগিতার দ্বারা বিশ্বের অর্থনৈতিক, সামাজিক ও সাংস্কৃতিক সমস্যাসমূহের সমাধানের চেষ্টা করা, (২) মানুষের অধিকার এবং স্বাধীনতা প্রতিষ্ঠা ও রক্ষা করা, (৩) জাতিসমূহের মধ্যে সাম্যপ্রতিষ্ঠা করা এবং (৪) পরাধীন জাতিসমূহকে স্বায়ত্ত-শাসনের অধিকার দান করা ।

গঠন (Organisation) : সম্মিলিত জাতিপুঞ্জের সদস্যসংখ্যা বর্তমানে ১০২তে আসিয়া দাঁড়াইয়াছে । সাধারণতঃ জার্মানী ও জাপানের বিরুদ্ধে যে মিত্রশক্তি যুদ্ধ ঘোষণা করে তাহাদের লইয়াই প্রথমে ইহা গঠিত হয় । অবশ্য, পরে আরও বহু দেশ ইহার সভ্যভুক্ত হয় ।

জাতিপুঞ্জের মূল বিভাগ হইল ছয়টি । নিম্নে এই বিভাগগুলির আলোচনা করা হইল :

(১) **সাধারণ সভা (General Assembly) :** ইহাতে প্রত্যেক সদস্য রাষ্ট্রই পাঁচজন করিয়া সদস্য সাধারণ সভায় প্রেরণ করিতে পারে । কিন্তু প্রত্যেক সদস্য রাষ্ট্রের একটি করিয়া ভোটদানের সমানাধিকার আছে । সভার নিয়মিতভাবে বাৎসরিক অধিবেশন হয় । তবে নিরাপত্তা পরিষদ অথবা অধিক-সংখ্যক সদস্য রাষ্ট্রের অহরোধক্রমে বিশেষ অধিবেশনও হইতে পারে । সাধারণতঃ সভায় সংখ্যাগরিষ্ঠের ভোটে প্রস্তাব গৃহীত হয় । কিন্তু,

সাধারণ সভার
বৈশিষ্ট্য

(ক) নিরাপত্তা পরিষদের অস্থায়ী সদস্যের নির্বাচন ; (খ) আইনভঙ্গকারী সদস্য রাষ্ট্রকে বিড়াচনা ; (গ) বাজেট ; (ঘ) আন্তর্জাতিক শান্তি ও নিরাপত্তা বিধান বিষয়ক সুপারিশ ; (ঙ) নূতন সদস্য রাষ্ট্রের অন্তর্ভুক্তি ; (চ) অর্থনৈতিক ও সামাজিক পরিষদের সদস্য নির্বাচন ; (ছ) অল্পবয়স্ক দেশের তত্ত্বাবধান বিষয়ক সিদ্ধান্তগুলি গ্রহণকালে সভার ঠিক অংশ সদস্যের সমর্থন প্রয়োজন । প্রত্যেক অধিবেশনের জন্ত একজন করিয়া সভাপতি নির্বাচিত হয় ।

আন্তর্জাতিক শান্তি ও নিরাপত্তা সম্বন্ধে সাধারণ সভাও আলোচনা করিতে পারে ; কিন্তু নিরাপত্তা পরিষদে যদি উক্ত বিষয়ে আলোচনা চলিতে থাকে তবে সাধারণ সভা তাহার অহুমতি ছাড়া উক্ত বিষয়ে আলোচনা করিতে পারে না । সাধারণ সভা কোন আইন-প্রণয়নী সভা নয় । ইহা বথার্থই “বিশ্ব নাগরিক সভা” (Town meeting of the world) ।

(২) নিরাপত্তা পরিষদ ও ভিটো (Security Council and Veto) : ইহার মোট সদস্যসংখ্যা হইল ১১ জন । তাহার মধ্যে মার্কিন যুক্তরাষ্ট্র, ব্রিটেন, ফ্রান্স, চিয়াংকাইশেক-চীন ও রাশিয়া—এই পাঁচটি রাষ্ট্র ইহার স্থায়ী সদস্য । আর অবশিষ্ট ৬ জন অস্থায়ী সদস্য সাধারণ সভা দ্বারা নির্বাচিত হয় । অস্থায়ী সদস্যদের কার্যকাল ২ বৎসর মাত্র ; নিরাপত্তা পরিষদই জাতিপুঞ্জের সর্বাপেক্ষা গুরুত্বপূর্ণ বিভাগ ।

ইহার কর্মক্ষেত্র বিস্তৃত : (ক) আন্তর্জাতিক পরিস্থিতি সম্পর্কে অহুমত্বান ; (খ) প্রত্যক্ষভাবে আন্তঃরাষ্ট্র বিবাদ-মীমাংসার প্রয়াস ; (গ) সালিশী ব্যবস্থার দ্বারা বিবাদ-মীমাংসার ব্যবস্থা করা ; (ঘ) আলাপ-আলোচনার দ্বারা বিবাদ-মীমাংসার প্রয়াস ; (ঙ) মধ্যস্থতা করিয়া বিবাদ-মীমাংসার প্রয়াস প্রভৃতি নিরাপত্তা পরিষদের কর্মক্ষেত্রের অন্তর্ভুক্ত । নিরাপত্তা পরিষদ আন্তর্জাতিক শান্তিরক্ষাকল্পে শান্তিভঙ্গকারী রাষ্ট্রের বিরুদ্ধে সদস্য রাষ্ট্রগুলিকে অর্থনৈতিক ও কূটনৈতিক সম্পর্ক ছিন্ন করিতে নির্দেশ দিতে পারে । শান্তি-ভঙ্গকারী রাষ্ট্রের বিরুদ্ধে নিরাপত্তা পরিষদ, সদস্য রাষ্ট্র যে স্থল, জল ও নৌ-বাহিনী জাতিপুঞ্জকে প্রদান করে, তাহাদিগকে শান্তিভঙ্গকারী রাষ্ট্রের বিরুদ্ধে প্রয়োগ করিতে পারে । এই সশস্ত্র বাহিনী নিরাপত্তা পরিষদের সামরিক কর্মচারী কমিটির (Military Staff Committee) দ্বারা পরিচালিত হয় ।

ভিটো (Veto) : নিরাপত্তা পরিষদে স্থায়ী সদস্যদের একটি বিশেষ ক্ষমতা দেওয়া হইয়াছে । এই বিশেষ ক্ষমতাই হইল ভিটো প্রদান ক্ষমতা ।

নিরাপত্তা পরিষদের পদ্ধতিগত বিষয় সম্পর্কে সিদ্ধান্ত গ্রহণের জন্য প্রয়োজন হয় ১১ জনের মধ্যে ৭ জন সদস্যের সম্মতিজ্ঞাপক ভোট। আর অগ্রাগ্র বিষয়ের ক্ষেত্রে ৭ জনের সম্মতিজ্ঞাপক ভোটের প্রয়োজন হইবে কিন্তু এই ৭ জনের মধ্যে ৫ জন স্থায়ী সদস্যগণকে অন্তর্ভুক্ত হইতে হইবে। অতএব গুরুত্বপূর্ণ বিষয় যেমন শান্তিভঙ্গকারী রাষ্ট্রের বিরুদ্ধে শক্তি প্রয়োগ প্রভৃতি প্রস্তাবের ক্ষেত্রে ৫টি রাষ্ট্রেরই সম্মতির প্রয়োজন। এই ৫টি রাষ্ট্রের যে-কোন একটি রাষ্ট্র অসম্মতিজ্ঞাপক ভোট প্রদান করিলে প্রস্তাবটি বাতিল হইয়া যাইবে এবং শান্তিভঙ্গকারী রাষ্ট্রের বিরুদ্ধে তাহা হইতে কোন শক্তি প্রয়োগ করা চলিবে না। এই অসম্মতিজ্ঞাপক ভোট দ্বারা প্রস্তাব বাতিল করাকে বলে ভিটো।

এই ভিটোর পক্ষে যুক্তি হইল বৃহৎ শক্তিবর্গের একজনের অমতেও কোন গুরুত্বপূর্ণ আন্তর্জাতিক পন্থা অবলম্বন করা যাইবে না বলিয়া শান্তি বিঘ্নিত হইবার সম্ভাবনা অনেক পরিমাণে হ্রাস পাইবে। আর ইহার বিরুদ্ধে যুক্তি হইল যে, সমানাধিকারের ভিত্তিতে সম্মিলিত জাতিপুঞ্জ গঠিত হইয়াছে, কিন্তু ভিটোর মতো অসাধারণ ক্ষমতা কতিপয় রাষ্ট্রকে প্রদান করায় সেই নীতি বার্থ হইয়াছে। আর প্রকৃত শান্তিভঙ্গকারীর বিরুদ্ধে ব্যবস্থা গ্রহণের প্রয়োজন হইলেও শান্তিভঙ্গকারী রাষ্ট্র যদি এই পাঁচটি রাষ্ট্রের কাহারও দ্বারা সমর্থিত হয়, তবে তাহার বিরুদ্ধে আর কোন ব্যবস্থা গ্রহণ করা সম্ভব হইবে না।

(৩) আন্তর্জাতিক বিচারালয় (International Court of Justice) : ১৫ জন বিচারপতিকে লইয়া একটি পৃথক সনদের দ্বারা আন্তর্জাতিক বিচারালয় গঠিত হয়। এই বিচারালয়ের কার্যকাল ৯ বৎসর। সনদের অন্তর্গত সকল বিষয়ের বিচারই এই বিচারালয়ে হইতে পারিবে।

(৪) অর্থনৈতিক ও সামাজিক পরিষদ (Economic and Social Council) : এই পরিষদ ১৮ জন সভ্য লইয়া গঠিত। প্রত্যেক সভ্যই সাধারণ সভা কর্তৃক নির্বাচিত হয়। অর্থনৈতিক, সাংস্কৃতিক ও সামাজিক সহযোগিতার ভিত্তি দৃঢ় করাই ইহার মৌলিক উদ্দেশ্য। ইহার অন্তর্গত কতকগুলি গুরুত্বপূর্ণ সংস্থা রহিয়াছে; যেমন, আন্তর্জাতিক শ্রমিক সংঘ, আন্তর্জাতিক অর্থভাণ্ডার, শিক্ষা, বিজ্ঞান ও সাংস্কৃতিক সংস্থা, বিশ্বব্যাঙ্ক, বিশ্বস্বাস্থ্য সংস্থা এবং ঋণ ও কৃষি সংস্থা প্রভৃতি। আবার ইহার অন্তর্ভুক্ত কতকগুলি কমিটিও আছে; যেমন, মানবীয় অধিকার কমিটি (Commission

on Human Rights), ইউরোপীয় অর্থনৈতিক কমিশন (Economic Commission for Europe) এবং এশিয়া ও দূরপ্রাচ্যের অর্থনৈতিক কমিশন (Economic Commission for Asia and Far East) ইত্যাদি। এই সকল সংস্থা ও কমিশনের বিবরণী আলোচনার জন্ত সাধারণ সভায় পেশ করা হয়।

(৫) **অভিভাবক পরিষদ (Trusteeship Council)** : অল্পবয়স্ক দেশগুলিকে স্বায়ত্তশাসন পাইবার মতো করিয়া গড়িয়া তুলিবার জন্ত ১৪ জন সদস্য-বিশিষ্ট এই পরিষদ গঠিত হইয়াছে তাহা এই অভিভাবক পরিষদ বলা হয়।

সমালোচনা : কোরিয়া, কাস্মীর, কঙ্গো এবং হাঙ্গেরী প্রভৃতির ঘটনা হইতে দেখা যায় সম্মিলিত জাতিপুঞ্জ স্থায়ী শান্তি প্রতিষ্ঠা করিতে সক্ষম হয় নাই। সকল জাতিই আজ সমরায়োজনে ব্যস্ত। জাতিপুঞ্জের এই ব্যর্থতার কারণ হিসাবে বলা হয় যে, (ক) নিরাপত্তা পরিষদের ভোটদান পদ্ধতির ত্রুটি, (খ) শান্তিভঙ্গকারী রাষ্ট্রকে শাস্তি দিবার মতো রাষ্ট্রপুঞ্জের শক্তির অভাব, (গ) “ভিটো” থাকার ফলে গুরুত্বপূর্ণ বিষয়ে কোন সিদ্ধান্ত গ্রহণ করিতে না পারা এবং (ঘ) মার্কিন যুক্তরাষ্ট্রেও সোভিয়েত ইউনিয়নের মধ্যে স্বার্থের লড়াই রাষ্ট্রপুঞ্জকে দুর্বল করিয়া ফেলিয়াছে।

• **উপসংহার :** সম্মিলিত জাতিপুঞ্জ প্রতিষ্ঠিত হইয়াছে বটে ; কিন্তু, যুদ্ধের দূষিত আবহাওয়া হইতে মানুষ আজও অব্যাহতি লাভ করিতে পারে নাই। আজ আবার মানুষ জাতীয়তাবাদের বিকাশ হিসাবে **সাম্রাজ্যবাদ**, আঞ্চলিক শক্তিজোট, যুক্তরাষ্ট্রীয় ব্যবস্থা, বিশ্বজনীন আইন এবং বিভিন্ন রাষ্ট্রের কর্মক্ষেত্রের মধ্যে সহযোগিতার ভিত্তিতে স্থায়ী শান্তি প্রতিষ্ঠার কথা ভাবিতেছেন। কিন্তু **শক্তিজোট** শক্তিজোটের মধ্যে ভারসাম্য রক্ষা করার সমস্যায় বিব্রত ; **যুক্তরাষ্ট্রীয় ব্যবস্থা** যে বিভিন্ন জাতীয় রাষ্ট্রগুলির পারস্পরিক সহযোগিতার ভিত্তিতে গঠিত হইয়া জাতীয় ভাবের ধ্বংস করিতে চায়, তাহাও পরস্পর-বিরোধী যুক্তির উপর প্রতিষ্ঠিত।

বিষয়বস্তু

আবার **আন্তর্জাতিক আইন** যে সামগ্রিক নিরাপত্তার মাধ্যমে এবং বিশ্বজনীন অধিকার ঘোষণা ও আন্তর্জাতিক বিচার-ব্যবস্থার মাধ্যমে বিশ্বজনীন শান্তি প্রতিষ্ঠার কল্পনা করে, তাহাও ত্রুটিপূর্ণ। সর্বোপরি রাষ্ট্রসমূহের কার্যাবলীর ক্ষেত্রে যে সহযোগিতার কথা বলা হইয়াছে, তাহা শুধু সম্ভব তখনই যখন বিশ্বের সকল মানুষ সকল জাতিভেদ ছুলিয়া

স্বার্থত্যাগের ব্রত লইয়া অগ্রসর হইয়া আসিবে, কিন্তু, সেদিন অনেক দূরে।

পরিশেষে বলা যায় ক্ষুদ্র ক্ষুদ্র বালুরাশি লইয়া যেমন মহাসাগরের সৈকতভূমি গড়িয়া উঠিয়াছে তেমন আকাশ যতই ভাঙ্গিয়া পড়ুক-না-কেন বিশ্বমানব প্রেমিকদের ক্ষুদ্র ক্ষুদ্র প্রচেষ্টা নিরর্থক হইবে না। এক পৃথিবীর স্বপ্ন সার্থক হইবেই। মানবসমাজে শান্তি, সাম্য ও স্বাধীনতা প্রতিষ্ঠিত হইবেই।

সারসংক্ষেপ

বহু প্রাচীনকাল হইতেই পৃথিবীতে শান্তি, মৈত্রী ও সমবায়ের চিন্তা-চেষ্টা চলিয়া আসিতেছে। কিন্তু ঊনবিংশ শতাব্দী পর্যন্ত এই স্বপ্নের কোন বাস্তব প্রয়োগ লক্ষ্য করা যায় না। বস্তুতঃ, আন্তর্জাতিক ডাক ইনিয়েন, ইউরোপের কনসার্ট এবং হেগ সম্মেলন প্রভৃতি মাধ্যমে বিশ্বসংঘকে বাস্তব রূপ দিবার চেষ্টা করা হয়।

প্রথম বিশ্বযুদ্ধের পর জাতিসংঘ প্রতিষ্ঠিত হয়। জাতিসংঘই প্রথম আন্তর্জাতিক শান্তি, মৈত্রী ও সহযোগিতাকে প্রতিষ্ঠিত করিবার প্রথম পদক্ষেপ। কিন্তু জাতিসংঘের সদস্য রাষ্ট্রগুলির সার্বভৌমিকতা অক্ষুণ্ণই ছিল। জাতিসংঘের সদস্যদের দায়িত্ব ছিল সীমাবদ্ধ। সভা, পরিষদ, কর্মদপ্তর প্রভৃতি ছিল জাতিসংঘের বিভাগ। ইহা ব্যতীত স্থায়ী আন্তর্জাতিক আদালত ছিল। জাতিসংঘের বহু দোষত্রুটি থাকায় ইহা রাষ্ট্রনৈতিক ক্ষেত্রে বিশেষ সফলতা লাভ করিতে পাবে নাই। অতঃ, অগ্গাঙ্ক ক্ষেত্রে জাতিসংঘ সাংস্কৃতিক, অর্থনৈতিক প্রভৃতি ক্ষেত্রে প্রভূত উন্নতি করিয়াছিল।

দ্বিতীয় বিশ্বযুদ্ধের পর গঠিত হয় সম্মিলিত জাতিপুঞ্জ। সামগ্রিক নিরাপত্তার মাধ্যমে ভবিষ্যৎকে যুদ্ধের হস্ত হইতে রক্ষা করার সংকল্প গ্রহণ করে সম্মিলিত জাতিপুঞ্জ। সহযোগিতার ভিত্তিতে বিশ্বের অর্থনৈতিক, সাংস্কৃতিক প্রভৃতি সমস্যা সমাধান করা, মানুষের মৌলিক অধিকার ও স্বাধীনতা প্রতিষ্ঠা ও তাহাকে সংরক্ষণের ব্যবস্থা করা, জাতিসমূহের সমানাধিকার প্রতিষ্ঠা ও পূর্ণাঙ্গ জাতিকে স্বায়ত্তশাসন দান প্রভৃতি বহুবিধ উদ্দেশ্য লইয়া অগ্রসর হয়। জাতিপুঞ্জের বিভাগ হইল পাঁচটি: যথা, (১) সাধারণ সভা, (২) নিরাপত্তা পরিষদ, (৩) আন্তর্জাতিক বিচারালয়, (৪) অর্থনৈতিক ও সামাজিক পরিষদ (৫) অভিভাবক পরিষদ।

প্রশ্নাবলী

1. Discuss the objects, composition and functions of the United Nations. (৫৫—৬১ পৃষ্ঠা)
2. Discuss the present weakness of the United Nations and suggest some of their remedies. (৩৫—৬১ পৃষ্ঠা)

অতিরিক্ত পাঠ্য

1. Friedmann—World Politics
2. Burns, C. D.—Political Ideals—chs. IX, XIII.
3. United Nations Charter.

ত্রয়োদশ অধ্যায়

রাষ্ট্রের লক্ষ্য ও কর্মক্ষেত্রের পরিধি

(End and Sphere of the State Action)

রাষ্ট্রের লক্ষ্য (End and purpose of the State) : ব্যক্তির চরিত্রের উপর যেমন তাহার লক্ষ্য ও উদ্দেশ্য নির্ভর করে তেমনি রাষ্ট্রের চরিত্র ও ~~অর্থনীতির উন্নয়ন~~ রাষ্ট্রের উদ্দেশ্য ও লক্ষ্য নির্ভর করে। পূর্বে রাষ্ট্রের প্রকৃতি সম্বন্ধে মতবাদগুলি আলোচিত হওয়ায় এখানে তাহার দ্বিরুক্তি না করিয়া শুধু রাষ্ট্রের প্রকৃতি-বিষয়ক মতবাদগুলিকে দুইভাগে ভাগ করিয়া রাষ্ট্রের লক্ষ্য ও উদ্দেশ্যের বর্ণনা করা হইল। এই দুইশ্রেণীর মধ্যে একশ্রেণীর লেখকগণ রাষ্ট্রের প্রাধান্য স্বীকার করিয়া ব্যক্তিকে রাষ্ট্রের অঙ্গীভূত করিয়াছেন ; আর একশ্রেণীর লেখকগণ ব্যক্তির প্রাধান্য স্বীকার করিয়াছেন। প্রথমোক্ত শ্রেণীর

- অন্তর্ভুক্ত হয় ভাববাদী ও জীববাদী দার্শনিকগণ। এই
- | | |
|---------------------|---|
| (১) জাতীয় জীবনের | শ্রেণীর লেখকদিগের মতে রাষ্ট্রের মৌলিক উদ্দেশ্য ও লক্ষ্য |
| সর্বস্বাধীন বিকাশ | হইল জাতীয় জীবনের সর্বস্বাধীন বিকাশ ও সম্পূর্ণতা |
| (২) ব্যক্তির জীবনের | |
| সর্বস্বাধীন উন্নতি | সাধন করা। এই মতবাদের প্রধান ক্রটি হইল : |

(ক) এই মতবাদ রাষ্ট্রের যুগকাষ্ঠে ব্যক্তি-স্বাধীনতাকে বিসর্জন দিবার পক্ষে যুক্তি উপস্থাপিত করে। কিন্তু ব্যক্তির জাতীয় স্বাধীনতাকে অস্বীকার করিয়া রাষ্ট্রের সর্বস্বাধীন বিকাশ সম্ভব নয়। আবার (খ) এই মতবাদ আন্তর্জাতিকতাকে অস্বীকার করে। কিন্তু, বর্তমান পরস্পর-নির্ভরশীল জগতে আন্তর্জাতিকতাকে অস্বীকার করিলে জাতিবিরোধ ও সংঘাত অবশ্যসম্ভাবী হইয়া উঠিবে।

দ্বিতীয় শ্রেণীর লেখক সম্প্রদায়ের মতে “সবার উপরে মানুষ সত্য তাহার উপরে নাই।” এই শ্রেণীর লেখকগণ শুধু মানুষের অস্তিত্বকে স্বীকার করেন ; রাষ্ট্রের কোন অস্তিত্ব আছে বলিয়া স্বীকার করেন না। রাষ্ট্রকে শুধু ব্যক্তির সমষ্টিমাত্র বলিয়া মনে করা হয় এবং রাষ্ট্রকে ব্যক্তির আত্মোপলব্ধির উপায় হিসাবে গণ্য করা হয়। রাষ্ট্রের উদ্দেশ্য হইল ব্যক্তির সর্বস্বাধীন উন্নতি বিকাশের পরিপূর্ণ পরিবেশ সৃষ্টি করা। কিন্তু এই মতবাদ যেহেতু (ক) রাষ্ট্রের সর্বস্বাধীন উন্নতি সম্বন্ধে উদাসীন এবং (খ) আন্তর্জাতিকতাকে অস্বীকার করিয়াছে, সেইহেতু এই মতবাদও গ্রহণযোগ্য নহে।

পরিশেষে বলা যায়, এই দুই মতবাদের অনেক ক্রটি থাকা সত্ত্বেও ইহাদের মধ্যে যে সত্য নিহিত আছে তাহা অনস্বীকার্য। উভয় মতবাদের সারবস্তুকে গ্রহণ করিয়া রাষ্ট্রের মৌলিক উদ্দেশ্যকে এইভাবে বর্ণনা করা যায় : আন্তর্জাতিক শ্রীতির পরিবেশ সৃষ্টি করিয়া, প্রত্যেকটি মানুষের ভাষ্য অধিকারকে স্বীকার করিয়া লইয়া জাতীয় জীবনের সর্বাঙ্গীণ উন্নতি করাই রাষ্ট্রের মৌলিক উদ্দেশ্য ও লক্ষ্য।

রাষ্ট্রের কর্মক্ষেত্রের পরিধি (Sphere of the State Action) : পূর্বেই আলোচিত হইয়াছে যে, মানবসমাজের কল্যাণ সৃষ্টি করাই রাষ্ট্রের মৌলিক উদ্দেশ্য ও লক্ষ্য। এই উদ্দেশ্য ও লক্ষ্যে পৌঁছিবার জন্য প্লেটোর সময় হইতে আজ পর্যন্ত বহু রাষ্ট্রবিজ্ঞানী বিভিন্ন পন্থার নির্দেশ দিয়াছেন। এই পন্থা-সংক্রান্ত নীতিসমূহকেই বলা হয় রাষ্ট্রের কর্মক্ষেত্রের তত্ত্ব (Theory of State Functions or Theory of the Sphere of State Actions or Intervention)। এই তত্ত্বগুলির আলোচনা সুষ্ঠু-ভাবে করিতে গেলে নিম্নলিখিত চারিটি বিষয়ের আলোচনা প্রয়োজন : (ক) বিভিন্ন যুগে রাষ্ট্রের কার্যাবলীর ইতিহাস, (খ) রাষ্ট্রের কার্যাবলীর শ্রেণী-বিভাগ, (গ) রাষ্ট্রের কার্যাবলী সম্বন্ধে বিভিন্ন মতবাদ, (ঘ) সমাজকল্যাণকর রাষ্ট্রের কার্যাবলী।

(ক) **বিভিন্ন রাষ্ট্রের কার্যাবলীর ইতিহাস (History of the State Functions in Different Ages) :** গ্রীক দার্শনিকগণ সমাজ ও রাষ্ট্রকে অভিন্ন বলিয়া মনে করিতেন। গ্রীক নগর-রাষ্ট্র ছিল একাধারে নগর ও রাষ্ট্র। প্রতিটি নাগরিকের সামাজিক, অর্থনৈতিক, নৈতিক ও মানসিক উন্নতির সাধন করাই ছিল রাষ্ট্রের উদ্দেশ্য ও লক্ষ্য। ফলে রাষ্ট্রের কর্মক্ষেত্র ছিল ব্যাপক ও বিস্তৃত। গ্রীক নগর-রাষ্ট্রে ব্যক্তি-স্বাভাব্য স্বীকৃত হয় নাই। ব্যক্তিকে মনে করা হইত রাষ্ট্রের একটি অচ্ছেদ্য অংশ। সমগ্র নাগরিক জীবন এবং সমগ্র সমাজ-জীবন ব্যাপিয়াই ছিল রাষ্ট্রের কর্মক্ষেত্র বিস্তৃত। এই প্রসঙ্গে বার্ক ও বার্কারের মন্তব্য পূর্বেই উল্লিখিত হইয়াছে।* অতএব তাহাদের উক্তি এখানে পুনরুল্লেখ নিম্নপ্রয়োজন।

প্রাচীন রোমক দার্শনিকেরা গ্রীকদের রাষ্ট্রের কর্মক্ষেত্র সম্বন্ধে যে সর্বগ্রাসী সর্বব্যাপক মতবাদ তাহা সম্পূর্ণভাবে গ্রহণ করে নাই। রোমক যুগে

ব্যক্তিগত সম্পত্তির অধিকার স্বীকৃত হওয়ায় তত্ত্বের দিক দিয়া রাষ্ট্রের কর্মক্ষেত্রের পরিধি অনেক পরিমাণে সীমিত হয় ; কিন্তু রাষ্ট্রশক্তির কোন প্রকার লাঘব ঘটে নাই।

মধ্যযুগে সামন্তগণ শক্তিশালী হইয়া উঠিলে এবং খৃষ্ট ধর্মগুরু পোপের সহিত রাষ্ট্রের সংঘর্ষের ফলে রাষ্ট্রের কর্মক্ষেত্রের পরিধি বিশেষভাবে সংকুচিত হয়। আবার এই যুগে বিভিন্ন প্রতিষ্ঠানের আবির্ভাব হইলে ব্যক্তি ও এই সকল প্রতিষ্ঠান তাহাদের সম্বন্ধে রাষ্ট্রের হস্তে সমর্পণ করিতে অস্বীকার করে। ইহা ছাড়া বিভিন্ন প্রাচীন ও নিজ নিজ ক্ষেত্রে স্বাধীনভাবে নিয়ন্ত্রণ-ব্যবস্থা চালু করে। এই সকল কারণে মধ্যযুগে রাষ্ট্রের কার্য সীমিত হয় শুধু কর ধার্য করা এবং আইন-শৃঙ্খলা বজায় রাখার মধ্যে।

ষোড়শ শতাব্দীতে আবার প্রোটেষ্ট্যান্ট ধর্মযাজকগণ রাজাকে ঈশ্বরের ইচ্ছানুযায়ী সর্বময় ক্ষমতার অধিকারী বলিয়া স্বীকৃতি দিলে সামন্তগণ হীনবল হইয়া পড়ে। এই যুগেই শক্তিশালী জাতীয় রাজতন্ত্রের (Absolute National Monarchy) উদ্ভবের ফলে সাম্রাজ্য-প্রতিষ্ঠা ও বহির্বাণিজ্যের প্রসার হয়, ফলে আইন-শৃঙ্খলা, শিক্ষা, সংস্কৃতি, কলা ও ব্যবসা-বাণিজ্যের কর্মক্ষেত্রে রাষ্ট্রের কর্মক্ষেত্র প্রসারিত হয়। সপ্তদশ ও অষ্টাদশ শতাব্দীতে ইংল্যান্ড ও হল্যান্ড ছাড়া অপরাপর দেশে রাষ্ট্রের কর্মক্ষেত্র সম্প্রসারিত হয়। ফলে রাষ্ট্রিক ক্ষমতার বৃদ্ধির প্রতিক্রিয়া হিসাবে ব্যক্তি-স্বাতন্ত্র্যবাদের উদ্ভব হয়। এই মতবাদ অবাধ বাণিজ্যের সমর্থনকারী (Laissez Fairist) এবং গণতান্ত্রিক বিপ্লবীদের তত্ত্বগত ভিত্তি রচনা করে।

উনবিংশ শতাব্দী পর্যন্ত অর্থনৈতিক ক্ষেত্রে ব্যক্তি-স্বাতন্ত্র্যবাদ প্রতিষ্ঠিত ছিল। শিল্পক্ষেত্রে ও ব্যবসা-বাণিজ্যে ব্যক্তিগত মালিকানা চালু ছিল। ফলে শ্রমিকশ্রেণী এই মালিকশ্রেণীর দ্বারা শোষিত ও নিষ্পেষিত হইত। এই শোষণ-ভিত্তিক সমাজ-ব্যবস্থার বিরুদ্ধে তাহারা শীঘ্রই বিপ্লবের ঝড় তুলিল। আর শিল্পবিপ্লবের পর রাষ্ট্র তাহার সকল ক্ষমতা লইয়া নিপীড়িত শোষিত মানুষকে শোষণমুক্ত করিতে অগ্রসর হইল। শ্রমিককল্যাণকর আইন প্রণীত হইল। রাষ্ট্রব্যাপী সরকারী বিদ্যালয় ও হাসপাতাল গড়িয়া উঠিল। আবার সমাজে কাহাদের অস্তিত্ব বজায় থাকিবে তাহা প্রতিযোগিতার দ্বারা ই স্বীকৃত হইবে বলিয়া ব্যক্তি-স্বাতন্ত্র্যবাদীরা বিশ্বাস করিত। কিন্তু এই প্রতিযোগিতায় শ্রমিকের উপর অধিকারী শ্রেণীই যে জয়লাভ করিবে তাহা

বলাই বাহুল্য। পরিশেষে রাষ্ট্রের সহায়তায় শ্রমিক শ্রেণী প্রতিবাদের আন্দোলন স্তব্ধ করিলে ব্যক্তি-স্বাতন্ত্র্যবাদের পতন ঘটে।

ব্যক্তি-স্বাতন্ত্র্যবাদের অবসানের পরে শুরু হয় সমষ্টিবাদের যুগ (Age of Collectivism)। এই সমষ্টিবাদকে রাষ্ট্রবিজ্ঞানীরা আবার দুইভাগে বিভক্ত করেন ; যথা,—(১) পূর্ণ সমষ্টিবাদ, (২) আধা-সমষ্টিবাদ। পূর্ণ সমষ্টিবাদকে আবার কেহ কেহ সমাজতন্ত্রবাদও বলেন। পূর্ণ সমষ্টিবাদী রাষ্ট্রে ব্যক্তি-স্বাতন্ত্র্যবাদকে সম্পূর্ণরূপে ধ্বংস করা হয়। আধা-সমষ্টিবাদী রাষ্ট্রে রাষ্ট্রের কর্মক্ষেত্রে রাষ্ট্র ও ব্যক্তির মধ্যে ভাগাভাগি কার্যবাহিনী—কর্মসম্পন্ন মার্কিন যুক্তরাষ্ট্রকে ব্যক্তি-স্বাতন্ত্র্যবাদের শেষ আশ্রয়স্থল বলিয়া পরিগণিত করা হয় বটে ; কিন্তু, এই দেশেও ধীরে ধীরে সমষ্টিবাদ প্রসার লাভ করিতেছে। ইতিহাস এই কথাই প্রমাণ করিয়াছে যে, প্রথম মহাযুদ্ধের পর হইতে আজ পর্যন্ত দিন দিনই রাষ্ট্রের কর্মক্ষেত্রের পরিধি বৃদ্ধি পাইতেছে। ঊনবিংশ শতাব্দীর পুলিশ-রাষ্ট্র আজ সমাজকল্যাণকামী রাষ্ট্রে (Welfare State) পরিণত হইয়াছে।

রাষ্ট্রের এই কর্মক্ষেত্র বৃদ্ধি পাইবার পশ্চাতে যে সকল কারণ আছে তাহা নিয়ে দেওয়া গেল :

(১) শিল্প-বিপ্লব, (২) একচেটিয়া কারবার ও ব্যবসায় সংগঠনের উদ্ভব, (৩) ভোটাধিকারের প্রসার, (৪) দুইটি বিশ্বযুদ্ধ, (৫) সমাজতান্ত্রিক মতবাদের প্রসার প্রভৃতি। এই সকল কারণে ধীরে ধীরে ব্যক্তি-স্বাতন্ত্র্যবাদী দৃষ্টিভঙ্গী অনেক পরিমাণে পরিবর্তিত হইয়াছে এবং বর্তমান পৃথিবী দিন দিনই সমাজতন্ত্রের শিবিরে চলিয়া যাইতেছে।

(খ) রাষ্ট্রের কার্যাবলীর শ্রেণীবিভাগ (Classification of the State Functions) : রাষ্ট্রের আদর্শ হইল সামগ্রিক কল্যাণ সাধন করা। এই উদ্দেশ্যকে সাফল্যমণ্ডিত করার জন্ত দেশকাল-অবস্থা-ভেদে বিভিন্ন শ্রেণীর কার্যাবলী রাষ্ট্র করিয়া থাকে। আবার কার্যাবলীর মপ্যে কতকগুলি হইল রাষ্ট্রের নিজেরই অস্তিত্বের পক্ষে অপরিহার্য, আর কতকগুলি সাধারণ। কার্যাবলীর গুরুত্ব অনুসারে কার্যাবলীকে সাধারণতঃ দুইভাগে ভাগ করা হয় ; যথা, (১) মৌলিক বা অপরিহার্য কার্যাবলী (Essential), (২) ইচ্ছাধীন কার্যাবলী (Optional)।

(১) মৌলিক কার্যাবলী : যে সকল কার্যের উপর রাষ্ট্রের অস্তিত্ব

নির্ভর করে তাহাদিগকে রাষ্ট্রবিজ্ঞানিগণ রাষ্ট্রের মৌলিক কার্যাবলী বলিয়া অভিহিত করেন। মার্কিন যুক্তরাষ্ট্রের সভাপতি উড্রো উইলসন এই কার্যাবলীকে *Constituent Functions* বলিয়া অভিহিত করিয়াছেন। মৌলিক কার্যাবলীকে তিন শ্রেণীতে বিভক্ত করা হয়; যথা, (ক) রাষ্ট্রের সহিত রাষ্ট্রান্তর্গত ব্যক্তির-সম্বন্ধ-সম্পর্কিত কার্যাবলী, (খ) এক রাষ্ট্রের সহিত অত্রাষ্ট্র রাষ্ট্রের সম্পর্ক-বিষয়ক কার্যাবলী এবং (গ) রাষ্ট্রান্তর্গত ব্যক্তির সহিত ব্যক্তির সম্পর্ক-বিষয়ক কার্যাবলী।

~~ক) রাষ্ট্রের সহিত ব্যক্তির সম্পর্ক-বিষয়ক কার্যাবলী~~ রাষ্ট্রের কতকগুলি অধিকার সংরক্ষণের উদ্দেশ্যেই রাষ্ট্রের পত্তন হয়। এই অধিকারগুলির মধ্যে অন্তর্ভুক্ত হয়, জীবন, স্বাধীনতা ও সম্পত্তির অধিকার। বর্তমানে আবার ভোটাধিকারের মতো রাষ্ট্রনৈতিক অধিকার, ধর্মবিশ্বাসের মতো সামাজিক অধিকার এবং কর্মের অধিকারের মতো অর্থনৈতিক অধিকার প্রভৃতি রাষ্ট্রকে স্বীকার ও সংরক্ষণ করিতে হয়। ব্যক্তির সহিত রাষ্ট্রের সম্পর্ক আজ ওতপ্রোতভাবে জড়িত। রাষ্ট্রের স্বরূপ বোঝা যায় এই অধিকারগুলিকে রাষ্ট্র কর্তৃক স্বীকৃতি দিবার ও সংরক্ষণের দ্বারা। এইজন্যই ল্যাস্কি বলিয়াছেন: “রাষ্ট্র কর্তৃক স্বীকৃত ও সংরক্ষিত অধিকারের মাধ্যমেই রাষ্ট্রের স্বরূপ বোঝা যায়” (“A State is known by the rights it maintains.”);

(খ) বর্তমান পরস্পর-নির্ভরশীল জগতে কোন রাষ্ট্রই এককভাবে বাস করিতে পারে না। তাই এক রাষ্ট্রকে অপর রাষ্ট্রের সহিত বিভিন্ন সম্পর্কে সম্পর্কিত হইতে হয়। কূটনৈতিক, অর্থনৈতিক প্রভৃতি সম্পর্ক রক্ষা করিয়া রাষ্ট্রকে চলিতে হয়। অতএব এই সম্পর্করক্ষা-সম্বন্ধীয় কার্যাবলী বর্তমান রাষ্ট্রের মৌলিক কার্যাবলীর অন্তর্ভুক্ত।

(গ) আবার রাষ্ট্রান্তর্গত ব্যক্তিবর্গের মধ্যে যাহাতে কোনরূপ সংঘর্ষ না বাধে এবং এক নাগরিক যাহাতে অপর নাগরিকের স্বাধীনতা ও অধিকারে হস্তক্ষেপ না করে, তাহার জন্য রাষ্ট্রকে নানাবিধ উপায় অবলম্বন করিতে হয়। এই সমস্ত কার্যাবলী সম্পাদনের জন্য রাষ্ট্র আইন প্রণয়ন করে। প্রতিরক্ষা বাহিনী ও কর্মচারী নিয়োগ করিয়া ব্যক্তি-স্বাধীনতা ও ব্যক্তি-স্বাতন্ত্র্যমূলক অধিকার স্বীকার করিয়া লয়। আবার দেওয়ানী ও ফৌজদারী আইন প্রণয়ন করিয়া ব্যক্তিগত ধনসম্পত্তি রক্ষা ও নিরাপত্তার ব্যবস্থা করে।

রাষ্ট্র হইল সার্বভৌম ক্ষমতার অধিকারী। আভ্যন্তরীণ নিরাপত্তা রক্ষা

করা, কর ধার্য করিয়া শাসনযন্ত্র পরিচালনার ব্যবস্থা করা, দেশের শান্তি, স্বাধীনতা ও ঐতিহ্য বজায় রাখিবার জন্ত সর্ববিধ ব্যবস্থা অবলম্বন করা প্রভৃতি মৌলিক কার্যাবলীর অন্তর্ভুক্ত হয়। রাষ্ট্র এই কার্যগুলি না করিতে পারিলে রাষ্ট্রের অস্তিত্ব বিপন্ন হইবে।

(২) **ইচ্ছাধীন কার্যাবলী :** রাষ্ট্রের ইচ্ছাধীন কার্যাবলী রাষ্ট্রের স্বায়িত্বের সহিত সম্পর্কিত নয়। এই কার্যাবলী সামগ্রিক কল্যাণ-বৃদ্ধির সহিত সম্পর্কিত। এই ইচ্ছাধীন কার্যাবলীকে রাষ্ট্রবিজ্ঞানিগণ দুই ভাগে বিভক্ত করেন ; যথা, (ক) ইচ্ছাধীন অসমাজতান্ত্রিক (Non-Socialistic) (খ) সমাজতান্ত্রিক (Socialistic) কার্যাবলী।

(ক) **অসমাজতান্ত্রিক কার্যাবলী** হইল এমন কতকগুলি কার্য যাহা ব্যক্তির হস্তে অর্পিত হইলে সঠিকভাবে সম্পাদিত হইবার সম্ভাবনা নাই। তাই রাষ্ট্রকে এইগুলি সম্পাদন করিতে হয়। এই কার্যাবলী হইল পথঘাট-নির্মাণকার্য, বন্দর পোতাশ্রয় নির্মাণকার্য, সেচকার্যের প্রসার, ডাকবিভাগ পরিচালনা, শিক্ষার বিস্তার, আদমশুমারী গ্রহণ, তথ্যসুসন্ধান, নূতন বনভূমির সৃষ্টি করা এবং ব্যবসা-বাণিজ্য সম্বন্ধে কল্যাণকামী ব্যবস্থা প্রভৃতি। ব্যক্তির হস্তে এই সকল কার্য সমর্পিত হইয়া প্রতিযোগিতার ভিত্তিতে এই সকল কার্য সম্পাদিত হইলে দেশের সামগ্রিক কল্যাণ সাধিত হইবে না। এই কারণে বর্তমানে প্রায় সর্বদেশেই রাষ্ট্র এই সমস্ত কার্যের ভার স্বহস্তে গ্রহণ করিয়াছে।

(খ) **সমাজতান্ত্রিক কার্যাবলীর** অন্তর্ভুক্ত হয় এমন সকল কার্যাবলী যাহা ব্যক্তির হস্তে সমর্পিত হইলে সমাজের বহু অমঙ্গল সাধিত হইবে। উদাহরণস্বরূপ বলা যায়, রেলপথ ও বিমানপথ পরিচালনা, বিদ্যুৎ সরবরাহ, সেচ-ব্যবস্থা, মূলশিল্পের সংগঠন, পূর্ণ নিয়োগ-ব্যবস্থা সৃষ্টির প্রচেষ্টা, সামাজিক নিরাপত্তার ব্যবস্থা, সম্পদ ও সুযোগের ত্রাণ বন্টনের প্রচেষ্টা, অর্থনৈতিক পরিকল্পনার মাধ্যমে দেশের অর্থনৈতিক উন্নতি বিধান, শ্রমিক কল্যাণ আইন প্রণয়ন, নিম্নতম মজুরি নির্ধারণ, শোষণমূলক প্রতিষ্ঠানের বাজেয়াপ্তকরণ প্রভৃতি। আবার রাষ্ট্র যদি মনে করে ব্যক্তি-স্বাতন্ত্র্যের ভিত্তিতে কোন কার্য সুসম্পন্ন হইবার সম্ভাবনা নাই, তাহা হইলে রাষ্ট্র নিজহস্তে এই সকল কার্যের ভার গ্রহণ করিতে পারে।

উপসংহারে বলা যায় সমাজতান্ত্রিক ও অসমাজতান্ত্রিক—এই দুই ভাগের মধ্যে পার্থক্যের সীমারেখা অত্যন্ত অস্পষ্ট। আবার একদেশে কোন এক সময়ে

যে সকল কার্যাবলীকে অসমাজতান্ত্রিক বলিয়া গণ্য করা হইত কালভেদে তাহাদিগকে সমাজতান্ত্রিক বলিয়া গণ্য করার দৃষ্টান্তও বিরল নহে। উদাহরণ-স্বরূপ বলা যায়, পূর্বে রাষ্ট্র কর্তৃক পরিবহণ পরিচালনা-ব্যবস্থাকে সমাজতান্ত্রিক বলিয়া বিবেচনা করা হইত। কিন্তু বর্তমানে পরিবহণ পরিচালনা-ব্যবস্থাকে সমাজতান্ত্রিক বলিয়া বিবেচনা করা হয় না। বস্তুতঃ, সমাজ-সংগঠনের রূপ পরিবর্তনের সঙ্গে সঙ্গে সমাজতান্ত্রিক কার্যাবলীর রূপও পরিবর্তিত হইয়াছে। আবার মৌলিক ও ইচ্ছাধীন কার্যাবলীর ক্ষেত্রও অত্যন্ত অস্পষ্ট। কারণ, ~~এই ক্ষেত্রে~~ সকল কার্য মৌলিক বলিয়া বিবেচিত হয় অপর দেশে সেই সকল কার্যকে মৌলিক বলিয়া গণ্য নাও করিতে পারে। উদাহরণস্বরূপ বলা যায়, শিল্পক্ষেত্রে যুক্তরাষ্ট্রে ও ব্রিটেনে পূর্বে ব্যক্তি-স্বাতন্ত্র্যবাদ প্রতিষ্ঠিত ছিল। কিন্তু বর্তমানে এই দুই দেশে শিল্পক্ষেত্রে রাষ্ট্র-প্রচেষ্টার পরিমাণ বৃদ্ধি পাইয়াছে। এইভাবে একদিন যাহা ইচ্ছাধীন ছিল তাহা আজ মৌলিক কার্যাবলীর অন্তর্ভুক্ত হইয়াছে।

(গ) রাষ্ট্রের কার্যাবলী সম্বন্ধে বিভিন্ন মতবাদ (Different Theories of State Functions) : রাষ্ট্রের কার্যাবলী সম্বন্ধে বিভিন্ন মতবাদ প্রচলিত আছে। রাষ্ট্রের কর্মক্ষেত্র সম্বন্ধে এই মতবাদগুলিকে সাধারণতঃ চারি ভাগে ভাগ করা যায়; যথা,—(ক) নৈরাজ্যবাদ, (খ) ব্যক্তি-স্বাতন্ত্র্যবাদ, (গ) ভাববাদ এবং (ঘ) সমষ্টিবাদ। এই চারটি মতবাদের মধ্যেও আবার কতকগুলিকে বিভিন্ন শ্রেণীতে বিভক্ত করা যায়। নিম্নে একটি তাহার তালিকা দেওয়া হইল :

রাষ্ট্রের কর্মক্ষেত্র সম্বন্ধে বিভিন্ন নীতি



রাষ্ট্রের কর্মক্ষেত্র সম্বন্ধে সকল মতবাদগুলিকে এখানে আলোচনা করার প্রয়োজন নাই। গুরুত্বপূর্ণ মতবাদগুলিকে এখানে আলোচনা করা হইল :

(ক) নৈরাজ্যবাদ (Anarchism) : নৈরাজ্যবাদিগণ রাষ্ট্রের বিলোপ-সাধন করিয়া সকল সমস্যার সমাধান করিতে চান। নৈরাজ্যবাদিগণ মনে করেন যে, রাষ্ট্র হইল শোষণের যন্ত্রবিশেষ এবং দুর্নীতির আশ্রয়স্থল। রাষ্ট্রকে বলা হইয়াছে ব্যক্তিগত ও শ্রেণীগত স্বৈচ্ছাচারের প্রতীক। এই মতাবলম্বীদের ধারণানুসারে রাষ্ট্রকে উচ্ছেদ করার পর রাষ্ট্রের স্থান দখল করিবে কতকগুলি সংঘ। মানুষ স্বৈচ্ছায় এই সংঘগুলিতে যোগদান করিবে এবং স্বৈচ্ছায় তাহাদের সহিত সম্পর্ক ছিন্ন করিবে। নৈরাজ্যবাদ রাষ্ট্রের বিলোপ সাধন করিয়া ব্যক্তিগত উদ্যোগকে মুক্ত করিতে চায়।

নৈরাজ্যবাদের জন্ম হয় ঊনবিংশ শতাব্দীতে। এই ঊনবিংশ শতাব্দীতেই আবার ব্যক্তি-স্বাতন্ত্র্যবাদ ও সমাজতন্ত্রবাদ প্রবল হইয়া উঠে।

সমালোচনা : নৈরাজ্যবাদের সত্যতাকে সম্পূর্ণ উপেক্ষা করা যায় না। কিন্তু এই মতবাদ কল্পনাভিত্তিক বলিয়া অনেকে এই যুক্তি প্রদর্শন করেন যে, রাষ্ট্র যদি বিলুপ্ত হয় তবে নিশ্চয়ই অল্প কোন শক্তি রাষ্ট্রের স্থলাভিষিক্ত হইবে এবং এই শক্তি রাষ্ট্রেরই নামান্তর মাত্র। আবার রাষ্ট্র না থাকিলে ব্যক্তির স্বাধীনতা ও অধিকার রক্ষিত ও স্বীকৃত হয় না। কারণ, রাষ্ট্রই উহাদের স্বীকৃতি দেয় ও সংরক্ষণ করে। পরিশেষে বলা যায়, নৈরাজ্যে রাজ্য-শাসকের অভাবে নৈরাজ্য এক অরাজকতার রাজ্যে পরিণত হয়।

(খ) ব্যক্তি-স্বাতন্ত্র্যবাদ (Individualism) : নৈরাজ্যবাদিগণ ব্যক্তি ও সমাজের মঙ্গলের জন্ত রাষ্ট্রের সম্পূর্ণ বিলুপ্তি দাবি করেন। আর ব্যক্তি-স্বাতন্ত্র্যবাদিগণ রাষ্ট্রের সম্পূর্ণ বিলুপ্তি দাবি করেন না বটে; কিন্তু, রাষ্ট্রের কর্মক্ষেত্রে ব্যক্তির স্বাধীনতা ও অধিকার দ্বারা সংকুচিত করিতে চান। ব্যক্তি-স্বাতন্ত্র্যবাদিগণের মতে রাষ্ট্রের কর্মক্ষেত্র শুধু রাষ্ট্রের শৃঙ্খলা বজায় রাখা, ব্যক্তির জীবন ও সম্পত্তির অধিকার রক্ষার ক্ষেত্রে সীমিত হইবে। এই মতাবলম্বীরা আশঙ্কা করেন যে, রাষ্ট্রের কর্মক্ষেত্র যতটা বৃদ্ধি পাইবে ব্যক্তি-স্বাধীনতা ও ব্যক্তির ব্যক্তিত্ব বিকাশের সম্ভাবনা ততটা হ্রাস প্রাপ্ত হইবে। অবশ্য, সকল ব্যক্তি-স্বাতন্ত্র্যবাদীই একমত পোষণ করেন না। এই মতবাদের যুক্তিগুলি নিয়ে দেওয়া গেল :

(১) নৈতিক যুক্তি (Ethical Argument) : পরের উপর নির্ভরশীল

ব্যক্তির আত্মবিশ্বাস থাকে না। ফলে সে তাহার ব্যক্তিত্বের পূর্ণ বিকাশ করিতে পারে না। রাষ্ট্রের সহায়তার উপর নির্ভর করিলে ব্যক্তির আত্মনির্ভরশীলতা দমিত হয়। এই কারণেই রাষ্ট্রের কর্মক্ষেত্র সংকুচিত করিয়া ব্যক্তিকে আত্মনির্ভরশীল করাই এই মতবাদের প্রধান লক্ষ্য। বলা হয় যে, রাষ্ট্র অপেক্ষা ব্যক্তি নিজস্ব স্বার্থ সম্বন্ধে অধিকতর সচেতন। সুতরাং রাষ্ট্রের কর্মক্ষেত্র বৃদ্ধি করিয়া ব্যক্তিকে তাহার মঙ্গল সম্বন্ধে সচেতন করার প্রয়োজন নাই।

(২) দার্শনিক যুক্তি (Philosophical Argument) : এই যুক্তি দেখানো হয় যে, রাষ্ট্র ব্যক্তিবর্গের সমষ্টিমাত্র। ব্যক্তিকে বাদ দিয়া রাষ্ট্রের অস্তিত্ব সম্বন্ধে কল্পনা করা যায় না। আগে ব্যক্তি, পরে রাষ্ট্র। ব্যক্তির জন্মই রাষ্ট্র। রাষ্ট্র হইল ব্যক্তির হস্তের বস্ত্র। রাষ্ট্রের কর্মক্ষেত্রের বিস্তৃতির অর্থ বস্ত্রের প্রাধাত্যকে স্বীকার করা। সুতরাং মন্তব্য করা হয় যে, ব্যক্তির কর্ম-প্রচেষ্টাকে বৃদ্ধি করার জন্ম রাষ্ট্রের কর্মক্ষেত্রকে সংকুচিত করা বিধেয়।

(৩) রাজনৈতিক যুক্তি (Political Argument) : জন স্যুয়ার্ট মিলের মতামতসারে মানুষ নিজের উপর, নিজের দেহ ও চিন্তের উপর সার্বভৌম। মানুষ আত্মরক্ষার উদ্দেশ্যেই অপরের স্বাধীনতায় হস্তক্ষেপ করিতে পারে। আর শুধু অপরকে ক্ষতি সাধন হইতে বিরত করার জন্মই বল প্রয়োগ করা যায়। রাষ্ট্রের কর্তব্য হইল ব্যক্তি-স্বাধীনতাকে সংরক্ষণ করা। অমূল্য ভাবে হার্বার্ট স্পেনসার বলেন : ব্যক্তির একটিমাত্র কর্তব্য হইল, অপর সকলের সহিত সমান স্বাধীনতার অধিকার ভোগ করা, আর রাষ্ট্রের মাত্ৰ একটি কর্তব্য আছে, তাহা হইল ব্যক্তির অধিকারকে সংরক্ষণের কর্তব্য।

(৪) অর্থনৈতিক যুক্তি (Economic Argument) : ফরাসী দেশের ব্যক্তি-স্বাতন্ত্র্যবাদীগণ (Laissez Faire) এই যুক্তি প্রদর্শন করেন যে, অর্থনীতি ক্ষেত্রে অবাধ প্রতিযোগিতা চলিতে থাকিলে ভোগ্যদ্রব্যাদি প্রচুর পরিমাণে উৎপন্ন হয় এবং স্বল্পমূল্যে বিক্রীত হয়। কিন্তু ব্যবসা-বাণিজ্য ও উৎপাদনের ক্ষেত্রে রাষ্ট্র হস্তক্ষেপ করিলে উৎপাদনক্ষেত্রে প্রতিযোগিতার স্থলে একচেটিয়া উৎপাদন-ব্যবস্থা চালু হয়। ফলে উৎপাদন ব্যাহত হয় এবং দ্রব্যমূল্য বৃদ্ধি পায়। অতএব রাষ্ট্রের কর্মক্ষেত্র সংকুচিত হওয়া প্রয়োজন।

(৫) বৈজ্ঞানিক যুক্তি (Scientific Argument) : হার্বার্ট স্পেনসার প্রমুখ এই মত পোষণ করেন যে, বাঁচার প্রতিযোগিতায় যাহারা বাঁচিতে

পারে না, সেই অকর্মণ্য ব্যক্তিকে বাঁচাইবার চেষ্টা করার অর্থ সমাজকে ভারাক্রান্ত করা। অতএব হাসপাতাল প্রতিষ্ঠা, সমাজ-উন্নয়নমূলক কাজ প্রভৃতি কর্মক্ষেত্রে রাষ্ট্রের কর্মক্ষেত্রকে বিস্তৃত করা সমীচীন নয়। প্রতিযোগিতার মাধ্যমেই সমাজ উন্নীত হইবে।

সমালোচনা : (১) এই মতবাদের সমালোচনা প্রসঙ্গে অনেকে এই মন্তব্য করেন যে, বর্তমান জটিল সমস্তাসঙ্কুল সমাজে ব্যক্তি সামাজিক ও অর্থনৈতিক পরিবেশের উপর সম্পূর্ণভাবে নির্ভরশীল। বর্তমানের মানুষ সামাজিক ও অর্থনৈতিক অসহায়তা বোধ করিতেছে। একমাত্র রাষ্ট্রই তাহাদিগকে অসহায়তা হইতে রক্ষা করিতে পারে।

(২) জোডের মতে এই মতবাদানুসারে যে অবাধ প্রতিযোগিতার কথা বলা হইয়াছে তাহা সাফল্যমণ্ডিত হয় শুধু তখনই যখন সকলেরই দরকষাকষি করার সমান ক্ষমতা থাকে। কিন্তু সমাজে সকলে সমান ক্ষমতার অধিকারী বলিয়া যে ব্যক্তি-স্বাতন্ত্র্যবাদিগণ ধারণা করেন, তাহা ভ্রান্ত।

(৩) জোড আরও বলেন যে, মানুষ অর্থনৈতিক কর্মপ্রচেষ্টায় অল্পভাবে আগ্রহস্বরূপ হয়। ফলে সমাজের অনেক অপচয় ঘটে।

(৪) দার্শনিক যুক্তির বিরুদ্ধে বলা হয় যে, ব্যক্তি-স্বাতন্ত্র্যবাদিগণ মনে করেন যে, ব্যক্তিবর্গ ছাড়া রাষ্ট্রের কোন নিজস্ব সত্তা নাই, তাহা ভ্রান্ত। কারণ, ইতিহাসের বিবর্তনের ফলে এক একটি রাষ্ট্র এক একটি চরিত্র লাভ করিয়াছে। রাষ্ট্রের এই চরিত্র রক্ষাকল্পে ব্যক্তিকে নিজের জীবন পর্যন্ত বিসর্জন দিতে দেখা গিয়াছে। সুতরাং রাষ্ট্রের যে একটা নিজস্ব চরিত্র ও অস্তিত্ব আছে তাহা অস্বীকার করা যায় না।

(৫) রাজনৈতিক যুক্তির বিরুদ্ধে বলা হয় যে, ব্যক্তি-স্বাধীনতা অক্ষুণ্ণ রাখিয়াও রাষ্ট্র সমাজকল্যাণকর বহু কাজ করিতে পারে।

উপসংহারে বলা যায়, ব্যক্তি-স্বাতন্ত্র্যবাদের যুক্তিগুলিকে সম্পূর্ণ উপেক্ষা করা যায় না। অবশ্য বলা যায় যে, যে যুগে ব্যক্তি-স্বাতন্ত্র্যবাদ প্রচারিত হইয়াছিল সেই যুগে এই মতবাদের উপযোগিতা ছিল, কিন্তু বিবর্তনের রথচক্রতলে এই মতবাদ প্রায় নিশ্চিহ্ন হইয়া গিয়াছে।

আধুনিক ব্যক্তি-স্বাতন্ত্র্যবাদ (Modern Individualism) :

রাষ্ট্রবিজ্ঞানিগণ ব্যক্তি-স্বাতন্ত্র্যবাদকে দুইটি পর্যায়ে বিভক্ত করেন ; যথা,

(১) ঊনবিংশ শতাব্দীর ব্যক্তি-স্বাতন্ত্র্যবাদ এবং (২) আধুনিক ব্যক্তি-স্বাতন্ত্র্যবাদ।

(উনবিংশ শতাব্দীর ব্যক্তি-স্বাতন্ত্র্যবাদের বিরুদ্ধে প্রতিক্রিয়া হিসাবে জন্মলাভ করে সমষ্টিবাদ। আবার আদর্শবাদও রাষ্ট্রের কর্মক্ষেত্রে বৃদ্ধি করার পক্ষে মতবাদ প্রচার করে। আধুনিক ব্যক্তি-স্বাতন্ত্র্যবাদ ও এই আদর্শবাদ সমষ্টিবাদের বিরুদ্ধে প্রতিক্রিয়া হিসাবে জন্মলাভ করে।)

আদর্শবাদ যুদ্ধের পূজারী; এই মতবাদ ব্যক্তিকে রাষ্ট্রের যুগকাঠে বলি দিবার সমর্থনে মত প্রচার করে। তাই এই মতবাদের প্রতিক্রিয়া হিসাবে আধুনিক ব্যক্তি-স্বাতন্ত্র্যবাদ আবার উত্থিত হয়। আধুনিক ব্যক্তি-স্বাতন্ত্র্যবাদ এই মত ব্যক্ত করে যে, ব্যক্তি শুধু রাষ্ট্রের সহিতই সম্পর্কিত নয়। সে সমাজের

বিভিন্ন সংঘের মধ্য দিয়াও নিজেকে প্রকাশ করে।

আধুনিক ব্যক্তি-
স্বাতন্ত্র্যবাদের
যুক্তির নিবাস

রাষ্ট্রের মতো সংঘগুলিও ব্যক্তির আহুগত্য দাবি করে।

আধুনিক গণতান্ত্রিক রাষ্ট্রে সংখ্যাগরিষ্ঠের শাসন ব্যক্তি-
স্বাতন্ত্র্যকে ধ্বংস করে। এই সংখ্যাগরিষ্ঠতার নিষ্পেষণ

হইতে ব্যক্তিকে রক্ষা করিবার পক্ষে মতবাদ প্রচার করেন নরম্যান এঞ্জেল এবং গ্রাহাম ওয়ালাস। নরম্যান এঞ্জেল তাঁহার “দি ইলিউসন” গ্রন্থে এই মতবাদ প্রচার করেন যে, অর্থনৈতিক সমস্বার্থের ভিত্তিতে মানুষ বহু সংঘ গড়িয়া তোলে। এই সংঘগুলি আবার রাষ্ট্রের চৌহদ্দি অতিক্রম করিয়া অর্থনৈতিক সমস্বার্থের ভিত্তিতে আন্তর্জাতিক সংগঠনও গড়িয়া তোলে। ব্যক্তি শুধু আজ রাষ্ট্রের নাগরিকই নয়, সে আজ বিশ্বনাগরিকত্ব অর্জন করিবার জন্ত প্রয়াস চালাইয়া যাইতেছে। তাই বলা হইয়াছে, রাষ্ট্রকে আজ অর্থনৈতিক ভিত্তিতে প্রতিষ্ঠিত আন্তর্জাতিক সংগঠনের সভ্য হইতে হইবে। আন্তর্জাতিক সংগঠনের সভ্য হিসাবে রাষ্ট্রের কর্মক্ষেত্রের পরিধি অনেক পরিমাণে হ্রাস পাইবে আর আন্তঃরাষ্ট্র সম্পর্কের ক্ষেত্রে বিরোধিতার স্থলে প্রতিষ্ঠিত হইবে শান্তি ও সহযোগিতার পরিবেশ।

গ্রাহাম ওয়ালাস সমষ্টিগত চেতনার উপর বিশেষ গুরুত্ব আরোপ করেন এবং সমষ্টিবাদের ভিত্তিতে রাষ্ট্রের কর্মক্ষেত্র পরিচালনার নির্দেশ দিয়াছেন।

গ্রাহাম ওয়ালাসের
মতবাদ

কিন্তু, বর্তমানের কেন্দ্রীভূত এবং প্রতিনিধিমূলক শাসন-
ব্যবস্থায় সমষ্টিগত চেতনার সৃষ্টি প্রায় অসম্ভব। আরার

নির্বাচনোত্তরকালে প্রতিনিধির উপর নির্বাচকের আর

বিশেষ কোন নিয়ন্ত্রণাধিকার থাকে না। এই কারণে ওয়ালাস পেশাগত ভিত্তিতে নির্বাচকমণ্ডলীকে কয়েকটি সংঘে বিভক্ত করিয়া সমক্ষমতাবিশিষ্ট

পরিষদের একটি কক্ষকে সংঘসমূহের প্রতিনিধিদের দ্বারা গঠিত করিতে চান। এই পরিষদই সংখ্যাগরিষ্ঠের নিষ্পেষণ হইতে সংখ্যালঘিষ্ঠকে রক্ষা করিবে।

উপসংহারে বলা যায়, আধুনিক ব্যক্তি-স্বাতন্ত্র্যবাদ ব্যক্তির স্বাতন্ত্র্যরক্ষায় যত না বেশী যত্নপর তাহা অপেক্ষা সংঘ-স্বাতন্ত্র্যের উপর বেশী গুরুত্ব আরোপ করে। এই মতবাদযুক্ত সংঘতেই সার্বভৌমিকতা আরোপ করে। এই কারণে ইহাকে ব্যক্তি-স্বাতন্ত্র্যবাদ না বলিয়া সংঘ-স্বাতন্ত্র্যবাদ বলাই সঙ্গত।

(গ) **ভাববাদী মতবাদ (Idealist Theory of State Functions)** : রাষ্ট্র সম্বন্ধে ভাববাদী মতবাদ পূর্বে আলোচিত হওয়ায় এখানে তাহার পুনরুল্লেখ নিম্নয়োজন। এখানে রাষ্ট্রের কর্মক্ষেত্র সম্বন্ধে ভাববাদী মতবাদ সম্বন্ধে আলোচনা করা হইল। ভাববাদীদের ধারণামুসারে ব্যক্তি রাষ্ট্রদেহে যত বেশী লয়প্রাপ্ত হইবে তত বেশী ব্যক্তির নৈতিক উন্নতি হইবে। বলা হয় যে, ব্যক্তির কোন স্বতন্ত্র অস্তিত্ব নাই।

ভাববাদী ধারণায়
রাষ্ট্রের কর্মক্ষেত্রের
পরিধি

রাষ্ট্রের অস্তিত্বের মধ্যেই ব্যক্তি আপনাকে উপলব্ধি করিতে পারে। অতএব রাষ্ট্রের কর্মক্ষেত্র বিস্তৃত হইলে ব্যক্তিরই মঙ্গল হইবে ; কারণ, ব্যক্তি তো রাষ্ট্রের একটি

অঙ্গবিশেষ। রাষ্ট্রকে বলা হইয়াছে ব্যক্তির পূর্ণ স্বাধীনতার প্রতীক। হেগেলের মতে রাষ্ট্রের কর্মক্ষেত্র সর্বব্যাপী। অর্থনৈতিক, সাংস্কৃতিক, সামাজিক, মানসিক, নৈতিক, পারত্রিক প্রভৃতি বিষয়গুলি রাষ্ট্রের কর্মক্ষেত্রের অন্তর্গত।

সমালোচনা :- এই মতবাদ ব্যক্তি-স্বাধীনতাকে অস্বীকার করিয়াছে। এই নীতি ব্যক্তিকে রাষ্ট্রের ক্রীতদাসে পরিণত করিয়াছে। আধুনিক সাকল্যবাদ (Totalitarianism) ভাববাদী নীতিরই পরিণতি। আধুনিক সাকল্যবাদী রাষ্ট্রগুলির কার্যাবলী লক্ষ্য করিলে দেখা যাইবে যে, ইহা মানব-সভ্যতার পরিপন্থী। অতএব ভাববাদিগণ যে রাষ্ট্রের কর্মক্ষেত্রের পরিধিকে সর্বগ্রাসী করিতে চান তাহাতে মঙ্গল অপেক্ষা অমঙ্গলই অধিক হইবে।

উপসংহারে বলা যায়, ঊনবিংশ শতাব্দীতে সমাজের দুঃখ-হর্দশার প্রতি রাষ্ট্র যখন উপেক্ষা করিতেছিল তখন হেগেলের সময়োপযোগী মতবাদ রাষ্ট্রের কর্মক্ষেত্র বৃদ্ধিতে যথেষ্ট সহায়তা করিয়া মানবসভ্যতার রক্ষাকল্পে যে প্রভূত পরিমাণে সাহায্য করিয়াছিল তাহা অনস্বীকার্য।

(ঘ) **সমষ্টিবাদ (Collectivism)** : সমষ্টিবাদ সমষ্টির কর্তৃত্বকে

স্বীকার করে। এই মতবাদকে ব্যক্তি-স্বাতন্ত্র্যবাদের প্রতিবাদ হিসাবেও গ্রহণ করা যায়। এই মতবাদ অনুসারে রাষ্ট্রের কার্যাবলীর পরিধিকে বৃদ্ধি করিতে হইবে। ব্যক্তি-জীবনকে সমষ্টির কর্তৃত্বের নিয়ন্ত্রণে আনয়ন করিয়া রাষ্ট্রের তথা সমগ্র জনসাধারণের কল্যাণসাধন করাই এই মতবাদের উদ্দেশ্য। সমষ্টিবাদ আবার বিভিন্ন রূপ গ্রহণ করিতে পারে। সমষ্টিবাদের বিভিন্ন রূপের মধ্যে সমাজতন্ত্রই বিশেষ উল্লেখযোগ্য। নিম্নে সমাজতন্ত্রবাদের আলোচনা করা গেল।

সমাজতন্ত্রবাদ (Socialism) : সমাজতন্ত্রবাদ একটি রাষ্ট্রনৈতিক ও অর্থনৈতিক তত্ত্ব। ইহা আবার একটি আন্দোলনও বটে। রাষ্ট্রের ক্রিয়াকলাপ সম্পর্কে সমাজতন্ত্রবাদীরা ব্যক্তি-স্বাতন্ত্র্যবাদী ধারণা হইতে সম্পূর্ণ বিপরীত মত পোষণ করেন। তাঁহারা রাষ্ট্রকে মানব-জীবনের চরম উৎকর্ষ লাভের পক্ষে অত্যাৱশ্যকীয় বলিয়া মনে করেন এবং এই কারণে তাঁহারা রাষ্ট্রের কর্মক্ষেত্র বহুদূর পর্যন্ত বিস্তৃত করিবার পক্ষপাতী। সমাজতন্ত্রবাদের ব্যক্তি-স্বাতন্ত্র্যবাদের বিরুদ্ধে তাঁহাদের যুক্তি হইল, ব্যক্তিগত প্রচেষ্টায় সকল সময় ব্যক্তিবিকাশ সম্ভব নয়।

সমাজতন্ত্রবাদের
যুক্তির নিয়ম

সমাজের অধিকাংশ লোক প্রয়োজনীয় সুযোগ-সুবিধার অভাবে তাহাদের অন্তর্নিহিত শক্তিগুলির পূর্ণ সদ্যবহার করিতে পারে না। সুতরাং ব্যক্তির কল্যাণের জন্তই রাষ্ট্রের হস্তক্ষেপ প্রয়োজন।

আবার সমাজতন্ত্রবাদকে অত্যন্তম অর্থনৈতিক তত্ত্ব হিসাবেও গণ্য করা হয়। সমাজতন্ত্রবাদ উৎপাদনের মালিকানা রাষ্ট্রের অধীনে আনিয়া রাষ্ট্রীয় তত্ত্বাবধানে ও নিয়ন্ত্রণে উৎপাদন ও বণ্টন-ব্যবস্থা পরিচালনা করিতে চায়। সমাজতন্ত্রবাদীরা অবাধ প্রতিযোগিতা অপেক্ষা সামাজিক নিয়ন্ত্রণে সামাজিক ক্রিয়াকলাপ চালু করিবার পক্ষপাতী। তাঁহাদের মতে স্বাচ্ছন্দ্য নীতির অধীনে ধনতন্ত্রের জন্ম হয়। ধনতাত্ত্বিক ব্যবস্থায় উৎপাদনের উপকরণগুলি ব্যক্তিগত মালিকানায় থাকে এবং ব্যক্তিগত উদ্যোগ ও নিয়ন্ত্রণে উৎপাদন ও বণ্টন-ব্যবস্থা পরিচালিত হয়; ফলে, (১) সমাজের পক্ষে প্রয়োজনীয় দ্রব্যাদি উৎপাদিত নাও হইতে পারে; কারণ পুঁজিপতি শুধু এমন দ্রব্যই উৎপাদন করিবে যাহাতে তাহার মুনাফা হইবে, (২) উৎপাদিত দ্রব্যাদির বণ্টন-ব্যবস্থাও পুঁজিপতির স্বার্থবাহী হয়; সামাজিক কল্যাণের জন্ত পুঁজিপতি কখনও বণ্টন-ব্যবস্থা পরিচালিত করে না। ফলে শ্রমিক শ্রেণী তাহার শ্রায্য মজুরি হইতে বঞ্চিত

হয় এবং সমাজে উত্তরোত্তর ধনী ও নির্ধনের মধ্যে পার্থক্য বৃদ্ধি পাইতে থাকে, (৩) ধনতন্ত্রের আওতায় শ্রমিকের কোন নিরাপত্তা স্বীকৃত হয় না ; ফলে বেকারত্ব, অনাহার সমাজের অঙ্গ হইয়া দাঁড়ায় এবং (৪) ধনী ও নির্ধনের মধ্যে, শ্রমিক ও মালিকের মধ্যে সংঘাত অনিবার্য হইয়া উঠে। সমাজতন্ত্রবাদ ব্যক্তিগত মালিকানার বিলুপ্তি দাবি করে।

আবার সমাজতন্ত্রবাদ ব্যক্তি-স্বাধীনতায় বিশ্বাসী। কিন্তু এই ব্যক্তি-স্বাধীনতার অর্থ যথেষ্টচারিতা নহে। এই ব্যক্তি-স্বাধীনতার অর্থ দৈনন্দিন অভাব-অভিযোগ হইতে মুক্তি, সকলের ব্যক্তিগত বিকাশের সুযোগ-সুবিধা প্রাপ্তি। রাষ্ট্রের তত্ত্বাবধানে এই সুযোগ-সুবিধা ব্যক্তি ভোগ করিয়া তাহার ব্যক্তিগত বিকাশ করিতে পারিলেই সে তাহার ব্যক্তি-স্বাধীনতা ভোগ করিতে পারিবে।

সমাজতন্ত্রের বৈশিষ্ট্য : কোলের মতে বৈশিষ্ট্যগুলি নিম্নরূপ :

- (১) এই ব্যবস্থায় ধনী-নির্ধনের মধ্যে কোন পার্থক্য থাকিবে না।
- (২) উৎপাদনের উপায়গুলির মালিকানা সাধারণের হস্তে, অর্থাৎ সকল, খনি, যন্ত্রশিল্প প্রভৃতির মালিকানা রাষ্ট্রের হস্তে থাকিবে।
- (৩) শ্রেণীহীন, বর্ণহীন সমাজের পারস্পরিক মৈত্রীবন্ধন সমাজতন্ত্রের অগ্রতম বৈশিষ্ট্য।
- (৪) সকল নাগরিকের উপর শক্তি-সামর্থ্যসূচক দায়িত্ব অর্পিত থাকিবে।
- (৫) সমাজের প্রয়োজনীয় উৎপাদন ও বণ্টন-ব্যবস্থা চালু রাখার জন্য বর্তমানে আর একটি বৈশিষ্ট্য লক্ষ্য করা যায়, তাহা হইল কেন্দ্রীয় কর্তৃত্বের অধীনে সুচিন্তিত অর্থনৈতিক পরিকল্পনা।

সমাজতন্ত্রের প্রকারভেদ (Different forms of Socialism) : সমাজতন্ত্রের লক্ষ্য এক হইলেও সমাজতন্ত্রবাদীরা উদ্দেশ্য সিদ্ধির জন্য বিভিন্ন-পন্থা অহসরণ করিয়া থাকেন। ফলে সমাজতন্ত্রবাদীদের মধ্যে মতানৈক্য পরিলক্ষিত হয়। এই মতানৈক্যের জন্য সমাজতন্ত্র বিভিন্ন রূপ গ্রহণ করিয়াছে। জোড বলেন, সমাজতন্ত্রকে এমন একটি টুপি সহিত তুলনা করা যায় যাহা সকলেই পরিধান করে বলিয়া সে তাহার গঠন হারািয়া ফেলিয়াছে।

“(Socialism...is like a hat that has lost its shape because

everybody wears it.”)। কার্যপদ্ধতির দৃষ্টিকোণ হইতে সমাজতন্ত্রবাদকে নিম্নলিখিতভাবে বিভক্ত করা যায় :

(১) **কাল্পনিক সমাজতন্ত্রবাদ (Utopian Socialism)** : গ্রীক দার্শনিক প্লোটোকে সমাজতন্ত্রবাদের জন্মদাতা বলা হয়। প্লোটো তাঁহার ‘রিপাবলিক’ গ্রন্থে এক আদর্শ রাষ্ট্রের পরিকল্পনা রচনা করেন। তাঁহার এই আদর্শ রাষ্ট্রে শাসকগোষ্ঠী ব্যক্তিগত সম্পত্তি ও পারিবারিক বন্ধন মুক্ত হইয়া নিঃস্বার্থভাবে রাষ্ট্রের শাসনকার্য পরিচালনা করিবে। প্লোটো সামাজিক বিবাহবন্ধন (Community of wives) দ্বারা পরিবারগঠন, ব্যক্তিগত সম্পত্তির সামাজিক মালিকানার (Community of property) মাধ্যমে ব্যক্তিগত সম্পত্তির উচ্ছেদ এবং সম্ভানসম্পত্তির সামাজিক পিতৃত্বের (Community of children) বন্ধনে আবদ্ধ এক সমাজ-রাষ্ট্রের পক্ষে মত প্রকাশ করেন। প্লোটোর এই আদর্শ রাষ্ট্রের নীতিতে অনুপ্রাণিত হন টমাস মুর। তিনি তাঁহার ‘ইউটোপিয়া’ নামক গ্রন্থে এক আদর্শ রাষ্ট্রের চিত্র অঙ্কন করেন। মুরের পর ফরাসী দার্শনিক সেন্ট সাইমন, ইংরাজ লেখক রবার্ট ওয়েন প্রভৃতি কাল্পনিক সমাজতন্ত্রবাদের সমর্থন করেন। কিন্তু এই মতবাদ বাস্তবধর্মী নয় বলিয়া ইহা বাস্তবে রূপায়িত হয় নাই।

(২) **রাষ্ট্রপ্রধান সমাজতন্ত্রবাদ (State Socialism)** : এই মতবাদ অনুসারে উৎপাদন ও বণ্টন-ব্যবস্থা রাষ্ট্রীয় কর্তৃত্বাধীনে আনিয়া সামাজিক সাম্য ও কল্যাণের প্রতিষ্ঠা করা বিধেয়। এই মতবাদের যুক্তি হইল শ্রমিকেরা তাহাদের স্বার্থকে সংরক্ষণ করিতে অক্ষম ; সুতরাং রাষ্ট্রকেই তাহাদের স্বার্থ-সংরক্ষণের ব্যবস্থা করিতে হইবে। রাষ্ট্রপ্রধান সমাজতন্ত্রবাদকে অনেকে সমষ্টিবাদ রূপেও আখ্যায়িত করেন। ইংল্যান্ডের ফেবিয়ান সমাজতন্ত্রবাদের ব্যাখ্যার মধ্যেও এই মতবাদের স্বরূপ ধরা পড়ে। ফেবিয়ান সমাজতন্ত্রবাদীরা বিপ্লবে বিশ্বাস করেন না। তাহারা জনমতকে সুশিক্ষিত করিয়া ধীরে ধীরে সমাজতান্ত্রিক ব্যবস্থা প্রবর্তন করিতে চান।

(৩) **খ্রীষ্টীয় সমাজতন্ত্রবাদ (Christian Socialism)** : খ্রীষ্টীয় সমাজতন্ত্রবাদের প্রতিযোগিতা না করিয়া সহযোগিতার ভিত্তিতে সমাজ-ব্যবস্থার পুনর্গঠন করিতে চান। তাহারা মনে করেন যে, খ্রীষ্টশাস্ত্রের মতবাদের মধ্যেই প্রকৃত সমাজতন্ত্রের মূলকথাগুলি নিহিত রহিয়াছে। খ্রীষ্টীয় সমাজতন্ত্রবাদ

সকল প্রতিযোগিতার অবসান ঘটাইয়া শ্রমিকদের মধ্যে সমবায় পদ্ধতিতে উৎপাদন-ব্যবস্থা প্রবর্তন করিবার পক্ষপাতী।

(৪) গণতান্ত্রিক সমাজতন্ত্র (Democratic Socialism) : এই মতবাদকে কেহ কেহ ফেবিয়ান সমাজতন্ত্রবাদ অথবা বিবর্তনমূলক সমাজতন্ত্রবাদ বলিয়া অভিহিত করেন। এই মতবাদের সার কথা হইল, মার্কসীয় সমাজতন্ত্রবাদ যে বিপ্লবের পন্থায় সমাজতন্ত্রের প্রতিষ্ঠার কথা বলে তাহাতে একমাত্র একনায়কত্বই প্রতিষ্ঠিত হয় এবং গণতান্ত্রিক অধিকারসমূহ আর কখনই লাভ করা সম্ভব হয় না। একনায়কত্ব আর গণতন্ত্র পরস্পর-বিরোধী। এই মতবাদ অনুসারে বিপ্লবের পন্থা পরিহার করিয়া ধীরে ধীরে সমাজতন্ত্রকে প্রতিষ্ঠা করিতে হইবে। রাষ্ট্রের কর্মক্ষেত্রের পরিধির ক্ষেত্রে মার্কসীয় সমাজতন্ত্র এবং গণতান্ত্রিক সমাজতন্ত্রের মধ্যে পার্থক্য পরিলক্ষিত হয়। মার্কসীয় সমাজতন্ত্রবাদ রাষ্ট্রের বিলুপ্তিতে বিশ্বাস করে কিন্তু আলোচ্য মতবাদ রাষ্ট্রের বিলুপ্তিতে বিশ্বাস করে না। আলোচ্য মতবাদ চিন্তা, ধর্ম ও নীতির স্বতন্ত্র অস্তিত্বকে স্বীকার করে এবং এমন কি মার্কসের অর্থনৈতিক ব্যাখ্যাকে স্বীকার করিয়া লইয়াও অর্থনৈতিক উপাদানগুলির উপর মার্কসের মতো গুরুত্ব আরোপ করে না। ইংল্যান্ডের ফেবিয়ান (Fabian) সম্প্রদায়, জার্মানীর সোশ্যাল ডেমোক্র্যাটগণ (Social Democrats) এবং রিভিশনিষ্ট দল এই মতবাদে বিশ্বাসী।

(৫) সমিতিভিত্তিক সমাজতন্ত্র (Guild Socialism) : এই মতবাদে বিশ্বাসীরা রাষ্ট্রকে ব্যক্তি ও সমিতিগত স্বাধীনতার শত্রু বলিয়া মনে করেন। সমিতিভিত্তিক সমাজতন্ত্রীরা মনে করেন যে, রাষ্ট্রে যদি সকল ক্ষমতা কেন্দ্রীভূত হয় তবে সমিতি ও উৎপাদনকারী শ্রমিক সংঘ নিজেদের কর্মক্ষেত্রের উপর নিয়ন্ত্রণ-ব্যবস্থা চালু করিতে পারিবে না। তাহাদের মতে উৎপাদনের উৎসগুলির মালিকানা উৎপাদনকারী শ্রমিক সমিতিগুলির (Guild) হস্তে হস্ত করা বাঞ্ছনীয়। এই মতবাদ বিকেন্দ্রীকরণে বিশ্বাস করে। এই মতবাদ বিপ্লবের মাধ্যমে ধনতন্ত্রকে উচ্ছেদ করিবার বিরোধী। সমিতিভিত্তিক সমাজতন্ত্র শ্রমিক সংগঠন ও কারখানাকে স্বায়ত্তশাসন প্রদানের পক্ষপাতী। স্বায়ত্তশাসিত শ্রমিক সমিতিগুলি (Guild) কতকগুলি সংস্থা নির্বাচন করিবে। আবার আঞ্চলিক ভিত্তিতে শ্রমিক সংগঠনগুলি নির্বাচনের মাধ্যমে জাতীয় সমিতি (National Guild Congress) গঠন করিবে। ইহা ছাড়া

ভৌগোলিক আঞ্চলিক ভিত্তিতেও আরও একটি জাতীয় প্রতিষ্ঠান নির্বাচিত হইবে। ইহাদের মধ্যে একটি হইবে উৎপাদকগণের প্রতিনিধিমূলক প্রতিষ্ঠান, আর দ্বিতীয়টি হইবে ভোক্তাদের প্রতিনিধিমূলক (Consumers Council) প্রতিষ্ঠান। প্রথমটি অর্থনৈতিক আর দ্বিতীয়টি রাজনৈতিক। অতএব দেখা যায় এই মতবাদ দ্বি-কক্ষীয় বিধানমণ্ডলীর মাধ্যমে শাসন-ব্যবস্থা চালু করিবার পক্ষপাতী। এই মতবাদ ট্রেড ইউনিয়ন আন্দোলনের মাধ্যমে সমাজতন্ত্রবাদ প্রতিষ্ঠা করার পক্ষে যুক্তি প্রদর্শন করে। এই মতবাদের পক্ষে হইলেন জি. ডি. এইচ. কোল., এস. জি. হবসন প্রমুখ চিন্তাবীরগণ।

(৩) রাষ্ট্রহীন সংঘভিত্তিক সমাজতন্ত্রবাদ (Syndicalism) :

এই মতবাদ বিশ্বাস করে যে ; (১) শ্রমই হইল ধনোৎপাদনের একমাত্র উপাদান, (২) কৃষি, শিল্প প্রভৃতি উৎপাদনের উপায়গুলির মালিকানা শ্রমিকের হস্তে অর্পণ করা বিধেয়, (৩) এই অধিকার অর্জন করিবার জন্ত শ্রমিকেরা এমন কি ধংসাত্মক কার্যও করিতে পারে এবং (৪) শ্রমিক সংঘের নিয়ন্ত্রণাধীনে সামাজিক, রাজনৈতিক ও অর্থনৈতিক জীবনকে পরিচালনার ভার অর্পণ করা উচিত। মার্কসীয় শ্রেণী-সংগ্রাম ও উদ্বৃত্ত মূল্য (Surplus Value) এই মতাবলম্বীরা বিশ্বাস করে। ইহারা রাষ্ট্রের বিলোপ সাধনও করিতে চায়। কারণ, রাষ্ট্রকে এই মতবাদ শোষণের যন্ত্র মাত্র বলিয়া মনে করে।

(৭) মার্কসীয় সমাজতন্ত্র (Marxian Socialism) : (আলোচনা সপ্তম অধ্যায়ে দ্রষ্টব্য)

ধনতন্ত্রবাদ (Capitalism) : ঊনবিংশ শতাব্দীর শিল্প-বিপ্লবের ফলে উৎপাদন-ব্যবস্থায় যুগান্তকারী পরিবর্তন আসে। ক্ষুদ্র ও কুটীর শিল্পগুলির স্থান দখল করে বিরাটকার্য যন্ত্রচালিত কারখানা। এই বিরাট কারখানা চালু করিতে প্রয়োজন হয় প্রভূত পরিমাণ মূলধন। কিন্তু এই মূলধনের যোগান একমাত্র মুষ্টিমেয় পুঁজিপতির দিতে পারিত। এই পুঁজিপতিদের

ধনতন্ত্রবাদের
সারকণা

হস্তে কি ভাবে অর্থ সঞ্চিত হইয়াছে তাহা পূর্বেই আলোচনা করা হইয়াছে। তাই এখানে তাহার পুনরুল্লেখ করা হইল না। উৎপাদন-ব্যবস্থা ধনিক শ্রেণীর

করায়ত্ত হওয়ায় অর্থনৈতিক ক্ষমতা মুষ্টিমেয় লোকের হস্তে কেন্দ্রীভূত হয় এবং শ্রমিক শ্রেণী মুষ্টিমেয় পুঁজিপতির দাসে পরিণত হয়। আবার অর্থনৈতিক

ক্ষমতা ইহাদের করায়ত্ত হওয়ার ফলে রাজনৈতিক ক্ষমতাও ইহাদের হস্তগত হয়। এইভাবে সমগ্র সমাজ-জীবনের উপরই এই ধনিক সম্প্রদায়ের কর্তৃত্ব প্রতিষ্ঠিত হয়।

ধনতান্ত্রিক ব্যবস্থার বৈশিষ্ট্য : (১) এই ব্যবস্থায় উৎপাদনের উৎসগুলি ব্যক্তিগত মালিকানার অধীনে চলিয়া যায়। (২) প্রত্যেক ব্যক্তি স্বাধীনভাবে তাহার অর্থনৈতিক কার্যকলাপ নিয়ন্ত্রিত করিতে পারে। (৩) শ্রমজীবীরা উৎপাদনের উপাদানগুলির মালিকানা হইতে বঞ্চিত হইয়া দিনমজুরে পরিণত হয়। (৪) এই ব্যবস্থায় উত্তরাধিকারসূত্রে ব্যক্তিগত সম্পত্তির মালিকানা হস্তান্তরিত হয়। (৫) ধনতান্ত্রিক সমাজ-ব্যবস্থায় প্রতিযোগিতার মাধ্যমে উৎপাদন-ব্যবস্থা চালু থাকে। (৬) এই শোষণ-ভিত্তিক সমাজে একদিকে বিস্তারিত আর অপরদিকে শোষিত শ্রেণীর মধ্যে সংঘর্ষ অনিবার্য হইয়া উঠে।

ধনতান্ত্রিক ব্যবস্থার সুফল (Merits of Capitalism) : ধনতান্ত্রিক ব্যবস্থার প্রথম সুফল হইল, এই ব্যবস্থাহিসাবে ব্যক্তিগত মুনাফা বৃদ্ধির লোভে ব্যক্তিগত উদ্যোগে শিল্পোন্নয়ন হইয়া থাকে। আবার যেহেতু প্রতিযোগিতার মাধ্যমে উৎপাদন-ব্যবস্থা চালু হয় সেইহেতু স্বাভাবতঃই উৎপন্ন দ্রব্যের উৎকর্ষের জন্ত প্রত্যেক উৎপাদকই যত্নপর হয়। আবার বাজারে প্রতিযোগিতার ফলে দ্রব্যমূল্য হ্রাস পায়। প্রতিযোগিতার ফলে একমাত্র যোগ্য উৎপাদকই টিকিয়া থাকে।

দ্বিতীয়তঃ, ধনতান্ত্রিক ব্যবস্থায় ক্রেতাগণও লাভবান হয়, কারণ ক্রেতাগণ স্বাধীন ইচ্ছাহিসাবে দ্রব্য ক্রয় করিতে পারে। ক্রেতার চাহিদা পূরণের জন্ত তাহার ক্রটিমতো দ্রব্য উৎপাদন করিতে বাধ্য হয় উৎপাদকগণ।

তৃতীয়তঃ, এই উৎপাদন-ব্যবস্থায় যথেষ্ট ঝুঁকি গ্রহণ করিতে হয়। ফলে উৎপাদনকার্যে প্রভূত দক্ষতার প্রয়োজন। দক্ষ পরিচালক পাইলে অপচয়ও কম হয়। প্রতিযোগিতার মাধ্যমে দক্ষ পরিচালক বাহির হইয়া আসে এবং তাহারাই ধনতান্ত্রিক ব্যবস্থায় উৎপাদন-ব্যবস্থাকে পরিচালিত করিয়া থাকে।

চতুর্থতঃ, এই ব্যবস্থায় প্রতিযোগিতা ও মূল্য-নিয়ন্ত্রণ-ব্যবস্থা চালু থাকার ফলে দুর্নীতি, অযোগ্যতা ও পক্ষপাতিত্ব প্রভৃতি দোষ-ত্রুটি অনেক পরিমাণে হ্রাস পায়।

ধনতাত্ত্বিক ব্যবস্থার কুফল (Demerits of Capitalism) :

প্রথমতঃ, এই ব্যবস্থায় ধনবৈষম্যের সৃষ্টি হয় ফলে সমাজ ধনী ও নির্ধনে বিভক্ত হইয়া পড়ে।

দ্বিতীয়তঃ, ধনবৈষম্যের ফলে দরিদ্র জনসাধারণ তাহাদের ব্যক্তিগত বিকাশের জন্য সমান সুযোগ পায় না।

তৃতীয়তঃ, ধনতাত্ত্বিক ব্যবস্থায় ক্রেতার যে স্বাধীনতার কথা বলা হইয়াছে তাহা অবাস্তব ; কারণ, এই ব্যবস্থায় উৎপাদকগণ সংঘবদ্ধ হইয়া একচেটিয়া কারবার প্রতিষ্ঠা করিয়া ক্রেতাগণকে উচ্চমূল্যে দ্রব্য ক্রয় করিতে বাধ্য করে।

চতুর্থতঃ, সমাজকল্যাণের দিকে কোন দৃষ্টি না রাখিয়া শুধু ব্যক্তিগত মুনাফার দ্বারা প্রণোদিত হইয়াই উৎপাদকগণ উৎপাদনকার্যে রত থাকে। এই ব্যবস্থায় সমাজের চাহিদা ও প্রয়োজনীয়তার দিকে দৃষ্টি দেওয়া হয় না। শুধুমাত্র যে ব্যবসায়ে বেশী মুনাফা তাহাতেই পুঁজিপতি মূলধন নিয়োগ করে।

পঞ্চমতঃ, ধনতাত্ত্বিক ব্যবস্থায় বেকার সমস্যা বৃদ্ধি পায়, ব্যবসায় চক্র অর্থনৈতিক অবস্থাকে বিপর্যস্ত করিয়া তোলে এবং শ্রমিক-মালিক বিরোধ সৃষ্টি হইয়া সমাজে নানাবিধ বিঘ্ন আসিয়া উপস্থিত হয়।

উপসংহারে বলা যায়, এই ব্যবস্থার গুণ ও দোষ উভয়ই আছে। এই ব্যবস্থার ক্রটিগুলিকে দুইটি উপায়ে সংশোধন করা যায়। প্রথমতঃ, সমাজতন্ত্র প্রতিষ্ঠা করিয়া ধনতন্ত্রের মূলচ্ছেদ করিয়া ধনতাত্ত্বিক ব্যবস্থার অবসান ঘটানো যায়, আর দ্বিতীয় উপায় হইল মিশ্র ব্যবস্থার প্রবর্তন করিয়া জাতীয় প্রয়োজনানুসারে উৎপাদন-ব্যবস্থাকে জাতীয়করণ করিয়া সমাজের কল্যাণ সাধন করা যায় এবং সাধারণ বিষয়কে ব্যক্তিগত উদ্বোধে ছাড়িয়া দেওয়া যায়। এই মিশ্রনীতি বর্তমানে ইংল্যান্ড প্রভৃতি দেশে প্রবর্তিত হইয়াছে।

ফ্যাসীবাদ ও নাৎসীবাদ (Fascism and Nazism) : প্রথম মহাযুদ্ধের পর ইতালীদেশে ফ্যাসীবাদ এবং জার্মানীতে নাৎসীবাদের অভ্যুত্থান হয়। ফ্যাসীবাদের প্রবর্তক ছিলেন বেনিটো মুসোলিনি আর নাৎসীবাদের প্রবর্তক হইলেন হের হিটলার। ইতালীর গণতান্ত্রিক সরকারের ব্যর্থতা এবং যুদ্ধোত্তর জার্মানীর কল্লণ, দৈহ্য ও গ্লানিপূর্ণ অবস্থাই এই দুইটি মতবাদের অভ্যুত্থানের কারণ। জার্মানগণ মনে করিতেন যে, তাঁহারা আর্বংশোদ্ভব এবং জগতের শ্রেষ্ঠ নরকুল। তাঁহাদের এই শ্রেষ্ঠত্ব প্রতিষ্ঠা করাই ছিল নাৎসীবাদের প্রধান উদ্দেশ্য। মুসোলিনীর ফ্যাসীবাদের পশ্চাতে

ছিল দুইটি উদ্দেশ্য : (১) ইতালীতে রুশ-বিপ্লবের অসুকরণে কৃষক ও শ্রমিক শ্রেণী কল-কারখানা দখল করিতে আরম্ভ করে এবং সমাজতন্ত্র প্রতিষ্ঠা করিবার দিকে অগ্রসর হয়। এই কৃষক ও শ্রমিকশ্রেণী বাহাতে সমাজতন্ত্র প্রতিষ্ঠা না করিতে পারে তাহার জ্ঞাত মুসোলিনি এই ফ্যাসীবাদের আশ্রয় গ্রহণ করেন ; আর (২) ইতালীর গণতান্ত্রিক সরকারের ব্যর্থতায় এক নৈরাশ্যের সৃষ্টি হয়, ফলে ইতালীতে একটি শক্তিশালী রাষ্ট্রের প্রয়োজন হইয়া পড়ে। ফ্যাসীবাদের উপরই এই নূতন সরকারকে প্রতিষ্ঠা করিবার প্রয়োজনীয়তা দেখা দেয়।

ফ্যাসীবাদের অর্থ “একসঙ্গে একখানি কুঠারসহ আবদ্ধ কতকগুলি কাঠখণ্ড”। ইহা একটি রোমান শব্দ। এই মতবাদের সারকথা হইল রাষ্ট্র, জাতি ও সমাজ হইতে অভিন্ন এক সর্বাত্মক সংগঠন। ফ্যাসীবাদের সারকথা

ফ্যাসীবাদের
সারকথা

রাষ্ট্র সর্বগ্রাসী, -চিরন্তন ও অবাধ ক্ষমতার অধিকারী। ফ্যাসীবাদ জাতীয় স্বার্থের বিরোধী সাম্য, স্বাধীনতা এবং কোন আদর্শে বিশ্বাসী নয়। এই মতবাদ সমষ্টিগত জাতীয় জীবনকে কাম্য বলিয়া মনে করে। এই জাতীয় রাষ্ট্রের প্রকৃতি অভিজাত-তান্ত্রিক। এই মতবাদ যুদ্ধে বিশ্বাসী। অবশ্য, এই মতবাদ বিভিন্ন দলের শাসন, বৃত্তিগত প্রতিনিধিত্বের ব্যবস্থায় আস্থাবান। অর্থনীতি ক্ষেত্রে এই মতবাদ মিশ্র নীতি (Mixed Economic Policy) গ্রহণ করিয়াছে। অর্থাৎ ধনতন্ত্র ও সমাজ-তন্ত্রের সমন্বয়ের ভিত্তিতে এক অর্থনৈতিক নীতি নির্ধারণ করে।

ফ্যাসীবাদের শ্রায় নাৎসীবাদও ব্যক্তিকে উপেক্ষা করিয়া সর্বগ্রাসী রাষ্ট্রের একাধিপত্য বিস্তারের পক্ষপাতী। এই মতবাদ একদলীয় শাসনে বিশ্বাসী। নাৎসীবাদ অহুসারে রাষ্ট্রই সর্বক্ষমতার অধিকারী, সর্বগ্রাসী। এই মতবাদ একনায়কত্বে বিশ্বাসী।

উপসংহারে বলা যাক এই মতবাদ দুইটি যদিও বহু দোষে দুষ্ট কিন্তু যুদ্ধোত্তর ইতালী ও জার্মানীর পুনর্গঠনের জ্ঞাত এই ধরনের মতবাদের প্রয়োজন ছিল। অত্যাচার, বিধ্বস্ত জার্মানীকে পুনর্গঠন করা সম্ভবপর হইত না। জাতীয়তাবাদে উদ্বুদ্ধ করিয়া হিটলার যেভাবে জার্মানীকে সংগঠিত ও উন্নত করিয়াছিলেন তাহা সত্যই প্রশংসার্হ।

সমাজকল্যাণকর রাষ্ট্রের কার্যাবলী (Functions of the Social Welfare State) : এই মতবাদের প্রধান উদ্দেশ্য হইল সর্বাধিক জনের

সর্বাধিক কল্যাণ (the greatest good of the greatest number) সাধন করা। ভারতবর্ষ এই মতবাদে বিশ্বাসী। ভারতবর্ষের সংবিধানের নির্দেশমূলক নীতি (Directive principles) লক্ষ্য করিলে দেখা যায় সামাজিক, রাষ্ট্রনৈতিক ও অর্থনৈতিক ক্ষেত্রে সর্বাধিক উন্নয়ন করার দিকে বিশেষ গুরুত্ব আরোপ করা হইয়াছে। বলা হইয়াছে, উৎপাদনের উপায়গুলি যাহাতে কয়েকজনের হস্তে কেন্দ্রীভূত না হয় সেদিকে লক্ষ্য রাখা হইবে। সমাজকল্যাণকর রাষ্ট্রের কর্মপরিধি কতদূর পর্যন্ত বিস্তৃত হইবে তাহা নিয়োক্ত সার্মবিবরণী হইতে বোঝা যাইবে :

(১) সমাজকল্যাণকর রাষ্ট্র ব্যক্তিগত নিরাপত্তা রক্ষা করিবে। ইহার অর্থ আভ্যন্তরীণ ও বহিরাক্রমণ হইতে ব্যক্তিকে রক্ষা করার সম্পূর্ণ দায়িত্ব রাষ্ট্র গ্রহণ করিবে।

(২) সমাজকল্যাণকর রাষ্ট্র প্রত্যেকের সম্পত্তি রক্ষার অধিকার প্রদান করিলেও সামাজিক স্বার্থে এই সম্পত্তি রক্ষার অধিকারকে প্রদান নাও করিতে পারে।

(৩) আবার সামাজিক কল্যাণসাধনের জন্ত অনেক সময় জনসংখ্যা নিয়ন্ত্রণ (Family Planning) প্রভৃতির দিকেও দৃষ্টি দিয়া থাকে।

(৪) রাষ্ট্রান্তর্গত ব্যক্তির অধিকারকে যেমন রাষ্ট্র স্বীকৃতি দেয় তেমনি আবার এই অধিকার সংরক্ষণের ব্যবস্থাও রাষ্ট্র করিয়া থাকে। সমাজকল্যাণকর রাষ্ট্র তাহাই করে।

(৫) সমাজকল্যাণকর রাষ্ট্রে শিল্প-বাণিজ্যে রাষ্ট্রীয় হস্তক্ষেপ দিন দিনই বৃদ্ধি পাইতেছে। সমাজকল্যাণকর রাষ্ট্রের একটি উল্লেখযোগ্য বৈশিষ্ট্য হইল এই রাষ্ট্র উৎপাদকের স্বার্থ যেমন সংরক্ষণ করে তেমনি আবার শ্রমিকের স্বার্থও সংরক্ষণ করে।

(৬) সমাজকল্যাণকর রাষ্ট্র শুধু উৎপাদন-ব্যবস্থাই নিয়ন্ত্রণ করে না, এই রাষ্ট্র উৎপাদনের সামাজিক বন্টন-ব্যবস্থাও নিয়ন্ত্রণ করিয়া ধনী-নির্ধনের পার্থক্য লাঘব করিবার চেষ্টা করে।

(৭) এই প্রকৃতির রাষ্ট্র দেশে শিক্ষা বিস্তারের জন্ত শিক্ষা-প্রতিষ্ঠান স্থাপন, রোগীকে রোগমুক্ত করিবার জন্ত হাসপাতাল প্রতিষ্ঠা, শ্রমিককে শোষণমুক্ত করিবার জন্ত বিভিন্ন শ্রমিক আইন প্রণয়ন, বিমানপথ, ডাক, রেলপথ প্রতিষ্ঠা করিয়া যাতায়াতের উন্নতিবিধান, জাতীয় মুদ্রা, ঋণ-ব্যবস্থার

মাধ্যমে অর্থনৈতিক ব্যবস্থার উন্নতি, আদমশুমারী ও পরিকল্পনার মাধ্যমে জনসংখ্যা নিয়ন্ত্রণ-ব্যবস্থা প্রতিষ্ঠা এবং অর্থনৈতিক পরিকল্পনার মাধ্যমে সমগ্র দেশের নানাবিধ উন্নতিবিধান প্রভৃতি বহুবিধ কার্য করিয়া থাকে। বর্তমান রাষ্ট্রের কর্মপরিধি বিস্তৃত। মধ্যযুগের পুলিশ রাষ্ট্র আজ সমাজতান্ত্রিক ধাঁচের রাষ্ট্রে পরিণত হইতে চলিয়াছে।

সারসংক্ষেপ

রাষ্ট্রের উদ্দেশ্য ও প্রকৃতি লইয়া মতপার্থক্য থাকার ফলে রাষ্ট্রের কর্মক্ষেত্রের পরিধি লইয়াও মতবিরোধ আছে। একদল লেখক রাষ্ট্রের কর্মক্ষেত্রের পরিধিকে সংকুচিত করিয়া চান। আর একদল লেখক রাষ্ট্রের কর্মক্ষেত্রের পরিধিকে বাড়াইতে চান।

প্রাচীন গ্রীসে রাষ্ট্র ও সমাজকে অভিন্ন বলিয়া মনে করা হইত, ফলে রাষ্ট্রের কর্মক্ষেত্রের পরিধি ছিল সীমাহীন। প্রাচীন রোমে রাষ্ট্রের কর্মক্ষেত্রের পরিধি কিছুটা সংকুচিত হয়। তারপর অভিভাবক রাষ্ট্রের বিরুদ্ধে প্রতিবাদের ফলে ব্যক্তি-স্বাভাব্যবাদ জন্মগ্রহণ করে।

রাষ্ট্রের কার্যাবলী সম্বন্ধে প্রধানতঃ চারিটি মতবাদ আছে যথা, (১) নৈরাজ্যবাদ, (২) ব্যক্তি-স্বাভাব্যবাদ, (৩) ভাববাদ ও (৪) সমষ্টিবাদ। ইহা ছাড়া, সমাজকল্যাণ মতবাদও রাষ্ট্রের কর্মক্ষেত্রের পরিধি সম্বন্ধে আলোচনা করে।

রাষ্ট্রের কার্যাবলীকে দুই শ্রেণীতে বিভক্ত করা হয়—(১) অপরিহার্য কার্যাবলী, (২) ইচ্ছাধীন কার্যাবলী। রাষ্ট্রের অস্তিত্বকে বজায় রাখার জন্ত যে সকল কাৰ্য রাষ্ট্র করিয়া থাকে তাহাকে বলা হয় রাষ্ট্রের অপরিহার্য কার্যাবলী। আর ইচ্ছাধীন কার্য আবার দুইভাগে বিভক্ত; যেমন, সমাজতান্ত্রিক ও অ-সমাজতান্ত্রিক কার্যাবলী।

(১) নৈরাজ্যবাদ : এই মতবাদ অনুসারে রাষ্ট্রের বিলুপ্তি সাধন করিয়া কতকগুলি স্বৈচ্ছা প্রতিষ্ঠান গঠন করিয়া তাহাদের মাধ্যমে সকল সমস্যার সমাধান করিতে হইবে।

(২) ব্যক্তি-স্বাভাব্যবাদ : এই মতবাদ অনুসারে ব্যক্তিরই শুধু অস্তিত্ব আছে। রাষ্ট্রের কোন অস্তিত্ব নাই। ব্যক্তিবর্গ লইয়াই রাষ্ট্র গঠিত হয়। এই মতবাদ অনুসারে রাষ্ট্র মাত্র দুইটি কার্য করিবে; যথা, (১) দেশের অভ্যন্তরে ব্যক্তির নিরাপত্তা ও সম্পত্তি রক্ষা করিবে, (২) বহিরাঙ্গ্রহণ হইতে দেশরক্ষা করিবে। এইরূপ রাষ্ট্রকে পুলিশী রাষ্ট্র বলা হয়। ব্যক্তিগত স্বাধীনতা রক্ষা করাই এই মতবাদের উদ্দেশ্য।

(৩) ভাববাদ : এই মতবাদ অনুসারে রাষ্ট্রের মধ্যে ব্যক্তি বিলীন হইয়া যায় এবং ব্যক্তির স্বাধীনতা রাষ্ট্রের মধ্য দিয়াই মৃত হইয়া উঠে। অতএব রাষ্ট্রের কার্যাবলী সর্বগ্রাসী। ব্যক্তির স্বাধীনতাকে রাষ্ট্রের যুগপাঠে বলি দিতে চায় এই মতবাদ।

(৪) সমষ্টিবাদ : এই মতবাদ ব্যক্তি-জীবনকে সমষ্টিগত নিয়ন্ত্রণের মধ্যে আনিতে চায়। এই মতবাদের অন্তর্গত হয় সমাজতন্ত্রবাদ। সমাজতন্ত্রবাদ আবার বিভিন্ন শ্রেণীতে বিভক্ত; যথা, (১) রাষ্ট্রীয় সমাজতন্ত্রবাদ, (২) সংবমূলক সমাজতন্ত্রবাদ, (৩) বৈজ্ঞানিক সমাজতন্ত্রবাদ, (৪) খ্রীষ্টীয় সমাজতন্ত্রবাদ, (৫) কাল্পনিক সমাজতন্ত্রবাদ, (৬) গণতান্ত্রিক সমাজতন্ত্রবাদ, (৭) রাষ্ট্রহীন সংবমূলক সমাজতন্ত্রবাদ, (৮) সমিতিভিত্তিক সমাজতন্ত্রবাদ।

প্রশ্নাবলী

1. What, in your opinion, should be the proper sphere of the State functions ? Give reasons for your answer.

(C. U 1951, '55, '61)

2. Discuss various theories of the end and purpose of the State.

(C. U. 1952)

3. Examine the functions of Government, carefully distinguish between those which are essential and those which are optional.

(B. U. 1961)

4. Distinguish between territorial representation and functional representation. Which of them would you recommend, and why ?

(C. U. 1960)

5. Write notes on : (a) Anarchism ; (b) Guild Socialism ; (c) Syndicalism.

অতিরিক্ত পাঠ্য

Gettäll—Political Science.

Garner—Political Science and Government.

চতুর্দশ অধ্যায়

শাসনতন্ত্র

(Constitution)

প্রত্যেক সংগঠনেরই একটা নির্দিষ্ট উদ্দেশ্য থাকে। এই উদ্দেশ্যই সংগঠনের সদস্যদের আচরণকে বিভিন্ন নিয়মকানূনের মাধ্যমে নিয়ন্ত্রণ করা হয়। রাষ্ট্রও একটি সংগঠন। সংগঠন হিসাবে রাষ্ট্রেরও একটি নির্দিষ্ট উদ্দেশ্য আছে এবং এই উদ্দেশ্যানুযায়ী রাষ্ট্র-সংস্থার সদস্য হিসাবে মানুষের আচরণকে কতকগুলি নিয়মকানূনের মাধ্যমে রাষ্ট্র নিয়ন্ত্রণ করে। এই নিয়মকানূনের অন্তর্ভুক্ত হয় রাষ্ট্রের গঠনপ্রণালী ও প্রকৃতি, নাগরিকের অধিকার ও কর্তব্য, শাসক-শাসিতের সম্পর্ক, বিভিন্ন সরকারী বিভাগগুলির মধ্যে ক্ষমতা বন্টনের প্রণালী প্রভৃতি। এই নিয়মকানূনগুলিকেই বলে শাসনতন্ত্র।

কিন্তু উপরিউক্ত যে-একটি অর্থে শাসনতন্ত্রের সংজ্ঞা নিরূপিত করা হইয়াছে, সেই একটিমাত্র অর্থেই সকল রাষ্ট্রবিজ্ঞানী শাসনতন্ত্রকে ব্যবহার করেন না। রাষ্ট্রবিজ্ঞানিগণ সাধারণতঃ শাসনতন্ত্রকে দুইটি অর্থে ব্যবহার করেন; যথা, (১) প্রথম অর্থ অনুসারে শাসনতন্ত্র হইল কতকগুলি লিখিত বা অলিখিত নিয়মকানূন যাহা রাষ্ট্রের শাসন-ব্যবস্থাকে নিয়ন্ত্রণ করার জন্য ব্যবহৃত হয়, আর (২) দ্বিতীয় অর্থ অনুসারে শাসনতন্ত্র হইল কতকগুলি লিপিবদ্ধ মৌলিক আইন বাহার দ্বারা রাষ্ট্রের গঠন, রাষ্ট্রের বিভিন্ন বিভাগের সংগঠন ও ক্ষমতা এবং রাষ্ট্রের সহিত নাগরিকের সম্পর্ক প্রভৃতি মৌলিক নীতিগুলি নির্ধারিত হয়।

এই দুইটি অর্থকে বিশ্লেষণ করিলে দেখা যায় যে, প্রথমোক্ত অর্থে শুধু লিখিত বা অলিখিত নিয়মকানূনই অন্তর্ভুক্ত হয় না, আদালতগ্রাহ্য আইন এবং প্রচলিত রীতিনীতিগুলিও শাসনতন্ত্রের অন্তর্ভুক্ত হয়। প্রচলিত রীতিনীতিগুলি যদিও আদালত কর্তৃক স্বীকৃত হয় না, কিন্তু এইগুলিকে শাসনতন্ত্রের অঙ্গীভূত এই কারণেই করা হয় যে, এইগুলি শাসন-ব্যবস্থাকে অনেক সময় নিয়ন্ত্রিত করে।

দ্বিতীয়োক্ত অর্থে শাসনতন্ত্রের যে সংজ্ঞা দেওয়া হইয়াছে তাহার সহিত

অনেক রাষ্ট্রবিজ্ঞানী একমত হইতে পারেন নাই। কারণ, কোন কোন রাষ্ট্র-বিজ্ঞানী চান বিধিবদ্ধ মৌলিক আইনটিকে অধিকতর মর্যাদাসম্পন্ন করিতে। এই কারণে টকভিলের ন্যায় অনেক রাষ্ট্রবিজ্ঞানী শাসনতন্ত্রের সহজসাধ্য পরিবর্তনের পক্ষপাতী নহেন। তাঁহারা ব্রিটেনে কোন শাসনতন্ত্র আছে বলিয়া স্বীকার করেন না। কারণ, ব্রিটেনের শাসনতন্ত্র অলিখিত ও ইহার পরিবর্তন সহজসাধ্য।

পরিশেষে শাসনতন্ত্র সম্বন্ধে সাম্প্রতিক ধারণাকে ডাঃ ফাইনারের (Dr. Finer) ভাষায় এইভাবে প্রকাশ করিতে পারা যায়, “মৌলিক রাষ্ট্রনৈতিক প্রতিষ্ঠানসমূহের পারস্পরিক সম্বন্ধযুক্ত সংবদ্ধ রূপই হইল শাসনতন্ত্র” (“The system of fundamental political institutions is the constitution.”)।

শাসনতন্ত্রের ইতিহাস (History of the Constitution) :
প্রাচীনকালেও রাষ্ট্রের সাংগঠনিক কতকগুলি নিয়মকানুন ছিল যাহাকে বর্তমানে শাসনতন্ত্র বলিয়া অভিহিত করা হয়। গ্রীক দার্শনিক অ্যারিস্টটল তাঁহার রাষ্ট্রনীতি গ্রন্থে অনেকগুলি শাসনতন্ত্রের সমালোচনা করিয়া একটি আদর্শ শাসনতন্ত্রের উল্লেখ করেন। তিনি একটি রাষ্ট্রে বিভিন্ন কার্য-সম্পাদনী অফিসের সংগঠনকে শাসনতন্ত্র বলিয়া অভিহিত করিয়াছেন এবং এই শাসনতন্ত্রই সম্প্রদায়ের লক্ষ্য ও শাসকবর্গের নির্ধারণ করে (“A constitution is the organisation of offices in a State and determines what is to be the governing body and what is the end of each Community.”)। রোমকরাও সাধারণ ও শাসনতান্ত্রিক আইন প্রণয়ন ক্ষমতার মধ্যে একটা পার্থক্যের নির্দেশ প্রদান করেন। মধ্যযুগেও নগর এবং কর্পোরেশনের অধিকার, শাসক ও শাসিতের সম্পর্ক ও রাজত্ববর্গ হইতে প্রাপ্ত অধিকার লিপিবদ্ধ করিবার চিহ্ন লক্ষ্য করা যায়। ষোড়শ শতাব্দীতে মৌলিক আইন ও সাধারণ আইনের মধ্যে মৌলিক আইনের প্রাধান্য স্বীকৃত হয়। এই যুগেও শাসনতন্ত্রের উল্লেখ দেখিতে পাওয়া যায়। সপ্তদশ শতাব্দীতে স্টুয়ার্ট রাজাদের সহিত পার্লামেন্টের বিবাদে মধ্যে শাসনতন্ত্রের ধারণা পরিস্ফুট হয়। মে ফ্রাওয়ার চুক্তি, (১৬২০), কনেকটিকাটের মৌলিক আদেশ (১৬৩৯), আমেরিকার সনদ, ক্রমওয়েলের মাহুষের চুক্তি (Argument of the people—১৬৪৭),

সামাজিক চুক্তিবাদীদের ধারণা, ভেটালের “ল’ অব নেশনস” (Law of Nations—1773), ব্লাকস্টোনের Commentaries on the Law of England (1765-1769), আমেরিকা ও ফরাসী বিপ্লবের ঘোষণাবলী প্রভৃতি ১৮০০ হইতে ১৮৮০ খৃষ্টাব্দের মধ্যে ইউরোপে প্রায় তিন শতাব্দিক শাসনতন্ত্র সংবদ্ধ হইতে দেখা গিয়াছে।

শাসনতন্ত্রের শ্রেণীবিভাগ (Classification of Constitution) : সাধারণতঃ শাসনতন্ত্রকে দুইভাগে বিভক্ত করা যায়; যথা,—(ক) লিখিত ও অলিখিত, (খ) সুপরিবর্তনীয় ও দুস্পরিবর্তনীয়।

(ক) লিখিত ও অলিখিত শাসনতন্ত্র (Written and Unwritten Constitution) : শাসনতন্ত্রকে লিখিত বলিয়া বর্ণনা করা হয় তখনই যখন শাসন-ব্যবস্থা সম্পর্কিত মৌলিক নীতিগুলিকে এক বা একাধিক দলিলে লিপিবদ্ধ করা হয় (“A Written Constitution is one in which most of the fundamental principles of Governmental organisation are contained in a formal written instrument or instruments deliberately created.”—R. G. Gettell)।

লিখিত শাসনতন্ত্রের উদাহরণ হইল মার্কিন যুক্তরাষ্ট্রের শাসনতন্ত্র, ভারতবর্ষের শাসনতন্ত্র ইত্যাদি, আর অলিখিত শাসনতন্ত্রের উদাহরণ হইল ব্রিটিশ শাসনতন্ত্র। ব্রিটিশ শাসনতন্ত্রকে ‘অলিখিত শাসনতন্ত্র’ বলা হয় কারণ ব্রিটেনে কোন আইনপ্রণেতৃমণ্ডলী কখনও একটিমাত্র বিধিবদ্ধ ঘোষণার দ্বারা ব্রিটেনের শাসন-ব্যবস্থার রূপটি প্রকাশ করিতে চেষ্টা করেন নাই। এই কারণে টকভিল প্রমুখ রাষ্ট্রবিজ্ঞানী বলিয়াছেন যে, ব্রিটেনে কোন শাসনতন্ত্র নাই। কিন্তু টকভিলের এই উক্তি যথার্থ নহে, কারণ ব্রিটিশ শাসনতন্ত্র যদিও একটি ঘোষণার মধ্যে প্রকাশিত হয় নাই তথাপি, (১) বিভিন্ন সময়ে ঘোষিত নানা আইনের মধ্যে, (২) বিভিন্ন রীতিনীতি, প্রথা ও আচার-ব্যবহারের মধ্যে এবং (৩) বহু বিচারপতির বিচার-মীমাংসার মধ্যে সমগ্র ব্রিটিশ শাসনতন্ত্রটি প্রকাশিত হইয়া পড়িয়াছে। আবার যে সকল রাষ্ট্রে

লিখিত ও অলিখিত
শাসনতন্ত্রের বৈশিষ্ট্য

লিখিত শাসনতন্ত্র আছে সেই সকল রাষ্ট্রেও এমন অনেক অলিখিত প্রথার সৃষ্টি হইয়াছে যেগুলি প্রায় লিখিত আইনের মর্যাদা পায়। উদাহরণস্বরূপ মার্কিন যুক্তরাষ্ট্রের কথা ধরা যাইতে পারে। মার্কিন যুক্তরাষ্ট্রের লিখিত শাসনতন্ত্রে রাষ্ট্রপতির

নির্বাচন, দল, প্রথা প্রভৃতি শাসনতন্ত্রে লিখিত হয় নাই। কিন্তু, এইগুলি শাসনতান্ত্রিক প্রথা হিসাবে যথেষ্ট গুরুত্ব লাভ করিয়াছে।

অলিখিত শাসনতন্ত্রের বৈশিষ্ট্য হইল : (১) অলিখিত শাসনতন্ত্রের বিষয়বস্তুগুলি এমন হইতে হইবে যাহা লিখিত শাসনতন্ত্রে স্থান পাইতে পারিত কিন্তু, স্থান পায় নাই ; (২) অতীত দেশে এই বিষয়গুলি যে শাসনতন্ত্রে স্থান পাইয়াছে তাহার নজির ; (৩) আর ইহাকে শাসনতন্ত্র বলিয়া কোন আইনপ্রণেতৃমণ্ডলী কোনদিন ঘোষণা করে নাই। এই বৈশিষ্ট্যগুলি থাকিলেই শাসনতন্ত্রকে অলিখিত বলা হয়।

লিখিত শাসনতন্ত্রের বৈশিষ্ট্য হইল : (১) বিষয়বস্তুগুলি লিখিত থাকিবে, (২) আইনপ্রণেতৃমণ্ডলী তাহাকে শাসনতান্ত্রিক আইন বলিয়া কোন এক সময়ে ঘোষণা করিবে এবং প্রবর্তন করিবে।

কিন্তু লিখিত ও অলিখিত শাসনতন্ত্রের মধ্যে এই বৈশিষ্ট্যগুলির সাহায্যে কোন অস্পষ্ট সীমারেখা টানা যায় না। এই প্রসঙ্গে লর্ড ব্রাইসের উক্তি বিশেষ প্রণিধানযোগ্য। তিনি বলেন যে, লিখিত শাসনতন্ত্র ব্যাখ্যা রীতি-নীতি দ্বারা বিশেষভাবে সম্প্রসারিত হইয়া থাকে, ফলে কিছুদিন পরে লিখিত নিয়মকানুন হইতে উহা স্বরূপ পূর্ণভাবে উপলব্ধি করা যায় না (“Written constitutions are developed by interpretations, fringed with decisions and enlarged by customs so that after a time the letter of the text does not convey the full effect”)। লিখিত ও অলিখিত শাসনতন্ত্রের মধ্যে পার্থক্যের সীমারেখা যখন অস্পষ্ট এবং লিখিত ও অলিখিত শাসনতন্ত্রের গুরুত্বের মধ্যেও পার্থক্য অতি অস্পষ্ট তখন লিখিত শাসনতন্ত্রের প্রয়োজন কি ? এই প্রশ্নের উত্তরে বলা যায়, লিখিত শাসনতন্ত্রের প্রয়োজন হয় দুইটি কারণে ; যথা— (১) পুরাতন রাষ্ট্রব্যবস্থা ভাঙ্গিয়া পড়িলে যখন শাসনক্ষমতা হস্তান্তরিত হয় তখন ক্ষমতা সম্পর্কে নূতন অবস্থা ঘোষণা করিবার জন্ত লিখিত শাসনতন্ত্রের প্রয়োজন হয়। উদাহরণস্বরূপ বলা যায়, ভারতবর্ষ স্বাধীন হইবার পর ইংরেজ শাসিত ভারতবর্ষ হইতে স্বাধীন ভারতবর্ষে ক্ষমতা হস্তান্তরিত হইবার ঘোষণা প্রদানের প্রয়োজনীয়তা ছিল। শাসনতন্ত্রের মধ্য দিয়া লিখিতভাবে এই ঘোষণা প্রদান করা হয়।

(২) আর একটি কারণ হইল পুরাতন সামাজিক ও রাষ্ট্রনৈতিক

অক্ষমতাকে ও সংঘর্ষকে এড়াইবার জন্ত, নূতন ভারসাম্যকে নির্দিষ্ট করিবার জন্ত এবং রাষ্ট্রাঙ্গগত বিভিন্ন ব্যক্তির অধিকারকে সুনির্দিষ্ট করিবার জন্ত লিখিত শাসনতন্ত্রের প্রয়োজন হয়।

লিখিত ও অলিখিত শাসনতন্ত্রের গুণাগুণ বিচার : (১) লিখিত শাসনতন্ত্রকে বলা হয় স্থায়ী ও নির্দিষ্ট আর অলিখিত শাসনতন্ত্র অস্থায়ী ও অনির্দিষ্ট। অবশ্য লিখিত হইলেই যে শাসনতন্ত্র স্থায়ী হইবে এমন কথা বলা যায় না, কারণ মার্কিন যুক্তরাষ্ট্র ও ফ্রান্সের শাসনতন্ত্রের ইতিহাস হইতে ইহাই প্রমাণিত হয় যে, এই দুইটি শাসনতন্ত্র বহুবার পুনর্লিখিত সংশোধিত হইয়াছে। আবার শাসনতন্ত্র অলিখিত হইলেও যে তাহা স্থায়ী ও নির্দিষ্ট হইবে না এমন কথাও বলা যায় না। ব্রিটেনের শাসনতন্ত্র অলিখিত বটে, কিন্তু ব্রিটেনের শাসনতন্ত্র ক্রমবিবর্তনের ফল, দীর্ঘকালব্যাপী সংঘর্ষ ও আপোস মীমাংসার মধ্য দিয়া ব্রিটেনের শাসনতন্ত্র তাহার রূপ পরিগ্রহ করিয়াছে। আবার দীর্ঘকালব্যাপী যে সুপরিচিত ও সুনির্দিষ্ট শাসন-ব্যবস্থা চলিয়া আসিয়াছে তাহার প্রতি ইংলণ্ডের জনসাধারণ স্বাভাবতই শ্রদ্ধা প্রদর্শন করিয়াছে। অতএব ব্রিটেনের অলিখিত শাসনতন্ত্রকেও স্থায়ী ও নির্দিষ্ট বলা যাইতে পারে। ব্রিটেনের প্রথাগত রীতিনীতি সমাজদেহের মধ্যে বদ্ধমূল হইয়া আছে। অতএব ব্রিটেনের এই প্রথাগত আইনগুলিকে অস্থায়ী বলা যায় না।

(২) আবার লিখিত শাসনতন্ত্রকে যে নির্দিষ্ট বলিয়া অভিহিত করা হয় তাহাও যথার্থ নয়, কারণ শাসনতন্ত্র যে ভাষায় লিখিত হয় তাহার একাধিক ব্যাখ্যার ফলে লিখিত শাসনতন্ত্র আর নির্দিষ্ট থাকে না। উদাহরণস্বরূপ বলা যায়, মার্কিন যুক্তরাষ্ট্রের লিখিত শাসনতন্ত্রকে, বিচারপতিগণ কখনও কখনও এমনভাবে ব্যাখ্যা করেন যে, শাসনতন্ত্রের প্রকৃত অর্থ আর নির্দিষ্ট থাকে না, বরং ব্রিটেনের সমাজদেহে বদ্ধমূল যে প্রথাগত আইনগুলি আছে তাহাদিগকেই নির্দিষ্ট বলা চলে।

(খ) সুপরিবর্তনীয় এবং দুস্পরিবর্তনীয় শাসনতন্ত্র (Flexible and Rigid Constitution) : লিখিত ও অলিখিত শাসনতন্ত্রের বহুবিধ দোষত্রুটি থাকার জন্ত লর্ড ব্রাইস শাসনতন্ত্রকে সুপরিবর্তনীয় এবং দুস্পরিবর্তনীয় এই দুইভাগে বিভক্ত করিয়াছেন। সুপরিবর্তনীয় শাসনতন্ত্র হইল এমন শাসনতন্ত্র যাহাকে অতি সহজ পদ্ধতিতে পরিবর্তন করা যায়। আর দুস্পরিবর্তনীয় শাসন-

তত্ত্ব হইল এমন শাসনতন্ত্র বাহাকে সহজ কোন পদ্ধতিতে পরিবর্তন করা যায় না। সুপরিবর্তনীয় আইনের ক্ষেত্রে সংশোধনের ব্যাপারে শাসনতান্ত্রিক আইন ও সাধারণ আইনের মধ্যে কোন পার্থক্য পরিলক্ষিত হয় না। কিন্তু দুপরিবর্তনীয় আইনের পরিবর্তন কোন সাধারণ আইন প্রণয়নের পদ্ধতিতে হয় না। ইহার পরিবর্তনের জ্ঞ প্রয়োজন হয় এক বিশেষ পদ্ধতি। এই শাসনতন্ত্রের ক্ষেত্রে সংশোধনের ব্যাপারে শাসনতান্ত্রিক আইন ও সাধারণ আইনের মধ্যে পার্থক্য পরিলক্ষিত হয়।

সুপরিবর্তনীয় শাসনতন্ত্রের উদাহরণ হইল ব্রিটিশ শাসনতন্ত্র, আর মার্কিন যুক্তরাষ্ট্র ও ভারতবর্ষের শাসনতন্ত্র হইল দুপরিবর্তনীয় শাসনতন্ত্র। মার্কিন যুক্তরাষ্ট্রের শাসনতন্ত্রের সংশোধন প্রণালী লক্ষ্য করিলেই দেখা যাইবে যে, উহার শাসনতন্ত্রের সংশোধন প্রণালী কতটা দুপরিবর্তনীয়। নিম্নে মার্কিন যুক্তরাষ্ট্র ও ভারতবর্ষের শাসনতন্ত্রের সংশোধন পদ্ধতি লিপিবদ্ধ করা হইল :

(ক) মার্কিন যুক্তরাষ্ট্রের সংশোধন পদ্ধতি : মার্কিন যুক্তরাষ্ট্রের কংগ্রেসের অর্থাৎ যুক্তরাষ্ট্রীয় আইনসভার উভয় কক্ষের সংশোধনী প্রস্তাবটিকে ৩ অংশ সদস্যের ভোটাধিক্যে পাস করিতে হইবে ; অথবা বিভিন্ন রাজ্যগুলির ৩ অংশের প্রস্তাবে শাসনতন্ত্র সংশোধনী একটি সম্মেলন আহুত হইবে এবং উক্ত সম্মেলনে আইনসম্মতভাবে সংশোধনী প্রস্তাবটি পাস করিতে হইবে এবং বিভিন্ন রাজ্যগুলির ৩ অংশকে (অর্থাৎ বর্তমানের ৫০টি রাজ্যের আইনসভার মধ্যে ২৮টি আইনসভাকে) সংশোধনী প্রস্তাবটি গ্রহণ করিতে হইবে ; অথবা ৩ অংশ রাজ্যে অনুষ্ঠিত সংশোধনী সম্মেলন হইতে সংশোধনী প্রস্তাবটিকে গ্রহণ করিতে হইবে। এইভাবে দুইপ্রকারে শাসনতন্ত্রটি সংশোধিত হইবে।

ভারতীয় ইউনিয়নের শাসনতন্ত্রের সংশোধন প্রণালী : ভারতীয় ইউনিয়নের শাসনতন্ত্রের সংশোধন প্রণালীকে সাধারণতঃ তিন শ্রেণীতে বিভক্ত করা যায়, (১) এমন কতকগুলি বিষয় আছে যাহাদিগকে কেন্দ্রীয় আইনসভার সাধারণ সভার সংখ্যাগরিষ্ঠতার ভিত্তিতেই সংশোধন করা যায় ; (২) আবার কতকগুলি বিষয় সংশোধন করিতে উভয় কক্ষের উপস্থিত ও ভোটদানকারী সদস্যের দুই-তৃতীয়াংশ সংখ্যাধিক্যের প্রয়োজন হয় ; আর (৩) কতকগুলি নির্দিষ্ট বিষয় সংশোধনের জ্ঞ উভয় কক্ষের

উপস্থিত ও ভোটদানকারী সদস্যের দুই-তৃতীয়াংশ সংখ্যাধিক্যের প্রয়োজনের সহিত কমপক্ষে অর্ধেক অঙ্গরাজ্যের আইনসভার সম্মতি গ্রহণ করিতে হয়। ভারতীয় ইউনিয়নের শাসনতন্ত্রকে এই সংশোধন পদ্ধতির ভিত্তিতে সম্পূর্ণভাবে দুপরিবর্তনীয় বলা চলে না; কারণ এখানে কোন কোন বিষয় অতি সহজেই সংশোধিত হইতে পারে। ফলে ইহাকে অপরিবর্তনীয় এবং দুপরিবর্তনীয় উভয় প্রকারের মিশ্র শাসনতন্ত্র বলা যাইতে পারে।

অপরিবর্তনীয় ও দুপরিবর্তনীয় শাসনতন্ত্রের গুণাগুণ (Merits and Demerits of Flexible and Regid Constitution) : অপরিবর্তনীয় শাসনতন্ত্র গতিশীল সমাজের সহিত ভাল রক্ষা করিয়া চলিতে পারে। এই প্রসঙ্গে লর্ড ব্রাইস বলেন যে, অপরিবর্তনীয় শাসনতন্ত্র সময়োপযোগী ও প্রয়োজনানুসারে এবং সংকটকালে শাসনতন্ত্রের মৌলিক কাঠামোকে অক্ষুণ্ণ রাখিয়াই বাড়ানো বা কমানো যায় ("They can be stretched or bent so as to meet emergencies without breaking their framework". — Bryce)।

আবার এই ধরনের শাসনতন্ত্রের বিপক্ষে এই যুক্তি দাঁড় করানো হয় যে, অপরিবর্তনীয় শাসনতন্ত্র স্থিতিশীল ও নির্দিষ্ট নয় এবং ইহার পরিবর্তন অতি সহজসাধ্য বলিয়া সাময়িক উত্তেজনার বশবর্তী হইয়া এবং রাষ্ট্রনেতাগণের খেয়ালখুশীমতো কারণে-অকারণে যদৃচ্ছা ইহা পরিবর্তিত হইতে পারে।

এই সহজসাধ্য পরিবর্তনের ফলে শাসনতন্ত্র দুর্বল হইয়া পড়ে। ফলে শাসনতন্ত্রের উপর জনসাধারণের শ্রদ্ধা অনেক পরিমাণে হ্রাস পায়। আবার মৌলিক আইন হিসাবে সাধারণ আইন হইতে এইরূপ শাসনতন্ত্রের পৃথক কোন মর্যাদা না থাকায় এবং জনগণের মৌলিক অধিকার রক্ষা পার্লামেন্টের খামখেয়ালীর উপর নির্ভরশীল বলিয়া অপরিবর্তনীয় শাসনতন্ত্র দুর্ভাগ্যের উপর প্রতিষ্ঠিত নয়।

দুপরিবর্তনীয় শাসনতন্ত্রে অপরিবর্তনীয় শাসনতন্ত্রের দোষত্রুটি লক্ষ্য করা যায় না। ইহা নির্দিষ্ট, স্থিতিশীল ও অস্থগু। পার্লামেন্টের খেয়ালখুশীমতো কারণে-অকারণে ইহার পরিবর্তন হয় না। এই কারণে ইহা সংখ্যালঘুদের স্বার্থ সংরক্ষণে বিশেষভাবে সহায়তা করে। কিন্তু এই ধরনের শাসনতন্ত্রও দোষযুক্ত নয়। ক্রম পরিবর্তনশীল সামাজিক অবস্থার সহিত ইহা ভাল রক্ষা

করিয়া চলিতে অসমর্থ। সমাজ-বিপ্লবের একটি কারণ ব্যাখ্যা করিয়া মেকলে (Macaulay) বলিয়াছিলেন যে, বিপ্লবের একটি মন্তবড় কারণ হইল জাতি যখন অগ্রসর হয় সংবিধান তখন স্থিতিশীল থাকে ("The great cause of revolutions lies in this that while nations move onward, constitution stands still")।

উপরিউক্ত দোষত্রুটিগুলি দূরীভূত করিবার জন্ত অধ্যাপক ল্যাস্কি একটি প্রস্তাব উত্থাপন করিয়া বলেন যে, ব্রিটিশ শাসনতন্ত্রের মতো অতিশয় সুপরিবর্তনশীল শাসনতন্ত্রও যেমন কাম্য নয়, তেমনি মার্কিন যুক্তরাষ্ট্রের মতো দুস্পরিবর্তনশীল শাসনতন্ত্রও অবাঞ্ছনীয়। শাসনতন্ত্র আইনসভার ঠিক অংশ সদস্যের অহুমোদন-সাপেক্ষ হওয়া উচিত।

উপসংহারে বলা যায়, সুপরিবর্তনীয় ও দুস্পরিবর্তনীয় শাসনতন্ত্রের সংশোধনের নিয়মকানুনের সরলতা ও কঠিনতার পরিমাণের উপরই নির্ভর করে এই দুই প্রকারের শাসনতন্ত্রের গুণাগুণ। আবার সর্বোপরি শাসনতন্ত্রের পরিবর্তন কষ্টসাধ্য কি সহজসাধ্য, তাহা আইনগত সংশোধন পদ্ধতির উপরই নির্ভরশীল নয়; ইহা নির্ভর করে প্রভাবশালী শ্রেণীর উপর। কারণ আইন হইল শ্রেণীস্বার্থের রাষ্ট্রিক প্রকাশ। প্রভাবশালী শ্রেণী তাহার স্বার্থের জন্তই আইনকে প্রয়োজনবোধে পরিবর্তন করিয়া লয়; পুরাতন আইনকে ধ্বংস করিয়া নূতন আইন প্রণয়ন করে।

সুশাসনতন্ত্রের উপাদান (Requisites of a good Constiution) :
সুশাসনতন্ত্রের বৈশিষ্ট্য হইল ইহাকে (১) লিখিত নির্দিষ্ট ও অস্পষ্ট হইতে হইবে। এই কারণে শাসনতন্ত্রের ভাবারও স্পষ্টতা প্রয়োজন। শাসনতন্ত্রের ভাবা যদি অস্পষ্ট হয় তবে শাসনতন্ত্রের ব্যাখ্যাকালে মতবিরোধের সৃষ্টি হইতে পারে। আবার শাসনতন্ত্র লিখিত হইলে লিখিত শাসনতন্ত্রের অন্তর্ভুক্ত বিষয়গুলি সম্বন্ধে কোন প্রকার দ্বিমতের অবকাশ থাকে না। এই দিক হইতে বিচার করিলে লিখিত শাসনতন্ত্র অলিখিত শাসনতন্ত্র অপেক্ষা স্পষ্ট ও শ্রেয়।

(২) শাসনতন্ত্রকে একদিকে যেমন ব্যাপক (Comprehensive) হইতে হইবে আবার ইহাকে সংক্ষিপ্তও হইতে হইবে। হোয়ারে বলেন : "জাদর্শ শাসনতন্ত্রের একটি অপরিহার্য গুণাবলী হইল ইহার সংক্ষিপ্ততা ("One essential characteristic of the ideally best form of constitution is that it should be as short as possible.")। বলা

হয় যে, যদি সকল খুঁটিনাটি বিষয়গুলি শাসনতন্ত্রে লিপিবদ্ধ করা হয় তবে শাসনতন্ত্র বৃহদায়তন-বিশিষ্ট হইবে। বৃহদায়তন পুস্তকাকারের শাসনতন্ত্র স্বভাবতঃই জটিল হইয়া পড়ে। জটিলতা দূরীকরণের জন্ত শাসনতন্ত্র সংক্ষিপ্ত হওয়া প্রয়োজন। অবশ্য, রাষ্ট্রের কাঠামোর উপর নির্ভর করে শাসনতন্ত্রের আয়তন। এককেন্দ্রিক শাসন-ব্যবস্থায় যে ধরনের শাসনতন্ত্র হইবে যুক্তরাষ্ট্রীয় শাসন-ব্যবস্থায় সেই ধরনের শাসনতন্ত্র হইবে না। যুক্তরাষ্ট্রীয় শাসন-ব্যবস্থায় কেন্দ্রীয় ও অঙ্গরাজ্যগুলির মধ্যে ক্ষমতা-বণ্টন প্রভৃতি শাসনতন্ত্রে লিপিবদ্ধ হওয়ায় শাসনতন্ত্রের আয়তন দীর্ঘ হইয়া পড়ে।

পরিশেষে আর একটি বিষয়ের উল্লেখ করা বিশেষ প্রয়োজন। এই বিষয়টি হইল শাসনতন্ত্রে মৌলিক অধিকারগুলির অন্তর্ভুক্তি বিষয়ক। ল্যাক্সার মতে শাসনতন্ত্রে মৌলিক অধিকারগুলি অন্তর্ভুক্তি হইলে শাসকবর্গ যদি এই অধিকারগুলিকে ভঙ্গ করে তবে জনসাধারণ আদালতের মাধ্যমে অধিকার-গুলিকে অক্ষুণ্ণ রাখিতে পারিবে এবং জনগণ তাহাদের কি কি অধিকার স্বীকৃত হইয়াছে তাহাও জানিতে পারিবে। আবার হোয়ারে প্রমুখ লেখকগণ অধিকারকে শাসনতন্ত্রের অন্তর্ভুক্ত করিতে চান না। তিনি বলেন যে, আদর্শ শাসনতন্ত্র যদিও অধিকারের সংজ্ঞা নির্দিষ্ট করিবে এবং তাহা সংরক্ষণ করিবার জন্ত অঙ্গীকার করিবে কিন্তু আদর্শ শাসনতন্ত্র অতি অল্পসংখ্যক অধিকারই লিপিবদ্ধ করিবে ("The ideal constitution...would contain few or no declaration of rights, though the ideal system of law would define and guarantee many rights.")। এই শ্রেণীর লেখক-গণের মতে অধিকার সংবিধানে লিপিবদ্ধ হইলে অধিকারের কোন মূল্য থাকে না, কারণ অধিকারের সঙ্গে আবার তাহার বাধা-নিষেধের উল্লেখ করা প্রয়োজন হইয়া পড়ে। অবশ্য বর্তমানে প্রায় সকল দেশেই মৌলিক অধিকার শাসনতন্ত্রে লিপিবদ্ধ হইবার প্রচলন দেখা যায়।

সারসংক্ষেপ

শাসনতন্ত্র হইল মৌলিক আইন। এই আইনের মধ্যে রাষ্ট্রের শাসন-ব্যবস্থার কাঠামো অঙ্কিত হয়। এই আইনের অন্তর্ভুক্ত হয় শাসক ও শাসিতের সম্পর্ক, সরকারী বিভিন্ন বিভাগের মধ্যে ক্ষমতা-বণ্টন ইত্যাদি।

শাসনতন্ত্র সাধারণতঃ দুইভাগে ভাগ করা হয়; যথা, (১) লিখিত ও অলিখিত, (২) সুপরিবর্তনীয় এবং দুঃপরিবর্তনীয়। লিখিত আইন কোন নির্দিষ্ট সময়ে আইনপ্রণেতৃমণ্ডলী

কর্তৃক আইন হিসাবে ঘোষিত হয়। আর অলিখিত আইন হইল এমন আইন যাহা লিখিত হইতে পারিত কিন্তু লিখিত হয় নাই এবং কোন এক সময়ে বিধিবদ্ধ আইন-প্রণেতৃগণ্ডলী ইহাকে আইন হিসাবে ঘোষণা করেন নাই।

শাসনতন্ত্রের প্রধান বৈশিষ্ট্য হইল স্থায়িত্ব, নির্দিষ্টতা ও গতিশীলতা। লিখিত আইন স্থায়ী, নির্দিষ্ট আর অলিখিত আইন স্থায়ী নয়, নির্দিষ্টও নয় তবে গতিশীল। কিন্তু লিখিত ও অলিখিত শাসনতন্ত্রের মধ্যে এইভাবে পার্থক্য করার বিরুদ্ধে অনেকে যুক্তি প্রদর্শন করেন।”

আবার দ্বিতীয় বিভাগ হইল সুপরিবর্তনীয় ও দুস্পরিবর্তনীয়। সুপরিবর্তনীয় আইন হইল এমন আইন যাহার পরিবর্তন ও সংশোধন সহজসাধ্য। আর দুস্পরিবর্তনীয় আইনের সংশোধন সহজসাধ্য নয়। মার্কিন যুক্তরাষ্ট্র ও ভারতবর্ষে আইনকে বলা হয় দুস্পরিবর্তনীয় আর এটেনের আইনকে বলা হয় সুপরিবর্তনীয়। সুপরিবর্তনীয় শাসনতন্ত্রের সমালোচনায় বলা হয় যে, ইহা অস্থায়ী ও পার্লামেন্টের পেয়ালখুশীর উপব নির্ভরশীল। আর দুস্পরিবর্তনীয় শাসনতন্ত্রকে বলা হইয়াছে স্থায়ী ও নির্দিষ্ট।

শাসনতন্ত্রের নিম্নলিখিত বৈশিষ্ট্যগুলির উপর গুরুত্ব আরোপ করা হইয়াছে : (১) ইহা লিখিত হইবে, (২) ইহা কিছুটা দুস্পরিবর্তনীয় হইবে। (৩) শাসনতন্ত্রের বক্তব্য সংক্ষিপ্ত, নির্দিষ্ট ও সুস্পষ্ট হইবে। (৪) শাসনতন্ত্রে মৌলিক অধিকার লিপিবদ্ধ হইবে।

প্রশ্নাবলী

1. Distinguish between rigid and a flexible constitution. Are the constitutions of (a), U. S. A., (b) England and (c) India rigid or flexible? Give reasons for your answer.

(C. U. 1947)

2. “Constitutions grow and are not made,” Criticise the doctrine with reference to the constitution of India.

3. “The distinction between states with written and those with unwritten constitutions is an illusory basis of division.” Comment.

অতিরিক্ত পাঠ্য

Gettell, R. G.—Political Science—Ch, XV.

পঞ্চদশ অধ্যায়

রাষ্ট্রক্ষমতার পৃথকীকরণ

(Theory of Separation of Powers)

রাষ্ট্রক্ষমতার পৃথকীকরণ নীতি (Principle of Separation of Powers) : রাষ্ট্রের প্রধান কর্তব্য হইল আইনশৃঙ্খলা বজায় রাখা ~~এবং~~ সমাজের সর্ববিধ কল্যাণ সাধন করা। রাষ্ট্রের কার্যাবলীর পরিধিও নিরাট এবং ব্যাপক। এই বিরাট কার্যাবলী সুষ্ঠুভাবে সাধন করিতে হইলে একটি সুষ্ঠু পরিকল্পনা নীতি গ্রহণ করিতে হয়। ক্ষমতার পৃথকীকরণ নীতি হইল এইরূপ একটি নীতি (principle)। অ্যারিস্টটলের সময় হইতে শুরু করিয়া আজ পর্যন্ত বহু রাষ্ট্রবিজ্ঞানী রাষ্ট্রক্ষমতার পৃথকীকরণ নীতি সম্বন্ধে বিভিন্ন ভাবে বিভিন্ন দৃষ্টিকোণ হইতে আলোচনা করিয়াছেন। সাধারণতঃ, এই

রাষ্ট্রের তিনটি

কাংখিভাগ :

(১) আইন প্রণয়ন

(২) আইন

পরিচালনা

(৩) বিচার-ব্যবস্থা

নীতি অনুসারে রাষ্ট্রকে তিন প্রকারের ক্ষমতা ব্যবহার

করিতে হয়। প্রথম ক্ষমতা হইল আইন প্রণয়নের ক্ষমতা ;

এই ক্ষমতাবলে রাষ্ট্র সুস্পষ্ট আইনের মধ্য দিয়া

জনসাধারণের অধিকার ও কর্তব্যের নির্দেশ করে।

দ্বিতীয় ক্ষমতা হইল আইনকে কার্যকর করার ক্ষমতা।

আর তৃতীয় ক্ষমতা হইল বিচারক্ষমতা। রাষ্ট্রকে এই

ক্ষমতাবলে পক্ষপাতশূন্যভাবে বিচার-ব্যবস্থার দায়িত্ব লইতে হয়। এই

তিন প্রকারের ক্ষমতার ব্যবহারের জ্ঞান আধুনিক রাষ্ট্রের তিনটি বিভাগ

আছে; যথা,—(১) আইনবিভাগ (Legislature), (২) শাসনবিভাগ

(Executive), (৩) বিচারবিভাগ (Judiciary)। এই তিন বিভাগে

পৃথক পৃথক কার্য সম্পাদন করার নীতিকেই বলে ক্ষমতা পৃথকীকরণ নীতি।

এই নীতি অনুসারে প্রত্যেকটি বিভাগকেই স্বাভাব্য প্রদান করা হয়। আবার

অন্যভাবে বলা যায়, ইহা হইল কোন বিভাগের পক্ষে নিজস্ব কর্মক্ষেত্রের

গতীকে অতিক্রম করিয়া অন্যের কর্মক্ষেত্রে হস্তক্ষেপ না করার নীতি।

ফরাসী দার্শনিক মন্টেসকিউয়ে (Montesquieu) ১৭৪৮ খ্রীষ্টাব্দে

তঁহার Spirit of Laws' নামক গ্রন্থে এই নীতিকে বৈজ্ঞানিকভাবে গঠিত

করেন। মঁতেসকিউয়ে ব্রিটিশ শাসনতন্ত্রের বিশেষ ব্যাখ্যা ও বিশ্লেষণ করিয়া এই সিদ্ধান্তে উপনীত হন যে, “যদি একই ব্যক্তি বা ব্যক্তিসমষ্টি সরকারী আইন প্রণয়ন ও আইন পরিচালন ক্ষমতার অধিকারী হন তাহা হইলে নাগরিকের জীবন ও স্বাধীনতা বিপন্ন হইবে, কারণ তাহা হইলে একই রাজা অথবা একই সেনেট স্বৈরাচারী আইন প্রণয়ন করিবে এবং

তাহাকে স্বৈরাচারিতার মধ্য দিয়াই কার্যে পরিণত মতবাদের সারকথা

করিবে। আবার স্বাধীনতা আরও বিপন্ন হইবে যদি বিচারবিভাগকে আইন প্রণয়ন ও আইন পরিচালন বিভাগ হইতে পৃথক করা হয়। যদি বিচারবিভাগ ও আইন প্রণয়ন বিভাগের ভার একজনের হস্তে অর্পিত হয় তবে বিচারকই আইন প্রণয়নকর্তা হইবে, ফলে নাগরিকের জীবন ও স্বাধীনতা বিপন্ন হইবে। অর্থাৎ, যদি বিচার ও আইন পরিচালন-ভার একহস্তে-ন্যস্ত করা হয়, তবে বিচারকের অত্যাচার করার ক্ষমতা হস্তগত হইবে।” মঁতেসকিউয়ের এই উক্তি বিশ্লেষণ করিলে দেখা যায়, (ক) রাষ্ট্রের তিনটি কার্যবিভাগ আছে; যথা, (১) আইনবিভাগ, (২) শাসনবিভাগ, (৩) বিচারবিভাগ। (খ) এই তিনটি বিভাগকে পৃথক রাখা বিশেষ প্রয়োজন। (গ) এক বিভাগীয় ক্ষমতাধিকারীকে অপর বিভাগের কার্যে হস্তক্ষেপ করিতে দেওয়া চলিবে না। (ঘ) যদি এক ব্যক্তি বা ব্যক্তিবর্গের হস্তে একাধিক বিভাগীয় ক্ষমতা থাকে তবে রাষ্ট্রে এক স্বৈরাচারী শাসন প্রবর্তিত হইবে। ফলে নাগরিক তাহার স্বাধীনতা হারাইবে।

ক্ষমতা পৃথকীকরণ নীতির সহিত আর একটি মতবাদ বিশেষভাবে জড়িত আছে। এই নীতিকে বলা হয় নিয়ন্ত্রণ ও ভারসাম্যের (Theory of checks and balances) নীতি। এই নীতির সারমর্ম হইল প্রত্যেক বিভাগ নিজের ক্ষমতা এমনভাবে ব্যবহার করিবে যাহাতে অপরপর বিভাগগুলিও নিয়ন্ত্রিত হইয়া সরকারী ক্ষমতার ভারসাম্য রক্ষা করিতে পারে। তাহা হইলে দেখা যায়, এই নীতি অমুসারে এক বিভাগ অত্র বিভাগকে নিয়ন্ত্রণ করিতে পারিবে। কিন্তু ক্ষমতা পৃথকীকরণ নীতির অর্থ এক বিভাগ অত্র বিভাগকে নিয়ন্ত্রিত করিতে পারিবে না। সুতরাং স্বল্পবিচারে এই নীতি ক্ষমতা পৃথকীকরণ নীতির বিরোধী।

আবার ক্ষমতা পৃথকীকরণ দ্বারা বোঝায় কর্মকর্তাদের স্বতন্ত্রীকরণ

(Separation of personel) অর্থাৎ এক ব্যক্তি একাধিক বিভাগের সহিত যুক্ত থাকিতে পারিবে না।

আরও বলা হয় যে, ক্ষমতা পৃথকীকরণ নীতির উদ্দেশ্য হইল রাষ্ট্রীয় ক্ষমতা পৃথকীকরণ করিয়া ব্যক্তি-স্বাধীনতাকে সংরক্ষণ করার ব্যবস্থা করা। বিশ্বাস করা হয় যে, একমাত্র রাষ্ট্রীয় ক্ষমতার পৃথকীকরণের মাধ্যমেই ব্যক্তি-স্বাধীনতা রক্ষা করা যায়। এই নীতির উদ্দেশ্য সম্বন্ধে বিশেষভাবে জ্ঞানলাভ করিতে হইলে এই নীতির ইতিহাস আলোচনার প্রয়োজনীয়তা আছে। নিম্নে এই নীতির সংক্ষিপ্ত ইতিহাস লিপিবদ্ধ করা হইল।

মতবাদের সংক্ষিপ্ত ইতিহাসঃ পূর্বেই বলা হইয়াছে যে, অ্যারিস্টটল তাঁহার রাষ্ট্রনীতিতে (Politics) এই নীতি প্রচার করেন। অবশ্য, অ্যারিস্টটল আধুনিক কালের রাষ্ট্রক্ষমতার পৃথকীকরণ নীতি প্রচার করেন নাই। তথাপি অ্যারিস্টটলকেই এই নীতির আদি প্রচারক বলা হয়। অ্যারিস্টটল রাষ্ট্রের কার্যাবলীকে তিন শ্রেণীতে বিভক্ত করিয়াছেন, (১) নীতি-নির্ধারণ-মূলক (Deliberative), শাসনমূলক (Magisterial), বিচার-মূলক (Judicial)। অ্যারিস্টটলের এই নীতি তিনি প্রতিষ্ঠিত করিয়াছিলেন শ্রমবিভাগ (Division of labour) নীতির ভিত্তিতে। তাঁহার প্রধান উদ্দেশ্য ছিল শাসন-ব্যবস্থার সুপরিচালনা প্রতিষ্ঠা করা। মতেন্সকিউয়ের মতে তিনি ব্যক্তি-স্বাধীনতা রক্ষা প্রয়োজনীয়তার জন্য রাষ্ট্রক্ষমতার পৃথকীকরণ নীতি প্রচার করেন নাই। আবার তিনি কর্মবিভাগ করিলেও কর্মকর্তাদের বিভাগ করেন নাই। কর্মকর্তাদের স্বতন্ত্র করার কোন ইচ্ছা তাঁহার ছিল না। তিনি একজনের হস্তেই সকল ক্ষমতা অর্পণ করিতে প্রস্তুত ছিলেন। কিন্তু তিনি এই মতও পোষণ করিতেন যে বৃহৎ রাষ্ট্রে যেহেতু একজনের পক্ষে সকল কর্ম করা সম্ভব নয় সেইহেতু ক্ষমতা পৃথকীকরণ করা উচিত।

অ্যারিস্টটলের পর ক্ষমতা পৃথকীকরণ নীতি রোমান দার্শনিক পলিবিয়াস ও সিসারোর হস্তে পরিষ্কৃত হয়। পলিবিয়াস ও সিসারো নিয়ন্ত্রণ ও

ভারসাম্যের নীতি (Theory of checks and balances)

পলিবিয়াস,
সিসারো ও বোড্যার
হস্তে এই মতবাদ
পরিষ্কৃত হয়

প্রচার করেন। মধ্যযুগে এই নীতি প্রায় বিলুপ্ত হইয়া যায়। তারপর ষোড়শ শতাব্দীতে বোড্যার হস্তে এই নীতি আবার পুনরুজ্জীবিত হয়। বোড্যা অ্যারিস্টটলের

মতবাদের তীব্র প্রতিবাদ করিলেন ; কিন্তু, তিনি এই মতবাদ প্রচার করিলেন

যে, শাসনবিভাগ ও বিচারবিভাগ পরস্পর হইতে সম্পূর্ণ পৃথক না হইলে ব্যক্তির স্বাধীনতা বিপন্ন হইবে।

বৌড্যার পর হ্যারিংটন ও লক্ এই মতবাদের আলোচনা করেন। জন লক্ তিনটি রাষ্ট্রীয় ক্ষমতার উল্লেখ করেন, যথা (১) আইনের ক্ষমতা, (২) শাসনগত ক্ষমতা, (৩) আন্তর্জাতিক ক্ষমতা। লকের মতে প্রথম ও তৃতীয় ক্ষমতা প্রায় একত্রিত হইয়াছে। এই দুইটি ক্ষমতাই শাসনকার্য পরিচালনা-বিসয়ক। তিনি এই দুইটি ক্ষমতার একত্রীকরণে বিশেষ আপত্তি প্রকাশ্যে নাহি বটে; কিন্তু, তিনি আইনসভাকে শাসনক্ষমতা ব্যবহার করিতে দিবার বিরোধী। কারণ ইহাতে ক্ষমতার অপব্যবহার হইবার সম্ভাবনা থাকে। লক্ই সর্বাত্মক ব্যক্তি-স্বাধীনতা-ভিত্তিক ক্ষমতা পৃথকীকরণ নীতির আলোচনা করেন। লকের পর ক্ষমতা পৃথকীকরণ নীতির আলোচনা করেন মন্টেসকিউয়ে। মন্টেসকিউয়ের মতবাদ পূর্বেই আলোচিত হওয়ায় এখানে তাহার পুনরুল্লেখ নিম্নয়োজন। মন্টেসকিউয়ের পর ইংল্যাণ্ডে ব্লাকস্টোন ১৭৬৫ খ্রীষ্টাব্দে ক্ষমতা পৃথকীকরণ নীতির সমর্থন করেন।

অষ্টাদশ শতাব্দীর শেষভাগে আমেরিকা যুক্তরাষ্ট্রের রাষ্ট্রনীতিবিদ ম্যাডিসন বলেন : “একই হস্তে সর্বক্ষমতার সমন্বয়কে স্বেচ্ছাচারিতার সংজ্ঞা বলিয়াই অভিহিত করা যাইতে পারে।” (“The accumulation of all powers...in the same hands...may justly be pronounced the very definition of tyranny.”)।

রাষ্ট্রবিজ্ঞানের ইতিহাস পর্যালোচনা করিলে দেখা যায় এই নীতি বহু বিপ্লবী জনসাধারণ কর্তৃক স্বাধীনতার মূলমন্ত্র হিসাবে গৃহীত হইয়াছে। ফরাসী বিপ্লবের প্রথম পর্বে সংবিধানের ভিতর দিয়া ঘোষণা করা হয় যে, ক্ষমতা স্বতন্ত্রী-করণ নীতি ব্যক্তি-স্বাধীনতার স্তম্ভস্বরূপ। আমেরিকার বিপ্লবীরাও এই নীতিকে সমর্থন করে। মার্কিন যুক্তরাষ্ট্র, মেক্সিকো, আর্জেন্টিনা ও ব্রাজিল প্রভৃতি দেশের শাসনতন্ত্রেও এই নীতির প্রভাব পরিলক্ষিত হয়। ইউরোপে অবশ্য ফ্রান্স ব্যতীত অল্প কোন দেশে এই মতবাদের প্রভাব খুব কমই। ইহার কারণস্বরূপ বলা হয় যে, ব্রিটেন, ইটালী প্রভৃতি দেশের অভিজ্ঞতা হইতে যখন দেখা গেল যে, মন্টেসকিউয়ের নীতি সম্পূর্ণভাবে গ্রহণ না করিয়াও ব্যক্তি-স্বাধীনতা রক্ষা করা সম্ভব তখন এই নীতির মূল্য অনেক পরিমাণে হ্রাস-প্রাপ্ত হইল। বস্তুতঃ, ব্রিটেনে মন্ত্রিমণ্ডলীর হস্তে শাসন ও আইনপ্রণয়নক্ষমতা

গ্রস্ত হইয়াছে। কারণ কমন্সভার (House of Commons) যে দল সংখ্যা গরিষ্ঠ তাহারাই মন্ত্রিমণ্ডলী (Cabinet) গঠন করে। অতএব বলা যায় মন্ত্রিসভার পশ্চাতে কমন্সভার সমর্থন আছে। আবার মন্ত্রিসভাও বর্তমানে কমন্সভার উপর কর্তৃত্ব করে (Cabinet Dictatorship)। অতএব কার্যতঃ মন্ত্রিসভার হস্তে শাসনক্ষমতা একত্ৰীভূত হইয়াছে। অবশ্য, ইহার ফলে ব্রিটেনে ব্যক্তি-স্বাধীনতা ক্ষুণ্ণ হয় নাই।

বর্তমানে কল্যাণ-রাষ্ট্রে (Welfare State) এই মতবাদটি প্রায় পরিত্যক্ত হইয়াছে। কারণ রাষ্ট্রের কল্যাণে শাসনবিভাগ অপরাপর দুইটি বিভাগের উপর কিছু কিছু কর্তৃত্ব করিয়া থাকে। অবশ্য, এই কর্তৃত্বকে স্বীকার করিয়া লইয়াও বলা চলে যে, এই মতবাদের যথেষ্ট ঐতিহাসিক মূল্য আছে।

মতবাদের সমালোচনা : (ক) গুডনোউ (F. G. Goodnow), জেন্‌ক্স (Jenks) প্রমুখ রাষ্ট্রনীতিবিদগণের মতে মঁতেসকিউয়ে যে তিনটি বিভাগে রাষ্ট্রক্ষমতাকে বিভক্ত করিয়াছেন তাহা যথার্থ নহে। কারণ হিসাবে বলা হইয়াছে যে, বিচারবিভাগ শাসনবিভাগেরই অন্তর্ভুক্ত। শাসনবিভাগ যেমন আইনকে বলবৎ করে তেমনি বিচারবিভাগও আইনভঙ্গের ক্ষেত্রে

বিচার-সীমাংসার মাধ্যমে আইনকে প্রয়োগ করে। অতএব ক্ষমতাকে দুইভাগে বিভক্ত করার পক্ষে যুক্তি রাষ্ট্রীয় ক্ষমতাকে তিনভাগে ভাগ না করিয়া আইনবিভাগ ও শাসনবিভাগ এই দুই বিভাগে বিভক্ত করা বিপেয়।

আবার এই দুইভাগে বিভক্ত করার বিরুদ্ধে এই যুক্তি দাঁড় করানো হয় যে, বিচারবিভাগকে শাসনবিভাগের অন্তর্ভুক্ত করা সমীচীন নয়, কারণ শাসনযন্ত্র হইতে বিচারবিভাগ যদি সম্পূর্ণ স্বাধীন না হয় তবে ইহা নিরপেক্ষভাবে বিচার করিতে পারিবে না। বিচার পক্ষপাতশূন্য, নৈর্ব্যক্তিক হওয়াই বাঞ্ছনীয়। একজন শাসক যদি অত্যাচারভাবে জনসাধারণকে নিপীড়ন করিবার পর সে নিজেই বিচার-আসনে বসিয়া নিজের বিচার করে তবে সেই বিচার প্রহসনে পরিণত হইবে।

(খ) উইলবী (Willoughby) তাঁহার “The Government of Modern State” গ্রন্থে সরকারের কার্যাবলীকে পাঁচ শ্রেণীতে বিভক্ত করেন। এই পাঁচটি বিভাগ হইল : (১) আইনবিভাগ, (২) শাসনবিভাগ, (৩) বিচার-বিভাগ, (৪) নির্বাচকমণ্ডলী (Electorate) এবং (৫) শাসনবিভাগের সাধারণ কর্মচারীবৃন্দ (Administration)। এখানে উল্লেখযোগ্য যে,

এই শ্রেণীর রাষ্ট্রনীতিবিদগণ শাসনবিভাগের কর্মকর্তাগণকে শাসনবিভাগের সাধারণ কর্মচারীদের সহিত একই শ্রেণীভুক্ত করিতে চান না। ফলে মঁতেসকিউয়ের শাসনবিভাগকে দুইটি ভাগে বিভক্ত করিয়াছেন। গ্যাডেন এই মতবাদের সমালোচনা প্রসঙ্গে বলেন যে, নির্বাচকমণ্ডলীকে আইনসভা হইতে পৃথক করিয়া চিন্তা করা যায় না। আরও বলা হয় যে, সরকারের কর্মচারীবৃন্দকে শাসনবিভাগের অংশ হিসাবে গণ্য করা উচিত।

(গ) সহযোগিতাই বর্তমান যুগধর্ম। বর্তমান শাসন-ব্যবস্থা জটিল হইয়া উঠিয়াছে, কোন বিভাগই স্বয়ংসম্পূর্ণভাবে কার্য সম্পাদন করিতে পারে না। উদাহরণস্বরূপ বলা যায় আইনসভার প্রধান কাজ হইল আইন প্রণয়ন করা, কিন্তু আইনসভা যখন স্থগিত থাকে তখন দুই অধিবেশনের মধ্যবর্তীকালে জরুরী প্রয়োজনে শাসনকর্তৃপক্ষই সাময়িকভাবে আইন প্রণয়ন করিয়া শাসনকার্য চালু রাখে। আবার অনেক সময় বিচারপতিগণ আইনের অস্পষ্টতার জন্ত নিজেদের ত্রায়বুদ্ধি প্রয়োগ করিয়া বিচার-মীমাংসা দিয়া থাকেন এবং তাহার মধ্য হইতেই নূতন আইনের সৃষ্টি হয়। সরকারী উচ্চপদস্থ কর্মচারীদের বিচার করে আইনসভার উচ্চপরিষদ। আবার শাসন-বিভাগও সময় সময় বিচারকার্য সম্পাদন করে। এইভাবে পারস্পরিক সহযোগিতার ভিত্তিতেই বর্তমান রাষ্ট্র শাসন-ব্যবস্থা পরিচালিত হয়। ততএব ইহা বলিলে অত্যুক্তি হইবে না যে, বর্তমানে ক্ষমতা পৃথকীকরণ নীতি একপ্রকার অস্তিত্ব হইয়াছে। উদাহরণস্বরূপ বলা যায় ইংল্যান্ড প্রভৃতি মন্ত্রিমণ্ডলী-শাসিত রাষ্ট্রে এই নীতি গৃহীত হয় নাই।

নিম্নে মন্ত্রিসংসদ-চালিত শাসনে গ্রেট ব্রিটেনে, রাষ্ট্রপতি-চালিত শাসনে মার্কিন যুক্তরাষ্ট্র ও ভারতবর্ষ এবং সমাজতান্ত্রিক শাসনে সোভিয়েত যুক্তরাষ্ট্রের শাসনতন্ত্র বিশ্লেষণ করিয়া এই নীতি প্রয়োগ সম্বন্ধে আলোচনা করা হইতেছে।

(১) গ্রেট ব্রিটেন : ইতিপূর্বে বলা হইয়াছে যে, আপাতদৃষ্টিতে গ্রেট ব্রিটেনে ক্ষমতা পৃথকীকরণ নীতি অমুস্ত হয়, কিন্তু বাস্তবক্ষেত্রে ব্রিটেনের শাসন-ব্যবস্থায় এই নীতি পরিত্যক্ত হইয়াছে। ইংল্যান্ডের রাজা শাসনকার্যের উচ্চতম কর্তৃপক্ষ; কিন্তু, তিনি আবার আইনসভার অবিচ্ছেদ্য অংশ। ইংল্যান্ডের রাজা ও রাণীর বিচারক্ষমতাও আছে। বিষয়টি আরও স্পষ্ট হইবে লর্ডসভার চ্যান্সেলরের পদমর্যাদা লক্ষ্য করিলে। তিনি লর্ডসভার সভাপতি। এই

লর্ড সভা যদিও আইনসভার একটি অংশ ; কিন্তু ইহার বিচারক্ষমতাও আছে । লর্ড চ্যান্সেলর আবার মন্ত্রিমণ্ডলীর একজন সদস্য এবং তিনিই বিচারালয়ের একজন বিচারপতি । অতএব তিনি একাধারে তিন বিভাগের সংযোগ সাধন করিতেছেন ।

(২) মার্কিন যুক্তরাষ্ট্র : মার্কিন যুক্তরাষ্ট্রে ক্ষমতা পৃথকীকরণ নীতিকে পবিত্র নীতি হিসাবে গ্রহণ করা হইয়াছে । এখানে আইনসভা, শাসনবিভাগ ও বিচারবিভাগ সম্পূর্ণ পৃথক । এই রাষ্ট্রে রাষ্ট্রপতি-চালিত শাসন-ব্যবস্থা প্রচলিত আছে । এখানে আইনসভা ও বিচারবিভাগ স্বাধীন ও স্বতন্ত্র । কিন্তু বাস্তব ক্ষেত্রে ক্ষমতা পৃথকীকরণ নীতির ব্যবহার অত্যন্তই সামান্য । এখানে রাষ্ট্রপতি বিচারপতিকে নিযুক্ত করেন । আবার বিচারপতিগণ রাষ্ট্রপতির নির্দেশকেও বাতিল করিতে পারেন । রাষ্ট্রপতিকে আইনসভা বাতিল করার ক্ষমতাও দেওয়া হইয়াছে । আবার রাষ্ট্রপতি কর্তৃক বিভিন্ন নিয়োগ এবং বৈদেশিকদের সহিত সন্ধিস্থাপন প্রভৃতি আইনসভার উচ্চ পরিষদের অমুমোদন-সাপেক্ষ । অতএব এক বিভাগ কর্তৃক অন্য বিভাগের কার্যে হস্তক্ষেপ করার সম্পূর্ণ সুযোগ মার্কিন যুক্তরাষ্ট্রের শাসনতন্ত্র দিয়াছে । ফলে বাস্তবে ক্ষমতা পৃথকীকরণ নীতি এখানে প্রবর্তিত হয় নাই আবার বিশ্বাস করা হয় যে, সম্পূর্ণ-ভাবে ক্ষমতা পৃথক করাও সম্ভব নয় ; কারণ, ক্ষমতা সম্পূর্ণভাবে পৃথক করিলে সংঘর্ষ উপস্থিত হইতে পারে । রাষ্ট্রপতি উডরো উইলসনের সময় এবং রাষ্ট্রপতি ট্রুম্যানের সময় শাসনবিভাগের সহিত আইনবিভাগের দ্বন্দ্ব এই কথাই প্রমাণ করিয়া দেয় যে, ক্ষমতা সম্পূর্ণ পৃথকীকরণের নীতি সংঘর্ষ ও বিভেদের সৃষ্টি করে । অতএব যুক্তরাষ্ট্রের এইরূপ শাসন-ব্যবস্থার পরিপ্রেক্ষিতে ক্ষমতা পৃথকীকরণ নীতিকে অপ্রাস্তবলা চলে না ।

(৩) ভারতবর্ষ : ভারতবর্ষের নূতন শাসনতন্ত্রে ক্ষমতা পৃথকীকরণ নীতিকে তত্ত্বগতভাবে স্বীকৃতি দেওয়া হইয়াছে বটে ; কিন্তু, দেখা যায়, রাষ্ট্রপতি একদিকে শাসনকার্য পরিচালনা করেন, আবার তিনি জরুরী প্রয়োজনে অর্ডিন্যান্স বলিয়া খ্যাত বিশেষ আইন প্রণয়ন করেন, বিচারপতিদের নিয়োগ করেন, এবং প্রাণ-দণ্ডমকুব প্রভৃতি বিচারবিভাগীয় কার্য সম্পাদন করেন । আবার প্রয়োজনবোধে তিনি পার্লামেন্ট ভাঙ্গিয়া দিতেও পারেন এবং রাজ্য বিধানসভা ও মন্ত্রিমণ্ডলীকে ভাঙ্গিয়া দিয়া রাষ্ট্রপতির

ভারতবর্ষেও এই
নীতি সম্পূর্ণভাবে
ব্যবহৃত হয় না।

শাসনব্যবস্থা চালু করিতে পারেন। ইংল্যান্ডের মতো ভারতবর্ষেও মন্ত্রিমণ্ডলীর সদস্যদের আইনসভার সদস্য হইতে হইবে। কলে আইনসভা ও মন্ত্রিমণ্ডলীর মধ্যে যোগসূত্র লক্ষ্য করা যায়। ভারতের জিলা শাসন-ব্যবস্থা লক্ষ্য করিলে আরও স্পষ্ট হইবে যে, এই নীতি বাস্তবে এখানে ব্যবহৃত হয় নাই। জিলা-শাসক একাধারে ফৌজদারী মামলা-সংক্রান্ত ব্যাপারে বিচারপতির কাজ করেন, আবার তিনিই জিলার সর্বময় শাসনকর্তা।

ভারতবর্ষে ক্ষমতা পৃথকীকরণ নীতি বিশেষভাবে প্রযুক্ত না হইলেও শাসনতন্ত্র বিচারবিভাগের স্বাভাবিক ও স্বাধীনতার উপর বিশেষ গুরুত্ব আরোপ করিয়াছে। বিচারপতিগণ বাহাতে নিরপেক্ষভাবে বিচার করিতে পারেন তাহার জন্ত বিচারপতিগণের বেতন, নিয়োগ ও পদচ্যুতি সম্পর্কে বিশেষ ব্যবস্থা অবলম্বিত হইয়াছে। বিচারপতিগণের বেতন ও অগ্রাধিকার ভাতা শাসনতন্ত্র কর্তৃক নির্দিষ্ট হইয়াছে। ইহা আইনসভার বাৎসরিক অনুমোদন-সাপেক্ষ নয়। এইভাবে ভারতের নূতন শাসনতন্ত্র বিচারবিভাগকে শাসন-বিভাগের প্রভাবমুক্ত করিবার চেষ্টা করিয়াছে।

(ঘ) সোভিয়েত যুক্তরাষ্ট্র : সাম্যবাদীরা ক্ষমতা পৃথকীকরণ নীতিকে জনসাধারণকে প্রবঞ্চিত করিবার কৌশল বলিয়া আখ্যায়িত করিয়াছেন। লেনিন এই ধারণা পোষণ করিতেন যে, বুর্জোয়া পার্লামেন্টীয় গণতন্ত্রের সকল অবস্থায়ই অর্থনৈতিক ক্ষমতার অধিকারী দল রাজনৈতিক ক্ষমতা হস্তগত করিয়া বিত্তহীনদের নানাভাবে শোষণ করে এবং এই পুঞ্জিপতিদল রাষ্ট্রের প্রকৃত ধনতান্ত্রিক রূপকে গোপন করিবার উদ্দেশ্যে নানাবিধ মতবাদ প্রচার করে। ক্ষমতার স্বাভাবিক বিধান নীতি হইল এইজাতীয় একটি মতবাদ। ধনতান্ত্রিক রাষ্ট্র-ব্যবস্থায় মুষ্টিমেয় লোক প্রকৃত ক্ষমতার অধিকারী হয়। উদাহরণস্বরূপ বলা যায়, মার্কিন যুক্তরাষ্ট্রে ধনিকশ্রেণীর স্বার্থ রক্ষা করাই রাষ্ট্রবন্ধের প্রধান উদ্দেশ্য। এই উদ্দেশ্যকে সাফল্য মণ্ডিত করিতে হইলে প্রয়োজনবোধে বিচারকগণ আইনের ব্যাখ্যার মাধ্যমে বিত্তহীনদের উপর শোষণ অব্যাহত রাখে। এই মুষ্টিমেয় লোকদিগকে বলা হয় প্রভাবশালী ব্যক্তি-সংস্থা (Pressure Group)। আইন পরিষদ ইহার স্বার্থরক্ষার জন্ত আইন প্রণয়ন করে। বিচারপতি ইহাদের স্বার্থরক্ষা করিয়া বিচার করেন। ইহাদের ব্যক্তিগত সম্পত্তি রক্ষা করার জন্ত রাষ্ট্রে শান্তিশৃঙ্খলা বজায় রাখে

সোভিয়েত যুক্তরাষ্ট্রে
এই নীতির প্রয়োগ

রাষ্ট্রবন্ধের প্রধান উদ্দেশ্য। এই উদ্দেশ্যকে সাফল্য মণ্ডিত
করিতে হইলে প্রয়োজনবোধে বিচারকগণ আইনের
ব্যাখ্যার মাধ্যমে বিত্তহীনদের উপর শোষণ অব্যাহত

শাসনবিভাগ। অতএব সব-কিছুই বিঘূণিত হয় এই প্রভাবশালী ব্যক্তিবর্গের অঙ্গুলিসংকেতে।

অতএব সাম্যবাদী, নাৎসী ও ফ্যাসীবাদী রাষ্ট্রে ক্ষমতা পৃথকীকরণের মতো প্রহসনবাদকে শাসনতন্ত্রে স্থান দেওয়া হয় নাই। সোভিয়েত ইউনিয়নে মাত্র একটি দল ক্ষমতার অধিকারী। এই দলের সভাপতিমণ্ডলীই সমগ্র শাসন-ব্যবস্থা নিয়ন্ত্রণ করেন। অতএব সমাজতন্ত্রী দেশে এই নীতি প্রয়োগের কোন প্রশ্নই উঠে না এবং সম্ভবতঃ এই কারণেই সমাজতন্ত্রী দেশের শাসনতন্ত্রে এই নীতির কোন উল্লেখ দেখিতে পাওয়া যায় না।

উপরিউক্ত আলোচনার পরিপ্রেক্ষিতে নিঃসন্দেহে বলা যায় যে, বর্তমানে রাষ্ট্রের কার্যপরিধি প্রভূত পরিমাণে বাড়িয়া যাওয়ায়, পার্লামেন্টীয় শাসন-ব্যবস্থায়, রাষ্ট্রপতি-শাসিত শাসন-ব্যবস্থায় ও সমাজতান্ত্রিক শাসন-ব্যবস্থায় সরকারের (ক) এক বিভাগ অল্প বিভাগের কার্য সম্পাদন না করিয়া পারে না ; (খ) আবার সরকারের এক বিভাগের কার্য অপর বিভাগ সম্পাদন করে বলিয়া একই ব্যক্তির পক্ষে একাধিক বিভাগের কার্যে জড়িত হইতে হয় এবং (গ) এক বিভাগ অপর বিভাগকে নিয়ন্ত্রণ করিয়া থাকে। অতএব ক্ষমতা পৃথকীকরণ পূর্বে যে উপরোক্ত তিনটি অর্থে প্রযুক্ত হইত বর্তমানে তাহা সম্ভব নয়। অবশ্য, ক্ষমতা পৃথকীকরণ নীতির প্রচলন বর্তমানে অচল হইলেও ব্যবস্থা-বিভাগের শ্রেষ্ঠত্ব প্রায় সকল দেশেই বর্তমানে স্বীকার করিয়া লওয়া হইয়াছে। এই ব্যবস্থা-বিভাগ অপরাপর বিভাগকে কিছুটা নিয়ন্ত্রণ করে। ইহাই পার্লামেন্টীয় ব্যবস্থার বৈশিষ্ট্য।

(ঘ) জৈব মতবাদ অনুসরণ করিয়া বলা যায় যে, জীবদেহের অঙ্গপ্রত্যঙ্গ যেমন ওতপ্রোতভাবে জড়িত তেমনি রাষ্ট্রযন্ত্রের বিভিন্ন বিভাগও ওতপ্রোতভাবে জড়িত।

(ঙ) আরও বলা হয় যে, ব্যক্তি-স্বাধীনতা ক্ষমতা পৃথকীকরণ দ্বারা রক্ষিত হয় না। ব্যক্তি-স্বাধীনতার রক্ষাকবচ হইল ব্যক্তির স্বাধীনতার জন্ত আবেগ ও আগ্রহ। অতএব এই নীতির মৌলিক উদ্দেশ্যও যথার্থ যুক্তির উপর প্রতিষ্ঠিত নয়।

উপসংহারে বলা যায়, ক্ষমতা পৃথকীকরণ নীতির বহুবিধ দোষত্রুটি থাকিলেও এই নীতির প্রবল প্রভাব আজও সর্বত্র স্বীকৃত হইয়াছে।

সারসংক্ষেপ

ক্ষমতা পৃথকীকরণ নীতি বলিতে বোঝায় সবকাজের তিনটি বিভাগের কায স্বতন্ত্রভাবে পরিচালিত হইবে। এই তিনটি বিভাগ হইল : (১) ব্যবস্থাপক বিভাগ, (২) শাসনবিভাগ, (৩) বিচারবিভাগ।

ক্ষমতা পৃথকীকরণ নীতির সহিত নিম্নস্থ ও ভাবসাম্যেব নীতি বিশেষভাবে জড়িত। এই নীতি তিনটি অর্থে ব্যবহৃত হয়। প্রথমতঃ, এক বিভাগ অল্প বিভাগের কাযে হস্তক্ষেপ করিবে না, (২) একই ব্যক্তি একটির বেশী বিভাগের সহিত সংশ্লিষ্ট থাকিতে পারিবে না, (৩) এক বিভাগ অল্প বিভাগের কায পরিচালনা করিবে না।

এই নীতি অ্যারিস্টটলের আমল হইতেই চলিয়া আসিয়াছে। তবে মঁতেসকিউয়ের হস্তে এই মতবাদ বিশেষভাবে পরিস্ফুট হয়।

সমালোচনা : এই নীতি তাত্ত্বিক দিক হইতে বিচার কবিলে দেখা যায় এই নীতি অনেক গুণের অধিকারী। কিন্তু বাস্তবে দেখা যায় সবকাজের এক বিভাগ অপব বিভাগের কায কবিয়া থাকে।

প্রশ্নাবলী

1. "The strict separation of powers is not only impracticable as a working principle of Government, but also it is not one to be desired in practice." Discuss. (C. U. 1941, '48.)

2. How far is it possible and desirable to carry out the principle of separation of powers in the Governmental organisation of a State? (C. U. 1951)

3. Discuss the value and limitation of the Doctrine of separation of powers. (C. U. 1959)

4. Discuss the Doctrine of separation of powers. How far has it been translated into practice in India, the U. S. A and the U. K.?

অতিরিক্ত পাঠ্য

Willoughby—The Governments of the Modern States.
Ge'tell—Political Science,

ষোড়শ অধ্যায়

সরকারের বিভিন্ন বিভাগ

(Different Organs of Government)

পূর্ববর্তী অধ্যায়ে রাষ্ট্রক্ষমতার পৃথকীকরণ নীতি সম্বন্ধে আলোচনাকালে বলা হইয়াছে যে, সরকারের তিনটি বিভাগের মধ্যে ব্যবস্থা-বিভাগই অধিকতর ক্ষমতাসম্পন্ন। কারণ হিসাবে বলা হইয়াছে যে, আইন বলবৎ করিবার পূর্বে প্রয়োজন হইল আইন প্রণয়নের। ব্যবস্থা-বিভাগ আইন প্রণয়ন করে এবং শাসনবিভাগ আইন বলবৎ করে। অতএব শাসনবিভাগেই পূর্ববর্তী হইল আইনবিভাগ। আবার আইনভঙ্গের জন্ত শাস্তিপ্রদানের পূর্বে প্রয়োজন হইল আইন প্রণয়নের। আইন প্রণয়ন করে আইনবিভাগ আর আইন ভঙ্গ করিলে শাস্তির ব্যবস্থা করে বিচারবিভাগ। অতএব ব্যবস্থা-বিভাগ বা আইনবিভাগ বিচারবিভাগেরও পূর্ববর্তী। বর্তমান আলোচনায় সরকারের যে তিনটি বিভাগ অর্থাৎ (১) আইনবিভাগ বা ব্যবস্থা-বিভাগ, (২) শাসন-বিভাগ এবং (৩) বিচারবিভাগের আলোচনা হইবে তাহার মধ্যে সর্বপ্রথমে আইনবিভাগ বা ব্যবস্থা-বিভাগের আলোচনা করা হইবে।

(১) ব্যবস্থা-বিভাগ (The Legislature) : প্রথমেই উল্লেখ করা প্রয়োজন যে, গণতন্ত্রে একমাত্র ব্যবস্থা-বিভাগের গুরুত্ব অধিকতর; কারণ, অন্ত্যন্ত শাসনব্যবস্থায়; অর্থাৎ, রাজতন্ত্রে, একনায়কতন্ত্রে শাসন-বিভাগ ব্যবস্থা-বিভাগের উপরে অবস্থান করে। রাজতন্ত্রে রাজার আদর্শই আইন। অতএব শাসক হিসাবে রাজা আইনের উপরে। আবার একনায়কতন্ত্রে ব্যবস্থা-বিভাগ সম্বন্ধে মুসোলিনী যে উক্তি করিয়াছিলেন তাহা হইতেই ব্যবস্থা-বিভাগের মর্যাদা উপলব্ধি করা যায়। তিনি বলিয়াছিলেন : “পার্লিমেণ্ট একটি ক্রীডনক মাত্র।” পার্লিমেণ্টীয় শাসন-ব্যবস্থায়ও শাসন-বিভাগের উপর আইনবিভাগ অনেক সময় কর্তৃত্ব করে।

উপরিউক্ত আলোচনা হইতে দেখা যায় যে, ব্যবস্থা-বিভাগের কর্তৃত্ব ও মর্যাদা সকল দেশে একপ্রকারের না হওয়ায় এই বিভাগের কার্যাবলীও বিভিন্ন দেশে বিভিন্ন প্রকৃতির। নিয়ে এই বিভাগের মূল কতকগুলি কার্যাবলী

দেওয়া গেল। এই কার্যাবলী প্রায় সকল দেশেই মোটামুটিভাবে অহুসৃত হয়।

(১) এই বিভাগ আইন প্রণয়ন করে এবং গতিশীল সমাজের সহিত তাল রক্ষা করিয়া চলিবার জন্ত প্রথাগত আইনের সংশোধন করে অথবা বিলোপ সাধন করে।

(২) সমগ্র দেশের চিন্তা ও মতামতকে আইনে প্রতিফলিত করিবার জন্য আইন প্রণয়ন-সম্বন্ধীয় আলোচনা চালানোও আইনসভার একটি কার্য। মিলের মতে প্রকৃতপক্ষে আইন প্রণয়ন করে কতিপয় সুদক্ষ লোক। কিন্তু আলোচনার মূলকার্য হস্ত থাকিবে সমগ্র সভার উপর।

(৩) গণতান্ত্রিক রাষ্ট্রে জনগণের সম্মতি ব্যতীত জাতীয় অর্থ ব্যয় করা হয় না। ব্যবস্থা-বিভাগ জাতীয় অর্থের নিয়ন্ত্রণ, তদারক ও করদার্য প্রভৃতি করিয়া থাকে। ব্যবস্থাপক সভা এই জাতীয় অর্থ নিয়ন্ত্রণের মাধ্যমে আভ্যন্তরীণ শাসন পরিচালনা এবং আন্তর্জাতিক নীতি নির্ধারণও করিয়া থাকে।

(৪) ব্যবস্থা-বিভাগ আবার শাসনসংক্রান্ত কার্য সম্পাদনও করিয়া থাকে। উদাহরণস্বরূপ বলা যায়, মার্কিন যুক্তরাষ্ট্রের জাতীয় ব্যবস্থাপক সভার উর্ধ্বতন পরিষদ সিনেটের (Senate) হস্তে শাসনসংক্রান্ত বিশেষ ক্ষমতা রহিয়াছে। সিনেট সবল উচ্চপদস্থ কর্মচারী নিয়োগ করে না নিয়োগের অহুমোদন করে। রাষ্ট্রপতির কোন সন্ধি-সম্পাদন সিনেট কর্তৃক অহুমোদিত হওয়া চাই। অতএব দেখা যায় শুধু রাষ্ট্রপতি-শাসিত রাষ্ট্রেও ক্ষমতা পৃথকীকরণ নীতি সম্পূর্ণভাবে গৃহীত হয় না।

(৫) ব্যবস্থাপক সভা বিচারসংক্রান্ত কার্যও করিয়া থাকে। ব্যবস্থাপক সভার সভ্য, রাষ্ট্রপতির বিচার এবং ইম্পিচমেন্ট প্রভৃতি ব্যবস্থাপক সভাই করিয়া থাকে।

(৬) ব্যবস্থাপক সভা সংবিধানের ব্যাখ্যা, ইহার সংশোধন প্রভৃতি কার্যও করিয়া থাকে।

ব্যবস্থাপক সভার সংগঠন (Organisation of the Legislature) :
ব্যবস্থাপক সভার সংগঠনকে দুই শ্রেণীতে বিভক্ত করা যায় ; যথা (১) যে সকল দেশের ব্যবস্থাপক সভা দুইটি অংশে বিভক্ত অর্থাৎ ব্যবস্থাপক সভা নিম্ন পরিষদ ও উচ্চ পরিষদে বিভক্ত, সেই সকল দেশের এইরূপ ব্যবস্থাকে দ্বি-পরিষদ-ব্যবস্থা (Bi-Cameralism) বলিয়া আখ্যায়িত করা হয় ; আর

(২) যে সকল দেশের ব্যবস্থাপক সভার একটিমাত্র পরিষদ থাকে তাহাকে এক-পরিষদ-ব্যবস্থা (Unicameralism) বলিয়া অভিহিত করা হয়।

দ্বি-পরিষদবিশিষ্ট ব্যবস্থাপক সভার নিম্ন পরিষদ প্রত্যক্ষভাবে জনসাধারণ কর্তৃক নির্বাচিত প্রতিনিধিগণ লইয়া গঠিত হয়। আর উচ্চ পরিষদ বিভিন্ন প্রকারে সংগঠিত হয়। এই উচ্চ পরিষদ ইংল্যাণ্ডে অভিজাতদের লইয়া গঠিত হয়, কানাডায় মনোনীত ধনী ব্যক্তিদের লইয়া গঠিত হয় আর মার্কিন যুক্তরাষ্ট্রে গঠিত হয় অঙ্গরাজ্যগুলির নির্বাচিত প্রতিনিধিগণকে লইয়া।

দ্বি-পরিষদ ব্যবস্থাপক সভার ইতিহাসঃ ফরাসী-বিপ্লবই আইন পরিষদগুলিকে গণতান্ত্রিক ভিত্তিতে গঠিত হইবার মতো অবস্থার সৃষ্টি করে। সামন্ততান্ত্রিক ইউরোপে এক হইতে চারি-পরিষদসম্পন্ন আইনসভার সন্ধান পাওয়া যায়। ইংল্যাণ্ডে অনেক পূর্বেই দ্বি-পরিষদবিশিষ্ট ব্যবস্থাপক সভা প্রতিষ্ঠিত হইয়াছিল কিন্তু ক্রমশঃয়ের শাসনকালে লর্ড সভার উচ্ছেদ করা হয়। অবশ্য, কিছুদিন পরেই আবার দ্বি-পরিষদবিশিষ্ট ব্যবস্থাপক সভা ইংল্যাণ্ডে চালু হয়। ফরাসী-বিপ্লবের পর ফরাসী দেশে এবং আমেরিকার বিপ্লবের পর আমেরিকায় এক-পরিষদবিশিষ্ট ব্যবস্থাপক সভার প্রবর্তন করা হয়। কিন্তু কিছুদিন পরেই এই দুই দেশে দ্বি-পরিষদবিশিষ্ট ব্যবস্থাপক সভার প্রবর্তন করা হয়।

. বর্তমানে আবার এক-পরিষদ-ব্যবস্থার দিকে কোঁক দেখা যায়। গ্রীস, বুলগেরিয়া, রুম্যানিয়া, হাঙ্গারিস, পানামা, স্থালভেডের এবং সুইজারল্যাণ্ডের ক্যান্টনগুলি এক-পরিষদ-ব্যবস্থা প্রবর্তন করিয়াছে।

সমালোচনাঃ (ক) স্বপক্ষে যুক্তিঃ (১) দুই পরিষদের দ্বারা যে আইন প্রণীত হইবে তাহা স্বভাবতঃই সুচিন্তিত হইবে। কিন্তু এক পরিষদের দ্বারা আইন প্রণয়ন করিলে তাহা অববেচনাপ্রসূতও হইতে পারে। এক পরিষদের দ্বারা প্রণীত আইন আকস্মিক উত্তেজনাপ্রসূতও হইতে পারে। কারণ এক পরিষদ আইন প্রণয়ন করিলে তাহাকে নিয়ন্ত্রণ বা সংশোধন করার ক্ষমতা অপর কোন পরিষদ থাকে না। কিন্তু দুইটি পরিষদ থাকিলে একপাশে ঘটে না।

(২) দুইটি পরিষদের ব্যবস্থায় সাধারণের ইচ্ছা প্রকাশিত হইতে পারে। কারণ দুইটি পরিষদ বিভিন্ন সময়ে নির্বাচিত হইয়া প্রবর্তমান জনতাকে স্পষ্ট-

ভাবে প্রকাশিত করে। এক পরিষদের ব্যবস্থায় একই সময়ে নির্বাচন হওয়ায় প্রবাহমান জনমতের সহিত ইহা সামঞ্জস্যবিহীন হইয়া পড়ে।

(৩) লর্ড ব্রাইসকে অনুসরণ করিয়া বলা যায় আইনসভা যদি এক-পরিষদবিশিষ্ট হয় তবে ইহার স্বৈরাচারী হইবার সম্ভাবনা থাকে। আর আইন পরিষদকে যদি দুইটি সমান ক্ষমতার অধিকারী পরিষদে বিভক্ত করা হয় তবে ইহা স্বৈরাচারী হইতে পারে না। অবশ্য, রুশিয়াকে বাদ দিলে প্রায় অধিকাংশ দ্বি-কক্ষবিশিষ্ট পরিষদ-ব্যবস্থাধীনে রাষ্ট্রের দুইটি পরিষদই সমক্ষমতা-সম্পন্ন নয়।

(৪) দ্বি-পরিষদ-ব্যবস্থা শাসনবিভাগকেও এক-পরিষদী স্বৈরাচারের হস্ত হইতে রক্ষা করে। এক পরিষদের খামখেয়ালের বিরুদ্ধে শাসনবিভাগ দ্বিতীয় পরিষদ থাকিলে তাহার মাধ্যমে আবেদন করিতে পারে।

(৫) দ্বি-পরিষদ-ব্যবস্থায় সকল শ্রেণীর প্রতিনিধিত্বের ব্যবস্থা করা যায়। অনেক সময় দেখা যায় এমন অনেক লোক আছেন যাহারা নির্বাচনদ্বন্দ্বে অবতীর্ণ হইতে চান না। অথচ তাঁহাদিগকে আইনসভার সদস্য হিসাবে পুঙ্খানুপুঙ্খ গেলো জাতীয় স্বার্থ রক্ষিত হইত, এমন অবস্থায় যদি দ্বি-পরিষদের ব্যবস্থা থাকে তবে এই শ্রেণীর লোকদিগকে দ্বিতীয় পরিষদের সদস্য হিসাবে মনোনীত করিয়া লইতে পারা যায়। আবার সংখ্যালঘুদের প্রতিনিধিত্বের ব্যবস্থাও দ্বি-পরিষদ-ব্যবস্থায় করা যায়। কিন্তু এক-পরিষদ-ব্যবস্থায় সকল শ্রেণীর প্রতিনিধিত্বের ব্যবস্থা করা সম্ভবপর নয়।

(৬) বর্তমান যুগে রাষ্ট্রের কার্য বিশেষভাবে বৃদ্ধি পাইয়াছে। এক-পরিষদী ব্যবস্থায় সকল বিষয় খুঁটিনাটিভাবে আলোচনা সমালোচনা করা সম্ভব নয়। এইদিক হইতে দ্বি-পরিষদী ব্যবস্থা সুবিধাজনক। আবার দ্বি-পরিষদ-ব্যবস্থায় অল্প বিতর্কমূলক বিলগুলিকে প্রথম পরিষদের পরিবর্তে দ্বিতীয় পরিষদে উত্থাপিত করার সুবিধা আছে।

(৭) যুক্তরাষ্ট্রীয় ব্যবস্থায় দুইটি স্বার্থের দিকে লক্ষ্য রাখিয়া আইন প্রণয়ন করিতে হয়। একটি হইল জাতীয় (National) আর একটি হইল যুক্তরাষ্ট্রীয় স্বার্থ। দুইটি স্বার্থকে পূরণ করিবার জন্ত প্রয়োজন দুইটি কক্ষে। একটি কক্ষে থাকিবে অঙ্গরাজ্যগুলির প্রতিনিধিগণ, আর অপর কক্ষে থাকিবে আঞ্চলিক প্রতিনিধিত্বের ভিত্তিতে নির্বাচিত সদস্যগণ। প্রথমটি হইল উচ্চ

পরিষদ আর দ্বিতীয়টি হইল নিম্ন পরিষদ। এক-পরিষদ-ব্যবস্থায় যুক্তরাষ্ট্রীয় ব্যবস্থা প্রবর্তন করা যায় না।

দ্বি-পরিষদীয় ব্যবস্থার বিরুদ্ধে যুক্তি : (১) দ্বি-পরিষদীয় ব্যবস্থায় ব্যয়বাহুল্য বৃদ্ধি পায়।

(২) সংখ্যালঘু সম্প্রদায়ের স্বার্থ শাসনতন্ত্র দ্বারা সংরক্ষিত হইলে উক্ত স্বার্থের জন্য দ্বি-পরিষদের প্রয়োজন হয় না।

(৩) ইতিহাস ইহাই প্রমাণ করিয়াছে যে, অভিজাত বিত্তবানদের আইনসভায় আসন পাইবার নিশ্চয়তা করিবার জন্যই দ্বি-পরিষদের সৃষ্টি করা হইয়াছে। মিল যে গুণবান ব্যক্তিদের স্থান নির্দিষ্ট করিবার জন্য দ্বি-পরিষদের স্বপক্ষে যুক্তি প্রদর্শন করিয়াছিলেন তাহা ইতিহাস মিথ্যা প্রমাণ করিয়াছে।

(৪) দ্বি-পরিষদীয় ব্যবস্থায় একে অপরের উপর দোষ চাপাইয়া দায়িত্ব স্থালন করে। আবার দুই কক্ষের দ্বন্দ্বের ফলে আইন প্রণয়ন-বিভাগ আইন প্রণয়নে অক্ষম হইয়া পড়ে।

(৫) ল্যাক্সার মতে দ্বিতীয় কক্ষ থাকিলে দ্রুত চলমান জগতে আইন প্রণয়ন বিলম্বিত হয়। সাম্প্রতিক কালে দেখা যায় উচ্চ কক্ষের ক্ষমতা অনেক দেশে হ্রাস করা হইয়াছে। ১৯১১ সালের ও ১৯৪৯ সালের আইনে ইংল্যান্ডের পার্লামেন্টের উচ্চ পরিষদ অর্থাৎ লর্ড সভার অনেক ক্ষমতা বিলোপ করা হয়।

(৬) ল্যাক্সি বলেন যুক্তরাষ্ট্রীয় শাসন-ব্যবস্থায়ও দ্বি-পরিষদীয় ব্যবস্থায় অনাবশ্যক। তাঁহার মতে, যুক্তরাষ্ট্রের অঙ্গরাজ্যগুলির স্বার্থসংরক্ষণের বিশেষ ব্যবস্থা যুক্তরাষ্ট্রের বৈশিষ্ট্যগুলির মধ্যেই নিহিত রহিয়াছে।

(৭) পরিশেষে আবে সিয়েসের (Abbe Siyes) উক্তিটি উল্লেখ করা গেল। তিনি বলিয়াছিলেন : “দ্বিতীয় কক্ষ যদি প্রথম কক্ষের বিরোধিতা করে তবে উহা ক্ষতিকর আর যদি অহুসরণ করে তবে উহা অনাবশ্যক” (“If a second chamber dissents from the first, it is mischievous ; if it agrees with it, is superfluous.”)। কারণ নিম্ন কক্ষেই জন-সাধারণের সার্বভৌম ইচ্ছা প্রতিকলিত হয়। দ্বিতীয় কক্ষ শুধু জনমতের প্রকাশের পথ রুদ্ধ করে।

উপসংহারে বলা যায়, তাত্ত্বিক বিচারে দ্বি-পরিষদের ত্রুটি নির্দিষ্ট হইলেও বাস্তবে দেখা যায় দ্বিতীয় কক্ষ প্রচণ্ড শক্তির অধিকারী।

শাসনবিভাগ

(The Executive)

শাসনবিভাগ বলিতে বোঝায় আইনের মাধ্যমে প্রকাশিত রাষ্ট্রের ইচ্ছাকে কার্যকরী করিবার জন্ত সকল কর্মকর্তা ও কর্মচারিবৃন্দকে। ব্যাপক অর্থে, আইন পরিষদ ও বিচারবিভাগ ছাড়া সরকারী কার্যে ঐহারা নিযুক্ত আছেন তাঁহাদিগকেই শাসনবিভাগের অন্তর্ভুক্ত করা হয়। আর সংকীর্ণ অর্থে, শাসনকর্তৃপক্ষ বলিতে বোঝায় শাসনবিভাগের নীতি ও কার্যক্রম-নির্ধারক শীর্ষস্থানীয় ব্যক্তি বা ব্যক্তি-সংসদ। রাষ্ট্রবিজ্ঞানে এই সংকীর্ণ অর্থেই

শাসনবিভাগের
সংজ্ঞা

শাসনবিভাগকে ধরা হইয়া থাকে। সংকীর্ণ অর্থে ঐহাদের শাসনবিভাগের কর্মকর্তা হিসাবে ধরা হইয়াছে, তাঁহারা ই রাষ্ট্র পরিচালনার জন্ত নীতি নির্ধারণ করেন এবং এই নীতিকে কার্যে পরিণত করিবার জন্ত শাসনবিভাগের বিভিন্ন দপ্তরের মধ্যে রাষ্ট্রের কার্যাবলীকে বণ্টন করেন; অধীনস্থ কর্মচারীরা ঠিকমতো কার্য সম্পাদন করে কিনা তাহার তদারক করেন এবং বিভিন্ন দপ্তরের কাম্যের মধ্যে সংযোগ সাধন করেন। আবার শাসনবিভাগকে দুইভাগে ভাগ করা হয়; যথা—(১) উর্দ্ধতন রাষ্ট্রনৈতিক কর্তৃপক্ষ। এই উর্দ্ধতন কর্তৃপক্ষের উপর শাসন পরিচালনার রাষ্ট্রনৈতিক দায়িত্ব হস্ত থাকে; আর (২) অধীনস্থ কর্মচারিবৃন্দ।

আবার উর্দ্ধতন রাষ্ট্রনৈতিক কর্তৃপক্ষকে দুইভাগে বিভক্ত করা যায়; যথা,—(১) নামসর্বস্ব শাসনকর্তৃপক্ষ; আর, (২) বাস্তব শাসনকর্তৃপক্ষ। নামসর্বস্ব শাসনকর্তৃপক্ষ বলিতে বোঝায়—ঐহার নামে সকল রাষ্ট্রকার্য পরিচালিত হয়, যিনি আইনগতভাবে রাষ্ট্রপ্রধান। কিন্তু, বাস্তবে তিনি কোন নীতি নির্ধারণ করেন না, অথবা নিজে কোন কার্য পরিচালনা করেন না। ইংল্যান্ডের রাণী এবং ভারতীয় ইউনিয়নের রাষ্ট্রপতিকে নামসর্বস্ব রাষ্ট্রপ্রধানের উদাহরণ হিসাবে ধরা যায়।

বাস্তব শাসনকর্তৃপক্ষের উদাহরণ হইল মার্কিন যুক্তরাষ্ট্রের সভাপতি এবং মন্ত্রিমণ্ডলী (Cabinet)। এই সকল শাসক রাষ্ট্রকার্য বাস্তবে পরিচালিত করেন, কার্যের নীতি ও কার্যক্রম নির্ধারণ করেন। রাষ্ট্রনৈতিক দায়িত্ব ঐহাদের উপর হস্ত হয়। ঐহারা অনেক ক্ষেত্রে নামসর্বস্ব রাষ্ট্রপ্রধানের

আইনগতভাবে অধীনস্থ গুরুত্বপূর্ণ কর্মচারী : কিন্তু, রাষ্ট্রের শাসনবিভাগের অগ্রাঙ্ক কর্মচারী যাহারা ইহাদের অধীনে কাজ করে তাহাদের পর্যায়ে ইহাদিগকে ধরা হয় না।

আইনসভার সহিত সম্পর্ক : উপরিউক্ত আলোচনায় শাসক বা রাষ্ট্রপ্রধানকে একক হিসাবে ধরা হইয়াছে। কিন্তু শাসক একজন না হইয়া বহু শাসকের মিলিত সংস্থাও (Plural Executive) হইতে পারে। সুইজারল্যান্ডের শাসনব্যবস্থাকে এই শ্রেণীর শাসনব্যবস্থার পর্যায়ভুক্ত করা যায়। সুইজারল্যান্ডে বহু শাসকের মিলিত সংস্থার (Plural or Collegiate Executive) দ্বারা শাসিত হয়। এই সংস্থার আনুষ্ঠানিক সভাপত্যিকে শাসক শ্রেণীর মধ্য হইতে একজনকে আইনসভা নির্বাচিত করে। আইনসভার নির্দেশে এই সংস্থা মিলিত সিদ্ধান্তের ভিত্তিতে কার্য নিবাহ করে। এই শাসকসম্প্রদায় আইনসভায় বসিতে পারেন কিন্তু আইনসভার নেতৃত্ব ইহারা দেন না। আবার মন্ত্রিমণ্ডলীকেও **বহুভাষ্য শাসকমণ্ডলী** বলা হয়, কিন্তু মন্ত্রিপরিষদ আইনসভার নিকট দায়িত্বশীল থাকে। মন্ত্রিমণ্ডলী আইনসভাকে নেতৃত্ব দানও করে।

প্রধান শাসকের মনোনয়ন পদ্ধতিসমূহ (Modes of choice of the Chief Executive) : রাষ্ট্রের প্রধান শাসককে চারিটি পদ্ধতিতে মনোনয়ন করা হয়। নিম্নে এই চারিটি পদ্ধতির বর্ণনা দেওয়া গেল :

(১) **উত্তরাধিকার সূত্রে :** রাজতন্ত্রেই এই নীতি প্রযুক্ত হয়। রাজার মৃত্যুর পর তাহার উত্তরাধিকারী রাষ্ট্রক্ষমতার অধিকারী হয়। অতীতকালে অবশ্য, পোল্যান্ড ও অগ্রাঙ্ক দেশে রাজাকে নির্বাচিত করা হইত। ইংল্যান্ডের রাজতন্ত্রের পশ্চাতেও এই নির্বাচন নীতির আইনগত স্বীকৃতি রহিয়াছে।

(২) **প্রত্যক্ষ নির্বাচন :** জনসাধারণ প্রত্যক্ষভাবেও রাষ্ট্রপ্রধানকে নির্বাচিত করে। উদাহরণস্বরূপ দক্ষিণ আমেরিকার কতকগুলি রাষ্ট্রে, সুইজারল্যান্ডের অধিকাংশ ক্যান্টনে এবং মার্কিন যুক্তরাষ্ট্রের অঙ্গরাজ্যগুলিতে এই পদ্ধতি অমুহ্যত হয়। প্রাচীন গ্রীসেও এই পদ্ধতিতে রাষ্ট্রপ্রধান নির্বাচিত হইত।

(৩) **পরোক্ষ নির্বাচন :** পরোক্ষ নির্বাচনের অর্থ—জনসাধারণ প্রত্যক্ষ নির্বাচনের মাধ্যমে তাহাদের প্রতিনিধি নির্বাচিত করিয়া প্রতিনিধিদের দ্বারা রাষ্ট্রের শাসনকার্য পরিচালনা করা। বর্তমানে অধিকাংশ দেশেই পরোক্ষ নির্বাচন-ব্যবস্থা চালু আছে।

(৪) **উর্ধ্বতন কর্তৃত্ব দ্বারা মনোনয়ন :** ভারতবর্ষের অঙ্গরাজ্যগুলির প্রধান শাসক (Governor) কেন্দ্রীয় কর্তৃপক্ষ দ্বারা মনোনীত হয়। ব্রিটিশ ডোমিনিয়নগুলির প্রধান শাসককে (Governor General) মনোনীত করেন ইংল্যান্ডের রাণী বা রাজা। অবশ্য, বর্তমানে ডোমিনিয়নগুলির মন্ত্রিসভার মনোনীত ব্যক্তিই ব্রিটিশ কর্তৃপক্ষের মনোনয়ন লাভ করেন বলিয়া ডোমিনিয়নগুলিকে আর পূর্বের ন্যায় পরাবীন বলা চলে না।

রাষ্ট্রীয় কর্মচারিবৃন্দ (The Civil Service) : রাষ্ট্রপ্রধান ও মন্ত্রিমণ্ডলীর অধীনস্থ কর্মচারিগণকে সামগ্রিকভাবে রাষ্ট্রীয় কর্মচারিবৃন্দ বা জনপালন কৃত্যক (Civil Service) অথবা রাষ্ট্রভূত্য বলিয়া অভিহিত করা হয়। এইরূপ রাষ্ট্রভূত্যগণ স্থায়িভাবে রাষ্ট্রকার্যে নিযুক্ত হন। কিন্তু প্রধান শাসক ও মন্ত্রিমণ্ডলী স্থায়িভাবে নিযুক্ত হন না। নির্দিষ্ট সময় অন্তে একদল মন্ত্রিমণ্ডলী পদত্যাগ করিলে নূতন মন্ত্রিমণ্ডলী তাঁহাদের স্থান অধিকার করেন। এই পুরাতন ও নূতনের মধ্যে সংযোগ রক্ষা করেন রাষ্ট্রভূত্য। সরকারের এই পরিবর্তনের মধ্যে শাসনবিভাগের কার্যে নিরবচ্ছিন্নতা বজায় রাখেন রাষ্ট্রভূত্যগণ। রাষ্ট্রভূত্যগণ কোন দলভুক্ত নয়। ফলে ইহারা সাধারণতঃ নিরপেক্ষ হইয়া থাকেন।

রাষ্ট্রভূত্যগণই প্রকৃতপক্ষে আইন ও নীতি প্রয়োগ করেন এবং নীতিনির্ধারণে প্রধান শাসক ও মন্ত্রিমণ্ডলকে সহায়তা করেন।

নিয়োগ-পদ্ধতি (Principles of Appointment) : ল্যাব্জিকে অনুসরণ করিয়া বলা যায় যে, কর্মচারী নিয়োগের উপর শাসনকর্তৃপক্ষের নিয়ন্ত্রণ কম হওয়া উচিত। কারণ, মন্ত্রিমণ্ডলী সাধারণতঃ দলভিত্তিক হইয়া থাকে। এই মন্ত্রিমণ্ডলী কর্তৃক যদি রাষ্ট্রভূত্য নিযুক্ত হয় তবে দলীয় পক্ষপাতের সম্ভাবনা সৃষ্টি হয়। আবার ইহার ফলে অযোগ্য ব্যক্তিও মনোনীত হইতে পারে, মন্ত্রিবর্গ যোগ্য-অযোগ্য-নির্বিচারে তাঁহাদের নিজেদের লোককেই কর্মে নিযুক্ত করেন।

আবার চাকুরী যদি স্থায়ী না হয় তবে যোগ্য লোকেরা সরকারী কার্যভার গ্রহণ করিবেন না। বর্তমানে যোগ্য ব্যক্তিদের নির্বাচিত করিবার ভার স্বতন্ত্র ও যোগ্য ব্যক্তিবর্গের একটি সংস্থার (Public Service Commission)-এর উপর হস্ত করা হয়। এই কমিশন যেহেতু মন্ত্রিমণ্ডলীর আওতার বাহিরে সেইহেতু মনোনয়নে পক্ষপাতিত্বের সম্ভাবনা কম। আর কার্যকাল ও দক্ষতার

ভিত্তিতে পদোন্নতির ব্যবস্থা থাকারও প্রয়োজনীয়তা আছে। এইভাবে রাষ্ট্র-কর্মচারী নিয়োগের ফলে শাসনকার্যে দক্ষতা, পক্ষপাতিত্বহীনতা প্রভৃতি গুণগুলির সুফল পাওয়ার সুযোগ সৃষ্টি হয়।

শাসনবিভাগীয় কার্যাবলী (Functions of the Executive) :

ডাঃ গার্গারকে অনুসরণ করিয়া নিম্নলিখিতভাবে শাসনবিভাগীয় কার্যাবলীর বর্ণনা করা গেল :

(১) **পররাষ্ট্র-সম্পর্কিত কার্যাবলী :** বর্তমানের পরস্পর-নির্ভরশীল রাষ্ট্রে আন্তঃরাষ্ট্রসম্পর্কের উপর বিশেষ গুরুত্ব আরোপ করা হয়। রাষ্ট্রের রাষ্ট্রপ্রধান রাষ্ট্রের প্রতিনিধিত্বরূপে অপরায়িত রাষ্ট্রের সহিত কূটনৈতিক সম্পর্ক বজায় রাখেন। রাষ্ট্রপ্রধান অপর রাষ্ট্রে প্রতিনিধি প্রেরণ করেন এবং অপর রাষ্ট্রের কূটনৈতিক প্রতিনিধিকে স্বীকার করেন। তিনি বিভিন্ন রাষ্ট্রের সহিত চুক্তি সম্পাদন করেন। অবশ্য, বর্তমানে অনেক দেশে এই চুক্তি আইনসভা কর্তৃক অনুমোদন হওয়া প্রয়োজন।

(২) **সামরিক কার্যাবলী :** শাসনকর্তৃপক্ষের প্রধান দায়িত্ব হইল বহিরাক্রমণ হইতে দেশকে রক্ষা করা। নৌবাহিনী, স্থলবাহিনী ও বিমানবাহিনী এক কথায় সমগ্র সামরিক শক্তির সাহায্যে রাষ্ট্রের নিরাপত্তা রক্ষা, সামরিক বিভাগগুলিতে কর্মচারী নিয়োগ করা, যুদ্ধ পরিচালনার ক্ষমতা সৈন্যাদ্যক্ষের মনোনয়ন প্রভৃতি কার্য রাষ্ট্রপ্রধান করিয়া থাকেন। অবশ্য, যুদ্ধ-ঘোষণার মতো ঘোষণা প্রভৃতি আমেরিকার যুক্তরাষ্ট্রের কংগ্রেসের মতো আইন পরিষদও অনেক দেশে করিয়া থাকে।

(৩) **আন্তঃসত্তরীণ শাসন-সংক্রান্ত কার্যাবলী :** পূর্বে ধারণা ছিল রাষ্ট্র শুধু আইন ও শৃঙ্খলা (Law and order) বজায় রাখিবে। এই ধারণা অনুসারে রাষ্ট্রের কার্যাবলী আন্তঃসত্তরীণ শান্তি-শৃঙ্খলার মধ্যেই সীমাবদ্ধ ছিল। বর্তমানে রাষ্ট্র হইল কল্যাণকর রাষ্ট্র। বর্তমানে রাষ্ট্রের কর্মপরিধি বিস্তৃত। রাষ্ট্রের কার্যাবলীর অন্তর্ভুক্ত হইতেছে শিক্ষা, শিল্প ও সংস্কৃতি বিষয়ক কার্যাবলী। ফলে শাসনবিভাগের দায়িত্ব বাড়িতেছে এবং শাসনবিভাগের প্রভাবও জনজীবনে দিন দিন বৃদ্ধি পাইতেছে।

(৪) **আইন-সংক্রান্ত কার্যাবলী :** রাষ্ট্রপ্রধান আইন পরিষদের সভা আহ্বান করেন, প্রয়োজনবোধে আইন পরিষদকে ডাঙ্গিয়া দেন এবং আইনসভার অধিবেশনকে স্থগিত রাখার নির্দেশ দেন। আবার রাষ্ট্রপ্রধানের

হুকুমনামা (Ordinance) জারি করিবার ক্ষমতা প্রায় সকল রাষ্ট্রেই স্বীকৃতি লাভ করিয়াছে। বর্তমানে রাষ্ট্রের কার্যাবলীর পরিধি ব্যাপক হওয়ায় এবং আইনসভার কার্যাবলীও ব্যাপক হওয়ায় আইনসভা খুঁটিনাটি আইন প্রণয়নের ভার (Delegated Legislation) শাসনবিভাগের উপর হস্ত করিয়া থাকে। মন্ত্রিমণ্ডলী-শাসিত রাষ্ট্রে মন্ত্রিগণই আইনসভার পরিচালনা করেন, মন্ত্রিগণ বিতর্কে বোগদান করেন এবং আইন সভায় প্রস্তাব আনয়ন করেন। সর্বোপরি আইনসভায় নেতৃত্ব দেন, ফলে মন্ত্রিমণ্ডলীর নায়কত্ব (Cabinet Dictatorship) প্রতিষ্ঠিত হয়।

(১) বিচারবিভাগীয় কার্যাবলী : ক্ষমতা পৃথকীকরণ নীতি অহুসারে বিচারবিভাগকে শাসনবিভাগের নিয়ন্ত্রণমুক্ত হইতে হইবে। কিন্তু বর্তমান কালে রাষ্ট্রপতি-শাসিত রাষ্ট্রে দেখা যায়, রাষ্ট্রপতি দণ্ডিত ও শাস্তিপ্রাপ্ত ব্যক্তিকে মুক্তি দিতে পারেন। পার্লামেন্টও অনেক বিচারব্যবস্থা নিয়ন্ত্রণ করে। সর্বোপরি, বিচারপতিকে নিয়োগ করার ক্ষমতার অধিকারী হইলেন রাষ্ট্রপ্রধান। ফলে বিচারবিভাগের উপর তাঁহার যে ক্ষমতা রহিয়াছে তাহা অনস্বীকার্য।

বিচারবিভাগ

(The Judiciary)

লর্ড ব্রাইসকে অহুসরণ করিয়া বলা যায়, কোন দেশের শাসন-ব্যবস্থার উৎকর্ষ নির্ধারণ করা যায় একমাত্র সেই দেশের বিচার-ব্যবস্থার উৎকর্ষের মাধ্যমে। লর্ড ব্রাইসের এই উক্তিটি যে সত্য তাহা অতি সহজেই অহুম্যেয়। কারণ, আইনসভা কর্তৃক যে আইন প্রণীত হয় তাহাকে যথাযথভাবে প্রয়োগ করার ক্ষমতা অর্পিত হয় বিচারবিভাগের উপর। অবশ্য বিচারবিভাগের বিচারপতিগণ শুধু আইনভঙ্গকারী দোষীকে শাস্তি প্রদানই করেন না ; বিচারপতিগণ প্রয়োজনবোধে আইনের ব্যাখ্যা করিয়া প্রকৃত আইনের যথোপযুক্ত ব্যবহারও করেন। আবার দোষী ব্যক্তির দোষের গুরুত্ব অহুসারে এবং আইনভঙ্গকারীর দ্বারা ক্ষতির পরিমাণভেদে বিচারপতিগণকে বিচার-সীমাংসা করিয়া দিতে হয়। বিচারপতিগণ এই নীতি অহুসরণ করেন যে, এতদধিক অপরাধী ব্যক্তি শাস্তি হইতে অব্যাহতি পাইলেও যেন একজন নির্দোষ ব্যক্তি শাস্তি না পায়। সর্বোপরি দেশের শাস্তি-শৃঙ্খলা রক্ষা এবং

ব্যক্তি-স্বাধীনতা অক্ষুণ্ণ রাখার জন্য জাতিবিচার-ব্যবস্থার গুরুত্ব সর্বদেশে স্বীকৃত হওয়ায় বিচারবিভাগের গুরুত্ব পূর্বের তুলনায় অধিকতর বৃদ্ধি পাইয়াছে।

বিচারবিভাগের কার্যাবলী (Functions of the Judiciary) :
বিচারবিভাগের গুরুত্ব বর্তমানে বৃদ্ধি পাওয়ায় এই বিভাগের কার্যও বৃদ্ধি পাইয়াছে। নিম্নে এই বিভাগের কার্যাবলীর বিবরণ দেওয়া গেল :

(১) বিচারবিভাগের প্রধান কার্য হইল আইনের ব্যাখ্যা করা এবং আইনের প্রয়োগ করা। এখানে আইন বলিতে ব্যবস্থাপক সভা কর্তৃক প্রণীত আইন, লিখিত শাসনতান্ত্রিক আইন এবং প্রথাগত আইনকে বোঝানো হয়।

(২) বিচারবিভাগের প্রধানতম কার্য হইল আইনভঙ্গকারীর বিচার করা।

(৩) স্থিতিশীল লিখিত শাসনতন্ত্র গতিশীল সমাজের সহিত তাল রাখা করিয়া চলিতে অসমর্থ। এই কারণে বিচারপতিগণ অনেক সময় ব্যক্তিগত বিচারবুদ্ধি ও জ্ঞানবোধ অহুসায়ে বিচার করেন। বিচারপতিগণের এই রায় (judgement) ভবিষ্যৎ বিচারকার্যে আইন হিসাবে গণ্য হয়। এইরূপ আইনকে বিচারকগণ প্রণীত আইন (Judge-made laws) বলা হয়। অতএব দেখা যায় বিচারবিভাগ শুধু আইনের ব্যাখ্যাই করে না, আইন প্রণয়নও করে।

(৪) বিচারবিভাগকে যুক্তরাষ্ট্রীয় সংবিধানের অভিভাবক ও চরম ব্যাখ্যাকর্তা বলা হয়। শাসনতন্ত্রের ব্যাখ্যা করিয়া বিচারবিভাগ কেন্দ্র ও অঙ্গরাজ্যগুলির মধ্যে বিবাদের মীমাংসা করিয়া যুক্তরাষ্ট্রীয় শাসনতন্ত্রের স্বরূপ বজায় রাখে।

(৫) অনেক দেশে রাষ্ট্রপ্রধান বা রাষ্ট্রপতিকে এবং ব্যবস্থাপক সভাকে বিচারবিভাগ পরামর্শ দিয়া থাকে।

(৬) উপরিউক্ত কার্যাবলী ছাড়াও বিচারবিভাগের আরও কতকগুলি কার্য আছে ; যেমন, (ক) কর্মচারী ও অভিভাবক নিয়োগ, (খ) লাইসেন্স প্রদান, (গ) মৃত ব্যক্তির সম্পত্তির তত্ত্বাবধানের ব্যবস্থা করা, (ঘ) দেউলিয়া প্রতিষ্ঠানের পক্ষে আদায়কারীর কার্য করা, (ঙ) ব্যক্তি-স্বাধীনতা রক্ষাকল্পে লেখ (writ) ও নির্দেশ জারি করা।

বিচারবিভাগের স্বাধীনতা ও নিরপেক্ষতা (Independence and Impartiality of the Judiciary) : পূর্বেই বলা হইয়াছে যে, বিচার-বিভাগের স্বাধীনতা ও নিরপেক্ষতার উপরই নির্ভর করে ব্যক্তি-স্বাধীনতার রক্ষণাবেক্ষণ। বিচারবিভাগের স্বাধীনতা নির্ভর করে নিম্নলিখিত বিষয়-গুলির উপর :

(১) **বিচারক নিয়োগ-পদ্ধতি (Appointment of Judges) :** প্রথমতঃ, গুণাবলীর দিক হইতে বিচারকগণকে বিজ্ঞ, নিরপেক্ষ, মর্যাদাবোধ-সম্পন্ন ও স্বাধীনচেতা হওয়া প্রয়োজন।

দ্বিতীয়তঃ, এই গুণাবলীর পরিপ্রেক্ষিতে তিনপ্রকারে বিচারকগণ নিযুক্ত হয় ; যথা, (ক) শাসনকর্তৃপক্ষ কর্তৃক, (খ) আইনসভা কর্তৃক মনোনয়নের মাধ্যমে এবং (গ) জনসাধারণের দ্বারা নির্বাচনের মাধ্যমে। জনসাধারণের দ্বারা নির্বাচনের মাধ্যমে বিচারকগণের নিয়োগপদ্ধতি প্রচলিত আছে মার্কিন যুক্তরাষ্ট্রের অঙ্গরাজ্যগুলিতে এবং সুইজারল্যান্ডের ক্যান্টনে। অধ্যাপক ল্যাক্সি এই প্রক্রিয়ায় নিয়োগপদ্ধতির বিরুদ্ধে সমালোচনা করিয়া বলেন, বিচারকগণের জনসাধারণ কর্তৃক নির্বাচিত হইবার পদ্ধতি প্রচলিত হইলে পুনর্নির্বাচনে জয়লাভের আশায় বিচারকগণ ত্রায় বিচারের পথ পরিত্যাগ করিবে। আবার জনপ্রিয়তার উপরই যদি বিচারকের কার্যকাল নির্ভর করে তবে নিরপেক্ষ বিচারপ্রাপ্তির আশা করা যায় না।

এতদ্ব্যতীত দলীয় প্রণায় নির্বাচন হইলে রাজনীতির অশুভ প্রভাব বিচারপতিকে বিশেষভাবে প্রভাবান্বিত করিবে। সর্বোপরি বিচারপতির যে সকল গুণ অপরিহার্য বলিয়া গ্রহণ করা হইয়াছে জনসাধারণের নির্বাচিত বিচারপতি সেই গুণগুলির অধিকারী নাও হইতে পারে। কারণ গুণী ব্যক্তি জনপ্রিয় নাও হইতে পারে।

আইনসভা দ্বারা নিয়োগপদ্ধতিও অমুকপ দোষে ছুষ্ট। আইনসভা দ্বারা নির্বাচনে স্থানীয় স্বার্থ, দলীয় স্বার্থ, প্রভাবশালীদের চাপ প্রভৃতি বিচার-বিভাগের মূল উদ্দেশ্যকে সম্পূর্ণরূপে ধ্বংস করিবে।

উপরিউক্ত অনুবিধার জন্ত অনেকেই এই মত পোষণ করেন যে, বিচারকগণ শাসনবিভাগ দ্বারা নিযুক্ত হইলে অনেক পরিমাণে দোষযুক্ত হইতে পারিবে। অবশ্য, ল্যাক্সি এই পদ্ধতি প্রয়োগের পূর্বে কতকগুলি সাবধাশতা অবলম্বন করিবার জন্ত সুপারিশ করেন। তাঁহার মতে বিচার-বিভাগীয় মন্ত্রীর প্রস্তাব-

ক্রমে বিচারকদের নিয়োগ হওয়া বাঞ্ছনীয়। তবে বিচার-বিভাগীয় মন্ত্রীর প্রস্তাবকে বিচার-বিভাগীয় সর্বাধিক কার্যের প্রতিনিধিত্বমূলক বিচারকদের একটি কমিটির অনুমোদন করিয়া লওয়া বাঞ্ছনীয়। *

এই প্রসঙ্গে আরও কয়েকটি সতর্কতার উল্লেখ করা যাইতে পারে। শাসন বিভাগের কার্যে ব্যাপৃত কোন ব্যক্তিকে বিচারকের পদে নিয়োগ করা অসুচিত। কারণ ইহাতে যে ক্ষেত্রে শাসন বিভাগের স্বার্থ জড়িত থাকে সেই বিষয়ের বিচারে নিরপেক্ষতা বজায় রাখা অসম্ভব হইয়া পড়ে। আবার বিচারকগণের যদি কোন রাষ্ট্রনৈতিক পদে নিযুক্ত হইবার সম্ভাবনা থাকে তবে তাহার ভবিষ্যতে রাষ্ট্রনৈতিক পদপ্রাপ্তির আশায় শাসন বিভাগের পক্ষ সমর্থন করিয়া বিচারকার্য সম্পাদন করিবে। ফলে নিরপেক্ষতা রক্ষা পাইবে না।

(২) বিচারকগণের কার্যকাল (Judicial Tenure) : বিচার বিভাগের স্বাধীনতার জন্ত বিচারপতিগণের কার্যকালের স্থায়িত্ব বিশেষ প্রয়োজন। হামিলটন (Hamilton) বলেন যে, বিচারপতিগণের পদের স্থায়িত্ব সাম্প্রতিক সরকারী ব্যবস্থার অগ্রতম উৎকর্ষের নিদর্শক। রাজতান্ত্রিক শাসন-ব্যবস্থায় ইহা স্বৈরাচারের পথে বিরাট বাধাস্বরূপ; প্রজাতন্ত্রে ইহা জনপ্রতিনিধিদের আতিশয্য ও অত্যাচার রোধ করে। আমেরিকার অঙ্গরাজ্যে ও সুইজারল্যান্ডের ক্যান্টনে বিচারকদিগের কার্যকাল নির্দিষ্ট সময়ের মধ্যে সীমাবদ্ধ রাখা হয়। কিন্তু কাম্য ব্যবস্থা হইল অক্ষমতা ও অপরাধের কারণ ব্যতীত বিচারপতিদের অপসারণ করা উচিত নয়।

(৩) বিচারকগণের অপসারণ (Removal of Judges) : বিচারকগণের পদচ্যুতির পদ্ধতির উপরও বিচার বিভাগের স্বাধীনতা নির্ভরশীল। অক্ষমতা ও দুর্নীতির কারণ ছাড়া স্থায়ীভাবে নিযুক্ত বিচারকগণকে পদচ্যুত করা যায় না। কিন্তু অক্ষম ও দুর্নীতিপরায়ণ বিচারকের অপসারণ নিশ্চয়ই প্রয়োজন। কিন্তু এই অপসারণের জন্ত শাসন বিভাগকে এক বিশেষ পদ্ধতি অবলম্বন করিতে হইবে যাহাতে অত্র কোন চাপ এই কার্যকে প্রভাবিত না করিতে পারে। ইংল্যান্ডে পার্লামেন্টের উভয় কক্ষ হইতে উপরোক্ত অভিযোগের ভিত্তিতে রাজাকে অহরোধ জানাইলে

* "...to make appointments on the recommendation of the Minister of Justice, with the consent of a standing committee of the judges, which would represent all sides of their work."

বিচারককে রাণী বা রাজা পদচ্যুত করিতে পারেন। মার্কিন যুক্তরাষ্ট্রে ইম্পিচমেন্ট পদ্ধতিতে বিচারককে পদচ্যুত করা যায়। এই ইম্পিচমেন্ট পদ্ধতি অনুসারে কংগ্রেসের নিম্নতম কক্ষ বিচারপতির বিরুদ্ধে অভিযোগ আনয়ন করে। এই অভিযোগের বিচার করে উর্ধ্বতন কক্ষ। ভারতবর্ষে পার্লামেন্টের উভয় কক্ষের মোট সংখ্যাধিক্য এবং উপস্থিত ও ভোটদানকারী সদস্যগণের দুই-তৃতীয়াংশ যদি কোন বিচারপতির বিরুদ্ধে অভিযোগ আনয়ন করে তবে রাষ্ট্রপতি সংশ্লিষ্ট বিচারপতিকে পদচ্যুত করিতে পারেন। ল্যান্সি বলেন সপ্ততিতম বৎসর বয়সে বিচারপতির অবসর গ্রহণ করা উচিত। অবশ্য, নাতিশীতোষ্ণ দেশে আরও কম বয়সে বিচারপতিকে অবসর গ্রহণ করিতে হয়

(৪) বিচারপতিগণের বেতন ও ভাতা (*Salaries and Emoluments of Judges*) : নীতির দিক হইতে বিচারকগণের বেতন ও ভাতা এমন হওয়া উচিত যাহাতে শ্রেষ্ঠ আইনজ্ঞ এই দায়িত্ব গ্রহণ করিতে অস্বীকার না করে। বেতন কম হইলে অর্থাভাবে বিচারকগণ দুর্নীতির আশ্রয় গ্রহণ করিতে পারে। কার্যকাল, বেতন ও ভাতার হার বিশেষ পরিবর্তিত হওয়া উচিত নয়। কারণ বেতনের হার পরিবর্তনের আশঙ্কা তাহাদের নিরপেক্ষতা ও স্বাধীনতা নষ্ট করিতে পারে। আবার শাসন বিভাগের মঞ্জুরির উপরও এই বেতন ও ভাতা ছাড়িয়া দেওয়া সমীচীন নয়।

(৫) বিচার বিভাগের স্বতন্ত্রীকরণ (*Separation of Judiciary*) : বিচার বিভাগের স্বাধীনতা নির্ভর করে আইন বিভাগ ও শাসন বিভাগ হইতে বিচার বিভাগের স্বতন্ত্রীকরণের উপর। শাসন বিভাগের উপর যদি বিচার বিভাগের বেতন অহুমোদনের ভার অর্পিত হয় এবং বিচারকগণকে নিয়োগের ভার অর্পিত হয় অর্থাৎ শাসন বিভাগের উপর বিচার বিভাগকে নিয়ন্ত্রণ করিবার ভার অর্পিত হয়, তবে বিচার বিভাগের স্বাধীনতা লুপ্ত হইবে।

উপসংহারে বলা যায় যে, এই স্বতন্ত্রীকরণ, এই নিয়োগপদ্ধতি এবং অপসারণ পদ্ধতি সবই নির্ভর করে রাষ্ট্রিক কাঠামোর উপর। ধনতান্ত্রিক রাষ্ট্র ব্যবস্থায় ধনিক শ্রেণীই সরকারের এই তিনটি বিভাগ নিয়ন্ত্রিত করে। আবার বিচারকগণ যে বয়সে বিচারক হিসাবে নিযুক্ত হন, তাহাতে স্বভাবতঃই তাঁহারা রক্ষণশীল হইয়া থাকেন। আবার ল্যান্সি বলেন, বিচারপতিগণ উচ্চ শিক্ষা পান এবং যে শ্রেণী হইতে তাঁহারা আসেন তাহা উচ্চ ও মধ্যবিত্ত

শ্রেণী এবং যে পরিবেশে তাঁহারা বাস করেন তাহাতে প্রগতিশীল কোন মতবাদ তাঁহারা গ্রহণ করিতে পারেন না। আবার শ্রেণী-স্বার্থের রাষ্ট্রিক প্রকাশ হিসাবে যে আইন প্রণীত হয় তাহাকেই বিচারকগণ বলবৎ করেন অতএব শ্রেণী-স্বার্থের উদ্দেশ্যে উঠিয়া তাঁহারা কোনকিছুর চিন্তা করিতে পারেন না। এইদিক হইতে বলা যায় যে বিচার বিভাগও শ্রেণী-স্বার্থকে বলবৎ করিবার যন্ত্র বিশেষ। সরকারের এই তিনটি বিভাগের মৌলিক উদ্দেশ্য এক হওয়ায়—ইহাদের মধ্যে যে স্বতন্ত্রীকরণ করা হয় তাহাকে ক্ষমতার স্বতন্ত্রীকরণ বলা চলে না।

সার্বভৌম ও অ-সার্বভৌম আইনসভা (Sovereign and Non-Sovereign Law-making Bodies) : সার্বভৌম আইনসভা বলিতে বোঝায় এমন আইনসভা যাহা সকল প্রকার আইন প্রণয়ন করার ও সংশোধন করার চূড়ান্ত ক্ষমতাদিকারী। এককেন্দ্রিক রাষ্ট্রে সাধারণতঃ এই ধরনের আইনসভার অস্তিত্ব লক্ষ্য করা যায়। ব্রিটিশ পার্লামেন্ট হইল এইরূপ একটি আইনসভা। দেশের সকল আদালতই এই আইনসভার আইন প্রয়োগ করিতে বাধ্য। এককেন্দ্রিক রাষ্ট্রের এই আইনসভা শাসনতান্ত্রিক আইনেরও পরিবর্তন করিতে পারে।

অ-সার্বভৌম আইনসভার আইন প্রণয়ন ও সংশোধন করার ক্ষমতা শাসনতন্ত্র দ্বারা সীমাবদ্ধ হয়। যুক্তরাষ্ট্রের আইনসভাগুলি এই ধরনের অ-সার্বভৌম আইনসভা। শাসনতন্ত্রে ইহাদের জ্ঞা যে ক্ষমতা নির্দিষ্ট হইয়াছে সেই ক্ষমতা অতিক্রম করিয়া যদি এই আইনসভা কোন আইন প্রণয়ন বা সংশোধন করে তবে আদালত সেই আইনকে প্রয়োগ নাও করিতে পারে।

যুক্তরাষ্ট্র ছাড়া উপনিবেশের আইনসভাগুলিও অ-সার্বভৌম আইনসভা। ডাইগির মতে উপনিবেশের আইনসভাগুলি রেলওয়ে কোম্পানী বা স্থানীয় প্রতিষ্ঠানের পরায়ত্ত্বুক্ত। উপনিবেশের আইনসভার আইন প্রণয়নের ক্ষমতা সাম্রাজ্যের আইনসভা দ্বারা নির্দিষ্ট। কিন্তু জেনিংস বলেন যে, উপনিবেশের আইনসভাগুলি আইনই প্রণয়ন করে। ইহাদের রেলওয়ে কোম্পানীর সহিত তুলনা করিলে আইনের মূলনীতিকে অস্বীকার করিতে হয়। রেলওয়ে কোম্পানী যে আইন প্রণয়ন করে তাহাকে উপ-আইন (by-law) বলা যাইতে পারে। উপ-আইন আইন নহে; ইহা হইল অর্পিত ক্ষমতাবলে (delegated power) কোম্পানীর বিশেষজ্ঞগণ দ্বারা প্রণীত কোম্পানীর

খুঁটিনাটি বিষয়-সম্বন্ধীয় আইন। রেলওয়ে কোম্পানীর উপর পার্লামেন্ট যে ক্ষমতা অর্পণ করে তাহার বলেই রেলওয়ে এই আইন প্রণয়ন করে। রেলওয়ে কোম্পানী এই আইন প্রণয়নের ক্ষমতা আর কাহাকেও অর্পণ করিতে পারে না। কারণ, আইনের মূলনীতিই হইল অপিতক্ষমতা পুনরায় অর্পণ করা যায় না (*delegatus non potest delegare*)। কিন্তু উপনিবেশের আইনসভাগুলি যে ক্ষমতা ব্যবহার করে তাহা অপিত ক্ষমতা নহে। জেনিংস উপনিবেশের আইনসভাকে “সীমার মধ্যে সার্বভৌম” (*Sovereign within powers*) আইনসভা বলিয়া আখ্যায়িত করিয়াছেন। তাহার যুক্তি হইল সার্বভৌম আইনসভা যে সকল ক্ষমতা অর্পণ করে সেই অপিত ক্ষমতা বলে যে আইন প্রণীত হয় তাহা যদি অযৌক্তিক হয় তবে সার্বভৌম আইনসভা উক্ত আইনকে বাতিল করিতে পারে। কিন্তু উপনিবেশের আইনসভার আইন অযৌক্তিকতার জন্ত সার্বভৌম আইনসভা কর্তৃক বাতিল হইতে পারে না।

পরিশেষে বলা যায়, যুক্তরাষ্ট্রের আইনসভাগুলি এবং উপনিবেশের আইনসভাগুলি সার্বভৌম আইনসভা নয়; তবে ইহাদিগকে সীমার মধ্যে সার্বভৌম আইনসভা বলিয়া অভিহিত করা যায়।

সারসংক্ষেপ

সরকারের তিনটি স্বতন্ত্র বিভাগ আছে; যথা, ব্যবস্থা বিভাগ, শাসন বিভাগ ও বিচার বিভাগ।

ব্যবস্থা বিভাগ : এই বিভাগের দুইটি পরিষদও থাকিতে পারে আর একটি পরিষদও থাকিতে পারে। আইনসভার কার্যাবলী হইল : (১) আইন প্রণয়ন, (২) আলোচনা করা, (৩) অর্থ-বিষয়ক কার্য, (৪) শাসনবিষয়ক কার্য, (৫) বিচারবিষয়ক কার্য।

সকল সরকারী বিভাগগুলির মধ্যে এই বিভাগই বিশেষ গুরুত্বপূর্ণ, কারণ এই বিভাগই আইন প্রণয়ন করে অষ্টাশ্রয় বিভাগ তাহাকে বলবৎ করে।

একপরিষদী ও দ্বিপরিষদী এই দুইভাগে আইনসভাকে ভাগ করা যাইতে পারে। দ্বিপরিষদী আইনসভার অনেক ত্রুটি থাকিলেও বর্তমানে প্রায় সকল দেশেই দ্বিপরিষদীয় আইনসভা প্রচলিত আছে।

শাসন বিভাগ : শাসন বিভাগ আইনকে বলবৎ করে। এই বিভাগ রাষ্ট্রপ্রধান ও সরকারী কর্মচারীদের লইয়া গঠিত। এই বিভাগের কার্যাবলী হইল—(১) আভ্যন্তরীণ শাসন পরিচালনা করা, (২) পররাষ্ট্রসংক্রান্ত কার্য করা, (৩) যুদ্ধ পরিচালনা করা, (৪) অর্থ-সংক্রান্ত কার্য করা, (৫) আইনপ্রণয়ন-বিষয়ক কার্য করা, (৬) বিচার-বিষয়ক কার্য করা,

(৭) অস্তিত্ব কায করা। এই বিভাগ যদি নিরপেক্ষ না হয় তবে নাগরিকের ব্যক্তি-স্বাধীনতা বিপন্ন হইবে।

বিচার বিভাগ : বিচার বিভাগ বিচার করে এবং আইনকে প্রয়োগ করে। বিচার বিভাগের কার্যাবলী হইল : (১) আইনের ব্যাখ্যাও প্রয়োগ করা, (২) আইন সৃষ্টি করা, (৩) যুক্তরাষ্ট্রীয় শাসনতন্ত্রের অভিভাবকত্ব করা, (৪) শাসনবিভাগকে পরামর্শ দেওয়া এবং (৫) শাসনসংক্রান্ত কায করা।

বিচার বিভাগের স্বাধীনতার উপরই ব্যক্তি-স্বাধীনতার সংরক্ষণ নির্ভর করে। বিচার বিভাগের স্বাধীনতা নির্ভর করে—(ক) নিয়োগপদ্ধতির উপর, (খ) কাযকালের উপর, (গ) পদচ্যুতির উপর, (ঘ) বেতন ও ভাতার উপর, (ঙ) বিচার বিভাগের স্বতন্ত্রীকরণের উপর।

প্রশ্নাবলী

1. Explain the role of the judiciary in a modern State. Indicate the factors upon which the independence of the judiciary depends.

2. What are the political, administrative and legislative functions of the Executive ? (C. U. 1954)

3. Explain what do you understand by Non-Sovereign Law-making bodies.

4. Argue for and against Bicameralism.

5. Analyse the functions of the Executive in modern States.

6. How far would you agree with the view of Laski that "of all methods of (Judicial) appointments, that of election by the people at large is without exception the worst". Give reasons for your answer.

7. Discuss the Principles of organisation of the Judiciary in modern States.

অতিরিক্ত পাঠ্য

Garner—Political Science and Government.

Laski—Grammar of Politics.

সপ্তদশ অধ্যায়

সরকারের বিভিন্ন রূপ

(Forms of Government)

প্রত্যেকটি রাষ্ট্র একই উপাদানে গঠিত বলিয়া রাষ্ট্রের শ্রেণীবিভাগ করা সম্ভব নয়। অবশ্য, অনেক সময় বাহ্য বৈসাদৃশ্যের ভিত্তিতে রাষ্ট্রের শ্রেণী-বিভাগের প্রচেষ্টা হইয়াছে ; যেমন বৃহৎ রাষ্ট্র, ক্ষুদ্র রাষ্ট্র, ধনশালী রাষ্ট্র, শক্তিশালী রাষ্ট্র ও দুর্বল রাষ্ট্র প্রভৃতির তারতম্য অনুসারে রাষ্ট্রের শ্রেণীবিভাগের প্রচেষ্টা হইয়াছে ; কিন্তু, এই প্রচেষ্টা ফলবতী হয় নাই। আবার রাষ্ট্রবিজ্ঞানীদের মধ্যে কেহ কেহ রাষ্ট্রের শ্রেণীবিভাগ না করিয়া সরকারের শ্রেণীবিভাগ করিতে চান। কিন্তু সকল দেশের সরকারের কর্তব্য এক হওয়ায় অর্থাৎ আইন প্রণয়ন, শাসন পরিচালনা, বিচার-ব্যবস্থা প্রভৃতির মধ্যে সাদৃশ্য থাকায় সরকারের শ্রেণী-বিভাগ করাও যুক্তি যুক্ত নয় বলিয়া অনেকে মনে করেন। কিন্তু বিভিন্ন দেশের সরকারের প্রকারভেদ দেখা যায়।

বস্তুতঃ, উপরিউক্ত দুইটি মতবাদেরই যৌক্তিকতা রহিয়াছে। রাষ্ট্রবিজ্ঞানের ইতিহাসে দুইটি মতবাদ অনুসারেই রাষ্ট্র ও সরকারের শ্রেণীবিভাগ করার সন্ধান পাওয়া যায়। অতএব পৃথকভাবে রাষ্ট্রের শ্রেণীবিভাগ এবং একই শ্রেণীবিভাগের মধ্যে রাষ্ট্র ও সরকারের বৈশিষ্ট্যানুযায়ী শ্রেণীবিভাগের প্রয়োজনীয়তা রহিয়াছে।

এয়ারিস্টটলের শ্রেণীবিভাগ : রাষ্ট্র ও সরকারের শ্রেণীবিভাগের ইতিহাস এয়ারিস্টটলের সুপ্রসিদ্ধ পলিটিক্‌স্ (Politics) হইতে শুরু হইয়াছে। এয়ারিস্টটল রাষ্ট্র ও সরকারের মধ্যে কোন পার্থক্যের নির্দেশ করেন নাই। তিনি সরকারের গঠনের দিকে দৃষ্টি রাখিয়া রাষ্ট্রের শ্রেণীবিভাগ করিয়াছেন। এয়ারিস্টটল তিনটি স্বত্ব ধরিয়া গ্রীক নগর-রাষ্ট্রের শ্রেণীবিভাগ করিয়াছেন। এই তিনটি স্বত্ব হইল—(১) সার্বভৌম ক্ষমতার ব্যবহার-কারীর সংখ্যা, (২) স্বাভাবিক রূপ অর্থাৎ, জনকল্যাণের উদ্দেশ্যে যে শাসন-ব্যবস্থা পরিচালিত হয়, (৩) বিকৃত রূপ অর্থাৎ, যেগুলি শাসকশ্রেণীর

স্বার্থের উদ্দেশে পরিচালিত হয়। নিম্নলিখিতভাবে এয়ারিস্টটল রাষ্ট্র ও সরকারের শ্রেণীবিভাগ করিয়াছেন :

সার্বভৌমের সংখ্যা	স্বাভাবিক রূপ	বিকৃত রূপ
একজনের শাসন (Government of one)	রাজতন্ত্র (Monarchy)	বৈরতন্ত্র (Tyranny or Despotism)
কতিপয় লোকের শাসন (Government of the Few)	অভিজাততন্ত্র (Aristocracy)	ধনিকতন্ত্র বা মুখ্যতন্ত্র (Oligarchy)
বহুজনের শাসন (Government of the Many)	গণতন্ত্র (Polity)	জনতাতন্ত্র (Democracy or Mobocracy)

সমালোচনা : প্রথমতঃ, সমালোচকগণের মতে এয়ারিস্টটল প্রদত্ত শ্রেণীবিভাগ বর্তমান যুগে সম্পূর্ণ অচল। কারণ, তিনি শুধু গ্রীক নগর-রাষ্ট্রের পরিপ্রেক্ষিতেই রাষ্ট্রের শ্রেণীবিভাগ করিয়াছিলেন। বর্তমানের বৃহদায়তন রাষ্ট্রের পরিপ্রেক্ষিতে এয়ারিস্টটলের শ্রেণীবিভাগ গ্রহণযোগ্য নয়। স্ট্রংকে (Strong) অহুসরণ করিয়া বলা যায় যে, এয়ারিস্টটল যে ‘রাজতন্ত্র’ শব্দটি ব্যবহার করিয়াছিলেন তাহা বর্তমানের রাজতান্ত্রিক রাষ্ট্রের স্বরূপ বিশ্লেষণ করিতে পারে না; কারণ, বর্তমানের রাজতান্ত্রিক রাষ্ট্র বলিতে বোঝায় নিয়মতান্ত্রিক রাজতন্ত্র অথবা গণতন্ত্র ও রাজতন্ত্রের সংমিশ্রণে গঠিত এক প্রকারের রাষ্ট্র। আরও বলা হয় যে, আধুনিক সরকারের প্রকৃতিই হইল মিশ্র প্রকৃতি। আবার এয়ারিস্টটলের রাজতান্ত্রিক শাসন-ব্যবস্থা কল্যাণের মস্ত্রে দীক্ষিত। কিন্তু বর্তমানের সকল রাজতান্ত্রিক শাসন-ব্যবস্থাই কল্যাণের মস্ত্রে দীক্ষিত নয়। এয়ারিস্টটল অবশ্য, ক্ষুদ্র ক্ষুদ্র গ্রীক নগর-রাষ্ট্রের কাঠামোর ভিত্তিতেই রাষ্ট্রের শ্রেণীবিভাগ করিয়াছেন। ইতিহাসের

এয়ারিস্টটলেন
শ্রেণীবিভাগ ও
বর্তমান ধারণা

বিবর্তনে যে রাষ্ট্রচরিত্র পরিবর্তিত হইয়াছে তাহাকে স্বীকার করিয়া লইলে এয়ারিস্টটলের শ্রেণীবিভাগকে সম্পূর্ণ ভ্রান্ত বলা যায় না। এয়ারিস্টটলের আ্মলের গণতান্ত্রিক রাষ্ট্রের কাঠামো আর বর্তমানের গণতান্ত্রিক রাষ্ট্রের কাঠামো মূলতঃ একই প্রকৃতির। জেলিনেক, বার্জেস, ব্রুন্টস্‌লি প্রমুখ এয়ারিস্টটলের শ্রেণীবিভাগকে সম্পূর্ণ উপেক্ষা করেন নাই। তাঁহাদের মতে,

রাজতন্ত্র, অভিজাততন্ত্র ও গণতন্ত্রই আধুনিক রাষ্ট্রের শ্রেণীবিভাগ। অবশ্য বলা হয় যে, গণতন্ত্র বলিতে বর্তমানে কোন বিশেষ ধরনের রাষ্ট্র বোঝায় না। ইংল্যান্ডের মতো রাজতান্ত্রিক রাষ্ট্রে পার্লামেন্টীয় ধরনের গণতন্ত্র যে চালু থাকিতে পারে তাহার সম্ভাবনা এয়ারিস্টটলের শ্রেণীবিভাগে পাওয়া যায় না। আবার শাসনক্ষমতার আঞ্চলিক বন্টনের ভিত্তিতে যুক্তরাষ্ট্রীয় ও এককেন্দ্রিক সরকারের মধ্যে যে পার্থক্য করা সম্ভব তাহারও ইঙ্গিত এয়ারিস্টটলের শ্রেণী-বিভাগে পাওয়া যায় না।

দ্বিতীয়তঃ, এয়ারিস্টটল রাষ্ট্র ও সরকারের মধ্যে কোন পার্থক্য করেন নাই। তিনি যে শ্রেণীবিভাগ করিয়াছেন তাহাতে শাসনপদ্ধতিকেই রাষ্ট্র-প্রকৃতির শ্রেষ্ঠ পরিচয় হিসাবে গ্রহণ করা হইয়াছে।

তৃতীয়তঃ, এয়ারিস্টটলের শ্রেণীবিভাগ সংখ্যানীতির উপর প্রতিষ্ঠিত। কিন্তু তিনি প্রকৃতিগত বৈশিষ্ট্যের উপর গুরুত্ব আরোপ করেন নাই। তাহার স্বাভাবিক ও বিকৃত রূপ অহুসারে রাষ্ট্রের যে প্রকৃতি উল্লিখিত হইয়াছে তাহা বর্তমান কালের দৃষ্টিকোণ হইতে মূল্যহীন।

চতুর্থতঃ, এয়ারিস্টটল যে গণতন্ত্রের কথা বলিয়াছেন তাহা প্রত্যক্ষ আর বর্তমানের গণতন্ত্র পরোক্ষ।

উপসংহারে বলা যায়, এয়ারিস্টটলের শ্রেণীবিভাগের দোষত্রুটি থাকা সত্ত্বেও এই শ্রেণীবিভাগ যে রাষ্ট্র চিন্তাক্ষেত্রে তাহার এক গুরুত্বপূর্ণ অবদান তাহা অস্বীকার করার উপায় নাই।

রাষ্ট্রের অন্যান্য শ্রেণীবিভাগ (Other Classifications of the States) : পরবর্তীকালে ব্লুন্টসলি, জেলিনেক ও বার্জেস প্রমুখ লেখকগণ এয়ারিস্টটলের সংখ্যানীতির ভিত্তিতে রাষ্ট্রের শ্রেণীবিভাগ করায় এবং রাষ্ট্র ও সরকারের মধ্যে পার্থক্যের নির্দেশ না করায় এই সকল লেখকগণের শ্রেণীবিভাগও বিজ্ঞান সম্মত হয় নাই।


পূর্বেই বলা হইয়াছে, সকল রাষ্ট্রের উপাদান এক হওয়ায় বিভিন্ন রাষ্ট্রের মধ্যে পার্থক্যের ভিত্তিতে রাষ্ট্রের শ্রেণীবিভাগ করা সম্ভব নয়। রাষ্ট্রের শ্রেণীবিভাগ করা যায় বিভিন্ন রাষ্ট্রের বিভিন্ন প্রকৃতির সরকারের গঠনগত বৈশিষ্ট্যের ভিত্তিতে। গেটেল বলেন, যে সরকারের বিভিন্ন রূপের মধ্যে সাদৃশ্য ও বৈসাদৃশ্যের ভিত্তিতে সর্বাপেক্ষা সন্তোষজনক শ্রেণীবিভাগ করা যায় (“the most satisfactory classification is based on the similarities

and differences of Governmental forms.”)। কারণ, একমাত্র সরকারের বিভিন্ন রূপ অনুসারেই রাষ্ট্রের মধ্যে পার্থক্য নির্দেশ করা যায়। কিন্তু এইভাবে শ্রেণীবিভাগ করিলে তাহা রাষ্ট্রের শ্রেণীবিভাগ হইবে না, তাহা হইবে সরকারের শ্রেণীবিভাগ। বর্তমান আলোচনা সরকারের শ্রেণীবিভাগের মধ্যেই সীমাবদ্ধ হইবে।

সরকারের শ্রেণীবিভাগ (Classification of Governments) :

সরকারের আধুনিক শ্রেণীবিভাগের সন্ধান পাওয়া যায় ম্যারিয়ট (J. A. R. Marriot) এবং ডাঃ লিককের (Dr. Stephen Leacock) লেখার মধ্যে। ম্যারিয়ট এয়ারিস্টটলের শ্রেণীবিভাগকে মৌলিক বলিয়া গ্রহণ করিয়া তাহাকে আধুনিক কালোপযোগী করিবার জন্ত দুইটি নীতি অনুসরণ করেন : (১) শাসন-ক্ষমতায় আঞ্চলিক বণ্টননীতি (Territorial Distribution) ; (২) শাসন বিভাগ ও আইন বিভাগের সম্পর্কনীতি। প্রথম নীতি অনুসারে সরকারকে যুক্ত-রাষ্ট্রীয় ও এককেন্দ্রিক—এই দুইভাগে ভাগ করা হয়। আর দ্বিতীয় নীতি অনুসারে সরকারকে পার্লামেন্টীয় ও রাষ্ট্রপতি-শাসিত—এই দুইভাগে ভাগ করা যায়।

ডাঃ লিককু, ম্যারিয়টকে অনুসরণ করিয়া, ম্যারিয়টের শ্রেণীবিভাগকে আরও স্পষ্ট করিয়া যে শ্রেণীবিভাগ করেন তাহাকে নিম্নলিখিতভাবে সাজানো যায় :




লিককের শ্রেণীবিভাগে দেখা যায় যে তিনি যুক্তরাষ্ট্রীয় ও এককেন্দ্রিক সরকারকে গণতান্ত্রিক শাসন-ব্যবস্থার অন্তর্ভুক্ত করিয়াছেন। আবার একনায়কত্বে যে যুক্তরাষ্ট্রীয় শাসন-ব্যবস্থা প্রতিষ্ঠিত হইতে পারে তাহার উল্লেখ তিনি করেন নাই। এতদ্ব্যতীত অভিজাত-তন্ত্রের যে রূপ সামরিক চক্রীদল (Clique or Junta) কর্তৃক শাসনভার করায়ত্ত করার মধ্যে বর্তমানে প্রকাশ পায় তাহারও উল্লেখ তিনি করেন নাই। এই ত্রুটি-বিচ্যুতির সংশোধন করিয়া নিম্নলিখিতভাবে সরকারের শ্রেণীবিভাগকে সাজানো যায় :

এই শ্রেণীবিভাগ অনুসারে আধুনিক রাষ্ট্রকে প্রথমতঃ স্বৈরতন্ত্র, একনায়কত্ব ও গণতন্ত্র এই তিনভাগে ভাগ করা হইয়াছে।* তারপর আবার এই তিন বিভাগকে বিভিন্ন শ্রেণীতে বিভক্ত করা হইয়াছে। আধুনিক শ্রেণীবিভাগেতে প্রধানতঃ তিনটি নীতির উপর নির্ভর করা হইয়াছে; যথা (১) সার্বভৌম ক্ষমতার ব্যবহারকারীর সংখ্যানীতি, () রাষ্ট্রক্ষমতার পৃথকীকরণ নীতি, এবং (৩) শাসন-ক্ষমতাব আঞ্চলিক বণ্টননীতি। নিয়ে রাষ্ট্র ও সরকারের প্রাচীন ও আধুনিক শ্রেণীবিভাগের গুরুত্বপূর্ণ বিভাগগুলি সম্বন্ধে আলোচনা করা হইল :

রাজতান্ত্রিক স্বেচ্ছাতন্ত্র

ফরাসীরাজ চতুর্দশ লুই-এর একটি উক্তি দিয়া রাজতান্ত্রিক স্বেচ্ছাতন্ত্রের আলোচনা করিতে হয়। তিনি বলিয়াছিলেন : “আমিই রাষ্ট্র” (“I am the State”)। রাজতান্ত্রিক রাষ্ট্রের বৈশিষ্ট্য হইল : (১) রাষ্ট্রের সম্পূর্ণ শাসন-ভার হস্ত থাকে একজন রাজার উপর ; (২) তিনি উত্তরাধিকার স্বত্রে এই শাসন-ক্ষমতা অধিকার করেন ; এবং (৩) তাঁহার আদেশই আইন। তিনিই সকল ক্ষমতার একমাত্র অধিকারী। রাজতন্ত্র প্রকৃতপক্ষে একনায়কত্ব। কিন্তু সকল একনায়কত্বে উত্তরাধিকারস্বত্রে ক্ষমতা হস্তান্তরিত হয় না।

আবার রাজতান্ত্রিক শাসন-ব্যবস্থাকে তিন শ্রেণীতে বিভক্ত করা যায় ; যথা, (১) রাজতান্ত্রিক স্বেচ্ছাতন্ত্র বা (২) নির্বাচিত রাজতন্ত্র এবং (৩) নিয়ম তান্ত্রিক রাজতন্ত্র। উদাহরণস্বরূপ বলা যায় নেপালের রাজতন্ত্রকে রাজতান্ত্রিক স্বেচ্ছাতন্ত্র বলা যায়। আর ইংল্যান্ডের রাজতন্ত্রকে বলা হয় নিয়মতান্ত্রিক বা



সসীম রাজতন্ত্র। প্রাচীন ভারতবর্ষে, রোমে ও পোল্যান্ডে নির্বাচিত রাজতন্ত্রের উদাহরণ পাওয়া যায়।

রাজতন্ত্রের গুণাগুণ (Merits and Defects of Absolute Monarchy) : রাজতন্ত্রকে যে তিনটিভাগে বিভক্ত করা হইল তাহার মধ্যে চরম রাজতন্ত্র বা রাজতান্ত্রিক স্বৈচ্ছাতন্ত্র ছাড়া অগ্রাভ রাজতান্ত্রিক শাসন-ব্যবস্থা গণতন্ত্রেরই নামান্তর। কারণ ইহাতে রাজা হয় জনসাধারণ কর্তৃক নির্বাচিত হয়, নচেৎ তাঁহার ক্ষমতাকে সীমাবদ্ধ করা হয়। কিন্তু উত্তরাধিকারস্বত্রে প্রাপ্ত রাজতন্ত্রে রাজা চরম ক্ষমতার অধিকারী হয় এবং ইচ্ছা করিলে রাজা স্বৈচ্ছাতন্ত্র প্রতিষ্ঠা করিতে পারে। এই চরম রাজতন্ত্রের গুণাগুণ নিয়ে লিপিবদ্ধ হইল :

(১) চরম রাজতন্ত্রের স্বপক্ষে যুক্তি হইল, সমাজ একদিনেই সুসভ্য হয় নাই। সমাজকে সভ্য করিবার জন্ত প্রয়োজন ছিল শৃঙ্খলা ও আনুগত্য। বর্বরসুলভ স্বৈচ্ছাচারিতার যুগে রাজতন্ত্র মানুষকে আহুগত্য ও শৃঙ্খলা-পরায়ণতার শিক্ষায় শিক্ষিত করিয়া সুসংবদ্ধ সমাজজীবন গড়িয়া তুলিতে যথেষ্ট সহায়তা করিয়াছে। তাই জন স্টুয়ার্ট মিল বর্বরদের জন্ত রাজতন্ত্রকেই উপযুক্ত শাসন-ব্যবস্থারূপে গণ্য করিয়াছিলেন। আবার রাজাকে ঈশ্বরের প্রতিনিধি হিসাবে গণ্য করার জন্মই সভ্যতার প্রাথমিকস্তরে আহুগত্য শিক্ষায় শিক্ষিত করিতে সহজতর হইয়াছিল। ব্যক্তিত্বসম্পন্ন রাজা জনগণের মনে ভয়মিশ্রিত শ্রদ্ধার ভাব উদ্বেক করিয়া বর্বর মানুষকে সুসভ্য করিতে সহায়তা করিয়াছে।

আবার জাতীয় রাজতন্ত্র (National Monarchy) জাতীয় ভাবের সৃষ্টি করিয়া যে সমাজের প্রভূত সংস্কার সাধন করিতে সক্ষম হয় তাহার সন্ধান পাওয়া যায় সপ্তদশ ও অষ্টাদশ শতাব্দীতে রাজতন্ত্রের অধীনে ইউরোপের সংস্কারের মধ্যে।

(২) ট্রিটস্কে রাজতন্ত্রকে সমর্থন করেন এই কারণে যে, রাজতান্ত্রিক শাসন-ব্যবস্থা সাধারণতঃ সরল হয় এবং শাসননীতি ও শাসনকার্য পরিচালনায় ঐক্য বজায় থাকে।

কিন্তু এই সকল গুণ থাকা সত্ত্বেও রাজা যখন উত্তরাধিকারস্বত্রে সিংহাসন অধিকার করেন তখন নিশ্চয় করিয়া বলা যায় না যে, রাজা সুযোগ্যভাবে শাসন-ব্যবস্থা পরিচালনা করিতে পারিবেন। আবার রাজা ইচ্ছা করিলে

স্বচ্ছাচারীও হইতে পারে, কারণ তাঁহার ক্ষমতাকে নিয়ন্ত্রিত করার মতো অস্ত্র কোন ক্ষমতা নাই।

সর্বশেষে বলা যায়, রাজতান্ত্রিক শাসনব্যবস্থায় প্রজাসাধারণ শাসনকার্যে অংশগ্রহণ করিয়া রাষ্ট্রনৈতিক শিক্ষায় শিক্ষিত হইতে পারে না। এই কারণে আধুনিক রাষ্ট্রনৈতিক আদর্শের দিক হইতে রাজতন্ত্রকে সমর্থন করা যায় না।

সারসংক্ষেপ

পরবর্তী—অধ্যায়ের শেষে দ্রষ্টব্য

প্রস্তাবনী

পরবর্তী—অধ্যায়ের শেষে দ্রষ্টব্য

অতিরিক্ত পাঠ্য

Garner—Political Science and Government.

অষ্টাদশ অধ্যায়

গণতন্ত্র ও একনায়কতন্ত্র

(Democracy and Dictatorship)

গণতন্ত্র কাকে বলে? : রাষ্ট্র ও সরকারের শ্রেণীবিভাগের মধ্যে গণতন্ত্রকে একটি উল্লেখযোগ্য স্থান দেওয়া হইয়াছে। গণতন্ত্র বলিতে গণতন্ত্রের সংজ্ঞা শুধু সরকারের রূপ বা গণতান্ত্রিক শাসন-ব্যবস্থাই বোঝায় না। গণতন্ত্র বলিতে বোঝায় সামগ্রিক সমাজ জীবনের একটি বিশিষ্ট রূপ, রাষ্ট্রের একটি স্বতন্ত্র রূপ এবং শাসন-ব্যবস্থার একটি বিশিষ্ট রূপ। আবার একটি বিশিষ্ট দৃষ্টিভঙ্গীতে গণতন্ত্র হইল একটি জীবনদর্শন। বর্তমানে গণতন্ত্র বলিতে একটি অর্থব্যবস্থাকেও বোঝানো হয়। তাহা হইলে গণতন্ত্র হইল একটি মহৎ আদর্শ, একটি বিশেষ সমাজ-চেতনা, একটি বিশেষ ধরনের জীবনধারণ পদ্ধতি।

আবার সকল রাষ্ট্রনৈতিক ও সামাজিক মতবাদেই যুগধর্ম প্রতিকলিত হয়। প্রাচীন গ্রীসীয় সভ্যতার যুগ হইতে সুরু করিয়া বর্তমান যুগ পর্যন্ত বিভিন্ন যুগের ধ্যান-ধারণা, বিভিন্ন যুগের সামাজিক চরিত্র (১) গণতান্ত্রিক সমাজ ‘গণতন্ত্রের মধ্যে প্রতিকলিত হওয়ায় গণতন্ত্র সম্বন্ধে ধারণাটি অস্পষ্ট হইয়া উঠিয়াছে। সামাজিক দৃষ্টিকোণ হইতে গণতন্ত্রের অর্থ দাঁড়ায় এমন এক সমাজ-ব্যবস্থা যাহা সাম্যের ভিত্তির উপর প্রতিষ্ঠিত। এই সমাজব্যবস্থায় প্রতিষ্ঠিত হয় অর্থনৈতিক সাম্য, সামাজিক সাম্য ও রাজনৈতিক সাম্য। এইরূপ সমাজ-ব্যবস্থাকে বলা হয় গণতান্ত্রিক সমাজ (Democratic Society)।

উপরিউক্ত আলোচনায় যে রাষ্ট্রনৈতিক সাম্যের কথা বলা হইয়াছে, তাহার দ্বারা বোঝায় প্রত্যেকটি লোকের সমান রাষ্ট্রনৈতিক অধিকারের স্বীকৃতি। এই অধিকার স্বীকৃত হইলে রাষ্ট্রের উপর (২) গণতান্ত্রিক রাষ্ট্র জনগণের কর্তৃত্ব বজায় থাকে। রুশো যে গণতন্ত্রের কথা বলিয়াছিলেন তাহা এই ধরনের গণতন্ত্র। তাহার মতে সার্বভৌম সাধারণের ইচ্ছায় পরিচালিত যে-কোন রাষ্ট্রকেই গণতান্ত্রিক রাষ্ট্র বলা যাইতে পারে।

গণতান্ত্রিক রাষ্ট্রের রাষ্ট্র-কাঠামো বিশ্লেষণ করিলে দেখা যায় যে, রাষ্ট্রের সার্বভৌম ক্ষমতা শুধু থাকে জনসাধারণের হস্তে। অতএব জনগণ তাহাদের ইচ্ছামুসারে যে-কোন প্রকারের সরকার গঠন করিতে পারে। এই কারণেই গণতান্ত্রিক রাষ্ট্রে নির্বাচিত রাজতন্ত্র, নিয়মতান্ত্রিক রাজতন্ত্র (ইংল্যান্ড), অভিজাত তান্ত্রিক শাসন-ব্যবস্থার সন্ধান পাওয়া যায়। তবে গণতান্ত্রিক রাষ্ট্রে “জনগণের শাসন” (Rule of the people) প্রতিষ্ঠিত হইবে। ইহার অর্থ জনগণ রাষ্ট্রকর্তৃত্বের অধিকারী হইবে। অবশ্য, বলা হয় যে, গণতান্ত্রিক রাষ্ট্রে যেহেতু যে-কোন প্রকার সরকার গঠিত হইতে পারে সেইহেতু গণতান্ত্রিক রাষ্ট্রে “জনগণের দ্বারা শাসন” (Rule by the people)

(৩) গণতান্ত্রিক
সরকার

নাও হইতে পারে। কিন্তু গণতন্ত্রের অর্থকে আব্রাহাম

লিংকনের ভাষায় এইভাবে প্রকাশ করা হয় : গণতন্ত্র

হইল জনগণের সরকার, জনগণের দ্বারা পরিচালিত সরকার এবং জনগণের কল্যাণের জন্ত সরকার (“Government of the people, by the people, and for the people”)। এখানে একটি বিষয় উল্লেখ করা প্রয়োজন যে, আব্রাহাম লিংকনের যে সংজ্ঞা তাহা গণতান্ত্রিক সরকারের ক্ষেত্রে প্রযোজ্য। কিন্তু গণতান্ত্রিক রাষ্ট্র আর গণতান্ত্রিক সরকার এক নয়। একটি উদাহরণ দিলে বিষয়টি স্পষ্ট হইবে। ইংল্যান্ডের রাজতান্ত্রিক শাসন-ব্যবস্থায় জনগণের হস্তে ক্ষমতা অর্পিত হইয়াছে এইজন্য রাষ্ট্রকে গণতান্ত্রিক বলা যাইতে পারে ; কিন্তু, শাসন-ব্যবস্থা রাজতান্ত্রিক।

আবার অনেকে সমাজ, রাষ্ট্র ও সরকারের ক্ষেত্রে গণতন্ত্রের কথা ছাড়া শিল্পক্ষেত্রেও গণতন্ত্রের কথা (Industrial Democracy) বলিয়া থাকেন। ইহার অর্থ হইল শ্রমিক যেহেতু ধনোৎপাদনের মূল উৎস সেইহেতু খনি, কারখানা প্রভৃতির মালিক হইবে শ্রমজীবী জনসাধারণ। আর উৎপাদন, বন্টন ও বিনিময়ের ভার তাহাদের উপরেই গ্রস্ত করা উচিত। বলা বাহুল্য, অর্থনৈতিক ক্ষেত্রে যদি সাম্য প্রতিষ্ঠিত হয়, তবে সমাজে ধনি-নিধনের বৈষম্য তিরোহিত হইবে এবং এক অর্থনৈতিক গণতন্ত্র (Economic Democracy) প্রতিষ্ঠিত হইবে।

গণতান্ত্রিক শাসন-ব্যবস্থা (Democratic Government) : গণতান্ত্রিক শাসন-ব্যবস্থা সম্বন্ধে বিভিন্ন রাষ্ট্রবিজ্ঞানী বিভিন্ন সংজ্ঞার নির্দেশ দিয়াছেন। লর্ড ব্রাইস বলেন, গণতান্ত্রিক সরকার হইল, “সেই সরকার যেখানে

যোগ্যতাসম্পন্ন নাগরিকদের অধিকাংশের শাসন বর্তমান ; এই যোগ্যতা-সম্পন্ন নাগরিকদের সংখ্যা আবার কমপক্ষে অধিবাসীদের তিন-চতুর্থাংশের সমান হওয়া প্রয়োজন। নাগরিকদের বাহবল এবং ভোটের অধিকার মোটামুটি সমপরিমাণ হইতে হইবে।” আব্রাহাম লিঙ্কন বলিয়াছিলেন জনসাধারণের সরকার (Government of the People) গঠিত হইবে ; জনগণের দ্বারাই (By the People) এই সরকার গঠিত হইবে এবং জনসাধারণের কল্যাণের জন্তই (For the People) এই সরকার গঠিত হইবে। রুশো ও গণতন্ত্রের সংজ্ঞা নিরূপণকালে বলিয়াছিলেন গণতন্ত্রে রাষ্ট্রের সার্বভৌমিকতায় সকলের প্রবেশাধিকার স্বীকৃত হইবে। রুশো ও আব্রাহাম লিঙ্কনের সংজ্ঞাহুসারে দেখা যায় রাষ্ট্রের সার্বভৌমিকতা জনসাধারণের হস্তগত হইবে। লর্ড ব্রাইসও অমুরূপভাবে অধিবাসীদের বৃহত্তর সংখ্যা অর্থাৎ ৬ অংশের শাসন প্রতিষ্ঠা করিতে চাহিয়াছিলেন। এই সকল সংজ্ঞা হইতে গণতন্ত্রের যে সকল বৈশিষ্ট্য পাওয়া যায় তাহা নিয়ে দেওয়া গেল :

গণতন্ত্রের বৈশিষ্ট্য (Characteristics of Democracy) : (১) গণ-তান্ত্রিক শাসন-ব্যবস্থা সকলের মতামতের উপর প্রতিষ্ঠিত হইবে (Resting on public opinion)।

“ (২) গণতান্ত্রিক সরকার বলিতে বোঝায় যোগ্যতাসম্পন্ন নাগরিকদের সংখ্যাগরিষ্ঠের শাসন।

(৩) স্বীকার করিয়া লওয়া হইয়াছে যে, রাষ্ট্রের সকল অধিবাসীর নাগরিক হইবার যোগ্যতা থাকিতে পারে না।

(৪) সমগ্র অধিবাসীর তিন-চতুর্থাংশের যোগ্য হইতে হইবে।

(৫) রাষ্ট্রের সার্বভৌম ক্ষমতা জনগণের হস্তে থাকিতে হইবে।

(৬) প্রত্যেক নাগরিকের রাষ্ট্র পরিচালনায় অংশগ্রহণ করিতে হইবে এবং ইহাকে কার্যকর করার সুযোগ দিতে হইবে।

(৭) বার্নস বলেন যে, গণতন্ত্রে প্রত্যেকেই সমাজের অচ্ছেদ্য ও অপরিবর্তনীয় অংশ। ইহা হইল সমান মানুষের সমাজ।

(৮) গণতন্ত্র শক্তির উপর প্রতিষ্ঠিত নয় অবশ্য, কিন্তু শক্তি প্রয়োগ নিষিদ্ধও নয়। শক্তি প্রয়োগ করা হইবে শুধু সামগ্রিক স্বার্থকে বজায় রাখিবার জন্ত। এখানে ব্যক্তির স্বার্থ ও স্বাধীনতা স্বীকৃত হয় বটে, তবে তাহা সমষ্টিগত স্বার্থ ও স্বাধীনতার অঙ্গীভূত হইয়াই মূর্ত হইয়া উঠে।

গণতান্ত্রিক সমাজের বিভিন্ন রূপ (Forms of Democratic Government) : গণতান্ত্রিক সরকারকে প্রধানত: দুই শ্রেণীতে বিভক্ত করা যায় ; বলা, (ক) প্রত্যক্ষ গণতন্ত্র, (খ) পরোক্ষ গণতন্ত্র ।

(ক) প্রত্যক্ষ গণতন্ত্র (Direct Democracy) : প্রত্যক্ষ গণতন্ত্র বলিতে বোঝায় নাগরিকগণের প্রত্যক্ষভাবে অংশগ্রহণের মধ্য দিয়া শাসনকার্য পরিচালনা করা । প্রাচীন গ্রীক নগর-রাষ্ট্রে প্রত্যক্ষ গণতন্ত্র প্রচলিত ছিল । এইরূপ শাসন-ব্যবস্থায় নাগরিকগণ একত্রে মিলিত হইয়া আইন প্রণয়ন করে, আইনকে কার্যকর করে এবং আইনভঙ্গকারীর বিচার করে । এইরূপ শাসন-ব্যবস্থা বর্তমানে বিরল ; কারণ, বর্তমানের বৃহদায়তন রাষ্ট্রের কোটি কোটি জনসমষ্টিকে একত্র কোথাও মিলিত করিয়া আইন প্রণয়ন, প্রণীত আইনকে বলবৎকরণ এবং আইনভঙ্গকারীর বিচার করা সম্ভব নয় । অবশ্য, বর্তমানে সুইজারল্যান্ডের কোন কোন ক্ষুদ্রাকৃতি ক্যান্টনে (Cantons) এবং মার্কিন যুক্তরাষ্ট্রের কয়েকটি স্থানীয় সরকারের পরিচালনায় এই ব্যবস্থা প্রচলিত আছে ।

পরিশেষে বলা যায়, বর্তমানে কোটি কোটি জনসমষ্টি-বিশিষ্ট রাষ্ট্রে প্রত্যক্ষ গণতান্ত্রিক ব্যবস্থাকে কার্যকর করা সম্ভব না হইলেও ‘গণভোট,’ ‘গণউল্লেখ’ ও ‘পদচ্যুতির’ মতো কতকগুলি ব্যবস্থার দ্বারা প্রত্যক্ষ গণতন্ত্রের সুফল লাভ করিবার প্রচেষ্টা চলিতেছে । প্রত্যক্ষ গণতন্ত্রের সারকথা হইল প্রত্যক্ষভাবে সরকারকে নিয়ন্ত্রণ করিবার সম্ভাব্য

ক্ষমতা জনসাধারণের হস্তে অর্পিত হইবে । ‘গণভোট,’ ‘গণউল্লেখ’ ও ‘পদচ্যুতি’র মতো অধিকার যদি শাসনতন্ত্র দ্বারা স্বীকৃত হইয়া শাসন-ব্যবস্থাকে জনসাধারণের নিয়ন্ত্রনাধীনে আনয়ন করা যায় তবে তাহাকে প্রত্যক্ষ গণতান্ত্রিক শাসন-ব্যবস্থা বলিলে অযৌক্তিক হইবে না ।

অবশ্য, বর্তমানে বৃহদায়তন রাষ্ট্রে প্রত্যক্ষ গণতন্ত্রের বিবিধ অসুবিধার জন্ত পরোক্ষ গণতন্ত্র বলিয়া পরিচিত এক প্রকারের শাসন-ব্যবস্থা প্রবর্তিত হইয়াছে । নিম্নে পরোক্ষ গণতন্ত্রের আলোচনা করা হইল :

(খ) পরোক্ষ গণতন্ত্র (Indirect Democracy) : জন ইয়ুর্ট মিলকে অসুসরণ করিয়া বলা যায়, পরোক্ষ গণতন্ত্র বা প্রতিনিধিমূলক গণতন্ত্র হইল এমন একটি শাসন-ব্যবস্থা যেখানে, “সমগ্র জনসংখ্যা বা জন-সংখ্যার অধিকাংশ তাহাদের নির্বাচিত প্রতিনিধিদের মাধ্যমে শাসন-ক্ষমতা

ব্যবহার করে” (It is a form of Government where...“the whole people or some numerous portion of them, exercise the governing power through deputies, periodically elected by themselves.”) ।

মিল প্রদত্ত উপরোক্ত সংজ্ঞা এবং এই প্রসঙ্গে আরও কতিপয় সংজ্ঞার আলোচনা হইতে পরোক্ষ গণতন্ত্রের যে সকল বৈশিষ্ট্য পাওয়া যায় তাহা নিয়ে দেওয়া গেল :

পরোক্ষ বা প্রতিনিধিমূলক গণতন্ত্রের বৈশিষ্ট্য (Characteristics of Indirect or Representative Democracy) : (১) এই শাসন-ব্যবস্থায় রাষ্ট্রের আইন-প্রণেতৃবর্গ ও শাসনবিভাগের সর্বোচ্চ কর্তৃপক্ষ জনগণ কর্তৃক নির্বাচিত হইবেন। অবশ্য, শাসকমণ্ডলী যদি জনসাধারণ কর্তৃক নির্বাচিত না হয় তবে তাহাদিগকে জনসাধারণের প্রতিনিধিত্বমূলক আইনসভার কাছে দায়িত্বশীল হইতে হইবে।

(২) যে নির্বাচনের মাধ্যমে শাসকমণ্ডলী নির্বাচিত হইবে তাহা ব্যাপক ভোটাধিকারের ভিত্তিতে হইবে এবং নির্দিষ্ট সময় অন্তর নির্বাচন অনুষ্ঠিত হইবে।

(৩) নির্বাচনে স্বাধীনভাবে ভোট দিবার অধিকার স্বীকৃত হইবে এবং নির্বাচনে প্রার্থী হিসাবে প্রতিদ্বন্দ্বিতা করিবার অধিকারের উপর যথাসম্ভব কম বাধানিষেধ থাকিবে।

(৪) নির্বাচন প্রসঙ্গে মত প্রকাশের স্বাধীনতা, গতিবিধির স্বাধীনতা, সমাধিসমিতি করিবার স্বাধীনতা এবং সমালোচনা করিবার স্বাধীনতা প্রভৃতির স্বীকৃতি দিতে হইবে।

(৫) আবার কেহ কেহ এই ধারণা পোষণ করেন যে, একাধিক রাষ্ট্রনৈতিকদল থাকারও প্রয়োজনীয়তা আছে।

(৬) শাসনবিভাগের কর্মকর্তাগণ হয় জনসাধারণ কর্তৃক প্রত্যক্ষভাবে নির্বাচিত হইবে নচেৎ আইনসভায় নির্বাচিত প্রতিনিধিগণের মধ্য হইতে শাসকবর্গকে মনোনীত করা যাইতে পারে।

অবশ্য, যে সকল বৈশিষ্ট্যের কথা বলা হইল তাহা সকল প্রকার প্রতিনিধিমূলক গণতন্ত্রে দৃষ্ট হয় না; তথাপি এই বৈশিষ্ট্যগুলিকে প্রতিনিধিমূলক গণতন্ত্রের মান হিসাবে ধরা হইয়াছে।

গণতান্ত্রিক শাসন-ব্যবস্থার গুণাগুণ (Merits and Defects) :

গণতান্ত্রিক শাসন-ব্যবস্থা বলিতে এখানে পরোক্ষ বা প্রতিনিধিমূলক গণতন্ত্রের কথা বুঝিতে হইবে। এই শাসন-ব্যবস্থার গুণাগুণ সম্বন্ধে আলোচনা করিবার পূর্বে প্রথমেই স্বরণ রাখা প্রয়োজন যে, (ক) স্বাভাবিক অধিকারের তত্ত্বে (Doctrine of Natural Rights), (খ) হিতবাদীদের ও (গ) ভাববাদীদের ধারণায় গণতন্ত্রের সারকথার সন্ধান পাওয়া যায়। স্বাভাবিক অধিকারের তত্ত্বে প্রকাশিত হইয়াছিল যে, প্রত্যেক মানুষই নিজের ভাগ্য নির্ধারণ করিবার অধিকার লইয়া জন্মগ্রহণ করিয়াছে। গণতন্ত্র হইল এই

নিজেই নিজের ভাগ্য নির্ধারণ করিবার একটি উপায়।

বিভিন্ন মতবাদে
গণতন্ত্রের স্থান

হিতবাদীরা প্রচার করিয়াছিলেন যে, সর্বাধিক লোকের

সর্বাধিক মঙ্গলসাধন (Greatest good of the

greatest number) করাই রাষ্ট্রের প্রধান কার্য। এই ধারণার মধ্যেও গণতন্ত্রের মৌলিক উদ্দেশ্যের সন্ধান পাওয়া যায়। আদর্শবাদীদের ধারণায় গণতন্ত্রই এমন পরিবেশ সৃষ্টি করিতে সক্ষম যেখানে মানুষ আত্মোপলব্ধি করিবার সর্বাধিক সুযোগ লাভ করে। গণতন্ত্রে মানুষ নিজেই নিজের ভাগ্য নির্ধারণ করে। নিজেরাই নিজেদের সরকার গঠন করিয়া স্বাধীনতার স্বীকৃতি ও সংরক্ষণের ব্যবস্থা করে।

গণতন্ত্রের গুণাবলী : (১) বার্কারকে অহুসরণ করিয়া বলা যায়, গণতান্ত্রিক সরকার হইল, “আলাপ-আলোচনার পদ্ধতিতে সরকার”।* সকলের আলাপ আলোচনার ভিত্তিতে যে সরকার গঠিত হয় সেই সরকারের দৃষ্টিতে সব কিছুই ধরা পড়ে। সাংস্কৃতিক, অর্থনৈতিক, রাষ্ট্রনৈতিক, সামাজিক, শিল্পকলা ও ব্যবসা-বাণিজ্য সব-কিছুই উন্নতি গণতান্ত্রিক সরকারের মাধ্যমে হইতে পারে।

(২) মিলকে অহুসরণ করিয়া বলা যায় যে, একমাত্র গণতান্ত্রিক শাসন-ব্যবস্থাতেই জনগণের মানসিক উন্নতি হইতে পারে। অশাসন ছাড়াও জনগণের সক্রিয় অংশ গ্রহণের মধ্য দিয়া জনগণের রাষ্ট্রনৈতিক শিক্ষাও গণতান্ত্রিক শাসন-ব্যবস্থাদীনে হইতে পারে।

(৩) বেহাম বলেন যে, অশাসনের সমস্তা হইল শাসক ও শাসিতের স্বার্থকে এক ও অভিন্ন করিয়া তুলিয়া সর্বাধিক জনগণের সর্বাধিক মঙ্গল-

* “Democracy...is a system of government by discussion.”

সাধনের সমস্তা। শাসিতকে শাসক করিয়া তুলিতে পারিলেই এই সমস্তার সমাধান করা যায়। গণতন্ত্রেই একমাত্র শাসিতকে শাসকের পদে উন্নীত করা যায়।

(৪) গণতন্ত্র প্রতিষ্ঠিত হইলে বিপ্লবের সম্ভাবনা অনেক পরিমাণে তিরোহিত হয়। সরকার যদি জনগণেরই হয় তবে জনগণ বিপ্লব বা বিদ্রোহ করিবে কাহার বিরুদ্ধে ?

(৫) ল্যাক্সির ভাষায় বলা যায়, “সরকারের উদ্দেশ্য যদি জনসাধারণের হয়, তবে জনসাধারণের নিয়ন্ত্রণ এই উদ্দেশ্যসাধনের অপরিহার্য শর্ত।” একমাত্র গণতন্ত্রেই জনসাধারণের নিয়ন্ত্রণ প্রতিষ্ঠিত হইতে পারে।

(৬) গণতন্ত্র সকল মানুষকে সমান অধিকার দান করে ; সকল মানুষকে আত্মোপলব্ধির সমান সুযোগ প্রদান করে। মানুষ গণতন্ত্রের আওতায় রাষ্ট্রনৈতিক শিক্ষায় শিক্ষিত হইয়া দায়িত্বশীল হইয়া উঠে।

গণতন্ত্রের ত্রুটি : প্লেটোর সময় হইতে সূত্র করিয়া আজ পর্যন্ত বহু রাষ্ট্রবিজ্ঞানী গণতন্ত্রের বিরুদ্ধে বিভিন্ন দৃষ্টিকোণ হইতে সমালোচনা করিয়াছেন। এই সমালোচনাগুলিকে নিয়ে দেওয়া গেল :

(১) উইলী (M. M. Willey) বলেন যে, গণতন্ত্র হইল অজ্ঞ ও অক্ষমের শাসন। ইহাকে স্থায়ী শাসন-ব্যবস্থাও বলা যায় না। ক্ষণ-ভঙ্গুরতাই ইহার প্রকৃতি। কিন্তু এই সমালোচনা যথার্থ নহে। বহু বৎসর ধরিয়া গণতান্ত্রিক শাসন-ব্যবস্থা প্রচলিত আছে।

(২) এমিল ফ্যাগুয়েট (Emile Faguet) গণতন্ত্রকে অকর্মণ্যতার মন্ত্র (Cult of Incompetence) বলিয়া অভিহিত করেন। লেকীকে অহুসরণ করিয়া বলা যায় গণতন্ত্র হইল দরিদ্রতম, সর্বাধিক অজ্ঞ এবং সর্বাপেক্ষা অকর্মণ্য ব্যক্তির শাসন-ব্যবস্থা। কারণ গণতন্ত্র হইল সর্বাধিক লোকের শাসন এবং অকর্মণ্য লোকের সংখ্যাই আবার সর্বাধিক *। কিন্তু অজ্ঞকে দিগ্ভ্রম করার জটাইতো গণতন্ত্র প্রয়োগন।

(৩) আরও বলা হয় যে, গণতন্ত্র যেহেতু অজ্ঞদের শাসন-ব্যবস্থা এবং এই অজ্ঞ ও অশিক্ষিত ব্যক্তির যেহেতু চরিত্রে রক্ষণশীল সেইহেতু গণতন্ত্রও এক রক্ষণশীল শাসন-ব্যবস্থা, ফলে এই শাসন-ব্যবস্থা নিত্য নূতন আবিষ্কারের

* “It is a government by the poorest, the most ignorant, the most incapable, who are necessarily the most numerous.”—*Locky*

সঙ্গে সঙ্গতি রক্ষা করিয়া চলিতে অসমর্থ। ইহা প্রগতির পথে এক মস্তবড়ো বাধা।

(৪) ফ্যাণ্ডয়েট বলেন গণতন্ত্রে নেতৃত্বের চরিত্র ক্রমে অবনত হইয়া পড়ে এবং নেতৃত্ব সামগ্রিকভাবে দুর্বল হয়। আবার বর্তমানের জটিল সরকারকে পরিচালনা করিবার জন্ত যে বিশেষ জ্ঞানের প্রয়োজন হয় তাহা জনগণের নাই। জনগণ নিজেদের ক্ষমতাকেই নিজেদের মতামত বলিয়া মনে করে। ইহা হইতে প্রমাণিত হয় যে, জনসাধারণ তাহাদের মতামত ব্যক্ত করিতেও অক্ষম।

(৫) গণতান্ত্রিক স্বাধীনতা বলিয়া যে এক স্বাধীনতার কল্পনা করা হয় তাহা অলীক; কারণ, স্বাধীনতার জন্য প্রয়োজন যে প্রগাঢ় চিন্তাশক্তি ও উপলব্ধির ক্ষমতা তাহা জনসাধারণের নাই।

(৬) গণতান্ত্রিক শাসন-ব্যবস্থায় সাধারণতঃ কতকগুলি স্বার্থান্বেষী বিচ্ছিন্ন ব্যক্তি সমূহের শাসন প্রতিষ্ঠিত হয়। ইহাতে সামাজিক চেতনাও প্রসার লাভ করিতে পারে না। আবার ইহা পুঁজিবাদকে প্রশ্রয় দেয় বলিয়াও অনেকে মন্তব্য করেন।

(৭) সর্বশেষে বলা যায়, জীববিজ্ঞানের ধারণাহুসারে সাম্যের ভিত্তিতে প্রতিষ্ঠিত গণতন্ত্র জাতিগত শ্রেষ্ঠত্বকে অস্বীকার করে বলিয়াই গণতন্ত্রে সভ্যতার পশ্চাৎগামী লক্ষণ দেখা গিয়াছে। কিন্তু জীববিজ্ঞানের এই ধারণা অশ্রুত নয়। কারণ জীববিজ্ঞানিগণ মানুষে মানুষে যে গুণগত পার্থক্যের কথা বলেন এবং উত্তরাধিকার স্বত্রে প্রাপ্ত যে গুণাবলীর কথা বলেন তাহা তাঁহারা প্রমাণ করিতে পারেন নাই। কারণ সমাজের একজন উচ্চস্তরের লোকের সন্তান যে গুণসম্পন্ন হইবে এমন কথা নিশ্চয় করিয়া বলা যায় না। অবশ্য, যদি তাহা হয়, তবে উত্তরাধিকার স্বত্রে প্রাপ্ত গুণাবলীর জোরে হয় না। তাহারা গুণসম্পন্ন হয় কারণ তাহারা অধিকতর সামাজিক সুবিধা পায় বলিয়া।

উপসংহারে বলা যায়, আক্রমণ যতই তীব্র হউক না কেন, গণতন্ত্র আজ বিশ্বের সর্বস্বীকৃত, সর্বশ্রেষ্ঠ শাসন-ব্যবস্থা বলিয়া পৃথিবীর প্রায় সকল দেশেই তাহার আসন করিয়া লইয়াছে। সমালোচনা তীব্র হইবার কারণ গণতন্ত্র সম্বন্ধে ধারণার অস্পষ্টতা রহিয়াছে। কেহ কেহ ইহাকে মনে করিয়াছেন সমাজ-ব্যবস্থা বলিয়া, কেহ কেহ ইহাকে বলিয়াছেন একটি রাষ্ট্র-ব্যবস্থা, আবার কেহ কেহ ইহাকে একটি অর্থনৈতিক ব্যবস্থা বলিয়াও অভিহিত করিয়াছেন।

এইরূপ বিভিন্ন দৃষ্টিকোণ হইতে এবং বিভিন্ন কালে বিভিন্ন রাষ্ট্রবিজ্ঞানীর দ্বারা সমালোচনা হওয়ায় সমালোচনাগুলি অনেক ক্ষেত্রেই অর্থোক্তিক হইয়াছে। যাহারা বলিয়াছেন ইহাকে অজ্ঞদের শাসন, তাঁহাদিগের এই সমালোচনার উত্তরে বলা যায়, অজ্ঞদের বিজ্ঞ করার জন্তই প্রয়োজন অজ্ঞদের নিজেদের শাসন প্রতিষ্ঠা করা।

গণতন্ত্রের সাফল্যের শর্তাবলী (Safeguards of Democracy) :

(ক) পূর্বেই বলা হইয়াছে যে, শাসকমণ্ডলী একবার নির্দিষ্ট সময়ের জন্ত নির্বাচিত হইয়া গেলে, জনসাধারণের হস্তে তাহাদিগকে নিয়ন্ত্রণ করার আর কোন ক্ষমতা থাকে না। কিন্তু এমন কতকগুলি প্রত্যক্ষ গণতান্ত্রিক নিয়ন্ত্রণ-ব্যবস্থা আছে (Direct Democratic checks) যাহার মাধ্যমে পরোক্ষ গণতন্ত্রেও প্রত্যক্ষ গণতন্ত্রের সুফল লাভ করা যায়। এই ব্যবস্থাগুলি হইল, (১) গণভোট (Referendum), (২) গণউদ্যোগ (Initiative) এবং (৩) পদচ্যুতি (Recall)।

(১) গণভোট (Referendum) : শাসনতন্ত্রে যদি উল্লিখিত থাকে যে, প্রত্যেকটি আইন পাস করিবার পূর্বে আইনের খসড়া জনসমীপে উপস্থিত করিতে হইবে এবং ভোটদাতাদের দ্বারা আইনকে পাস করাইয়া লইতে হইবে, তাহা হইলে প্রকৃতপক্ষে প্রত্যক্ষভাবে জনসাধারণই আইন পাস করিতে পারিবে। এইভাবে আইন পাস করানোর পদ্ধতিকেই বলে বাধ্যতামূলক গণভোট (Obligatory Referendum)। আবার শাসনতন্ত্রে যদি এইরূপ উল্লেখ থাকে যে, কতকগুলি বিষয়ের খসড়া নির্বাচকগণের আবেদন-সাপেক্ষে জনসমীপে উপস্থিত করিতে হইবে তাহা হইলে এই পদ্ধতিতে আইন পাসের নীতিকে বলা হয় ঐচ্ছিক গণভোট (Optional বা Facultative Referendum)।

(২) গণউদ্যোগ (Initiative) : গণউদ্যোগ বলিতে বোঝায় নির্বাচকগণের উদ্যোগে আইন-প্রণয়ন। শাসনতন্ত্রের নির্দেশ অনুসারে নির্দিষ্ট সংখ্যক নির্বাচকগণ আইনের খসড়া প্রস্তুত করিয়া আইনসভাকে আইন পাস করিবার জন্ত অহরোধ করিলে আইনসভা যদি উক্ত খসড়াকে নির্বাচকগণের নিকট উপস্থিত করিয়া গণভোটের মাধ্যমে উহাকে আইনে পরিণত করে তবে বুঝিতে হইবে গণউদ্যোগে আইন প্রণীত হইল।

(৩) পদচ্যুতি (Recall) : পদচ্যুতি হইল নির্বাচিত প্রতিনিধিকে নির্দিষ্ট সময় অতিবাহিত হইবার পূর্বেই পদচ্যুত করিবার পদ্ধতি। নির্দিষ্ট-

সংখ্যক নির্বাচক যদি তাহাদের প্রতিনিধির এইরূপ পদচ্যুতি দাবি করে তবে এই দাবী আইনসভা সকল নির্বাচকগণের নিকট উপস্থিত করিবে এবং সংখ্যাগরিষ্ঠ নির্বাচক যদি এই দাবি সমর্থন করে তাহা হইলে সংশ্লিষ্ট প্রতিনিধি পদচ্যুত হইবে।

এই তিনটি পদ্ধতির মাধ্যমে প্রতিনিধিমূলক গণতন্ত্রকে সাফল্যমণ্ডিত করিতে পারা যায়।

(খ) জন স্ফুয়ার্ট মিল বলেন যে, গণতন্ত্রকে সাফল্যমণ্ডিত করিতে হইলে তিনটি শর্ত পালন করিতে হইবে। এই শর্ত তিনটি হইল : (১) গণতন্ত্রকে জনগণের গ্রহণ করিবার ইচ্ছা ও ক্ষমতা থাকার প্রয়োজন ; (২) গণতন্ত্রকে রক্ষা করিবার জন্ত জনগণকে সংগ্রাম করিবার সংকল্প গ্রহণ করিবার প্রয়োজন ; এবং (৩) জনগণের পক্ষে কর্তব্যপালনে এবং অধিকার রক্ষা করিবার জন্ত সংগ্রাম করিবার ক্ষমতা থাকার প্রয়োজন। এইরূপ ত্রয়ী গুণসম্পন্ন লোকদিগকে বার্গস “গণতান্ত্রিক জনগণ (Democratic people) বলিয়া আখ্যায়িত করিয়াছেন।

(গ) গণতন্ত্রের সাফল্য নির্ভর করে জনগণের উপর। জনগণ যদি গণতান্ত্রিক হয়, জনগণ যদি গণতান্ত্রিক দৃষ্টিসম্পন্ন হয় তবেই গণতন্ত্র সাফল্যমণ্ডিত হইবে। জনগণকে গণতান্ত্রিক দৃষ্টিসম্পন্ন করিয়া তোলার জন্য প্রয়োজন গণতান্ত্রিক পরিবেশ, যে পরিবেশে মানুষ তাহার ব্যক্তিসত্তাকে পূর্ণভাবে উপলব্ধি করিতে পারিবে। এই পরিবেশ সৃষ্টি হয় একমাত্র তখনই যখন সামাজিক, রাষ্ট্রনৈতিক, সাংস্কৃতিক ও অর্থনৈতিক অধিকারের স্বীকার ও সংরক্ষণ এবং সাম্যের ভিত্তিতে এই সকল অধিকারের প্রতিষ্ঠা হয়। সুতরাং গণতন্ত্রকে পরিপূর্ণ করিতে হইলে এই পরিবেশকেও সম্পূর্ণ করিতে হইবে। এই গণতান্ত্রিক পরিবেশের অসম্পূর্ণতার জন্যই গণতান্ত্রিক শাসনের বিরুদ্ধে অভিযোগ করা হয়।

(ঘ) আবার অর্থনৈতিক গণতন্ত্র (Economic Democracy) ব্যতীত রাষ্ট্রনৈতিক গণতন্ত্র সফল হইতে পারে না। কিন্তু বর্তমানে ‘অর্থনৈতিক মুখ্যতন্ত্র’ (Economic oligarchy) বা পুঁজিবাদের আওতায় ব্যক্তি-স্বাধীনতা, সাম্য ও গণতন্ত্র একরূপ অলীক হইয়া দাঁড়াইয়াছে। এই জন্যই বলা হয় যতক্ষণ পর্যন্ত না উৎপাদনের উপায়সমূহের সামাজিক মালিকানা প্রতিষ্ঠিত হইতেছে ততক্ষণ পর্যন্ত মানুষের সহিত মানুষের সাম্য

প্রতিষ্ঠিত হইবে না এবং গণতন্ত্রও অলীকই থাকিবে। সাম্য প্রতিষ্ঠার মধ্যেই গণতন্ত্র মূর্ত হইয়া উঠে।

(ঙ) আবার গণতন্ত্র যেহেতু সাম্যের ভিত্তির উপর প্রতিষ্ঠিত সেইহেতু গণতান্ত্রিক সমাজে শ্রেণীর অস্তিত্বকে অস্বীকার করা হয় না। শ্রেণীর অস্তিত্ব স্বধন স্বীকৃত তখন শ্রেণী সম্বন্ধে প্রত্যেককে সচেতন হইতে হইবে। এখানে শ্রেণী সম্বন্ধে সচেতনতার অর্থ **সমাজের সম্বন্ধে সচেতনতা**। এই সচেতনতাই গণতন্ত্রের সাফল্যের একটি শর্ত।

(চ) সর্বশেষে বলা যায় **সহিষ্ণুতাই** গণতন্ত্রের রক্ষাকবচ। স্বধন সংখ্যাগরিষ্ঠের শাসন স্বীকার করিয়া লওয়া হইয়াছে তখন সংখ্যালঘিষ্ঠকে সহিষ্ণুতার সহিত সংখ্যাগরিষ্ঠের শাসন মানিয়া লইতে হইবে। এই সংখ্যাগরিষ্ঠ ও সংখ্যালঘিষ্ঠের মধ্যে **সহযোগিতাই** গণতন্ত্রের ভিত্তি।

গণতন্ত্রের ভবিষ্যৎ (Future of Democracy) : লয়েডের ভাষায় বলা যায়, “গণতন্ত্র তাহার সভ্যদের অলসতার জন্ত দিন দিনই পুরাতন হইবার বিপদের সম্মুখীন হইতেছে” (“Democracy is in danger of growing stale through the laziness of its members.”)। সুতরাং গণতন্ত্রকে যদি জিয়াইয়া রাখিতে হয় তবে জনসাধারণের সতর্ক দৃষ্টি রাখিয়া চলিতে হইবে। বর্তমান সমাজ অতিশয় জটিল ও সমস্তাসংকুল। এই সমাজের বিভিন্ন সমস্তা সম্বন্ধে জনসাধারণ অজ্ঞ। এই অজ্ঞতাই গণতন্ত্রের বিপদের কারণ। আবার পুঁজিবাদী অর্থ-ব্যবস্থায় যে গণতন্ত্র চালু করা হইয়াছে তাহাও ধনতান্ত্রিক শোষণের ঐতাকলে অলীক বালিয়া প্রতিপন্ন হইতেছে।* এই শোষণের হস্ত হইতে জনগণকে বাঁচানোর জন্ত কেহ কেহ একনায়কত্বের দিকে অঙ্গুলি নির্দেশ করেন। কিন্তু তত্ত্বের দিক হইতে দেখা যায়, একনায়কত্বে ব্যক্তি-স্বাধীনতা সমাধিস্থ হয়। আবার কেহ কেহ শাসনতান্ত্রিক ও বিবর্তনমূলক পদ্ধতি অহুসরণ করিয়া গণতান্ত্রিক কাঠামোর মধ্যেই নূতন সমাজসৃষ্টির সম্ভাবনা দেখিতে পান।

পরিশেষে বলা যায়, বর্তমান এই জটিল অবস্থায় ধনতান্ত্রিক সমাজ-ব্যবস্থায়, যেখানে (১) ব্যাপক বেকারী, (২) স্তূৰ্ণ কর্ম-পরিবেশ ও বিশ্রামের অভাব, (৩) শিক্ষা পাইবার সুযোগের অভাব রহিয়াছে, (৪) সংখ্যালঘুর স্বাভাবিক রক্ষিত হইবার ব্যবস্থা নাই সেখানে আর বাহা কিছু হউক গণতন্ত্র,

* পূর্ববর্তী পৃষ্ঠায় গণতন্ত্রের শর্তসম্বন্ধীয় আলোচনা দ্রষ্টব্য।

প্রতিষ্ঠিত হইতে পারে না। তবে ‘সভ্যতার সংকট’ গ্রন্থে রবীন্দ্রনাথ এই আশার বাণী ব্যক্ত করিয়াছেন যে, “জনসাধারণ অসাধারণ”। এই ‘অসাধারণ’ গণতন্ত্রকে বাঁচাইয়া রাখিবেই।

গণতন্ত্র, একনায়কত্ব ও স্বৈরতন্ত্র (Democracy, Dictatorship and Despotism) : একনায়কত্ব বলিতে রাজতন্ত্রকেও বোঝানো হয়। কারণ রাজা একাই রাষ্ট্রনায়ক। আবার যখন কোন দল রাষ্ট্র-পরিচালনা করে তখন দলের নায়কত্ব প্রতিষ্ঠিত হয়। এইভাবে কোন শ্রেণী যদি রাষ্ট্র পরিচালনা করে তবে শ্রেণীগত একনায়কত্ব প্রতিষ্ঠিত হয়। এই তিন প্রকারের একনায়কত্বের নামকরণ হইল যথাক্রমে (১) ব্যক্তিগত একনায়কত্ব (Personal Dictatorship), (২) দলগত একনায়কত্ব (Party Dictatorship), এবং (৩) শ্রেণীগত একনায়কত্ব (Class Dictatorship)।

একনায়কতন্ত্র ও স্বৈচ্ছাতন্ত্র : আবার একনায়কত্বকে অনেকে স্বৈচ্ছাতন্ত্রের (Despotism) সমার্থক হিসাবেও ব্যবহার করেন। কিন্তু প্রকৃতপক্ষে একনায়কত্ব আর স্বৈচ্ছাতন্ত্র একই অর্থে ব্যবহৃত হইতে পারে না। কারণ, একনায়কত্বের সহিত জনমতের প্রত্যক্ষ বা পরোক্ষ যোগ থাকে, আর স্বৈচ্ছাতন্ত্রে তাহা থাকে না। স্বৈচ্ছাতন্ত্রে রাজা, সামরিক নেতা (Zunta) অথবা অভিজাত শ্রেণীর হাতেই রাষ্ট্রের সার্বভৌম ক্ষমতা থাকে। অতএব তাহাদিগকে সার্বভৌম ক্ষমতার জন্ত কাহারও উপর নির্ভর করিতে হয় না।

ব্যক্তিগত একনায়কত্বে এক ব্যক্তির উপর সার্বভৌম ক্ষমতা অর্পিত থাকে। উদাহরণস্বরূপ বলা যায়, জুলিয়াস সীজার ও সিনসিনেটাস প্রমুখের একনায়কত্বে অভিষিক্ত করা হইয়াছিল। দলীয় একনায়কত্বের স্বত্বপাত করে মুসোলিনীর ফ্যাসিষ্ট দল। অবশ্য, পরে ইহা মুসোলিনীর ব্যক্তিগত একনায়কত্বে রূপান্তরিত হয়। শ্রেণীগত একনায়কত্বের উদাহরণ হইল রাশিয়ার কমিউনিস্ট দলের নেতৃত্বে সর্বস্বাধীন শ্রমিকশ্রেণীর একনায়কত্ব। এখানে স্বরণ রাখা প্রয়োজন যে, দলগত ও শ্রেণীগত একনায়কত্ব এক নয়। কারণ একটি দলের মধ্যে শ্রমিক, শিল্পপতি ও জমিদার শ্রেণী থাকিতে পারে। কিন্তু শ্রেণীগত একনায়কত্বে মাত্র একটি শ্রেণীই নায়কত্ব করিবে।

(খ) **আমলাতান্ত্রিক একনায়কত্ব** : আবার একনায়কত্বে অনেক সময় দেখা যায়, উচ্চপদস্থ শাসকগোষ্ঠীকে কার্যতঃ অধিকাংশ শাসনক্ষমতা পরিচালনা করিতে দেওয়া হয়। এইরূপ ক্ষেত্রে **শাসক সম্প্রদায়কে (Bureaucracy)** সার্বভৌম ক্ষমতা ব্যবহার করিতে দেওয়া হয় বলিয়া শাসক সম্প্রদায়কে একনায়কত্বের একটি রূপের অন্তর্ভুক্ত করা হয়।

(গ) **গণতন্ত্র ও সোভিয়েত ইউনিয়ন** : লিও শাওচিকে অহসরণ করিয়া বলা যায়, পৃথিবীর সকল রাষ্ট্রই প্রকৃতপক্ষে শ্রেণীগত একনায়কত্বের অধীন ("All States in the world are in essence, class dictatorship.")। বুর্জোয়া গণতন্ত্রে সংখ্যাগরিষ্ঠের নামে যে ধনিক শ্রেণী রাষ্ট্র শাসন করে তাহা শ্রেণীগত একনায়কত্বের নামান্তর মাত্র। অবশ্য, আবার পশ্চিমী গণতন্ত্রের দৃষ্টিকোণ হইতে বলা হয়, সোভিয়েত ইউনিয়নেও গণতন্ত্র নাই। ইহার কারণস্বরূপ বলা হয়, (১) সোভিয়েত ইউনিয়নে একটিমাত্র রাজনৈতিক দলকে স্বীকৃতি দিয়া অগ্রান্ত রাজনৈতিক দলের উদ্ভবের পথ রুদ্ধ করিয়াছে ; (২) সোভিয়েত ইউনিয়নে কোন ব্যক্তি-স্বাধীনতার মূল্য নাই। এই যুক্তির বিরুদ্ধে বলা হয় যে, দল হইল একটি শ্রেণী স্বার্থের প্রতিভূ। সোভিয়েত ইউনিয়নে শিল্পপতি, জমিদার প্রভৃতি শ্রেণী বিলুপ্ত হওয়ায় সেখানে একটি মাত্র শ্রেণীর অস্তিত্বই বজায় আছে। ফলে একটিমাত্র শ্রেণীর প্রতিভূ হিসাবে একটি মাত্র দলই সেখানে আছে। আরও বলা হয় যে, রাষ্ট্রের মধ্যেই ব্যক্তিসত্তা যখন মূর্ত হইয়া ওঠে তখন ব্যক্তি তাহার সম্পূর্ণ স্বাধীনতা, আল্লোপলব্ধির সম্পূর্ণ স্বেচ্ছা রাষ্ট্রের মধ্যেই খুঁজিয়া পাইবে। তাই রাষ্ট্রের চৌহদ্দির মধ্যে ব্যক্তি তাহার স্বাধীনতা উপভোগ করিতে পারিবে। ব্যক্তির ভোটাধিকার, ব্যক্তির জীবনের অধিকার, ব্যক্তির কর্মের অধিকার, বৃদ্ধবয়সে অক্ষমতার ভাতা, বেকার ভাতা প্রভৃতি স্বীকৃত হওয়ায় ব্যক্তি-স্বাধীনতার সম্পূর্ণ পরিবেশ সেখানে সৃষ্টি হইয়াছে। অতএব ব্যক্তি-স্বাধীনতা নাই বলিয়া যে অভিযোগ করা হয় তাহা সত্য নহে। তবে সোভিয়েত ইউনিয়নে একটি মাত্র শ্রেণীর যে একনায়কত্ব প্রতিষ্ঠিত হইয়াছে তাহা অনস্বীকার্য। এই ধাঁচের একনায়কত্বকে **সমাজতান্ত্রিক একনায়কত্ব** বলিয়া আখ্যা দেওয়া হইয়াছে।

(ঘ) **সমাজতান্ত্রিক একনায়কত্ব ও ফ্যাসিষ্ট একনায়কত্ব** : এবার সমাজতান্ত্রিক একনায়কত্ব ও ফ্যাসিষ্ট একনায়কত্বের মধ্যে তুলনা করা

হইতেছে। প্রকৃত গণতন্ত্র সম্ভব শুধু সেখানে যেখানে অর্থনৈতিক বৈষম্য তিরোহিত হইয়াছে। অর্থনৈতিক সাম্য অথবা অর্থনৈতিক গণতন্ত্র প্রতিষ্ঠিত না হইলে রাষ্ট্রনৈতিক গণতন্ত্রের কোন অর্থই হয় না। বৈষম্যমূলক সমাজ-ব্যবস্থায় যে শ্রেণী ধনবলে বলীয়ান তাহারাই রাষ্ট্রকে করায়ত্ত করে এবং তাহাদের স্বার্থে রাষ্ট্রযন্ত্রকে ব্যবহার করে। ফলে অপরাপর শ্রেণীর সকল গণতান্ত্রিক অধিকার ধন বলে বলীয়ান শ্রেণীর উপর নির্ভরশীল হয়। এইরূপ ক্ষেত্রে গণতন্ত্র বলিতে বাহ্য বোঝায় তাহা গণতন্ত্রের অপব্যাখ্যা ছাড়া আর কিছু নয়। একমাত্র সমাজতান্ত্রিক গণতন্ত্রেই অর্থনৈতিক সাম্য প্রতিষ্ঠিত হয়।

নাৎসী-ফ্যাসিষ্ট একনায়কত্বের বৈশিষ্ট্য হইল ব্যক্তি-স্বাধীনতাকে সম্পূর্ণ বিসর্জন দিতে হইবে এবং নেতার আজ্ঞাকে সমালোচনার উদ্দেশ্য রাখিয়া তাহাকে মান্ত করিতে হইবে, জাতিসত্তার গৌরব প্রচার এবং কূলের অহমিকা প্রচার করিতে হইবে; এবং যুদ্ধের মাধ্যমে সাম্রাজ্যবিস্তারে বিশ্বাসী হইতে হইবে। ফ্যাসিষ্ট একনায়কত্ব প্রতিষ্ঠিত হয় ১৯২২ সালে ইটালীতে মুসোলিনির ক্ষমতা দখলের মধ্য দিয়া। ১৯২৬ সালে স্পেনে প্রাইমো ডিরিভেরা, ১৯২৩ সালে পোল্যান্ডে পিলসুড্‌স্কি এবং ১৯৩৩ সালে জার্মানীতে হিটলার শাসন ক্ষমতা দখল করে এবং ফ্যাসিষ্ট একনায়কত্ব প্রতিষ্ঠা করে। দুইটি বিশ্বযুদ্ধের অন্তর্বর্তীকালীন সময়ে অস্ট্রিয়া, হাঙ্গারী, গ্রীস, যুগোস্লাভিয়া, রুমানিয়া, পটুগ্যাল প্রভৃতি ইউরোপীয় দেশে হয়, রাজতন্ত্রের নামে, নয় সম্পূর্ণ নগ্নরূপে স্বৈরাচার ও একনায়কত্ব দেখা দেয়। এশিয়ায় জাপানে জাপানী একনায়কত্ব এবং দক্ষিণ আমেরিকায় বহরাষ্ট্রে অমরূপ শাসন-ব্যবস্থা প্রতিষ্ঠিত হইয়াছিল।

একনায়কত্ব প্রসারের কারণ : একনায়কত্বের এই প্রসারের কারণ হিসাবে বলা হয় যে, বিশ্বব্যাপী ধনতান্ত্রিক ব্যবস্থায় অর্থনৈতিক সংকট এবং বৃহৎ শক্তিগুলির মধ্যে পৃথিবীজোড়া সাম্রাজ্য বাঁটোয়ারা লইয়া ঝগড়া যুদ্ধকে অনিবার্য করিয়া তুলিয়াছিল। এই যুদ্ধের মধ্যেই একনায়কতন্ত্র আত্মপ্রকাশ করে। আবার দ্বিতীয় বিশ্বযুদ্ধের কালে রাষ্ট্রনৈতিক গণতন্ত্র এবং অর্থনৈতিক মুখ্যতন্ত্র (Economic oligarchy) পাশাপাশি চলিবার ফলে রাষ্ট্রনৈতিক সাম্য, আইনের অমুশাসন, মতপ্রকাশের স্বাধীনতা প্রভৃতি সম্ভেও গণতান্ত্রিক শাসন-ব্যবস্থায় জনগণের মধ্যে দেখা দিয়াছে অপরিমেয় হতাশা, তীব্র অসন্তোষ এবং গণতন্ত্রের উপর অবিশ্বাস। ডাঃ গুচ (Gooch)

এই প্রসঙ্গে বলেন যে, গণতান্ত্রিক রাষ্ট্রে জনগণের মধ্যে যখন এইরূপ মনোভাব প্রবল হইয়া উঠে তখন একনায়কত্ব আন্দোলন প্রকাশ করে। দ্বিতীয় যুদ্ধোত্তর কালে দেখা যায় স্পেনের ছায় অনেক রাষ্ট্র সামগ্রিক রাষ্ট্রের নীতিকে গ্রহণ করিয়াছে এবং এশিয়ার অনেক দেশে সাময়িক একনায়কত্ব (Military Dictatorship) প্রতিষ্ঠিত হইয়াছে।

অভিজাততন্ত্র (Aristocracy) : প্রাচীন গ্রীসে যে অভিজ্ঞ (Aristos) অর্থাৎ শ্রেষ্ঠ ব্যক্তির শাসন বর্তমান ছিল তাহাকেই বলা হইত অভিজাততন্ত্র (Aristocracy)। এই শ্রেষ্ঠ ব্যক্তির যখন সর্বসাধারণের কল্যাণে শাসন করিত তখন বলা হইত অভিজাততন্ত্র। আর এই শ্রেষ্ঠ ব্যক্তির যখন ব্যক্তিগত স্বার্থসাধনে রাষ্ট্রযন্ত্র ব্যবহার করিতেন তখন শাসন-ব্যবস্থা যে বিকৃত রূপ ধারণ করিত তাহাকে বলা হইত মুখ্যতন্ত্র বা ধনিকতন্ত্র (Oligarchy)। বর্তমানে অভিজাততন্ত্র বলিতে আর শ্রেষ্ঠ ব্যক্তিদের শাসন বোঝায় না। রাষ্ট্রের মধ্যে জন্মগত এবং ধনগত শ্রেষ্ঠত্বের কারণে কোন এক সামাজিক শ্রেণী যখন রাষ্ট্রক্ষমতা প্রদায়িত করে তখনই অভিজাত-তান্ত্রিক শাসন-ব্যবস্থা প্রতিষ্ঠিত হয়। বর্তমান গণতান্ত্রিক শাসন-ব্যবস্থায়ও দেখা যায় শাসনক্ষমতা প্রকৃতপক্ষে ব্যবহৃত হয় মুষ্টিমেয় লোকের দ্বারা। অর্থাৎ, মাত্র কয়েকজন লোকের নেতৃত্বেই রাষ্ট্র পরিচালিত হয়। সুতরাং গণতন্ত্র ও অভিজাততন্ত্রের মধ্যে পার্থক্যের সীমারেখা অত্যন্ত অস্পষ্ট। তবে অস্পষ্ট সীমারেখার নির্দেশ না করা গেলেও বলা যাইতে পারে যে, জনগণের শাসনক্ষমতাকে এবং শাসনকর্তৃত্বকে অবিশ্বাস করিয়া যদি শুধু অল্প কয়েকজনের শাসনকর্তৃত্বে বিশ্বাস করা হয় তবেই অভিজাততন্ত্র প্রতিষ্ঠিত হয়। আর যদি জনগণের শাসনক্ষমতা ও শাসনকর্তৃত্বের উপর অটুট বিশ্বাস রাখিয়া অল্প কয়েকজনের শাসনে শাসন-ব্যবস্থা পরিচালিত হয়, তাহা হইলে গণতান্ত্রিক শাসন-ব্যবস্থাই প্রতিষ্ঠিত হইয়াছে বলিয়া বুঝিতে হইবে।

অভিজাততন্ত্রের গুণাগুণ : অভিজাততন্ত্রের স্বপক্ষের যুক্তিকে মিলের ভাষায় প্রকাশ করা যায়। মিল বলেন : “শাসনকার্যে স্থায়ী উত্তমশীলতা ও দক্ষতার দিক দিয়া ইতিহাসে উল্লেখযোগ্য শাসন-ব্যবস্থা-সমূহের অধিকাংশই হইল অভিজাততন্ত্র” (“...the governments which have been remarkable in history for sustained ability

and vigour...have generally been aristocracies")। অভিজাত-তান্ত্রিক শাসন-ব্যবস্থায় সংখ্যা অপেক্ষা গুণের উপরই অধিক গুরুত্ব আরোপ করা হয়। অল্প কয়েকজন দক্ষ ও দায়িত্বশীল ব্যক্তির দ্বারা শাসনকার্য পরিচালিত হয় বলিয়া ইহা গণতন্ত্র অপেক্ষা কাম্য শাসন-ব্যবস্থা।

কিন্তু অভিজাততান্ত্রিক শাসন-ব্যবস্থার ত্রুটির অন্ত নাই। প্রথমতঃ, কারলাইল (Carlyle) যদিও বলেন, “জ্ঞানী ব্যক্তিগণ দ্বারা শাসিত হওয়াই মূর্খের চিরন্তন সম্মান” (“It is the everlasting privilege of the foolish to be governed by the wise”); কিন্তু বর্তমানে জনসাধারণ নিজেদেরকে মূর্খ বলিয়া মনে করে না এবং জ্ঞানী ব্যক্তিদের দ্বারা শাসিত হওয়াকেও সম্মানের বলিয়া মনে করে না।

দ্বিতীয়তঃ, অভিজাততন্ত্র জনগণের সম্মতির উপর প্রতিষ্ঠিত নয়। আবার জনসাধারণকে মূর্খ বলিয়া ধরিয়া লইলে এই মূর্খ ব্যক্তিদের দ্বারা কখনই প্রকৃত জ্ঞানী ব্যক্তি নির্বাচিত হইতে পারে না। কারণ মূর্খদের জ্ঞানী ও অজ্ঞের মধ্যে পার্থক্য করার ক্ষমতা নাই। অতএব স্বেশাসক নির্বাচন করা খুবই শক্ত।

তৃতীয়তঃ, অভিজাততন্ত্রে শাসকবর্গ যে রাষ্ট্রযন্ত্রকে কল্যাণকর কাজে নিযুক্ত করিবে তাহার কোন শর্ত নাই। তাহারা তাহাদের ব্যক্তিগত স্বার্থকেও কায়েম করিতে পারে। সাধারণতঃ তাহাই হইয়া থাকে। সর্বোপরি অভিজাততন্ত্র রক্ষণশীল হইতে বাধ্য। এই রক্ষণশীলতার জন্ত ইহা প্রগতির অন্তরায় হইয়া বিপ্লবকে ডাকিয়া আনে। ফলে ইহা অস্থায়ী হয়।

সারসংক্ষেপ

বার্টের শ্রেণীবিভাগ যদিও সমর্থনযোগ্য নহে; তথাপি এয়ারিস্টটল বার্টের শ্রেণীবিভাগ করিয়াছেন। কিন্তু তাহার শ্রেণীবিভাগ অসম্পূর্ণ। আর এই শ্রেণীবিভাগ সরকারের পক্ষেই প্রযোজ্য।

বর্তমানে (১) সার্বভৌম ক্ষমতা ব্যবহারকারীর সংখ্যামুসারে, (২) শাসন ও আইনবিভাগের মধ্যে সম্পর্কের ভিত্তিতে এবং (৩) শাসন ক্ষমতার আঞ্চলিক বন্টন অনুসারে সরকারের শ্রেণী বিভাগ করা হয়। প্রথম নীতি অনুসারে রাজতন্ত্র, একনায়কতন্ত্র এবং গণতন্ত্র সরকারকে বিভক্ত করা হয়। আর দ্বিতীয় নীতিকে অবলম্বন করিয়া পার্লামেন্টীয় ও রাষ্ট্রপতি-শাসিত সরকারের শ্রেণীতে বিভক্ত করা হয়। তৃতীয় নীতি অনুসারে যুক্তরাষ্ট্রীয় ও এককেন্দ্রিক সরকারের শ্রেণীতে বিভক্ত করা হয়।

(১) **রাজতন্ত্র** : রাজতন্ত্রে রাজাই সার্বভৌম ক্ষমতার অধিকারী। রাজতন্ত্র আবার দুই শ্রেণীতে বিভক্ত; (১) চরম রাজতন্ত্র, (২) নিয়মতান্ত্রিক রাজতন্ত্র। রাজতন্ত্রের অনেক দোষত্রুটি আছে বটে, কিন্তু অসভ্য মানুষকে সভ্য করার জন্ত এক সময়ে রাজতন্ত্রের প্রয়োজন ছিল।

(২) **গণতন্ত্র** : গণতন্ত্রে সার্বভৌমিকতার অধিকারী হ'ল জনগণ। গণতন্ত্র বলিতে বোঝায় জনগণের সরকার, জনগণের দ্বারা সরকার এবং জনগণের কল্যাণের জন্ত সরকার। গণতন্ত্র দুই প্রকার, প্রত্যক্ষ আর পরোক্ষ। প্রত্যক্ষ গণতন্ত্রে জনগণ প্রত্যক্ষভাবে আইন প্রণয়ন করে এবং আইনকে বলবৎ করে। আর পরোক্ষ গণতন্ত্রে প্রতিনিধি নির্বাচন করিয়া প্রতিনিধির মাধ্যমে শাসন-ব্যবস্থা প্রতিষ্ঠা করা হয়।

পরোক্ষ গণতন্ত্রের গুণ : (ক) পরোক্ষ গণতন্ত্রে স্থায়ের প্রতিষ্ঠা হয়, (খ) জন-সাধারণের রাষ্ট্রনৈতিক শিক্ষার প্রসার হয়, (গ) শাসক ও শাসিতের স্বার্থকে অভিন্ন করিয়া তোলা হয়, ইত্যাদি।

গণতন্ত্রের ত্রুটি : (ক) ইহা ক্ষুণ্ণত্মক, (খ) অজ্ঞদের শাসন, ইত্যাদি।

গণতন্ত্রের সাফল্যের শর্ত : গণতন্ত্রকে সাফল্যমণ্ডিত কবিত্তে হইলে জনগণের নিয়ন্ত্রণ ব্যবস্থাকে পাকাপোক্ত করিতে হইবে।

একনায়কত্ব : গণতন্ত্রের অক্ষমতার জন্ত ইহা একনায়কতন্ত্রের জন্ম হইয়াছে। একনায়কতন্ত্রের তিনটি রূপ; (১) রাজতন্ত্র, (২) ফ্যাসিবাদ, (৩) নাৎসীবাদ। কেহ কেহ গণতন্ত্রকে দলীয় একনায়কত্ব বলিয়াও আভিহিত করেন।

অভিজাততন্ত্র : অভিজাততন্ত্র হ'ল কতিপয় লোকের শাসন। ইহা যদি জনগণের কল্যাণের জন্ত হয় তবে তাহাকে অভিজাততন্ত্র বলা হয়। আর, ইহা যদি ব্যক্তিগত স্বার্থকে কামেম করে তবে তাহাকে মুখ্যতন্ত্র বলা হয়।

প্রশ্নাবলী

1. How would you classify forms of government ?
(C. U. 1951)
2. Distinguish between Democracy and Dictatorship.
(C. U. 1960)
3. What conditions are required for the successful operation of Democracy ? Indicate the merits and defects of such a form of government.
(C. U. 1955)
4. Discuss the aims and ideals of Totalitarian States, How far do these ideals differ from those of Democratic States ?
(C. U. 1944)

5. Estimate strength and weakness of modern Democracy as a form of government. Do you think that Democracy will survive ?
(C. U. 1943, '48, '49)

6. Distinguish Democracy from Dictatorship and point out the conditions essential to the success of Democracy.

7. "Socialism proposes to complete rather than oppose the liberal democratic creed." Discuss the statement.

অতিরিক্ত পাঠ্য

J. S. Mill—Representative Government.

Laski—Liberty in the Modern State.

C. E. M. Joad—Liberty to-day.

F. W. Coker—Recent Political Thought.

উনবিংশ অধ্যায়

পার্লামেন্টায় ও রাষ্ট্রপতি-শাসিত সরকার

(Parliamentary and Presidential Governments)

ক্ষমতা পৃথকীকরণ নীতির ভিত্তিতে গণতান্ত্রিক শাসন-ব্যবস্থাকলিকে দুই শ্রেণীতে বিভক্ত করা যায়, যথা (১) পার্লামেন্টীয় সরকার এবং (২) রাষ্ট্রপতি-শাসিত সরকার। পার্লামেন্টীয় সরকারে তত্ত্বের দিক হইতে ব্যবস্থাবিভাগ ও শাসনবিভাগের মধ্যে ঘনিষ্ঠ সম্পর্ক বিদ্যমান থাকে, আর রাষ্ট্রপতি-শাসিত সরকারে তাহা থাকে না।

পার্লামেন্টীয় বা মন্ত্রিমণ্ডলী শাসিত সরকার (Parliamentary or Cabinet Government) : শাসনবিভাগ পরিচালনার প্রকৃত কর্তৃপক্ষ (Real Executive) যদি আইনগতভাৱে নিকট দায়িত্বসম্পন্ন থাকেন তাহা হইলে তাহাকে পার্লামেন্টীয় শাসন-ব্যবস্থা বা মন্ত্রিমণ্ডলী-শাসিত শাসন-ব্যবস্থা বলা হয়। নিম্নে এই শাসন-ব্যবস্থার বৈশিষ্ট্যগুলি দেওয়া গেল :

পার্লামেন্টীয় শাসনব্যবস্থার বৈশিষ্ট্য : (১) এই শাসন-ব্যবস্থায় সাধারণতঃ একটি নামসর্বস্ব শাসক (Titular Head) বা নিয়মতান্ত্রিক শাসক (Constitutional Head) থাকেন। তিনি আইনগতভাবে শাসক, কিন্তু প্রকৃত শাসনভার অর্পিত থাকে মন্ত্রিসভার উপর। তিনি এই মন্ত্রিপরিষদের পরামর্শ অনুসারেই শাসনকার্য পরিচালনা করেন। এই কারণে মন্ত্রিসভাকে বলা হয় প্রধান শাসকের উপদেষ্টা। কিন্তু মন্ত্রিসভার উপদেশই শাসনকর্তৃপক্ষের প্রকৃত আদেশ। শাসকপ্রধান আনুষ্ঠানিকভাবে তাঁহার সম্মতি জ্ঞাপন করিয়া আদেশকে আইনসিদ্ধ করেন মাত্র। ইংল্যান্ডের রাজা বা রাণী, ভারতবর্ষের রাষ্ট্রপতি হইলেন এইরূপ নিয়মতান্ত্রিক শাসকের উপযুক্ত উদাহরণ। নিয়মতান্ত্রিক শাসক রাষ্ট্রপ্রধান বটে; কিন্তু, সরকারের মধ্যে প্রধান নহেন। ইহাদের সম্মান ও মর্যাদা আছে; কিন্তু, কর্তৃত্ব নাই। ফলে ইহাদের দায়িত্বও নাই। প্রকৃতপক্ষে, নামসর্বস্ব শাসক রাষ্ট্রের ঐক্য ও সার্বভৌমিকত্বের প্রতিভূ হিসাবে সর্বসমক্ষে উপস্থিত থাকেন। তিনি বহু আনুষ্ঠানিক কার্যও সম্পাদন করেন।

(২) এই ব্যবস্থার দ্বিতীয় বৈশিষ্ট্য হইল পার্লামেন্টের নিকট মন্ত্রিসভার **যৌথভাবে (Collective)** এবং **ব্যক্তিগতভাবে দায়িত্বশীলতা**। এই দায়িত্ব **আইনগত (Legal)** ও **রাষ্ট্রনৈতিকগত (Political)**। সমগ্র শাসন-ব্যবস্থা পরিচালনার দায়-দায়িত্ব মন্ত্রিমণ্ডলীর। যৌথ দায়িত্বের অর্থ হইল যদি কোন একটি বিশেষ দপ্তরের ভারপ্রাপ্ত মন্ত্রির বিরুদ্ধে অনাস্থাজ্ঞাপক প্রস্তাব আইনসভায় আনয়ন করা হয় এবং তাহা সংখ্যাগরিষ্ঠের ভোটে পাস করানো হয় তবে সমগ্র মন্ত্রিমণ্ডলীকেই পদত্যাগ করিতে হইবে। আর ব্যক্তিগত (**Severally**) দায়িত্বশীলতার তাৎপর্য হইল কোন দপ্তরের সম্পূর্ণ দায়-দায়িত্ব সংশ্লিষ্ট মন্ত্রিকেই গ্রহণ করিতে হইবে। এইক্ষেত্রে অনাস্থা প্রস্তাব আসিলে শুধু সংশ্লিষ্ট মন্ত্রিকেই পদত্যাগ করিতে হইবে। এই সকল কারণে ইহাকে **দায়িত্বশীল সরকারও (Responsible Government)** বলা হয়।

(৩) এই শাসন-ব্যবস্থা সমচেতনা, সমস্বার্থ ও পারস্পরিক সহযোগিতার ভিত্তিতে মন্ত্রিসভা গঠিত হইবার ফলে সাধারণতঃ দেখা যায়, একই দলের সদস্যবৃন্দ লইয়া মন্ত্রিসভা গঠিত হয়। অবশ্য, সংখ্যাগরিষ্ঠতার জন্ত অনেক সময় অপর্যাপ্ত দলের সহিত একত্রিত হইয়াও সম্মিলিত মন্ত্রিসভা (**Coalition Ministry**) গঠিত হয়। •

(৪) এই মন্ত্রিসভার গঠন সম্পর্কে ল্যান্ডি বলেন “ইহা হইল বিধানসভায় ক্ষমতায় অধিষ্ঠিত দলের একটি কমিটি” (**“A Committee of the party in power in the Legislative Assembly”**)। মন্ত্রিসভার সভ্যদের বিধানমণ্ডলীর কোন-না-কোন কক্ষের সভ্য হইতে হইবে। সংখ্যাগরিষ্ঠের নেতাকে রাষ্ট্রপ্রধান (**Head of the State**) প্রধানমন্ত্রীর পদে নিযুক্ত করেন এবং তাঁহার পরামর্শক্রমে অগ্রান্ত্র মন্ত্রিবর্গ নিযুক্ত হইবে।

(৫) পার্লামেন্টীয় শাসন-ব্যবস্থায় মন্ত্রিমণ্ডলী একদিকে যেমন পার্লামেন্টের নিকট **দায়িত্বশীল** থাকে, তেমনি আবার অপরদিকে মন্ত্রিমণ্ডলী পার্লামেন্টের নায়ক হিসাবে কাজ করে। কারণ, পার্লামেন্টের সংখ্যাগরিষ্ঠের ষাঁহানা নেতা তাঁহারাই আবার মন্ত্রিসভা গঠন করেন। ফলে, বর্তমানে মন্ত্রিসভার নায়কত্ব (**Cabinet Dictatorship**) প্রতিষ্ঠিত হইয়াছে। মন্ত্রিসভার এই নিয়ন্ত্রণ-ক্ষমতার তারতম্য অহুসারে ল্যান্ডি পার্লামেন্টীয় শাসন-ব্যবস্থাকে দুই শ্রেণীতে বিভক্ত করিয়াছেন; যথা—

(ক) মন্ত্রিসভা নিয়ন্ত্রিত পার্লামেন্ট ; যেমন, ব্রিটেন ; আর (খ) পার্লামেন্ট নিয়ন্ত্রিত মন্ত্রিসভা, যেমন, ফ্রান্স ।

(৬) জেনিংস, ম্যারিয়ট প্রমুখ লেখকদের মতে পার্লামেন্টীয় শাসন-ব্যবস্থার আরও দুইটি বৈশিষ্ট্য হইল প্রধানমন্ত্রীর নেতৃত্ব এবং বিরোধী দলের অস্তিত্ব ("opposition is...a definite and essential part of the constitution.") ।

পার্লামেন্টীয় শাসন-ব্যবস্থার গুণাগুণ : (১) এই শাসন-ব্যবস্থায় ব্যবস্থাবিভাগ ও শাসনবিভাগের মধ্যে যোগসূত্র থাকায় এক সহযোগিতার ভিত্তিতে শাসনকার্য পরিচালিত হয় ।

(২) জনসাধারণের সম্মতির ভিত্তিতেই এই শাসন-ব্যবস্থা প্রতিষ্ঠিত বলিয়া এই শাসন-ব্যবস্থাকে গণতান্ত্রিক বলা যায় । জনপ্রতিনিধিগণই মন্ত্রিমণ্ডলী গঠন করেন । ফলে জনসাধারণের নিয়ন্ত্রণও বজায় থাকে ।

(৩) সহজ ও সম্পূর্ণ নিয়মতান্ত্রিক পদ্ধতিতে মন্ত্রিমণ্ডলীর রদ-বদল করা যায় বলিয়া এই শাসন-ব্যবস্থা সময়ের সহিত সামঞ্জস্য রক্ষা করিয়া চলিতে সমর্থ । দ্বিতীয় বিশ্বযুদ্ধের সময় প্রয়োজনবোধে ইংল্যাণ্ডে চেষ্টারলেনের বদলে চার্চিলকে প্রধানমন্ত্রিপদে অধিষ্ঠিত করিয়া ইংল্যাণ্ডকে রক্ষা করা সম্ভব হইয়াছিল শুধু এই শাসন-ব্যবস্থার জগাই ।

(৪) দলীয়-ব্যবস্থা এই শাসন-ব্যবস্থার একটি অঙ্গ বলিয়া দলীয়-ব্যবস্থাধীনে যে রাষ্ট্রনৈতিক শিক্ষার প্রসার ঘটে তাহাও এই শাসন-ব্যবস্থার অপর আর একটি গুণ ।

(৫) আবার এই শাসন-ব্যবস্থায় রাজতন্ত্রকে বজায় রাখিয়াও গণতন্ত্র প্রতিষ্ঠা করা সম্ভব । ইংল্যাণ্ডের শাসন-ব্যবস্থাই তাহার প্রকৃষ্ট উদাহরণ ।

পার্লামেন্টীয় শাসন-ব্যবস্থার ত্রুটি : (১) পার্লামেন্টীয় শাসন-ব্যবস্থায় যেহেতু ক্ষমতা পৃথকীকরণ নীতির প্রয়োগ করা হয় না সেইহেতু কেহ কেহ বলেন যে, এই ব্যবস্থায় স্বাধীনতা বিপদাপন্ন হয় । কিন্তু এই সমালোচনা ক্ষমতা পৃথকীকরণের প্রতি একটা অঙ্গ বিশ্বাসের উপর প্রতিষ্ঠিত । ইংল্যাণ্ডের উদাহরণ হইতে বলা যায়, ক্ষমতা পৃথকীকরণ ব্যতীতও ব্যক্তি-স্বাধীনতা রক্ষিত হইতে পারে ।

(২) পার্লামেন্টীয় শাসন-ব্যবস্থায় মন্ত্রিসভার সদস্যগণ জনগণের

মনোহরণ করিয়া ভোটসংগ্রহে পটু হইতে পারেন ; কিন্তু, তাঁহারা শাসন ব্যাপারে দক্ষ হইবেন এমন কথা নিশ্চয় করিয়া বলিতে পারা যায় না ।

(৩) লর্ড হিউয়ার্ট (Lord Hewart) তাঁহার ‘নয়া স্বৈরাচার’ (New Despotism) গ্রন্থে এই মন্তব্য করিয়াছেন যে, বর্তমানে দলীয় শৃঙ্খলা ও নিয়মাবলীতে একপন্থা পটু হইয়া পড়িয়াছে যে, প্রতিনিধিবর্গ দলীয় নীতি ও কার্যক্রম অনুসরণ করিতে বাধ্য । আবার সংখ্যাগরিষ্ঠের নেতৃত্বে মন্ত্রিসভা গঠিত হইবার ফলে মন্ত্রিসভার স্বৈরাচারিতা প্রতিষ্ঠিত হইয়াছে বলা যাইতে পারে ।

(৪) এই শাসন-ব্যবস্থায় শাসনকার্যে যথেষ্ট বিঘ্ন ঘটে । কারণ মন্ত্রিগণ পার্লামেন্টে প্রয়োজনীয়দানে এত ব্যস্ত থাকেন যে, নিজ দপ্তরের কাজ করার জন্য তাঁহাদের আর বিশেষ সময় থাকে না ।

(৫) পরিশেষে বলা যায়, পার্লামেন্টীয় শাসন-ব্যবস্থা স্থিতিশীল নয় । সুশাসনের জন্য প্রয়োজন হয় দীর্ঘকাল ধরিয়া অমূল্য সরকারী নীতি । কিন্তু অনবরত মন্ত্রিসভা পরিবর্তিত হওয়ায় সরকারের স্থায়িত্ব এবং সরকারী নীতির স্থায়িত্ব রক্ষিত হয় না ।

উপসংহারে বলা যায়, অভিযোগ যতই তীব্র হউক, এই ব্যবস্থা আজ প্রায় সর্বদেশে স্বীকৃত হইয়াছে বলা যাইতে পারে । ক্ষমতা পৃথকীকরণের দিক হইতে যে সমালোচনা করা হয় তাহা বর্তমানে যথার্থ নয় । কারণ, দেখা গিয়াছে ক্ষমতা পৃথকীকরণ হইতে সহযোগিতা অনেক পরিমাণে কাম্য বলিয়া বিবেচিত । আবার গতিশীলতাই সমাজের ধর্ম । অতএব ইহাকে স্থিতিশীল নয় বলিয়া যে সমালোচনা করা হইয়াছে তাহা ভিত্তিহীন ।

রাষ্ট্রপতি-শাসিত সরকার

(Presidential form of Government) ।

রাষ্ট্রপতি-শাসিত শাসন-ব্যবস্থায় রাষ্ট্রপতিই রাষ্ট্রপ্রধান । তিনি তাঁহার শাসনসংক্রান্ত নীতির জন্য এবং কোন কার্যের জন্য আইনসভার নিকট দায়িত্ব-সম্পন্ন নহেন । এই শাসন-ব্যবস্থায় ব্যবস্থাবিভাগ ও শাসনবিভাগ পূর্ণ স্বাভাবিক ভিত্তিতে গঠিত হয় । এই ব্যবস্থায় একটি মন্ত্রি-পরিষদ থাকে । কিন্তু মন্ত্রিগণ রাষ্ট্রপতির সহকর্মী নহেন । মন্ত্রিগণ তাঁহার অধীনস্থ কর্মচারী মাত্র । শাসন-

বিভাগের চরম কর্তৃত্বের অধিকারী রাষ্ট্রপতি নিজেই। রাষ্ট্রপতি-শাসিত শাসন-ব্যবস্থার বৈশিষ্ট্যগুলি নিয়ে দেওয়া গেল :

(১) এই শাসন-ব্যবস্থায় ক্ষমতা পৃথকীকরণ নীতি অনুসৃত হয়।

(২) মন্ত্রিগণ আইনসভার সদস্য নহেন। ফলে তাঁহারা আইনসভার নিকট দায়িত্বশীলও নহেন। তাঁহারা একমাত্র রাষ্ট্রপতির নিকটই দায়ী। মন্ত্রিসভার সদস্যকে অপসারণ করার ক্ষমতার অধিকার আইনসভার নাই।

(৩) রাষ্ট্রপতিও আইনসভার নিকট দায়িত্বশীল নহেন। তিনি জনসাধারণ কর্তৃক নির্দিষ্ট সময়ের জন্য নির্বাচিত হন। অবশ্য রাষ্ট্রপতি সংবিধান ভঙ্গ করিলে এবং কোন দুর্নীতিমূলক কার্য করিলেই তাঁহাকে পদচ্যুত করা যায়।

(৪) এই শাসন-ব্যবস্থায় আইনসভা আইন প্রণয়ন করে। তথ্যগতভাবে রাষ্ট্রপতি আইন প্রণয়নে অংশ গ্রহণ করিতে পারেন না। তবে ভিটো (Veto) প্রয়োগ করিয়া আইন প্রণয়ন বন্ধ রাখিতে পারেন।

এই শাসন-ব্যবস্থার প্রকৃষ্ট উদাহরণ হইল মার্কিন যুক্তরাষ্ট্র।

রাষ্ট্রপতি-শাসিত শাসন-ব্যবস্থার গুণাগুণ : (১) এই ব্যবস্থার প্রধান গুণ হইল স্থায়িত্ব। এই স্থায়িত্বের জন্য অনুসৃত নীতি ও কার্যধারার মধ্যে একটি নিরবচ্ছিন্নতা বিদ্যমান থাকে। ফলে আন্তর্জাতিক ক্ষেত্রে রাষ্ট্রের প্রতিষ্ঠা ও সুনাম বৃদ্ধি পায়। আবার শাসকগণকে নির্বাচকদের মনোহরণ-কার্যে ব্যাপৃত থাকিতে হয় না বলিয়া শাসনকার্য সুষ্ঠুভাবে হইতে পারে।

(২) এই ব্যবস্থা জরুরী অবস্থার পক্ষে বিশেষ প্রয়োজ্য। রাষ্ট্রপতি অপর কাহারও সহিত পরামর্শ না করিয়াই ক্ষিপ্ততার সহিত জরুরী প্রয়োজনে জরুরী ব্যবস্থা গ্রহণ করিতে পারেন। কিন্তু পার্লামেন্টারী ব্যবস্থায় তাহা সম্ভব নয়।

(৩) বহু দল ও বহু স্বার্থ যেখানে বিদ্যমান সেখানে এই শাসন-ব্যবস্থা বিশেষ কার্যকর। কারণ, বহু দলপ্রথায় পার্লামেন্টারী শাসন-ব্যবস্থা দুর্বল হইয়া পড়ে। কিন্তু আলোচ্য ব্যবস্থায় বহু দল থাকা সত্ত্বেও শাসনযন্ত্র দুর্বল হইয়া পড়ে না।

রাষ্ট্রপতি-শাসিত শাসন-ব্যবস্থার ত্রুটি : এই শাসন-ব্যবস্থা পূর্ণ ক্ষমতা পৃথকীকরণের ভিত্তিতে প্রতিষ্ঠিত বলিয়া ব্যবস্থাবিভাগ ও শাসনবিভাগ পরস্পরের মধ্যে সংঘর্ষে লিপ্ত হইতে পারে। মার্কিন শাসনযন্ত্রের ইতিহাস আলোচনা করিলে এই ধরনের বহু সংঘর্ষ লক্ষ্য করা যায়।

(২) এই শাসন-ব্যবস্থায় স্বৈরাচারিতার সম্ভাবনাও রহিয়াছে। আইন-সভার প্রতি রাষ্ট্রপতির যেহেতু কোন দায়-দায়িত্ব নাই অর্থাৎ রাষ্ট্রপতির ক্ষমতাকে নিয়ন্ত্রণ করিবার যেহেতু কোন উপায় নাই সেইহেতু রাষ্ট্রপতি স্বৈরাচারী হইয়া উঠিতে পারেন।

(৩) ল্যাক্সিকে অনুসরণ করিয়া বলা যায়, পার্লামেন্টীয় শাসন-ব্যবস্থায় অন্ততঃ একটি গুণ লক্ষ্য করা যায় তাহা হইল দায়িত্বের অবস্থান নির্ণয় করা অতিশয় সহজতর। কিন্তু রাষ্ট্রপতি-শাসিত সরকারে আইন প্রণয়নের জন্ত আইনসভা কমিটিতে বিভক্ত হইয়া পড়ে। পৃথক পৃথক ভাবে কমিটিগুলি আইন প্রণয়নকার্যে রত থাকে। এইভাবে দায়িত্ব বিভিন্ন কমিটিগুলির মধ্যে বিভক্ত হওয়ায় দায়িত্বের অবস্থান নির্ণয়ও কঠিন হইয়া পড়ে।

(৪) আবার আইন প্রণয়ন কমিটিগুলি ভিন্ন ভিন্ন স্বার্থ পরিপূর্ণ করিবার জন্ত আইন প্রণয়ন করে বলিয়া সমগ্র দেশের স্বার্থ অক্ষুণ্ণ থাকে না।

উপসংহারে বলা যায়, উপরোক্ত অস্থবিধার জন্ত বর্তমানে রাষ্ট্রপতি-শাসিত শাসন-ব্যবস্থা অপেক্ষা পার্লামেন্টীয় শাসন-ব্যবস্থায়ই প্রবর্তিত হইয়াছে।

সারসংক্ষেপ

ক্ষমতা পৃথকীকরণ নীতি অনুসারে গণতান্ত্রিক সরকারকে (১) পার্লামেন্টীয়, (২) রাষ্ট্রপতি-শাসিত সরকারে বিভক্ত করা যায়।

পার্লামেন্টীয় সরকারের বৈশিষ্ট্য হইল : (১) একজন নামসর্বস্ব শাসক থাকিবে, (২) ব্যবস্থা-বিভাগের নিকট মন্ত্রিমণ্ডলী দায়িত্বশীল থাকিবেন, (৩) ব্যবস্থা ও শাসনবিভাগ সহযোগিতার ভিত্তিতে কাজ করিবে ইত্যাদি।

পার্লামেন্টীয় শাসন-ব্যবস্থার গুণ : (১) গতিশীল সুমাজের সহিত তাল রক্ষা করিয়া চলিতে পারে, (২) মন্ত্রিমণ্ডলী দায়িত্বশীল হয়, (৩) রাষ্ট্রনৈতিক শিক্ষার প্রসার হয় ইত্যাদি।

পার্লামেন্টীয় শাসনের ত্রুটি : (১) ক্ষমতা পৃথকীকরণ নীতি অনুসৃত হয় না বলিয়া ব্যক্তি-স্বাধীনতা বিপন্ন হয়, (২) মন্ত্রিগণ জনগণের মনোহরণে ব্যস্ত থাকায় শাসনকার্যে রত থাকিতে পারেন না ইত্যাদি।

রাষ্ট্রপতি-শাসিত শাসন-ব্যবস্থা : রাষ্ট্রপতি নিজেই নামসর্বস্ব ও প্রকৃত শাসক। ক্ষমতা-পৃথকীকরণ এই শাসন-ব্যবস্থার প্রধান বৈশিষ্ট্য।

এই শাসন-ব্যবস্থার গুণ হইল : ইহা স্থায়ী, ক্ষমতা পৃথকীকরণের ফলে ব্যক্তি-স্বাধীনতা রক্ষিত হয়। আর, এই শাসন-ব্যবস্থার ত্রুটি হইল ইহা স্বৈরাচারিতার পথ প্রশস্ত করে। কারণ রাষ্ট্রপতি আইনসভার নিকট তাঁহার কার্যের জন্ত দায়ী নহেন।

প্রশ্নাবলী

1, What are the essential features of the Cabinet form of Government ? How does the Legislature exercise control over the Executive in such a form of Government ?

(C. U. 1956)

2, What are the essential features of the Presidential form of Government ? What are the merits of this Government ?

অতিরিক্ত পাঠ্য

Laski—Grammar of Politics.

Garner—Political Science and Government.

বিংশ অধ্যায়

এককেন্দ্রিক ও যুক্তরাষ্ট্রীয় শাসন-ব্যবস্থা (Unitary and Federal Governments)

ক্ষমতা পৃথকীকরণের ভিত্তিতে যেমন পার্লামেন্টীয় ও রাষ্ট্রপতি-শাসিত সরকারের মধ্যে পার্থক্য করা হয় তেমনি আঞ্চলিক ক্ষমতা বণ্টনের ভিত্তিতে এককেন্দ্রিক ও যুক্তরাষ্ট্রীয় সরকারের মধ্যে পার্থক্য করা হয়। আঞ্চলিক ক্ষমতা বণ্টনের ভিত্তি বলিতে বোঝায় প্রত্যেক বৃহৎ জাতীয় রাষ্ট্রে একটি জাতীয় সরকার বা কেন্দ্রীয় সরকার থাকিবে, আর থাকিবে কতকগুলি আঞ্চলিক সরকার।

শাসনক্ষমতার আঞ্চলিক বণ্টন শুধু ভৌগোলিক কারণেই হয় না। স্বায়ত্ত-শাসনের অধিকারস্বার্থে, রাষ্ট্রনৈতিক শিক্ষার প্রসারকল্পে, গণতান্ত্রিক আদর্শকে রূপায়িত করিবার জন্ত এবং আঞ্চলিক স্বার্থরক্ষাকল্পেও শাসন-ক্ষমতার আঞ্চলিক বণ্টন হইয়া থাকে। শাসনক্ষমতার আঞ্চলিক বণ্টন আবার দুইটি পদ্ধতি অনুসারে হয়; যথা—(ক) বিকেন্দ্রীকরণ পদ্ধতি এবং (খ) ক্ষমতা-বণ্টন পদ্ধতি।

বিকেন্দ্রীকরণ পদ্ধতিতে শাসনতন্ত্র দ্বারা সমগ্র ক্ষমতা জাতীয় সরকারের হস্তে কেন্দ্রীভূত হয় এবং জাতীয় সরকার আঞ্চলিক সরকার সৃষ্টি করিয়া তাহাদের হস্তে ক্ষমতা অর্পণ করে। শাসন-ব্যবস্থায় যদি বিকেন্দ্রীকরণ নীতি (Decentralisation) অনুসৃত হয় তবে তাহাকে এককেন্দ্রিক শাসন-ব্যবস্থা (Unitary) বলা হয়।

আর ক্ষমতা-বণ্টন নীতি অনুসারে শাসনতন্ত্র দ্বারাই জাতীয় ও আঞ্চলিক সরকার সৃষ্ট হয় এবং ইহাদের মধ্যে ক্ষমতা বন্টিত হয়। এই ধরনের শাসন-ব্যবস্থাকে বলা হয় যুক্তরাষ্ট্রীয় (Federal) শাসন-ব্যবস্থা।

এককেন্দ্রিক শাসন-ব্যবস্থা (Unitary Government) : এককেন্দ্রিক সরকারের সংজ্ঞানুসারে দেখা যায় জাতীয় সরকারই শাসনব্যাপারে পূর্ণ কর্তৃত্বের অধিকারী। প্রয়োজনবোধে জাতীয় সরকার আঞ্চলিক সরকারগুলিকে পুনর্গঠিতও করিতে পারে এবং ক্ষমতা বাড়াইতে বা কমাইতেও পারে।

এককেন্দ্রিক শাসন-ব্যবস্থার বৈশিষ্ট্য : (১) এককেন্দ্রিক শাসনে

ক্ষমতা কেন্দ্রীভূত হয়। কেন্দ্রের আইন ও নির্দেশ আঞ্চলিক সরকারগুলির পক্ষে বাধ্যতামূলক। এইজন্য ডাইসি এই মন্তব্য করেন যে, এককেন্দ্রিক শাসনে একই কেন্দ্রীয় শক্তি দ্বারা আইনগত সর্বপ্রধান কর্তৃত্বের স্বাভাবিক ব্যবহার হইয়া থাকে ("The habitual exercise of supreme legislative authority by one central power.")।

(২) এককেন্দ্রিক শাসন-ব্যবস্থায় শাসনতন্ত্র লিখিত ও অলিখিত, স্থপরিবর্তনীয় বা দুঃপরিবর্তনীয় হইতে পারে।

ইংল্যান্ড ও ফ্রান্সের উদাহরণ হইতে বিষয়টিকে স্পষ্ট করিয়া বোঝানো যায়। ইংল্যান্ডে আঞ্চলিক সরকারগুলি ঐতিহাসিক পদ্ধতিতে সৃষ্ট হইয়াছে এবং ইহাদের মধ্যে কতকগুলির স্বাভাবিক পার্লামেন্ট কর্তৃক স্বীকৃত হইয়াছে বটে কিন্তু অগ (F. A. Ogg) প্রমুখ এই মত পোষণ করেন যে, আঞ্চলিক সরকারের উপর কেন্দ্রীয় নিয়ন্ত্রণ গভীর ও ব্যাপক। ফ্রান্সের পক্ষে সকল আঞ্চলিক সরকারই কেন্দ্রীয় নিয়ন্ত্রণের অধীন। অগ বলেন : "বস্তুতঃ, ফ্রান্সে একটমাত্র সরকার আছে এবং তাহা হইল কেন্দ্রীয় সরকার।"

এককেন্দ্রিক সরকারের গুণাগুণ : (ক) গুণ : (১) এই শাসন-ব্যবস্থায় শাসনক্ষমতা কেন্দ্রীভূত। ফলে ইহা এক শক্তিশালী শাসন-ব্যবস্থা। এই কেন্দ্রীয় সরকারের ক্ষমতা অপরাপর রাজ্য সরকারগুলির ক্ষমতার দ্বারাও সীমাবদ্ধ নয়।

(২) এই শাসন-ব্যবস্থায় একই নীতি ও আইন সমগ্র দেশের শাসন-ব্যবস্থায় অনুসৃত হয় বলিয়া শাসনপদ্ধতি কার্যকর করা খুব সহজ ও দ্রুত হয়।

(৩) রাজ্য ও কেন্দ্রের মধ্যে পরস্পর-বিরোধী আইন ও কার্যপদ্ধতি অনুসৃত হইবার সম্ভাবনা নাই।

(৪) এই ব্যবস্থায় অর্থের ব্যয়ও কম হয়, কারণ দ্বিবিধ শাসন-ব্যবস্থার প্রবর্তন ইহাতে হয় না।

(খ) ত্রুটি : (১) এককেন্দ্রিক শাসন-ব্যবস্থায় আঞ্চলিক স্বায়ত্তশাসনকে অস্বীকার করা হয়। ফলে স্বাধীনতা ও গণতন্ত্রের আদর্শ সমাধিস্থ হয়।

(২) কেন্দ্র আঞ্চলিক খুঁটিনাটি বিষয় সঠিকভাবে উপলব্ধি করিয়া কোন আইন পাস করিতে পারে না।

(৩) কেন্দ্র হইতে সমস্ত শাসন-ব্যবস্থা পরিচালিত হইলে আমলাতান্ত্রিক শাসন-ব্যবস্থা প্রবর্তিত হয়।

উপসংহারে বলা যায়, উপরোক্ত ক্রটিগুলি এককেন্দ্রিক শাসন-ব্যবস্থায় পরিলক্ষিত হইলেও যদি সংস্কৃতি, ধর্ম, ভাষা ও জাতীয়তা অভিন্ন হয় তবে ক্ষুদ্র রাষ্ট্রের পক্ষে এককেন্দ্রিক শাসন-ব্যবস্থাই সর্বোৎকৃষ্ট শাসন-ব্যবস্থা।

এককেন্দ্রিক ও যুক্তরাষ্ট্রীয় শাসন-ব্যবস্থার মধ্যে পার্থক্য

এককেন্দ্রিক	যুক্তরাষ্ট্রীয়
(১) এককেন্দ্রিক শাসন-ব্যবস্থায় ক্ষমতা কেন্দ্রীভূত।	(১) যুক্তরাষ্ট্রীয় শাসন-ব্যবস্থায় ক্ষমতা বিভক্ত।
(২) এককেন্দ্রিক শাসন-ব্যবস্থায় আঞ্চলিক শাসন-ব্যবস্থা সম্পূর্ণভাবে কেন্দ্রের আইন ও নির্দেশের অধীন।	(২) যুক্তরাষ্ট্রীয় শাসন-ব্যবস্থায় আঞ্চলিক সরকার কেন্দ্রের উপর নির্ভরশীল নয় বা কেন্দ্র ও আঞ্চলিক সরকারের উপর নির্ভরশীল নয়।
(৩) এককেন্দ্রিক শাসনে কেন্দ্র আঞ্চলিক সরকারের ক্ষমতার হ্রাস-বৃদ্ধি করিতে পারে।	(৩) যুক্তরাষ্ট্রীয় ব্যবস্থায় একে অপরের এক্তিয়ারে হস্তক্ষেপ করিতে পারে না।
(৪) এককেন্দ্রিক শাসন-ব্যবস্থায় শাসনতন্ত্র লিখিত বা অলিখিত, সুপরিবর্তনীয় বা দুস্পরিবর্তনীয় হইতে পারে।	(৪) যুক্তরাষ্ট্রীয় শাসন-ব্যবস্থায় শাসনতন্ত্র লিখিত ও দুস্পরিবর্তনীয় হইতে হইবে।

যুক্তরাষ্ট্রীয় শাসন-ব্যবস্থা (Federal Government)

যুক্তরাষ্ট্রীয় শাসন-ব্যবস্থার একটি সংজ্ঞা পূর্বেই উল্লিখিত হইয়াছে। এখানে হোয়ারে (K. C. Wheare) প্রদত্ত একটি সংজ্ঞার উল্লেখ করা হইল। হোয়ারে বলেন, “যুক্তরাষ্ট্রের নীতি বলিতে আমি মনে করি ইহা হইল ক্ষমতা-বণ্টনের সেই পদ্ধতি যাহাতে সাধারণ সরকার ও আঞ্চলিক সরকারগুলি প্রত্যেকেই স্ব স্ব সীমার মধ্যে স্বাধীন ও স্বতন্ত্র।”* ডাইসিকে অনুসরণ করিয়া বলা যায়, যুক্তরাষ্ট্রতত্ত্ব বলিতে বোঝায় এমন এক শাসন-ব্যবস্থা

* By federal principle I mean the method of dividing powers so that the general and regional governments are each, within a sphere, co-ordinate and independent.”—K. O. Wheare.

যেখানে কেহ কাহারও অধীন নহে এবং অঙ্গরাষ্ট্রগুলির মধ্যে রাষ্ট্র-ক্ষমতা বন্টিত হয়। আর প্রত্যেকের ক্ষমতার উৎস ও নিয়ামক হইল শাসনতন্ত্র (“Federalism means the distribution of the forces of the State among a number of co-ordinate bodies, each originating in and controlled by the constitution.”)। এই সংজ্ঞায় হইতে যুক্তরাষ্ট্রের যে সকল বৈশিষ্ট্যগুলি পাওয়া যায় তাহা নিম্নে প্রদত্ত হইল :

যুক্তরাষ্ট্রের বৈশিষ্ট্য : (১) যুক্তরাষ্ট্রে দুই স্তরের সরকার লক্ষ্য করা যায় ; যথা (ক) কেন্দ্রীয় সরকার (Federal Government), (খ) অঙ্গরাজ্য সরকার (State Government) ।

(২) এই দুইটি সরকারের মধ্যে শাসনক্ষমতা শাসনতন্ত্র কর্তৃক নিখুঁতভাবে বন্টিত হয় ।

(৩) এই দুই স্তরের সরকার কেহ কাহারও অধীন হইবে না । প্রত্যেকেই স্ব স্ব ক্ষেত্রে চরম ক্ষমতাসম্পন্ন হইবে ।

(৪) যুক্তরাষ্ট্রীয় শাসন-ব্যবস্থায় শাসনতন্ত্রের **প্রাধান্য** স্বীকৃত হইয়াছে । শাসনতন্ত্রই কেন্দ্রীয় ও আঞ্চলিক সরকারগুলির মধ্যে শাসনক্ষমতা বণ্টন করিয়া দেয় ।

(৫) যুক্তরাষ্ট্রের নাগরিকগণ কেন্দ্রীয় ও আঞ্চলিক উভয় সরকারের সহিত প্রত্যক্ষ যোগাযোগ রক্ষা করে । তাহারা কেন্দ্রেরও নাগরিক এবং অঞ্চলেরও নাগরিক । মার্কিন যুক্তরাষ্ট্রে **দ্বৈত নাগরিকত্ব (Dual Citizenship)** স্বীকৃত হইয়াছে । ফলে বিভিন্ন অঙ্গরাজ্যে নাগরিকত্বের দায় ও অধিকারে কিছুটা স্বাভাব্য ও পার্থক্যের প্রতি গুরুত্ব আরোপ করা হইয়াছে ।

(৬) শাসনক্ষমতার বণ্টন নির্দিষ্ট হওয়ার জন্ত যুক্তরাষ্ট্রের **শাসনতন্ত্র** লিখিত হইয়া থাকে ।

(৭) আবার শাসনতন্ত্রের স্থায়িত্বের জন্ত ইহাকে **দুস্পরিবর্তনীয়** করা হয় ।

(৮) যুক্তরাষ্ট্রে **নিরপেক্ষ বিচার-ব্যবস্থার** উপর গুরুত্ব আরোপ করা হয় । শাসনতন্ত্রের ব্যাখ্যা লইয়া মতবিরোধ সৃষ্টি হইলে **নিরপেক্ষ বিচারক-মণ্ডলী** তাহার নিষ্পত্তি করেন । একই কারণে যুক্তরাষ্ট্রীয় আদালতকে (Federal Court) শাসনতন্ত্রের ব্যাখ্যাকর্তা ও অভিভাবক (interpreter and guardian of the Constitution) বলিয়া বর্ণনা করা হয় ।

(৯) যুক্তরাষ্ট্র এক অখণ্ড **সার্বভৌমিকতাসম্পন্ন** রাষ্ট্র । কেন্দ্রীয় ও

আঞ্চলিক সরকারকে মিলাইয়াই যে একটি সার্বভৌম রাষ্ট্রের সৃষ্টি হয় তাহাই যুক্তরাষ্ট্র। অবশ্য, যুক্তরাষ্ট্রের অঙ্গরাজ্যগুলির কোন সার্বভৌমিকতা নাই। কেহ কেহ বলেন যুক্তরাষ্ট্রের সার্বভৌমিকতা অখণ্ড হইলেও এখানে সার্বভৌমিকতার একটি বিচিত্র প্রকাশ লক্ষ্য করা যায়। যুক্তরাষ্ট্রের প্রত্যেক আইনসভাই অ-সার্বভৌম আইনসভা (Non-sovereign Law-making body)। কারণ, এখানে শাসনতন্ত্রের প্রাধান্য লক্ষ্য করা যায়। অধ্যাপক হোয়ারেকে অহুসরণ করিয়া বলা যায়, শাসনতন্ত্রের প্রাধান্য বলিতে এককভাবে কেন্দ্রীয় ও আইনসভার শাসনতন্ত্র পরিবর্তনের অক্ষমতাকেই বোঝানো হয়। আবার কেহ কেহ শাসনতন্ত্রকেই সার্বভৌম বলিয়া অভিহিত করিয়াছেন।*

যুক্তরাষ্ট্রের উদ্ভবের ইতিহাস (History of the origin of a Federation) : যুক্তরাষ্ট্রের উদ্ভবের ইতিহাস প্রসঙ্গে স্ট্রং (Strong) এই মত পোষণ করেন যে, বিভিন্ন রাষ্ট্র দুইটি পদ্ধতিতে মিলিত হইয়াছে—এই দুইটি পদ্ধতির মধ্যে একটি হইল **অন্তর্ভুক্তির পদ্ধতি (Integration by Absorption)**। এই পদ্ধতি অহুসারে বিজিত রাষ্ট্র বিজয়ী রাষ্ট্রের অন্তর্ভুক্ত হইয়াছে অথবা প্রবল জাতীয় ভাবের বশবর্তী হইয়া দুইটি পাশাপাশি অবস্থিত রাষ্ট্র একত্রিত হইয়া একটি রাষ্ট্র গঠন করিয়াছে। এই পদ্ধতিতে সাধারণতঃ এককেন্দ্রিক রাষ্ট্র গঠিত হইয়াছে। আর দ্বিতীয় পদ্ধতি হইল **যুক্তরাষ্ট্রীয় পদ্ধতি (Federal Method)**। এই পদ্ধতি অহুসারে রাষ্ট্রসকল মিলিত হইয়া একটি অখণ্ড সার্বভৌম রাষ্ট্র গঠন করে। কিন্তু নির্দিষ্ট সীমার মধ্যে রাষ্ট্রসকল স্ব স্ব ক্ষেত্রে স্বাত্যন্তর্য ও বজায় রাখে। এই প্রসঙ্গে ডাইসির মতটি বিশ্লেষণ করিলে চারিটি স্তরের সন্ধান পাওয়া যায়; যথা, (ক) রাষ্ট্রগুলি আকারে ক্ষুদ্র হইবে এবং তাহাদের মধ্যে একটি ভৌগোলিক সাম্রাধ্য বজায় থাকিবে। (খ) এই ক্ষুদ্র ক্ষুদ্র রাষ্ট্রগুলির মধ্যে এমন একটা জাতীয় ভাব থাকিবে যাহাতে জাতীয় ঐক্য সাধিত হইতে পারে। (গ) এই জাতীয় ভাবের জন্মই তাহাদের মধ্যে একটা মিলনের স্পৃহা থাকিবে। (ঘ) কিন্তু তাহার নিজেদের স্বতন্ত্র অস্তিত্ব বিসর্জন দিয়া মিলিত হইবে না। যে রাষ্ট্রে এই বৈশিষ্ট্যগুলির সন্ধান মিলিবে তাহাকেই বলে যুক্তরাষ্ট্র।

হোয়ারেও অহুরূপ একটি সংজ্ঞা দিয়াছেন। ডাইসির সংজ্ঞা বিশ্লেষণ

করিবার পর একটি প্রশ্ন উঠে। প্রশ্নটি হইল একদিকে মিলনের ইচ্ছা, আর অপরদিকে স্বাভাবিক বজায় রাখার ইচ্ছা কি কারণে হইয়া থাকে? এই প্রশ্নের উত্তরে হোয়ারে (K. C. Wheare) বলেন যে, স্বাধীনতা অর্জন ও সংরক্ষণ, ভৌগোলিক সান্নিধ্য, বহিরাক্রমণ প্রতিহত করিবার প্রয়োজনীয়তা, অর্থনৈতিক সুযোগ-সুবিধা ভোগের আকাঙ্ক্ষা এবং রাষ্ট্রনৈতিক আশা-আকাঙ্ক্ষা পরিপূর্ণ করিবার ইচ্ছা মানুষকে রাষ্ট্রনৈতিকভাবে একই রাষ্ট্রের অধীনে মিলিত হইতে উদ্বোধিত করে। উদাহরণস্বরূপ মার্কিন যুক্তরাষ্ট্র, কানাডা এবং অষ্ট্রেলিয়া প্রভৃতির কথা বলা যাইতে পারে। এখানে একটি লক্ষ্য করিবার বিষয় যে, হোয়ারে ভাষা, ধর্ম ও উদ্ভবগত ঐক্যের কথা বলেন নাই। যুক্তরাষ্ট্র গঠনে এইগুলিকে তিনি অপরিহার্য হিসাবে গ্রহণ করেন নাই।

উপরিউক্ত আলোচনায় মিলনের আকাঙ্ক্ষার কথা বলা হইয়াছে। এখন দেখা প্রয়োজন এই ক্ষুদ্র ক্ষুদ্র রাষ্ট্রগুলি কেন স্বাভাবিক বজায় রাখিতে চায়? এই প্রশ্নের উত্তরে বলা যায় যুক্তরাষ্ট্র গঠনের পূর্বে অঙ্গরাজ্যগুলির স্বাভাবিক বজায় ছিল। এই স্বাভাবিককে রাজ্যগুলি সম্পূর্ণভাবে বিসর্জন দিয়া নিজেদের সত্তাকে লুপ্ত করিতে চায় না। আবার অর্থনৈতিক স্বার্থের সংঘাত, ভাষাগত, উদ্ভবগত ও ধর্মগত পার্থক্যের প্রভাব এবং ভৌগোলিক ব্যবধান অঙ্গ-রাজ্যগুলির স্বাভাবিক বজায় রাখিতে প্রেরণা যোগাইয়াছে। আবার সামাজিক ও রাষ্ট্রনৈতিক পার্থক্যের জ্ঞাত ও স্বাভাবিক রক্ষা করার প্রবল ইচ্ছা জাগ্রত হয়। সর্বোপরি যুক্তরাষ্ট্রের সাফল্য নির্ভর করে উপযুক্ত নেতৃত্বের উপর।

যুক্তরাষ্ট্রের উদ্ভবের জ্ঞাত দুইটি শক্তির সন্ধান পাওয়া যায়—একটি হইল কেন্দ্রাভিগামী (Centripetal) আর অপরটি হইল কেন্দ্রাতিগ (Centrifugal)। ডাইসি প্রথমোক্তটির উল্লেখ করিয়াছেন। জাতীয় ঐক্য সাধনের জ্ঞাত ক্ষুদ্র ক্ষুদ্র রাষ্ট্রগুলি পরস্পরের সহিত মিলিত হইতে চাহিলে কেন্দ্রাভিগামী শক্তি কার্য করে। এই কেন্দ্রাভিগামী শক্তির প্রভাবে মার্কিন যুক্তরাষ্ট্র, অষ্ট্রেলিয়া ও কানাডা গঠিত হইয়াছে। আবার বর্তমানের বোঁক হইল কেন্দ্রাতিগ শক্তির দিকে। এই শক্তির প্রভাবে এককেন্দ্রিক রাষ্ট্র ভাঙ্গিয়া যুক্তরাষ্ট্র গঠিত হয়। ১৯৩৫ সালে ভারতবর্ষের শাসনপদ্ধতি এই দ্বিতীয় পন্থায়ই যুক্তরাষ্ট্র গঠন করিবার পরিকল্পনা গ্রহণ করে।

যুক্তরাষ্ট্রের গুণাগুণ : (১) লর্ড ব্রাইসের মতে যুক্তরাষ্ট্রে আঞ্চলিক-ভাবে আইন প্রণয়ন ও শাসন পরিচালনা এমনভাবে হইয়া থাকে তাহাতে

আঞ্চলিক স্বাতন্ত্র্য বজায় থাকে এবং আঞ্চলিক অভাব অভিযোগের পূর্তি হয়।

(২) যুক্তরাষ্ট্র এই আঞ্চলিক স্বাতন্ত্র্য বজায় রাখিয়াও সামরিক ও অর্থবলে বলীয়ান হয় এবং স্বাধীনতাও সংরক্ষণ করে।

(৩) ইহা জাতীয় সংহতি সাধন করিবার প্রকৃষ্টতম উপায়। বিভিন্ন জাতি যখন একই রাষ্ট্রের অন্তর্ভুক্ত হয় তখন এক জাতীয় সংহতি সাধিত হয়।

(৪) এই ব্যবস্থার মাধ্যমে কেন্দ্রাভিমুখী শক্তি এবং কেন্দ্রাতিগ শক্তির মধ্যে ভারসাম্য বজায় রাখা সম্ভব।

(৫) যুক্তরাষ্ট্রীয় ব্যবস্থায় সামাজিক ও রাষ্ট্রনৈতিক পরীক্ষা-নিরীক্ষা হইতে পারে।

(৬) আঞ্চলিক স্বাতন্ত্র্য রক্ষিত হওয়ায় জনসাধারণ রাষ্ট্রনীতি সম্বন্ধে সচেতন হয় এবং আগ্রহান্বিত হয় এবং লিখিত শাসনতন্ত্র থাকিবার ফলে ক্ষমতা ও অধিকার নির্দিষ্ট হয়।

(৭) এই ব্যবস্থায় শাসনকার্য সুষ্ঠুভাবে চালিত হয় এবং আমলাতান্ত্রিক প্রাধান্যও কম থাকে কারণ কেন্দ্রীয় সরকারের উপর কাজের চাপ কম থাকে। এখানে কেন্দ্রীয় সরকার ইচ্ছা করিলে স্বেচ্ছাচারী হইতে পারে না।

যুক্তরাষ্ট্রীয় ব্যবস্থার ত্রুটি : (১) এই ব্যবস্থার প্রধান ত্রুটি হইল দুই স্তরের সরকারী ব্যবস্থা চালু রাখার জন্ত অনেক অর্থ ব্যয় হইয়া থাকে।

(২) ডাঃ কাইনার বলেন যে, এই ব্যবস্থায় অর্থনীতি, শিল্প-বিজ্ঞান, সামাজিক সমস্যা সম্পর্কে প্রয়োজনীয় ব্যবস্থা গ্রহণ ব্যাহত হয়।

(৩) যুক্তরাষ্ট্রীয় ব্যবস্থায় আইনের বৈচিত্র্য, অধিকার ও কর্মক্ষেত্র সম্বন্ধে এক্টিয়ারগত সমস্যার ফলে প্রভূত মামলা-মোকদ্দমা হইয়া থাকে। এই কারণেই মার্কিন যুক্তরাষ্ট্রে প্রভূত বিবাহ ও বিবাহ-বিচ্ছেদের মামলা-মোকদ্দমা হইয়া থাকে।

(৪) যুক্তরাষ্ট্রীয় সংবিধান দুস্পরিবর্তনীয় বলিয়া গতিশীল সমাজের সহিত ইহা ভাল রক্ষা করিয়া চলিতে অসমর্থ। আবার এই ব্যবস্থায় বিভিন্ন রাষ্ট্রে পরস্পর-বিরোধী আইনও প্রণীত হইতে পারে।

যুক্তরাষ্ট্রের সহিত অপরাপর সমবায় রাষ্ট্রের পার্থক্য (Distinctions between a Federation and other Composite States) : (ক) যুক্তরাষ্ট্র বনাম সমবায় রাষ্ট্র : পূর্বে যুক্তরাষ্ট্রের উদ্ভব সম্বন্ধে আলোচনাকালে বলা হইয়াছে যে, বিভিন্ন কারণে ক্ষুদ্র ক্ষুদ্র রাষ্ট্রগুলি

মিলিত হইয়া যুক্তরাষ্ট্র গঠন করে। পূর্বোক্ত পদ্ধতিগুলি ছাড়াও আরও কতকগুলি পদ্ধতির মাধ্যমে ক্ষুদ্র ক্ষুদ্র রাষ্ট্রগুলি মিলিত হইতে পারে। তবে এই পদ্ধতিগুলি অহুসারে মিলনের ফলে যুক্তরাষ্ট্র যে সকল বৈশিষ্ট্য লইয়া গঠিত হয় সেই সকল বৈশিষ্ট্য আলোচ্য রাষ্ট্রগুলিতে থাকে না। কতকগুলি রাষ্ট্রের মধ্যে পারস্পরিক চুক্তির ফলে সৃষ্ট হয় রাষ্ট্র-সমবায়। এখানেও ক্ষুদ্র ক্ষুদ্র রাষ্ট্র সকল মিলিত হইয়া একটি রাষ্ট্র-সমবায় সৃষ্টি করে। হলের (Hall) ভাষায়, রাষ্ট্র সমবায় হইল, “বিশেষ বিশেষ উদ্দেশ্যে কতক পরিমাণে তাহাদের কার্যের স্বাধীনতা চিরকালের জ্ঞাত বিসর্জন দিতে সম্মত হইয়াছে এক্রূপ কতকগুলি রাষ্ট্রের সমবায়” (“A Confederation is a union of States which consent to forego permanently part of their liberty for certain specific objects.”)।

নিম্নে যুক্তরাষ্ট্র ও রাষ্ট্র-সমবায়ের মধ্যে পার্থক্য নির্দিষ্ট হইল :

যুক্তরাষ্ট্র ও রাষ্ট্র-সমবায়ের মধ্যে পার্থক্য

যুক্তরাষ্ট্র	রাষ্ট্র-সমবায়
(১) যুক্তরাষ্ট্র একটি সার্বভৌম রাষ্ট্র।	(১) রাষ্ট্র-সমবায় হইল অনেক রাষ্ট্রের সমাবেশ।
(২) ইহার ভিত্তি হইল শাসন-তাত্ত্বিক আইন।	(২) ইহার ভিত্তি হইল পারস্পরিক চুক্তি।
(৩) ইহাতে উভয় সরকারই নিজ নিজ ক্ষেত্রে স্বপ্রধান।	(৩) ইহাতে সংযোগী রাষ্ট্রগুলিই প্রধান।
(৪) যুক্তরাষ্ট্র স্থায়ী।	(৪) রাষ্ট্র-সমবায় অস্থায়ী।
(৫) যুক্তরাষ্ট্রের অঙ্গরাজ্যগুলির বাহির হইয়া যাইবার আইনসঙ্গত অধিকার নাই।	(৫) রাষ্ট্র-সমবায়ের অঙ্গরাজ্যগুলির সমবায় হইতে বিচ্ছিন্ন হইবার অধিকার আছে।
(৬) যুক্তরাষ্ট্র একটি রাষ্ট্রহিসাবে আন্তর্জাতিক স্বীকৃতি পায়।	(৬) রাষ্ট্র-সমবায়ের অঙ্গরাজ্যগুলি স্বতন্ত্র স্বীকৃতি পায়।
(৭) যুক্তরাষ্ট্রের কেন্দ্রীয় সরকারের সহিত নাগরিকদের প্রত্যক্ষ সংযোগ আছে।	(৭) রাষ্ট্র-সমবায়ের কেন্দ্রীয় সরকার অঙ্গরাষ্ট্রগুলির মাধ্যমে নাগরিকদের সঙ্গে যোগাযোগ করিতে পারে।

(খ) **যুক্তরাষ্ট্র ও শক্তিমৈত্রী (Federation and Alliance) :** আক্রমণমূলক উদ্দেশ্যে (Offensive) অথবা প্রতিরক্ষামূলক উদ্দেশ্যে (Defensive) অথবা শক্তির সমতা বিধানকল্পে যখন বিভিন্ন রাষ্ট্র চুক্তির মাধ্যমে মৈত্রীর বন্ধনে আবদ্ধ হয় তখনই **শক্তিমৈত্রীর** সৃষ্টি হয়। এই শক্তিমৈত্রী আবার ক্ষুদ্র আঁতাত (Little Entente) নামেও পরিচিত। এই মৈত্রীর ফলে যোগদানকারী রাষ্ট্রের সার্বভৌমিকতা নষ্ট হয় না। ইহার উদাহরণস্বরূপ বলা যায়, প্রথম বিশ্বযুদ্ধের পূর্বে ইতালী, জার্মানী ও অস্ট্রিয়া এই তিন রাষ্ট্রের মধ্যে একটি শক্তিমৈত্রী চুক্তি হইয়াছিল। স্বার্থের সংঘাতের ফলে ইহা দীর্ঘস্থায়ী হয় না। পূর্ববর্ণিত রাষ্ট্রের সহিত ইহার বিশেষ সম্পর্ক নাই।

(গ) **ব্যক্তিগত ও প্রকৃত রাজ্যসংঘ (Personal and Real Union) :** যুক্তরাষ্ট্রের আলোচনাকালে আরও দুইপ্রকারের শাসন-ব্যবস্থার আলোচনা করা প্রয়োজন। ইহাদের একপ্রকার হইল **ব্যক্তিগত রাষ্ট্র-বন্ধন (Personal Union)** আর অপর প্রকার হইল **প্রকৃত রাষ্ট্র-বন্ধন (Real Union)**। ব্যক্তিগত রাষ্ট্র-বন্ধনের ক্ষেত্রে উত্তরাধিকার, যুদ্ধ ও বিবাহ প্রভৃতির ফলে দুইটি স্বাধীন শাসন-ব্যবস্থা একই নৃপতির অধীনে চালু থাকে। উদাহরণস্বরূপ বলা যায় ইংল্যান্ড ও হানোভার ছিল একই নৃপতির অধীনে। এই ধরনের ব্যবস্থায় দুইটি রাষ্ট্র পরস্পরের বিরুদ্ধে যুদ্ধ ঘোষণা পর্যন্ত করিতে পারিত।

(ঘ) **প্রকৃত রাজ্যসংঘের (Real Union)** ক্ষেত্রে দুই বা ততোধিক রাষ্ট্র নিজস্ব সার্বভৌমিকতা বজায় রাখিয়া নির্দিষ্ট চুক্তির মাধ্যমে পরস্পরের সহিত মিলিত হয়। ইহাকে রাজ্য-সমবায়ও বলা হয়। আভ্যন্তরীণক্ষেত্রে স্ব স্ব রাষ্ট্রের সার্বভৌমিকতা স্বীকৃত হয়। কিন্তু এই ব্যবস্থায় আন্তর্জাতিক ক্ষেত্রে রাজ্যসংঘের একটির মাত্র সার্বভৌমিকতা স্বীকৃত হয়। সাধারণতঃ রাজতন্ত্রের অধীনেই রাজ্যসংঘ গঠিত হইতে পারে। ১৮১৫ সালে এক চুক্তি দ্বারা নরওয়ে সুইডেনের নৃপতিকে স্বীকার করিয়া লইয়া তাঁহার হস্তে বৈদেশিক ব্যাপার পরিচালনাসংক্রান্ত ভার অর্পণ করিয়া এইরূপ রাজ্যসংঘ গঠন করে।

যুক্তরাষ্ট্রের প্রকারভেদ (Variations of the Federal form) : বিভিন্ন ক্ষমতা-বণ্টনের রীতি, শাসনতন্ত্রের প্রাধান্য বজায় রাখার পদ্ধতির

বিভিন্নতা এবং শাসনতন্ত্রের পরিবর্তনের পদ্ধতির বিভিন্নতার জন্য যুক্তরাষ্ট্রের প্রকারভেদ হইয়া থাকে। শাসন-ক্ষমতা বন্টনের দিক হইতে দেখা যায়

যুক্তরাষ্ট্রে দুইটি পদ্ধতিতে শাসন-ক্ষমতা বন্টিত হয় ;
যুক্তরাষ্ট্রের প্রকার-
ভেদের কারণ যথা—(১) শাসনতন্ত্র দ্বারা কেন্দ্রের ক্ষমতা নির্দিষ্ট করিয়া

অবশিষ্টাংশকে অঙ্গরাজ্যগুলিকে প্রদান করার পদ্ধতি ;
(২) শাসনতন্ত্র দ্বারা অঙ্গরাজ্যগুলির ক্ষমতা নির্দিষ্ট করিয়া অবশিষ্টাংশগুলিকে কেন্দ্রকে প্রদান করার পদ্ধতি। মার্কিন যুক্তরাষ্ট্রে প্রথম পদ্ধতিতে এবং কানাডায় দ্বিতীয় পদ্ধতিতে শাসন-ক্ষমতার বন্টন করা হইয়াছে।

শাসনতন্ত্রের প্রাধাত্য বজায় রাখার পদ্ধতির বিভিন্নতার জ্ঞাতও যুক্তরাষ্ট্রের প্রকারভেদ হইয়া থাকে। এই প্রসঙ্গে মার্কিন যুক্তরাষ্ট্রে ও সুইজারল্যান্ডের উদাহরণ প্রাসঙ্গিক। মার্কিন যুক্তরাষ্ট্রের শাসনতন্ত্রের প্রাধাত্য বজায় রাখে মার্কিন যুক্তরাষ্ট্রের আদালত। যুক্তরাষ্ট্রের আদালতই শাসনতন্ত্রের ব্যাখ্যাকর্তা ও অভিভাবক। সুইজারল্যান্ডের আদালতের শাসনতন্ত্রের ব্যাখ্যাকর্তা হিসাবে ক্ষমতা অতিশয় সীমাবদ্ধ। ইহা আইনসভা প্রণীত কোন আইনের বৈধতা সম্পর্কে প্রশ্ন তুলিতে পারে না। সোভিয়েত ইউনিয়নেও কেন্দ্রীয় আইনের ব্যাখ্যার ক্ষমতা আদালতের নাই। উহা অর্পণ করা হইয়াছে প্রেসিডিয়ামের হস্তে।

আবার সংবিধান পরিবর্তন প্রণালীও সকল যুক্তরাষ্ট্রে এক নয়। মার্কিন যুক্তরাষ্ট্রে তিন-চতুর্থাংশ অঙ্গরাজ্যের আইনসভার সম্মতি ব্যতীত সংবিধানের কোন পরিবর্তন করা যায় না। সুইজারল্যান্ডে গণউদ্যোগের মাধ্যমে সংবিধান সংশোধনের প্রস্তাব আসিতে পারে। এইভাবে উপরোক্ত তিনটি পদ্ধতিতে যুক্তরাষ্ট্রের প্রকারভেদ করা যায়।

আবার **আধা-যুক্তরাষ্ট্রীয়-ব্যবস্থা** বলিয়াও যুক্তরাষ্ট্রের প্রকারভেদ করা হয়। অধ্যাপক হোয়ারের মতে অনেক শাসনতন্ত্রে যুক্তরাষ্ট্রীয় নীতি সংবদ্ধ হয় কিন্তু বাস্তবে তাহা কার্যকর হয় না। আবার এমন অনেক শাসন-ব্যবস্থা আছে যেখানে যুক্তরাষ্ট্রীয় শাসন-ব্যবস্থা কার্যকর হয় কিন্তু শাসনতন্ত্রে যুক্তরাষ্ট্রীয় নীতি বিশেষভাবে পরিলক্ষিত হয় না। এই সকল কারণে হোয়ারে বলেন, যে সকল শাসনতন্ত্র ও শাসন-ব্যবস্থায় যুক্তরাষ্ট্রীয় নীতি প্রধান না হইলেও যথেষ্ট গুরুত্বসম্পন্ন সেগুলিকে আধা-যুক্তরাষ্ট্রীয় (Quasi-Federal) শাসনতন্ত্র বলা হয়।

যুক্তরাষ্ট্রের সাফল্যের উপাদান কি ভারতে বর্তমান ? (Are those conditions present in India ?) : ১৯৫৬ সালের রাজ্য-পুনর্গঠন আইনের ভিত্তিতে ভারতীয় যুক্তরাষ্ট্রকে ১৪টি রাজ্য এবং ৬টি কেন্দ্র-শাসিত অঞ্চলে বিভক্ত করা হইয়াছে। বর্তমানে রাজ্যের সংখ্যা হইল ১৫টি। আঙ্গিক রাজ্যগুলির **ভৌগোলিক ঐক্যের** উপরই নির্ভর করে যুক্তরাষ্ট্রীয় শাসন-ব্যবস্থার সাফল্য। আন্দামান ও নিকোবর দ্বীপপুঞ্জকে এবং লাক্ষা ও আমিন দ্বীপপুঞ্জকে বাদ দিলে অত্যাশ্র রাজ্যগুলির মধ্যে ভৌগোলিক ঐক্যের অস্তিত্ব লক্ষ্য করা যায়। আবার পারস্পরিক সম্পর্ক ও আদান-প্রদান সহজতর হওয়ায় জাতীয় ঐক্য প্রতিষ্ঠিত হইবার অসুকুল পরিবেশ সৃষ্টি হইয়াছে। ভৌগোলিক ঐক্যের জন্ত প্রতিরক্ষা ব্যবস্থাও সুদৃঢ় হইয়াছে।

যুক্তরাষ্ট্রের সাফল্যের জন্ত প্রয়োজন **জাতিগত, ভাষাগত, ধর্মগত, সংস্কৃতিগত এবং অর্থনৈতিক ঐক্য**। ভারতবর্ষে এই সকল বিষয়ে ঐক্য নাই। কিন্তু শত শত বৎসর ধরিয়া একই ভৌগোলিক পরিবেশে বাস করার ফলে ভারতবাসীর জীবনযাত্রা প্রণালী, চিন্তাধারা এবং অর্থনৈতিক ও কৃষ্টিগত জীবন একই ধারায় প্রবাহিত হইতেছে। আবার ভারতের নূতন শাসনতন্ত্র জাতি-বর্ণ-ধর্ম নির্বিশেষে এক নাগরিকত্ব প্রবর্তন করিয়া এবং সকল নাগরিকের জন্ত সমান সুযোগ-সুবিধার ব্যবস্থা করিয়া এই শত শত বৈচিত্র্যের মধ্যে ঐক্য সৃষ্টিতে সহায়তা করিয়াছে।

যুক্তরাষ্ট্রের সাফল্যের আর একটি শর্ত হইল **জাতীয়তাবোধ**। ভারতবর্ষের ক্ষেত্রে এই জাতীয়তাবোধ নাই বলিয়া মন্তব্য করা হয়। কিন্তু ইহাকে অশ্রান্ত বলা চলে না। কারণ দিন দিনই ভারতবর্ষে জাতীয়তাবোধ প্রবল হইয়া উঠিতেছে। ব্রিটিশ আমলে বিভেদমূলক নীতি (Divide and Rule) অহুসৃত হওয়ায় জাতীয়তাবোধ দুর্বল হইয়া পড়িয়াছিল। কিন্তু বর্তমানে ভারত সরকার বিভিন্ন রাজ্যের পারস্পরিক মতভেদ দূরীকরণের জন্য আঞ্চলিক পরামর্শ সভা গঠন করিয়াছেন এবং প্রায়ই দেখা যায় রাজ্যগুলির শাসনকর্তাদের সম্মিলিত বৈঠকের ব্যবস্থা করা হইতেছে। এই সকল ব্যবস্থার মাধ্যমে সহযোগিতার মনোভাব সৃষ্টি হইয়াছে এবং অদূর ভবিষ্যতে যে জাতি-বিভেদ তিরোহিত হইবে তাহা নিশ্চয় করিয়া বলা যায়।

যুক্তরাষ্ট্রের সাফল্যের জন্ত প্রয়োজন আঙ্গিক রাজ্যগুলির সমানাধিকার, পার্লামেন্টে সমান প্রতিনিধিত্ব, রাজ্যগুলির মধ্যে আয়তনের, সম্পদের ও

বিশেষ করিয়া রাজনৈতিক সমতার একান্ত প্রয়োজন। ভারতবর্ষের ক্ষেত্রে এই সমতার একান্ত অভাব। মধ্যপ্রদেশ, বিহার ও উত্তরপ্রদেশের আয়তন ও সম্পদ অত্যন্ত রাজ্য অপেক্ষা বেশী। ফলে পার্লামেন্টে এই সকল রাজ্যের প্রতিনিধিও অনেক বেশীসংখ্যক। এই দিক হইতে বিচার করিয়া বলা যায়, ভারতবর্ষের যুক্তরাষ্ট্রীয় শাসন-ব্যবস্থাকে সাফল্যমণ্ডিত করিতে হইলে আঙ্গিক রাজ্যগুলির সমান প্রতিনিধিত্বের অথবা আনুপাতিক প্রতিনিধিত্বের ব্যবস্থা করা প্রয়োজন।

সর্বশেষে বলা যায়, নাগরিকদের রাজনৈতিক শিক্ষার বিশেষ প্রয়োজন। ভারতবর্ষ যতদিন পরাধীন ছিল ততদিন ভারতবাসীদের রাজনৈতিক শিক্ষার বিশেষ প্রসার হয় নাই। কিন্তু স্বাধীনতা পাইবার পর এই দিক হইতে বিশেষ ভাবে প্রচেষ্টা চালানো হইতেছে। নাগরিকদের শিক্ষার উপরই নির্ভর করে দায়িত্ববোধ ও কর্মপটুতা বৃদ্ধি পাওয়া-না-পাওয়া। আবার নাগরিকদের কর্মপটুত্বের উপরই নির্ভর করে যুক্তরাষ্ট্রের সাফল্য। ভারতবর্ষ এই দিক হইতে দিন দিনই সাফল্যলাভ করিতেছে। অতএব আশা করা যায় ভারতবর্ষে যুক্তরাষ্ট্রীয় শাসন-ব্যবস্থা সাফল্যলাভ করিবে।

যুক্তরাষ্ট্রের ভবিষ্যৎ (Future of Federalism) : বর্তমানে প্রায় সকল যুক্তরাষ্ট্রেই কেন্দ্রিকতার দিকে প্রবল ঝোঁক দেখা দিয়াছে। মার্কিন যুক্তরাষ্ট্র, অষ্ট্রেলিয়া ও ক্যানাডা প্রভৃতি যুক্তরাষ্ট্রের চরিত্র বিশ্লেষণ করিলে দেখা যাইবে যে, কেন্দ্রীয় সরকারের ক্ষমতা দিন দিনই বৃদ্ধি পাইতেছে। আর অপর দিকে আঙ্গিক সরকারগুলি হীনবল হইয়া পড়িতেছে। এই কেন্দ্রিকতার দিকে প্রবল ঝোঁকের কারণ হিসাবে বলা হয় যে, যুদ্ধ, আর্থিক সংকট, বৃহৎশিল্প, ও অধিকতর উৎপাদন, পরিবহণ-ব্যবস্থার উন্নতি, আর্থিক পরিকল্পনা এবং সমাজকল্যাণমূলক কার্যাদির প্রসার যুক্তরাষ্ট্রে কেন্দ্রীয় সরকারের শক্তি বৃদ্ধি করিতে অধিক সাহায্য করিতেছে। যুদ্ধোত্তর পৃথিবীকে পুনর্গঠিত করা এবং ভবিষ্যৎ যুদ্ধের ভয়ে ভীত রাষ্ট্রগুলি নিজেদেরকে শক্তিশালী করার জন্য সমস্ত শক্তি ও অর্থ কেন্দ্রে গুঞ্জীভূত করিতেছে। ব্যাপক বেকারাদেশ, দুর্ভিক্ষ ও অকাল মৃত্যুর হস্ত হইতে জাতিকে বাঁচানোর জন্য বিরাট পরিকল্পনা গ্রহণ করিতেছে। পরিবহণ-ব্যবস্থার দ্রুত উন্নতি এবং বৃহদায়তন শিল্প গড়িয়া তোলার জন্য প্রয়োজন হইয়া পড়িতেছে ক্ষমতার কেন্দ্রীভূতকরণ।

আবার বামপন্থীরা বলেন যে, পনতন্ত্রের প্রসারের ফলে মূলধন মুষ্টিমেয় লোকের হস্তে কেন্দ্রীভূত ও পুঞ্জীভূত হইয়া পড়ায় প্রতিযোগিতার পরিবর্তে একচেটিয়া কারবার প্রতিষ্ঠিত হইতেছে। ফলে ক্ষমতাও কেন্দ্রীভূত হইয়া পড়িতেছে। এতদ্ব্যতীত পনতান্ত্রিক অর্থ-ব্যবস্থার অন্তর্দ্বন্দ্বের ফলে ব্যাপক বেকার সমস্যা ও দারিদ্র্য দেখা দিয়াছে। পুঁজিপতিরা শক্তিশালী কেন্দ্রীয় সরকারের সাহায্যে বহির্বাণিজ্য বৃদ্ধি করিয়া এবং দেশের অভ্যন্তরে বল-প্রয়োগ ও সমাজকল্যাণকর কার্যাবলীর মাধ্যমে পনতান্ত্রিক অর্থ-ব্যবস্থার সংকট হইতে মুক্তি পাইতে চান। কেন্দ্রীয় শক্তির সাহায্যে গণআন্দোলনকে দমন করিয়া পুঁজিতান্ত্রিক অর্থ-ব্যবস্থাকে বজায় রাখিতে চায়।

উপরিউক্ত কার্গগুলি করার জন্য প্রয়োজন, কেন্দ্রীয় সরকারের শক্তি বৃদ্ধি করা। আবার কেন্দ্রীয় সরকারের ক্ষমতা বৃদ্ধি পাইলে আঙ্গিক রাজ্যগুলির স্বাভিত্ত্য ও অধিকার কেন্দ্রীয় সরকারের চাপে নিঃশেষ হইয়া যায়। এই কারণে অনেক লেখক যুক্তরাষ্ট্রের ভবিষ্যৎ সম্বন্ধে নৈরাশ্যবাজক মন্তব্য প্রকাশ করেন। অবশ্য হোয়ারে প্রমুখ মনে করেন যে, যেমন কেন্দ্রীয় সরকারের শক্তি বৃদ্ধি পাইতেছে তেমনি আবার আঙ্গিক রাজ্যগুলির শক্তি বৃদ্ধি পাইতেছে। উদাহরণস্বরূপ আইজারল্যান্ডের ক্যান্টনগুলির কথা বলা যাইতে পারে। এই ক্যান্টনগুলি তাহাদের অস্তিত্ব ও স্বাভিত্ত্য বজায় রাখিয়া চলিতেছে।

পরিশেষে বলা যায়, বর্তমান সমস্যাসম্মুল সমাজে শক্তিশালী কেন্দ্রীয় সরকারের প্রয়োজনীয়তাকে অস্বীকার করা যায় না। তবে বিভিন্ন জাতির সংস্কৃতি ও স্বাভিত্ত্য যদি অক্ষুণ্ণ রাখিয়া এই কেন্দ্রীয় শক্তি পরিচালিত হয় তবেই মঙ্গল।

যুক্তরাষ্ট্রের সাফল্যের পূর্ব শর্ত (Conditions of Success of Federalism) : মিলকে অনুসরণ করিয়া বলা যায়, যুক্তরাষ্ট্রীয় ব্যবস্থা প্রবর্তিত করিতে পারা যাইবে কিনা অথবা প্রবর্তিত হইলে উহা রক্ষা করিতে পারা যাইবে কিনা তাহা নির্ভর করে (ক) এই ব্যবস্থা গ্রহণ করিবার ইচ্ছা জনসাধারণের আছে কিনা এবং (খ) ইহাকে কার্যকর করিবার ক্ষমতা জনসাধারণের আছে কিনা, তাহার উপর। ডাইলি, হোয়ারে এবং ট্রুট প্রমুখ এই ধারণা পোষণ করেন যে, জাতীয় ঐক্যের সহিত অঙ্গরাজ্যের অধিকারের সামঞ্জস্য বিধান করার উপরই নির্ভর করে যুক্তরাষ্ট্রের সাফল্য। তাহা হইলে

দেখা প্রয়োজন কিভাবে এই সামঞ্জস্যবিধান করা যায়। প্রথম প্রয়োজন সম্পর্কে হোয়ারে বলেন, “তাহারা ঐক্যবদ্ধ হইতে চাহিবে কিন্তু এককেন্দ্রিক হইতে চাহিবে না” (“They must desire to be united, but not be unitary.”)। জনসমাজ ঐক্যবদ্ধ হইতে চায় কারণ বিদেশী আক্রমণ প্রতিহত করিবার জন্ত, অর্থনৈতিক সুযোগ বৃদ্ধি করিয়া সুখস্বাচ্ছন্দ্য বৃদ্ধি করিবার জন্ত, আবার ভৌগোলিক সান্নিধ্য, রাষ্ট্রনৈতিক নেতৃত্ব ও রাষ্ট্রনৈতিক ব্যবস্থার দৃঢ়তার জন্তও ঐক্যবদ্ধ হইতে চায়।

আবার জনসমাজ তাহাদের অর্থনৈতিক স্বার্থের পার্থক্যের জন্ত, ভৌগোলিক স্বাতন্ত্র্যের জন্ত, জাতীয় সংস্কৃতি বজায় রাখিবার জন্ত এবং বহুদিন পরিয়া স্বাতন্ত্র্য ভোগ করিয়া স্বাতন্ত্র্যে অভ্যস্ত হইয়া পড়ায় তাহা বজায় রাখিবার জন্য এককেন্দ্রিক হইতে চাহে না।

পরিশেষে বলা যায়, যোগ্যতার উপরই নির্ভর করে জাতীয় সার্বভৌমত্বের সহিত অঙ্গরাজ্যগুলির সার্বভৌমত্বের সামঞ্জস্য বিধান করা। এই সামঞ্জস্য বিধানের জন্ত প্রয়োজন উপযুক্ত নেতৃত্ব। অবশ্য, ঐক্যের ইচ্ছা দৃঢ় হইলে ঐক্যবদ্ধ হইবার যোগ্যতাও জন্মগ্রহণ করে। এক জাতীয়তাবোধ ঐক্যবদ্ধ হইবার প্রেরণা সৃষ্টি করে। আবার রাষ্ট্রনৈতিক প্রতিষ্ঠানের প্রচেষ্টার দ্বারাই এই ঐক্যবদ্ধ হইবার অঙ্কুল পরিবেশ সৃষ্টি হইতে পারে। সামাজিক, রাষ্ট্রনৈতিক ও অর্থনৈতিক ব্যবস্থাকে এমন ভাবে নিয়ন্ত্রিত করিতে হইবে যাহাতে বিভিন্ন আঙ্গিক রাজ্যগুলি ঐক্যসূত্রে আবদ্ধ হইয়া শক্তিশালী যুক্তরাষ্ট্র গঠন করিতে পারে। সর্বোপরি স্মরণ রাখিতে হইবে, আঙ্গিক রাজ্যগুলির ঐতিহাসিক ঐতিহ্য ছিল। সেই ঐতিহ্যের মর্যাদাকে অক্ষুণ্ণ রাখার উপরই নির্ভর করে যুক্তরাষ্ট্রের সাফল্য।

সারসংক্ষেপ

আঞ্চলিক ক্ষমতা বণ্টনের ভিত্তিতে এককেন্দ্রিক ও যুক্তরাষ্ট্রীয় সবক্যাবেন মধ্যে প্রভেদ কব হয়। আঞ্চলিক ক্ষমতা বণ্টনের দুইটি পদ্ধতি আছে। একটি হইল বিকেন্দ্রিকরণ আর অপরটি হইল ক্ষমতা বণ্টন। প্রথম পদ্ধতি অনুসৃত হইলে বলা হয়, এককেন্দ্রিক, আর দ্বিতীয় পদ্ধতি অনুসৃত হইলে বলা হয়, যুক্তরাষ্ট্রীয়।

এককেন্দ্রিক শাসন-ব্যবস্থার শাসনক্ষমতা কেন্দ্রীভূত। ইহার কোন লিগিট ও দুপারিবর্তনী শাসনতন্ত্র নাই। ইহার সুবিধা হইল শাসন-ব্যবস্থা অধিকতর শক্তিশালী।

যুক্তরাষ্ট্রীয় শাসন-ব্যবস্থার কেন্দ্রীয় ও অঙ্গরাজ্যগুলির মধ্যে শাসন ক্ষমতা এমনভাবে বন্টিত হয় যাহাতে প্রত্যেকেই প্রত্যেকের ক্ষেত্রে স্বাধীন ও প্রধান। যুক্তরাষ্ট্রে দুই স্তরের সরকার থাকে : (১) কেন্দ্রীয়, (২) আঙ্গিকবাজ্যের সরকার। শাসনতন্ত্র হয় লিখিত এবং দুপরিবর্তনীয়। ইহার একটি শক্তিশালী বিচারালয়ও থাকে। সুবিধা হইল : (১) ইহা স্বায়ত্তশাসন ও গণতন্ত্রকে প্রসারিত করিতে পারে। (২) ইহা জাতীয় ঐক্য সাধন করে, (৩) ইহাতে আত্মনিয়ন্ত্রণ ও শক্তিসঞ্চয় হয়, ইত্যাদি।

যুক্তরাষ্ট্র ও রাষ্ট্র-সমবায় এক নয়। যুক্তরাষ্ট্র হইল ক্ষুদ্র ক্ষুদ্র রাষ্ট্রের একটি যৌথ স্থায়ী সংস্থা। আন্তর্জাতিক আইন ইহাকে এককভাবে গ্রহণ করে। আর রাষ্ট্র-সমবায়ের রাষ্ট্রগুলি অধিকতর স্বাভাবিক এবং আন্তর্জাতিক আইন ইহার অন্তর্ভুক্ত ক্ষুদ্র ক্ষুদ্র রাষ্ট্রগুলিকে একক-ভাবে স্বীকৃতি দেয়।

ব্যক্তিগত ও প্রকৃত রাজ্যসংঘ : একই নৃপতিব অধীনে দুইটি বা তদার বেশী রাজ্য একসঙ্গে শাসিত হইলে উহাকে ব্যক্তিগত রাজ্যসংঘ বলা হয়। আর দুই বা ততোধিক রাষ্ট্র নিজ নিজ সার্বভৌমিকতা বজায় রাখিয়া চুক্তির মাধ্যমে পরস্পরের সহিত মিলিত হইলে প্রকৃত রাজ্যসংঘের সৃষ্টি হয়।

প্রশ্নাবলী

1. What are the conditions necessary for the formation of a Federation ? Explain the necessity of a written constitution for a Federal Union. (C. U. 1949)

2. State the nature of Federalism and discuss its advantages and disadvantages. (C. U. 1954, '56)

3. How would you distinguish a Federal Union from (a) a Confederation, and (b) a Unitary State ? (C. U. 1957)

4. What are the conditions for the success of a Federal Union ? How far do they exist in India ? (C. U. 1958)

5. "The difference between a Federation and a Confederation arises wholly from the difference in respect of the location of Sovereignty in the grouping." Examine the statement.

অতিরিক্ত পাঠ্য

• Garner—Political Science and Government.

K. C. Wheare—Federal Government.

• Finer—Theory and Practice of Modern Government.

একবিংশ অধ্যায়

রাষ্ট্রনৈতিক দল

(Political Parties)

রাষ্ট্রনৈতিক দলের ইতিহাস (History of Political Parties) :

বর্তমানে রাষ্ট্রনৈতিক শাসন-ব্যবস্থা দলীয় রাষ্ট্রনীতির উপর প্রতিষ্ঠিত। এই দলীয় রাষ্ট্রনীতির উদ্ভব ও প্রসার যদিও অপেক্ষাকৃত আধুনিক কালের ঘটনা : কিন্তু প্রাচীন গ্রীস ও রোমের শাসন-ব্যবস্থায়ও বিভিন্ন বংশ ও গোষ্ঠীর সক্রিয় অংশ গ্রহণের সন্ধান পাওয়া যায়। বর্তমানের বহু নৈতিক দলগুলি যে ধরনের কাজ-কর্ম করে, প্রাচীন গ্রীস ও রোমের বংশ ও গোষ্ঠী সেই ধরনের কাজকর্ম করিত। তাহারাও রাষ্ট্রনৈতিক ক্ষেত্রে নেতৃত্ব করিত এবং সরকারী নীতি পরিচালনা করিত। মধ্যযুগে যে সকল অভিজাত সম্প্রদায়, পুরোহিত সম্প্রদায় এবং সওদাগর শ্রেণীর সন্ধান পাওয়া যায়, তাহারাও বর্তমানের দলগুলির

মতোই কাজকর্ম করিত। শুধু পার্থক্য হইল প্রাচীনকালে রাষ্ট্রের শাসন-ব্যবস্থায় প্রতিনিধিত্ব, অধিকার ও দায়িত্ব নির্দিষ্ট হইত গোষ্ঠী, বংশ এবং শ্রেণীর ভিত্তিতে আর বর্তমানে এইগুলি নির্দিষ্ট হয় ব্যক্তি বিশেষের ভিত্তিতে।

ইহার কারণস্বরূপ বলা হয়, সামন্ততান্ত্রিক যুগে জনসাধারণের সার্বভৌমিকতা স্বীকৃত হইবার ফলে ভোটাধিকার প্রসারিত হয় এবং ভোটাধিকারের ভিত্তিতে প্রতিনিধি নির্বাচিত করিয়া রাষ্ট্রশক্তিকে নিয়ন্ত্রিত ও পরিচালিত করিবার ব্যবস্থা প্রতিষ্ঠিত হয়। এই সকল ব্যবস্থা প্রতিষ্ঠিত হইবার ফলে রাষ্ট্রনৈতিক দলের প্রয়োজন হইয়া পড়ে। আবার ব্যক্তিবিশেষের উপর এতোটা গুরুত্ব আরোপ করিবার ফলে ব্যক্তিকে কেন্দ্র করিয়াই প্রতিনিধিত্ব, অধিকার এবং দায়িত্ব নির্ধারিত হইতে থাকে। এই অধিকার, দায়িত্ব ও প্রতিনিধিত্ব পালন করিবার জন্ত জনসাধারণকে সংগঠিত করিবার বিশেষ প্রয়োজন হইয়া পড়ে। অসংগঠিত জনসাধারণ কখনও কোন দায়িত্বপালন করিতে পারে না।

উপরন্তু, রাষ্ট্রনৈতিক ক্ষেত্রে কর্মসম্পাদনের জন্ত যে শক্তি ও কর্মপ্রেরণা এবং শৃঙ্খলা প্রয়োজন তাহা কোন ব্যক্তি একাকী মিটাইতে পারে না। তাহার

জ্ঞ প্রয়োজন দলের। ইংল্যান্ডের রানী প্রথম এলিজাবেথের রাজত্বকালে ব্রুটেনে দলের সূচনা হয়। সপ্তদশ শতাব্দীতে দুইটি দল সুস্পষ্টভাবে দেখা দেয়। ইহারা হইতেছে **হুইগ (Whig)** ও **টোরী (Tory)**। এই দুইটি দলই ঊনবিংশ শতাব্দীর **কনজারভেটিভ্ ও লিবারেল** নামে খ্যাত। বিংশ শতাব্দীতে অবশ্য, **লেবার পার্টির** উত্থানের ফলে লিবারেল দলের পতন ঘটে। এইভাবে বহু দেশে সামন্তযুগের শেষ ভাগ হইতে সুরু করিয়া আজ পর্যন্ত বহু রাজনৈতিক দলের উদ্ভব হয়। বর্তমানে অনেক দেশের শাসনতন্ত্রে, এই দলের উল্লেখ আছে আবার অনেক দেশেব শাসনতন্ত্রে কোন দলের উল্লেখ নাই। কিন্তু, রাষ্ট্রনৈতিক দলগুলি যে, বর্তমান বৃহদায়তন গণতান্ত্রিক রাষ্ট্রগুলির অঙ্গ তাহা ম্যাকআইভার প্রমুখ রাষ্ট্রবিজ্ঞানী স্বীকার করিয়াছেন।

রাষ্ট্রনৈতিকদলের সংজ্ঞা (Definition of Political Parties) :
রাষ্ট্রনৈতিক দলের সংজ্ঞা সংখ্যাভিত্তিক। এখানে কয়েকটি সংজ্ঞার উল্লেখ করা হইল। এডমণ্ড বার্ককে অহুসরণ করিয়া বলা যায়, যখন কোন জনসমষ্টি কোন নির্দিষ্ট-স্বীকৃত নীতির ভিত্তিতে এবং সম্মিলিত প্রচেষ্টার মাধ্যমে জাতীয় স্বার্থ প্রসারকল্পে মিলিত হয় তখনই একটি দলের সৃষ্টি হয় ("Party is a body of men united for promoting, by their joint endeavours the national interest upon some particular principle in which they are all agreed.")। বার্ক আরও বার্ককে অহুসরণ করিয়া অনুরূপ একটি সংজ্ঞা দিয়াছেন। বার্কের সংজ্ঞার সহিত সর্বাধুনিক ধারণাকে সুলভ করিয়া বলা যায়, রাষ্ট্রনৈতিকদল হইল নাগরিকগণের এমন একটি লক্ষণীয় অংশ বাহাদেব মধ্যে বিস্তারিত কার্যক্রমে মতভেদ থাকিলেও তাহারা প্রধান প্রধান রাজনৈতিক সমস্কার সমাধান বিষয়ে একমত পোষণ করে এবং এই মতাদর্শের মূলগত একেব্র ভিত্তিতে সমগ্র দেশের মঙ্গলকল্পে শাসন পরিচালনার উদ্দেশ্যে সংবদ্ধভাবে প্রচারকার্য চালাইয়া গণতান্ত্রিক পদ্ধতিতে শাসন-ক্ষমতা অধিকার করিতে চেষ্টা করে।

• এখানে আর একটি বিষয় লক্ষ্য করিবার আছে তাহা হইল, রাষ্ট্রনৈতিক-দল আর অগ্ৰাণ্ডদল যথা, সামাজিক ও অর্থনৈতিকদল প্রভৃতি, এক নয়। অবশ্য, রাষ্ট্রনৈতিকদল ধর্মীয় ও অর্থনৈতিক ভিত্তির উপর প্রতিষ্ঠিত হইতে পারে। কিন্তু শুধু অর্থনৈতিক উদ্দেশ্যসাধনের জন্য যে দল গঠিত হয় তাহাকে অর্থনৈতিকদল

বলা হয়। আর সরকার গঠনের ইচ্ছায় অর্থনৈতিক বা অন্য কোন নীতির ভিত্তিতে যে দল গঠিত হয় তাহাকে রাষ্ট্রনৈতিকদলের পর্যায়ভুক্ত করা হয়।

রাষ্ট্রনৈতিক দলের বৈশিষ্ট্য (Characteristics of Political Parties) : উপরোক্ত আলোচনা হইতে রাষ্ট্রনৈতিকদলের যে সকল বৈশিষ্ট্যগুলি লক্ষ্য করা হয় তাহা নিয়ে দেওয়া গেল :

(১) রাষ্ট্রনৈতিকদলের সভ্যগণ প্রায় একমতাদর্শেবিশ্বাসী হয় এবং উক্ত মতাদর্শ দ্বারা অহুপ্রাণিত হয়।

(২) রাষ্ট্রনৈতিকদলগুলির মধ্যে মতাদর্শে পার্থক্য থাকিলেও ইহার সকলেই সমাজের কল্যাণকামী।

(৩) প্রত্যেক দলই সরকার গঠনে ইচ্ছুক। ফলে, দলগুলি অধিক সংখ্যক নির্বাচকের সমর্থন পাইবার জন্য সমগ্র জাতির সাধারণ স্বার্থসংশ্লিষ্ট ব্যাপক কর্মসূচী গ্রহণ করে।

(৪) রাষ্ট্রনৈতিকদল নাগরিকদের একটি সমিতি বিশেষ। ইহার একটি নির্দিষ্ট আদর্শ থাকে এবং আদর্শকে কার্যকর করার জন্য নির্দিষ্ট একটি কার্য-পন্থাও থাকে।

• (৫) রাষ্ট্রনৈতিকদল বৈপ্লবিক কোন পন্থায় ক্ষমতা দখল করিতে পারিবে না। বৈপ্লবিক পন্থায় ক্ষমতা দখল করিবার কর্মসূচী গ্রহণ করিলে ইহা আর রাষ্ট্রনৈতিকদলের পর্যায়ভুক্ত হইবে না।

(৬) রাষ্ট্রনৈতিকদলকে দেশের সমস্যাগুলি সম্পর্কে আলোচনা করিতে হইবে এবং দলের মতকে জনসাধারণের সম্মুখে উপস্থিত করিতে হইবে।

(৭) সমগ্র নির্বাচনবেন্দ্রব্যাপী রাষ্ট্রনৈতিকদলের সংগঠন থাকা বাঞ্ছনীয়। এই প্রসঙ্গে উল্লেখযোগ্য যে, দল যদি অধিক সংখ্যক নির্বাচন কেন্দ্রে তাহার সংগঠন প্রতিষ্ঠিত করিতে অসমর্থ হয় এবং অধিক সংখ্যক নাগরিকগণের সমর্থন লাভ না করিতে পারে তবে তাহাকে রাষ্ট্রনৈতিকদলের মর্যাদা দেওয়া হয় না। পাশ্চাত্যদেশে এই শ্রেণীর আঞ্চলিক স্বার্থে উদ্বুদ্ধ কতিপয় নির্বাচকের সমর্থনপুষ্ট নাগরিকের সমিতিগুলিকে রাষ্ট্রনৈতিকদল না বলিয়া বলা হয় গোষ্ঠী (group)। ভারতবর্ষে কংগ্রেস, প্রজা-সোসালিষ্ট ও কম্যুনিষ্ট পার্টি ছাড়া অপরাপর দলগুলি পাশ্চাত্য ধারণানুসারে 'গ্রুপ' (group)।

একাধিক দল গঠনের কারণ : উপরোক্ত সংজ্ঞা ও বৈশিষ্ট্যগুলি হইতে দেখা যায় যে, একটি রাষ্ট্রে একাধিক দল থাকিতে পারে। এই একটি

রাষ্ট্রে একাধিক দল থাকায় কারগণগুলিকে নিম্নোক্ত ভাবে বর্ণনা করা যায় :

(ক) ম্যাডিসনের ভাষায় বলা যায়, “পৃথক স্বার্থ-সম্পন্ন দলগুলির উৎস হইল সম্পত্তি” (“the only durable source of faction is property.”)। ধনতান্ত্রিক সমাজ-ব্যবস্থায় ধনিকশ্রেণী দলবদ্ধভাবে তাহার স্বার্থকে বজায় রাখিবার জন্য চেষ্টা করে। আর শ্রমিকশ্রেণীও দলবদ্ধভাবে শোষণের বিরুদ্ধে সংগ্রাম করে। ফলে মালিকশ্রেণীর প্রতিনিধিত্বকারী রক্ষণশীল একটি দল এবং সর্বহারাদের একটি দল সৃষ্টি হয়।

(খ) রাষ্ট্রান্তর্গত কোন দল হয়ত চায় দ্রুত সংস্কার সাধন করিতে। আবার অন্যদল হয়ত চায় ধীরে ধীরে সতর্কতার সহিত এবং অতীতের সহিত যোগসূত্র রক্ষা করিয়া চলিতে ; ফলে রাষ্ট্রে একাধিক দলসৃষ্টি হয়।

(গ) ধর্মের ভিত্তিতে একাধিক দল গঠিত হইতে পারে।

(ঘ) বহুজাতিক রাষ্ট্রে বহুজাতি-ভিত্তিক দল সৃষ্টি হইতে পারে।

(ঙ) পরিশেষে বলা যায়, অনেক সময় দেখা যায় ধনতান্ত্রিক সমাজ-ব্যবস্থায় মালিকশ্রেণীর মধ্যেই আবার দুইটি দল থাকে। উদাহরণস্বরূপ ইংল্যান্ডের টোরি (The Tory) এবং হুইগ (The Whigs) এবং পরে রক্ষণশীল (Conservative) ও উদারনৈতিক (Liberals)—এই দলগুলির সকলেই মালিকশ্রেণীর দল। এই ধরনের দলগুলির মধ্যে যে ঝগড়া হয় তাহা ঘরোয়া ঝগড়ার সামিল। অবশ্য, শ্রমিকশ্রেণীর সংগঠন ও দল গঠিত হইবার পর সম স্বার্থে স্বার্থান্বেষী মালিকশ্রেণীর দলগুলির সংখ্যার হ্রাস পাইতেছে। ইংল্যান্ডের উদাহরণ হইতে দেখানো যায়, বর্তমানে লিবারেল দলের প্রভাব ইংলণ্ডে খুবই কম।

বাস্তব দৃষ্টির কোণ হইতে বিচার করিলে দেখা যায়, শ্রেণী-বিভক্ত সমাজে বিভিন্ন শ্রেণীর স্বার্থ বিভিন্ন প্রকারের। ফলে বার্ক যে সামগ্রিক ভাবে সমাজের কল্যাণসাধনকে প্রত্যেক রাষ্ট্রনৈতিক দলের উদ্দেশ্য বলিয়া বর্ণনা করিয়াছেন তাহা অসম্ভব নয়। এই কারণে একটি দেশে বহু দল থাকিতে পারে। সমাজে বি সি শ্রেণীর অস্তিত্ব থাকিলেই বহুদল থাকিবে।

রাষ্ট্রনৈতিকদলের কার্যাবলী ও উপযোগিতা (Functions, Merits and Defects of Political Parties) : জনসাধারণের সরকার প্রতিষ্ঠা করিতে হইলে বিভিন্ন মতাবলম্বী নির্বাচন প্রার্থীদের মধ্য হইতে

প্রতিনিধি মনোনয়ন করিবার স্বাধীনতা থাকা প্রয়োজন। আবার স্বাধীনভাবে মতাদর্শকে বাছিয়া লওয়া এবং প্রতিনিধি নির্বাচন করা জনসাধারণের পক্ষে খুবই কষ্টকর। একমাত্র প্রতিদ্বন্দ্বী রাষ্ট্রনৈতিকদলই এই কার্য করিতে পারে। আবার সমস্তাসম্মূল সমাজে গুরুত্বপূর্ণ সমস্তাগুলিকে বাছাই করাও জনসাধারণের পক্ষে সম্ভব নয়। একমাত্র রাষ্ট্রনৈতিকদলই এই কার্য করিতে সক্ষম। নিয়ে দলীয় ব্যবস্থার গুণাবলী লিপিবদ্ধ করা হইল :

দলীয় ব্যবস্থার গুণাবলী (Merits of Party System) :

(১) দলীয় ব্যবস্থা নীতি নির্ধারণ ও প্রার্থী নির্বাচনে সহায়তা করে। দলের কর্মসূচীকে জনসাধারণের নিকট উপস্থাপিত করিয়া জনসাধারণের নিকট দলের কর্মসূচীর গুণাগুণ প্রকাশ করে। বিভিন্ন দল এইভাবে তাহাদের কর্মসূচী পেশ করায় জনসাধারণ সাধারণ বুদ্ধির সাহায্যে একটি দলের প্রার্থীকে বাছাই করিয়া লইতে পারে।

(২) দলীয় ব্যবস্থা বিভিন্ন প্রচার, সভা সমিতির মাধ্যমে জনসাধারণের মধ্যে রাষ্ট্রনৈতিক শিক্ষার প্রসার করে।

(৩) দলীয় ব্যবস্থা থাকিলে স্বেচ্ছাচারিতার উদ্ভব হইতে পারে না; কারণ, যে সকল দল সরকার গঠন করিতে অপারগ হইবে তাহারা সরকারের ক্রটি বিচ্যুতির তীব্র সমালোচনা করিয়া জনসাধারণকে সচেতন করিবে। সরকারীদলও ভাবিষ্ণু নির্বাচনে পরাজিত হইবার ভয়ে তাহাদের ক্রটি বিচ্যুতির সংশোধন করিয়া লইবে। সুতরাং তাহাদের সংযত হইয়াই রাষ্ট্রীয় কার্যাবলী পরিচালিত করিতে হইবে।

(৪) জনমত কখনও বাস্তবরূপ পরিগ্রহ করিতে পারে না যদি না কোন রাষ্ট্রনৈতিকদল থাকে। বিভিন্ন স্বার্থ-সম্বলিত মানুষের বিভিন্ন দল তাহাদের মতামতকে প্রকাশ করিবে ইহাই দলীয় ব্যবস্থার স্বার্থকত।

(৫) রাষ্ট্রনৈতিকদল সংবিধানিক উপায়ে এবং শান্তিপূর্ণ পদ্ধতিতেই সামাজিক, অর্থনৈতিক পরিবর্তন সাধন করিবে। নির্বাচন প্রতিদ্বন্দ্বিতার মাধ্যমে শান্তিপূর্ণ পদ্ধতিতে একমাত্র দলীয় ব্যবস্থাই তাহা প্রবর্তন করিতে পারে।

(৬) ক্ষমতা পৃথকীকরণ নীতির ক্রটিগুলি দলীয় ব্যবস্থায় সংশোধিত হয়। বিভিন্ন বিভাগের মধ্যে সহযোগিতার গ্রন্থিই হইল দল।

দলীয় ব্যবস্থার বিভিন্ন উপযোগিতা ও গুণাবলী থাকিলেও ইহার প্রভূত ক্রটিও আছে। নিয়ে দলীয় ব্যবস্থার ক্রটিগুলির আলোচনা করা গেল :

(খ) **রাষ্ট্রনৈতিকদলের ত্রুটি (Defects of Political Party) :**
মাহুষের দ্বারা প্রতিষ্ঠিত কোন প্রতিষ্ঠানই দোষশূন্য নহে। রাষ্ট্রনৈতিকদল মনুষ্য সৃষ্ট প্রতিষ্ঠান হিগাবে ইহারও বহুবিধ দোষ রহিয়াছে। এই দলীয় ব্যবস্থায় দোষগুলি কি কি তাহাই এখানে উল্লেখ করা হইতেছে :

(১) দলগুলি সাধারণতঃ ক্ষুদ্র দলীয় স্বার্থ লইয়াই ব্যস্ত থাকে। দেশের সর্বাঙ্গীন মঙ্গলের দিকে দলীয় ব্যবস্থা বিশেষ লক্ষ্য রাখে না।

(২) দলীয় স্বার্থকে বজায় রাখিবার জন্ত রাষ্ট্রনৈতিক দলগুলি ত্রায়-নীতির মর্যাদা পদদলিত করিয়া অসত্য ও মিথ্যাচারের আশ্রয় গ্রহণ করে। ইহার ফলে দেশের নৈতিক মানের অবনতি ঘটে।

(৩) দলীয় ব্যবস্থায় সংখ্যা-গরিষ্ঠদল সরকার গঠন করে। ফলে, সংখ্যা-লঘিষ্ঠদলে যে সকল যোগ্য ব্যক্তি থাকেন তাহারা সরকারের মধ্যে স্থান পান না। এই কারণে যোগ্যতম সরকার গঠন সম্ভবপর হইয়া উঠে না।

(৪) আবার দলভুক্ত ব্যক্তিগণকে দলের নীতিকে স্বীকার করিয়া লইতে হয় বলিয়া অনেক সময় সভ্যগণের নিজের বিবেক-বুদ্ধিকে জলাঞ্জলি দিতে হয়। সুতরাং দলীয়-ব্যবস্থা ব্যক্তি-স্বাধীনতার পরিপন্থী।

(৫) দলীয়-ব্যবস্থা প্রচার-ভিত্তিক। প্রত্যেক দলই দেশকে আদর্শ লক্ষ্যে পৌঁছাইয়া দিবার জন্ত প্রচার করিতে থাকে। এই প্রচারের মধ্য হইতেই দল গড়িয়া উঠে। এই প্রচার অনেক সময় জনসাধারণকে বিভ্রান্ত করে। ইহা কৃত্রিমতা, কপটতা ও ভণ্ডামির আশ্রয়-স্থল।

(৬) এতদ্ব্যতীত নির্বাচনের সময় জনসাধারণের মধ্যে যে অবাঞ্ছনীয় উত্তেজনা ও উন্মাদনার সৃষ্টি করা হয় তাহাতে জাতীয় জীবনের মর্যাদার হানি ঘটে।

(৭) রাজনৈতিক দলগুলি সরকারের গদী দখল করিবার লোভে দেশে হিংসা, বিদ্বেষ ও ঘৃণার বন্তা বহাইয়া দেয়। ফলে দেশের নৈতিক অবনতি ঘটে।

দ্বিদলীয় বনাম বহুদলীয়-ব্যবস্থা

(Bi-party vs. Multi-party System)

দুইটি দলের মনোনীত ব্যক্তিদের মধ্যে নির্বাচন অস্থিতিত হইবার পর যে সকল প্রতিনিধি নির্বাচিত হয় তাহাদের মধ্যে সংখ্যাগরিষ্ঠ দল যখন সরকার

গঠন করে তখনই। দ্বি-দলীয় শাসন-ব্যবস্থা প্রতিষ্ঠিত হয়। এই ব্যবস্থায় একটি দল শাসন করে আর অপর একটি দল বিরোধিতার ভূমিকা অবলম্বন করে। বহুদলীয় প্রথায় বহুদলের শাসন বা সম্মিলিত মন্ত্রিসভা (Coalition Ministry) গঠিত হয়, অবশ্য, অনেকগুলি দলের মধ্যে একটি দল যদি নিরঙ্কুশ সংখ্যাগরিষ্ঠতা অর্জন করে তবে একটি দল এককভাবেই মন্ত্রিসভা গঠন করিতে পারে। নিয়ে এই দুইটি ব্যবস্থার তুলনামূলক আলোচনা করা হইল :

দ্বি-দলীয় বনাম বহুদলীয়-ব্যবস্থা

দ্বি-দলীয় ব্যবস্থার গুণ

(১) দ্বি-দলীয় ব্যবস্থায় দুইটি দল থাকে। (২) বহুদলীয় ব্যবস্থায় সমাজের বিভিন্ন একটি সরকার গঠন করে আর অপরটি মতাদর্শ প্রতিফলিত হয়।
বিরোধিতা করে।

(২) দ্বি-দলীয় ব্যবস্থায় দুইটি পবিত্র (২) বহুদলীয় ব্যবস্থায় পার্লামেন্টকে বিকল্প নীতিব সন্ধান পাওয়া যায়। ফলে সতর্কতার সহিত সিদ্ধান্ত গ্রহণ কবিতে হয়।
নীতি নির্বাচন সহজতর হয়।

(৩) দুই দলের মাত্র দুইটি কর্মসূচী আলোচনা করা সহজতর হয়। (৩) বহুদলীয় ব্যবস্থায় ভোটদাতাগণের উচ্ছাসের যে কোন দলকে নির্বাচন করিতে পারা যায়। ফলে ব্যক্তি-স্বাধীনতা কার্যকর হয়।
বহুদল থাকিলে জনমতের গণতান্ত্রিক উপযুক্ত প্রকাশ সম্ভব হইয়া উঠে।

(৪) দ্বি-দলীয় ব্যবস্থায় সংখ্যা-গরিষ্ঠদল (৪) বহুদল থাকিলে বিভিন্ন স্বার্থ বিধান-সরকার গঠন করে। আর অপর একটি দল সভায় প্রতিফলিত হয়।
অসংবদ্ধভাবে শাসকদলের কার্যের সমালোচনা করে। ফলে একদিকে যেমন সংখ্যা-গরিষ্ঠ-দল নির্দিষ্ট ও শক্তিশালী হয়, তেমনি আবার সংখ্যা-লঘিষ্ঠদলের বিরোধিতাও শক্তিশালী হয়।

(৫) দ্বি-দলীয় ব্যবস্থায় সরকার স্থায়ী হয়। (৫) বহুদলীয় ব্যবস্থায় সরকার অস্থায়ী হয়।

দ্বি-দলীয় ব্যবস্থার ত্রুটি

বহুদলীয় ব্যবস্থার ত্রুটি

(১) দ্বি-দলীয় ব্যবস্থায় সমাজে যে বিভিন্ন মতাদর্শ থাকে তাহা প্রকাশিত হয় না।

(১) বহুদলীয় ব্যবস্থায় অনেক দল থাকে। একটি দল বা একাধিক দল সরকার গঠন করে। আব অপবাপর দল ভিন্ন ভিন্নভাবে বা সংগঠিতভাবে বিরোধিতা করে।

(২) অধ্যাপক রামসে ম্যুরের মতে দ্বি-দলীয় ব্যবস্থায় পার্লামেন্ট একদলীয় মন্ত্রিসভার আচ্ছাদিত হইয়া পড়ে।

(২) বহুদল থাকিলে নীতি-নিবন্ধন করা নাগরিকদের পক্ষে অতিশয় কঠিন হইয়া পড়ে।

(৩) দ্বি-দলীয় ব্যবস্থায় ভোটদাতাগণের অনিচ্ছা সত্ত্বেও নির্বাচন দুই দলের মধ্যেই সমাপ্ত থাকে।

(৩) বহুদলের বহু কমন্সচার আলোচনা করা সহজতর নয়।

(৪) দ্বি-দলীয় ব্যবস্থায়ও একটি দলের সরকার ও একটি শ্রেণীর স্বার্থকেই কায়ম করা হয়। কিন্তু সমাজ বহু শ্রেণী স্বার্থ-সম্বলিত।

(৪) বহুদল থাকিলে সামাজ্য ভোটাদিষ্টে সরকার গঠিত হয় বলিয়া সবকিছু দুর্বল হয়। আবার একটি দল যদি নিবন্ধস্থ সংখ্যা-গণিততা অর্জন করিতে না পারে তবে সম্মিলিত ভাবে মন্ত্রিসভা (Coalition Ministry) গঠন করিতে সাধ্য হয়। এই ধরনের সরকার সাধারণতঃ মতানৈক্যে জগ্ম জগ্মস্থ হয়।

(৫) দ্বি-দলীয় শাসন-ব্যবস্থার উদাহরণ হইল মার্কিন যুক্তরাষ্ট্র ও ব্রিটেন।

(৫) বহুদলীয় শাসন-ব্যবস্থার উদাহরণ হইল সুইজারল্যান্ড।

উপসংহারে বলা যায়, বহুদলীয় ব্যবস্থায় নির্বাচনের ফলাফল বাহির না হওয়া পর্যন্ত কোন দল শাসন করিবে তাহা বলা কঠিন হয়। বহুদলীয় ব্যবস্থায় আইনসভায় বিভিন্ন দলের মধ্যে আপোষ মীমাংসার মাধ্যমে সরকার গঠিত হয়। এখানে অরগনোয় যে, ধনতান্ত্রিক সমাজ-ব্যবস্থায় লক্ষ্য করা গিয়াছে যে, শিল্পপতি, জমিদার প্রভৃতি শ্রেণীর ভিন্নভিন্ন দল থাকে। আবার শ্রমিকশ্রেণীর সমাজতান্ত্রিক দলের জায় দল থাকে। ধনিকশ্রেণীর বিভিন্ন দল তাহাদের স্বার্থকে বজায় রাখার ব্যাপারে সর্বত্রই ঐক্যবদ্ধ হয়। অতএব বহুদল থাকিলেও প্রকৃতপক্ষে গুরুত্বপূর্ণ স্বার্থের প্রশ্নে সমগ্র দলগুলিই দুই শ্রেণীতে বিভক্ত হইয়া পড়ে। একদিকে থাকে ধনিক শ্রেণীর দল আর অপর দিকে থাকে নিম্ন, সর্বহারাদের দল। অতএব প্রকৃত দল সর্বত্রই দুইটি।

একদলীয় ব্যবস্থা ও গণতন্ত্র (One Party Rule and Democracy) : পশ্চিমী গণতন্ত্রের মতে একদলীয় ব্যবস্থায় কোন গণতন্ত্র প্রতিষ্ঠিত হইতে পারে না। একদলীয় ব্যবস্থা স্বৈরাচারিতার নামান্তর মাত্র।

এই বিষয়ের আলোচনা অষ্টাদশ অধ্যায়ে বিস্তৃতভাবে হওয়ায় এখানে তাহার পুনরালোচনা করা হইল না।

সারসংক্ষেপ

রাষ্ট্রনৈতিকদলের স্থান যদিও প্রাচীনকালে পাওয়া যায় না; কিন্তু, প্রাচীন গ্রীস ও রোমে যে বংশ ও গোষ্ঠির একান পাওয়া যায় তাহা বাও বর্তমান রাষ্ট্রনৈতিকদলের মতো কাজকর্ম করিত। সার্বিক ভোটাধিকার প্রবর্তিত হওয়ার ফলেই বর্তমান রাষ্ট্রনৈতিকদল গঠিত হইয়াছে।

রাষ্ট্রনৈতিকদল : একজন জনসাধারণের একটা লক্ষ্যায় অংশ যখন একটা নির্দিষ্ট স্বাকৃত নীতির ভিত্তিতে এবং সংযুক্ত প্রচেষ্টায় মাঝে মাঝে জাতীয় স্বার্থ রক্ষাকল্পে সম্মিলিত হয় তখনই রাষ্ট্রনৈতিকদল : উদ্ভূত হয়। ইহার বৈশিষ্ট্য হইল : (১) প্রায় সম-মতাদর্শে নাগরিকের বিশ্বাস, (২) সরকার গঠনের ক্ষেত্রে প্রচুর কার্য চালানো, (৩) অধিক সংখ্যক নির্বাচকের সমর্থন লাভ প্রভৃতি।

রাষ্ট্রনৈতিকদল গঠনের কারণ : (১) সংস্কারসাধন করার জন্ত, (২) ধর্মীয় রাষ্ট্র প্রতিষ্ঠার জন্ত, (৩) জাতীয়তার দাবি পূরণার্থে, (৪) অর্থনৈতিক দাবি পূরণার্থে দল গঠিত হয়।

রাষ্ট্রনৈতিকদলের কার্যাবলী ও গুণাবলী : দলীয়-ব্যবস্থা বিশৃঙ্খল জনসাধারণকে শৃঙ্খলাবদ্ধ করিয়া জনসাধারণকে প্রতিনিধি নির্বাচনে সাহায্য করে, (২) জনসাধারণের রাষ্ট্রনৈতিক চেতনাবৃদ্ধি করে, (৩) স্বৈরাচারিতাকে ঠেকায়, (৪) সাংবিধানিক পদ্ধতিতে সামাজিক, অর্থনৈতিক সংস্কারসাধন করে ইত্যাদি।

দলীয় ব্যবস্থার ত্রুটি : (১) দলীয়-ব্যবস্থা বৃত্তিম, (২) দলীয়-ব্যবস্থা নিয়মানুবর্তিতা স্বংস করে, (৩) দলীয় স্বার্থ জাতির নৈতিক অপনতি ঘটায়, (৪) দলীয় কোন্দলের ফলে যে মিথ্যা প্রচারণা চালানো হয় তাহাতে জনসাধারণ বিভ্রান্ত হয়, ইত্যাদি।

দ্বিদলীয় ও বহুদলীয়-ব্যবস্থা : দ্বি-দলীয় ব্যবস্থার বহুবিধ ত্রুটি থাকায় সবেও ইহার স্বেচ্ছা ওরফে থাকার ফলে দ্বি-দলীয় ব্যবস্থাকেই সমর্থন করিতে হয়।

একদলীয় ব্যবস্থা ও গণতন্ত্র : পশ্চিমী গণতন্ত্র একদলীয় ব্যবস্থাকে সমর্থন করে না। কিন্তু সমাজতান্ত্রিক রাষ্ট্রে একটি দল থাকিলেও সেখানে ব্যক্তিস্বাধীনতা অক্ষুণ্ণ আছে বলিয়া মন্তব্য করা হয়।

প্রশ্নাবলী

1. Discuss the use, abuse and true role of party system in Democracy.
(C. U. 1951, '53, '55)

2. Discuss the advantages and disadvantages of party government. Can you suggest any practical working alternative ? (C. U. 1946)

3. Define a political party. What are the functions of a political party ?

4. Can Democracy function in a one party state. Give reasons for your answer (C. U. 1960)

5 Discuss the strength and weakness of the party system in the modern Democratic states. What differences do you observe in this regard in dictatorial states ?

উত্তর সংকেত : প্রথম অংশের উত্তরেব জ্ঞাত আলোচনা দেখ। দ্বিতীয় অংশের উত্তরেব সংকেত : একদলীয়কত্রে দ্বি-দলীয় বা বহুদলীয় ব্যবস্থা থাকে না। যেখানে একটি মাত্র দলীয় ব্যবস্থা থাকে সেখানে নাগরিকেরা নিবাচনে পাক্তি স্বাধীনতা বিনষ্ট হয়। অদ্য, এই ব্যবস্থায় দলীয় প্রতিদ্বন্দিতা থাকে না।

অতিরিক্ত পাঠ্য

Finer, H—Theory and Practice of Modern Government
Mac Iver—The Modern State, ch. XIII

দ্বাবিংশ অধ্যায়

জনমত

(Public Opinion)

জনমতের সংজ্ঞা (Definition of Public Opinion) : সাধারণতঃ সমাজসংক্রান্ত কোন অবস্থা সম্বন্ধে বিভিন্ন প্রকারের এবং বিভিন্ন স্বত্রে বিজ্ঞাপিত, ব্যক্তি বা সমষ্টির কল্যাণকর বলিয়া প্রচারিত যে সকল মতামত প্রত্যক্ষ বা পরোক্ষভাবে রাষ্ট্রের নীতি নির্ধারণে সাহায্য করে তাহাকে রাষ্ট্রবিজ্ঞানীগণ জনমত বলিয়া অভিহিত করেন।

উপরিউক্ত সংজ্ঞাটি বিশ্লেষণ করিলে জনমতের যে কতকগুলি বৈশিষ্ট্য পাওয়া যায় তাহা নিম্নে দেওয়া গেল :

(১) জনমত সমাজসংক্রান্ত অবস্থা সম্পর্কে নাগরিকগণের মতামত বিশেষ। জনমতের মধ্যে সাধারণতঃ সমাজসংক্রান্ত কোন অবস্থা সম্বন্ধে শুধু মন্তব্যই থাকে না। ইহার মধ্যে সমাধানের পথের নির্দেশও থাকে।

(২) অধ্যাপক লাওয়েলকে (Lowell) অনুসরণ করিয়া বলা যায়, জনমত বলিয়া অভিহিত হইবার জ্ঞাত অভিমতকে সমগ্র সমাজের ঐক্যমত হওয়ার প্রয়োজন হয় না, অপরদিকে আবার ইহার জ্ঞাত কেবল সংখ্যাগরিষ্ঠের অভিমত হওয়াই যথেষ্ট নয় (“a majority is not enough and unanimity is not required.”)। সমাজসংক্রান্ত প্রশ্ন সাধারণতঃ জটিল হয় এবং ইহার সম্বন্ধে মতপার্থক্য হওয়াই স্বাভাবিক। অবশ্য স্বার্থের বিভিন্নতার জহাই এই মতপার্থক্য হইয়া থাকে। সংখ্যাগরিষ্ঠের মতামতই গুরুত্বপূর্ণ নয়। গুরুত্বপূর্ণ হইল অবস্থার দৃঢ়তা।

(৩) জনমতকে প্রকাশিত হইতে হইবে বিভিন্ন মাধ্যমের মারফত। এই মাধ্যমগুলি হইল রেডিও, সংবাদপত্র প্রভৃতি।

(৪) জনমত কোন ব্যক্তি-বিশেষেরও হইতে পারে, আবার কোন জন-সমষ্টিরও হইতে পারে। গণতান্ত্রিক রাষ্ট্রে দল-প্রথার মাধ্যমেও জনমত গঠিত হইতে পারে।

(৫) আবার জনমতকে নির্দিষ্ট ও সুস্পষ্ট হইতে হইবে।

(৬) জনমতকে জনসমর্থনলাভ করিতে হইবে। অবশ্য, তাই বলিয়া ইহাকে সংখ্যাগরিষ্ঠের মত না হইলেও চলিবে। কিন্তু জনমতকে দৃঢ় ও সংঘবদ্ধ হইতে হইবে।

(৭) আদর্শের দিক হইতে বিচার করিলে জনমতকে কল্যাণকর হইতে হইবে। কিন্তু জনমত সাধারণতঃ শ্রেণীস্বার্থের একটি বিশিষ্ট প্রকাশ মাত্র।

(৮) সর্বশেষে বলা যায়, জনমতকে সরকারের নীতি নির্ধারণে সাহায্য করিতে হইবে।

জনমতের সমালোচনা : (১) জনমত যে সর্বদাই কল্যাণকর হইবে এমন কথা নিশ্চয় করিয়া বলা যায় না। স্বার্থ সিদ্ধ করিবার জন্য নানা কৌশলে সমাজের প্রভাবশালী ব্যক্তি অনেক সময় বিজ্ঞাপনের মাধ্যমে জনমত গঠন করার চেষ্টা করেন। কিন্তু তাহা সত্য মত নহে।

(২) আবার যে বিষয়ে জনমত গঠিত হইবে সেই বিষয় সম্পর্কে সম্যক জ্ঞান থাকা বাঞ্ছনীয়। অন্যথায় জনমত প্রকৃত জনমত হইয়া উঠে না। উহাকে ভ্রান্ত জনমত বলিয়া আখ্যায়িত করা যায়।

এই সমালোচনা অতিশয়োক্তিদোষে দুষ্ট। জনমতের অর্থই হইল মঙ্গল-কর ইচ্ছার প্রকাশ। যাহা মঙ্গলকর নয় তাহা জনমত নয়, জনমত উশৃঙ্খল জনতার মত নহে। ইহা রাজনৈতিক শক্তি দ্বারা পরিচালিত, সংবাদপত্র দ্বারা প্রচারিত মত। অতএব জনমতের পশ্চাতে যে নেতৃত্ব থাকে, তাহার আদর্শের উপরই জনমত অনেক পরিমাণে নির্ভরশীল।

উপসংহারে বলা যায়, দুই বিভিন্ন ধর্মী মতের সংঘর্ষে যে মতটি বাহির হইয়া আসে তাহা সত্যাপ্রিত হইতে বাধ্য। জনমত প্রকাশের স্বাধীনতা স্বীকৃত হইলে বিভিন্ন ধর্মী মত প্রকাশিত হইবে। এই বিভিন্ন ধর্মী মতামতের মধ্য হইতে বাছাই করিয়া সত্যাপ্রিত অংশটুকুকে গ্রহণ করিলে যাহা দাঁড়ায় তাহাই প্রকৃত ইচ্ছার প্রকাশ। অতএব সরকারকে সেই প্রকৃত ইচ্ছার প্রকাশকেই গ্রহণ করিতে হইবে।

গণতন্ত্রে জনমতের গুরুত্ব (Importance of Public Opinion in Democracy) : জনমতের উপরই গণতন্ত্র নির্ভরশীল। মত প্রকাশের স্বাধীনতা ছাড়া গণতন্ত্র নিষ্ফল। গণতান্ত্রিক রাষ্ট্রের ভিত্তি হিসাবে রুশো যে সাধারণ ইচ্ছার (General will) কথা বলিয়াছিলেন তাহা জনমতের

মাধ্যমে প্রকাশিত মানুষের সাধারণ কল্যাণ-ইচ্ছা ছাড়া আর কিছু নয়। এই সাধারণ কল্যাণ ইচ্ছাই রাষ্ট্রের সার্বভৌমিকতার অধিকার। স্মরণ্য বলা যায় জনমতের মধ্যেই সার্বভৌমিকতা মূর্ত হইয়া উঠে। স্বৈচ্ছাতন্ত্রে বা একনায়কতন্ত্রে জনমত গঠিত বা প্রকাশিত হইতে পারে না। জনমত গঠিত ও প্রকাশিত হইবার জন্য প্রয়োজন স্বাধীন রাষ্ট্রীয় পরিবেশ। এই পরিবেশ একমাত্র গণতন্ত্রেই সৃষ্টি হইতে পারে।

আবার গণতন্ত্রের সাফল্য নির্ভর করে জনমতের উপর। রাষ্ট্র যদি গণতান্ত্রিক হয় কিন্তু জনমত যদি সদাজাগ্রত না হয় তবে সেই রাষ্ট্রে গণতন্ত্র কার্যকর হয় না। জনমতের সচেতনতাই হইল গণতন্ত্রের প্রহরী। তাই বলা হয় জনমত ও গণতন্ত্র ওতপ্রোতভাবে জড়িত। ব্রিটেনে গণতন্ত্র সূর্যুভাবে চালিত হইবার একমাত্র কারণ হইল ব্রিটেনের সদাজাগ্রত জনমত।

বর্তমান যুগ গণতান্ত্রিকতার যুগ। এই যুগের শাসকবর্গ গণদেবতাকেই পূজা করে। আবার গণদেবতাও রাষ্ট্রের শাসন-ব্যবস্থাকে সামগ্রিক মঙ্গলের জন্য নিয়োগ করিতে সহায়তা করে। সমাজের সামগ্রিক মঙ্গলের জন্য প্রয়োজন সকল মানুষের বুদ্ধি বিবেচনা ও সামাজিক অভিজ্ঞতাকে রাষ্ট্রের কার্যে নিযুক্ত করা। কিন্তু একমাত্র গণতন্ত্রেই ইহা সম্ভব। গণতান্ত্রিক শাসন-ব্যবস্থায় (ক) প্রত্যেকের ধ্যানধারণা প্রতিফলিত হইবার সর্ববিধ সুযোগ-সুবিধা স্বীকৃত হয়; (খ) সাধারণ মানুষের কল্যাণকর আইন-কানুন প্রণীত হয়; (গ) মানুষের শিক্ষা-দীক্ষা প্রভৃতি অপরিমেয় সম্ভাবনাকে রূপদান করা হয়।

আবার জনমত ও গণতান্ত্রিক শাসন-ব্যবস্থাকে (ক) অক্ষুণ্ণ রাখিবার জন্য, (খ) স্বাধীনভাবে মত প্রকাশের মাধ্যমে সরকারের কার্যাবলীর তীব্র সমালোচনা করিয়া সকল স্বৈরাচারিতার পথ রুদ্ধ করে; (গ) জনমতের চাপে সরকার জনমতের অনুপস্থিতি পরিকল্পনা গ্রহণ করিতে বাধ্য হয়; (ঘ) মানুষের অভাব-অভিযোগ জনমতের মাধ্যমে ব্যক্ত হয় বলিয়া সরকারের পক্ষেও জন-কল্যাণকর পরিকল্পনা গ্রহণ করিবার সুযোগ ঘটে। (ঙ) সর্বোপরি জনগণ সরকারকে গতিশীল করিয়া রক্ষণশীলতার হস্ত হইতে মুক্ত করে। উদাহরণ-স্বরূপ বলা যায় ১৮৩২ সালে ইংল্যান্ডের সরকার জনমতের চাপেই যুগান্তকারী রাষ্ট্রীয় সংস্কার আইন প্রণয়ন করিতে বাধ্য হইয়াছিল।

কিন্তু প্রশ্ন থাকিয়া যায়, সরকারের কাছে বিভিন্ন ধরনের জনমত আসিয়া

উপস্থিত হয়। সরকার কোন মতটি গ্রহণ করিবে? এই প্রশ্নের উত্তরে বলা যায় যে, সরকার প্রথমে দেখিবে, সংখ্যাগরিষ্ঠের মতটি মঙ্গলকর—না সংখ্যালঘিষ্ঠের মতই মঙ্গলকর। যদি সংখ্যাগরিষ্ঠের মতটি মঙ্গলকর হয় তবে তাহা গ্রহণ করিতে হইবে। অবশ্য, সংখ্যালঘিষ্ঠের মতটি যদি অধিকতর মঙ্গলকর হয় তবে তাহাকেও বাদ দেওয়া চলিবে না। জনমত গণতন্ত্রের প্রাণস্বরূপ। তাই সুপরিকল্পিত শিক্ষা-ব্যবস্থার মাধ্যমে জনমত সুগঠিত করিতে হইবে। আবার জনমতের প্রকাশের জন্ত জনমতকে নিয়ন্ত্রণমুক্ত করিয়া বিভিন্ন মাধ্যমের সাহায্যে প্রকাশ করিতে হইবে। নিম্নে এই মাধ্যমগুলির আলোচনা করা হইল :—

জনমত প্রকাশের মাধ্যম (Means of Expressing and Formulating Public Opinion) : গণতন্ত্রের প্রধান ভিত্তি হইল জনমত। এই কারণে জনমতকে বিশেষ গুরুত্ব দেওয়া হয়। কিন্তু জনমতকে শুধু গুরুত্ব দিলেই গণতন্ত্র প্রকৃত হইয়া উঠে না। জনমতকে প্রকাশ করার কতকগুলি মাধ্যমকেও স্বীকৃতি দিতে হইবে কারণ জনমত যে সকল মাধ্যমের মধ্য দিয়া প্রকাশিত হয় সেই সকল মাধ্যমগুলির উপরই জনমত নির্ভর করে। জনমত ব্যক্ত করার মাধ্যমগুলি হইল (১) মুদ্রাযন্ত্র, (২) বেতার ও চলচ্চিত্র, (৩) শিক্ষা প্রতিষ্ঠান, (৪) বিধানসভা, (৫) সভাসমিতি এবং (৬) রাষ্ট্রনৈতিক দল।

(১) **মুদ্রাযন্ত্র (The Press) :** সংবাদপত্রের মাধ্যমেই প্রধানতঃ জনমত প্রকাশিত হয়। সংবাদপত্রের মাধ্যমেই জনসাধারণ তাহাদের দাবিদাওয়া প্রথম প্রকাশ করে। আবার সরকারের কার্যাবলীর সমালোচনাও এই সংবাদপত্রের মাধ্যমেই হইয়া থাকে। সমাজের বিভিন্ন সমস্যাও সংবাদপত্রের মাধ্যমে সরকারের দৃষ্টিগোচরে আনিত হয়। এষ্ট কারণে সংবাদপত্রকে বলা হয় গণতন্ত্রের অত্যন্ত প্রধান ভিত্তি।

সংবাদপত্রের এতো গুরুত্ব থাকা সত্ত্বেও একটি প্রশ্ন স্বভাবতই উত্থিত হয়, তাহা হইল সংবাদপত্র সমাজের কোন শ্রেণীর মত প্রকাশ করে? সংবাদপত্রের মালিক নিজে একজন পুঁজিপতি। সংবাদপত্রের আয় হয় পুঁজিপতিদের বিজ্ঞাপন হইতে। ফলে ধনতান্ত্রিক দেশের সংবাদপত্র ধনিকশ্রেণীরই মুখপত্র। এই সংবাদপত্র শ্রমিকশ্রেণীর মতকে প্রকাশ করে না বরং বিকৃতভাবে জনসাধারণ এবং সরকারের নিকট উপস্থাপিত করে। সত্য ঘটনাকে

চাপিয়া অথবা বিকৃত করিয়া প্রকাশ করে। ফলে সংবাদপত্রের মালিকশ্রেণী প্রকৃতির উপরই নির্ভর করে সংবাদপত্রের গুরুত্ব ও প্রকৃতি। একমাত্র জনসাধারণের মালিকানায় অথবা জনসাধারণের স্বার্থবাহী দলের সংবাদপত্রই জনমত প্রকাশের মাধ্যম হইতে পারে।

(২) চলচ্চিত্র ও বেতার (The Cinema and The Radio) :

চলচ্চিত্র ও বেতার সংবাদপত্রের মতোই বর্ণপরিচয়হীন জনসাধারণের নিকট সংবাদ পরিবেশন করে। জনসাধারণকে প্রভাবিত করিতে চলচ্চিত্রের মতো প্রভাবশালী মাধ্যম আর নাই। চলচ্চিত্র জনমতকে প্রকাশিত করিতে পারে এবং জনমতকে সংগঠিতও করিতে পারে। কিন্তু তিনটি প্রভাব চলচ্চিত্রকে বিশেষভাবে নিয়ন্ত্রিত করে। এই তিনটি প্রভাব হইল : (১) সরকারী নিয়ন্ত্রণ, (২) প্রেক্ষাগৃহের মালিকের স্বার্থ এবং (৩) ব্যবসায়ীর বিজ্ঞাপন। এই প্রভাবগুলি হইতে অতি সহজেই বোঝা যায়, চলচ্চিত্র কাহাদের স্বার্থ বজায় রাখিতে চেষ্টা করে। সরকার বাধ্যতামূলকভাবে সরকারের স্বার্থবাহী চিত্র প্রদর্শন করিবার ব্যবস্থা করে। মালিকশ্রেণী টাকার জোরে তাহাদের স্বার্থবাহী বিজ্ঞাপন প্রচার করে চলচ্চিত্রের মাধ্যমে। প্রযোজক এমন চিত্র প্রযোজনা করিবে না যাহা তাহার শ্রেণীস্বার্থের বিরোধী। এই সকল কারণে চলচ্চিত্র জনমত প্রকাশের মাধ্যম হিসাবে গৃহীত হইতে পারে না। চলচ্চিত্র ও বেতার সংবাদপত্রের পরিপূরক হইতে পারিবে শুধু তখনই এবং উপরোক্ত ত্রুটিগুলি হইতে মুক্ত হইতে পারিবে তখনই যখন বেতার ও চলচ্চিত্র জনসাধারণ কর্তৃক নিয়ন্ত্রিত হইবে।

(৩) শিক্ষা-প্রতিষ্ঠান (Educational Institutions) : শিশুমনে একবার যে আদর্শ, যে ধ্যান-ধারণা বদ্ধমূল হইয়া যায় তাহা তাহাদের ভবিষ্যৎ জীবনের কার্যকলাপে প্রতিফলিত হয়। বিদ্যালয়, মহাবিদ্যালয় ও বিশ্ববিদ্যালয়ে ছাত্রছাত্রীদের পঠন-পাঠনের মধ্য দিয়া একটা বিশিষ্ট আদর্শ গড়িয়া উঠে। এই আদর্শই ভবিষ্যৎ জীবনের কার্যাবলীতে প্রতিফলিত হয়। এখানে স্মরণ রাখা প্রয়োজন যে, আজ যে ছাত্র, ভবিষ্যতে সেই দেশের নেতা। অতএব ভবিষ্যতের নেতৃত্ব, ভবিষ্যতের জাতীয় উন্নতি নির্ভর করে বর্তমানের ছাত্রদের উপর। এই ছাত্রদল যদি কৃশিকার প্রভাবে দুঃচরিত্র লাভ করে তবে জাতির পতন অবশ্যসম্ভাবী। এই দিক হইতে বিচার করিলে জনমত গঠনে, আদর্শ সমাজগঠনে শিক্ষা প্রতিষ্ঠানগুলির ভূমিকা অত্যন্ত গুরুত্বপূর্ণ।

কিন্তু শ্রেণীবিভক্ত সমাজে প্রতিপক্ষিশালীশ্রেণী পার্থ্যবস্ত নিয়ন্ত্রণ করে ; কলেজকে ব্যবসায় প্রতিষ্ঠানে পরিণত করে এবং তাহাদের শ্রেণীর স্বার্থের বিরোধী ও প্রচলিত সমাজ-ব্যবস্থার গলদ উদ্ঘাটিত হইয়াছে যে পুস্তকে তাহাকে ছাত্রদের দৃষ্টির আড়ালে রাখিবার ব্যবস্থা করা হয়। ফলে শিক্ষা-প্রতিষ্ঠানকেও জনমত প্রকাশের মাধ্যম বলা চলে না। সর্বোপরি সরকারী নিয়ন্ত্রণে শিক্ষা-প্রতিষ্ঠান চালু হওয়ায় সরকার-বিরোধী কোন মতকেই শিক্ষা-প্রতিষ্ঠানের মাধ্যমে প্রকাশ করিতে দেওয়া হয় না।

(৪) সভাসমিতি (The Platform) : জনসাধারণকে রাষ্ট্রনৈতিক শিক্ষায় শিক্ষিত করিবার আর একটি মাধ্যম হইল সভাসমিতি। সভা-সমিতির মাধ্যমে জনমত ব্যক্ত হয় এবং গঠিত হয়। এই কারণে সভাসমিতির স্বাধীনতা গণতন্ত্রের অপরিহার্য অঙ্গস্বরূপ। কিন্তু বৈষম্যমূলক ধনতান্ত্রিক সমাজে এই স্বাধীনতা সমভাবে সমস্ত শ্রেণীর লোক ভোগ করিতে পারে না। দেখা যায়, ধনতন্ত্র যতই সংকটের সম্মুখীন হইতেছে, ততই শাস্তি ও শৃঙ্খলার অজুহাতে জনসাধারণের আন্দোলনকে বন্ধ করিবার জন্ত সভাসমিতির উপর নিয়ন্ত্রণ জারী করা হইতেছে।

(৫) রাষ্ট্রনৈতিকদল (Political Parties) : পূর্ববর্তী অধ্যায়ে রাষ্ট্রনৈতিকদল সম্বন্ধে বিস্তৃত আলোচনা করা হইয়াছে, এখানে তাহার আর পৃথক আলোচনা করা হইল না।

(৬) আইনসভা (The Legislature) : আইনসভা হইল বিভিন্ন রাষ্ট্রনৈতিক দলের বিশেষ কার্যক্ষেত্র। আইনসভায় বিতর্ক, সমালোচনা ও প্রশ্নোত্তরের মাধ্যমে সরকারীদল ও বিরোধীদল পরস্পরের দোষ-ত্রুটিগুলি জনসমক্ষে তুলিয়া ধরে এবং স্ব স্ব দলের উৎকর্ষতা প্রমাণ করিয়া জনমত গঠনের চেষ্টা করে। আইনসভার কার্যক্রম সংবাদপত্রে প্রকাশিত হইবার ফলে জনমত গঠনে সংবাদপত্র যে ভূমিকা গ্রহণ করে আইনসভা তাহা অপেক্ষা কম গুরুত্বপূর্ণ ভূমিকা গ্রহণ করে না।

সারসংক্ষেপ

রাষ্ট্রনৈতিক বিষয়ে সুগঠিত ও দিক্জাপিত জনসাধারণের মতকে বলা হয় জনমত। গণতন্ত্র এই জনমতের উপরই প্রতিষ্ঠিত। সমাজে বহু শ্রেণীর মানুষ বাস করে। এক একটি শ্রেণীর এক একটি ধরনের মত থাকে। সরকারকে এই বিভিন্ন শ্রেণীর বিভিন্ন মতামতের মধ্যে সামঞ্জস্য

বিধান করিয়া রাষ্ট্রকার্য পরিচালনা করিতে হয়। আবার জনমত প্রকাশের স্বাধীনতা যদি স্বীকৃত না হইত তবে রাষ্ট্রে স্বৈরতন্ত্র প্রতিষ্ঠিত হইত। আধুনিক গণতান্ত্রিক রাষ্ট্রে জনমত প্রকাশ করার জন্য বিভিন্ন মাধ্যম ব্যবহৃত করা হয়; যথা (১) সংবাদপত্র, (২) বক্তৃতামঞ্চ, (৩) চলচ্চিত্র, (৪) বেতার, (৫) পুস্তক ও প্রচারপত্র প্রভৃতি।

প্রশ্নাবলী

1. Indicate the importance of Public opinion in a modern democracy.
2. What do you mean by Public opinion? How is it formulated and moulded? (C. U. 1953)
3. Discuss the nature and importance of Public opinion in popular Government.

অতিরিক্ত পাঠ্য

Lippmann—Public opinion

Dicy —Law and Public opinion in England.

ত্রয়বিংশ অধ্যায়

নির্বাচকমণ্ডলী

(Electorate)

পূর্বেই আলোচিত হইয়াছে বর্তমান গণতন্ত্র কেন প্রতিনিধিত্বমূলক গণতন্ত্রে পরিণত হইয়াছে। বর্তমানের বিপুল জনসমষ্টি-সম্বলিত বৃহদায়তন রাষ্ট্রে প্রত্যেক ব্যক্তির মতামত গ্রহণ করা সম্ভব নয়। তাই জনসাধারণের মধ্য হইতে বাছাই করা কতিপয় লোকের নির্দেশই গণতন্ত্রের পক্ষে যথেষ্ট। নির্ধারিত পদ্ধতিতে কার্য পরিচালনা করিবার জ্ঞান এবং কর্মবিভাগের সুফল প্রাপ্তির জ্ঞান আর বিজ্ঞানের আইন প্রণয়নে সহায়তা পাইবার জ্ঞান প্রয়োজন পরোক্ষ গণতান্ত্রিক-ব্যবস্থা। তাই প্রত্যক্ষ গণতন্ত্রের পথ ছাড়িয়া পরোক্ষ গণতন্ত্রের পথ গ্রহণ করা হইয়াছে। এখন এই প্রতিনিধিত্বমূলক সরকার প্রতিষ্ঠা করিতে গেলে কতকগুলি সমস্যা আসিয়া উপস্থিত হয়। এই সমস্যাগুলি হইল (১) ভোটাধিকারের ভিত্তি, (২) নির্বাচন পদ্ধতি এবং (৩) সংখ্যালঘুদের প্রতিনিধিত্ব। নিয়ে এই সমস্যাগুলির আলোচনা করা গেল :

নির্বাচকমণ্ডলী সংক্রান্ত সমস্যা (Problems of Electorate) : পূর্বেই সমস্যাত্রয়ের উল্লেখ করা হইয়াছে। এই সমস্যাগুলিকে বুঝিতে হইলে নির্বাচকমণ্ডলীর একটি সংজ্ঞা নির্দেশ করা প্রয়োজন। নির্বাচনমণ্ডলী বলিতে বোঝায় সেই সমস্ত জনসাধারণকে যাহারা আইনগতভাবে ভোটদানের অধিকারী এবং এই ভোটদানের মাধ্যমে নির্বাচন সংস্থায় (Electoral College) বা ব্যবস্থাপক সভায় প্রতিনিধি নির্বাচন করিতে পারিবে। এখন একটি প্রশ্ন উঠে, তাহা হইলে এই ভোট দিতে পারিবে কাহারো ? এই প্রশ্নে দুইটি মতবাদ প্রচলিত আছে। প্রথম মতবাদ অনুসারে তাহারাই ভোটাধিকারী হইবে যাহারা প্রাপ্ত-বয়স্ক অর্থাৎ যাহারা একটা নির্দিষ্ট বয়সে পৌঁছিয়াছে (Universal Adult Franchise) ; আর দ্বিতীয় মতবাদ অনুসারে শুধু যোগ্য ব্যক্তিকেই ভোটাধিকার দেওয়া হইবে।

(ক) সার্বিক প্রাপ্ত-বয়স্কের ভোটাধিকারের গুণাগুণ (Merits and Defects of Universal Adult Franchise) : (১) অষ্টাদশ

শতাব্দীতে যখন জনগণের সার্বভৌমিকতার তত্ত্ব প্রচারিত হইল তখন বলা হইল যে, সার্বিক প্রাপ্ত-বয়স্কের ভোটাধিকার স্বীকৃত হওয়া বাঞ্ছনীয়। কারণ, সার্বভৌমিকতা জনসাধারণের মধ্যেই নিহিত রহিয়াছে। এই ভোটাধিকারের দ্বারা জনগণ সার্বভৌমিকতা ব্যবহার করিতে পারিবে।

(২) সার্বিক প্রাপ্ত-বয়স্কের ভোটাধিকারের পক্ষে আর একটি যুক্তি হইল সরকারী নীতি যখন প্রত্যেক মানুষের জীবনকেই স্পর্শ করে তখন প্রত্যেককেই সরকারী নীতিকে নিয়ন্ত্রণ করার অধিকার প্রদান করা উচিত।

(৩) আরও বলা হয় যে, গণতন্ত্র যদি সাম্য নীতির উপর প্রতিষ্ঠিত না হয় তবে গণতন্ত্র অলীক বলিয়া প্রতিপন্ন হইবে। গণতন্ত্রকে সার্থক করিয়া তুলিবার জন্ত প্রয়োজন একমাত্র বয়সের পার্থক্য ছাড়া অন্য সকল পার্থক্য-নির্বিশেষে প্রত্যেক ব্যক্তিকেই ভোটাধিকার প্রদান করা।

(৪) নৈতিক যুক্তিতেও সার্বিক প্রাপ্ত-বয়স্কের ভোটাধিকারকে সমর্থন করা হয়। বলা হয় যে, ব্যক্তিত্বের পূর্ণ বিকাশের জন্তই প্রত্যেককে ভোটাধিকার প্রদান করা উচিত। ভোটাধিকার ছাড়া মানুষের রাষ্ট্রনৈতিক জীবন পরিপূর্ণ হইতে পারে না।

*পরিশেষে বলা যায়, সর্বসাধারণের মঙ্গলের জন্ত প্রয়োজন সার্বিক প্রাপ্ত-বয়স্কের ভোটাধিকার।

সমালোচনা : (১) লেকী, মিল, ব্রুন্টস্‌লি ও হেনরী মেইনের মতে ভোটাধিকার জন্মগত অধিকার নহে। ইহা রাষ্ট্র ও রাষ্ট্রান্তর্গত ব্যক্তিদের মধ্যে যাহারা **যোগ্য** তাহাদিগকেই দিয়া থাকে। আরও বলা হয়, রাষ্ট্রের যে সকল লোক ভোটের মর্ম উপলব্ধি করিতে পারে না এবং ইহাকে ব্যবহার করিতে জানে না তাহাদিগকে ইহা প্রদান করা নিরর্থক।

(২) ‘প্রাপ্ত-বয়স্ক’ শব্দটি অস্পষ্ট। কারণ, প্রাপ্ত-বয়স্কের মানদণ্ডে যদি ভোটাধিকার প্রদান করিতে হয় তবে সমাজের দেউলিয়া, উন্মাদ, চৌর্য-কার্যে রত ব্যক্তিকেও ভোটাধিকার দিতে হয়। অতএব সার্বিক প্রাপ্ত-বয়স্কের ভোটাধিকারের নীতিকে সমর্থন করা যায় না। ভোটাধিকার দিতে হইবে শুধু তাহাদের যাহারা স্বস্থ মস্তিষ্ক লইয়া সমাজের মঙ্গলকার্যে ব্যাপৃত থাকিবে।

(খ) **যোগ্যতার মাপকাঠিতে ভোটাধিকার :** মিলকে অস্বপ্ন করিয়া বলা যায় যোগ্যতার ভিত্তিতেই ভোটাধিকার স্বীকৃত হওয়া উচিত। আবার শিক্ষাই হইল এই যোগ্যতার মাপকাঠি। মিল বলেন যে, প্রথমে

সার্বিক শিক্ষার বিস্তার করা প্রয়োজন। তারপর সার্বিক প্রাপ্ত-বয়স্কের ভোটাধিকারের ব্যবস্থা করা কর্তব্য (Universal teaching must precede universal enfranchisement)।

আবার কেহ কেহ মনে করেন যে সম্পত্তিকে মানদণ্ড ধরিয়া ভোটাধিকার প্রদান করা উচিত। কারণ হিসাবে বলা হয়, যাহারা সম্পত্তিহীন তাহারা কর প্রদান করে না। আবার যাহারা কর প্রদান করে না তাহারা অমিতব্যয়ী হয়। তাই মিল এই মতবাদকে সমর্থন করিয়া বলেন যে, সাধারণ লোক অপরের অর্থ ব্যবহারে অমিতব্যয়ী হইয়া উঠে বলিয়া বিত্তহীনদের ভোটাধিকার দেওয়া উচিত নয়।

সমালোচনা : (১) সমালোচনায় বলা যায় যে, অশিক্ষিত ব্যক্তি অপেক্ষা শিক্ষিত ব্যক্তিই নির্বাচন ব্যাপারে কাম্য। কিন্তু অশিক্ষিত ব্যক্তিকে রাষ্ট্রনৈতিক শিক্ষায় শিক্ষিত করিয়া ভোটাধিকার দিলে গণতন্ত্রেরই ভিত্তি সূদৃঢ় হয়। আবার মিল যে প্রাথমিক শিক্ষার মানদণ্ডে ভোটাধিকার দিবার প্রস্তাব করিয়াছেন তাহা গ্রহণযোগ্য নয়। কারণ অভিজ্ঞতার সাহায্যে দেখা গিয়াছে যে, প্রাথমিক শিক্ষায় শিক্ষিত এবং উচ্চশিক্ষায় শিক্ষিত ব্যক্তিগণ নিজের বুদ্ধি ও বিচার ক্ষমতার উপর নির্ভর করিয়াই ভোট দিয়া থাকেন। অতএব আক্ষরিক শিক্ষাকে বড় করিয়া ধরিবার প্রয়োজন হয় না।

আবার সম্পত্তিকে মানদণ্ড ধরিয়া ভোটাধিকার দেওয়াও অনাঞ্জনীয়; কারণ দেখা গিয়াছে বিত্তহীনেরাই রাষ্ট্রের প্রতি অধিকতর দরদী হয়। সম্পত্তিকে মানদণ্ড ধরিয়া ভোটাধিকার প্রদানের রীতি সামন্ততান্ত্রিক যুগেই প্রচলিত ছিল। কারণ, তখন শুধু বিত্তবানেরাই কর দিত। কিন্তু বর্তমানে প্রত্যক্ষ না হউক পরোক্ষ করের বোঝা বিত্তবান ও বিত্তহীন নির্বিশেষে সকলকেই বহন করিতে হয়।

উপসংহারে বলা যায়, গণতন্ত্রকে সূদৃঢ় ভিত্তির উপর প্রতিষ্ঠিত করিতে হইলে সার্বিক ভোটাধিকারকে স্বীকার করিয়া লইতে হইবে কারণ সার্বিক প্রাপ্তবয়স্কের ভোটাধিকার ছাড়া ব্যক্তি-সত্তার বিকাশসাধন করা যায় না। আর প্রাপ্ত-বয়স্ক নাগরিককে ভোটাধিকার দিয়া তাহাকে রাষ্ট্রের সমস্ত-সম্বন্ধে সচেতন করিয়া তোলা প্রত্যেক গণতান্ত্রিক রাষ্ট্রেরই কাম্য।

স্ত্রীলোকের ভোটাধিকার (Women Suffrage) : স্ত্রীলোকের

ভোটাধিকারের প্রক্ষেপে রাষ্ট্রবিজ্ঞানীরা দুই দলে বিভক্ত হইয়া পড়েন। একদল নারীর ভোটাধিকারকে সমর্থন করেন আর একদল ইহাকে সমর্থন করেন না। নিম্নে ইহাদের মতামত লিপিবদ্ধ করা হইল :

স্বপক্ষে-যুক্তি : (১) রাষ্ট্রবিজ্ঞানীদের মধ্যে একদল এই যুক্তি প্রদর্শন করেন যে, নারী ও পুরুষ উভয়েই মানুষ। মানুষ হিসাবে পুরুষের যদি ভোটাধিকার স্বীকৃত হয়, তবে নারীর ভোটাধিকার স্বীকৃত না হইবার কোন যুক্তি নাই। (২) আরও বলা হয় যে, দৈহিক বলে বলীয়ান পুরুষ যদি ভোটাধিকার পাইতে পারে তবে দুর্বল নারী বরং নানাবিধ অসুবিধার জন্ত পুরুষের চেয়ে অপেক্ষাকৃত অধিকতর ভোটাধিকার পাইতে পারে। (৩) বর্তমানকালে জীলোকগণ সামাজিক ও অর্থনৈতিক প্রভৃতি সকল ব্যাপারেই পুরুষের সহিত সহযোগিতা ও প্রতিযোগিতা করিতেছে। অতএব রাষ্ট্রনৈতিক ক্ষেত্র হইতে তাহাদিগকে বিতাড়িত করার কোন যুক্তি নাই। (৪) আবার রাষ্ট্রবিজ্ঞানীগণ এই যুক্তি উপস্থিত করেন যে, পুরুষের

নারীর ভোটাধি-
কারের স্বপক্ষে
যুক্তির নির্ধার

পৌরুষতা, স্বার্থপরতা, আক্রমণমুখীতা এবং শোষণ-
পরায়ণতাকে সংযত করিবার জন্তই নারীর ভোটাধিকার
স্বীকৃত হওয়া বাঞ্ছনীয়। নারী ভোটাধিকার পাইলে
সর্ববিধ আক্রমণ হইতে তাহাকে রক্ষা করিবার জন্ত

প্রয়োজনীয় আইন প্রণয়ন করিতে পারিবে। (৫) নারী ভোটাধিকার প্রাপ্ত হইলে পুরুষের ভোটাধিকারের দ্বিত্বকরণ হইবে বলিয়া যে যুক্তি দেখানো হয় তাহা যুক্তিযুক্ত নয়। কারণ, নারী যে সকল ব্যাপারেই পুরুষের পদাঙ্ক অনুসরণ করিবে এমন ধারণা পূর্ব হইতেই ধরিয়া লওয়া বাঞ্ছনীয় নয়। কোন জীলোক হয়ত তাহার স্বামী যাহাকে ভোট দিবে তাহাকেই ভোট দিতে পারে, কিন্তু সেই কারণে যদি তাহাকে স্বতন্ত্রভাবে চিন্তা করিবার সুযোগ না দেওয়া হয়, তবে প্রকৃত স্বাধীনতার অস্বীকার করা হইবে। নারীকে আত্মোপলব্ধির সকল প্রকার সুযোগ-সুবিধা দিতে হইবে।

বিপক্ষে যুক্তি : প্রথমতঃ, নারীর ভোটাধিকারের বিপক্ষে এই যুক্তি দাঁড় করানো হয় যে, জীলোককে ভোটাধিকার দিলে নারী নারীত্ব হারাইবে এবং পুরুষের সহিত তাহার পার্থক্যসূচক চরিত্রগুলি আর বজায় থাকিবে না। এই যুক্তি সমর্থনযোগ্য নয়। কারণ নারী ভোটাধিকার পাইলেও সে নারীই থাকে ; সে পুরুষ হইয়া যায় না।

দ্বিতীয়তঃ, বলা হয়, মাতৃত্বেই নারীত্ব প্রকাশিত হয়। তাহার নির্দিষ্ট স্থান হইল গৃহাভ্যন্তরে। জীলোক যদি রাষ্ট্রনৈতিক দৃষ্টে লিপ্ত হয় তবে সে তাহার মাতৃত্ব হারাইবে। এই যুক্তিও গ্রহণযোগ্য নয়। কারণ, অভিজ্ঞতা ইহাই প্রমাণ করিয়াছে যে নারীকে ভোটাধিকার দিলে নারীর মাতৃত্ব নষ্ট হয় না।

তৃতীয়তঃ, বলা হয়, সংসার সুখের হয় নারীর জন্ত। সেই নারীর ভোটাধিকারের স্বীকৃতির অর্থ পারিবারিক জীবনে সংহতি ও শান্তিকে বিঘ্নিত করা। জীলোককে স্বাধীনভাবে প্রার্থীকে নির্বাচিত করিবার সুযোগ দিলে সে যদি তাহার স্বামীর সহিত একমত হইতে না পারে তবে পারিবারিক কলহ সৃষ্টি হইবে। এই যুক্তির বিরুদ্ধে বলা যায় যে, যদি নারীর স্বাধীনতা রক্ষার্থে কলহের সৃষ্টি হয় তবে সেই কলহকে স্বীকার করিয়া লইতে হইবে।

চতুর্থতঃ, এই যুক্তি দেখানো হয় যে, জীলোক যদি তাহার স্বামীর মতামুসারেই ভোট দেয় তবে ভোট দ্বিগুণিত হইবে মাত্র। কিন্তু জীলোক যে তাহার স্বামীর মতামুসারেই ভোট দিলে, ইহা পূর্ব হইতেই ধরিয়া লওয়া যায় না।

পঞ্চমতঃ, রাষ্ট্রবিজ্ঞানীগণ মনে করেন যে, যাহারা যুদ্ধে যোগদান করিয়া দেশকে রক্ষা করিতে সমর্থ নয়, তাহাদের ভোটাধিকার পাইবার কোন দাবি নাই। এই যুক্তিতে জীলোকগণ যেহেতু যুদ্ধে যোগদান করিতে পারে না সেইহেতু তাহাদের ভোটাধিকার পাইবারও অধিকার নাই। এই যুক্তি সমর্থনযোগ্য নহে। কারণ, বর্তমানে হাজার হাজার নারী যুদ্ধে যোগদান করিয়া সেবার কার্যে নিযুক্ত থাকে।

উপসংহারে ল্যান্সিকে অহসরণ করিয়া বলা যায় যে, সম্পত্তির মালিকানার ভিত্তিতে ভোটাধিকার প্রদত্ত হইলে রাষ্ট্র-সম্পর্কিত আগ্রহ শুধু বিস্ত্রবানদিগের মধ্যেই সীমাবদ্ধ হইবে। আবার বিত্তার মান কীপ্রকারের হইলে ভোটাধিকার প্রাপ্তির মতো যোগ্যতা অর্জন করা যাইবে তাহা স্থির করা হয় নাই বলিয়া যোগ্যতার মানে নির্বাচকদিগকে স্থির করা যায় না। আইনভঙ্গকারা দণ্ডিত ব্যক্তিকে ভোটাধিকারচ্যুত করা বাঞ্ছনীয় তবে এত দণ্ড সামান্য কয়েকটি অপরাধের মধ্যেই সীমাবদ্ধ থাকা প্রয়োজন।

ভোটদানের পদ্ধতি : প্রত্যক্ষ ও পরোক্ষ (Methods of Election : Direct & Indirect) : প্রতিনিধি নির্বাচনের পদ্ধতির উপরও

গণতন্ত্রের সফলতা নির্ভর করে। প্রতিনিধি নির্বাচনের দুইটি পদ্ধতি আছে ; যথা (ক) প্রত্যক্ষ, (খ) পরোক্ষ। প্রত্যক্ষ নির্বাচনে নির্বাচকগণ প্রত্যক্ষভাবে অর্থাৎ সরাসরি ভোট দিয়া নির্বাচন করে। আর পরোক্ষ নির্বাচন পদ্ধতিতে নির্বাচকগণ প্রথমে একটি নির্বাচক সংস্থা (Electoral College) মনোনয়ন করে। তারপর এই মধ্যবর্তী নির্বাচন সংস্থার সভ্যেরা প্রতিনিধি নির্বাচন করে। কোন কোন সময় ব্যবস্থাপক-সভা এই নির্বাচন সংস্থার কাজ করে। আবার বিশেষ নির্বাচনের জন্ত নির্বাচন সংস্থাও গঠন করা হয়। উদাহরণস্বরূপ বলা যায়, মার্কিন যুক্তরাষ্ট্রের রাষ্ট্রপতিকে নির্বাচিত করিবার উদ্দেশ্যেই নির্বাচন সংস্থা গঠন করা হয়। ভারতবর্ষে রাষ্ট্রপতিকে নির্বাচিত করিবার জন্ত পার্লামেন্টের উভয় পরিষদ এবং রাজ্য বিধানসভাগুলির নির্বাচিত প্রতিনিধিদের লইয়া একটি নির্বাচন সংস্থা গঠন করা হয়।

প্রত্যক্ষ নির্বাচনের গুণাগুণ : এই নির্বাচন পদ্ধতিতে নির্বাচন হইলে জনগণের রাজনৈতিক চেতনা ও শিক্ষা বৃদ্ধি পায় এবং প্রতিনিধি ও নির্বাচনকারীদের মধ্যে ঘনিষ্ঠ সম্পর্ক স্থাপিত হয়। নাগরিকগণ রাষ্ট্রনৈতিক ব্যাপারে আগ্রাহাশ্বিত হয়। জনমত বিরোধী কোন আইন পাস করা সম্ভব হয় না, কারণ তাহা হইলে নির্বাচকগণ পরবর্তী নির্বাচনে আর বর্তমান প্রতিনিধিকে সমর্থন করিবে না। ইহাতে দুর্নীতির আশংকাও কম থাকে। কারণ সমগ্র নির্বাচককে প্রভাবাশ্বিত করা সম্ভব নয়।

এই পদ্ধতির ক্রটি হইল জনসাধারণ সাধারণতঃ অজ্ঞ। তাই তাহারা যোগ্য প্রতিনিধি নির্বাচিত করিতে পারে না। এই পদ্ধতিতে নানা প্রকার অসাধু উপায় অবলম্বিত হয় বলিয়া যোগ্য ব্যক্তির নির্বাচনে প্রতিদ্বন্দ্বিতায় অবতীর্ণ হন না। ফলে, ব্যবস্থাপক সভায় কখনও কোন গুণীলোক প্রবেশ করিতে পারে না।

পরোক্ষ নির্বাচন পদ্ধতির গুণাগুণ (Merits and Defects of Indirect Election) : প্রথমতঃ, পরোক্ষ নির্বাচনের ফলে দলীয় উত্তেজনা হ্রাস পায়। এই পদ্ধতিতে প্রকৃত প্রার্থীকে জনসাধারণ নির্বাচন করে না বলিয়া দলের প্রচারকার্যও কম হয় এবং দলীয় কর্তৃত্বও হ্রাস পায়।

দ্বিতীয়তঃ, এই পদ্ধতিতে ব্যয় অপেক্ষাকৃত কম হয় এবং অল্পসময়েই নির্বাচনকার্য শেষ করা যায়।

তৃতীয়তঃ, ইহা দাবি করা হয় যে, অজ্ঞ জনসাধারণ বিজ্ঞজনকে নির্বাচন

করিতে পারে না। এই কারণে প্রকৃত প্রতিনিধিকে নির্বাচন করার ভার কতিপয় লোকের হস্তে অর্পণ করা বাঞ্ছনীয়। বলা হয় যে, জনসাধারণের বুদ্ধি, বিবেচনা ও শিক্ষা অতি সামান্যই। সুতরাং তাহাদের সিদ্ধান্তের উপর আইনসভার মতো গুরুত্বপূর্ণ সভার সদস্য নির্বাচনের ভার ছাড়িয়া দেওয়া উচিত নয়।

সমালোচনা : গণতন্ত্রের মূলনীতি হইল সরকার জনসাধারণের নিকট দায়িত্বশীল থাকিবে। কিন্তু জনসাধারণকে যদি প্রকৃত প্রতিনিধির নিকট হইতে দূরে সরাইয়া রাখা হয় তবে গণতন্ত্রের মূলনীতি ব্যর্থ হইবে। আবার জনসাধারণকে অজ্ঞ বলিয়া অভিহিত করা হইয়াছে। কিন্তু জনসাধারণ যদি এতোই অজ্ঞ হয় তবে তাহারা মধ্যবর্তী নির্বাচনের সময় মধ্যবর্তী নির্বাচন সংস্থায় অজ্ঞদেরই প্রতিনিধি হিসাবে প্রেরণ করিবে। যাহারা আবার পরোক্ষভাবে অজ্ঞদিগকেই প্রকৃত প্রতিনিধি হিসাবে নির্বাচিত করিবে। কিন্তু আসলে ইহা হয় না। আরও বলা হয় যে, জনসাধারণকে যদি প্রকৃত প্রতিনিধি নির্বাচনের অংশ গ্রহণ করিতে না দেওয়া হয় তবে তাহাদের মৌলিক অধিকার ক্ষুণ্ণ করা হয়।

আবার দলীয় ব্যবস্থায় দলগুলি নির্বাচন সংস্থার নির্বাচনের সময় প্রস্তাবিত প্রকৃত প্রতিনিধির নাম পূর্ব হইতেই ঘোষণা করে। ফলে যাহারা দলীয় সমর্থনে নির্বাচন সংস্থায় প্রতিনিধি হিসাবে নির্বাচিত হয় তাহারা নিজেদের বুদ্ধি-বিবেচনা অহুযায়ী মোটেই ভোট প্রদান করিবে না। দল যাহাকে ভোট দিতে বলিবে তাহাকেই তাহারা ভোট দিবে। অতএব প্রত্যক্ষ নির্বাচন পদ্ধতিতে যে নির্বাচিত হইত পরোক্ষ নির্বাচন পদ্ধতিতেও সেই নির্বাচিত হইবে। মাঝখানে শুধু নির্বাচন পদ্ধতিকে জটিল করিয়া তোলার জন্তই পরোক্ষ নির্বাচন ব্যবস্থা প্রবর্তিত হয়। আবার নির্বাচন সংস্থার প্রতিনিধিগণ যেহেতু স্থায়ী নয়, সাময়িক ; শুধু কয়েকজনকে নির্বাচন করিবার জন্তই নির্বাচিত হইয়া আসিয়াছে, তখন তাহারা সাধারণতঃ বিশেষ দায়িত্বজ্ঞানসম্পন্ন হইবে না আবার উৎকোচ প্রভৃতির দ্বারা অল্পসংখ্যক প্রতিনিধিকে ক্রয় করিয়া প্রভাবশালী বিস্তবান ব্যক্তি নির্বাচন দ্বন্দ্ব জয়লাভ করিতে পারে। এই পদ্ধতি ব্যয়বহল এবং এই পদ্ধতিতে নির্বাচন হইলে অতি ধীর গতিতেই নির্বাচনকার্য সমাপ্ত হয়।

উপসংহারে বলা যায়, বর্তমান বৃহদায়তন রাষ্ট্রে প্রত্যক্ষ নির্বাচন করা

অস্ববিধাজনক। তাই পরোক্ষ নির্বাচন পদ্ধতির যথেষ্ট ক্রটি থাকিলেও এই পদ্ধতিকেই গ্রহণ করিতে হইবে। তবে অবশ্য 'গণভোট', 'গণউদ্যোগ', 'পদচ্যুতি' প্রভৃতির মতো ক্ষমতা জনসাধারণকে দিতে হইবে যাহাতে তাহার প্রতিনিধিদের নিয়ন্ত্রণ করিতে পারে।

সংখ্যালঘিষ্ঠের প্রতিনিধিত্ব (Minority Representation) :

গণতন্ত্রের অর্থ হইল সর্বসাধারণের সরকার। কিন্তু প্রকৃতপক্ষে বর্তমানে গণতন্ত্র হইল সংখ্যাগরিষ্ঠের সরকার। সংখ্যালঘিষ্ঠদের যদি কোন প্রতিনিধিত্বের ব্যবস্থা না থাকে তবে গণতন্ত্র প্রকৃত হইয়া উঠে না। এই সংখ্যালঘিষ্ঠ যদি সমগ্র নির্বাচকমণ্ডলীর শতকরা ৪৯ ভাগও হয় তথাপি তাহার প্রতিনিধি প্রেরণ করিতে পারিবে না যদি না সংখ্যালঘিষ্ঠের প্রতিনিধিকে আইনসভায় প্রেরণ করিবার ব্যবস্থা গ্রহণ করা হয়। রুশোকে অহুসরণ করিয়া বলা যায় আইন হইল জনসাধারণের ইচ্ছার প্রকাশ। কিন্তু আইন-

সংখ্যালঘিষ্ঠের
প্রতিনিধিত্বের
প্রয়োজনীয়তা

প্রণয়নকারীরা যদি সংখ্যাগরিষ্ঠের প্রতিনিধি হন তবে

আইন হইবে সংখ্যাগরিষ্ঠের ইচ্ছার প্রকাশ। তাহা

এইলে দেখা যায় আইনসভায় যদি সংখ্যালঘিষ্ঠের প্রতিনি-

ধিদের কোন স্থান না থাকে তবে উক্ত আইন সর্ব-

সাধারণের ইচ্ছার প্রকাশ হইবে না এবং সংখ্যাগরিষ্ঠের দ্বারা প্রণীত আইনকে যদি সর্বসাধারণের আইন বলিয়া প্রচার করা হয় তবে সংখ্যালঘিষ্ঠরা তাহার প্রতিবাদ করিতে পারে এবং এমন কি আইনকে নাও মান্য করিতে পারে।

কিন্তু সকল রাষ্ট্রবিজ্ঞানীই সংখ্যালঘিষ্ঠের প্রতিনিধিত্বকে সমর্থন করেন নাই। তাহাদের যুক্তি হইল সংখ্যালঘিষ্ঠের প্রতিনিধিত্ব স্বীকৃত হইলে নির্বাচকমণ্ডলীর মধ্যে বিভেদের সৃষ্টি হইবে। দল ও স্বার্থের ভিত্তিতে প্রতিনিধিত্বের ব্যবস্থা করিলে প্রত্যেক নির্বাচক সংকীর্ণ দৃষ্টিকোণ হইতেই জাতীয় সমস্তার আলোচনা করিবে। আবার এই ব্যবস্থা অতিশয় জটিল।

পরিশেষে বলা যায় শত জটিলতা সত্ত্বেও রাষ্ট্রের জনগণের একটা বিরাট অংশকে বাদ দিয়া যে গণতন্ত্র তাহা গণতন্ত্রই নয়।

সংখ্যালঘিষ্ঠের প্রতিনিধিত্বের বিভিন্ন পদ্ধতি (Different Methods of Minority Representation) : সংখ্যালঘুদের প্রতিনিধিত্বের জন্য বিভিন্ন পদ্ধতি প্রচলিত আছে ; যথা, (ক) সমানুপাতিক প্রতিনিধিত্ব,

(খ) সীমাবদ্ধ ভোট পদ্ধতি, (গ) স্তূপীকৃত ভোট পদ্ধতি, (ঘ) দ্বিতীয় ব্যালট ভোট পদ্ধতি ।

(ক) **সমানুপাতিক প্রতিনিধিত্ব (Proportional Representation)** : এই পদ্ধতি অহুসারে রাষ্ট্রনৈতিক, জাতিগত, ভাষাগত ও সম্প্রদায়গত প্রভৃতি সংখ্যালঘিষ্ঠশ্রেণীর প্রত্যেকেরই উহার সমর্থনে সমান অহুপাতে প্রতিনিধিত্বের ব্যবস্থা করা হয় । লেকী এবং জন স্টুয়ার্ট মিল এই সমাহুপাতিক প্রতিনিধিত্বকে সমর্থন করেন । লেকী ও মিল সাম্যের ভিত্তির উপর সরকারকে প্রতিষ্ঠিত করিবার জন্য সমাহুপাতিক প্রতিনিধিত্বকে সমর্থন করেন । বলা হয়, সংখ্যালঘুরা যদি প্রতিনিধিত্ব না হয় তবে গণতন্ত্র নিরর্থক হইবে ।

সমাহুপাতিক প্রতিনিধিত্বের আবার দুইটি পদ্ধতি আছে । যথা, (ক) **হেয়ার স্কিম (The Hare Scheme)**, (খ) **তালিকা পদ্ধতি (The List System)** । হেয়ারের পদ্ধতিকে এক হস্তান্তর যোগ্য ভোট দ্বারা সমাহুপাতিক প্রতিনিধিত্ব বলা হয় । নিম্নে এই দুইটি পদ্ধতির আলোচনা করা গেল :

এক হস্তান্তরযোগ্য ভোটে **আনুপাতিক নির্বাচন (Proportional Representation by Single Transferable Vote)** : (ক) **হেয়ার স্কিম (Hare Scheme)** : এই নির্বাচন-পদ্ধতি অহুসারে সমগ্র দেশটিকে কতকগুলি দুহুং অঞ্চলে ভাগ করিয়া এক একটি অঞ্চল হইতে একাধিক প্রতিনিধি নির্বাচনের ব্যবস্থা করা হয় । প্রত্যেক নির্বাচন প্রার্থীকে একটি নির্দিষ্ট সংখ্যক ভোট পাইতে হইবে । এই নির্দিষ্ট সংখ্যক ভোটকে বলা হয় ইলেকটোরেল কোটা (Electoral Quota) । এই নির্দিষ্ট সংখ্যক ভোট বা কোটা বাহির করার নিয়ম হইল :

$$\frac{\text{নির্বাচন কেন্দ্রের বৈধ ভোট}}{\text{নির্বাচন কেন্দ্রের আসনসংখ্যা}} = \text{নির্দিষ্ট সংখ্যক ভোট}$$

এই ব্যবস্থায় প্রত্যেক ভোটদাতাকে নির্বাচন প্রার্থীগণের নামের একটি তালিকা দেওয়া হয় । আর প্রত্যেক ভোটদাতার একটি মাত্র ভোট দিবার অধিকার আছে । প্রদত্ত তালিকার ভোটদাতাগণ যে প্রার্থীকে অধিক যোগ্য মনে করেন তাহার নামের পাশে '১' লিখিয়া দেন । আবার ভোটদাতা তাহার পছন্দমতো অন্য প্রার্থীগণের নামের পাশে যোগ্যতা অহুসারে যথাক্রমে

২, ৩, ৪, ৫ লিখিয়া দিতে পারেন। এই সংখ্যাগুলি হইতে ভোটদাতার পছন্দের পরিমাণ নির্ণয় করা যায়।

ভোট গণনার সময় যে সকল প্রার্থী ভোটদাতাগণের প্রথম পছন্দ অনুসারে পূর্বোক্ত নির্দিষ্ট সংখ্যক ভোট পাইয়াছেন তাহারা নির্বাচিত হইবেন। আবার এই নির্বাচিত ব্যক্তি যদি নির্দিষ্ট সংখ্যক ভোট অপেক্ষা অধিক ভোট পাইয়া থাকেন তবে যে পরিমাণ অধিক ভোট তিনি পাইবেন সেই অধিক ভোট দ্বিতীয় পছন্দপ্রাপ্ত ব্যক্তিদের হস্তান্তর করা হইবে। তারপর দ্বিতীয় পছন্দপ্রাপ্ত ব্যক্তিদের মধ্যে যাহারা নির্দিষ্ট সংখ্যক ভোট পাইবেন তাহারা নির্বাচিত হইবেন। আবার তাহাদিগের অতিরিক্ত ভোটগুলি তৃতীয় পছন্দপ্রাপ্ত ব্যক্তিদের মধ্যে হস্তান্তরিত হইবে। এইরূপে সকল আসন পূর্ণ না হওয়া পর্যন্ত ভোট এইভাবে হস্তান্তরিত হইতে থাকিবে।

এই পদ্ধতিকে ক্রটিহীন করার জন্ত আসনসংখ্যার সহিত এক যোগ করিয়া সেই সংখ্যার দ্বারা বৈধ ভোটকে ভাগ করিতে হয়।

$$\frac{\text{বৈধ ভোটসংখ্যা}}{\text{আসনসংখ্যা} + ১} + ১ = \text{নির্দিষ্ট সংখ্যক ভোট}$$

অসুবিধা : এই পদ্ধতি অনুসারে ভোট প্রদত্ত হইলে (১) সংখ্যালঘুদল আইনসভায় তাহাদের প্রতিনিধি প্রেরণ করিতে পারিবে। (২) সাধারণ পদ্ধতিতে কোন প্রার্থী নির্দিষ্ট সংখ্যক ভোট না পাইলে ভোটদাতার ভোটটি কার্যকরী হয় না। কিন্তু আলোচ্য পদ্ধতিতে ভোটদাতার অন্ততঃ একটি পছন্দ অর্থাৎ একটি ভোট কার্যকরী হইবেই। অর্থাৎ, ভোটদাতার প্রথম পছন্দ কার্যকরী না হইলে, দ্বিতীয় পছন্দ কার্যকরী হইবে। আবার দ্বিতীয় পছন্দ যদি কার্যকরী না হয় তবে তৃতীয় পছন্দ কার্যকরী হইবে। (৩) এই পদ্ধতি অনুসারে নির্বাচন হইলে যোগ্যতর ব্যক্তির নির্বাচন সম্ভব হয়। ফলে আইনসভায় যোগ্যতর ব্যক্তি আসন লাভ করিতে পারে।

কারণ যোগ্যতর ব্যক্তি হয় প্রথম পছন্দ না হয় দ্বিতীয় পছন্দ, তাহা না হইলে তৃতীয় পছন্দ ; এইভাবে কোন না কোন পছন্দের অন্তর্ভুক্ত হইবেই।

অসুবিধা : এই পদ্ধতির বহুবিধ গুণ থাকিলেও এই পদ্ধতি অতিশয় জটিলতাপূর্ণ। এই পদ্ধতি অনুসারে ভোট-গণনা করিতে দীর্ঘ সময় লাগে। ইহা ব্যয়সাপেক্ষ এবং সাধারণ ভোটদাতাগণ ইহার প্রয়োগ সম্বন্ধে সম্পূর্ণরূপে জ্ঞাত নয়।

(খ) **তালিকা-প্রথায় আনুপাতিক নির্বাচন (Proportional Representation by List System) :** এই পদ্ধতিতে প্রত্যেকটি দলই প্রতিটি নির্বাচক অঞ্চলের জন্ম একটি তালিকা প্রস্তুত করে এবং ভোটদানকারী সেই বিভিন্ন বিকল্প তালিকার যে কোন একটিতে ভোট দেয়। পরে কোন তালিকার কত সমর্থক সেই অনুযায়ী প্রত্যেকটি তালিকা হইতে সেই অনুপাতে প্রতিনিধিগণ আইনসভায় স্থান পায়।

কিন্তু এই পদ্ধতিতে নির্বাচন হইলে নির্বাচন **জটিল** হইবে। এই প্রথায় আইনসভার সদস্যের সহিত নির্বাচনীকেন্দ্রের ব্যক্তিগত যোগাযোগ ক্ষীণ হইবে। আবার এই প্রথায় নির্বাচন হইলে যদি দলীয়-ব্যবস্থা বিদ্যমান থাকে তবে একের পর এক দুর্বল সরকার গঠিত হইবে। আবার উপনির্বাচনের মারফত নিয়মিত জনমতের গতি নির্ধারণ করাও সম্ভব নয়। এই প্রথা উগ্র দলীয় মনোভাবের সৃষ্টি করে।

সংখ্যালঘুদের প্রতিনিধিত্বের জন্ম আরও তিনটি পদ্ধতি আছে, যথা, **সীমাবদ্ধ ভোট-পদ্ধতি** ও **স্বপ্নীকৃত ভোটদান-পদ্ধতি** এবং **ব্যালট-পদ্ধতি**। ~~প্রথম~~ পদ্ধতি অনুসারে একটি এলাকা হইতে একাধিক প্রার্থী নির্বাচিত হয়। এই পদ্ধতিতে নির্বাচকদের সকলের ভোট থাকে না। ফলে সংখ্যাগরিষ্ঠদের পক্ষে সব আসন জয় করা কঠিন হইয়া পড়ে।

(গ) **স্বপ্নীকৃত ভোটদান পদ্ধতিতে** যতগুলি আসন ততগুলিই ভোট থাকে। কিন্তু, যে কোন নির্বাচক ভোটগুলি বিভিন্ন লোককে ভাগ করিয়া না দিয়া একজনকেই দিতে পারে। ফলে সংখ্যালঘুরা প্রতিনিধি প্রেরণ করিতে পারে।

(ঘ) **দ্বিতীয় ব্যালট পদ্ধতি :** এই পদ্ধতি অনুসারে ভোটগণনায় যদি কেহ পূর্ণ সংখ্যাগরিষ্ঠতা অর্জন করিতে না পারে তবে সর্বনিম্ন ভোট প্রাপ্ত ব্যক্তির নাম বাদ দিয়া দ্বিতীয় বার ভোট প্রদানের ও ভোট গণনার ব্যবস্থা করা হয়। এইভাবে দ্বিতীয় বারের নির্বাচনে কোন এক দল পূর্ণ সংখ্যাগরিষ্ঠতা লাভ করে।

কিন্তু এই তিনটি পদ্ধতিই বিশেষ কার্যকর নহে। সংখ্যালঘুদের নির্বাচন করার বিভিন্ন পদ্ধতির মধ্যে এক হস্তান্তরযোগ্য ভোটদান পদ্ধতি **জটিল** হইলেও অধিক নির্ভরযোগ্য।

ভৌগলিক এবং কর্মগত বা পেশাগত প্রতিনিধিত্ব (Territorial and Functional or Occupational Representation) : সাধারণ

নির্বাচন পদ্ধতি অনুসারে সমগ্র দেশকে কতকগুলি ক্ষুদ্র ক্ষুদ্র নির্বাচনী অঞ্চলে (Constituency) বিভক্ত করিয়া প্রতিনিধি নির্বাচনের ব্যবস্থা করা হয়। প্রত্যেকটি নির্বাচনী অঞ্চলে সকল প্রতিদ্বন্দ্বী প্রার্থীদের মধ্যে যে প্রার্থী সর্বাধিক ভোটপান তাহাকেই নির্বাচিত হইয়াছে বলিয়া ঘোষণা করা হয়। এই ব্যবস্থানুসারে সংখ্যাগরিষ্ঠ জনসাধারণের ভোটপ্রার্থী নির্বাচিত হয়। ফলে এই ব্যবস্থানুসারে নির্বাচন এলাকার মধ্যে বসবাসকারী ভোট-প্রাপ্ত ব্যক্তিই সার্বভৌম শক্তির আধার। এইরূপ ভৌগোলিক প্রতিনিধিত্বের প্রধান যুক্তি হইল নির্বাচন এলাকার মধ্যে বসবাসকারী সকল লোকের স্বার্থ প্রায় এই ধরনের।

কিন্তু এইরূপ প্রতিনিধিত্ব গণতন্ত্রের পরিপন্থী। এই ব্যবস্থার প্রবর্তন করা হইলে ক্ষুদ্র ক্ষুদ্র স্বার্থ প্রধান হইয়া দাঁড়াইবে। কারণ নির্দিষ্ট অঞ্চলে সকল বসবাসকারীর স্বার্থ এক নয়। বর্তমান সমাজ-ব্যবস্থায় বিভিন্ন পেশায় নিযুক্ত মানুষ, বিভিন্ন স্বার্থের লোক একই অঞ্চলে বসবাস করে। অতএব একটি অঞ্চলে সমস্বার্থের লোকের সংখ্যা অত্যন্তই সামান্য। একজন অধ্যাপকের প্রতিনিধি একজন অধ্যাপকই হইতে পারে। কিন্তু আঞ্চলিক ভিত্তিতে নির্বাচন-ব্যবস্থা প্রবর্তিত হইলে একজন অধ্যাপকের প্রতিনিধি হইবে একজন বণিক। ফলে আইনসভায় প্রকৃত প্রতিনিধিত্ব হইবে না। এই কারণে ফরাসী লেখক ডুগো (Duguit), শেফ্লে (Shaffle), ইংরেজ লেখক কোল (G.D.H. Cole) প্রমুখ পেশাগত ভিত্তিতে নির্বাচন-ব্যবস্থা প্রবর্তন করার সমর্থনে যুক্তি প্রদর্শন করেন। ডুগো বলেন যে, সমাজের বিভিন্ন স্বার্থের প্রতিনিধিত্বের মাধ্যমেই সাধারণ ইচ্ছা প্রকাশিত হইতে পারে। জাতীয় জীবনে যত প্রকার পেশা আছে প্রত্যেক প্রকার পেশার তরফ হইতেই বিধানসভায় প্রতিনিধি প্রেরণ করা উচিত। সমস্বার্থের প্রতিনিধিত্ব হইয়া আইনসভা যদি আইন প্রণয়ন করে তবে সমাজের মধ্যে যে শ্রেণী-বিন্যাস অথবা কর্মগত বা পেশাগত বিভাগ দেখা যায় তাহা আইনসভায় প্রতিফলিত হইবে।

সমালোচনা : (১) ফরাসী লেখক ইজমে এই বলিয়া সমালোচনা করেন যে, ইহা এক অলীক ও ভ্রান্ত নীতি। ইহাকে প্রবর্তন করিলে অর্থাৎ পেশাগত প্রতিনিধিত্বের ভিত্তিতে নির্বাচন করিলে সমাজে সংঘর্ষ, বিশৃঙ্খলা এমন কি অরাজকতা পর্যন্ত দেখা দিতে পারে (The principle of representation of interests is "an illusion and a false principle,

which would lead to struggles, confusion and even anarchy.”)। প্রত্যেকটি পেশাগত প্রতিনিধি নিজ নিজ শ্রেণীর ক্ষুদ্র স্বার্থ লইয়া সংঘর্ষ করিলে বৃহত্তর জাতীয় স্বার্থ ক্ষুণ্ণ হইবে।

(২) এইভাবে বিভিন্ন স্বার্থের মধ্যে প্রতিনিয়ত সংঘাত বাধিলে জাতীয় ঐক্যও ক্ষুণ্ণ হয়।

(৩) বিভিন্ন শ্রেণী-স্বার্থকে বজায় রাখিবার জন্ত বিভিন্ন শ্রেণীর প্রতিনিধিরা নিয়ত ঝগড়া ও বিতর্ক করিলে আইনসভা বিতর্কসভায় পরিণত হয়। ফলে আইনসভার দক্ষতাও অনেক পরিমাণে হ্রাস পায়।

সারসংক্ষেপ

নির্বাচকমণ্ডলীর উপর নির্ভর করে গণতন্ত্রের সফলতা। নির্বাচকমণ্ডলীর প্রধান তিনটি সমস্যা হইল : (ক) ভোটাধিকারের ভিত্তি, (খ) নির্বাচন পদ্ধতি এবং (গ) সংখ্যালঘুদের প্রতিনিধিত্ব। গণতন্ত্রের প্রধান আলোচ্য বিষয় হইল প্রাপ্ত-বয়স্কদের ভোটাধিকার। ভোটাধিকারের ভিত্তি হিসাবে কেহ কেহ বলেন, শিক্ষার মান, সম্পত্তির মালিকানা প্রভৃতিব মানদণ্ডে যোগ্যতা বিচার করিয়া ভোটাধিকার প্রদান করা উচিত। আবার কেহ কেহ সার্বিক প্রাপ্ত-বয়স্কদের ভোটাধিকারকে সমর্থন করেন।

নির্বাচনের দুইটি পদ্ধতির উল্লেখ করা হইয়াছে ; যথা, প্রত্যক্ষ এবং পরোক্ষ। পরোক্ষ নির্বাচন পদ্ধতির অর্থ প্রতিনিধি নির্বাচনের পর, প্রতিনিধিবাই প্রকৃত শাসককে নির্বাচন করিবে। বর্তমান বৃহদায়তন রাষ্ট্রে প্রত্যক্ষ নির্বাচন পদ্ধতিতে নির্বাচন করা প্রায় অসম্ভব। তাই পরোক্ষ নির্বাচনের পদ্ধতিকে গ্রহণ করা হইয়াছে।

গণতন্ত্রকে সার্থক করিবার জন্ত সংখ্যালঘুদের বক্তব্যকেও গুণিতে হইবে। এইজন্ত সংখ্যালঘুদের নির্বাচনের জন্য স্বতন্ত্র ব্যবস্থা করিতে হইবে। এই ব্যবস্থাগুলি হইল (ক) সমানুপাতিক প্রতিনিধিত্ব, (খ) সীমাবদ্ধ ভোটপদ্ধতি, (গ) স্তূপীকৃত ভোটপদ্ধতি এবং (ঘ) দ্বিতীয় ব্যালট পদ্ধতি।

উপসংহারে বলা যায়, এই পদ্ধতিগুলির মাধ্যমেও সমানুপাতিক প্রতিনিধিত্বের ব্যবস্থা করা যায় না।

প্রশ্নাবলী

1. What are the different-methods by which the electo-rate can exercise control over their representatives in modern democracies ?

উত্তর সংকেত :—গণউদ্বোধ, গণভোট ও পদচ্যুতি : (অষ্টাদশ অধ্যায় দ্রষ্টব্য।)

2. Distinguish between territorial representation and functional representation, which of them would you recommend and why ? (C. U. 1960)

3. Argue for and against minority representation. Summarise and discuss the means adopted in different States to secure minority representation.

অতিরিক্ত পাঠ্য

Garner—Political Science and Government.

Laski—Grammar of Politics.

Syllabus on Two-years Degree Course

POLITICAL THEORY

Definition. Scope. Methods.

The State. Leading Theories of its Origin and Nature. Law. Government.

The People of the State. The Nation. Nationality as a constituent element of the State. Political Society. Privileged classes. Citizenship. Classes without Political Rights. Rights and Duties. Natural Law. The Territory of the State. Its Political Divisions.

The Constitutions of the State. Different forms of Constitutions. Monarchy, Oligarchy, Aristocracy, Democracy.

The Structure of the State. The Legislature. The Executive. The Judiciary. Power of Taxation. Control of the Public Purse. Test of Popular Liberty.

Growth of the State. Functions of Legislation. The Individual and the State.

The Ends and Functions of the State. Sovereignty and Subjection. The Nature and Organisation of the Public Services.

Syllabus on Three-years Degree Course

POLITICAL THEORY

Definition and scope of Political Science—Relation of Political Science to other Science—Methods of Political Science.

Definition of State—Difference between State, Government and other Associations.

Leading Theories of the Origin and Nature of the State—Theory of Divine Origin—Theory of Force—Theory of Social Contract—Views of Hobbes, Locke and Rousseau—Evolutionary Theory of the Origin of the State—Organic Theory about the nature of the State—The Idealist Theory—Marxist conception of the State.

Nature and characteristics of Sovereignty—Legal and Political Sovereignty—De Jure and De Facto Sovereignty—Doctrine of Popular Sovereignty—Austinian Theory of Sovereignty—its critical estimate—Theory of Limited Sovereignty. Attacks upon the Monistic Theory of Sovereignty.

Definition and nature of Law—Different kinds of Law—Sources of Law. Distinction and relation between Law and Morality. Relation between Law and Liberty—The Concept of Liberty. Safeguards of Liberty in a modern State—Concept of Natural Law and Natural Right.

Meaning of Nationality—Nation and Nationalism—Essential elements of Nationality—Right of Self-Determination—Mono-National State Vs. Poly-National State—Dangers of Nationalism—Nationalism and Internationalism.

Citizens and Aliens—Modes of acquiring citizenship—Rights and Duties of citizens—Hindrances to good citizenship—Relation between Rights and Duties.

Unions of State and Forms of Government—Personal and Real Union—Confederation—Federal Union—Nature and

types of Federation—Chief features and conditions of Federation—Merits and defects of Federation—Alliance—Distinction between Unitary and Federal Governments.

Forms of Governments—Monarchy, Aristocracy, Oligarchy and Democracy—Types of Democracy—Strength and weakness of Democracy—Comparison between Democracy and Dictatorship—Conditions essential to the success of Democracy—Parliamentary and Presidential Governments, their strength and weakness.

Structure of Government—Organisation and functions of Legislature, Executive and Judiciary—Bi-cameralism, its merits and defects—Separation of Powers.

Functions of Government—Individualism—and Socialism—their comparative merits and defects—Types of Socialism.

Constitution—Different kinds of constitutions—their strength and weakness.

Party systems—Its advantages and disadvantages—Two-party system Vs. Multiple-party system—One-party Rule.

Public opinion—Its nature and its Importance in Popular Government—Agencies for the formation of Public Opinion.

Electorate—Universal Suffrage—Methods of Minority representation—Direct and Indirect election—Relation between the representative and his constituency.

